



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



OPERE
DI
GIAMBATTISTA VICO

ORDINATE ED ILLUSTRATE
COLL' ANALISI STORICA DELLA MENTE DI VICO
IN RELAZIONE ALLA SCIENZA DELLA CIVILTÀ

DA
GIUSEPPE FERRARI

VOL. III

J. B. VICI

OPERA LATINA

RECENSUIT ET ILLUSTRAVIT

JOSEPH FERRARI

TOMUS II.

MEDIOLANI

EXCUDEBAT SOCIETAS TYPOGRAPHICA
CLASSICORUM ITALIAE SCRIPTORUM

MDCCCXXV



LECTORI

Noveris, humanissime Lector, *Unum* atque *Triadem* priscae Italicae Scholae constituere illam veluti mathematicam *formulam*, unde gignitur aliturque summus Juris Universalis conceptus, qua latissime patet, ac pro versicoloribus formis quibus ob peculiarem temporum hominumque rationem induitur. Jam vero hac formula Vicus suum ipse argumentum quod assumit, ita enunciat: « Omnis divinae atque humanae eruditionis « elementa tria, *Nosse, Velle, Posse*, quorum principium unum Mens, cujus oculus Ratio, cui lumen « praebebat Deus. » Sibi vero explicandum suscipit *originem, circulum, constantiam in Deo* omnium cognitionum divinarum humanarumque sub ea triplici divisione quam statuunt praedicta elementa *Nosse, Velle, Posse*. Congruum erit fortasse ut isthaec formula seu potius symbolum hoc evolvatur, quod in Vici doctrina duplicem sensum gerere posset quemadmodum apud antiquissimos populos qui ipsum vetustis Italis traderunt, reapse praetulit.

Porro *Unum* in Vici disciplinis spectatum non aliud est quam Ens illud primum quo omnia sustentantur (1); factum verumque est exactissimum atque infinitum (2); virtus illa est ex qua universitas rerum erumpit (3); punctum illud est in quo defigitur rationalis mentis

(1) Vol. praec. p. 106, et p. 162 hujus vol.

(2) Vol. praec. p. 52.

(3) Vol. praec. p. 104 et passim.

intuitus, et in quo intellectus, dum nititur sibi causalitatem effingere, simul identitatem concipit utpote naturae generatricem; est illud Ens a quo homo nequidquam conatur suam ipsius existentiam rationaliter sejungere (1); etiamsi ingenii sui vires exerat ut ope identitatis causalitatem pervadat (2); siquidem hac etiam logica permutatione inducta, mens interdum in absoluta Unitate remanet. Brevius itaque Unum, quod Vicus proficitur, ad objectivum idealismum deducit, depromptumque videtur ab Uno Parmenidis, ab Ente Eleaticae Scholae, quam Strabo tamquam rivulum ab Italica manantem existimat.

Sed Unum in symbolo quod omne Jus Universale resumit, a Vico connectitur implicaturque cum Triade *Nosse, Velle, Posse*; ac revera in eo opere quaecumque tam sublimiora innuuntur de Ente, de Hominis scientia, de morali doctrina, de primoribus juribus, de socialibus institutis; ipse ordo historicus quo et peculiaria individua et nationes evolvuntur; atque, ut brevius loquar, integrum ejus systema illa Triadis nota quam diximus, *Nosse, Velle, Posse*, perspicue admodum insignitur. Hinc ea omnia invecta sunt, scilicet in Ontologia Dei sapientia infinita, omnipotentia, summa bonitas (3); in Psychologia ratio, concupiscibilitas, irascibilitas (4); in Morali cupiditas, error, animi perturbatio, et quae hisce adversantur, nempe prudentia, temperantia ac fortitudo (5): hinc in Jurisprudentia triplex illud Hominis jus primum, videlicet tutelae, dominii ac libertatis, quod quidem jus, societate se-

(1) Vol. praec. p. 58, 105.

(2) Vol. praec. p. vi-viii.

(3) Pag. 19.

(4) Vol. praec. p. 77, et p. 20 hujus vol.

(5) Pag. 21 et 24.

mel constituta, in Dominio quod eminens appellant, in civili libertate atque imperio relucet (1): hinc in politica triplex illa rempublicam moderandi forma, aristocratiae scilicet in qua Tutela praevalet, Monarchiae in qua Dominium, ac denique popularis regiminis, in quo primas obtinet Libertas (2): hinc tam in individua hominum vita, quam in nationum decursu triplex aetas, ut ajunt, nempe sensuum Tutela, Libertas affectuum et Dominium rationis (3); hinc in ipsa re Romanorum publica moderanda tres illae tamque spectandae prae-rogativae Connubiorum, Magistratuum ac Sacerdotiorum (4)..... Ac propterea quisque intelliget eam quam Vicus proficitur Triadem, nihil aliud esse nisi abstractionem quamdam cui veluti basi innitatur artificialis illa ordinatio quam ipse Universali in Jure defendit contentione ingenii sane admiranda. Quod vero Triadem hanc suggererit jam a summa temporum vetustate Italica Schola, procul dubio est: namque eadem observatur nobis in moralibus Theagenis, Architae, Timaei Locrensis, Lucani, Metaponis, Critonis, Cliniae fragmentis; Romani vero scriptores de agrestibus studiis agentes, in sua ipsorum arte explicanda eandem adhibuerunt; ac Columella praesertim eandem memorans ad remotiorem antiquitatem refert. Jam quod formula isthaec fundamento esse possit amplissimis quibusdam ordinationibus atque civilis philosophiae indoli accommodari, hoc valde innotescit ex usu quem ipsa clarissimis viris Melchiori Gioja ac J. Dominico Romagnosi nuperrime prae-buit, a quibus postremam veluti sanctionem eadem reci-

(1) Pag. 39, 56.

(2) Pag. 71, 73.

(3) Pag. 76.

(4) Pag. 377 et passim.

pere visa est; sanctionem, inquam, Italici ingenii, quod licet experientiae dictamina consulat, ac sibi in praesidium sumat, ea tamen peculiari virtute eminet, ut quicquid experientia invenerit atque docuerit, ope atque artificio abstractionum suae singillatim classi subji-
ciat, et pro suo singillatim ordine definiat.

Neque vero putandum est Vicum temere subjecisse suos de Jure Universali libros formulae illi quam vetus Italica Schola profitebatur. Nam ipse ait se hoc opus aggressum fuisse ut argumentum cujusdam orationis suae commonstraret, in qua argumentum illud sub iisdem verbis proposuerat atque tractaverat (1). Itaque Vicus, non operi suo formulam, sed e contra opus suum formulae aptandum curabat. — Jam vero quid fieri potest ut Jus Universale, quod tot tantaque inter se dissita subjecta comprehendit, sibi proponit Philologiam ad scientiam redigendam, tam jejuna hujusmodi formula Ontologica annuncietur? Universali in Jure Vicus, praeter moralem ac jurisprudentiam, *Rerum Humanarum Scientiam* amplectitur, necnon summum illud de perfectibilitate problema; explicandum suscipit immensum quod inter *Hominem Naturae* atque *Hominem Artis* occurrit intervallum; ad poëseos linguarumque origines ascendit; mythologiam interpretatur; ad genuinum verumque sensum exigit vel remotissimae antiquitatis traditiones; regiminis legumque Romanarum historiam peculiariter describit: jam ad haec omnia inquirenda tam nova, tam ampla, tam longe lateque vagantia, quomodonam Vicus istiusmodi symbolo priscae Pythagoreorum Scholae, *Uno* videlicet ac *Triade* utebatur? Quaeenam ideae tam singulari nexu sociatae perficiebant, ut in nostri Auctoris mente abstractiones

(1) Vide Vici Vitam.

metaphysicae propiores fierent scientiae iis temporibus abditae, ac tot tantisque divinationibus, quae ab eo in historiam institutae fuerunt?

In prima operum philosophicorum serie Vicus, dum Carthesianam novitatem oppugnabat, duplicem inquisitionum seriem consectabatur, unam quidem historicam, philosophicam alteram: primam illam statuerant suae ipsius ideae de Romanae jurisprudentiae progressibus, quos innuit in sermone *De nostri Temporis Studiorum Ratione*; hanc vero *Metaphysicus* ejus Liber, quem ob oculos ponebat ut quamdam vetustissimae Italicae philosophiae instaurationem. In hac duplici inquisitionum serie haud difficulter introspicitur illud veluti germen progressuum quos ulterius Vicus consecutus est, dummodo quaecumque indicia nobis suppeditant Vici opera pro historia ipsius idearum detegenda, ea minime negligantur.

Ac 1.^o a libro *De Antiquissima Italorum Sapientia* exordium ducentes reperimus istius operis titulum, praeter Librum *Metaphysicum*, *Moralem* quoque pollicitum esse. An vero minus probandam censemus conjecturam illam, quod nempe Vicus, dum *Metaphysicum* Librum scripto exarabat, rem moralem systemati suo congruam jam mente complexus fuisset? An minus probandum, quod in sua morali emicaret formula illa, *Nosse, Velle, Posse*, olim a vetustissimis Italis enunciata, quorum doctrinam Vicus in ejusdem operis titulo sibi instaurandam esse profitebatur? Et sane fingamus Vicum dum sua studia ad moralem conferebat, simul ad jurisprudentiam philosophicam manum admovisse; nonne simul formula Pythagoricae Triadis illi retinenda fuisset?

2.^o In libro *De Antiquissima Italorum Sapientia* curaverat Vicus ideas veterum Italorum evolvere, et cautius duxerat ipsas in latinae linguae originationibus,

quam in legibus atque in priscis Romanorum caeremoniis persequi. Hujusce vero consilii rationem ipse reddit in altera ad *Doctorum Ephemerides* responsione. Quod enim veterum Italorum ideae in caeremoniis ac legibus vetustae Romae inquirantur, hoc idem esse aiebat ac opus suscipere in incerto maxime positum ob antiquae religionis arcana ac monumentorum inopiam quae ad nos usque pervenerint (1). Quamobrem minime veremur asserere, quod ipsi, simul ac primam illam rationem in linguarum origine constitutam fastidivisset, altera deligenda erat, monente ipsa rerum natura, ac origines antiquae Romae pertentandae ut ejus historiam sibi patefaceret juxta ideas quas in oratione *De nostri Temporis Studiorum Ratione* jam ipse protulerat.

3.^o At enim quod taedium illud irrepserit, nemini dubium esse potest. Nam in quodam suae Vitae loco reperimus, quo tempore ipse contra *Doctorum Ephemerides* decertabat, « fastidium a grammaticis etymologiis exortum jam Vicum aggredi coepisse. » Pro grammaticis vero etymologiis Vicus reapse intelligit quas in Libro Metaphysico secutus est, quas in Jure Universali, non verbo sed facto deseruit, sed explicite quoque in *Scientia Nova* rejecit (2).

4.^o In quodam Vitae suae loco affirmat Vicus se in conscribendis libris de Rebus ab Antonio Caraphaeo gestis eo adactum fuisse ut Grotium perlegeret, hanc vero lectionem eum monuisse de necessitate cujusdam systematis ita comparati ut ad unum veluti ordinem philosophiam ac philologiam redigeret; « ed in questo intendimento (ita reponit) egli tutto spiccosi dalla mente di

(1) Vol. praec. p. 121.

(2) Pag. 108, 185, 97 hujus vol., et § 22, 36 Lib. III *Scientiae Novae* edit. I.

« Vico tutto quello ch'egli era ito nella mente cercando
 « nelle prime orazioni augurali, ed aveva dirozzato
 « pure grossolanamente nell'orazione *De nostri Tem-*
 « *poris Studiorum Ratione*, e con un poco più di af-
 « finamento nella *metafisica*; ed in un'apertura di
 « studj pubblica solenne dell'anno 1719 propose que-
 « st'argomento: *Omnes divinae atque humanae eru-*
 « *ditionis elementa tria*, Nosse, Velle, Posse, *quorum*
 « *principium unum Mens, cujus oculus Ratio, cui ae-*
 « *terni veri lumen praebet Deus.* »

Jam vero postquam Vicus suas ipsius ideas de philo-
 sophia atque morali, ex quibus jurisprudentia oritur,
 ad Triadem Pythagoricam conformasset, ac suomet errore
 commonitus ad origines Romae mentem suam contulisset;
 postquam duplici diversarum inquisitionum serie disten-
 tus, una quidem philosophica moralem atque jus spe-
 ctante, altera vero philologica, quae in Romae anti-
 quitate et legibus versabatur; profecto ejus mens tam
 ingenti logices vi praedita nequivit quin penitus per-
 ciperet quamdam veluti pugnam inter philosophicam
 ac gentium sapientiam, inter jus naturale quod scien-
 tia praeciperet, ac illud quod a Romana jurisprudentia
 flueret; uno verbo, non potuit quin perciperet totum,
 quantum illud est, intervallum philosophiam inter at-
 que historiam, inter *Platonis rempublicam*, ac *Romuli*
faecem occurrens. — Proinde opus erat quodam veluti
 nexu philosophiam inter atque historiam, inter Romuli
 ideas ac quae Vicus vetustissimis Italiae philosophis
 affinxit; ac propterea theoriam Platonis et peculiariter
 adhuc Malebranchii de idearum origine in historiam
 transtulit; item sensus existimavit veluti occasiones ideis
 in animo excitandis idoneas; quaslibet universae hujus
 rerum materiae operationes eo contendere censuit, ut
 in homine suimet ipsius, suarumve latentium in animo

idearum cognitionem excitent (1). Ob hanc theoriam *mundus* idearum gradatim sese exhibet, a *mundo sensationum* tamquam excitatus, et universa historiae facta cuidam superiori legi subjiciuntur, ut gradatim hominum genus ad idearum ordinem, quibus aguntur philosophi, perducatur (2). Idcirco nemini mirum esse debet, quod Vicus ex ea veteris Italicae Scholae formula rem moralem ac jus philosophorum naturale dijudicans, eidem quoque formulae societatis civilis ac praesertim historiae Romanae origines progressusque subjecerit. Etenim si Pythagorica Triasfinali ordine ac doctrinis philosophicis informabatur, nonne ipsa in historico quoque processu ad hunc ordinem comparandum instituto praestare debebat? In hoc vero Triadis, ut ita dicam, dominatu, quid tandem miramur accessorias quaslibet investigationes de poësi, de linguis, de mythologiis ad comprobandum confirmandumque historicum ordinem, quem sibi Vicus efflavit, destinatis; quid miramur, inquam, sese veluti collegisse sub formula Pythagorica, quae fundamentalis operis conceptui praeerat?

Quaecumque veritas sub nomine scientiae utpote talis admitti nequit nisi ea conditione ut respuatur quidquid ex adverso contenditur; nullum vero systema ad veritatem accedet nisi in singulis sibi partibus cohaereat, nisi facta omnia complectatur. Hoc illud est quod Vicus intelligit dum systematis constantiam dicit, ac secundo in Libro Juris Universalis, ut sui systematis constantiam ostendat, probandum suscipit *in Deo omnes constare, omnesque praeter Deum lapsus esse et errores*; nam quod totum, quod verum, quod reale di-

(1) Cf. Lib. Metaph. 81, 128, 130, et pag. 9 15 hujus vol.

(2) Lib. I, cap. XLVI.

citur, hoc Deus est: quod vero falsum est, illud minime existit, ac proinde in Deo constare minime potest. Liber I in duobus argumentis gravioris sane momenti versatur, ut scilicet genesis logica Juris exponatur, atque ut origines progressusque jurisprudentiae tamquam factum in historia spectatae describantur. Jam vero duobus reapse partibus coalescit Liber *De Constantia Jurisprudentis*. In prima doctrinae de metaphysica, de morali, de jurisprudentia cum diversis Epicuri, Zenonis, Platonisque scholis comparantur, ut constantia, seu systematis cohaerentia pateat. In altera vero parte ostendendam sibi Vieus suscipit systematicam, ut ita loquar, cohaerentiam decursus nationum, qui ab eo spectatur prout fert historicus ordo a progressu legum Romanarum exhibitus. Hac de causa in eruditorum aciem descendit, robustioris suae logicae praesidio communitus; monumenta quae adhuc supersunt de nationum historia consulit; imperfecta reperit, a traditione immutata, atque a doctis suboscure tantum vel perperam intellecta. Cum vero fieri non potuit ut sponte sua primoque adpectu cum omnibus et factis et traditionibus sua ipsius theoria componeretur, tum *philologiam ad scientiam redigendam* esse comperit (1); systema sibi confingit ut mythologias ac traditiones interpretetur, obscurique temporis historiam denuo construat (2); atque hujusce systematis operationem edocet, qua omnes humani generis actus eo connectantur ordine ut suimet historici systematis constantiam efforment (3). In hac altera Libri II Juris Universalis parte perspicue enitet philosophicum munus ad

(1) Lib. II, P. II, cap. I.

(2) Lib. II, P. II, cap. XII-XV.

(3) Lib. II, P. II, cap. XVI usque ad fin.

quod Vicus comparabatur; in hac, inquam, parte tamquam in unum collecta conspiciuntur elementa ea quae deinceps Scientiae Novae opus summopere admirandum gignerent. — Cum Vicus in oratione habita anno mcccix proposuisset argumentum de Jure Universali; viri doctissimi tum temporis, qui animadvertabant eum audentius quam Mirandulanum progredi, mirantes dedignabantur. Hic quippe philosophus nonnisi logice disputandum sumebat de scientiarum veritate: at enim Vicus philologiam pertractandam sumebat, quae in rebus prope numero carentibus versatur, tum religiones sacrosque cultus, tum leges hominumque mores, tum demum linguas, commercia, imperia ac supremam populorum procuracionem respicit. Ac revera humani arbitrii actus ad peculiare certasque leges ipse reducens, hoc quodammodo assecutus est ut philologiam in scientiam constitueret; atque ipsius ope indefinitos humani generis actus lege quadam constringendos suo in Jure Universali suscepit. Hoc vero opus quod aggressus est, mirum in modum et latissime prodire debebat in postrema Scientiae Novae editione; sed Universali in Jure expectationem et vim intelligendi eorum jam vicerat, qui pro judicio de operibus Vici instituendo sibi ad exemplum doctrinas Pici Mirandulani, et angustum ipsius idearum orbem proponere arbitrabantur.

Accuratus ille assiduusque progressus quo Vici mens a prima operum philosophicorum serie ad tertiam incessit, perspicue in Jure Universali innotescit. Hic enim totus, quantus ipse est, dominatus exeritur metaphysicae formulae quam in libro *De Antiquissima Italorum Sapiencia* sibi confinxit; hic manifeste patet singularis tamquam oppositio inter ontologici conceptus severitatem ac multiformem historicarum inquisitionum copiam. Interea hic animadvertere est illius veluti meta-

morphoseos primordia, quae cogitationem Vici a metaphysica formula extricabit ut historicae formae magis congruae committat: hic denique non immerito quispam arguet futurum esse ut metaphysica forma historicae ideae evolutioni concedat; quae quidem idea a libro *De Constantia Jurisprudensis* suppedabitur, ac tandem ceteras absumet et sibi subjiciet; siquidem Vici conatus in prima Scientiae Novae editione eo contendunt ut cum elementis libri *de Costantia Jurisprudensis* maximus ille typus *Historiae idealis* aeternae peculiari ordine disponatur. — Nos in spem adducimur fore ut pro editoris munere quo exhibendus est intuitus tamquam historicus Juris Universalis, sufficiant breviora haec dicta raptim et tamquam gratuito enunciata; nam ipsorum probationes dedita opera attulimus in generali Introductione, ubi etiam castigata exhibuimus sub ratione systematis graviora Juris Universalis menda. Interim, ut philologicae illustrationes ad exitum perducantur, non supervacaneum putamus aliquas animadversiones in medium proferre.

1.° Cum Vicus suum excogitaverit Jus Universale ex impulsu motus qui jam in prima operum philosophicorum serie inceperat; tum minime difficulter concipi potest quam arcta intercedat relatio inter hujusmodi opus ac quae primam philosophicarum Vici lucubrationum seriem constituunt. Metaphysica enim ac praesertim doctrina de Ente, psychologia et potissimum ideae de ingenio, in Jure Universali maximam sibi amplitudinem acquirunt; ideae vero quae ad methodum spectant, accuratissime aptantur. Item quae theorica oppositio in Carthesium apparuit primam philosophicorum operum seriem evolventibus, eadem in nova scientia philologica

tamquam ad factum redigitur⁽¹⁾; atque historica indicia quibus innititur liber *De Antiquissima Italorum Sapientia* quin etiam cogitata quae in jurisprudentiam prodidit Vicus ubi egit *De Studiorum Ratione* ⁽²⁾, ipsa in Jure Universali fusiùs ac validius iterum proferuntur. Sed inter relationes gravioris momenti ac difficilioris intellectus in Libro Metaphysico et Jure Universali occurrentes ea est quae occasionum theoriam sive doctrinam de origine idearum respicit. Etenim Vicus in Metaphysico Libro proclivem se praebebat Platonicae theoriae, quam, nonnullis varietatibus inductis, adoptarunt viri clarissimi, La Forge, Herbert, Malebranchius et alii; quae quidem theoria idearum originem deducit ex sensationum occasione, ac propterea in externo sensuum mundo intuetur tamquam causam interioris idearum mundi concitatricem. In opere vero de Jure Universali ipse existentiam nationum ac humani generis complexive sumtam perinde considerat ac si integram unitatem constituat; nationes hominumque genus reputat tamquam individua vita constare; atque inde nationibus hominumque generi suae notiones psychologiae accommodat ⁽³⁾. Quamobrem sicut in individuo homine se nobis praebet infantia, adolescentia atque matura aetas; ita hominum generi sua est pueritia, progressio atque aetatis maturitas; et quemadmodum in individuo sensus ex quadam occasione excitant ideas, sic in hominum genere exterior mundus interiorem impellit, auctoritas vero rationem: necessitas item atque utilitas ad veritatem dignoscendam perducunt; denique ut homines singillatim sumti a philosophis artificiose, per sensuum

(1) Pag. 186-188.

(2) Passim.

(3) Pag. 155, 215 et seq.

ministerium atque interrogationes, ut ajunt, recte institutas gradatim incitantur ad suamet ipsorum cognitionem atque idearum in animo delitescentium arripendam; ita nationes universae a Divina Providentia, dictante necessitate atque utilitate, ad eam ordinis normam quam ratio postulat, gradatim perducuntur. Sic jurisprudentiae historicum ordinem, sic ordinem logicum sibi invicem connexos percipimus; sic Platoniarum genesis idearum non impedit quominus in republica Romuli emolumenta et lucra supputentur; sic duplex illa tanquam inflexio in quam cogitata hominum vergunt, et quam Hobbesius et Plato repraesentant, uno eodemque systemate conciliatur. — At cum frustra conaremur nostram ab Uno existentiam rationaliter sejungere, quomodo tandem affirmabimus sensus, occasione aliqua intercedente, ideas in nobis excitare? Numquid, ubi sensibus ac rationi prospicere velimus, provinciam unicuique suam dimetiri possumus iisdem finibus descriptis quibus rem physicam ab ea quae metaphysicam spectat dirimere solemus, quibus conscientiam a scientia strictiori hoc nomine dicta, phaenomena a causis, prout uniuscujusque rei conditio suppetit, quispiam sibi duceret segreganda? Numquid Vici systema quo progressive evolvitur ante oculos tum Verum, tum Bonum, utrumque veluti sub identica ratione in absoluto spectatum, ejusmodi, inquam, systema strictioribus antiquae Italicae Scholae finibus detineretur? Sane confidimus quaestiones id genus solvisse, cum singularem Vici doctrinae provinciam duo inter systemata Spinosae ac Platonis assignavimus.

2.^o Potior Juris Universalis pars impenditur in describenda historia regiminis legumque Romanarum jam inde a Romulo usque ad Constantini regnum. Praepòtero,

quod mirum est, ordine postremum Romanae historiae dimidium in primo describitur Libro, et quod primum est dimidium, in Libro secundo plerumque reperitur. Primae vero origines ac primus historiae Romanae excursus explicantur praesertim philologicâ scientiâ ac characteribus poëticis adinventis; historia Juris Universalis, quae posterior sit XII Tabulis, scientia politica speciatim expenditur: quod autem vetustissimam Romanorum historiam respicit, Vicus Niebuhrium archaeologicis, in divinationibus quam longe praecurrit; relate vero ad posteriorem historiam quam una cum rei civilis moderandae prudentia meditatus est, ipsum jurisprudentiae Machiavellium non immerito dixeris.

A postrema Scientiae Novae editione clarius infertur Vicum in archeologicis atque politicis divinationibus, quas Jus ipsius Universale de historia ac Jure Romanorum efferebat, gravius ejusdem Operis momentum constituisse. Haec enim habet: « La Legge Regia Civile che « dicesi comandata dal popolo Romano per legittimare « la Romana Monarchia nella persona d'Augusto, ella « ne' principj. del Diritto Universale si dimostra essere « una favola; la quale con la favola ivi dimostrata della « Legge delle XII Tavole venuta da Atene sono due « luoghi per li quali stimiamo non avere scritta inutil- « mente quell'opéra. » Et hi quidem loci minime habendi sunt ut quaedam theoriae invicem sejunctae, sed duos veluti cardines constituunt, quibus universa Romani Juris historia circumvolvitur; atque inde conjicere fas est, majori libri illius parti auctorem suffragatum fuisse. — Ceterum Jus Universale, praeterquam quod regiminis ac Jurisprudentiae Romanorum historiam continet, ostenditque viam qua mens Vici progressa est, alias quoque utilitates iis qui in Vici operibus studium suum impendunt, praebere potest. Nam quicumque ante

Scientiam Novam Jus Universale perlegerit, simul doctrinas eas omnes quas implicite praesumit, ipse dignoverit; item senserit, quo propius scientia ad facta accedit, eo longius a perniciosis abstractionibus recedere; cumque in factorum cognitionem, quae genericis Scientiae Novae abstractionibus subintellecta adduntur, pervenire potuerit, tum integrum erit illas rectius aestimare; denique conspiciet Vici theorias minus ad relativam ipsarum perfectionem pertinere, sed minus etiam violenter constringi in ea formula angustiori qua *idealis ejus historia cunctis nationibus communis* detinetur.

3.^o Anno post editum librum *De Constantia Jurisprudenteris* elapso, Vicus opusculum 84 paginis conflatum protulit in lucem, quod principi Johanni Baptistae Philomarino dicaverat, sub titulo: *Notae in duos libros, alterum de uno Universi Juris Principio*, etc., *alterum de Constantia Jurisprudenteris* (1). Itaque Vicus, a quo

(1) Ne quem Vici laborem missum faciamus, hic Epistola refertur ad principem Joan. Bapt. Philomarinum cui Vicus dicaverat, et a cujus nomine auspicatus est Adnotationum librum.

Maximo merito Tuo, Excellentissime Princeps, JOH. BAPTISTA PHILOMARINE, Notas hasce in duos Libros de Principiis Humanitatis Tibi do dedicoque, qui Te ab ineunte adolescentia humanitatis studiis erudivi; deinde in Tuas cum Foemina primaria Maria Victoria Caracciola ex Sancteramentensium Marchionibus Nuptias Epitalamicum Carmen pro his Humanitatis Principiis edidi: demum de iisdem domi Tuae, quo complures Nobilissimi Adolescentes, Virique Principes qua ingenio, qua judicio, qua doctrina et interiori eruditione ornatissimi, Tibi sive amicitia, sive genere, sive affinitate conjunctissimi conveniebant, disserui. Accedit Tui praefarissimi Generis dignitas, de cujus Familia ab Seculo usque VIII antiquissima extant testimonia nobilitatis, ultra quod tempus ea de re gravissimi Scriptores certa documenta ferme desperant. At vero tuam ad mille annos praeclaræ Originis vetustatem cum publica Tuorum Majorum munificentia, tum amplissimarum opum perpetua successio conservant. Fundus enim Sacrarum publici ab seculo usque X ex tuae Gentis jure, Divo Januario aliisque Urbis Neap. Tutelaribus Divis donatus, et priorum duum, et octo posteriorum seculorum de tua Nobilissima Gente monumenta custodivit: atque ea ipsa publica largitas, et magnificum praeterea Collegii Soc. Jes. in hac Urbe Templum, munificentia Thomae Philomarini, Roccae Principis, a fundamentis extractum servavit posteris. Perpetuus autem Tuae amplissimae Domus splendor ab Thoma Philomarino, Magno Regni Neap. Senescallo, et Ferdinandi I summo armorum Duce luculentior effulget; qui Juliani VIII et primus Roccae Aspidis Dominus, a quo Tu VIII Princeps numeraris; quindecim perpetua serie Majores amplius ditio-

cum omni, ut ipsa dignitas ferebat, magnitudine revocata est illius nationis historia quae ingentibus semper vestigiis humanae perfectibilitatis semitis institit; a quo proclivitas illa emicuit omnes quascumque historias ad Romanum exemplar redigendi; a quo in hunc finem conversum est acerrimum novumque hermeneuticae suae instrumentum; Vicus, inquam, sibi ejusmodi iter paraverat, in quo remorari minime licuisset. Quomodo enim ipsius mens concitato illo Juris Universalis

nibus florentes pollentesque Tibi conjungit. Sed et opum splendor, et publicorum operum munificentia in piam causam maxime, rerum humanarum felicia tempora protestantur: illa vero gloriae argumenta sunt magis propria, quae hanc ipsam temporum peperere felicitatem, praeclari sapientia et virtute Viri, qui in maximis nostrorum Regum et Summorum Pontificum temporibus duo summa Italiae decora, Neapolitanum Regnum et Summum Pontificatum defenserunt. Et ut praeteream ex Tua Gente Gratulamur, quae Apostolicae Sedi Bonifacium IX non tam quod felicissima peperit, quam quod sapientissima mater eduxit; et Stephanum, XI seculo Tarentinorum, et Petrum Bonifacii Pont. Max. amicitium, Reginorum Archiepiscopum; Marinus, D. Thomae Aquinatis auditor, Archiepiscopus Capuanus, qui decem Pontificibus Maximis in gravissimis Ecclesiae rebus perpetuam navavit operam, suamque Ecclesiam adversus Fridericum Imp. quam fortissime defendit: Matthaeus vero, Archiepiscopus Neapolitanus, apud Carolum et Robertum Andecavenses Reges summis honoribus, et ad Clementem V aliosque Principes summos legationibus bene gestis, Regnum Neap. ornavit, auxitque: M. Antonius, Ferdinando a cubiculo, Friderico a consiliis, Ferdinando Catholico Tarentum acriter ac diu obsessum ab Gallis propugnavit; quo merito Roccae Aspidis beneficio donatus est: Joh. Baptista Carolum V Caes. in bellis Africano, Gallico, Belgico perstrenue obsecutus, Roccae Comes creari meritus est: Thomas, Roccae Princeps, Italiae quieti studens, in controversia, quae Paullum V inter et Venetam Remp. exarsit, diligentia, consilio, auctoritate dignitatem Rom. Pontifici cum Veneti Senatus gratia conservavit. Sed meritis in Remp. praetergreditur ceteros Franciscus III Roccae Princeps, qui in Masanelliano tumultu, qui Regnum Neap. universum concusserat, Italiam exterruerat, Europamque ferme omnem ad se converterat, obsequio in Regem, pietate in Patriam spectatissimus, difficili agens temperamento, ut ipsius nec virtus esset Principi formidolosa, nec obsequium plebi suspectum, is in primis plebem ad sui Regis fidem revocavit: quo in Hispaniensem Remp. beneficio a Philippo IV Rege Aurei Velleris Torque insignitus est. Ascanii autem Philomarini, S. R. E. Cardinalis Amplissimi, Neapolitanorum Archiepiscopi, gentilis Tui tum in Sedem Apostolicam et Neapolitanam Ecclesiam, tum erga Hispanos Reges, Populumque Neapolitanum tot tanta ac tam praeclara sunt merita, ut eum nominasse, sat sit ad aeternum Tuae Gentis decus. Hinc Tuae nobilissimae Domus Majores non modo omnibus Neapolitanarum, sed externarum quoque Rerum Scriptoris sane multis, ut Platinae, Ciacconio, Bzovio, Ughellio, Nostradamo, Zuritae, Guatio, Gualdo, Syro aliisque scribendi argumenta publice praebuere: quae verae gloriae fidelis nota semper habita est, et habebitur. His avitis Tuas pertexerem quoque laudes; nisi Tu, ut illas lubens audis, quia putas alienas, ita non toleras Tuas, quas Tua in summa fortuna summa animi moderatio pulcherrimas et amabilissimas facit. Tot igitur tantisque nominibus hic Liber jure Tibi inscriptus, ut Te dignus quoque habeatur, Tua dignatio praestare potest. Excipe eum igitur, qua benignitate soles, auctorem; et is praeclarum fuerit posteris monumentum summae observantiae, qua Te prosequor, etc.

impulsu acta parumper sistere potuisset, hoc semel ad-
misso quod ille sentiebat, nempe philologiae constan-
tiam perfecte demonstrari non posse nisi omnium hi-
storia nationum ad genericum typum quem historia
Romana partim suggereret, deduceretur? Quodcumque
enim factum, aut facti indicium, quaelibet etiam con-
jectura cum systemate jam mente concepto sua tam-
quam sponte colligebat sese, eique opportunitatem
praebebat peculiarem Romae historiam ad omnium
nationum genus protendendi, efficaciorumque probandi
vim et usum hermeneuticae quam recens invexerat.
Hoc sane mentis intuitu suae in Jus Universale ad-
notationes inspiciendae sunt; ipsas enim non aliud
tandem existimes quam continentem veluti syllogem,
in qua sparsim jaciuntur et cogitata quaedam et frag-
menta et factorum interpretationes et instituta com-
parationum examina, et in operis illius commentis ali-
qua vel addita vel castigata, ac pro variis singulisque
recensita locis: idque eo fine, quemadmodum diximus,
ut Romanus typus genericam formam et universis na-
tionibus congruam indueret, ac hermeneuticae mytho-
logicae novum robur accederet. Quod autem Vicus
Homeri poëmata legerit, hoc in causa fuit cur opu-
sculum illud ederetur; ac revera non exigua adnota-
tionum pars eo revolvitur ut duo Homerii poëmata os-
tendantur duobus quodammodo nexibus colligata Grae-
ciensium historiarum tempus *Obscurum* et *Heroicum*
oculis subjicientium.

Nostra in editione textui subjecimus locisque sibi
respondentibus ducena illa fragmenta quibus opuscu-
lum adnotationum ad Jus Universale componitur. Nec
duximus ea ad finem operis rejicienda esse, quatenus
adnotationes plerumque perbreves sunt, ac nimis pro-
xime ad textum referuntur, et quatenus hac ratione

facilior evadit lectio operis, quod jam ex semetipso nimis refertum exemplorum prolationibus revocationibusque apparet. Profecto in editione quae mentis Vici progressus sibi consecrandos proponit, adnotationes in Jus Universale existimandae erant ut quaedam indicia et signa pro historia idearum Auctoris persequenda. Non ista obliti sumus; ac propterea quicumque post operis lectionem, denuo adnotationes excurrere judicaret, in iis religiose retentum comperiet ordinem ipsum quem Auctor secutus est in notis referendis, utpote quae ordini suo aptius respondent historico idearum Auctoris ordini. Quare nota illa ex. gr. qua in Homeri carmine ipse rem feudalem interpretatus est, a nobis relinquitur ad calcem capitis CXCI Libri I, ubi ab ipso refertur, quamquam apposita ad calcem paginae 308 Libri II propius generali operis ordini inserviisset. Ac revera ipsa jam deprehensam supponit novam poëticorum characterum hermeneuticam quae in Libro II exponitur, jam deprehensam veritatem sensus Homeric carminis, qui in notis ad Librum II explicatur; ac aliunde convenit in ostendenda historici systematis constantia quod revera argumentum constituit partis II Libri II *de Constantia Philologiae*. Item in aliis Vici adnotationibus ordine suo statuendis, quemadmodum ipse retulit loca, ita et nos referenda putavimus; tum solummodo mutatione inducta, cum ali-quod typographicum mendum pateret. Minutiori hac diligentia opus esse putavimus; nam loca quibus adnotationes Vici referuntur, illas in Auctoris mente ideas excitarunt, unde eorumdum elementorum copia adaucta est, quae in historico Scientiae Novae systemate ad ordinem reducta coaluerunt. Ut vero propius ad ordinem accedamus, quo cogitata Vici sibi succedebant, nemini supervacaneum videbitur quod nos quadam

etiam religione servaverimus asteriscum * ipsum, quo in editione principe signabantur ejus Notae tempore superiores, adjectaeque peculiari cuidam codici ipsius, quem Bibliothecae Principis Eugenii a Sabaudia traditum fuisse novimus (1). Ne qua vero confusio oriatur, revocatio adnotationum quas a Vico seorsim editas nos ad calcem editionis hujus nostrae collocavimus, ea, inquam, revocatio litteris alphabeticis, (a) (b) etc., indicatur; sed superiores adnotationes quas Auctor suo codici apposuit, signantur litteris alphabeticis simul atque asterisco, (a)* (b)* etc.

4.° Antequam Jus Universale ederetur, Vicus evulgerat italico idiomate synopsis illius operis, ad quod ipse pluries appellat. *Ephemerides vero Italiae Eruditum*, qui fortasse minus cupiebant iterata cum Vico disputatione misceri, a reddenda operis ratione abstinentes, commodius sibi duxerunt haec sequentia innuere: « che l'Autore istesso ne ha sufficientemente informato « il pubblico fin da quando se ne faceva l'impressione « con esporne l'idea in un foglio volante, che di poi « fece spargere fra gli eruditi » (vol. XXX, p. 433). Sed synopsis illae inquirendae nos frustra adlaboravimus; illarumque sine spe amissam arbitramur. Itaque nulla alia ratione huic synopsi tam gravis momenti ad historiam idearum Vici assequendam suppleri potest nisi conferendo loca in quibus Auctor eandem memorat, cum judicio quod Baro de Gemminghen protulit (2).

(1) Ipse Vicus in calce ad errata libri Adnotationum haec monet: « Notae asterisco signatae, adscriptae sunt margini co-
« dicis qui nunc est in Bibliotheca Serenissimi Eugenii Sabau-
« diae Principis; quibus aliae sunt posteriores. »

(2) Pag. 402.

Quamvis *Ephemeridum* iudicium non suppetat ut dignoscamus quomodo erga secundam operum Vici philosophicorum seriem eruditi Italiae viri affecti fuerint; epistolae tamen quae typis editae sunt adiectaeque ad calcem Juris Universalis, fini illi obtinendo inservire possunt. Vicus enim operum suorum exemplaria dono dederat, liberalitate non adeo communi iis omnibus qui de suo ipsorum ingenio conscii sunt; responsiones vero, laudes atque animadversiones quas una cum gratiarum actionibus ob munus illud collatum ad eum scripserunt eruditi, a Vico in exitu operis referuntur; atque inter referendum ipse sibi placet levitate ea quam illius temporis consuetudo vix tantum excusat. Etenim probari censebat in hominum conspectu sibi ea de re plausus impertitos fuisse; interim vero nihil egit nisi quod disputationum nugas inter doctos excitaret, qui mirabantur in totidem publica iudicia sermones eos conversos quos urbanitas solum dictaverat (1). Ejusmodi epistolae nostris quoque typis editae sunt cum notis quas Vicus applicuit, sed opposito prorsus rationis momento, scilicet ut eo testimonio constet ingenium Vici suosmet coevos qui majori ipsum benevolentia complectebantur pene latuisse. Nos vero consilio Vici inhaerentes doctorum epistolas partiti sumus tum in eas quas ipse vocat *extra ordinem* criticem litterariam ac philosophicam continentes, tum quas *ex ordine*, ubi critices politicae atque ecclesiasticae relationes habentur. Jam vero criticae animadversiones *ex ordine*, ut dictum est, minime fuerunt praetermissae, quatenus Vicus ipsas aliquantuli aestimasse videtur. Ex censuris *extra ordinem* prima est quam misit Didacus

(1) Consule Vitam Vici, et in VI vol. nostrae collectionis epistolam Vici ad P. Giacchum sub die 27 oct. 1721.

Vincentius a Vidania, ad orationem *De nostri Temporis Studiorum Ratione* spectantem; ac comenta quae apposuit Vicus, nexui commonstrando inter hanc orationem et opus Juris Universalis inserviunt. — Alteram epistolam scripsit Ghemminghius in Synopsim Juris Universalis italice editam, et Vicum commendat quippe qui pulchra multa proposuerat ac sciendi cupidinem allicientia. — Tertiam et quartam epistolam pro exiguis habemus syngraphis ac nullius prope frugis ab Antonio Maria Salvini ac Godefrido Philippi missis. — Quintam Agnellus Hispanus et sextam Joannes Chiajesius scripserunt, in iisque amplo ac vividiori sermone Vici praeconia extollunt; haud difficulter tamen videre est quam longe a percipiendo philosophico Vici conceptu et profunditate ejus pervadenda abessent, quam longe etiam a dignoscendo quot motus quantasque idearum novitates in jurisprudentia, in re politica, in Hominis inquisitione, in historiae studio ille excitaverit. — Epistola octava cucullati hominis, Bernardi Mariae Giacchi, urbanum quoddam officium praesefert. — Nona ab eodem, decima a Blasio Caryophylo, undecima a Thoma M. Minorello ex Praedicatorum ordine, conscriptae in editione principe minime reperiuntur; eas nimirum edidit Marchio de Villarosa in II. volumine collectionis summo pretio habendae quam ipse ex Vici opusculis confecit. Hic vero eas retulimus, quia cum ceterarum indole conveniunt, et quia a Vico procul dubio non fuissent omisae, si in tempore recepisset. Hoc integrum est arguere ab ea sollicitudine qua Vicus usus est in Epistolarum tum Minorelli, tum Caryophyli exemplari ad Patrem Giacchi (1) transmittendo, atque a mentione quam de

(1) Vide in sexto volumine nostrae collectionis epistolam ad P. Giacchi missam sub die 27 octobr. 1721.

Caryophylo injectit Vicus in opusculo Adnotationum ad Jus Universale posterius evulgato (1). — Nequidquam vero adjecta esset Joannis Clerici epistola in Jus Universale, quam Vicus tantopere aestimavit, et praemissam cernimus postremae quoque editioni Scientiae Novae quae post annos XX prodiit. In Auctoris Vita, quam statim exhibet sequens volumen, conspiciere est tum scriptum ipsiusmet Clerici, tum rationem qua Vici mentem epistolare illud et perbreve officium impulit. — Qui lector Eruditorum epistolas ad Vicum missas excurrat, nonnullas reperiet locutiones quae ingenio Vici debitae, et a summo erga eum obsequio dictatae videbuntur, at meminerit, quaeso, plerosque eorum qui ad Vicum litteras mittebant, suum ipsius librum jam dono accepisse; meminerit futurum fuisse ut ipsae illae gratulationes et Paulo Matthiae Doriae et aliis tum temporis viris in hominum ore positae ex aequo profunderentur; deinde meminerit Vicum ipsum suis in epistolis valde conqueri de censuris, quin imo de contemptu illo quo eruditi, generatim loquendo, suummet librum acceperunt; denique praestantiam alicujus scriptoris et dici et profiteri non posse, usquedum ejus ideae intellectae adoptataeque non fuerint. Ex hisce animadversionibus profectus justo ipse pretio aestimabit eas dicendi formas qua eruditi sive urbanitate sive prudentia ducti in Vicum utebantur; et singulariter factum esse mirabitur, ut gratulatoriae nonnullorum epistolae qui tantummodo de privatis gratiarum actionibus cogitabant, eodem revolverentur quo severum atque integrum posterorum judicium.

(1) Vide pag. 251.

Interim quod editionem hanc nostram et typographicam accuratorem respicit, illud monendum esse censemus, quod non exiguo labore opus fuerit ut notae suo singillatim ordine collocarentur; dum saepe in textu minus recte referuntur, ut castigarentur menda in eodem textu ducentorum numerum excedentia, quin imo ut ipsa errata quae Vicus castigata exhibuit, castigatiora evaderent; namque accepta prout exhibet Vicus, quaerentibus vehementer illuderent. Vel ipsi tamen editionem protulisse omnibus numeris absolutam minime profiteamur. Quamobrem si quis in nostra quoque menda offendat, haec petimus aequo animo patiatur; vel saltem quod editio isthaec sibi pro jure suo vindicat, *primam* iterum in lucem excitavisse peculiare illud opus inter eximios Vici labores merito recensendum, quod ex tanto annorum decursu ab hominum mente ceciderat, quod non amplius venale prostat, quo copiosiores bibliothecae carent, quod denique ab accuratioribus librorum descriptionibus praetermittitur.

ALIQUOT EMENDATA IN TOMO I.

Pag.	5	L	17	in ipsam	<i>lege</i>	in ipsa
"	8	"	33	institutam		institutoam
"	23	"	37	easdem		eosdem
"	26	"	10	mole		moles
"	27	"	35	mesnas		menas
"	30	"	2	pubice		publice
"	43	"	16	ex maxima		et maxima
"	48	"	3	METHAPYSICUS		METAPHYSICUS
"	49	"	24	ed		et
"	53	"	6	modi, quos		modi, quo
"	60	"	35	profunda		profunda
"	ib.	"	ult.	odie		hodie
"	65			ad marg. l. 14 omnis veris		omnis veri
"	66			l. 10 demonstrationis		demonstrationes
"	87	"	14	Factum		Fatum
"	101			not. l. pen. asserat		offerat
"	164			l. antep. provinciae		provincia
"	193			l. 33 alae		aleae
"	206	"	antep.	de ditâ		deditâ
"	221	"	14	Regnum		Regum
"	262	"	21	per ingentiam		per ingenitam
"	ib.	"	24	obortis		obortis
"	263	"	27	cursu		cursus
"	271	"	29	eam enim		ea enim
"	ib.	"	30	omino		omnino
"	278	"	6	flagitiae		flagitia
"	283	"	16	Hungaria		Hungariae
"	290	"	6	haintem		hiantem
"	292			ad marg. l. 24 Augusti		Angusti
"	299			l. 21 altertus		alterius
"	306	"	13	praestant		perstant
"	308			ad marg. l. 8 Barbatis		Barbari
"	320			l. 25 vitoriis		victoriis
"	330	"	11	fne		fide
"	348	"	22	magni		magnis
"	353	"	15	Se		Sed

DE
UNIVERSI JURIS

UNO PRINCIPIO ET FINE UNO

LIBER UNUS

AD AMPLISSIMUM VIRUM

FRANCISCUM VENTURAM

A REGIS CONSILIIS
ET CRIMINUM QUAESTOREM ALTERUM

Vici *Op. lat.* T. II.

I

*ATTICUS. Non ergo a Praetoris Edicto, ut plerique nunc,
neque a XII Tabulis, ut superiores, sed penitus ex
INTIMA PHILOSOPHIA hauriendam Juris disciplinam
putas?*

Cic. lib. I de Legib.

DE OPERE

PROLOQUIUM

Cum sex ante mensibus Dissertationem publice haberem, cui cum satis multis aliis doctissimis atque amplissimis viris te habui, FRANCISCE VENTURA, in corona, eâque operis argumentum duos supra viginti annos mecum animo versati proponerem de UNO PRINCIPIO in quo universa divinarum atque humanarum rerum notitia demonstrata constaret; id egi, ut de re a tot tantisque viris frustra tentata, uti pictor ille sub pergula, a doctis hominibus ecquaenam fierent judicia, sciscitarer. Quod postquam disserui, amplissimus vir, Cajetanus Argentius, Consilii Neapolitani Praeses, Avunculus tuus, quem appellare, laudasse sat est, virum memoriâ, ingenio, iudicio singularem, in graecis latinisque literis adprime versatum, lectione, meditatione, stylo multissimum, et omnis divini atque humani juris, publici privatique tum scientia, tum solertia nostrae memoriae facile principem, id iudicium palam omnibus protulit, me super eo argumento disseruisse, uti oratorem, philosophum et jurisconsultum oportebat; quo nullum sane aliud evenire mihi optatius poterat: namque ea ipsa tria omnino praestare conatus eram, ut philologiam, qua oratores ornantur maxime, philosophiae submitterem, ejusque severâ trutinâ expenderem, eaque ratione Jurisprudentiae Principia statuminarem. Deinde, quum domum tuam veni (soleo enim saepe), sed tum maxime officii caussâ, ut tibi gratias agerem, nedum quod aequo animo, sed attentissimo quoque me perpetuam illam horam disserentem audiveras; tu illo acri iudicio, quo et aequitatis summe ancipitis momenta in foro exactissime pensas, et inter sermones,

SCRIBENDI OCCASIO.

quos cum doctissimis hujus Civitatis viris, qui tuam frequentant domum, de argumentis sive amoeniorum, sive adeo severiorum disciplinarum institutos habes, vera, digna, utilia rerum sapientissime discernis ac judicas; me admonuisti, ut inceptum opus erudirem expoliremque: etenim ex ipsa verorum natura, quae si rite et ordine disponantur, alia seruntur ex aliis; te jam ante animo prospicere affirmabas, ex iisdem principiis, quibus me tam multa et nova et vera de divinae et humanae eruditionis scientia confecisse dicebas, innumera et vera et nova sequutura, quae ne ipse quidem suspicari, nedum providere unquam possem. Quapropter amplissimi Avunculi tui iudicio confirmatus, tua auctoritate, qua apud me et doctrina et dignitate et beneficiis plurimum potes, impulsus, de eo argumento altius latiusque ad te scribere statui.

SCRIBENDI CAUSSAE

Jurisprudentia omnis ratione et auctoritate nixa est: atque ex iis condita jura factis accommodare proficitur: ratio naturae necessitate, auctoritas jubentium voluntate constat: philosophia necessarias rerum causas vestigat: historia voluntatis est testis: itaque jurisprudentia universa coalescit ex partibus tribus, philosophiâ, historiâ, et quadam propria arte juris ad facta accommodandi.

Apud Athenienses τὰ πρῶτα sive principia juris Philosophi docebant convenienter suis cujusque sectae dogmatis, disserendo de virtute, de justitia, de legibus, de republica, de constantia sapientis; quae una philosophiae pars est: et quatenus agit de republica, de legibus, *doctrina civilis* appellatur, quae per doctrinam de virtute, de justitia, tanquam per surculum, a *doctrina morali* progignitur; quae de animi perturbationibus, earumque remediis, de virtutibus, atque inde profluentibus vitae officiis agit: et tum haec, tum illa *rerum humanarum* appellatione complectebantur; quarum notitia, veluti ex fonte rivus, ex *divina philosophia* defluit, quae de Deo, de animo humano, de animi vita nempe mente, de mentis oculo nimirum ratione, de ejus oculi lumine sive de ideis, earumque rerum

omnium veritate atque aeternitate docet ad ipsam rationem perficiendam confirmandamque, unde ipsius constantia sapientis existit. Quare Aristoteles in *Ethicis* doctrinae civilis principia recte ait a divina philosophia esse repetenda: namque haec metaphysices argumenta Philosophi alteram philosophiae partem statuebant, et rerum *divinarum* nomine significabant: ex qua utraque rerum cognitione efflorescit *sapientia*, quae proinde ab ipsis rerum *divinarum atque humanarum* notitia definitur, et a Platone eleganter *hominis consummatrix* est appellata, utpote quae ambas hominis interioris partes, mentem veritate, animum virtute perficiat; quarum prior in posteriorem influit, et ex qua utraque constat sapientia; et *sapientes* dicti tum qui altissimarum rerum contemplationi sunt abditi, tum qui virtute et iustitia republicas recte legibus fundant, vel consiliis administrant.

Qui Pragmatici dicebantur, latarum legum, rerumque judicatarum, omnisque Attici juris conditi tenebant, ac tradebant historiam.

Certa autem juris ars Graecis nulla, sed ejus loco Atheniensibus rhetorice fuit, qua Oratores causas, quae facto constant et oratoriae sunt maxime, propria facultate agebant: quae autem jure continentur, eas ipsi a Philosophis principia juris, a Pragmaticis pro causarum temporibus leges et res judicatas edocti, ex rhetoricae artis praeceptis ita agebant, ut jus non tam ex vero, quam pro cuiusque causae studio ad facta accommodarent. Quamobrem Hugo Grotius doctrinam de *Interpretatione* magna ex parte Rhetorum praeceptis, quae *de statibus causarum* tradunt, illustrat.

Longe aliter res se apud Romanos habuit: quibus principio in republica libera animi altitudo, ad quam moribus ipsis erigebantur, pro doctrina morali erat ad virtutis constantiam comparandam; patriae pietas, ex qua rempublicam omnibus privatis rebus habebant potiore, cum ipsius reipublicae usu conjuncta per multas et varias magistratuum functiones, civilis doctrinae eruditionem pensabat; et Deorum religio, qua ut

maxime ita et imperio, uti recte Plutarchus existimat, floruerunt, iis methaphysicen Graecorum reponerat. Patricii legum omnisque patrii juris, morisque eruditionem sibi arcanam servabant: eoque pacto bonis animi artibus imbuti, et in civili prudentia usu reipublicae exculti (quae iis principiorum juris loco erant), iidem ipsi et juris conditi notitiam, et ejus ad caussas accommodandi solertiam habebant, et in uno Jurisconsulto Romano *Philosophus, Pragmaticus et Rhetor* Graecorum confusi erant.

Sed in republica libera paullo ante primi belli Punici tempora Tiberius Coruncanius primus juris interpretandi artem patricios juvenes docere coepit (a), et temporis progressu *Jurisprudentia* extitit *doctrina propria Romanorum* Graecis ignota: quam non oratorio ambitu, sed sapienti gravitate, non ullis eloquentiae lenociniis, sed ipsis rerum momentis ad jus quam brevissime et pari elegantia pensitatis, *in republica libera rigidam*, et ex ratione civili, *sub Principatu benignam*, et ex ratione naturali professi sunt: et Jurisconsulti *sapientes Romanorum* appellati, ut apud Pomponium in historia juris; et Jurisprudentia ab Ulpiano (1) *sapientiae* definitione descripta; sed sensu a Graecis longe diverso, utpote quo *rerum divinarum* nomine, res sacrae nempe Deorum religiones et caeremoniae, ac *divinatio* potissimum; *humanarum* autem res profanae tum publicae, tum privatae continentur; ita ut Jurisprudentia sit omnis divini humanique juris a Romanis conditi notitia; addito insuper *justi et injusti scientia*, ut significet, eos ipsos qui juris cognitionem habent, et juris ad caussas accommodandi solertiam habere quoque.

(a) Neque enim, postquam a Coruncanio Jurisprudentiam profiteri coeptum est, ea nisi clarissimorum filiis virorum tradebatur, teste Cicerone in *Oratore ad Brutum*; ibi: *cur igitur Jus civile docere semper pulchrum fuit, hominumque clarissimorum discipulis domus floruerunt?*

(1) In l. 10. D. de Just. et Jur.

Et propriam quoque fecerunt Jurisconsulti doctrinam de *verborum originibus et proprietate*, quae praecipua *juris voluntarii fax* est. Unde videmus Jurisconsultos tantopere sollicitos in vestigandis verborum etymis, ut *servi, testamenti, mutui, stipulationis, furti, interdicti* et aliorum innumerum: in *Digestorum* calce perpetuus Titulus prostat de *Verborum significatione*: quinque de *legatis* libri nihil aliud quam de propria significatione verborum agunt: et universim cujusque tituli *Digestorum* pars prior in expendendis verbis *Edicti* explicandisque occupata.

Ea autem doctrina apud Graecos principio philosophiae et rationi subjecta erat: unde Platonis *Cratylus* de verborum originibus agit: Aristoteles interpretationem verborum suae logices partem facit; et Stoici saepissime per verborum notationes rerum naturam explicabant.

A Philosophia eam doctrinam Grammatici discerpere, et longa quasi possessione fecere suam, et tanquam historiam verborum ad auctoritatem retulere. Grammaticos autem accipio, quales Fab. Quintilianus (1) sua tempestate fori Romani princeps descripsit, qui omnes auctores, qui de quavis arte vel disciplina in aliqua docta lingua scripsere, ex ejus artis vel disciplinae scientia enarrare sint gnari, qui nunc *Critici* aut *Eruditi* vulgo dicuntur. Hinc videmus in Jurisprudentiae rebus Grammaticos tantopere, et in Grammaticae Jurisconsultos vicissim, et promiscue esse versatos, ut Carolus Sigonius, fax Romanae eruditionis, de *Jure Romano, Italico et Provinciarum*, Paullus Manucius de *Romanis Legibus*, Justus Lipsius de *lege XII Tabb.* libros edidit; Angelus Politianus *Codici Florentino suas lectiones* adscribit, Antonius Nebrissensis *Accursianorum errorum Indicem* contexxit: et, ut alios praeteream, Marcus Antonius Muretus publicus Romae Antecessor Juris, haud internoscas, inter Juris Interpretesne, an inter Grammaticos numeretur. Contra Franciscus Ho-

(1) Lib. I Inst. Orator. cap. V.

tomanus *Commentarios in Ciceronis Orationes*, Antonius Goveanus in *Terentii Comoedias*, Barnabas Brissonius de *Formulis Romanorum* scripsere; et magni Cujacii *Observationes*, si is juris Interpretem nunquam professus esset, cum *Adversariis* Hadriani Turnebii in tua bibliotheca composuisses. At Tiberius Caesar, Suetonio teste, latini sermonis religiosus, cum de *Strena* propositurus esset edictum, verbi veritus graecitatem Grammaticos omnes consuluit, quodnam proprium pro eo latinum reponeret: cumque non suppeteret, Atejus Capito unius sectae Jurisconsultorum princeps ex solita assentatione, quam Tacitus in eo notat, id ei licere respondit: at Pomponius Marcellus a Suetonio inter claros Grammaticos recensitus, subiecit: *Hominibus, Caesar, Civitatem dare potes, verbis non potes*. Quare A. Gellius Grammaticorum ocellus suam exornat Provinciam, quum in suis *Noctibus* tot tamque illustres Juris Romani quaestiones proponit (a). Quamobrem ex vero confici potest doctrinam de verborum significatione propriam philosophiae juris partem fuisse.

Jus autem civile idem Ulpianus definit. (1), *quod neque in totum a jure naturali vel gentium recedit, nec per omnia ei servit, sed partim addit, partim detrahit*: quare quantum a jure naturali recedit, jus civile est; quantum ei servit, naturale: at vidimus legum interpretandarum doctrinam Graecis nullam, et si quae esset, eam esse Rhetoricam, Romanis autem eam fuisse civilis prudentiae corollarium.

De jure autem Romano ex ratione civili interpretando, qui doctrinam consignavit, hactenus, legi neminem: nos eo de argumento tredecim ab hinc annis tentamen proposuimus in libro *de nostri temporis Studiorum ratione*.

At principia juris naturalis ex Jurisconsultorum scrip-

(a) Quin Terentius Varro appellatus *doctissimus Togatorum*, pro suo *Grammatici* jure *Rerum Divinarum et Humanarum* libros sane quamplurimos scripsit.

(1) L. 6. D. de Just. et Jure.

tis eruere intutum, qui principio leges ex ratione civili sunt interpretati: et quanquam sub Principibus ex ratione naturali id praestiterint, tamen id ipsum ex civili ratione fecerunt, ut in eo libro *de ratione Studiorum* indicavimus, et in his latius exequemur. Quare factum, ut cum ceterarum disciplinarum principia proponantur maxime explorata; apud Jurisconsultos in definitione juris naturalis tot salebrae; in ejus divisione tot scopuli; in ejus proprietatibus explicandis, et potissimum immutabilitate tot offenduntur difficultates, quot omnes norunt, qui jurisprudentiam summis, ut dicunt, labiis attingere: quare Hugo Grotius in nulla juris Romani parte tantopere errare Jurisprudentes notat, quam in ea quae agit de modis acquirendi domini, quos a jure naturali dicunt, introductos.

Ex Graecorum autem aliqua Philosophorum secta deducere, unde ea principia vere deducta non sunt; id sane est ingeniorum delicias facere: nam nulli unquam philosophi de justitia, de legibus, accommodate ad Atheniensium rempublicam et leges disseruere: unde per leges Atticas, quas narrant in XII Tab. translatae, principia juris Romani ab aliqua philosophorum secta deduci possent.

Qui vero alia ex aliis, prout ad explicandas juris Romani rationes e re visum fuerit, philosophorum dogmata afferunt, ii sane uni formae nec pedem nec caput reddunt: unde legimus in istis eruditissimis legum commentariis tot philosophorum rationes cum rationibus, tot testimonia cum testimoniis quam acute et copiose, tam infense et implacabiliter conflictari.

In cujus dissidii et inconstantiae causas inquirens, eam tandem esse animadverti, quod pluribus atque aliis non uno eodemque principio Jurisprudentiam niti hactenus putavere, nempe *ratione* et *auctoritate*, quasi auctoritas ex libidine nasceretur, nec rationis pars quaedam esset, ex qua ipsa causa universim philologiae et philosophiae dissidium factum est; neque philosophi auctoritatum rationes unquam investigarunt; et philologi vel ipsa philosophorum dogmata tanquam historias spectant.

Hinc antiqui Juris Interpretes sola philosophia contenti (nam ea aetate philologia ignota erat) jus Romanum pro regula, ut dicunt, falsi thematis, quantum ad Historiam Romanam attinet, sibi interpretandum sumpserunt; et per innumeras minutas factorum species propositas tanta callent solertia indagandi aequi boni naturam, ut ii vero sint, qui ab Hugone Grotio dici mereant, *optimi condendi juris auctores, etiam tunc cum conditi mali sunt interpretes.*

Rursum Interpretes recentiores, humaniorum literarum deliciis capti, philosophiam omnem abhorruere, quod ea suae aetatis, quam elegantiam sermonis deosculabantur, nullam omnino saperet: itaque Philologiae adjumentis magis Historiam Romani juris situ a barbarie obducto purgarunt, suoque veritatis nitori restituerunt; quam Philosophiam investigarunt.

At unus Antonius Goveanus, acutissimus philosophus et philologus perinde eximius, his ambobus praesidiis tantum instructus ad jurisprudentiam accessit, et joco ac relaxandi animi caussâ leges Romanas tanta felicitate interpretabatur, ut Jacobus Cujacius de suo elegantium Juris Interpretum Principatu metueret, si Goveanus serio ad jurisprudentiam animum appulisset. Sed is aliquot Romani juris minutas partes legit, principia, quae jure naturali gentium constant, neglexit.

Contra Hugo Grotius, gravissimus philosophus et philologus praestantissimus, jus civile Romanorum omittit, ac jus naturale gentium tantum tractat, de quo systema ejusmodi absolvit, quo *Jurisconsultus generis humani* appellari meretur: sed si ejus principia ad exactae Criticae trutinam expendantur, magis probabiles verisimilesque, quam necessariae sunt et invictae rationes.

Quare adhuc Carneadem de *justitia, an sit in rebus humanis*, aequis momentis in utranque partem dissertare, adhuc Epicurum, Nicolaum Machiavellum de *Principe*, Thomam Obbesium de *Cive*, Benedictum Spinosa in *Theologo Politico*, et nuper Petrum Baylaeum in magno *Dictionario* Gallice conscripto, illa ob-

trudere vulgo audias, *jus utilitate aestimari, temporique locoque servire: imbecillos postulare jus aequum; at in summa fortuna, ut Tacitus ait, id aequius, quod validius. Ex quibus colligunt et concludunt, metu contineri societatem humanam; et leges esse potentiae consilium quo imperitae multitudini dominetur.*

Igitur principii loco statuendum esset, Jus aeternum verum, ac proinde inter omnes, et semper et ubique jus: aeternam verorum scientiam, quam *Criticam veri* definiunt; *Metaphysica* explicat. Ea una igitur posset jus demonstrare, de quo tibi adimeretur infelix arbitrium dubitandi, an sit justum: ac proinde ea esset philosophia, ex qua juris principia accersenda essent, in quae omnes amice constanterque convenirent: atque ea esset regula aeterna, qua metiri possemus, quantum juri naturali gentium jus civile Romanum addiderit, quantum detraxerit, et sic principia juris civilis Romani haberemus explorata.

Hinc ingens desiderium animum incessit, an *Metaphysicae* ope *Jurisprudentiae* principia ejusmodi statui possent, in quae omnia demonstrata congruerent. Nam quae duo ingentia volumina Gallice conscripta nuper edita *Jurisprudentiam* docere hac via et ratione in frontispicio magnifice pollicentur, re ipsa id praestant magis methodo, qua aliena inventa apposite ad memoriam concinnantur, quam qua nova vera inveniantur ad scientiam; praeterquamquod magis privati juris consultum, quam philosophum legum et reipublicae gnarum formant.

Tandem cum D. Augustinum *de Civitate Dei* obiter versarem (1) occurrit Varronis locus, qui philosophiâ et eruditione elogium meruit, quo appellaretur *doctissimus*, et *Romanorum doctissimus*; ubi ait, quod si sibi potestas facta fuisset Deos populo Romano colendos proponendi, eos ex *FORMULA NATURAE* proposuisset; nempe unum, incorporeum, infinitum, non innumeros, et sub idolis: ex quo loco tanquam nova luce obortâ mens illustrata id intellexit. Igitur jus na-

SCRIBENDI INITIUM.

(1) Lib. IV, cap. 31.

turale est formula, est idea veri, quae verum nobis exhibet Deum. Igitur verus Deus, ut verae religionis, ita veri juris, verae jurisprudentiae principium est. Iccircone Jurisprudentia Christiana, quae tota ad *Cod. Constitutionum Imperialium* celebratur, auspicia sumit a titulo de *Summa Trinitate et Fide Catholica*? Igitur Jurisprudentia vera est divinarum atque humanarum rerum vera notitia; metaphysica autem est, quae veri Criticam docet; nam docet veram Dei hominisque cognitionem; igitur confeci ad extremum, non ex Ethnicorum scriptis, dictisve, sed in vera humanae naturae cognitione, quae ex vero Deo orta sit, Jurisprudentiae principia deducenda.

Hinc ad hoc lumen multum et diu, sedulo serioque applicitus cognovi tandem:

SCRIBENDI ARGUMENTUM.

Omnis divinae atque humanae eruditionis elementa tria, *Nosse, Velle, Posse*, quorum principium unum *Mens*, cujus oculus *Ratio*, cui lumen praebet *Deus*.

Divinum lumen, definitio verum aeternum; quae, tantisper dum demonstravero, nominis definitio habeatur.

SCRIBENDI RATIO
SIVE ORDO.

Nunc haec tria elementa; quae tam existere, et nostra esse, quam nos vivere, certo scimus, una illa re, de qua omnino dubitare non possumus, cogitatione explicemus: quod quo facilius faciamus, hanc universam tractationem divido in partes tres:

ARGUMENTI PARTES.

In quarum prima omnium scientiarum principia a Deo esse:

In secunda divinum lumen, per haec tria, quae proposuimus, elementa, omnes scientias permeare, easque omnes unâ arctissimâ complexione colligatas alias in alias dirigere, et cunctas ad Deum ipsarum originem revocare:

In tertia quicquid usquam de divinae humanaeque eruditionis principiis, scriptum dictumve sit, quod cum his principiis congruerit, verum; quod dissenserit, falsum esse demonstrabimus.

Atque adeo de divinarum atque humanarum rerum notitia haec agam tria, de *Origine*, de *Circulo*, de *Constantia*: et ostendam,

Origine, omnes a Deo provenire;
Circulo, ad Deum redire omnes;
Constantia, in Deo omnes constare:

Omnesque eas ipsas praeter Deum lapsus esse et errores.

Quae tria ut praestem, principio duum verborum proprietates excutiam; deinde ex divina Philosophia quinque vera desumam, et lemmatum loco in antecessum proponam.


Duo verba sunt *Verum* et *Certum*, quae distinguere oportet (1), uti *falsum* omnes distinguunt a *dubio*: quare quantum distat a dubio falsum, tantum distet a vero certum: quae duae res, nisi statuuntur aliae, cum multa vera sint dubia, ea essent dubia et certa simul; et contra cum innumera falsa pro certis (*) habeantur, ea falsa simul et vera essent.

DEFINITIONES VERI
ET CERTI.

(1) Uti nos praestitimus in I libro *De Antiquissima Italorum Sapientia ex linguae latinae originibus eruenda*, qui *Metaphysicam* complectitur.

(*) Legitur in textu: *pro veris habeantur*: sed Scholasticorum forma argumentandi nobis suadet aequius legendum: *pro certis habeantur*.

Haec erat Vici mens, videlicet verum a certo secerni oportere. Ex veri et certi contrariis quae dubium et falsum constituunt, quae penes omnes uti distincta habentur (*falsum omnes distinguunt a dubio*) suam confirmat sententiam. Quae uti certa habentur possunt esse falsa; contra vera possunt esse dubia. Quare Aristotelicis formulis logicam explicando positionem:



Si verum cum certo confundatur, gignitur duplex absurdum, verum et certum posse etiam simul stare cum contrariis falso

*Verum gignit mentis cum rerum ordine conformatio: Certum gignit conscientia dubitandi securo. Ea autem conformatio cum ipso ordine rerum est et dicitur ratio: quare si aeternus est ordo rerum¹, ratio est aeterna, ex qua verum aeternum est: sin ordo rerum non semper, non ubique, non omnibus constet, tunc in rebus cognitionis ratio probabilis, in rebus actionis ratio verisimilis erit. Ut autem verum constat ratione, ita certum nititur auctoritate, vel nostrâ sensuum, quae dicitur *ἀποφύλα*, vel aliorum dictis, quae in specie dicitur auctoritas; ex quarum alterutra nascitur persuasio. Sed ipsa auctoritas est pars quaedam rationis: nam si sensus non falsi sint, vel aliorum dicta sint vera, persuasio vera erit; sin sensus, aut dicta falsa, erit persuasio quoque falsa, ad quam omnia, quae dicuntur praepudicia, revocantur (a).*

Lemmata vero sunt, quae sequuntur.

ASSUMPTIONES
METAPHYSICAE.

I. Duo summa rerum genera summe diversa existere, substantiam intelligentem et substantiam corpoream; et ex utraque constare hominem.

II. Mente per perspicuas ideas vera rerum dijudicari: sensus autem a natura homini inditos, ut brevibus ac praesentibus voluptatis dolorisque notis utilia, et noxia vitae discernat; sed de voluptatis et doloris veritate ipsius mentis esse iudicium.

et dubio. Quare recte Vicus: "Quae duae res (verum et falsum) nisi statuantur aliae, cum multa vera sint dubia, ea "essent dubia et certa simul; et contra cum innumera falsa "pro certis habeantur, ea falsa simul et vera essent." Ex quo fluit luculentissima haec demonstratio, videlicet: sicuti dubium a falso secernimus, sic ne repugnantia dicamus, secerni oportere certum a vero. Fac ut legatur pro veris: et Vicus repugnantia dixerit, videlicet innumera falsa simul stare cum veris, medium reticens terminum (saepe falsa pro certis habere), ex quo demonstratur necessitas verum a certo decernendi. Vicum ipsum mendum comperisse monent errata, quamvis labenti memoria Vicus iterum in erratis pro veris scribat.

(a) Et uti auctoritas persuasionem, ita ratio necessaria scientiam, non necessaria opinionem gignit.

III. Occasiones non esse causas rerum: corpora autem, et quae sunt corporis, uti sensus, esse occasiones per quas aeternae rerum. ideae in mentibus excitentur: at fluxa, uti corpora, et quae sunt corporis, uti sensus, quid aeternum supra corpus gignere non posse: prae cuius veri ignorance homines in Deum ingratos agere; qui, quia prae summa sua bonitate ad quamvis sensus occasionem tam tempori, tam exprompte, tanta praesentia ideam rei, quae extrinsecus sensum movet, mentibus exhibet, res quae sunt summe diversae, idem putant, et fluxa aeternis ac vere aeternis coelo miscent.

IV. Unum esse genus assensionis, et quo rebus contemplandis, et quo rebus in vita agendis, perspicue, ut tamen utrarumque fert natura, demonstratis assentimur. Nam qui officio faciendo non assentitur, is perturbatione aliqua animi id perspicue faciendum non cernit: quare ubi perturbatio sedata sit, et animus eâ sit defoecatus, hominem poenitet prave facti: quod quia in geometricis rebus ex. gr. non evenit, quia linearum nulla sunt studia sive affectus nulli, quibus perturbari homines possint, ideo in iis ac in vitae officiis faciendis diversum assensionis genus esse videtur.

V. Et postremum, quantum rei de objecto perspicua idea exhibet menti, tantundem esse in objecto necesse est.

Videamus modo an, cum nova Jurisprudentia Principii loco statuat, cognitionem Summi Numinis, a quo tempore (nam Constantini M.) acutissima Graecorum Latinorumque ingenia (Ecclesiae nempe Patres qui soli gentium sapientiam ab Sapientia aeterna correctam et emendatam nullis sectarum studiis, sed unanimi diligentia et charitate in sinu foverent) in Divinae Naturae meditatione ferverent maxime; ac de ea tanto castius ac sublimius philosophis, quanto spiritus corpore puritate et mobilitate praestat, dissererent; videamus, inquam, an hoc Principium nobis incipere, circumducere et absolvere possit veram *ἐγκυκλοπαιδείαν*, hoc est disciplinam vere rotundam, vere universam, vere sine

offensione (1), cui Jurisprudentiam, uti Ulpianus *definierat*, respondere Eruditi scribunt: unde multo *gravius*, quam Graeci Sapientis in omni doctrina, *perinde* ut vitâ, firmetur ROMANI JURISPRUDENTIS CONSTANTIA.

(1) Ut interpretatur Guilielmus Budaeus in l. 1. D. de Just. et Jure.

DE UNO
UNIVERSI JURIS
PRINCIPIO
ET FINE UNO
LIBER UNUS

His ita praeparatis, omnis divinae atque humanae eruditionis divinam originem sive Principia scientiarum a Deo esse demonstramus, quae nostrae *Dissertationis pars prima*, uti verbis brevissima, ita rebus uberrima fuerat.

PRINCIPIA SCIENTIARUM A DEO.

Homo ex corpore et mente constat (1): et uti corpore, et iis quae sunt corporis, uti sensus, quia finitae res sunt, homo a ceteris omnibus hominibus dividitur; quapropter de sensilibus rebus tot opiniones, quot homines: ita mente quasdam communes aeterni veri notiones habet, per quas cum aliis hominibus communicat et unitur: uti *non entis nulla sunt attributa; totum est majus sua parte; omnes felicitatem desiderant*: nunquam enim nihil aliquid facit, aut patitur; nunquam totum est sua parte minus, vel parti par; nunquam homines desiderant esse infelices, qui, ut ne sint infelices, potius optant non esse. Sed homo eas veri notiones cum ceteris hominibus communes habere non posset, nisi ideam ordinis (2) cum iisdem haberet quoque communem, ex qua, per quam et in qua mens attributa entis cum nihilo confert; totum cum parte dirigit et commetitur; bonorum aliud alio praestantius intelligit, omniumque praestantissimum agnoscit esse felicitatem: atqui ea vera sunt aeterna, uti mox demonstravimus; igitur idea ordinis aeterni est: ea autem non est corporis simulacrum; quia corpus, quod est fluxum, et quia corpus est fluxum, aliquid supra corpus et aeternum non potest gignere (3):

Vi ordinis cognoscimus vera rerum.

(1) Lem. I.

(2) Definit. Veri.

(3) Lem. III.

et corpus finitum, et finita homines dividunt; et per eam ordinis aeterni ideam homines inter se communicant et uniuntur; atque in ea tria vera Graeci et Barbari, Europei et Sinenses peramicè conveniunt. Duo autem omnino sunt omnium genera rerum, aut mens, aut corpus: idea ordinis aeterni idea corporis non est; igitur idea mentis est: mentis finitae non est, quia omnes homines atque adeo omnes intelligentias unit; igitur idea ordinis aeterni est idea mentis infinitae. Mens infinita Deus est; igitur idea ordinis aeterni haec tria nobis unâ operâ demonstrat, et Deum esse; et mentem unam infinitam esse; et Auctorem nobis aeternorum verorum esse. Aliunde quantum perspicua idea de objecto nobis refert, tantundem in objecto esse necesse est (1): per ideam ordinis aeterni omnes homines in illa tria aeterna vera constantissime conveniunt: ex iis autem unum *Metaphysicae*, alterum *Matheseos*, tertium *Ethices* principia sunt: ea principia nobis refert idea ordinis aeterni, quae a Deo est: igitur earum scientiarum principia sunt a Deo (a).

Pars secunda universae nostrae *Dissertationis* de Juris principiis erat, omnis divinae atque humanae eruditionis *divinum circulum* demonstrare, sive *divinum lumen*, quod aeternum verum definivimus et nuper demonstravimus, per tria, quae numeravimus elementa, *Nosse, Velle, Posse*,

(1) Lem. V.

(a) Ex qua ipsa demonstratione haec quoque alia conficiuntur.

IV. Et ex eodem Lem. V, ut nobis a Deo sunt Principia Scientiarum, quando Scientiae sunt idearum, ut ita dicam, syntaxes et ideae, mentalia, ut dicunt, sunt rerum verba; in Deo quoque esse ipsarum rerum Principia.

V. Et Deum esse Primum Verum.

VI. Et Deum esse Primum Verum tum in essendo, ut dicunt, tum in cognoscendo.

VII. Itaque Primum Verum Metaphysicum et Primum Verum Logicum, unum idemque esse.

VIII. Et Scientias esse de aeternis et immutabilibus, quantum sunt de semper uniformibus, quod idem est ac de rebus Ordini Aeterno conformibus; quo aeterno rerum ordine stant Principia Scientiarum.

IX. Postremo, quando *Pulchrum* ordine constat, idem est Scientias circa Aeternum Verum ac circa Aeternum Pulchrum versari: unde hominibus ut veri, ita pulchri omnibus est ingenitum desiderium: cumque *pulchrum aeternum* sit, quae *Animi* vocatur *Honestas*; conficitur ad extremum, homini esse ingenitam vim, quâ una eadem operâ et ad verum et ad honestum quodque suapte naturâ feratur.

scientias omnes permeare, easque arctissimo nexu constrictas alias in alias dirigere, et cunctas ad Deum ipsarum originem revocare.

Id ex principio nuper demonstrato per sequentia Capita necessariâ rationum consecutione alia ab aliis perpetuo illata ostendemus.

I. Principia scientiarum a Deo.

II. Deus, ut Divus Augustinus in *Confessionibus* definit, *De Natura Dei Opt. Max.* Philosophia divina demonstrat, et nostra Religio profitetur, est, *Posse, Nosse, Velle infinitum.*

III. Haec tria unum sunt *Verum esse*: in quo maxime eminet Divina quam Theologi dicunt *Aseitatis* natura: et quodque eorum trium semper est cum aliis duobus complicatum (a).

IV. Hac divina natura Deus quantum vult, tantum potest: noscit suum esse ineffabile: vult, amat, diligit suum esse perfectissimum.

V. Hinc Dei *esse* aeternum est, et *Aseitas*; Dei *posse* maximum, *Omnipotentia*; ejus *nosse* veracissimum, *Sapientia infinita*; ejus *velle* optimum, *summa Bonitas*.

VI. Summa autem sapientia est *Ordo rerum aeternus*, quo Deus per *simplicissimas vias* cuncta regit: quae viae, quia ab omnipotentia patefiunt, facillimae sunt; et quia ad Deum summum bonum ducunt, sunt omnes optimae.

VII. *Simplicitas* elucet, quod una directionis lege facit, regitque cuncta: *facilitas* manifestatur, quod ipsarum sponte rerum disponit cuncta: *bonitas* ostenditur, quod omnibus rebus a se creatis quendam *conatum*, quoddam *ingenium* indit se conservandi: et quando per corporeae naturae vitia, quibus dividitur, atteritur et corrumpitur, singula quaeque in sua specie conservari non possunt, divina Bonitas per ipsarum vitia rerum erumpit, et conservat in suo quaeque genere cuncta.

VIII. At Dei Sapientia quatenus suo quaeque tempore cuncta promit, *Divina Providentia* appellatur.

IX. Divinae Providentiae autem viae sunt, *opportunitates, occasiones, casus*: *opportunitates* si *optato*, *occasiones* si *praeter spem*, *casus* si *praeter opinionem* (*). Quo sensu, si

(a) Quia quodque eorum trium est Infinita Mens, quam *Principio* esse demonstravimus Deum: quare quodque eorum trium Deus est; et ob id ipsum ea tria simul, sunt unus Deus.

(*) Vide librum de *Metaphysica*, cap. VIII, § 2, 3, ubi planissime comperimus hanc triplicem distinctionem *Fortunae, Fati* et *Casus* esse tantum subjectivam, et objective ad unicam legem pertinere.

cum Platone dixeris, opportunitatem esse rerum humanarum dominam, uti vulgo dicunt *Fortunam*, non plane erraveris.

*De natura Homi-
nis integra.*

X. Homo autem constat ex animo et corpore (1): et est *nosse, velle, posse*; et quidem posse tum animo, tum corpore, quia utroque constat; et quia animus loco incircumscriptus, nam spiritalis; et corpus, quia corpus est, terminatum; hinc est *nosse, velle, posse finitum, quod tendit ad Infinitum*.

XI. Atqui ens infinitum Deus: igitur homo vult cum Deo uniri; igitur a Deo est naturae humanae principium: igitur homo est a Deo.

XII. Homo est omnium animantium praestantissimus; non autem eo quod *possit*; nam sunt bruta animantia homine longe, et perquam longe potiora: non eo quod *cupiat*; nam bruta animantia habent quandam cupiditatis imaginem, quam *appetitum* dicunt, vehementiorem humanâ; ut lupi ingluviem, passeruli salaciam, leones iram. Igitur praestat eo quod *noscatur*: homo igitur praestat ceteris animantibus *ratione*.

XIII. Naturae igitur ordo, quem summâ Dei sapientiâ comparatum esse demonstravimus (2), postulet, ut humana ratio, quae in homine praestantissima est, voluntati imperaret.

XIV. Haec est *natura hominis integra*, qua primus omnium parens Ada a Deo creatus est, Divino auxilio ita comparata, ut nullo sensuum tumultu ageretur, sed et in sensus et in cupiditates liberum pacatumque exerceret imperium.

XV. In homine igitur integro ratio erat ipsa natura humana ita divino auxilio comparata; voluntas erat integra ejus naturae rectae libertas; potentia erat ejusdem naturae rectae facilitas.

XVI. Igitur homo in eo statu si perstitisset, ita vitam omnem traduceret, ut quod in ipso esset praestantius, nempe *ratio* suaviter imperaret; quae inferior esset, nempe *voluntas* sine tumultu pareret.

XVII. Definivimus *Verum* esse, quod rerum ordini conformatur (3); et aeternum rerum ordinem esse demonstravimus; et quod aeternus rerum ordo monstrat aeternum verum (4): et demonstravimus esse hominis maxime proprium *nosse* (5). Igitur homo integer contemplatione Veri

(1) Lem. I. (2) Cap. VI et VII. (3) Def. *Veri*. (4) Principium. (5) Cap. XII.

aeterni, nempe ipsius Dei ex mente pura, et amore aeterni boni ex puro animo, et diligentia universi generis humani prae aeterno bono, Deo, rectam naturam humanam celebrabat.

XVIII. Haec esset *naturalis honestas integra*; nam conformitas cum natura optima, ut in corpore vocatur *corporis honestas*, *corporis pulchritudo*, ita in animo dicitur *animi honestas*; Platoni autem *pulchritudo virtutis*, et Stoicis appellatur *humanae naturae conveniens*, quum ut in corpore, ita in animo, Honestas definitur.

• Singula quaeque locum teneant sortita decenter;

et honestas ita veritatis pedisequa est, uti est pedisequa mentis voluntas: et uti aeterna quaeque veritas est cum aeterno rerum ordine conformatio mentis, ita honestas naturalis est cum aeterno rerum ordine conformatio voluntatis.

XIX. Haec vere *heroica sapientia* esset; aeterna vera naturae facilitate cognoscere, et in omnibus et cum omnibus summa libertate et agere, et loqui vera, et cum animi voluptate vivere convenienter rationi.

XX. Haec in terris esset *humana beatitudo*.

XXI. Natura igitur humana recta a Deo creata, *hominis vitio corrupta* est, ut voluntas rationi dominaretur, et contra rationem suam potentiam exerceret. De natura Hominis corrupta.

XXII. Haec voluntas dominans rationi est *cupiditas*; haec ratio serviens cupiditati *error*; haec voluntatis potentia contra rationem exercita, *animi perturbatio*.

XXIII. *Cupiditatem* gignit *φιλαυτία*, sive amor sui ipsius, quo nos nostri delicias facimus: *errorem* gignit *judicii temeritas*, qua de rebus judicamus, antequam eas habeamus plane exploratas: *animi perturbationem* gignit *corruptae naturae ferocia*, quam dum palpas irritas, et hoc magis irritas, quo magis palpas.

XXIV. *Cupiditas* excitatur rebus, quarum inopia laboramus; igitur rebus finitis: excitatur autem per sensus, qui corporis sunt: quae autem corporis sunt a corpore moventur; igitur cupiditas excitatur rebus finitis corporeis.

XXV. Hinc sensus a Deo homini inditi, ut vitam tuerentur (1), sumpti sunt arbitri judicesque, qui vera rerum disceptent et judicent: atqui sunt fallacissimi; igitur ratio, quae sensuum judicium sequitur, vera rerum ignorat.

(1) Lem. III.

XXVI. Haec rationis reginae servitus, haec subditae voluntatis dominatio, haec affectuum in rationem rebellio, atque adeo haec omnia extra suum quaeque locum, quem ex aeterno rerum ordine decenter sortita erant, est *animi corrupti turpitudine*.

XXVII. Haec sensuum sapientia est *stultitia humana*.

XXVIII. Haec *ignorantia veri* est *scaturigo omnis humanae infelicitatis*.

XXIX. Cum enim quae corporae constant, corpore apprehendantur, corpore teneantur;

Tangere enim, et tangi, nisi corpus, nulla potest res; .

cupiditas, quae est animi labes a corpore contracta, animi quoque labem aliam contractam a corpore sociam sibi ascivit, *Phantasiam*, quae suis imaginibus, quas per sensuum occasionem depingit, affectus animi movet et armat, quibus cupiditas rationem aggreditur, oppugnat ac dejicit.

XXX. Hinc stultis illud est aeternum odium sui, et vel in iis qui vulgo beati videntur, de corporis voluptatibus in voluptates nunquam cessans sui fuga: hinc illa effusa gaudia abeuntia tandem in luctus; hinc spes inanes; hinc vota misera; hinc vani timores; hinc serae poenitentiae; hinc postremo illi stultitiae *Heautontimorumenones*, qui de se ipsis sumunt perpetuas poenas (*).

XXXI. Cupiditas, ut dixi, excitatur rebus finitis corporeis (1); hae autem sunt corporis utilitates: igitur humanum genus originis vitio per primi parentis Adae lapsum contracto a contemplatione aeterni veri ex mente pura, ad fluxa suspicienda ex fallaci sensuum iudicio traductum est, et a pietate Summi Numinis ex puro animo ad diligenda sensuum idola perturbato affectuum turbine correptum; atque adeo ab animi honestate ad corporis utilitates sectandas transversum actum.

Atque habes *principia Sacrae Historiae* demonstrata, Adamum a Deo creatum; naturâ integrum, suo vitio lapsum.

XXXII. Atqui haec tria sunt fundamenta omnis Theo-

(1) Cap. XXIV.

(*) Viginti annis antequam hoc opus in lucem prodiderit, in Oratione inedita, quam in Athenaeo habuit Neapoli, tueri hanc propositionem professus est Vicus: *Hostem hosti infensiolem infestiorumque quam stultum sibi esse neminem*. Haec una nec integra, sed pars tantum superest Orationum ineditarum, quas in suae vitae commentario innuit Vicus, ut perspectum esset, animo jamdiu materiam versasse, quam postea in hoc libro persecutus est.

logiae revelatae: igitur habes principia revelatae Theologiae demonstrata.

XXXIII. Sed homo Deum aspectu amittere omnino non potest suo; quia a Deo sunt omnia; et quod a Deo non est nihil est: nam *Dei lumen* in omnibus rebus, nisi reflexu, saltem radiorum refractu cernere cuique datur. Quare homo falli nequit, nisi sub aliqua veritatis imagine; vel peccare nequit, nisi sub aliqua boni specie (*).

XXXIV. Hinc *aeterni veri semina* in homine corrupto *Vis veri*. non prorsus extincta; quae gratiâ Dei adjuta *conantur contra naturae corruptionem*.

XXXV. Haec *vis veri* est *ratio in homine corrupto*, quae *Ratio humana*. fuit *veri facilitas* in integro; quia homini integro erat ad verum potentia, quae nunc corrupto est infirmitas; quia rectae naturae ad verum erat libertas integra, quae naturae corruptae est libertas labefactata.

XXXVI. Ab hac *vi veri*, quae est humana ratio, *virtus De virtute*. existit et appellatur.

XXXVII. *Vis veri*, quae errorem vincit, est *virtus Dia-* *Virtus Dianoetica*. *noetica*, seu virtus cognitionis, quae si tota demonstratione constat, est *Scientia*, ut Mathesis; si tota praeceptis, est *Scientia*. *Ars*, ut Grammatica, Frenaria; si partim demonstratione *Ars*. partim consilio, ut Medicina, Jurisprudentia, vel partim praeceptis partim consilio, ut Imperatoria, Oratoria, Poëtica, proprie *Sapientia* est appellanda. *Vis veri*, quae affectus refrenat, est *Virtus Ethica* sive actionis, quam *Mo-* *Virtus Ethica*. *ralem* dicunt.

XXXVIII. *Vis veri*, quae affectus refrenat, affectuum tamen parentem ferociam non cicurat, est *Virtus moralis imperfecta*, ut D. Augustinus (1) eam vult esse *Ethnicorum*. *Ethnicorum*. *Vis veri*, quae cum cupiditate pugnat, et ejus genitrice, *φιλανθρία*, est *Virtus Ethica Christiana*, qua homo sui de- *Christiana*. *licias* in sui contemptum abjectionemque convertit, vocaturque *Humilitas*, omnium Christianarum virtutum fundamentum.

(1) L. 4 contra Julianum, cap. 3. T. X Edit. Paris. 1679. Epist. CLV ad Macedonium; alias LII et CCXVII; alijs CVII ad Vitalem, Ser-mone CLVI; alias XIII de Verbis Apostoli, T. V Edit. ead. De Spiritu et Litera, cap. 27 et 28. T. X in eadem Edit. De Civit. Dei l. 5, cap. 12; l. 10, cap. 4; l. 19, cap. 10, 20 et expressius cap. 25. T. VII in eadem Edit. et alibi.

(*) Vide librum de Metaphysica, cap. VI in fine, ubi in ipsa errorum tenebris Deum innotescere breviter indicavit.

XXXIX. Virtute impulsa mens, ut in vero vestigando adlaboret, nec in eo nisi explorato acquiescat, dicitur *Prudentia*: virtute animus a libidine coërcitus *Temperantia*: virtute confirmatus et expeditus animi affectus adversus terrores dicitur *Fortitudo*.

Virtutis divina origo. **XL.** Virtus divinae originis proprietatem obtinet (1): namque *hae tres ejus partes una sunt vera virtus*; et quaeque earum semper est cum aliis duabus complicata. Etenim in prudentia et fortitudo inest, ut in vero vestigando laboret, nec in eo nisi explorato acquiescat; inest et temperantia, qua quaedam ignorare sapientia est. In temperantia et prudentia inest, ne quis ad exitum usque sui utilibus vitae rebus absteineat: quare *Medicinae* origo divina; nam ab hoc vero aeterno dictata: inest et fortitudo, ut sustineat a voluptatibus temperare. In fortitudine et prudentia inest, ut pro honesto pugnet; inest et temperantia, qua victores nolint perdere, quos possunt servare victos.

Virtus vera. **XLI.** Igitur *nulla virtus solitaria*, et ubi ex vero una ibi omnes Comites adsunt: solae enim virtutes vix est, ut cum Divo Augustino (2) loquar, ut *nomen virtutum mereantur*.

Divina gratia. **XLII.** Virtus autem, quae una vera, et, quia vera, omnes virtutes praestat, non hominis: sed *Dei virtus est, Divina gratia*, quae suo lumine Christianis perspicue recta vitae agenda demonstrat; et efficit ut *uno genere assensionis invictae* et rebus contemplandis et rebus in vita agendis assentiamur (3).

De Justitia. Atque habes *Moralis Christianae Principia* demonstrata. **XLIII.** Quae vis veri, seu ratio humana *virtus est quantum cum cupiditate* pugnat, eadem ipsa est *Justitia quantum utilitates* dirigit et exaequat, quae est unum universi Juris Principium, unusque Finis.

Jus esse in Natura. **XLIV.** Utilitates autem quae cupiditatem cient, corpore constant: communis corporum mensura seu regula est *commensus* vulgo dicta *proportio*, quam Mathesis pro nostro argumento demonstrat duplicem, *arithmetica* seu *simplicem*, et *geometricam* seu *comparatam*. *Arithmetica* proportio est, qua *ex* gr. uti *decem* se habent ad *sex*, ita *sex* se habent ad *duo*; quia per eundem numerum quatuor *sex* excedit duo, et a decem exceditur. Proportio

(1) De qua Cap. III. (2) Epistola CLXVII; alias XXIX, ad Hieronymum cap. 3, nu. 11, et cap. 4, n. 14. T. II in Edit. Paris. (3) Ex Lem. IV.

geometrica est, qua uti ex. gr. *unum* se habet ad *tria*, ita *quatuor* ad *duodecim*; quia utrobique minor numerus est triens cujusque assis. *At quod est aequum dum metiris, idem est justum quum eligis*; quod in rebus cognitionis et in rebus actionis, modo utraeque sint pro natura sua demonstratae, unum sit genus assensionis (1). Igitur uti aequum cognitionis est demonstratum, ubi id recta mathe- seos methodo confectum sit; ita justum actionis, ubi animus sit perturbationibus defoecatus, nec ullo pravo gentis more corruptus (uti ex. gr. Spartanus non sit, qui a puero celata fūrta ad ingeniorum solertiam probari viderit), justum inquam ei est planissime demonstratum. Haec autem fluxarum utilitatum aequalitas aeterna inter omnes constat: igitur jus est in natura *utile* aeterno commensu *aequale*: quod Jurisconsultis dicitur *aequum bonum*, fons omnis naturalis juris.

Aequum bonum quid?

XLV. Praeterea homo, quem vidimus per communes veri aeterni notiones cum ceteris hominibus communicare (2) a Deo vi fundendi sermonis praeditus est, quo per corpus, et ipsius ope corporis, quod finitum homines dividit (3), possit cum aliis rationem et verum communicare: igitur homo natura factus ad societatem veri, rationisque colendam. Et quanquam corporis utilitates animi affectus cient, quibus homines de ipsis utilitatibus pugnant (4); tamen homo ita est a Deo fabricatus, ut internos animi affectus vultu laeto, moesto aliove significet, et alienis vultibus conformet suos, ut ridentibus arrideat, moerentibus moereat: quae *prior humanitatis pars* est, nempe *hominem hominis misereri*; quam excipit *posterior illa, hominem homini opem ferre* (*). Atqui homo non solum ratione et sermone, sed vultu quoque a brutis animantibus differt; bestiae enim *faciem* habent, *vultum* non habent: igitur homo natura factus, non ad suas solius, ut ferae bestiae, sed ad communicandas cum aliis hominibus utilitates. Atqui natus imprimis est ad societatem veri, rationisque colendam (5): igitur factus ad communicandas utilitates ex vero et ratione: utilitates autem ex vero et ratione sunt quae demonstrato commensu constant (6), nempe

Hominem esse naturae socialem.

Humanitas et ejus partes.

(1) Lem. IV. (2) Principio. (3) Principio. (4) Cap. XXXI. (5) Cap. XIX. (6) Cap. eod.

(*) Vide De Const. Jurisp. Pars II, Cap. II, *De principiis Humanitatis*, ubi enumerantur humanitatis partes duae: *pudor* nempe et *libertas*.

aequum bonum: igitur homo natura factus ad communificandas cum aliis hominibus utilitates ex aequo bono: societas est utilitatum communio; aequum bonum est jus naturae: igitur homo est naturae socialis.

*Utilitas Occasio,
Honestas est causa
juris et societatis
humanae.*

XLVI. Utilitates ex se neque turpes neque honestae, sed earum inaequalitas est turpitudine, aequalitas autem honestas: utilitas corporis, quia corporis, fluxa; honestas autem aeterna, quia aeterno vero constat, et quidem mente constat (1): fluxa aeternum non possunt gignere, nec corpora, quid supra corpus (2): *occasio autem causa* non est; quod Hugo Grotius in hac disputatione, cujus est cardo, non vidit: non igitur utilitas fuit mater juris et societatis humanae; sive ea sit *necessitas*, sive *metus*, sive *indigentia*, ut Epicuro, Machiavellio, Obbesio, Spinosae, Baylaeo adlubet: sed occasio fuit, per quam homines naturae sociales, et originis vitio divisi, infirmi et indigi ad colendam societatem, sive adeo ad celebrandam suam sociale naturam raperentur.

*Utilitas et Necessitas
occasiones humanae
societatis.*

Igitur id gravissimum ejus exemplum est, quod, Ulpiano (3) referente, Paedius ait: *quotiens lege aliquid unum vel alterum introductum est, bona occasio est, cetera, quae tendunt ad eandem utilitatem, lege supplere*. Homo erat factus ad Deum contemplandum colendumque, et ad ceteros homines ex Dei pietate complectendos, quae erat honestas integra (4): bonae igitur occasionis fuit usus et NECESSITAS (5), quibus *Divina Providentia* (6), *rebus ipsis dictantibus*, ut eleganter ait Pomponius (7), hoc est ipsarum sponte rerum homines originis vitio dissociatos, non ex honestate integra, quae ex animo tota erat, prae Dei pietate, quia non integros, sed ex aliqua honestatis parte, nempe ex corporis utilitatum aequalitate, quia (*) magna et bona parte corruptos ad colendam societatem retraheret.

(1) Cap. XIX. (2) Lem. III. (3) In l. nam ut ait Paedius 11, D. de legibus. (4) Cap. XVIII. (5) § Sed et jus quidem, vers. jus autem gentium Inst. de Jur. natur. gent. et civili. (6) § Sed naturalia quidem jura Inst. eod. tit. (7) In l. 2, § Novissime, D. de O. J.

(*) *quia magna* in textu, *quae magna* legitur in Notis posterioribus inter errata corrigenda. Novam lectionem retineat si quis acutior aliquem ex ea sensum rite elicere sciverit. Nos frustra id conati, primam textus lectionem reposuimus, quae, ut videtur, necessaria patebit, si praecipuam Vici sententiam, omnibus despoliatam accessionibus, sic posueris: « bonae igitur occasionis fuit *usus et necessitates*, quibus *Divina Providentia* homines originis *vitio dissociatos non ex honestate integra, sed ex aliqua honestatis parte ad colendam societatem retraheret.* »

Quamobrem concludendum, uti corpus non est caussa, sed occasio, ut in hominum mente excitetur idea veri (1); ita utilitas corporis non est caussa, sed occasio, ut excitetur in animo voluntas justitiae.

XLVII. Aequum cognoscitur, bonum eligitur; igitur Jus naturale est ex electione boni, quod aequale cognoveris. *Juris naturalis definitio.*

XLVIII. Hoc jus, quia aeterno vero constat, *Fas* sapienter Latinis dictum a *Fato*, hoc est aeterno rerum ordine; quatenus D. Augustinus definit, *SANCTIO* et *VELUTI VOX DIVINAE MENTIS* (2), qua Deus homini justum aeternum fatur et dictat : unde hoc jus immutabile manet. Quare uti falsae vulgi persuasiones, quibus putant solem bipedalem, stellas exigua lumina, nihil quicquam demutant ingentem syderum magnitudinem, quam Astronomia invictis rationibus demonstrat; ita vel perturbationes animorum, vel barbararum gentium absurdi mores nihil quicquam jus naturae demutant, quod aeterna demonstravimus constare ratione.

Et si quandoque mutari videtur, ibi non jus, sed facta mutantur : ut quum quis vitae impetitus, cum aliter eam servare non possit, injustum aggressorem occidit; ibi non est *homicidium*, sed *poena*, quam is jure superioris de aggressore injusto in solitudine sumit; non aliter ac civilis Potestas capitis reum capite plectit in civitate : et qui subripit aliquid, unde in rerum omnium inopia victitet, seu vitam dietim sustentet; ibi non est *furtum*, non enim animo lucrandi facit; sed est *pacti usus*, quo inter homines *societas aequi boni* a natura ipsa fundata est, de qua mox dicemus.

XLIX. Fundamentum autem omnis humanae societatis Florentinus (3) statuit socialis naturae nostrae cognitionem : *Cum inter nos*, inquiens, *cognitionem quandam natura constituat, consequens est hominem homini insidiari nefas esse*. Atqui *insidiari* est per *falsa nocere* : tu igitur ex contrario conficias, *hominem homini per vera juvare fas esse*.

Atque haec est *INTIMA PHILOSOPHIA*, nempe *naturae humanae cognitio*, ex qua Cicero (4) conabatur Jurisprudentiae principia repetere; non praestitit tamen.

Haec autem *COGNATIO NATURAE* est, qua ab uno Principio, nempe Deo, humani animi ortum habent: quod supra demonstravimus (5), et ab uno omnium parente *Ada* humana corpora prognata sunt, ut supra demonstravimus quo-

Fundamentum humanae societatis socialis naturae cognitio.

Metaphysica Jurisprudentiae parens.

(1) Lem. III. (2) De Civ. Dei lib. V, cap. 9. (3) In l. 1. D. de Just. et Jure. (4) Lib. I de legib. (5) Cap. XI.

que (1): ita ut omnes homines sint, ut dicebat Cicero (2), naturâ consanguinei.

L. Sed vidimus (3) homines naturâ factos ad communicandum cum aliis tum rationem et verum, tum utilitates ex aequo bono, sive adeo ex vero ipso. Hinc ex ipsa hominis sociali natura duplex existit *naturalis Rerum societas*, altera *Veri*, altera *Æqui boni*.

Utriusque societatis leges.

LI. Prioris societatis lex est: BONA FIDE AGITO, quod idem sonat, ac *ex vero vivito*: qua lege stat omnè jus naturale: unde in jure Romano passim *bona fides* pro *ipso jure naturali* (4) accipitur.

Veriloquium.
Sedulitas.

Ejus legis duo sunt summa capita, alterum quo jubetur *Veritas dicti*, quae *Veriloquium* dicitur; alterum quo jubetur *Veritas facti*, quae proprie appellanda esset *Sedulitas*, quae est *gestio rei sine dolo*, Romani Jurisconsulti eleganter prius caput concepere illâ formulâ, EX ANIMI TUI SENTENTIA? posterius alterâ illâ, DOLUS MALUS ABESTO.

Ex priori hujus legis capite sciscitanti perconctantive jus est, ut sibi verum dicatur: et hoc caput prohibet ab omni dicto mendacia, omnes orationum decipulas, omnes cavillos, omnes scrupolositates, subtilitatesque verborum; et vel cum hostibus generositatem commendat, et rapere non furari victorias.

Fides.

Veritas fundamentum Justitiae.

Dicti veritate continetur *Promissifides*, quam Cicero statuit *Justitiae universae fundamentum*: sed per haec quae nunc dicimus, is multo rectius fundamentum omnis Justitiae cum Democrito ipsam et fidei et omnium aliarum virtutum matrem statuisset *Veritatem*.

Posteriori legis capite damnatur omnis *fraus*, *insidia*, *calumnia*, *dolus*, qui admittitur, quum aliud agitur, aliud simulatur; uti ipse ejus formulae auctor Gallus Aquilius apud Ciceronem (5) definit.

Laedere.

Societas *aequi boni* ex societate veri nascitur, ut supra demonstravimus (6), ejusque duae sunt leges: prior quae jubet *alieni abstinentiam*, et edicit omnibus, *laedi neminem*: priscis autem *laedere* significabat *rapere*; quare omnem vim, omnem injuriam, omnem turpem quaestum, omne lucrum cum aliena jactura damnat.

Obligatio dominii.

Ex hac lege nascitur *obligatio dominii* ita eleganter a Grotio appellata; qua quicumque alienum tenet, debet id domino restituere.

(1) Cap. XIV. (2) In lib. de Rep. (3) Cap. XLV. (4) Ut l. Bona fides 57. D. de Reg. Jur. Leg. 1. § 1. D. de act. empt. (5) De Offic. III. (6) Cap. XLIII—XLV.

Posterior lex est perfectioris virtutis, quae dictat *homini hominis diligentiam*, sive ut homo homini bene velit: ex qua lege sunt illa *duo jura*, alterum de *apice necessitatis*, quo licet mihi, te invito, de tuo victitare, si nulla mihi aliunde exhibendae et sustentandae vitae copia suppetat: alterum de *innocua utilitate*, quo licet mihi, te invito, tua re uti, sive adeo abuti, qui usus abususve mihi sit utilis, tibi nullum afferat detrimentum.

Lex de mutua hominum diligentia.

Lex summae necessitatis.

Lex innocuae utilitatis.

Ex hac lege postremo est *Vir bonus*, vir aliis utilis, qualem *Judicem* definiebant Romani, qui in judicio nihil suâ caussâ, sed omnia caussâ alienâ facit.

Vir bonus.

Has leges custodit *Pudor*, de quo infra (1). Pudore autem universum jus naturale conspersum est, eoque solo totum consistit (2). Pudorem cuique natura attribuit, et pueris maxime, quibus vel ipse Epicurus integriorem fatetur esse naturam, ut pueritiam ceterarum aetatum regulam de bonorum finibus statuatur, ut II Libro. dicemus. Unde Juvenalis pudorem pueris a *natura tutorem datum* et eleganter et vere dixit.

Pudor custos juris naturalis.

LII. Ex natura hominis, cujus est proprium nosse (3) et verum nosse (4), uti supra diximus, est primum juris praeceptum, *honeste vivere*, quo tenetur homo etiam in solitudine: quod quae conformatio cum aeterno rerum ordine est menti *verum* quum eam cognoscit, et ipsa est animo *honestum* quum eam eligit (5). Ex *cognitione* autem *naturae* sunt duo reliqua, *alterum non laedere*, et *suum cuique tribuere*, quibus homo tenetur in omni humana societate, secundo in omni societate aequali, tertio in omni societate inaequali, de qua utraque paullo inferius dicemus.

Ex cognitione et cognitionis naturae tria juris praecepta.

LIII. Et demonstravimus (6) scientiarum principia a Deo esse et in nobis esse. Mireris igitur eruditissimos istos viros, qui haec tria esse praecepta juris seu justis, non axiomata juris sive Jurisprudentiae contendunt et disputant, ob id ipsum, quod agnoscant, eas esse quasdam a natura insitas, et quasi consignatas animis nostris *κοινὰς καὶ φυσικὰς ἐννοίας*; quasi Jurisprudentia esset Ars quaedam quae solis praeceptis et non demonstratione quoque constaret, de qua diximus supra (7), ita ut ejus principia homini essent sumenda foris; cum ob id ipsum, quod sint quaedam communis naturae notiones, sunt legitimae scientiae principia, ut demonstravimus (8).

Quae sunt legitimae scientiae principia.

(1) Latissime Lib. II, Pars II, cap. III. (2) § 1. Instit. de fideicom. heredit. (3) Cap. XII. (4) Cap. XVII. (5) Cap. XLIV. (6) Principio. (7) Cap. XXXVII. (8) Principio.

Societas veri in societate aequi boni inest, et vicissim.

LIV. Et veri et aequi boni societas ex divinae proprietate originis (1) ita est comparata, ut utraque in altera contineatur: et quidem in societate aequi boni inest veri societas; nam in commerciis is qui sciscitanti verum rei pretium, id mentiens intendit, et impensius aequo auget, is ei subripit ingens bonum, nempe arbitrii libertatem, qua uteretur, si verum precium nosset. Contra in societate veri societas aequi boni subest; nam qui percunctanti verum celat, maximum ei subripit bonum, veritatem.

Verum fons omnis juris naturalis.

LV. Hinc verum est omnis juris naturalis principium. Quare saepe in jure Romano verum sumitur pro aequo bono (2) sive adeo pro justo (3), et est locutio vulgaris latina, sed origine satis sapienti, ut apud Terentium (4) vere vivere pro vivere convenienter rectae naturae, ut pater ostendat filio quanti eum pendat, et filius illi credat, quae aequum est, filium credere patri. Atque hoc illud est quod dicebat Varro, et nobis haec scribendi initium fecit, FORMULAM NATURAE esse ideam veri, quae nobis dictet jus naturale.

Jurisprudentiae et Moralis christianae principium et finis idem.

LVI. Societas humana in cognatione Naturae fundata est: quae cognatio quantum animorum est, protinus est a Deo, ut diximus (5); quantum sanguinis est, ab Ada communi omnium parente, qui a Deo quoque creatus est (6), ac proinde etiam a Deo est. Igitur principium et finis Jurisprudentiae christianae et moralis christianae omnino idem, quae jubet Christiano in omnes homines prae Deo charitatem.

Suum.

LVII. Et hinc quoque prospectare licet Suum quam longe lateque pateat; cum enim verum sit objectum mentis, bonum objectum animi; suum complectitur omnia quae sunt mentis, omnia quae sunt animi, quatenus aliqua colendae societatis humanae obligatione afficiantur.

Justitiae definitio.

LVIII. Sed ordo rerum aeternus, Aeterna Ratio, quatenus dictat aeternum verum menti, est Aeternae Mentis Aeterna Veritas, quatenus jubet aequum bonum voluntati, est Aeternae Voluntatis Aeterna Justitia, et jubet, qua amplitudine mox vidimus, Suum cuique: et definitur constans et perpetua, hoc est, aeterna voluntas suum cuique tribuendi (7).

(1) Cap. II. (2) Princ. Inst. de ingen. (3) L. Sed et vir, D. de donat. inter vir. et uxor. (4) In Heautontimorumenone Act. I, Sc. I. (5) Cap. XI. (6) Cap. XIV. (7) Leg. 10. D. de Just. et Jure.

LIX. Cumque et *verum et aequum bonum* sit duplex *Justitia omnis societatis fundamentum.* fundamentum omnis societatis (1); cumque id dictet ipsa *justitia* (2), merito Scipio Africanus, apud Ciceronem, referente Augustino (3), docet *sine justitia nullam stare posse civilem societatem*: quod firmat Aristoteles exemplo satis gravi latronum, qui nisi ex aequo praeda distribuatur, in ea quanquam injuriae societate non perstant; et Cicero altero exemplo satis acuto membri in corpore animanti, quod si alimenta aliis quoque membris distribuenda ad se cuncta corripit, contabescentibus aliis, totum corpus, et cum corpore se quoque corrumpit.

LX. Societas autem omnis est utilitatum communicatio, eae autem utilitates communicantur aut inter aequales, aut inter inaequales. Hinc in ea communicatione *duae* minimum utilitates, *duae* minimum personae considerantur, aut saltem una utilitas comparate ad duas personas replicata: nam in *omni commensu quatuor* omnino spectantur; quod de *geometrico* est exploratum: *arithmeticus* autem quanquam tribus numeris constet, tamen numerus, qui est regula reliquorum duum, replicatur. Sed hac in re hoc magni momenti discrimen, quod Grotium fefellit, est advertendum, quod ubi personae considerantur ut pares, ibi personarum aequalitas secum trahit rerum aequalitatem, ac proinde *commensu simplici* comparantur: at ubi personae considerantur ut impares, ibi inequalitas personarum secum trahit inequalitatem rerum, ac proinde *commensu duplici* comparandae, ut eo pacto aequalitas constet; idque ex ea ratione, quia res hominum, non homines rerum causâ comparati (4).

Omnis *societas* omnino duplex, *inaequalis* et *aequalis*.

Inaequalis est inter parentes et liberos, inter potestatem civilem et subditos, inter Deum et homines.

Haec societas a potiori parte dicitur *Régimen*.

In hac Dei hominumque societate homines debent immensum Deo, qui nos creavit ex nihilo, et singulis momenti conservans tuetur a nihilo; quod infinitae potentiae, sapientiae et bonitatis est munus: quare infinito est a nobis honore, qui est nostrae infirmitatis et alienae fidei, seu protectionis significatio, prosequendus.

Aequalis societas est inter fratres, cognatos, amicos, cives, hospites, hostes, qui ab antiquo verbo *hostire*, ae-

Justitia omnis societatis fundamentum.

De duplici societate aequali et inaequali personarum.

Cur debemus immensum Deo?

Honor quid?

(1) Cap. XLV. (2) Cap. superiori. (3) De Civ. Dei lib. II, cap. 21. (4) § fin. Inst. de jur. natur. gent. et civili.

quare dicti sunt, unde Plautinum proverbium: *Par pari referto, hostimentum est.*

Sodalitas libera societas.

Haec societas generis nomine caret; tu diceres *sodalitatem*, sed acceptione propriâ, qua significat *libertatem*; nam *sodes* proprie significat, *si audes*, eodem sensu quo *libere*. *Species* autem dicuntur *consanguinitas*, *cognatio*, *amicitia*, *civitas*, *gentilitas* inter eos ejusdem gentis seu nationis, *hospitium*, *hostilitas*, et inter homines omnes *humanitas*.

De duplici commensu.

LXI. Quantum ad jus attinet, duplicem *commensum* demonstravimus, *arithmeticum* et *geometricum*.

In *arithmetico* commensu numerus *sex* (1), qui est instar *ulnae* per numerum *quatuor* replicatum, dirigit majorem numerum *decem* cum minori numero *duo*; et quantum a *decem* demit, tantum *duobus* addit, et ita excedentem numerum et excessum redigit ad aequalitatem, et ex excessu et defectu *sex alterum* efficit. Quare haec proportio unice spectat aequalitatem duarum rerum, nihilque attendit inaequalitatem personarum, quas ut aequales considerat; ac proinde in *commutationibus* obtinet.

In *geometrico* commensu *asses*, *tria* et *duodecim* (2) faciunt *trientes*, *unum* et *quatuor*. Hinc haec proportio praecipue spectat inaequalitatem personarum, quae duarum rerum inaequalitatem exaequat; ac proinde regnat in *distributionibus*, in quibus *dignitas personarum* attenditur, ut docet Aristoteles, quem immerito Grotius reprehendit; quia discrimen non advertit, quod sumsimus ex utriusque commensus natura.

De Jure rectoris et aequatorio.

LXII. Utilitatis aequalitas *arithmetico commensu* electa, est *Jus aequatorium* (3), quod Jurisconsulti in specie dicunt *suum*; et est omnis *Justitiae aequatricis* vulgo *commutativae* materies, *fontis omnis restitutionis*; et obtinet in omni *societate aequali*: socii enim, qui inaequales pecuniae partes in commune contulerunt, non auferunt lucris partes aequales commensu comparato, ut Grotio videtur, quo dignitas personae, non pecunia attenditur, sed auferunt aequales commensu simplici, quo pecunia non personae dignitas eos exaequat; nam tantum quisque aufert, quantum, si eam pecuniam ei negotiationi solus posuisset.

(1) } Ut insistam exemplis Cap. XLIV, ad quae assume Cap. LX.
 (2) }
 (3) } Sunt vocabula quae Grotius ex graecis latina reddit.

Utilitatis aequalitas *geometrico commensu* destinata, est *Jus rectorium*, Eruditis *meritum*, Jurisconsultis *dignitas* dicta, et est omnis *Justitiae rectricis*, vulgo *distributivae*, subjectum; *scaturigo omnis dignationis*; et regnat in omni *societate inaequali*. Paterfamilias enim jure superioris, et cujusdam summae potestatis, ut suo loco demonstrabimus, condit testamentum, in quo dignitatem personarum considerat: quod item Grotius non animadvertit.

LXIII. *Justitia rectrix* est ratio, quae afficit aliquam dignitate *merita subjectorum*, sive circa personas ipsarum, sive circa res, personarum tamen intuitu. De Justitia rectrice et aequatrice.

Justitia aequatrix est ratio aliquid *juste agendi*; et sub *agendi* verbo intelligas *acquirere, conservare, minuere* (1); atque ad hanc relata, *jura* dicuntur, *libertas, tutela, dominium, ususfructus, actio*, et alia innumera ejus generis. Jus pro potestate.

Justitia aequatrix omnes *vindicationes* et *conditiones* dictat, et utrarumque alteris aliquid restitui jubet: etenim quum condicimus quod nobis debetur, jus nostrum quodammodo vindicamus; et quum rem nostram vindicamus, ab ejus rei possessore possessionem quodammodo nobis deberi condicimus. Vindicatio inest conditioni et vicissim

Justitia autem rectrix poenas, praemia, onera honoresque et jura, quae Jurisconsulti appellant *Juris beneficia*, distribuit; ut jura sanguinis, adgnationis, civitatis, ordinis, et his similia; et ex sanguinis vel dignitatis juribus tribuit successiones; ex juribus civitatis, vel ordinis, munia honoresque dispensat. Jus pro dignitate.

Neque *poenas* ad justitiam aequatricem pertinere putes, quod Aristoteles in *Ethicis delicta involuntarios contractus* eleganter appellet: id enim in hac specie improprie dicitur, ut et illa *reos debere, pendere, solvere poenas*; quasi si non solverint, aliquid alienum proprie retineant; sin penderint, *suum*, quo laesus ob alienum crimen caret, per sontis poenam expleatur: sed dicuntur *poenae deberi* appellatione *sui generali*, nempe deberi societati civili; ita ut civilis potestas eas juste exigere possit, ut juris ipsi quaesiti, cum reus in ejus societatis leges consenserat, quum in reipublicae leges, quibus fundata est, crimen admittere deliberaverat.

Justitia rectrix in *publicis*, *aequatrix* in *privatis* rebus obtinet.

(1) L. fin. D. de Legib.

Qua ratione testam-
enta pars juris pu-
blici,

Et tutelae.

Adoptiones, fami-
liae, collegia.

Qua ratione bella
sunt juris privati.

*Jus rectorium et
aequatorium et cu-
jusque Justitiam do-
ctrinae causâ di-
stingui, vitae usu
non separari.*

Rectrix in aequa-
trice inest, et contra.

Neque obturbat, quod paterfamilias in legando merita spectet. Nam, ut diximus, pater jure superioris, immo quodam summae potestatis jure condit *Testamentum*, cujus factio habet quandam juris publici speciem: quae est ratio cur *juris publici* in Romanis legibus esse dicatur (1), non quod vulgo putant, quia publica auctoritate probatum est (2); nam omnia jura privata utilitate, ob hanc rationem, sunt publica auctoritate: sed est juris publici, quia familia quaedam parva respublica est, cujus paterfamilias princeps, uti respublica, est quaedam magna familia, cujus princeps est pater vel dominus. Quare paterfamilias in testamento familiam heredi *legat*, uti Princeps in mandatis *legat* rempublicam; atque ita interpretor caput illud Leg. XII Tabb. *uti paterfamilias super pecunia tutelae rei suae LEGASSIT*, quod apertissime inferius demonstrabimus: atque ob has rationes *Tutela* quoque Legibus Romanis *publici juris* dicitur (3); quia *jus rectorium* est; quare in republica libera omnis *adoptio* lege Curiata, nunc Principis rescripto *Adrogatio* peragitur; et *familiae* omnes et *collegia* sunt juris publici pars; quia regimen continent.

Nec officit vicissim quod Potestates civiles in foederibus pangendis et indicendis, gerendisque bellis spectant *suum*; unde in *Jure Foeciali* bellum indicare, *res repetere* dicebatur: nam in ea re ut aequales spectantur, et rem ipso nomine confirmant, quo *hostes* aequales appellant.

LXIV. Sed et *jus rectorium* et *aequatorium*, et ex quoque eorum duum *Justitia* doctrinae causâ distinguuntur, at vitae usu non separantur: ideo enim cives aequo jure inter se agunt, quia regimen eos in officio continet; et ideo civilis Potestas subjectos regit, quia subjecti *communi sponsione* (4) in eam potestatem consenserunt: et homines universi ideo *aequum bonum* facere tenentur, quia *verum* ratione dictat: et ideo dictat, quia inter homines *cognatio quaedam* et *aequalitas constituta*, quam sane non aliam homines intelligere possunt, quam quod omnes ex uno naturae principio a Deo creati sunt (5).

Et *justitia rectrix* in *aequatrice*, in *rectrice* inest *aequatrici*. Ubi *rectrix* *justitia* regnat, ibi *aequalitas* inter rectos celebratur; et ubi exiit *aequalitas*, *rectrix* tandem extinguitur. Ubi plures aequales statim *rectricem*, ubi plures summi statim *aequatricem* agnoscunt. Sic exleges intellegit

(1) L. 3. Qui testam. fac. poss. l. 1. in vers. secundo ad l. Falcid.

(2) L. Verbis legis 120. de verb. signif. (3) L. 8. de tutel. l. ex sententia 29. de testam. Tutor. (4) L. 1. D. de legib. (5) Cap. IX.

xerunt omnes inter se cognitionem quandam constitutam; ac proinde jus naturae, quod illos ex aequo bono regeret; et Principes summi statim ac bella gerunt, se agnoscunt *hostes*, hoc est, *aequales*.

LXV. Ut *Virtus universa* prudentiam, temperantiam, fortitudinemque impellit, ut cum cupiditatibus pugnent; ita *Justitia universa* prudentiae, temperantiae, fortitudini jubet ut utilitates dirigant: prudentiae jubet ut quisque sciens prudens tractet utilia; edicit temperantiae ne lucrum faciat alieni; permittit fortitudini ne per flagitium perdat sua.

LXVI. Prudentia ignoscit culpae *a*): temperantia damnat dolum *b*): fortitudo *c*) injuriam *d*) vindicat *e*).

a) Ut docet illa apud omnes ferme gentes elegans deprecandi formula; *quo magis cognoscis, eo facilius ignoscas*.

b) Cujus virtutis proprius est *pudor*, quo univrsum jus stat naturale: unde tam late patet *exceptio doli*, quae obtinet adversus omnes actores, qui aut volunt cum reorum jactura locupletari, aut injuriâ locupletiores sunt facti *(1)*.

c) Quae est ad salutem non ad injuriam comparata.

d) Unde justitia bellorum acceptis, injustitia datis ultro injuriis aestimatur.

Injuriam autem revoco omnem ad *malum* et *damnum*: *malum* hominibus, ut verbera, vulnera, caedes; *damnum* rebus datur *(2)*.

e) Fortitudo autem damna imputat, mala reponit, et sic conservat aut repetit *suum*.

LXVII. *Veniae* locum facit *error*, *fortuna*, *necessitas*, quae sunt *infelicitati* tribuenda.

Poenae locum facit *malitia*, *dolus*, *audacia*: *malitia* malum dat aliis; *dolus* sibi turpe lucrum captat; *audacia* communis sensus vel moris pudorem abjicit.

Imputationi locum facit *inertia*, *negligentia*, *luxus*: ex quibus sunt homines *nequam*, *damnosi*; quibus contrarii sunt homines *frugi*, utiles.

Non tamen prudentia ignoscit errore, fortuna vel necessitate peccantibus, qui ultro in errorem inciderint, vel in fortunae se casum dederint, vel sponte sua in necessitatem redacti sint, ut ebriis, amantibus, iratis, qui pro brevi insania correptis habentur; nec iis qui longa scelerum consuetudine ita humanos exsurdaverunt mores, ut jam ipsi sit ferme peccandi necessitas.

(1) L. Jura naturae 206. de reg. Jur. (2) Ut in titt. Jur. ad l. Aquiliam.

Omnes ignorantes
peccare.

LXVIII. Et omnes vel dum peccant, ignorantes peccant: quod Socrates docuit, uti et *scientiam esse quanque virtutem*: quia si quis perspicue exploratum verum nosset, nedum non peccaret, sed recte ageret: neque vere liberalis, ex. gr., aut magnificus est, idem docebat, qui ignorat aut beneficii collocandi, aut magnifici sumptus rationem.

Quod infirmioribus animis eo exemplo firmaveris, si duo aequae maligna feбри laborantes misere sitiant; alteri medicus edicat, ne bibat, alioqui mortem certo praedicat; alteri gelida lautissime apponantur in machina ita constructa, ut si labra labro vasis admoveat, oculis cernat securim sibi caput obtruncaturam; uter istorum biberit?

Ignorantia speciei.

Omnes igitur peccant ignorantes: at errantes peccant vel ex *ignorantia speciei*, quam Jurisconsulti dicunt *ignorantiam facti*, et peccant ex temeritate, quia in vero vestigando non laborarunt, donec exploratum haberent, et hi merentur veniam: nam si id fecerint, et tamen peccatum sit, ea ignorantia non *reum*, sed *miserum* facit; ut Oedipum, qui cum ignorata matre Jocasta uxore ducta concubuit, qui

Ignorantia sensus
communis.

merentur misericordiam: vel *errantes* peccant ex *ignorantia sensus communis*; quem definire possis, communem tuae civitatis vel nationis prudentiam, quia id sequare aut fugias, quod omnes tui cives vel gentici sentiunt sequendum, vel fugiendum: hanc Jurisconsulti vocant *culpam latam*, et quasi *dolum* censent. Deliberati peccant ex *ignorantia generis*, seu rationis aeternae, quam certe perspectam non habent; et peccant, quia *sapientia sensuum*, quam nos supra (1) stultitiam definivimus, judicant. Quare falsum illud Medaeae:

Ignorantia generis.

..... Video meliora, proboque,
Deteriora sequor:

nisi verbum *video* cum suo momento accipiatur, quo id verbum vero *cerno* levius est; nam per affectuum tenebras *video*, non in veri luce *cerno*: igitur invertenda sententia: *si cerno meliora, deteriora non sequor*: quod nos dum feбри aegrotantium exemplo firmavimus. Qui vero in delicias et vitae luxur effusi sunt, peccant ex *ignorantia sui*, qui, quia se ipsos ignorant, se per ocia et per sensus delicias quaerunt: *negligentes* autem et *incauti* peccant ex *ignorantia suarum rerum*, quas suas esse ipsos scire oportebat.

Ignorantia sui.

Ignorantia suarum
rerum.

De poenis in utraque
societate rerum.

LXIX. Et omnes peccantes ob id ipsum quod omnes ignorantes peccant, jure naturali necessario poena manet,

(1) Cap. XXVII.

sive ii in alios, sive adeo in se ipsos aliquid turpe admitterint (1); et hoc jure poenam ipsi rei de se sumunt: sed quia nemo est qui miser fieri velit (2), verius est, ut ipsi rei sint necessarii hujus generis poenarum ministri, quas de ipsis sumit Æterna Ratio, Justitia Æterna, Deus (3). *Propria poena quae?*
Hoc autem *poenae* genus est omnium maxime proprium a *poenitendo* dictum, nempe *prave facti conscientia*, quae *Conscientia*. nihil aliud est nisi *ignorati veri pudor*, quantum ex ignorantia veri *turpitudine* conflata est. *Conscientia* autem sapientissimae originis vox est: *scire* enim est verum noscere; *conscire* est cum alio verum noscere: unde ubi mens cum animo noscit verum, in quo utroque *electio* posita est, *Electio*. tunc *animus* est *sibi* hoc est suae menti *consci*, suae *consci* rationi: et uti *recte facti conscientia* est veri agniti praeium a Deo in ipsa *honestate* collocatum (4), ita *conscientia prave facti* est veri ignorati poena in ipsa turpitudine a Deo posita. Itaque et eleganter et vere dicere possis hanc esse poenam, quam sumit Deus, utpote rector societatis veri et rationis, de qua supra (5); qua homo nedum cum ceteris hominibus, sed cum omnibus Intelligentiis, atque adeo cum Deo ipso communicat, ut supra demonstravimus quoque (6) quantum Deus est Æterna Ratio infinita, homo autem est *particeps rationis* (*). Et uti supra (7), ita et heic societate veri societatem aequi boni inesse velim: sed in societate aequi boni, quantum ad hoc genus poenae attinet, societatem veri considero. Sed pro facti pravitae haec poena levior est graviore. Nam qui *ex errore peccant*, iis ipsa veri, quod ignorabant, agnitio poena est; itaque poena est pudor ipsos errasse: qui autem *de liberati peccant*, sed cum aliqua Rationis aeternae verecundia, qui Aristoteli *incontinentes*, et quorum *culpa* Platonii *sanabiles* dicuntur; hi stimulis conscientiae acrioribus puniuntur: qui vero ex prava consuetudine sive prava natura peccant, sine ullo Rationis aeternae pudore, quos *intemperantes* Aristoteles, et quorum *culpas immedicabiles* *Qui intemperantes?* Plato dicit, hi gravissime plectuntur ipsius *conscientiae stupore*, seu *morte quadam sensus humani*: ex qua isti perditissimi homines a Philosophis ex hominum genere et societate eximuntur, et inter brutas bestias numerantur: ita ut

(1) Cap. XXX. (2) Principio. (3) Cap. LVIII. (4) Cap. XVIII.
(5) Cap. L et LI. (6) Principio. (7) Cap. LIV.

(*) Vide in libro de Metaphysica, Cap. I, interpretationem verborum *particeps rationis* ex doctrinis deductam antiquae Philosophiae Italicae.

acute dixeris, hanc poenam esse quandam *deportationem humanitatis*.

Sed quas poenas de peccantibus sumunt alii, sunt poenae quae in *societate aequi boni* irrogantur, quas sumere naturâ oportet, naturâ autem non est necesse; h. e. utilitas naturali ratione adjuta suadet, non ipsa ratio naturalis urget necessario, ut sumantur.

Et in societate aequi homines omnes peccantes poena manet; *ignorantes* quidem ingenua ipsius peccati confessio et pudor; unde sunt omnes purgationes. At vero *malitiosos* manet, si *meliores sperentur*, poena commoda ut emendantur; si *perditi* prorsus sint, manet poena severa, *exemplum*; ut ne vivendo ex pessimis peiores fiant: quam unam iis republica tribuere potest utilitatem, quae est et aliis utilis, ut exemplo deterreantur; *inertes, incauti, negligentes, luxuriosi*, quae damna ipsi sibi faciunt, rerum suarum, suorumque jurium multâ per *usucapiones* et *praescriptiones* puniuntur; *injurii* quae damna dedere aliis vel domi nexu et carcere, vel foris servitute belli dant poenas. Atque adeo *temerarii* injurias faciunt (1); *fortes* poenas repossunt (2): nam qui civem indemnatum occidit temerarius est, qui unus cum lege ac proinde cum omnium civium voluntate, et privatus cum republica pugnat, quae sua fortitudine nempe *imperio*, ei capitis poenam reponit: et belli injurias fortes per damna direptionum vastationumque, per mala praeliorum et cladum animadvertunt; per quae bellorum detrimenta temerarii fortium juri cedunt.

Usucapio et Praescriptio negligentium mulctae.

Justitia particularis et universa doctrinâ aliae, reipsa idem.

LXX. Justitia, sive aequatrix, seu rectrix, quarum utramvis in altera inesse diximus (3) et vulgo quaeque earum particularis habetur, ut sit vera virtus, qualem supra definivimus, quae omnes virtutes comites habeat (4), Justitia universa sit oportet, ut vidimus supra (5): et vicissim Justitia *Architectonica*, quam dicit Aristoteles, quae ut Architectus ancillantibus artibus, ita inferioribus virtutibus imperat, et quam eleganter Scholae appellant *legalem*, quia tantum, quantum leges, porrigitur, quae sedet in animo Potestatis civilis, et jubet omnibus virtutibus quae conducunt ad civilem beatitudinem; ea ipsa est particularis in animo Sapientis, quae omnium virtutum officia imperat ad privatae vitae tranquillitatem. Quid ita? Quia unum verum, una aeterna Ratio, quae id dictat; unum verum bonum,

(1) Cap. LXVIII. (2) Cap. LXVI. (3) Cap. LXIV. (4) Cap. LXI. (5) Cap. LXV.

una aeterna Electio quae id jubet; una aeterna Justitia, unus Deus.

LXXI. Prudens utilitatum destinatio, hoc est destinatio facta ratione, non cupiditate suadente, gignit *dominium*; temperatus utilium usus gignit *libertatem*, quae in aequali rerum usu consistit; vis fortitudine recta gignit *inculpatam tutelam* (*).

Domini, libertatis, tutelae genesis.

LXXII. *Dominium* est jus disponendi de re, *ut velis*; *libertas* est jus vivendi, *ut velis*; *tutela* est jus tuendi te et tua, *si velis*.

Tres Juris voluntarii fontes.

LXXIII. Sed omnia haec aequabiliter, cum modo omnia: quem modum omnibus una adhibet Ratio (1): namque *avari*, *luxuriosi* naturâ sunt mancipia, non domini: immodice liberi seu *licentiosi* sunt naturâ servi non liberi: qui *injurias* tuentur, non sunt naturâ fortes, sed violenti vel temerarii.

Juris necessarii fons unus.

LXXIV. *Dominium*, *libertas*, *tutela* sunt homini ingenta, et per occasiones nata; ut in specie *libertas juris* ante bella erat quidem, sed servitute per bellicas captivitates introducta agnita est, et nomen accepit (2). Sic dominia rerum soli per divisionem agrorum agnita sunt: quare ab Jurisconsulto dominia divisione non *introducuntur*, sed *distincta* esse dicuntur (3). Sic ex *potentia* statim nascendo existit *tutela* sui, quae eminet in pueritia, et geritur sensuum judicio et auctoritate, quos pueri habent acerrimos: adrescente aetate ex *voluntate* existit *libertas*, quae eminet in adolescentia et solutis animi affectibus agitur, qui in ea aetate omnes sunt maxime vehementes; at si effrenentur creant Regnum cupiditati: tandem per aetatem explicata cognitione confirmatur in homine ratio, quae sensuum tutelae et affectuum libertati tanquam domina moderatur.

Ordo nascendi, seu natura domini, libertatis, tutelae.

LXXV. Itaque *tutela sensuum* et *affectuum libertas* sane sunt *Jus naturale*, quod antiqui Interpretes appellant *prius*, et Stoicis dicuntur *prima naturae*; *dominium rationis*, *affectuum aequalitas*, *tutela consilii* est *Jus naturale*, eorundem antiquorum Interpretum *secundarium* quod dicunt; et *naturae consequentia* Stoicorum: quae duo, quia Hugo Grotius bina falso putaverit; ex quo errore factum, ut hanc

Jus naturale prius et posterius Interpretum eadem quae prima naturae et naturae consequentia Stoicorum.

(1) Cap. XLIV. (2) Princ. Inst. de libert. et l. 3. D. de Just. et Jure. (3) L. 5. D. cod.

(*) Haec genesis domini libertatis et tutelae refertur ad triplicem partitionem virtutum, uti perclare constat ex Cap. LXV, ac proinde refertur ad prima tria: *nosse, velle, posse* (V. Not. in Cap. XXXIX).

ipsam juris naturalis divisionem antiquorum Interpretum, quam judicio reprehendit, usu tamen ejus eximiae tractationis de *Jure belli et pacis* amplectatur; res digna est, quam ex iisdem nostris principiis paullo altius repetamus.

Deus Opt. Max. infinita sua potentia, sapientia et bonitate creavit ad sui similitudinem hominem, et *potentiâ* dedit ei *esse*, *sapientiâ nosse*, *bonitate velle*, quo vult suum *esse*, suumque *nosse*, sive adeo suae naturae perfectionem.

Ex tertio hoc Dei beneficio existunt duae Juris naturalis partes; altera qua homo suum vult *esse*, altera qua suum vult *nosse*. Unde homines aequo ferme studio, ne dicam acriori scire, quam *esse* desiderant; et impense delectantur, quum aliquid novi discunt, et potissimum quum brevi discunt; quare tantopere acuta dicta delectant: aequae summe iis dolet decipi, errare labi, ut nihil firmitus recordentur, quam ubi semel offenderint: quin ingeniorum contentiones omnium acerrimas exercent; et sciendi cupiditate prae doctrinae gloria passim et facile vitâ cedunt.

Vita hominis cum
brutis communis.

Illa parte, qua homo vult suum *esse*, continentur quae Stoicis dicuntur *Prima Naturae*, quae respiciunt vitam hominis cum ceteris animantibus communem; eaque Philosophi isti definiunt, quibus Deus, ut hominem creat, eum suae ipsius tutelae commendat, qua suum *esse* tueatur: quibus addas, quod cum *esse* a Divina Omnipotentia datum sit, ab eadem Omnipotentia *vis* ei *corporis* indita est, qua suum *esse* tueatur; atque ea appellant *Prima Naturae*; quia homo *nascendo ea doctus* est, nempe brevissimis, immo praesentibus sensuum notis *voluptate* et *dolore*, vitae utilia sequi, declinare noxia, ut suum sibi *esse* conservet (1); quod si prohibeatur utilibus, urgeatur in noxia, nec aliter illa assequi, haec declinare possit, *vim vi propulset*: cumque homo, quia mortalis, in sua specie perdurare nequit, is, ut animantia cetera *in genere* servare suum *esse* ab ipsa natura instigatur.

Jus naturale Jurisconsultorum quid
Metaphysicis?

Quid Physicis?

Atque haec juris naturalis pars definitur (2), *Jus quod natura omnia animantia docuit*: quod Metaphysici ex universo genere tradunt, Divinae bonitatis participationem, qua creata quaeque suas perfectiones custodiunt: Physici vero in suis *axiomatis* sic enunciant; naturalem motus legem, qua in sua quidque specie nititur perdurare, nisi vi, seu conatu majore de suo statu dejiciatur. Sed nos in no-

(1) Lem. II. (2) Ab Ulpiano in l. 1. § Jus naturale, D. de Just. et Jure.

stra Metaphysica rebus inanimis et brutis omnem conatum abnegavimus, physicisque rationibus, qui corporum conatus Physicis et Mechanicis cum vulgo dicuntur, ipsos esse motus contendimus, et conatum uni menti attribuimus, quae libero arbitrio praedita potest *substare*, ut sapienter Latini loquuntur, testimonio Terentii:

Metuo, ut substet hospes;

eoque pacto potest *motum subsistere* et *stare in conatu*; et ita *Jus naturale prius* est brutis omnino incommunicatum: unde Latini fortasse quidquid est *sine vi*, *brutum* dixerunt. Brutum quid?

Ex hoc igitur jure descendit, ut ob nostri corporis tutelam vim et injuriam propulsemus (1); et maris et foeminae conjunctio, liberorum procreatio, educatio (2) (a).

Illa autem parte qua homo vult suum *nosse*, quae est *vita hominis propria*, et nihil aliud est quam *nosse*, hac parte, inquam, continentur, quae iisdem Stoicis dicuntur *Naturae consequentia* sive *consentanea*, quae ad veram hominis vitam spectant; et describuntur, quae homo agit humanae naturae convenienter, sive convenienter vitae sociali, quibus vera hominis vita conservatur, ex qua sapientia Terentius (3) dixit, quod ubi nec pater ostendat filio, quod eum diligit, nec filius credat, quae aequum est, patri,

Ubi id fit, ibi non vere vivitur:

non vivitur ex vero et ratione, non vivitur socialiter: quod cum Comici dictum sit, arguit ita vulgo locutos esse Romanos. Vere vivere quid?

Haec pars definitur a Justiniano, quod *naturalis ratio inter omnes homines constituit, et apud omnes gentes peraeque custoditur* (4).

Cumque *vita hominis* longe praestantior sit *vita bruti*, proinde *haec pars posterior juris naturalis priori dominatur*; ut quod Pompejus ad bellum proficisci tempestate

(1) L. Ut vim, D. de Just. et Jure. (2) Dicta l. 1. § Jus naturale, D. eod. (3) Cap. LV. (4) § 2. Inst. de Jure natur. gent. et civ.

(a) Et si puerorum tutelam Natura non tam diligenter quam brutorum gerere videatur; qui ut plurimum noxia amant, et praecipitibus delectantur; id tamen supplet vitâ sociali, ad quam homines fecerat, ut supra demonstratum; nam ea aetate a parentibus reguntur: itaque id ipsum probat hominis socialem naturam, ut *educatio*, quae in brutis lactando, in hominibus justa rationis aetate terminetur.

impeditus olim dixerat, *navigare est necesse, vivere non est necesse*; ex genere hominibus hoc jus edicit, *recta agere est necesse, vivere non est necesse*; et uti ad tuendam hanc *brutam vitam* ab Omnipotentia vi corporis praediti sumus, ita ad tuendam *vitam* nostram *rationalem* a Divina Sapientia vi *veri* praediti sumus, ex qua *virtus* existit, ut supra diximus, et est appellata (1).

Omne jus naturale
vi constat.

Ejus divisionis usus

LXXXVI. Igitur haec juris naturalis in duas hasce partes divisio usum habet quam maximum, contra quam sentit Grotius, qui dicit, *eam Interpretum divisionem Juris naturalis in prius et posterius usum habere nullum*, cum habeat eundem numero, quem habet divisio Stoicorum in *prima naturae*, et *naturae consequentia*, a qua ipse *Generis humani* Jurisconsultus praeclarissimam de *Jure belli* et *pacis* tractationem instituit; usus autem is est, ut in utriusque juris contentione posterius priorē potius sit.

Elogium Grotii.

Jus naturale prius
ἀδιάφορον.

Nam illam juris naturalis partem, qua natura conservationem sui, suique generis docet, sensibus et affectibus docet, qui uti ex sese neque boni neque mali sunt, sed cui uti scit, boni, cui uti nescit, mali; ita et haec juris pars justum dictat sensu magis negante, quam agente, hoc est, quod ratio non improbet, sed permittat, quae dictet: quae prioris partis permissa pars posterior vetare potest, iisque contraria honesta praecipere; ut in iis, quae Philosophi Ethnici docent de *humanitatis*, *liberalitatis*, *beneficentiae officiiis*, et Christiani de *inimicorum diligentia ex Dei pietate*, de *patientia injuriarum* et *coelibatu*, quae omnia procul dubio sunt eminentioris virtutis.

In quo regnum
habet Philosophia?

Omnis Juris voluntarii
materies et forma.

LXXXVII. Itaque *jus naturale prius*, sive *prima naturae* est *omnis juris voluntarii materies*, et quantum ea propius ad licita vel honesta accesserit, tantum *jus voluntarium* minus aut magis justitiae laude celebratur.

At juris naturalis *pars altera* non permittit, sed aut *vetat* aut *praecipit*, et quod praecipit vetatve, omnino *immutabile* est, quia est a Ratione aeterna dictatum.

Atque ex hoc jure naturali posteriore immutabile prius est, quia naturae licita vetari lege possunt; sed lege fieri non potest, ut per naturam non liceant.

Quare uti *jus naturale prius*, seu *prima naturae* sunt *omnis juris voluntarii materies*; ita *jus naturale posterius* seu *naturae consequentia* sunt *omnis juris voluntarii forma*, quae si prorsus absit, jura voluntaria nulla sunt. Itaque

(1) Cap. XXXVI.

Ulpianus (1) *Jus civile* definit, *quod neque in totum a jure naturali recedit, nec per omnia ei servit; sed partim addit, partim detrahit*: et vulgatum illud *anima juris Ratio*; et Itali sapienter *Jus* vertunt *Ragione*.

LXXVIII. Hinc vides, imo cernis notam omnis juris naturalis aeternam: nam iccirco *priora naturae* in homine *jus naturale sunt prius*, quia a *naturae consequentibus*, seu *naturali jure posteriore hanc immutabilitas notam accipiunt*, ut per naturam semper sint licita.

Nota omnis juris naturalis aeterna.

LXXIX. Indidem *juris naturalis immutabilitatem*, quam meliores Moralis Christianae auctores *rigorem* eleganter appellant, aeternam intelligis: quando *jus naturale posterius*, qua nota *immutabilitatis* signat prius, seu voluntarium, id in *ratione voluntarii immutabile* statuit.

Juris naturalis rigor aeternus.

LXXX. Quod fateri verum omnes necesse est, qui de *Divina Gratia* cum melioribus sentiunt post D. Augustinum (2), qui saepe docet, *Deum suo immutabili decreto nostram arbitrii libertatem tueri*; atque hac ratione Jurisprudentiae Christianae propria principia docerent.

Jurisprudentiae Christianae propria principia.

LXXXI. Quamobrem *mens legis* et *ratio legis*, quae a non satis acutis confunduntur, res sunt longe aliae: *mens legis* est *voluntas legislatoris*; *ratio legis* est *conformatio legis ad factum*: facta mutari possunt, et mens legis, seu voluntas legislatoris mutatur: conformatio autem legis ad factum mutari non potest, unde nunquam ratio legis mutatur: quare, mutatis factis, ratio cessare potest, ut eleganter antiqui Interpretes dicunt, *ociari* potest, sed in contrarium mutari, in contrarium verti non potest. Mens legis spectat ad utilitatem, qua variante variatur; ratio legis, cum sit ad factum conformatio, spectat ad honestatem (3), quae aeterna est.

Mens legum et ratio legum.

LXXXII. Ratio autem legis eidem dat esse *verum* (4); *Verum* autem est proprium ac perpetuum adjunctum juris necessarii: *Certum* vero est proprium et perpetuum juris voluntarii attributum, sub aliqua tamen *veri parte*, ut Ulpianus nuper *jus civile* definivit (5): quam *veri partem* Legislatores arripiunt, ut *certo* teneant ea ex *parte verum* auctoritate, quod hominum pudore tenere non possunt,

Verum legum et Certum legum.

Certum est pars Veri.

(1) L. 6. D. de Just. et Jure. (2) Lib. V de Civ. Dei, cap. X, et Lib. VII, cap. 30 T. VIII in Edit. Parisiensi 1679. Lib. III de Trinitate, cap. 4 T. VI in eadem Edit. De Correptione et Gratia, cap. 8, n. 52 T. X in eadem Edit. (3) Ex definitione honestatis supra proposita, Cap. VIII. (4) Ex definitionibus *Veri* *Certique* supra allatis. (5) Dicta l. 6. D. de Just. et Jure.

quae est ejus Ulpianae definitionis ratio. Quare vel omnibus fictionibus, quae omnes juris voluntarii sunt (nam jus naturale est generosum et verax) subest aliquod verum ratione dictatum. Quin ejusdem Ulpiani celebre illud, *durum est, sed scriptum est*, tantundem sonat, *certa lex est, sed vera prorsus non est*; at aliqua tamen ratio, eam veram omnino esse non sinit.

Certum ab auctoritate, Verum a ratione.

LXXXIII. Unde conficias *certum ab auctoritate* esse, uti *verum a ratione*, et auctoritatem cum ratione omnino pugnare non posse; nam ita non leges essent, sed monstra legum. Ex quibus et perspicue et facile illud Juliani explicaveris, firmantis (1) *non omnium eorum quae a majoribus nostris constituta sunt, rationem reddi posse*; modo cum Juliano componas Neratium (2); *quia alioqui multa ex iis quae certa sunt (non vera) subverterentur*. Uterque igitur ait, *rationem naturalem* ab auctoritate requirere esse importunum: requiras igitur ab auctoritate *rationem civilem*, hoc est, communem utilitatem, quam legibus omnibus, aliquam subesse necesse est (3); vel quum Legislatores jus naturale dictant, ut nos in nostra Dissertatione *De nostri temporis studiorum Ratione* indicavimus: quae ratio civilis cum dictet publicam utilitatem, hoc ipso pars rationis naturalis est; non tota autem ratio est, quia ut utile dictet omnibus aequum, aliquando aliquibus iniqua est.

Auctoritas pars rationis.

Hinc ratio civilis pars rationis naturalis.

Pragmaticus legum et Philosophus legum.

LXXXIV. Qui tenet *certa* legum, *Pragmaticus* legum est; qui tenet *vera* legum, *Philosophus* legum est. Hinc in Jurisprudentia nova apud Romanos *scire leges non est verba legum tenere, sed earum potestatem et vim* (4).

Omnis interpretationis fundamentum

LXXXV. Ex dissertatis illud conficitur, quod omnis ex aequo bono interpretatio juris conditi, ad jus quod interpretatur, ita se habet, ut jus naturale posterius ad prius: et est universalior ratio, quae rationem juris conditi sub se habens, voluntati Legislatoris indit in nova facti specie formam juris.

Quare jura necessaria posteriora prioribus derogare in speciem videntur; re autem ipsa gravius confirmant: quia posteriora sunt ipsa jura priora, quae per *bonas occasiones*, quas dicebat Paedius (5), magis explicantur.

Omnis interpretatio ex aequo bono est ex universaliori ratione.

Hinc in legibus interpretandis ratio universa spectari debet, quanquam in aliqua specie deficere videatur: at si ipsa ratio universa deficiat, tunc ab ipsa lege recedemus

(1) L. Non omnium, D. de legib. (2) In l. seq. (3) § fin. de Just. et Jure. (4) L. Scire leges, D. de Reg. Juris. (5) Cap. XLVI.

vi universalioris rationis. Tibi tenor ex mutuo; deinde non petere pactus es: mutui obligatio pacti obligationi cedit, quae est ex genere latior, nempe obligationi pudoris, ex qua obligatio mutui suam juris vim habet, et cujus pars quaedam est.

Et quod vulgo dicitur, *generalibus per specialia derogari*, si recte animadvertatur, quae specialia sunt juris civilis, sunt generalia juris naturalis, juris civilis generalibus latiora. *Privilegia* enim sunt juris civilis quidem restrictiones; sed explicationes juris naturalis: non enim sine aliquo merito irrogantur, ut quis jure ceteris aequo eximatur, et solvatur legibus, quae omnes tenent.

Specialia jure civili sunt generalia juris naturalis.

Et ex genere restrictiones omnes juris conditi sunt productiones juris naturae; et omnes juris conditi, qua talis, hoc est legitimarum formularum productiones, sunt juris naturalis angustiae, quae jus rigidum condunt, quod aequitati naturali adversatur.

Restrictiones juris civilis sunt ampliationes juris naturalis, et vicissim.

Hinc quo ratio est universalior, propius accedit ad Deum.

Jura universaliora Deo propiora.

Et *Patrimonium, Haereditas, Respublica* sunt fictiones, quantum iis personas quasdam inducimus; sed uti rationes universae sunt rerum genera, et quia genera maxime vera.

Qua ratione patrimonium, hereditas, respublica sunt fictiones.

LXXXVI. Sed ut omnes virtutes una est, et quaeque trium semper est cum aliis duabus complicata (1), ut duplex Justitia particularis rectrix et aequatrix una Justitia universa est (2), et quaeque earum semper est cum aliis duabus complexa (3): et Virtus et Justitia una; una vis veri, una humana ratio est (4); ita *dominium, libertas, tutela* modo sint ratione recta hanc eandem proprietatem divinae originis obtinent (5), uti ea tria unum sint, et quodlibet eorum trium sit semper cum aliis duobus connexum; ita ut in *dominio* et libertas et tutela; in *libertate* et tutela et dominium; in *tutela* et dominium et libertas contineantur. Quare qui dominus est, is rei suae est moderator et arbiter; eaque adversus vim et injuriam tueri potest, si velit: qui liber est, dominus est saltem suae libertatis, eamque a vi et injuria tueri, si velit, jure potest: qui rem jure tuetur, liber et dominus sit oportet (a).

Dominii, libertatis, tutelae divina origo.

(1) Cap. III, at praecipue Cap. XL et XLI. (2) Cap. LXIV. (3) Cap. LXX. (4) Cap. XLIII. (5) Cap. XXXVI.

(a) Hactenus *Ratione* descripsimus *Generis Humani Rempublicam, Idea hujus Operis*. ejusque formam, ordines, societates, negotia, leges, peccata, poenas, et scientiam in ea tractandi juris universi exposuimus: dein

*Omnium Rerumpu-
blicarum fontes tres*

LXXXVII. Ex *dominio, libertate, tutela* omnes Respublicae ortae.

De auctoritate.

LXXXVIII. Nam ex *dominio, libertate, tutela* constat *auctoritas*, quae erat alterum a *ratione* omnis juris et omnis jurisprudentiae Principium.

*Auctoritatis nota-
tio.*

LXXXIX. Dicta a verbo graeco *αὐτός*, quanquam sint Eruditi qui negant, quod Dio (1) graecus scriptor dicat, Graecis non esse vocabulum, quod latino *auctoritati* respondeat: quae ratio plane absurda est, et omnem etymologiae doctrinam convellit: ita namque quamplurima latina verba graecam, satis multa hebraeam non haberent originem, quia Graecis et Hebraeis verba non sint quae iis latinis respondeant. *Αὐτός* autem graecis significat quod latinis *proprium, suum ipsius*: qua significatione Phaedria Terentianus inquit:

Ego vitam Deorum propterea sempiternam arbitror,
Quod voluptates eorum propriae sint;

non ut nostrae hominum, quas habemus precarias a Deo: et Horatius in Lyricis verum honorem dixit *propriam* virtutis *laurum*; quia verus honor a populari aura non pendet: et Jul. Caesar *de Bello Gallico*, victoriam, quam ei hostis e manibus eripere non posset, *propriam* appellavit: quod verbum Dionysius Petavius in *notis* non latinum, sed is vero non latine notat.

De auctoritate naturali.

XC. Auctoritas igitur naturalis significatione alia sane, quam apud Romanos Historicos, Politicos, Jurisconsultos, sed ex qua fluxit illa apud Romanos Historicos, Politicos, Jurisconsultos, est *ipsum cujusque nosse, velle, posse*; et quidem *posse* tum animo, tum corpore, quia utroque constamus (2): et definiri potest, *nostra humanae naturae proprietates*, per quam nemo eam nobis eripere potest. Hominem enim occidere quis potest, arctissime vincere potest; sed hoc rerum ordine ita comparato, nullo pacto fieri potest, quin homo vivus vinctusque noscat, quin velit, quin conetur.

ceps, ut haec magna Generis Humani civitas, ab suis usque primis Humanitatis origibibus, *Divina Providentia* moderante, moribus gentium ac proinde *auctoritate* fundata, ad hanc ipsam *Rempublicam Universam*, quam modo quodam metaphysico, sive in *Idea*, qua licuit, optima designavimus; per varia utilitatum et necessitatum humanarum rudimenta, sive adeo per ipsarum sponte rerum oblatas occasiones perducta sit, Philologiae testimoniis ad Philosophiae examen revocatis describemus.

(1) Histor. lib. LV. (2) Cap. X.

XCI. Propter rerum novitatem, ut cum Lucretio dicam, *Auctoritatis naturalis novum nomen.* et verborum egestatem hanc mihi liceat *auctoritatem naturae* appellare.

XCII. Et haec auctoritas divinae originis (1) proprietatem obtinet, quod ea una tribus his constat, *nosse, velle et posse* animo et corpore, quae tria una sunt humana natura: et quorum trium quodlibet semper est cum aliis duobus conjunctum, quorum unum si desit, homo non est.

XCIII. Sed et in eo Divini Auctoris simulacrum refert: *Auctoritatis naturae divina origo.* quod talis est haec in homine auctoritas, qualis *Aseitas* in Deo (2): Aseitate Deus est in omni natura summus: hac auctoritate homo est in omni natura mortali summus.

XCIV. Nam ex *cognitione*, qua homo ceterae naturae mortali praestat (3), hominis in omnem naturam mortalem dominium fluxit, quod Deus Adae protinus creato permisit: ex *voluntate* libertas extitit; cetera mortalia, quia arbitrii cassa, serviunt: ex ipsius humanae naturae praestantia jus tutelae ortum, qua homo se adversus omnem naturam mortalem tueretur. Atque adeo ex *ratione auctoritas* ipsa orta est.

XCV. Verum igitur dicebat Romanis Brennus (4) dux Gallorum *primam inter mortales legem* natam esse *Potentiae*; sed aut barbarus ignorabat, aut incivis, quod totius rei caput erat, reticuit, *a natura praestantiori dictam*. Quare Taciti illud, *in summa fortuna id aequius, quod validius*, ita commutandum; *in summa sive praestantiori natura jus esse quod potentiori*, uti Solon sapientissimus Graeciae; *Vim jusque parili copulans iugo*, se magna praestitisse, hoc est sua potentia leges Atheniensibus dedisse gloriabatur.

XCVI. At vero dominium vulgo nunc *proprietas* appellatur, quae priscis dicebatur *Auctoritas*: ut ex duobus leg. XII Tabb. capitibus de *Usucapione*; *usus et auctoritas fundi biennium esto*; hoc est bienni possessione proprietatem fundi acquiratur: *Adversus hostem aeterna auctoritas esto*; hoc est, nunquam hostis possessione fundi Romani proprietatem acquirat: et passim in Legibus Romanis *Auctores* dicti, a quibus dominii causam habemus. *Voluntas* vulgo Latinorum *auctoritatis* vocabulo significata: *quid mihi auctor es, ut faciam?* quid me vis facere. *Tutela pupillorum*, quae ab hac origine *vi et potestate* definitur, *tota auctoritate constat*: quam tutor praesens pupillo praest-

(1) Cap. III. in Camillo. (2) Cap. V. (3) Cap. XII. (4) Apud Plutarch.

senti in re praesenti praestat, eumque tuetur, ne in actu rei circumveniat (1).

*Prima originaria
jurium acquisitio.*

XCVII. Atque haec *auctoritas*, de qua hactenus disseruimus, est prima originaria omnium omnino jurium acquisitio, quam, quia cum hominibus nata est, possis appellare *cognatam* vel *nativam*.

De auctoritate monastica.

XCVIII. Primam vero juris *auctoritatem*, licet appellare *monasticam*, seu *solitariam*, quam homines in solitudine habent. Solitudinem heic accipio loca aequae celebrata ac deserta: modo ibi homo in vita impetitus legum praesidium implorare non possit, ita ut ei eo temporis articulo res publica nulla sit; quod Cicero sic graviter explicat, *ante ei injusta poena luenda sit, quam justa repetenda*.

Auctoritate monastica homo in solitudine summus.

XCIX. Atque ex hac auctoritate monastica homo in solitudine summus est: eaque injustum aggressorem ob sui praestantioris hominis tutelam, quia aggressori justitia praestat, jure superioris occidit.

De jure majorum gentium.

Juris gentium definitio.

Historia quid?

Juris gentium divisio.

Majores gentes quae?

Dii majorum gentium.

Minores gentes quae?

Minorum gentium Dii.

Patricii majorum gentium.

Patricii minorum gentium.

Mancipatio, usucapio, usurpatio, vindicatio, mancipia.

C. Ex hac tutela naturae praestantioris datum est *Jus gentium*; quod definire possis *Jus violentiae*: et ut in hominis vita Jus omnium primum *tutela* existit, ita in *Vita generis humani*, quae *Historia* est, Jus gentium, quod tutelâ totum constat, primum omnium ortum habuit.

Id divido in jus majorum gentium et gentium minorum. *Majores* autem *gentes* appello ante civitates fundatas et leges positae; uti Saturnus, Jupiter, Mars, Mercurius, Hercules (a), alique, quos Mythologia enumerat, *Majorum gentium Dii* appellantur, quia Deorum antiquissimi habiti sunt. *Minores* vero accipio *gentes* post civitates constitutas et regna condita, uti *Minorum gentium Dii* dicti sunt a civitatibus consecrati, ut *Quirinus*: cujus divisionis fuit imitatio quaedam illa Romanorum, qua dicti *Patricii majorum gentium* qui ex Patribus lectis a Romulo, *Patricii minorum gentium* qui ex Patribus per sequentes Reges aut a Bruto conscriptis orti sunt.

Jus autem majorum gentium est Jus privatae violentiae, quo homines exleges quidque sua *manu capiebant*, *usu capiebant* (b), vi tuebantur; suum *usum* seu possessionem

(1) Tot. titt. Jur. de Auctor. Tutor.

(a) Tu rectius dixeris, *Herculem, majorum gentium Heroem*, quem in his Libris demonstramus, esse characterem eorum qui primi gentes fundarunt: unde *primae gentes suum quaeque Herculem habuere*.

(b) Nam *prima usucapio fuit rerum suarum*, nempe quae in communione positae communiter erant cujusque, sive *ex primo domini genere*, quod cum homine natum dicimus; deinde longo usu factae sunt cujusque suae, *ex domini genere secundo*, ex quo postea mansere. Unde Hermogenianus dicebat, jure gentium *distincta*, non *acquisita* dominia.

rapiebant, et sic vi sua recipiebant: unde erant *mancipia* res vere manu captae; *nexi* debitores vere *obligati*; *Nexi*, obligati. verae *mancipationes*, *usucapiones*, *vindicationes*, *usurpationes*, seu *usus* sive possessionis *raptiones*; uti *uxores usurariae*, quae in possessione erant, non in potestate viro-
rum, *trinoctium usurpabant*, hoc est tres perpetuas noctes usum sui rapiebant viris, ne in eorundem manum seu potestatem anni usucapione transirent. Iudicia *duella* erant, *Duella*. sive singularia certamina inter duos aequales, quia *tertius* non erat iudex superior, qui controversias vi adempta dirimeret. *Vindicationes* per veram manuum conserctionem (*manus enim conserere* pugnare est) peragebantur: et *vindiciae* erant res vere per vim servatae. Actiones autem personales erant verae *conditiones*; unde *pacta*, sed alia significatione postea *conditiones* mansere dicta, et maxime illa quae rem in fortunae casum dant et obligationem suspendunt. Cujus rei bellissimum vestigium extat eo cap. Legis XII Tabb. *de Judiciis*: ENDO VIA rem uti paucunt orato (1). Uti in via creditor et debitor pacti sint, jus postu-
lato.

Per veras autem *conditiones* creditores cum debitoribus qui aut inficiarentur debitum aut cessarent, obtorto collo tractis suam *condibant*, seu *simul ibant* domum, ut ubi operis suis *nervo nexi* debita exsolverent; si autem creditores non poterant cum debitore, tunc vel cum re sibi debita, et si ejus copia neque erat, cum debitoris re alia, qua sibi satisfacerent, *condibant* domum. *Fides* autem dicebatur *nervus*, quae nunc quoque tertiae inflexionis citharae chordam significat: unde mansere locutiones, *implorare fidem* pro *implorare potentiam*; *recipere in fidem* pro *recipere sub imperium*, *recipere in potestatem*. *Conditiones* postea dictae *condictiones* a solenni denunciatione diei, qua debitori solvendum, aut in iudicio sistendum esset. *Denunciare* enim prisci dicebant *condicere*: quod *ex jure minorum gentium*, hoc est post civitates fundatas originem habuit, ut nos infra haec perstrictim enumerata latius ostendamus.

CI. Sed primi homines hanc monasticam auctoritatem concubitu certo protulerunt in filios, *tanquam in suas ipsorum partes*, quod fundamentum Societatis oeconomicae Philosophi communi calculo statuunt: ex qua Philoso-

(1) Ex lectione Hotomani.

Filius particeps patris. phiae penu Latini in priscis locutionibus habent, *particeps meus* (1) pro eo quod nunc dicitur *meus filius*. Atque inde Filius res sua patri. in leg. XII Tabb. illud *caput* influxit: *Ut paterfamilias super pecunia tutelave rei suae legasset ita jus esto*; ubi filii familias veniunt appellatione *rei suae*: unde porro *sui-tatis* jura profluxere.

Patres in familia summi.

CII. Hinc auctoritas oeconomica seu *familiaris* orta est, qua *patres in familia summi*: *libertas filiorum* stat in arbitrio parentum; unde *patrifamilias* distrahendi filii jus fuit; in *acquisitionibus filii* sunt, ut scite Aristoteles appellat, *animata instrumenta parentum*: unde *peculii* jus derivatum; parentes habent *tutelam filiorum* tanquam *rei suae*, quam aliis testamento *legare*, mandare possunt.

Pecunia.

Solitaria auctoritate in familiarem prolata, cujusque *suum*, seu dominum suarum cujusque rerum prolatum est in *pecuniam*; nam vetustissima artium *pecuaria*; quae etiam viventis *patrimonium* a *patre*, defuncti *hereditas* ab *hero* dicta est: et ex libertate singulorum *familia* orta dicta a *famulis*, seu *clientibus*, qui agrorum culturâ rem faciebant familiarem: estque *utilitatum domesticarum communio*: quam communionem qui habent dicti *liberi*, ut different a *nexis*, quos superius diximus: et ex singulorum tutelis *patria potestas* facta est, quantum est jus filios coërcendi, quo pater familiam tueatur; unde patribus *jus ortum vitae et necis in filios*.

Jus vitae et necis in filios.

Familiae primum rerumpublicarum rudimentum.

Testamentum specimen imperii familiaris.

CIII. Et ita *familiae* primum rerumpublicarum rudimentum fuere; cujus vestigium belle integrum mansit in *testamentis*, quae *patresfamilias condere, ordinare*, uti *Principes summi condere leges, ordinare rempublicam* dicuntur: et promiscuo vocabulo patresfamilias *hereditatem*, *Principes rempublicam*, quum eam aliis mandant, *legare* dicuntur: et uti *legatus* in republica legata Principem, ita *heres* in hereditate defunctum patremfamilias refert, seu, ut vulgo dicunt, repraesentat: et uti quicquid Principi placet legis habet vigorem; ita quicquid testator testamento jubet, *jus esto*: tanquam Princeps summus legibus solutus jure naturali nuda voluntate rerum suarum in alios transfert dominium: unde legata formulis illis concepta *sumito, capito*, quae *vindicationis* appellantur; et tanquam potestas summa legatis, quae *damnationis* dicuntur, sancit in testamento poenas.

Alterum clientelae.

CIV. Sed praeter familias *clientelae* rudimentum rerum-

(1) Terent. Heautontim. Act. I, Sc. I.

publicarum fuere alterum, ex quibus omnium primae in terris respublicae natae Optimatum.

Sed quae heic aio, universae eruditorum reipublicae mira omnino esse videantur; tum quia Philosophi omnes constanter affirmant, *Respublicas a Familiis tantum fuisse inchoatas*; tum quia *Historia universa* tradit, *primum inter mortales Regum nomen fuisse*.

Huic communi errori locum fecit *Philosophiae* et *Philologiae distractio* (1); ex qua factum, ut *Historia* nondum sua hactenus haberet principia, quae non alia sane forent, quam *res gestae temporis obscuri*, unde *tempus fabulosum* falsis poetarum commentis excuteretur, et *tempus historicum* haberet exploratas praeteritas causas, a quarum effectibus sua sumit exordia: quae respublicas fundatas, ac regna condita, pacis bellicae jura, ordines, leges, magistratus tamquam e vestigio inter mortales nata nobis in ipso sui limine proponit; quamobrem vera falsis sine ullo delectu commiscet.

Historia nondum sua habet principia.

Id nos in nostra *Historia Temporis Obscuri*, quae universi Juris gentium quaedam *fax* erit, Lib. II praestare conabimur: in praesenti id solum tantisper tu omnesque alii Eruditi teneatis, quaeso, quod, nisi fallor, postulanti haud facile negare possitis.

In statu exlegi corrupta natura tulit, ut innumeri omnem summi Numinis religionem exuerent; effreni libidine incertos, et quia incertos etiam nefarios concubitus celebrarent; desides vitam omnem inertem viverent: et *victu foedo*, quem de ipsis dicit in *Arte* Horatius, cadavera inhumata relinquerunt canibus corvisque voranda. At hercule aliquot fuisse necesse quoque est, qui pudore illius incertae et nefariae veneris et foedi victus commoti, de media illa erronum multitudine se proripuerint: et quando *Divinatio* antiquissima inter Occidentales est, quae *auspicii* potissimum constat, uti *Mathematica* seu Astronomia judiciaria brevi post Diluvium nata apud Chaldaeos in Oriente; necesse est ut avium volatus Numen falso putarint, quos quia de caelo observabant, a verbo *δῖος* originis Graecis Latinisque communis, ut vox *Diespiter* docet, *Divinum* appellarunt; unde et ipsa *Divinatio* dicta, quae Juris Divini potissima pars apud gentes habitata est: eaque ratione, necesse est ut in illa insigni ruditate per auspicia Deos se consulere crediderint; auspicate certas sibi sedes agrosque

Status exlegis specimen.

Pudor omnis divini humanique Juris parens.

Jus divinum unde coepit apud gentes.

(1) De qua diximus in Proloquio.

Prima religio *lucis*
*artis*que habita.

Origo connubii,
patriae potestatis, di-
visionis agrorum.

Humanitatis.

Tigna juncta.
Casae.
Pagi.
Gentes.

Falsae religionis
non falso natae.

Ex religione vir-
tutes.

Optimi viri.

Patres.

Veri majorum gen-
tium Patricii.

occuparint; et per *lucos* in *ara* quisque sua Deos colue-
rint: unde nunquam a Latinis *lucum* sine religione, aut
ara aliqua appellatum reperias. Hinc etiam necessario fa-
ctum quod isti *falsi pii*, ut qui non vagi et erronei, sed
certis sedibus *haerentes* certas indidem quoque sibi uxores
conjungerent; certos sibi filios susciperent, qui connubium,
seu jus nubendi citra nefas habebant: captos auspiciis agros,
quia ibi manere perpetuo debebant, terminisque positos di-
visos, contenti quisque suo, eos industrii colerent: et cum
certi essent patres, certi filii, certae uxores, inter ipsos ne-
cessario *Humanitas* primum nata, quae proprie ab *humanis*
mortuis dicta est: eaque ratione sui suorumque tutelae
tigna junxisse, *casas* collocasse necesse est: unde sensim
pagi constructi, et *maiores gentes* conditae (1); sed *gentes*
nativa significatione et propria, quam rectâ Romani rece-
pere, ut significarent virilem stirpem in plures familias di-
visam.

Proinde ex universa illa multitudine exlegi hi soli *ex*
falsa persuasione (quae in illa summa rerum imperitia et
ruditate ipsis facillima probatu fuit) *falsi pii*, *Deos obser-*
varent; et quia *pii*, *prudentes* sibi visi, qui eosdem per
auspicia consulerent; *temperati*, qui castam venerem
coerent; *fortes* qui indomitos agros culturae subigerent; ita ut
ex Deorum falsa religione videas has imperfectas virtutes
inter eos ortas, qui *optimi* et a *virtute* dicebantur *Viri*,
quibus respondent Graecorum Ἡρώες, unde *Heri* fortasse
Latinis dicti: atque ii ipsi erant qui *patris nomine cieri* pos-
sent; ex quibus veri *majorum gentium Patricii* oriebantur:
indidem ii qui *gentem*, seu communem virilem stirpem ha-
berent: a quibus *Jus majorum gentium*, quod cum Graecis
proprie δῆμοικον appellares (2), nempe antiquiorum ante ci-

(1) L. 5. D. de Just. et Jure.

(2) Unum ex perpetuis hujus Operis Argumentis.

Heroicum *Jus*
omne antiquum Ro-
manum qua publi-
cum, qua privatum.

Et sane per hos utrosque libros, id veluti *perpetuum argumen-*
tum dissemitur, omne *Jus Romanum antiquum*, in omnibus ejus par-
tibus, vel iis ipsis in quibus hactenus Romanorum proprium puta-
tum est, id omne *Jus heroicum* fuisse. Heroicum sive poeticum
Romanum Regnum; *Romanos Quirites*, heroës Romanos; *Jus Qui-*
ritium, *Jus heroicum*, ex quo *Patres Romani*, ut prisoi heroës, *aus-*
picia, *agrum*, *jus*, *connubia*, *imperia*, *sacerdotia plebi habuere in-*
communicata; *heroicas clientelas*, in quarum parte erat, ut heroës
docerent ad sua asyla receptos homines *Fas Deorum*: unde Roma-
nis mausere clientelae, per quas *Patricii* plebejos docerent jura;
ac proinde *Jus arcanum Romanum heroicum* quoque: *heroicam pri-*

vitates fundatas, ortum habet: quae initio facto per auspicio a *Jure divino*, sepulchris *jus humanum* ab humanis mortuis condere instituerunt.

A *Jure divino* humanum profluit.

Per hanc narrationem tu huc interea retuleris, *secundam originariam* omnium omnino *jurium acquisitionem*, quae per *agrorum divisionem* terminis positis *jure majorum gentium* facta est, qua rerum dominium naturam mutavit, ut quando terrarum prius erat dominium ejus simile, quod habet populus theatri ex. gr. thermarum vel stadii; deinde ea distinctione factum est dominium, quo res sunt et manent singulorum.

Secunda originaria jurium acquisitio.

Naturâ dominii mutatâ.

Quod autem is status exlex diu perduravit in insignem generis humani frequentiam, argumento sit, quod Romani sub Regibus, qui ad ducentos quinquaginta annos regnarunt, ad viginti urbes oppidaque cepere; nec tamen, ut Divus Augustinus *De Civitate Dei* (1) refert, ultra quam viginti milliaria nostris tertio ferme breviora Imperium protulere.

Igitur cum inertibus copia non tanta esset de terrae sponte natis victitandi, necesse est, ut ex ea ipsa multitudine impia et nefaria infirmos subierit industria, qui vitae necessaria aestate vix et aegre, per quae manserunt inculcata, legerent, et in hyemes asservarent, contra robusti ac violenti, ut natura fert, feriati vel Optimorum culta furari auderent, vel lecta sive adeo asservata ab infirmioribus rapere.

scam Jurisprudentiam rigidam, heroicam antiquam severitatem poenarum, Jus optimum, sive Jus Romanorum Quiritium, Jus Fortium Romanorum heroicum, quo in Latium, Italiam, Provincias Romanum Imperium prolatum est: heroicas Romanorum nuptias, uxorum coemptiones; heroicam ipsam, quam Romanorum dicunt propriam, patriam potestatem, perpetuam foeminarum tutelam heroicam; heroicam justam Romanorum aetatem, suitatem, adgnationes, gentilitates heroicas; heroicas usucapiones, stipulationes, mancipationes, ac proinde omnes actus legitimos; atque adeo priscos omnes Romanos mores fuisse heroicos: quibus apud alias gentes sive ab ipsa Heroës. forma rerumpublicarum vel libera, ut inter Graecos, vel monarchica, ut inter Siculos et Orientales, jamdiu resolutis; aut rebus publicis Optimatum, sive Heroicis Regnis, vel ex libertate mixtis, ut Carthaginensium, aut meris, ut Hispanorum, Gallorum, Britannorum, in ditionem potestatemque Romanam venientibus, et in provincias redactis, ac proinde omnibus suo cujusque jure optimo per victorias mulctatis, soli ferme in Orbe terrarum Romani heroicos mores legibus domi, virtute foris, et ideo virtute foris, quia legibus domi, custodiendi; edque custodia communia heroum jura fecere propria; et quia custodiendo fecere propria, Romani heroës gentium fuere.

Romani gentium Heroës.

(1) L. 3, cap. XV, T. VII Edit. Paris. 1679.

Optimi, fortissimi. Sic *Optimi*, qui venere propudiosa non resoluti, culturâ agrorum exerciti, gentis factione feroces, ac proinde *optimi* seu *fortissimi* dicti (nam priscis *bonus* qui nunc *fortis*, uti *fortus*, qui nunc *bonus* erat) facile violentos ac tenerarios ob suarum rerum tutelam in furto intra ARATA (a) deprehensos occidebant: et ita imperium *domi* inter suos ortum (1) *foris* tutelae quoque jure in alienos prolatum est.

Imperium prolatum. Ad eam virtutis *famam* exciti infirmi, ubi injuriis premebantur a violentis, ad *lucos* et *aras* Optimorum confugisse haec natura rerum sic comparata suadet; a quibus in eas leges recipi ipsius dominii mutata natura dictabat, ut quando in agros Optimorum proprios salutis caussâ confugissent, quos *Optimi assignassent* ipsis, *colerent* agros, suisque operis vitam sustentarent, pro quo *beneficio* praeterea *obsequium* praestarent Optimis: et ita *clientelae* ortae, quarum propria *assignatio*, qua clientes colendis agris erant *addicti*: et partes duae, *operae*, *obsequiumque*, quae clientes debebant Optimis, tanquam *Patronis*: et *Patricii*, hoc est, qui patres certos nomine ciere possent, haberent agrum, auspicia, gentem, connubia, lucos, aras; clientes nihil horum haberent. Unde in Historia universa vides Hispaniam, Africam, Gallias maxime et Germaniam, Britanniam, Italiam Graeciamque scaterere *clientibus*.

Clientelarum proprietas. Atque id est *Asylum*, quod Livius dicit, *vetus urbes condentium consilium*; sed per haec quae nunc sic perstrictim innuimus, latius in *Historia Temporis Obscuri* exequemur, *vetus urbes condentium jus* multo verius dixisset.

Assignatio, partes opere et obsequium. Et ita *clientelae*, alterum a familiis expressius rerum publicarum *Rudimentum* fuit; utpote quae ordines imperandi, et parendi longe ampliores inducere: quas Romulus, ut Plutarchus in ejus *Vita* refert, ab hoc antiquissimo gentium Jure recepit; deinde Romani sub Regibus aliis, et in republica libera moribus transformarunt.

Addicti. Atque id est *Jus Optimum* nativa significatione appellatum *Jus Fortissimum*, quod *Optimi*, *Fortissimi* habebant agrorum, quos clientes non sibi colebant, sed Optimis: et si detrectarent, ex lege operarum *nexi* ab Optimis *nervo* constringebantur: et ita *fides* proprie *chorda*, *nervus* fuit, *primum nomen potestatis et imperii*: unde locutiones, quas diximus, mansere, *fidem implorare*, implorare potestatem; *recipere in fidem*, recipere sub imperium (2).

Asylorum jus antiquissimum. Atque id est *Jus Optimum* nativa significatione appellatum *Jus Fortissimum*, quod *Optimi*, *Fortissimi* habebant agrorum, quos clientes non sibi colebant, sed Optimis: et si detrectarent, ex lege operarum *nexi* ab Optimis *nervo* constringebantur: et ita *fides* proprie *chorda*, *nervus* fuit, *primum nomen potestatis et imperii*: unde locutiones, quas diximus, mansere, *fidem implorare*, implorare potestatem; *recipere in fidem*, recipere sub imperium (2).

Jus optimum, Jus fortissimum. Atque id est *Jus Optimum* nativa significatione appellatum *Jus Fortissimum*, quod *Optimi*, *Fortissimi* habebant agrorum, quos clientes non sibi colebant, sed Optimis: et si detrectarent, ex lege operarum *nexi* ab Optimis *nervo* constringebantur: et ita *fides* proprie *chorda*, *nervus* fuit, *primum nomen potestatis et imperii*: unde locutiones, quas diximus, mansere, *fidem implorare*, implorare potestatem; *recipere in fidem*, recipere sub imperium (2).

Fides primum Imperii et Potestatis vocabulum.

(1) Cap. CII. (2) Cap. C.

(a) Quae primae omnium *Arac* fuerunt: unde primae urbes *Arac* appellatae, ut latius infra.

Idque est celebre *Jus nexi* multo ante Romam conditam natum. Quare Majoragius (1) merito ait cap. legis XII Tabb. *de nexis* ex Solonis legibus non fuisse translatum, cum a Livio ante XII Tabb. nexi narrentur debitores: quibus addas ob *jus nexi* a *Patribus* saeviter in *plebes* exercitum uti Romae, ita Athenis ante eam legem saepe turbatum.

Jus nexi antiquissimae originis.

Sed et natura fert ejus status tandem clientes pertaesum esse, ut aliis semper colerent agros, suas junxisse vires, atque ita primum *plebes* extitisse, quae consurrexere contra *Optimates*: unde etiamnum *Optimatum* et *plebis* vocabula obtinent, ubi turbis et seditionibus respublicae motae sunt; atque *Optimates* dicuntur, qui stant pro status tutela, *plebs* quae res novas molitur; quando *republica* *quieta* multitudo quidem *plebs*, sed illi *Patres* vocantur.

Quando dicantur *plebs* et *Optimates*?

Quando *plebs* et *Patres*?

CV. Per hanc occasionem *Patres* jam natura sociales (2) statim aequum jus agnoverunt, et *aequi* inter se *juris fruendi* causâ sua *patrimonia*, suas *familias*, suas *potestates patrias rebus ipsis dictantibus* (3) in commune *tanquam in unam personam* contulere: namque tum ad speciem, tum ad terrorem *Patres* se in *ordinem direxere*, ut *plebis* motibus obsisterent: et ita *ordo* natus; quem, qui inter ipsos proceritate corporis, animique ferocia emiueret, regebat: et ita *regum nomen* principio in terris ortum; et *primi Reges* ipsa corporis dignitate et animi praestantiâ ex hac rerum natura ipsa exitere.

Quando *plebs* et *Patres*?

Rerumpublicarum causa et occasio.

Ordo civilis primum in terris natus, et primi Reges.

CVI. Ex ea *collatione* omnium ab omnibus *jurium* extitere *Respublicae*. Quapropter *Respublica* definiatur, *omnium civilium utilitatum communio*; quae *Civitas* quoque et passim appellatur.

Respublica quid?

CVII. Estque *tertia*, et quidem omnium amplissima, *Universitas juris*; namque *suum* erat cujusque hominis singuli universitas juris, qua continebantur omnia quae in ejus dominio, libertate, tutela erant (4); *patrimonium* autem patrisfamiliae viventis, *hereditas* defuncti est universitas juris amplior, quae peculia, libertates, tutelae filiorum, operas et obsequia clientum complectebatur (5): *respublica* omnium amplissima est, ut quae omnium patrum *patrimonia*, libertates et potestates sub se habet, et cuncta civilis vitae continet bona. Nam sine ea fundata homines desiderii sine ulla religione in incertam venerem more ferarum effusi; violenti et injuriis validi, de industriorum par-

Respublica amplissima Universitas juris.

Prima Universitas juris, suum; secunda patrimonium, hereditas; tertia respublica.

(1) Lib. I, Miscell. 8. (2) Cap. XLV. (3) Cap. XLVI.
(4) Cap. XCVIII. (5) Cap. CIII.

tis ex raptō viverent; et in reluctantes caedibus grassarentur, et sic *homines hominibus lupi* essent, et brevi fortasse genus humanum exhausissent. Quare *Divinā Providentiā* (1) factum ut *rebus ipsis dictantibus* (2), et ipsius corruptae naturae sponte *Optimi* provenissent, qui clientelas contra violentos fundarunt (3), et ad plebium turbas in ordinem se direxere (4), cujus potentia freti (5) leges dictarent, quarum metu homines deinceps oclusa libidine rationi servirent, et pro injuria aequitatem, pro socordia industriam intenderent, et Optimorum exemplo consuefierent metuere et vereri Deos: et ita Deorum religione leges gravius confirmatae. Ex quibus bonis animi artibus omnia opificia nata sunt, quae humanis commodis, usibusque inservirent, et sic *homines essent hominibus* veluti *Dii*. Quapropter res omnes privatae, publicae, profanae, sacrae, omnia jura, commoda, bona, quibus civilis vita fruitur, reipublicae sunt accepto referenda: atque in republica cuncta continentur. Itaque ut in natura appellatione *rerum* venit hoc *Universe*, quod dicitur *Mundus*; et quicquid in Mundo est; ita in re civili appellatione *rerum* venit *respublica*, unde illa apud Latinos *rerum potiri* adipisci principatum, *rerum dominus* Princeps, *rerum arbitrium* dominatio.

Leges virtute or-
tae, religione con-
firmatae.

Omnia humanae
vitae bona debentur
reipublicae.

Rerum appellatio.

Reipublicae corpus,
Animus,

Mens,
Ratio,
Persona,
Vita,
Salus.

De dominio emi-
nenti, civili, liber-
tate et summo im-
perio.

Ut ex coitione corporum, quae principio a coeundo, co-
meundo, *comitium* proprie dicta est, *reipublicae corpus*;
ita ex consensione animorum reipublicae coaluit *animus*;
qui a Papiniano (6) eleganter *communis reipublicae spon-*
sio definitur, hoc est omnium civium aequi juris voluntas;
quae quicquid vult *lex* communiter appellatur: hujus animi
mens est *civilis auctoritas*: hujus mentis *ratio* est *justitia*
architectonica, de qua inferius dicemus: hanc mentem,
hunc animum gerit Potestas civilis, quae est *Persona rei-*
publicae, cujus *vita* est *salus publica*, et in ejus salute
vitae omnium continentur.

CVIII. In rerumpublicarum genesi ex dominiis omnium
dominium eminens (a), et singulorum libertatibus *libertas*
civilis, ex cunctis patrum potestatibus *sumum imperium*
ortum est.

(1) Cap. XLVI. (2) Cap. eod. (3) Cap. CIV. (4) Cap. eod.
(5) Cap. eod. (6) In l. i. D. de legibus.

(a) Quod Theologi morales dicunt, et Politici eleganter, *domi-*
nio sovrano; latinissime autem, et maxime proprie, *dominium ci-*
vile dicendum esset, nempe *dominium civitatis*, seu reipublicae in
rebus privatorum.

Dominium eminens potestas civilis communis boni causâ in rebus et personis civium exercet, omni jure privato potius.

Libertas civilis est, qua cives suas habent leges, suos magistratus, aerarium suum.

Imperium summum est jus cogendi animadvertendique etiam gladio in noxios cives domi judiciis, in externos injurios foris bello.

CIX. *Dominio eminenti* continentur recensiones ordinum, indictiones tributorum, atque adeo omne aerarium. Paterfamilias enim dominicae potestatis jure servis ministeria attribuit, operas indicit et eorum peculia aufert. *Universi juris publici materies.*

Civilis libertas celebratur, si praemia, poenae, honores onera geometrico commensu dispensentur, hoc est pro civium meritis ac dignitate.

A summo imperio proveniunt leges, magistratus, judicia, arma, arces, praesidia, et bella ac foedera. Atque haec est omnis *publici juris materies*.

CX. Ac dominio eminenti, civili libertate et summo imperio constat *civilis auctoritas*. *De auctoritate civili.*

CXI. Et civilis auctoritas in eo refert divinae proprietatem originis (1), quod haec tria unum sunt, et quodque eorum trium semper est cum aliis duobus complicitum; ita ut si unum eorum desit, non vera respublica sit, sed reipublicae simulacrum. *Auctoritatis civilis divina origo.*

CXII. Auctoritatis, quam mentem civilem definivimus (2), ratio est *Justitia architectonica*: nam uti ratio in *Sapiente* omnibus virtutibus imperat ad animi tranquillitatem, quae Aristoteli *virtus universa*, *justitia regina* Platoni: unde ejus imperium *lex regina* Chrysippo dicta (3) et in *familia* jubet ob ipsius tranquillitatem omnium familiarium officia virtutum; ita in *civitate* ad ejus beatitudinem imperat omnium civilium virtutum officia: unde *Justitia architectonica* eleganter Philosophis appellata, quia *civilis felicitatis imperat opus*, a virtutibus civilibus faciendum; nec ineleganter in scholis *legalis* dicta est, quia *legislatione* in animo legislatoris extat; qua imperat *prudentiae*, legibus ordinum, ut quisque sit gnarus, ac proinde dignus ordine, quo censeatur; imperat *temperantiae*, legibus sumptuariis, conubialibus et legibus publicorum judiciorum; imperat *fortitudini*, legibus militaribus, ac postremo imperat ipsi *peculiari justitiae*, sive *rectrici* sivi *aequalitrici*, legibus ceteris, quas fert de reliquo jure universo seu publico seu privato. *De Justitia architectonica.*
Justitia architectonica:
In sapiente,
In familia,
In civitate;
Imperat prudentiae,
Temperantiae,
Fortitudini,
Justitiae peculiari.

(1) Cap. III. (2) Cap. CVII. (3) L. 2, § Sed et philosophus, D. de leg.

Ejus lex regina.

Hujus Justitiae *lex regina*, seu summa est, *salus publicae potestatis*, ut in *populari illa suprema lex, populi salus esto*.

Civilis potestas
imago Dei.

Similitudo.

I.

II.

III.

IV.

V.

VI.

VII.

CXIII. Et Respublica in eo quoque imaginem Dei refert, quod ut Deus Aseitate est in omni natura summus (1); unde homo auctoritate naturali est in omni natura mortali summus (2); auctoritate monastica est in solitudine summus (3); pater auctoritate oeconomica est in familia summus (4), ita auctoritate civili est in civitate potestas civilis summa. Cumque respublica quid universum sit (5), ut Universo summus Deus praeest, ita potestas civilis in republica omnia infra se, nihil habet superius: quamobrem uni Deo, praeterea reddit rationem nemini. Et uti Deus summa libertate qua fruitur, suae aeternae rationi immutabiliter haeret, quare poëtae Jovem *Fato* subiectum fingunt (a); ita civilis potestas per summam ab omni coactione et vi libertatem, suae ipsius rationi, nempe legi a se latae paret (6): at rationi aeternae, nempe juri naturali inobsequens *divino conscientiae judicio* damnatur. Et uti Dei Opt. Max. potestas et voluntas unum idemque sunt, ut diximus (7), ita civilis potestatis voluntas et potestas una; quae *Imperium* appellatur. Et uti ex *divina potentia* res omnes existunt; ab ejus *aeterna ratione* singula quaeque creata suas habent perfectiones; et ab ejusdem *infinita bonitate* homines habent sua merita: ita ab hac summa Potestate sunt ceterae omnes potestates, sive publicae sive privatae; a quaque forma, quam legibus concipit, singula quaeque induunt juris seu justi formas; et ab ejus dignatione sunt omnia juris beneficia et dignitates. Praeterea uti Deus, ut Poëta inquit,

..... nutu temperat orbem,

suâque presentia verum exhibet menti et beat homines; unde pulcherrima illa Latinorum locutio, *Nisi quid Dii respiciant*; pro, nisi Deus fortunet, sospitet: ita summa Potestas suo nutu, sua praesentia actibus, qui apud eam geruntur, jus inducit: unde *testamenta calatis comitiis justa*, hoc est maxime erant solemnia. Postremo uti Deus mentibus hominum *saum* aeternae rationis *verbum* fando, *fas*

(1) Cap. III. (2) Cap. XCIII. (3) Cap. XCIX. (4) Cap. CII.
(5) Cap. CVII. (6) L. Digna vox, C. de legib. (7) Cap. IV.

(a) Sive adeo Stoici suum de *Necessitate* dogma hac fabulâ involvere (Vide Not. ad Cap. XXII, § 4, Part. II Lib. II).

dictat (1), jus naturae immutabile, quae est *formula naturae*, Varroni; ita Potestas civilis quicquid verbo suo jubet, necessarium jus dicit, quae verborum formula in specie et proprie *jus a jussu* appellatur.

CXIV. *Jubent* autem non nisi *Domini*; quod in republica populari docet formula illa legum rogandarum, *Velitis, Jubeatis, Quirites*; et dominorum uti *jubere* ita *vetare* est. Hoc *dominium*, uti ita dicam, *juris* est de rebus quae naturam non improbane et *juberi* et *vetari* possunt; quod *Jus civile merum* definire quis possit.

CXV. *Auctoritas* hac acceptione, qua significet hoc dominium sive arbitrium condeudi juris, est *Principium juris mere civilis universi*.

CXVI. Hac acceptione *Juris civilis auctoritas* duas habet partes, quarum altera, quando

..... necesse est
Indiciis monstrare recentibus abdita rerum;

Jurisdictio eleganter dici potest; estque *dominium* quod *Potestas civilis* habet *juris mere civilis*: quod quum dictat, altera *auctoritatis* pars est quae *Jurisdictio* appellatur, sive ipsa summa Potestas id dictet, sive ejus imperio, subsumma.

CXVII. Diximus supra *Verum* legis ratione, *Certum* legis auctoritate constare (2): igitur *jurisdictionis* et *certi* ab ea conditi *juris* eae *causae* fuere: quod *dominia*, *libertates*, *tutela* (*libertatis* appellatione e contrario *obligationem* quoque accipio) jure naturali quacumque animi destinatione sufficienter significatâ existunt (id enim dictat humanae societatis natura; nam mentes humanae, quibus corporibus dividuntur, aliae celantur ab aliis) (3); et solo veri pudore continentur (4). Sed pudore exuto, *jure majorum gentium*, h. e. ante respublicas constitutas et leges positae ea *manu capere*, *usu*, sive corporis perpetua rebus adhaesione obtinere, *vi* recipere necesse erat (5). Hinc *Potestas civilis* ideo ex *Patrum ordine* nata, ut omnem in posterum violentiam extingueret, haut freta *veris naturae*, sed *incertis*, ob hominum temeritatem, et ob eorundem fluxam fidem parum fidens pudori; *sibi uni vim* servavit, ita ut pauca publice *vi* tractaret, coërcitiones nimirum et poenas, quo in privatis rebus agendis ea ratione ceteris quies esset: atque ob id ipsum *dominii*, *libertatis*, *tutela*

(1) Cap. XLVIII. (2) Cap. LXXXII. (3) Cap. Principio.
(4) Cap. LXVI. (5) Cap. C.

Formae, modi,
causae juris.

Cur causae dictae.

Jus naturale ve-
rum, sed incertum;
gentium certum, sed
violentum; civile cer-
tum et pacatum.

Interpretatio jure
naturali necessaria.

Jus civile pro vi
necessitatem, pro in-
certitudine solemnita-
tem induxit, ut
pudorem et verum,
qua licet, custodiat.

Jus civile commune.

Tertia originaria
juriurum acquisitio.

rebus privatim agendis *certas* induxit *corporeas formas*, quae in jure *modi* et *causae* appellantur, quasi *cavissae* quia *cavent*; unde passim *leges* aequae ac Jurisconsulti *cavere* dicuntur, quum *certis verborum formulis* aliquid juris *conciunt*; ad quas formas cives suas infinitas sive *informes voluntates* conformarent, qui sedulo serioque, non fraude nec temere *jura sibi parare, conservare*, vel in alios *transferre* vellent; quois tribus rebus omne juris privati *negocium* celebratur (1). Eaque ratione *jura*, quae *natura vera* quidem sunt, sed *incerta*, jure *majorum gentium certa sed violenta*, jure *civili certa praestitit et pacata*; et ut *pacata* essent, de iis, quae ἐπὶ τῷ πλείονι accidunt, ut Theophrastus loquitur, non quae ἐκ παραλογῆς *jura* constituit (2), parvi pendens an quandoque *vera* non essent; et solum curans quae frequenter et facile eveniunt (3), quae semel aut his accidunt contemnit (4); quod legis viciu quidem, sed necessarium supplendum, sive emendandum interpretationi permisit (5). Unde Pomponius ait, *naturaliter fieri ut legibus latis interpretatio desideretur* (6). Et ita civilis Potestas quae in reipublicae genitura *dominia, libertates, tutelae* acceperat a patribus *certa sed violenta*, a plebe *vera sed incerta*, quasi *brevi manu auctoritatis civilis*, omni vi adempta, omni incertudine sublata, et pro iis inducta juris civilis necessitate et solennitate, in cives *certa et civilia*, seu *verecunda* refudit, atque distribuit: eoque pacto ex bona et magna parte iis juris naturalis verum et pudorem reposuit.

CXVIII. Atque hac *dominii, libertatis, tutelae* metamorphosi, ut ita dicam, qua ex violentis juribus in modesta sunt commutata, extitit *Jus civile omnium civitatum commune*, quod omnibus populis, qui a jure *majorum gentium* sub juris civilis auctoritatem concesserunt, ipsa rerum, quam disseruimus, *natura* dictat, una eademque ratione evenisse.

CXIX. Et post *primam originariam* omnium juriurum *acquisitionem*, quam hominibus *cognatam* diximus, et *naturae* (7), et *alteram* jure *majorum gentium* introductam, qua Patres agrorum, quos auguriis ceperant, *dominia* terminis positis distinxere (8); haec est *tertia originaria* *acquisitio* jure civili introducta.

(1) L. final. D. de leg. (2) L. 3 et L. 4. D. eod. (3) L. 5. D. eod. (4) L. 6. D. eod. (5) L. 10 cum tribus seqq. D. eod. (6) L. 2, § His legibus, D. de orig. Juris. (7) Cap. XCVII. (8) Cap. CIV.

CXX. Atque haec ipsa *auctoritas juris* est, qua omnia jura privata utilitate sunt publica auctoritate: nam testamentum et tutela praeter hanc rationem, quam habent cum omnibus juribus aliis communem, aliâ propriâ, quam supra diximus (1), juris publici esse dicuntur.

Jura omnia privata utilitate, publica auctoritate.

CXXI. Et jura privata omnia ad haec tria summa capita revocantur: *Dominium* (cujus partes sunt *ususfructus*, et *aliae servitutes personales*, et *praediorum jura*, quae confessoria actione ut res nostri domini vindicantur; jus pignoris, hypothecae, quas ut res nostras adversus quemvis possessorem persequimur; et *possessio* ipsa, quam in nostro patrimonio numeramus): *libertatem* (sub qua omnem *potestatem obligationemque* complector), et *actionem*; actiones autem nihil aliud sunt, quam rerum nostrarum legibus praeformatae tutelae (2).

Dominium, libertas, tutela juris privati materias.

Actiones, tutelae nostrarum rerum.

CXXII. Et *Dominium*, *Potestas*, *Obligatio*, *Actio* divinae originis proprietatem obtinent (3), ut omnia in patrimonio nostro numerentur; omnia sint in nostra libertate; de omnibus proditae sint *actiones*; omniaque unum sunt *patrimonium* viventis, defuncti *hereditas*: et horum trium si unum desit, sive in summa, hoc est, in ipsa rerum universitate, sive in singulis rebus, jus deest: si desit *dominium*, quod nempe quis pater dominus, creditor non sit, jure naturali deest potestas, obligatio, actio: si *libertas* desit, ut in servo, qui bello interna quoque justitia justo captus est, *dominium*, potestas, obligatio, actio jure naturali, jure gentium et civili deest: si *actio* sit *inefficax*, quia aliqua exceptione elidatur, *dominium*, potestas, obligatio jure naturali et jure gentium deest, et jure tantum civili sustinetur.

Juris privati divina origo.

CXXIII. Haec quae hactenus disseruimus sunt cuique juri civili communia. Sed ex hoc ipso jure civili communi est celebre *Jus Quiritium Romanorum* (*), *actibus legitimis*,

De jure Quiritium Romanorum.

(1) Cap. LXIII. (2) L. final. D. legibus. (3) Cap. III.

(*) Romanae historiae interpretationes, quae saepe hoc in Libro obveniunt, intimam idearum Vici connexionem testantur, ac simul illam tamquam mentis occupationem, qua feliciter praeunte, ipse ad deprehendendam philosophicam Juris universalis, et hinc civilium institutionum historiam pervenit. Si rigore logico Jus universale in ordinem suum redigendum fuisset, Romana historia utpote simplex facti applicatio recenseri debebat inter ea elementa quae constantiam ejus systematis historici (Lib. II, P. II) comprobant. Attamen nisi adfuisset unicum sane factum historiae Romanae, quae terno civilitatis curriculo incedit ac protenditur, Vicus nec delineare historicum systema potuisset, nec explere ingentem illam lacunam, quam in civili Hobbesii philosophia extare jam monuimus inter psychologiam et societatis ordinem ad normam exactum atque constitutum (V. *Introd. gen.*).

Vici Op. lat. T. II.

4*

Romana Respubli-
ca principio optima-
tium, regno mixta.

Quirites Romani
Patres.

Hasta genus teli
Patriciorum.

Bellona, Minerva
mens et ingenium
belli.

Quirites Romani
Hastati.

Jus Quiritium
Romanorum Fabula
Juris gentium.

Imitationes violenti-
ae, mancipatio, u-
sucapio,

Usurpatio,

Obligatio,
Vindicatio, manus
consertio,

Conditio.

quos Papinianus enumerat, agitatum (1); quodque *eruditi omnes Romani Juris interpretes* tantopere excoluerunt, ut eorum commentariorum utramque paginam implere videatur; quodque putant esse Romanorum proprium *inventio- ne*; cum, si quae hactenus diximus vera sunt, Romani id non *inventio- ne*, sed *custodia* proprium sibi fecerunt, ut latissime Lib. II explicabimus. Etenim Romana Respublica principio Optimatum naturâ fuit, Regno mixta, quod gra- viter mox firmabimus; et *Romani Quirites* non alii quam *Patres* fuere: ex ordine enim Patrum, patrumque Princeps fuit Romulus, qui inter Deos relatus, a *Quiri* hasta Sa- binis dicta, qua valebat, *Quirinus* est appellatus; quo teli genere viri patricii in bellis utebantur, uti et Romanis in moribus erat, et Homerus de ipsis heroicis temporibus tes- tatur. Quare Bellona, quae eadem est Minerva, nempe *belli mens et ingenium*, cujus historia patricii in bello sunt (2), *hastata* a poetis fingitur. Itaque Romani Quirites sunt *Romani Hastati*. Quamobrem *Jus Quiritium* nihil aliud est quam jus majorum gentium, hoc est jus proprium patrum, qui uni gentes fundarant (3), quod quia nondum erant leges positae, principio justae violentiae mos fuerat: qui mos deinde, omni vi adempta et corpulentia, in graciles formas attenuatus in Republica legibus fundata (4) abiit in *Jus civile Quiritium*, seu *Patrum Romanorum*.

CXXIV. Et in illa quadam generis humani adolescentia, quae aetas in homine *phantasiâ* plurimum pollet, quare et id *seculum Poëtarum* fuit, et omne id *tempus* in Hi- storia *heroicum* seu *fabulosum* excurrit (5), primi rerum- publicarum fundatores *jus majorum gentium* in quasdam *imitationes violentiae* commutarunt; ut *mancipatio*, qua omnes ferme *actus legitimi* transiguntur, liberali nexus tradi- tione; *usucapio* non corporis adhaesione perpetua, sed possessione principio quidem corpore quaesita, deinde solo animo conservata; *usurpatio* non usus rapina quadam, sed modesta appellatione, quam vulgo nunc *citationem* di- cunt; *obligatio*, non ultra corporum nexu, sed certo ver- borum ligamine; *vindicatio* per simulatam manuum con- sertionem et vim, quam Gellius appellat *festucariam*; tan- dem, ut alia omittam, *conditio*, sive actio personalis non itione creditoris cum debitore, vel cum re debita vel cum

(1) In l. Actus legitimi, D. de reg. Juris. (2) Ut nos de Poëseos origine, Lib. II, dicemus. (3) Cap. CIV. (4) Cap. CXIII. (5) Lib. II, de Poëseos origine.

re alia, sed sola denunciatione peragerentur: et sic per haec violentiae imitamenta *Jus Quiritium Romanorum* quandam *Juris gentium* fabulam agere videbatur: quas et non alias, ut hactenus sunt interpretati, Justinianus satis erudite *Juris antiqui Fabulas* vocat. Quae sic enarrata gravi conjecturae faciunt locum, ut his de caussis primos urbium fundatores et *Heroës* et *Poëtas* Orpheum et Amphionem ipsi Poëtae tradiderint (1).

Fabulae juris antiqui.

Orphei et Amphionis mythologia.

CXXV. Sed per ejusmodi fabulas vides, jus civile quo longius a *jure majorum gentium* abscedit, nempe a *veritate violentiae*; eo propius accedere ad *jus naturale*, hoc est ad *veri pudorem*.

Per quam fabulam jus civile propinquat vero.

CXXVI. Sed heic certe illud quaeras: cur Romani uni ex omnibus nationibus testimonium majorum gentium juris perhibeant? Quia mira Romuli magnanimitas Romae condendae in potentissimi Ethruscorum Regni confinio, quod universo mari infero ad fretum usque Siculum nomen dabat, et inter innumeras minutas quidem sed fortissimas Optimatum respublicas, quot supra (2) cum D. Augustino vidimus, et invicta gentis Romanae fortitudo adversus servitutem foris, et acris Romanorum Patrum *sui Quiritium Juris* custodia adversus tyrannidem et plebis libertatem domi, in qua ceteros aliarum rerumpublicarum Optimates superasse argumento est, quod Romana gentes omnes subegerit; unde est felicitas consecuta, ut terrarum Orbis jure gentium nempe per justa bella victus Romano Imperio universus paruerit; eae occasiones praestitere, ut Romani Patres praeter ceteras nationes *jus gentium majorum*, seu *jus privatae violentiae* (3), ex quo respublicae primum ortae, in illa quae nuper memoravimus (4) *violentiae imitamenta* conversum diligentissime custodierint; et vim domi ademptam, foris *jure minorum gentium* prolatam, quod definire possis *jus violentiae publicae*, in quo stat omnis justitia bellorum, iidem Romani in omnibus ferme bellis summa sanctitate servarint: et ita super quo jure civilia Imperia primum orta, super eodem ipso Imperium Romani protulere, ut latius Lib. II demonstrabimus. Si autem has occasiones, aut Campani, aut Numantini, aut Carthaginieneses, a quibus solis Roma servitium metuit, ut Cicero in una *Agraria* testatur, nacti essent; ab una earum gente *Jus Patrum Campanorum*, aut *Numantinorum*, aut *Carthaginensium* haberemus.

Cur Romani juris majorum gentium testes praecipui?

Romani jure gentium digni orbis imperio.

(1) Lib. II de Poësis orig. (2) Cap. CIV. (3) Cap. C. (4) Cap. CV.

*Prima lex civilis
agraria.*

Agraria prior.

Dominium boni-
tarium cum republi-
ca natum.

Agraria posterior.

Cur in mancipa-
tione nexus traditio?

Super tribus legi-
bus Romanum Impe-
rium fundatum et
auctum.

CXXVII. Sed ut heic semina disseram ejus Argumenti, quod Libro II copiosus tractabimur, Romanam Rempublicam, super quibus legibus primum fundata est, super iisdem ipsis auctam esse et amplificatam, recolendum heic quod supra diximus (1), nexos tandem pertaesos semper Optimis colere agros, primas ab iis secessiones fecisse: et ita plebes primum coortas, quibus Optimos in ordinem confertos obstitisse, et ita ordines primum quoque coortos esse. Certe in eo temporum articulo, ut Patres citra caedem revocarent plebem, aliqua conditione aequa oblata id egisse necesse est: eam autem non aliam invenias (quando fortes sunt parcissimi sui, quod virtute sibi pepererunt), quam, ut *clientes colerent agros sibi*; pro quo beneficio plebei patribus aliquid *census vel tributii* simile penderent, integro apud Patres ipsos *nexus jure* manente; et ita plebei haberent sibi *agros sub onere*, Patres autem *agros optimo jure*. Haec prima legum, quae in Republicae natae sunt et qua ipsae Respublicae sunt fundatae (2), *Agraria*, quae in *Historia Romana* non ut aliae, quemadmodum de *connubio patrum*, de *communicando consulatu*, de *communicandis sacerdotiis*, ita de *dividendis agris*, sed proprio et vulgari vocabulo, ut res vetustissima primum prodit: eaque lege *Dominium*, quod antiqui Interpretes dicunt *bonitarium*, a Patribus plebi est constitutum. At enim quia Patres saepe injuriâ plebeios de agris dejicerent, pro quibus nulla iis actio prodita erat; ex iis caussis novas secessiones a plebibus factas necesse est; easque revocatas quoque. natura fert aliâ apposite aequa conditione data, quam non aliam comminiscare, nisi ut *plebei jure optimo sibi haberent agros*, quos iis *Optimi* assignassent, ut si eorum possessione caderent, vindicatione conservarent; ea formula, *Aio hunc fundum meum esse ex jure optimo*, quae postea Romanis fuit, *ex jure Quiritium*, jure tamen nexus apud Patres integro contra debitores manente, quod postea in plebeios fœnore exercuere: mansit tamen, ut cum traditione mancipii traditio nexus conjungeretur: quod postea in leg. XII Tabb. perlatum est: QUI NEXUM FACIET, MANCIPIUMQUE; idque in usurpationem priscae Optimorum juris. Super *lege clientelarum* de *operis nexorum*, et super hac *duplici agraria*, priore nempe de *dominio bonitario*, et posteriore de *dominio ex jure optimo*, Romanos Imperium in Latium, Italiam, Provinciasque protulisse in ejus

(1) Cap. CIV in fine. (2) Plutarch. in Thes.

Historia Lib. II observabimus (a), qui pro harum trium legum jure victis vel jus optimum agrorum, vel dominium bonitarium, vel tantum culturam, qua se sustentarent, relinquebant.

CCXVIII. Hinc perspicue palam cernit, *Jus Optimum*, quod hactenus Romanorum proprium putatum est, esse *juris gentium origine* (1), *juris Romani custodia*; id namque quisque populus liber inter suos habebat; Romani autem *juris gentium custodia*, hoc est jure victoriae victis populis ademere, et sic inter suos conservarunt. Quod plane demonstrat Cicero *De Haruspicum Responsis*, ubi inquit: *Multae sunt domus in hac Urbe, P. C., atque haut scio, an pene cunctae jure optimo, sed tamen jure privato: cujus species mox enumerat, jure hereditario, jure nexum mancipii, etc., ubi antiquissimi juris gentium illustre vestigium agnoscitur, cum distinguat jus optimum a jure privato hereditatis, nexum mancipii, etc. Quem Ciceronis locum pro hac tanta antiquitate nulli rectius, quam Hispani, gens ejus, quod semel placuit, gravissima, explicarent, apud quos in haec usque tempora hoc jus optimum domorum perdurat, quod dicunt, ut Otolara de Hispanorum nobilitate testatur, SOLAR CONOCIDO: et patricium definiunt HOMBRE DE SOLAR CONOCIDO, et patriciam gentem vel familiam appellant SOLARIEGA.*

De Jure optimo Romanorum.

Jus optimum juris gentium origine, juris Romani custodia.

Juris autem optimi inter Romanas recepti sunt *proprietates duae*; altera qua est *plenissimum*, quod Eruditi quasi divinantes verum fatentur, quum *praedia optimi juris*, quae Cicero in *Agraria* definit, *quae immunia prorsus sunt*; recte interpretantur *ab omni servitute et obligatione pignoris ac tributo*; et explicant, *praedia Alaudalia*, vel, ut corrupte loquuntur, *Allodialia*, quod tantundem est ac si dicas, *bona plenissimo jure*; qui hac proprietate optimi juris agri, fuere Patrum, antequam Servius Tullus censum instituisset, quo etiam Patrum agros oneri census subjecit. Altera *proprietates juris optimi est, ut sit quam certissimum*, *Jus certissimum.*

Juris optimi Romanorum proprietates duae: Jus plenissimum,

(1) Cap. CIV, Sic optimi.

(a) Sed postea abstinuimus pro his principiis Historiam Romanam percurrere: cum animadverteremus, in his Libris ejus reipublicae praecipua momenta, seu potissimas causas sive auctus, sive status, sive corruptionis, ex vi ipsa Romani Juris sive custoditi, sive laxati, quantum sat est, expendisse, ut quivis ex sese id ipsum facile praestare possit: quare quod heic polliciti sumus, lege Cap. CCXVII hujus Libri.

quod jus *optimum*, jus *fortissimum* majorum gentium fuerat (1), postea, vi per leges adempta, in juris civilis auctoritatem necessitatemque mutatum est (2): qua acceptione Romanorum fundi sunt juris optimi, utpote de quibus reivindicacionis formula prodita erat (3): nam acceptione priori non sunt, quia *census* oneri et *juri Quiritium* subjecta.

Jus Quiritium
quoddam *Jus feudale*
Romanorum.

Obsequium idem
ac homagium.

Homagii etymon.

Eaedem obsequii
ac homagii partes,
honor et fides.

Servitium militare.

Quorsum traditio
nexus in mancipationibus?

Jus Quiritium feudis
adstrictius.

Dominia bonitaria
Tenutae feudorum.

Jus Romanum ex
feudis, non ex *Jure*
Romano feudis.

CXXXIX. Nam *jus Quiritium* quoddam *jus feudale Romanorum* fuit: etenim *clientelae* a Romulo Patribus sunt permissae, quibus Patres commissos sibi clientes docere jura, et in caussis tueri debebant; clientes vicissim patronos obsequio prosequi. Id *obsequium* in *jure feudorum* dicitur *homagium*, quod apposite ad rem nostram, *hominii nexum*, cultiores ejus juris Interpretes dicunt; et rectius, quam a verbo greco *ὁμῶς*, *juro*, dictum quasi *hominis agium*, ab exercitio juris nexi, quo optimi nexos invitos agebant ad operas quas detractassent: cujus obsequii, ut in *feudis*, erant etiam apud Romanos partes duae: *honor* erga patronos et *fides*, quae in re feudali *fidelitas* appellatur, nimirum de *operis patrono praestandis*: ex qua fide etiam publice et diu post libertatem populo assertam plebei de suo aere militarunt; quae *opera militaris* jure Romano, jure autem feudorum dicitur *militare servitium*. Hoc *jus nexi* Patres in plebem usque ad ejusdem turbas et secessionem obstinavere. Sed et fundi Romani sine *nexus traditione* alienari jure optimo non poterant: *nexus* enim erat signum quod emptor venditori in assignatione fundi Patrum succederet, itaut *nexus traditio perpetuus esset Patrum assensus in Romanorum fundorum alienationibus*, qualis hodie in feudorum alienationibus *Senorium assensus* est. Quin sine auctoritate ne utiliter quidem obligabantur: namque *acceptilatio* in *actibus* legitimis a Papiniano numeratur: qua stipulationum obligationes tolluntur. Hinc Praetores sua aequitate naturali nihil *jus Romanorum Quiritium* demutabant: itaque talis naturae erant *bonitaria dominia*, quales hodie sunt in re beneficiaria, quae dicuntur *Tenutae feudorum*, quae meri sunt facti.

Igitur vides non has esse *scintillas* quasdam, ut Oldendorpius dicit, ex quibus feuda initium coepissent; sed ex clientelis, et majorum gentium feudis *Jus civile commune*; ac proinde Romanum quoque sumpsisse exordia. Et postquam a Germania aliisque Septentrionum plagis barbari Europam invasere, a quibus omne jus in vim et manum

(1) Cap. CIV. (2) Cap. CXVII. (3) Cap. CXXVII in fine.

collatum est; iisdem recurrentibus caussis quas supra exposuimus, et *duella* et *feuda*, atque adeo aliud Jus gentium, Grotius (1) putat, sed rectius antiquissimum Jus majorum gentium, sed aliqua in parte mutatum rediit.

Duella et feuda cum Jure violentiae recurrunt.

CXXX. Itaque summa Potestas civilis Romanorum appellabatur *Quirites*, qua appellatione in comitiis utebantur; et in republica Optimatum Regno mixta *Patres* significavit; sed asserta libertate, nondum autem constabilita, *duplex arcanum* continebat; unum *potentiae*, quasi soli *Quirites* publicas res juberent; alterum *libertatis*, quasi plebei jus *Quiritium* jam acquisivisse publica confessione testaretur. Sed libertate confirmata, eam *Patres* in antiqui juris usurpationem adhibuere.

Quirites appellatio potestatis civilis Romanorum.

CXXXI. Sic principio ipsi *Patres* in comitiis hunc quasi Seniorum assensum legitimis actibus praestabant: quando testamenta *calatis comitiis* condebantur, ubi *Patrum* praesentia jus erat. Aucto populi et rerum numero, Praetor Romanus dictus *minister* et *custos juris*, quae duo confunduntur, quae sunt longe alia: nam quantum *juris minister* erat, Jus *Quiritium* Romanorum sua auctoritate civibus in actibus legitimis ministrabat, sine qua cives nihil jure agere dicebantur.

Praetor Juris Quiritium Romanorum minister.

Praetor minister et custos Romani Juris.

CXXXII. *Jus* autem erat ipsa Praetoris praesentia, uti principio fuerat ipsa praesentia *Patrum* in comitiis; et uti prius ipsa praesentia *Patrum* in comitiis, in quibus appellabantur *Quirites*, ipsum jus *Quiritium* erat; ita postea jus *Quiritium* fuit ipsa praesentia Praetoris pro tribunali, quantum jus *Quiritium* actibus legitimis ministrabat: inter quos ad rem nostram est insignis ille, qui dicitur, *in jure cessio*. Et *Jus* hac acceptione Paullus graviter definit, *locum ubicumque Praetor salva majestate Imperii, salvoque more majorum, jus dicere constituit* (2). Quatenus autem Praetor sit et dicatur *custos juris civilis*, infra suo loco dicitur.

Jus, praesentia potestatis civilis.

CXXXIII. Quae hactenus dicta sunt, spectant Jus Romanorum *Quiritium*, quod liceat appellare *privatum*. Sed est alterum jus Romanorum *Quiritium publicum*, quod *auspiciis*, *connubiis*, *magistratibus*, *sacerdotiis* continetur; quae *Patres* ex jure majorum gentium habebant plebi incommunicata (3): ex cujus juris utriusque acri custodia, quam *Patres* adversus plebem habuere, nos Libro II enarrabimus, et virtutem et justitiam et eximias regnandi artes Romanas ortas esse.

De Jure Quiritium publico.

(1) Lib. II de Jure bell. et pac. cap. VIII, I, 2. (2) In L. penult. D. de legibus. (3) Cap. CIV, § Ad eam.

Jus civile commune tradux juris majorum gentium in minorum.

Jus publicae violentiae finis majorum gentium juris.

Regna heroica, poetica.

Jure publicae violentiae conditae gentes minores.

De Jure minorum gentium.

Inter summas Potestates status exlex recurrit et jus monasticum.

Bella duella publica.

Repressaliorum juris origo.

Heri clientum, Domini servorum.

Patronatus ad exemplum clientelae.

CXXXIV. Ex iis quae de jure privatae violentiae in solitudine (1), de imperio paterno in filios (2), de fide clientum (3) et de caussis certi juris (4) supra tradidimus, perspicue palam est, Jus majorum gentium jure publicae violentiae, quod cum Potestate civili coortum est, terminasse, et jura civilia incoepisse, et quae Hermogenianus dicit (5), *regna condita* esse, sed omnium antiquissima, *regna heroica*, sive *poetica*, in quibus Duumviri, *duo Heroës*, ut supra diximus, a Rege, ut in Horatii caussa a Tullo (6) creati iudices dictarent *carmina*, seu formulas in *publice reos*, quos *perduellionis* appellabant; et ita Potestates civiles jus publicae violentiae domi publicis judiciis exercerent: et ut a jure privatae violentiae majores gentes, ut vidimus (7), ita violentiae publicae jure gentes minores, populi nimirum et nationes conditae sunt; a quibus jura bellorum et pacis sunt introducta: et *tradux*, ut ita dicam, quo jus majorum gentium in jus gentium minorum traductum est, fuit *jus civile commune*, quod supra diximus (8).

CXXXV. Cumque jus publicae violentiae sit Potestatis civilis cognatum et proprium (9); et Potestates civiles, ut supra demonstravimus, summae sint (10); hinc solae Potestates civiles jus belli, et a contrario pacis habent: cumque eae summae sint, hinc status exlex inter ipsas recurrit, ac proinde jus violentiae redit; in eo tamen a priore diversum, quod illud privatae, hoc autem publicae sit: et ita *duella* publica facta sunt; quia inter duas summas Potestates *tertius* non est superior, qui earum controversias dirimat jure: ex qua antiquitate Plautus Romanos *Duellatores Optimos* appellat: et *bella* sunt *vindicationes*, quae per veram vim publice peraguntur; *conditiones* (11) in *repressaliorum* jura, ut Zasius suboluit, abiere; *mancipationes* per veram *manus capionem* fiunt, quae dicuntur *captivitates*; et ut ob infirmos a violentorum injuriis servatos *jus nexi* prius ortum (12), ita ob servatos victos *servitus* introducta; et uti illi *clientum Heri* (13), ita hi *servorum Domini* fuere. Ex manumissionibus alterum *jus clientelarum* ortum, quod dicitur *Patronatus*; cujus similis proprietas

(1) Cap. XCIX et C. (2) Cap. CI cum duob. seqq. (3) Cap. CIV. (4) Cap. CXVII. (5) L. 5. D. de Just. et Jure. (6) Quod primum judicium de capite civis populum Romanum vidisse Cicero *pro Milone* testatur: quare id Romanos ex jure minorum gentium accepisse necesse est. (7) Cap. CIV, § In statu. (8) Cap. CXVIII. (9) Cap. CXXXIV. (10) CXIII. (11) Cap. C, § Per veras autem. (12) Cap. CIV, § Jus nexi. (13) Cap. cod. § Proinde.

assignatio; et partes item duae, *obsequium* et *operae* libertorum; *usurpation* iterum vera *usus*, sive possessionis *ratio* fuit: et *usucapio* primum *fundandarum gentium principium* et *fontis* omnis *certi juris* in rebus soli, qua optimi *fundos* terrarum *communium* longa possessione fecere *certos*, proprios (1), quod barbare dicunt *particulares*; unde illae locutiones proveniunt *fundare gentes*, *fundare civitates*, *fundare respublicas*, *fundare imperia*, mansit apud omnes gentes *modus* acquirendi *dominia* regnorum *diuturna* possessione. Itaque vides *jus* majorum gentium *juris* gentium minorum quoddam *rudimentum* fuisse; quo *primae civitates* nullo consilio institutae, sed *moribus* ipsis ad *bellicam* virtutem imbutae sunt: et in *jure civili* communi, quae perpetua quaedam *belli meditatio* esset, versabantur.

Usucapio principium fundandarum gentium et certi juris:

A gentibus publice recepta.

Jus majorum gentium rudimentum juris minorum.

Primae civitates ad bellum natae.

Jus civile bellica meditatio.

Tamen ex *jure civili* communi bellis, ut *justa* essent, *denunciationem* addidere, quae item ex *jure* majorum gentium proveniebant, apud quas fuerat *obvagulatio* (2) et *pipulum*, quae duo satis significant *infantiam* eorum temporum quibus nata sunt; cum *domini vagitu*, qui *puerorum*, vel *pipatu*, qui *pullorum* est *proprius*, res sibi raptas querebantur: id apud Romanos dictum *Quiritare*, implorare *fidem Quiritium*, Patrum Romanorum quorum erat Imperium (3): ex hoc *jure civili* communi convenere gentes in *denunciationes bellorum*, quae *denunciatio Jure foeciali Romano clarigatio* dicta, qua *Foecialis clara* voce res repetebat, quae nisi restituerentur, indicabat bellum. Atque ex hoc minorum gentium *jure conditiones* sive *representalia juris* majorum gentium, *condictiones* factae sunt *jure civili*.

Obvagulatio et pipulum erant majorum gentium querebrae.

Quiritatio Romanorum.

Clarigatio.

Conditiones, condictiones factae.

Ex quibus vides, *Jus* majorum gentium *internam bellorum justitiam* dictare, nempe *rerum repetitionem*; quod est idem ac *sui tutelam*; *jus* gentium minorum *externam*, quae in *solennitatibus* bellorum spectatur, ut *summae Potestates* bella gerant, nec ante, quam condixerint, sive denuntiaverint, gerant.

Jus majorum gentium justitiam, jus minorum solennia bellorum spectat.

CXXXVI. Hoc *jus civile commune*, quod diximus (4) est *jus commune omnium populorum*, quod dicit *Gajus* (5) ubi *jus civile* definit: *omnes populi qui legibus et moribus reguntur, partim suo proprio, partim communi omnium hominum jure utuntur*: idque *Divina Providentia* (6) quia

De Jure naturali gentium, et jure naturali Philosophorum.

(1) Cap. C, § Jus autem, et Cap. CIV, § In statu. (2) Ex vulgari Lexicorum eruditione. (3) In l. Omnes populi, D. de Just. et Jure. (4) Cap. CXXX. (5) L. 9. D. de Just. et Jure. (6) Cap. XLVI, § Igitur.

rebus ipsis dictantibus (1) inter gentes seorsim ad cujusque populi tranquillitatem ipsarum moribus explicavit; quo civiles Potestates id divisim edoctae, facilius conjunctim in jura bellorum convenirent. Quod jus communibus gentium moribus explicatum, est *Jus Naturale Jurisconsultorum*, a *Jure naturali Philosophorum* longe diversum, quod ii ad Rationis Aeternae libellam severissime exigunt. Sed enim cum respublicae Optimatum, ut inferius dicemus, ferme omnes sint vel sub regna redactae, vel in libertatem resolutae, quae duae rerumpublicarum formae ex ordine magis naturali quam civili reguntur, ut inferius dicemus quoque; iisdem de caussis juris majorum gentium vetustiorum custodia, qua potissimum stabant antiquae Optimatum respublicae (namque id ejus reipublicae proprium, custodia patrii moris, ut mox etiam dicetur), est relaxata: et ita in privatis rebus agendis ea violentiae imitamenta, quae supra memoravimus (2), cessare; et sic cessare juris civilis communis solennitates; et jus populorum seu gentium commune propius accessit ad jus naturale; et *solennis mancipatio* ex. gr. in *simplicem traditionem* abiit; et ita *simplex rei traditio inter modos acquirendi domini jure naturali gentium* est numerata. At enim jure naturali Philosophorum sola animi destinatio a domino facta de transferendo rei suae in alterum dominio, id transfert; et natura quidem humanae societatis signum aliquod postulat, ut supra diximus (3), sed quodcunque sive verbis sive adeo nutu sat est, ipsius autem rei traditio necessaria non est. Sed quia respublicae, etiam regiae, etiam liberae, in jure civili seorsim sibi condendo pro suae cujusque reipublicae forma, nempe ex ordine naturali, non ad vera, sed prorsus incerta naturae, sed ad certa spectarunt, quae ad vera naturae propius accederent; iccirco deliberati animi de transferendo rei dominio in dominis signum firmiter, quam verba et nutus esse voluerunt. Cum igitur Jurisconsulti Romani, ex quibus Corpus Juris Romani coaluit, floruerint, cum respublicae ferme omnes vel liberae essent, vel regna; nil mirum, si, quum de *modis domini acquirendi* agunt et de *contractibus*, jus naturale mixtum nempe ex certo definiunt, non jus naturale Philosophorum, quod recte *merum* Grotius appellat. Quare laudandi qui in Tit. Inst. *De*

Solennitates juris minorum gentium vetustiorum:

A recensioribus remissae:

A Philosophis contemptae.

Omnis respública stat jure certo, sed alia firmiter aliá.

Jus naturale gentium ex certo mixtum.

Jus naturale Philosophorum a certo merum (*).

(1) Cap. VI, VII et VIII. (2) Cap. CXXVI. (3) Cap. XLV.

(*) *Merum*, id est purum a certitudine, depromptum ex solo vero, quia jus naturale philosophorum solae rationi innititur, et verum est, sed incertum. V. Cap. CXVII.

Jure naturali gentium, et civili, virgulam expungunt, in quibus est Hermannus Vultejus, omnium qui commentarios ad eam juris partem scripsere facile princeps. Haec si Grotius advertisset, is certe Jurisconsultos Romanos super eo argumento non reprehenderet: qui ipsi, si antiquissimis temporibus, quibus omnes respublicae fuere Optimatum, scripsissent, Jus naturale gentium describerent, quod Jus civile Romanorum proprium hactenus putatum est (1).

CXXXVII. Id verum Grotius dixit, quamquam non vere, quia non suis ex causis dixit, quum jus gentium *duplex* facit, *proprium* et *proprio minus*; ac *proprium* definit, *quod pertinet ad mutuum hominum societatem*, ex quo genere *jura bellorum* et *pacis* esse dicit; *proprio minus*, *quod spectat privatim ad cujusque populi tranquillitatem*; ex quo genere dicit esse modos acquirendi dominii jure naturali gentium, quot numerant Jurisconsulti Romani, occupatione bellica excepta. Quia *jus gentium proprium* est jus violentiae, ut definiimus (2), quod a majoribus gentibus in statu exlegi fundatum, ut narravimus (3), rebus publicis postea constitutis, occasione bellorum inter minores gentes, violentiâ inter ipsas recurrente, ac proinde recurrente statu exlegi, inter ipsas recurrit, ut demonstravimus (4). Id autem jus, cum vi geratur et vis electionis sit expers, est quodammodo immutabile: unde jus bellorum apud omnes gentes humanas, omnique tempore videas uniforme: *minus proprio* a nationibus est introductum contra omnem vim; ac proinde cum voluntate ortum sit, mutabile est, non pro libidine tamen, sed pro formis rerum-publicarum, ut vidimus (5): quare non solum alio tempore aliud, sed uno eodemque tempore in alia Orbis terrarum parte esse aliud potest.

De Jure naturali gentium proprio et minus proprio.

Jus gentium proprium immutabile.

Minus proprio mutabile.

CXXXVIII. Ex *tutela, dominio, libertate* tres rerumpublicarum formae merae ortae, *Optimatum, Regia, Libera*.

Tres rerumpublicarum formae merae:

Optimatum respublica nititur *tutela ordinis*, qua primum fundata est, ut supra disseruimus (6), ut soli Patricii habeant auspicia, agrum, gentem, connubia, magistratus, imperia, et apud gentes sacerdotia.

Optimatum,

Regia 1) eminet *unius dominatu*, et summo ac maxime *Regia*, libero apud eum unum omnium rerum arbitrio.

Libera celebratur *aequalitate suffragiorum, libertate sententiarum*, et *aequo* omnibus ad *honores* vel summos *aditus*; qui *aditus census* est, seu patrimonium.

(1) Cap. CXXVIII. (2) Cap. C. (3) Cap. CIV. (4) Cap. CXXIX, § Igitur. (5) Cap. CXXXVI. (6) Cap. CXXXVII.

4) Id vocabulum *Regnum* apud Scriptores saepe diversa significat: quamohrem ne quam disserendis pariat obscuritatem, animadvertendum est, principio rerum *Regem* significasse propria significatione *Ordinis Principem*, bellorum ducem et legum latorem, significatione maxime propria, qua leges ordinis ad plebem ferebat, quales principio *Reges ex ordine* natos in turbis cum plebe primum ortis supra narravimus (1). Eaque significatione sunt *Reges Heroici* apud Homerum, et mansere diu apud Graecos ferme omnes, etiam in rebuspublicis liberis, ut post Thesium alii longa serie in Atheniensi, ut ne dicam in rebuspublicis Optimatum, uti Regnum inter duos Heraclicidarum divisum in Spartana, maxime creatis Ephoris, sub quorum acri custodia ita Reges, ut sub Regum custodia leges erant. Ita et apud Romanos ea *Regis* appellatio a jure gentium recepta est, ut Cicero vel suae Reipublicae liberae *Consules* in legibus, quibus eam ad Romanae exemplum fingit, *Reges* more Spartanorum appellet. Sed Regno cum Tarquinii degenerante in tyrannidem, et per stupri Lucretiae illati occasionem, libertate a L. Junio Bruto Romanis asserta, ea appellatio odiosissima fuit, ut eos, qui impune injurias facere vellent, *regnum agitare*, cum indignatione et stomacho dicerent. Sed ut postea inter Graecos regnum merum Macedonum fuit, ita longe antea inter Italos illud fuit Ethruscorum. Apud ceteros Occidentales, uti Hispanos, Gallos et Germanos, Britannos ex innumeris T. Livii, Julii Caesaris et Corn. Taciti locis colligere licet, respublicae per Principes, ita eos isti vocant Historici, juxta heroicum, quem tradimus, morem (2) rectae sunt; et tanto odio habita regna, seu dominatus, ut vel ingens Arminius, qui Cheruscorum Princeps fuerat Germanicae libertatis contra Romanos assertor, ob affectati Regni suspicionem a suis occisus sit. Sicularum autem Tyrannis ita *regnum merum* significavit, ut *regnum* apud Asianos *tyrannidem*, quale etiamnum ab sua usque ultima antiquitate Persae habent; qua acceptione Tacitus dixit, *suetum Regibus Orientem*. Quare Augustus non *Regis* nomine cum Orientalibus, sed cum Occidentalibus *Principis* appellatione *Rempublicam* accepit.

Cur tres rerumpublicarum merae formae.

Cur tres rerumpublicarum merae formae.

Cur tres rerumpublicarum merae formae.

CXXXIX. Cur autem tres nec plures aut pauciores sint rerumpublicarum formae merae, ratio ea est quia, ut Tacitus inquit, *unum est reipublicae corpus, et unius animo*

(1) Cap. CIV, § Sed et natura.

(2) Cap. CXXXVIII 4) et CV.

regendum: naturâ autem unus homo; sed et ad similitudinem naturae unus aliquis ordo civium, vel *populus universus*, aut *major ejus pars* quae pro universo habetur, in comitiis convocata *instar unius*.

CXL. Et ita rerum naturâ comparatum fuisse necesse est, ut respublicae fundarentur, et exleges aut liberi legibus se submitterent. Ubi enim infirmi et omnium rerum indigi salutis caussa ad aliquot fortium virorum praesidium, vel in tutum aliorum agrum confugerunt; ibi fortes habere agri dominium, *receptos* colere; ac proinde illos imperare, hos parere *ius* est, quod *majorum gentium* supra diximus (1): ad cujus antiquissimi juris normam, Rempubli-
cam Venetam Optimatium et natura ipsa fert, et Historiae produnt constitutam. Ubi cuncti unius fidem implorarunt, quod bellis plerumque accidit, ut victi a victore
serventur, ut Asiani ferme omnes, inter quos degeneres Optimates regnabant; ibi ea sit *conditio imperandi*, uti Crispus Liviae dicebat, *ut non aliter ratio constet, quam si uni reddatur*; quae est *lex Regia* Ulpiani (2), nempe
Regni meri conditio, uti *conditiones* passim *leges* dicuntur. Postremo ubi universi ex aequo legibus se submitunt, ibi
neminem eminere aequum est. Itaque cum ipsa Ulpiani phrasi tres has *conditiones*, cujusque reipublicae merae
leges fundamentales, unamquamque suae, appellatione maxime propria dicere eleganter possis.

CXLI. Respublicae *Optimatium* merae reguntur *mori-
bus*, quibus gentium jure fundatae sunt. Natura enim mo-
res legibus antiquiores tulit: et ea reipublicae forma tota
stat juris custodia; quia consilium non fuit, ut Patres
quicquam demutarent, quin contra utilitas suadebat, ut
acriter custodirent mores gentium, super quibus suum fun-
darent Imperium, uti supra descripsimus (3): qua custo-
dia Romani, quia ceteris gentibus praestitere, ut Libro II
demonstrabimus, gentium jure universi terrarum Orbis po-
tentes facti.

Atque hic ille est *mos majorum*, quo quae poena ex-
gr. a Duumviris in Horatium dictata sub Tullo fuerat,
quod primum judicium de capite civis populum Romanum
vidisse Cicero testatur; unde supra nos confecimus (4),
Romanos id jus, cum versemur in ipsis reipublicae initis,
a jure gentium accepisse; ea ipsa poena Domitius Nero a

(1) Cap. CIV, § Ad eam. (2) L. 1. de Constit. Princip. (3) Cap. CIV, § Ad eam. (4) Cap. CXXXIV.

*Lex fundamenta-
lis cujusque reipu-
blicae merae,*

Optimatium,

Regia.

*Lex Regia Ulpiani
quid?*

Liberiae.

*Proprietas cujusque
reipublicae merae.
Respublicae Opti-
matium moribus re-
guntur.*

Mos majorum quid?

senatu hostis reipublicae judicatus, ut Suetonius in ejus vita refert, *more majorum* damnatus est: cujus formulae vim cum Nero ignoraret, ubi eam edoctus est, supplicii ignominia commotus, occidi sustinuit, quam expectare. Sed haec ipsa *formula judicii publici*, qua Horatius perduellionis damnatus est, et a Latinis Scriptoribus, ut vidimus, dicitur *mos majorum*, haec, inquam, ipsa ab iisdem *lex* appellatur: ita apud Livium Tullus fatur: *Duumviri, qui Horatio perduellionem judicent secundum leges, facio*; et Livius ipse, antequam eam recitet formulam, praemittit: *Lex horrendi carminis erat*. At cernis eam non tam *legem*,

Primae leges quae?

Prima exempla quae?

Exemplum edere proprie quid?

Cur severae poenae *Exempla* dicta?

Cur exempla legibus antiquiora?

Eloquentia heroica exemplis regnabat.

quam *exemplum* fuisse, quod in similis criminis reos edebatur, haud absimile Principis decreto, quod ad similes causas trahitur. Idque proprie erat *exemplum edere*: cumque ejusmodi exempla ab ordine severa ederentur; hinc *exempla* postea *severas poenas* significarunt. Quod autem antiquissimae leges essent ejusmodi exempla, ratio id postulat, quod rudia ingenia exemplis dicuntur, quae particularia sunt, leges proprie dictae genere constant (1), et genera rudes homines difficile intelligunt. Unde *eloquentia heroica* exemplis fictis tota vigeat, ut antiquissimae Aesopi Fabulae testantur; et Menenius Agrippa membrorum a ventre desciscientium fabulam Romanam plebem reduxit. Sed et primas leges Romanas fuisse haec exempla ex more patrio in reos edita luculentissimus locus Dionysii Halicarnassensis (2) demonstrat, ubi dum deliberatur in Senatu, an leges, quae postea in XII Tab. redactae sunt, populo ferendae essent, quae proprie leges erant, fuerunt status Optimatum, e quibus respublica libera mixta erat, acres custodes, qui censebant, *patrios mores servandos, leges ferri non oportere*. Et cum his legibus hac significatione acceptis apte cohaerent leges quas Romulus alique Reges tulere, et *jus incertum* et *manus Regia*, qua initio civitatis populum Romanum egisse Pomponius (3) narrat. Et recte quidem *manus Regia* appellabatur: nam primi Reges fuerunt *manus*, ut ita dicam, *juris*, quae jus civibus ministrabat; nam *mens juris* apud *Ordinem* erat: *Jurisdictio* erat *Regum*, at *Jurisditio* erat *Ordinis*: eaque ratione *primi Reges* significatione nativa et maxime propria dicti sunt *Legumlatores*, qui ferebant leges ab Ordine ad populum, uti Tullus, qui *concilio populi advocato*, Duum-

Quid *jus incertum* et *manus Regia*?

Cur dicta *manus Regia*?

Primi Reges *manus juris*. Veri Legislatores.

(1) L. Jura 8. D. de legib. (2) Lib. X. (3) L. 2. princ. D. de orig. Juris.

viros creavit, ex quorum formula *jus* in Horatium dixit; et ita *perduellionis legem* ab ordine ad populum tulit: neque Duumviri legem concipere poterant, nisi Tullus creasset: et ita cum tanta illa antiqui juris solennitate belle convenit *jus incertum Pomponii*: quia in Regis arbitrio erat creare Duumviros. Quare antiquissimi Reges in republica Optimatum ea *creatione* tantum pollebant, quantum Consules postea in libera pollebant *relatione*: et ita eorum propria erat *legislatio* domi, ut *belligeratio* foris, quae duo Theseus in fundanda Atheniensi Republica sibi Regi servavit (1).

Cur *jus incertum* dictum?

Quid Reges in primis rebuspublicis domi possent.

In *rebuspublicis mere regiis* Principes summi solo nutu gentium moribus moderantur. Unde apud Turcas, Tartaros, Moschos, Persas leges nullae praeter divinas, quas falsi habent.

Merae regiae nutu Principum.

In *rebuspublicis mere liberis* omnia *legibus* proprie dictis, quae sunt jussa populi, peraguntur.

Liberae legibus.

CXLII. Hinc prima Juris civilis communis divisio est in *mores* ac *leges*: quod ita Gajus (2) enunciat: *Omnes populi LEGIBUS et MORIBUS reguntur*: ubi particula *et*, ut saepe in jure usu venit, pro particula *vel* accipienda. Nam Respublicae mere Optimatum et mere Regia reguntur moribus, uti e contra legibus populares. Atque hac ratione constat illud, quod Tribonianus scribit, *Divisionem juris scripti et non scripti ab Atheniensibus et Spartanis provenire* (3), hoc est a forma reipublicae liberae et Optimatum: ex qua utraque postea Romana commixta est, modo tamen Spartanorum mores accipias, uti Romanorum sub primis Regibus (4). Nam Spartanis Lyncurgus leges quidem dedit, atque adeo scribi vetuit; sed eae circa *puerorum institutionem* ferme omnes versabantur: in ceteris vero *mores majorum*, quibus ea Optimatum praeter omnes praeclarissima virtute Respublica fundata fuerat, ipsis custodiendos reliquit: et ita leges Heraclidae *manu regia*, ut Tullus legem *perduellionis*, tractabant, quae a Latinis Scrip- toribus dicta est, ut nuper vidimus, *mos majorum*.

Summa Juris civilis divisio in mores ac leges.

Respublicae mere Optimatum et mere regia moribus, legibus mere libera regitur.

Qua ratione *jus scriptum* ab Atheniensibus, non scriptum a Spartanis.

Spartanorum leges propriae *παιδαγωγία*, mores reliqui.

CXLIII. Et *mores* et *leges* sunt Juris naturae interpretationes: sed *mores* sunt interpretatio firmitior; nam factis ipsis probantur, et diuturnitate temporis abeunt in naturam: *leges* sunt interpretatio quandoque melior, at semper infirmior, utpote quae a mutabili voluntate dictatae.

Mores et leges juris naturae interpretationes.

Mores legibus firmiores.

Leges moribus meliores.

(1) Plutarch. in Thes. (2) L. 9. D. de Just. et Jure. (3) § 10. Inst. de Jure nat. gent. et civili. (4) Cap. CXLI, § Atque hic.

Cur respublicae
Optimatum, et re-
gna tranquilla et diu-
turna?

Respublicae mere
liberae turbulentae
nec diu duraturae.

Ordo nascendi,
sive natura rerum
publicarum mera-
rum.

Primae respublicae
Optimatum merae;

Secundae merae
Regiae;

Postremae liberae.

Rigor legum similis
rigori rationis.

Forma reipublicae
liberae maxime ex-
cogitata.

Lex mens affecti-
bus vacua.

Respublicae Opti-
matum ad tuendum,
Regia et libera ad
proferendum Impe-
rium nata.

Hinc *Respublicae Optimatum* et *Regiae tranquilliores*, ac *difficilius corrumpuntur*: exemplo sit ex antiquis Spartana, ex nostrorum temporum Veneta: et quanquam regiae in *transitu rerum* per Principum summorum mortes quandoque turbentur, forma tamen integra manet. Quare Persae ab ultima usque antiquitate ad haec usque tempora sub Regno merò suae ditionis, externi Imperii semper ignari. *Respublicae autem mere liberae turbulentissimae et aevi brevis*. Namque Atheniensis libertas a Solone, a quo est legibus constabilita, usque ad Peloponnesiacum bellum vere vixit. Romana enim ab Optimatibus, quibus mixta erat, in *officio contenta* est; et tamen non ultra quingentos et paulo plus annos exspatiata.

CXLIV. Sed ut in homine prima extitit *sensuum tutela*, deinde *affectuum libertas*, tandem *dominium rationis*; ita in *vita generis humani*, quam supra diximus esse Historiam (1), prima extitit *Respublica Optimatum*, quae *tutela ordinis* constat (2), quae forma in *tempore obscuro* et heroico late regnavit (3). Deinde *Respublica affectuum liberorum*, nempe *Regnum merum, Dominatus, Tyrannis*, uti patricii juvenes apud Livium dicebant, *Regem* (merum, qualis superbus) *hominem esse, eumque irasci et ignorare posse*; in quam tyrannici regni formam concessere potissimum Asiani (4); qui summe cupiunt sui misereri, et unice spectant ad suorum Regum largitiones: hinc *primus in tempore historico* universo Ninus prodit. Postremo nata *Respublica rationis et legum*, quas iidem juvenes queruntur *rem surdam et inexorabilem esse* (ad instar rationis aeternae (5)); *salubriorem melioremque inopi, quam potenti; nihil laxamenti, nil veniae habere* (ad exemplum ejus, qui supra dictus est, rationis aeternus rigor (6)), *si modum excesseris*: unde omnium tardissimae respublicae liberae natae sunt. Namque ea forma est omnium maxime excogitata; quia praestantis acuminis est intelligere genera rerum, ex quibus leges propriae dictae conciperentur (7); *legem esse mentem affectibus vacuam*, ut praeclare Aristoteles dixit; et singulos falli posse, ac magnum *argumentum veri esse, quod idem omnibus videatur*. Et sane ita naturâ comparatum oportuit, qua homines prius sua tuentur, deinde sui securi inhiant alienis. Respublicae Optimatum natae, ut optimi a plebibus sua tuerentur (8); regia et libera, uti mox dicemus, ut imperia proferrent.

(1) Cap. C. (2) Cap. CXXXVIII, § Optimatum. (3) Cap. eod. 1). (4) Cap. eod. 1). (5) Cap. LXXXVIII. (6) Cap. LXXIX. (7) L. 8. D. de legib. (8) Cap. CIV, § Sed et.

CXLV. Gentes fortissimae sub Optimatibus et Principatu civilem vitam agitarunt; quia fortitudo est ad tutelam, non ad injuriam comparata (1): tales fuere Eûropaei ferme omnes.

Gentes *molles rudesque* statim et facile *regnis meris* acquievere: nam prae vitae studio sunt ad servitium parati, et ingeniorum ruditate putant nulla, quae *in commune exposulantur*, quia *tarda*, ut Tacitus notat; *privatam gratiam* spectant, quam, ut idem Auctor ait, *statim mereare, statim recipias*: unde idem Historicus dicit, *suetum Regibus Orientem*.

Acutissimae, ut Sicuti, qui sic a Cicerone appellantur, sed *molles*, utpote quos inter rudes Musae ortae, Bucolicae, statim *tyrannis cessere*. At *acutissimae* et *fortes* invenere *leges* et *libertatem*. Primus enim legislator Minos inter Cretenses ortus, quorum fortitudinem saeva lex Atheniensibus bello data, acumen autem Daedalus, qui ingenii virtutem significat, inter eos versatus probant (2). Athenienses, a quibus philosophia, eloquentia et omnes bonae artes excultae, ab heroicis usque temporibus legum auxilium implorarunt, quibus a Theseo civitas libera fundata est Optimatibus permixta: quae postea ab Optimatibus occupata est, in qua Draco *leges sanguine scribere* dictus est: tandem a Solone, uno e septem Graeciae sapientibus, ad perfectam libertatem perducta. In Africa Carthaginienses, gens fortis et miro ingenii acumine, quo militaribus consiliis insignis Annibal, et Ecclesiae ejus Orbis Patres, inter quos eminet Augustinus, ceteris praestitere, cito libertatis dulcedinem intellexerunt. Romani ob egregiam virtutem, qua cunctis Orbis terrarum nationibus postea imperarunt, non tamen perinde acuti, diu durarunt, ut respublica ab Optimatium transformaretur in liberam; et, ut cum Livio dicam, sero *libertatis dulcedinem experti* sunt, et trecentis post annis leges proprie dictas acceperunt.

CXLVI. Sed uti rerumpublicarum formae ex populorum natura, ita ex natura rerumpublicarum populorum justitia orta est. Nam respublica Optimatium continentissima bellorum (3), et *justitiae maxima cultrix*; quia tutelâ ordinis constat, et potissimum adversus plebem constat; et ipsius ordinis opibus constat: et prolatione imperii, aut plebs agro capto ditanda, aut ordo distrahendus, ac proinde solvendus denique. Quare intra ambitum, in quo fundata, contineri necesse est: nam si longius abeat, Optimates nec

De formis rerumpublicarum ex populorum natura.

Fortissimae sub Optimatibus, ut Eûropaei;

Molles et rudes, ut Asiani sub regibus meris;

Uti et acutissimae et molles, quales Sicuti;

Acutissimae et fortes leges et libertatem invenere, ut Cretenses, Athenienses,

Carthaginienses;

Quam fortissimae, non tam acutae sero libertatem expertae, ut Romani.

De Justitia rerumpublicarum ex ipsarum natura.

Respublicae Optimatium abstinentes bellorum et justitiae cultrix.

Cur brevi ambitu continenda?

(1) Cap. XXXIX et LXVI d). (2) Lib. II ubi de Poëscos orig.
(3) Cap. CXXXVIII, § Optimatium.

facile nec cito in ordinem coire possunt, quo stat tutela: mittere autem in provincias victas Regum, vel liberarum rerumpublicarum more ex Optimatibus Rectores, periculosum, ne publice parta privatim perdant. Eapropter antiquae Optimatum respublicae minutae et crebrae; et finitumorum injurias ulcisci, aut vindicare contentae, suos fines non proferebant. Spartani parvo agro diu contenti, robur gentium erant, et bello invicti: ubi proferre Imperium bello Peloponnesiaco voluerunt, ipsâ victoriâ, qua

Unde jure majorum gentium minutae et crebrae?

Unde justitia Romana bellorum?

Et mansuetudo et clementia?

Et magnanimitas invictos?

Qua victi in societatem Romanam asciti?

Cur principio rae Coloniae?

Ratio certaminum ob legem Agrariam.

Respublicae regia et libera factae ad Imperia proferenda.

Expeditiones bellicae unde dictae?

Monarchiae vel regno vel libertate fundatae.

Cujusnam in qua-
que republica mera
est Jurisdictio?

Athenienses subegerunt, sunt resoluti. Hinc *justitia Romana bellorum*, quae *pura et pia* gerebant, non ultro, sed injuriis lacessiti, quam ipsam bellicam justitiam Optimates in artibus regni adversus plebem habebant: unde prisca Romanorum *in victoriis mansuetudo et clementia*, qua *victis gentibus solam injuriae licentiam adimebant*. Hinc principio illa Romana *magnanimitas*, victis civitatem dandi praeclearis illis coloribus *affinitatis*, qua *Sabinis, originis qua Albanis*; ut Roma excisarum urbium ruinis *interea cresceret*, ut Livius notat, donec coalesceret in justum rei publicae corpus: hinc deinde illa summa *continentia deducendarum Coloniarum*; hinc postremo illa aeterna *legis Agrariae* inter plebem et Optimates certamina.

Respublicae regia aequae ac libera aptae ad Imperia proferenda, ut supra diximus quoque (1); quia Reges meri suo solo arbitrio cuncta et celeriter expediunt: unde a celeritate, qua potissimum res bellicae feliciter administrantur, *expeditiones* bella sunt dicta. *Multitudini* autem et *vulgo*, ut recte Tacitus advertit, *ferocia consilia probantur* maxime. Hinc in tempore historico Ninus primus Imperiorum prolator prodit, qui Assyriorum Monarchiam fundavit, mox Persarum Cyrus, tum Alexander Macedonum, denique Romanorum Augustus, et Carthaginienses ac Romani, utraque libera respublica de Orbis terrarum Imperio ingentia et diuturna bella gessere.

CXLVII. In Optimatum republica mera *jurisdictio*, quam diximus esse *juris mere civilis dominium* (2), ea est Senatus, quae est *Senatus auctoritas* proprie dicta: in *mere Regia* est *summi Principis ex lege Regia*, sive lege Regni fundamentali, quam supra memoravimus (3), in *mere libera* est populi universi, aut majoris partis in comitia convocati, ut monstrat illa formula legum rogandarum *velitis, jubeatis, Quirites*, et illa formula suffragii, *uti rogas, ita jubeo*.

(1) Cap. superiore.

(2) Cap. CXVI.

(3) Cap. CXL.

CXLVIII. In republica Optimatum mera jus omne in pectore ordinis arcanum servatur: in republica mere regia asservatur in Regii pectoris Scrinio, ut Bonifacius VIII Pontif. momentosissime loquitur (1): in mere libera in suffragiis populi in comitia convocati.

Quaenam in qua-
que republica mera
est Jurisdictio?

Hinc quicquid ordo concepta verborum formula jubet, jus est: atque id est proprie *jus dicere*, *jus edere*, et quicquid ea formula ex ordine emittitur, *jus ex ordine*, *jus ex ordine proprie* quid? *Jus ex ordine proprie* quid?

Quicquid autem Princeps summus mente, sive animo Legislatoris ore profert, jus est: unde *juramentum obsequii*, seu, ut vulgo dicunt, *fidelitatis* in Romanos Principes sic Latini satis graviter dicunt, in *Principis verba*, quod juramentum indit reipublicae formam regni meri; eo enim populus omne suum jus Principi et in Principem transfert. Quare jura a Principibus istis dicta proprie *oracula*, ut passim in legibus Codicis appellantur: sed *Constitutiones Principum* satis momentoso vocabulo dici consueverunt, quod Principes statim ac Legislatoris animo quid constituunt, jus condunt.

Vis juramenti in
Principis verba.

Constitutiones Prin-
cipum cur ita dictae?

Quod autem populus liber in comitiis jubet, *Lex* proprie dicitur, non quod literis perscripta sit et legatur: non enim scriptura legem, neque non scriptura consuetudinem, sed jussus expressus legem, taciti mores consuetudinem faciunt: nam Spartanis leges erant Lycurgi, in quibus tamen et illa, ne leges scriberentur; et *Consuetudines Feudorum*, uti et cujusque Municipii, quanquam in scripturam redactae, consuetudines tamen manent. Itaque *lex* dicitur a *lectione*, seu numeratione *suffragiorum*, a quorum majori numero *lex* suam vim habet et potestatem.

Lex popularis unde
dicta?

Itaque *Jurisdictio* est formula, quam sive scripto sive dicto, Ordo, vel Rex animo juris condendi emittit, quod proprie est *jus edere*, *jus dicere*; vel est formula aut scripto aut dicto proposita, qua populus universus aut major populi pars suffragiis jubet.

Jurisdictio proprie
dicta definitur.

Atque hoc jurisdictionis genus, qua Potestas summa civilis jus dicit, dicitur in specie *Legislatio*.

Quae Legislatio
appellatur?

CXLIX. Sed et supra vidimus (2) id jus in Horatium a Duumviris dictum *legem* appellatam; haut sane a legenda scriptura, namque ore prolata est, et quidem quodam cantu prolata, ut latius alibi, unde *carmen* dictum:

De primis legibus.
Primae leges unde
sic dictae?

(1) Cap. I de constit. lib. VI. (2) Cap. CXLI, § Atque.

non a *legendis suffragiis*, nam Tullus Duumviros creavit, qui legem conciperent: a *legendis* autem *juris arcani exemplis*, id sane commode diceretur de Romanis, quibus diu post minores gentes fundatas civitatem Romulus constituerat, ut supra dictum est (1). At de *lege Agraria*, quacum ortas respublikas supra diximus quoque (2), haec origo non satis apte narratur. Antiquitatem vocabuli *Agraria* ibi supra coniecimus: hujus vocabuli *lex* vetustatem dat conjicere, quod monosyllaba sapiat Latinae gentis infantiam.

Prima latinae linguae infantia.

Namque inter homines primae *interjectiones* natae sunt, quas definias primas humanas ad affectuum impetum erumpentes voces, quas monosyllabas in omnibus ferme linguis observes, quod est praecipuum infantiae argumentum: et *pronomina*, quae antequam nomina, nata esse etiamnum infantes nos docent, in Graecis aequae ac Latinis monosyllaba pleraque omnia: Latinis autem *prima rerum vocabula item ferme omnia monosyllaba* fuere, ut eorum, quae primo erant notanda in natura, *hoc*, pro *Caelo* (3) (*), *Sol*, *lux*, *nox*; in homine, *os*, *frons*, *cor*, *cus* (**), *crus*, *pes*, at *manus* Graecis *χέρ*; magis propria, *vox*, *for*, *sum*, *mens*; magis necessaria, *lux*, *fons*, *glans*, certe Graecis pro *igne* *πῦρ*: an Terra dicta *Dis*, quod conservarunt Poëtae? magis jucunda, *lac*, *mel*, aureae aetatis cibi; in plantis *stirps*, *flos*, *frons*, *frux*; utiliora animantia *bos*, *sus*, an *ovis* monosyllaba, postea dissyllaba Graecis *ὄν*? materia pecuariae *grex*, rusticae *rus*; infantiae vocabularium *res*; primum frumentum, *far*; condimentum, *sal*; instrumentum, *vas*; primum metallum, *aes*; prima moneta, *as*; Deorum rudissimus, *Pan*; sua religione fundat societatem Deorum *Styx*; rei civilis principia, *vis*, *vir*, *gens*, *urbis*, *rex*, *dux*, *merx*, *pax*, unde pacisci, *jus*, *fas*, *mos*, *lex* (a). An *lex* dicta significatione, qua *aquilex* inveniendae eliciendaeque aquae peritus?

Monosyllaba prima rerum vocabula.

(1) Cap. CXXIV, § Quod autem. (2) Cap. CXXVII. (3) Id nobis faciet initium *Histor. Temporis obscuri*.

(a) Alia nomina passim in his Libris et verba praeterea ob has ipsas *Infantiae Latinae* rationes nata monosyllaba, enumerantur Lib. II, Part. II, Cap. XIII, Num. 12.

(*) Patet ex Ennio:

Aspice hoc sublime candens, quem omnes invocant Jovem.

(**) *Cus* (id est *cutis*) nomen antiquatum arbitror, cum antiquiores latinae linguae scriptores habeant *intercus*. Ita in opere quod inscribitur italice *Scienza Nuova*, edit. I, lib. III, § 36, recenset inter antiquiora linguae latinae vocabula *pen* et *man*, quae obsoruerunt, cum eorum loco sequiori tempore usurpata fuerint *manus* et *penis*.

Certe *prima mortalium communis cura* fuit, ut eruditiores observant, *inventio fontium et puteorum*: igitur *prima omnium dicta lex aquae*, unde fortasse omnes aves majores *AQUILAE* Latinis, quasi *aquilegae* dictae; quam firmat conjecturam, quod *aquulas* prisci dixere: quod qui primi gentes fundarunt, quum ex multitudine impia et nefaria segregari, ut supra diximus (1), vellent, quia id de avibus observarant (a), quod nidificarent ad fontes; ut ibi sedes *legerent*, ubi aquarum copiam haberent (unde *pagi* a verbo *παγή*, quod *fontem* significat dicti, quam vocis originem custodierunt in jure Romani, quo *paganos* a militibus separant); *aquilas* secuti sunt, quas postea *Numina Romana* Romani custodiere: et quia id de *coelo observant*; et quicquid coeleste esset, vel ad coelum pertineret, ut *Aves*, ex communi origine Graeci *διον*, Latini *dium* dicebant, ut supra vidimus (2); unde facile *Dii* appellati; indidem *διαιον* *Jus*, ut divinatur Plato, dixere; quod postea, ut idem Philosophus conjicit, venustioris appellationis gratia, *z*, addito, *διζαιον* sunt proloquuti. Nam cetera, quae super ejus verbi origine disserit; *jus* esse mentem divinam ab omni concretionem purissimam, omnia permeantem, omnia continentem, agitantem omnia, quam *Physici Etherem*, Poëtae dixere *Jovem*; ea, inquam, *Platonis mentem*, non primae aetatis summam, nedum altissimarum, sed omnium rerum imperitiam et ruditatem decent. Id vero constat, cum Graecis Latinos super hujus rei historia, ac proinde super ejus vocis etymo bellissime convenire, quorum graviores Grammatici notant, *jus* priscis *jous*, et *jous* a *Jove* appellatum, qui iisdem *Diespiter*, *Dius Pater*, ut

Prima civilis cura,
inventio fontium.

Lex aquae.

Aquilas unde dictae.

Unde pagi?

Unde Dii dicti?

Unde διζαιον?

Jus a Jove appellatum.

(1) Cap. CIV, § In statu. (2) Ibidem.

(a) Sed primo illi, summoque hominum stupori, etiam istam animadversionem rectius abjudicaveris, ut abjudicamus Libro II, Part. II, Cap. XX, ubi de *Matrimoniiis*: quod et nostrum de *Divina Providentia* argumentum, per hos Libros perpetuo dissertatum confirmat gravius; et cum ceteris, quae de stupido illo primorum hominum genere narrantur, aptius congruerit, qui fulmine opus erat, ut ad humanitatem colendam excitarentur; nec tamen omnes sunt excitati, ut in *Histor. Temp. Obsc.* narratur; si dicas, quod secuti *Aquilas*, ubi se absconderent; quia aves majores in altis montium nidificant, et omnes faciunt nidos ad fontes, Providentia Divina duce, reperere perennes aquas, ad quas perpetuo considerent: et sic postea primum omnium divinorum beneficiorum id agnovere, juxta perennes fontes primas sedes fundasse: unde prima, et maxime acris fuit primis gentibus religio Fontium.

Atque Graecis *Jupiter* dictus est. Ex quibus conficitur *primum jus gentibus fuisse Divinum*, ut supra innuimus (1) ex *caeli observatione* natum, et in *auspiciis* positum: unde prima, et, ut ita dicam, *physica lex orta aquae*.

Prima religio fontium.
Unde dicta religio?

Utrum inde *prima religio fontium* fuerit, eaque non a *relegando*, sed a *relegendo*, accurate legendo dicta sit, ut monitum illud satis elegans probare videtur, *relegentem esse, non religiosum oportet*, hoc est pietati, non vanae superstitioni operam dare? Ex qua ipsa *lymphati* proven-

Cur *lymphati* dicti?

rint, quod *lymphae*, sive *Nymphae*, quae fontium Deae habebantur, iis, qui puros fontes spectare ausi essent, fu-

Mythologia Actaeonis.
Oblucinare quid?

rorem immittere crederentur: atque id Actaeonis fabula significet: unde *lymphare* priscis idem ac *oblucinare* significabat, furore corripere, ut satis erudite advertit Paraeus;

Unde sacri luci?

quod *lucos* Diis sacros, eosque *non sine fonte* aliquo, ac proinde, ut supra diximus (2), *non sine ara* et religione

Ceriti unde?

Unde caerimoniae?

aliqua habuerint. Qui furore correpti *ceriti* item dicebantur: an *caerimoniae* Deorum inde rectius quam *caerimoniae* a *Cere* Sabinorum urbe appellatae? et ex hac falsa de *fontibus* persuasione uti prima *lex aquae*, ita postea *leges omnes religione conspersae*? et Numa Pompilius ob id se a *Nympha* leges accipere simularit, quo eas religione conspersas facilius populo feroci persuaderet? Cuncta haec, quae hoc loco modeste postulamus, ita se habuisse Libro II ostendemus.

Agraria cur lex dicta?

Sed et in illa summa verborum egestate et infantia, humani generis pueritiam decente, quae aetas cum generum imposit, per similitudines (*) explicatur (3), *legis* vocabulum translatum est ad *agrariam*, quam primam omnium legum significatione politica supra retulimus (4), idque factum ob similitudinem, quod eâ clientes per sylvas, quo secesserant, occultatos inveniret, eliceretque, et ad Optimos domum reduceret. Et qui eam ad ipsos legem adportarent, non

Mercurii mythologia.

Legislatores, sed *Legatos* dici coeptos dicamus? An *Mercurius* inde *leges Aegyptiis dedisse* fertur? et *Legatus Deorum ad homines* a Poëtis fictus? et *mercimoniis praepositus*? Quod hi *Legati virorum, heroum, optimorum*, quos

Primi rerum publicarum ordines viri et homines.

supra vidimus idem esse (5), ferrent legem ad *plebem*, ad *homines*: ita ut *primi rerum publicarum ordines* fuerint, *virorum et hominum*: quod e nostris principiis effluit, quae tradunt, primas respublicas virtute fundatas (6), unde *vir*

(1) Dict. Cap. CIV, § In statu. (2) Ibidem. (3) Cap. CXXI. (4) Cap. CXXVII. (5) Cap. CIV, § In statu. (6) Ibid. § Proinde.

(*) Proprietas ingenii, quam innuit in lib. de Metaph. Cap. VII, § 4 prope ad diuini, quae expedit quaestiones vel maximi momenti de origine historiae humanitatis.

virtutis, homo naturae (1) ad nos usque pervenere vocabula: quod Romani retinere; qui omnes Magistratus et Sacerdotia cum suo quemque numero viros appellarunt; et diu Magistratus et Sacerdotia incommunicatos plebi habuerunt: et maritos dixere viros, diuque habuere plebi item incommunicata connubia: seque viros, sive heroas (2), quos *Deorum filios* definiebant, ex ea falsa persuasione jactarent, quod essent ex connubiis orti, quae non sine auspiciis celebrabant; et auspicia ab Jove nata (3), et sua esse auspicia crederent? An autem his de caussis *Dii* quoque appellati; quod ut pie dicerent, *Deos*, a quibus se ortos putabant, semper cum perpetuo adjuncto *Immortales* dixere? (a)

Cur Magistratus *Viri* appellati?

Cur et mariti *Viri*?

Unde *Heroas* habiti *Deorum filii*?

Qui *Dii*?

Qui *Dii immortales*?

Sed ut ad Mercurium redeamus, an Latinis *Mercurius* ob id dictus, quod lege agraria plebi mercem parendi offerret, *bonitarium agrorum dominium* (4), et *lex agraria* mansit postea ipsa *bellorum pax*, sive *pacio*, in quam legem, in quam *pacionem* victi *pacati*, ut dominium rerum soli bonitarium sibi haberent, jure optimo Fortibus per victoriam quaesito (5): unde illam locutionem apud Latinos Auctores passim legas, *pacare*, pro dare legem victis: quod antiquitatis doctissimus usque ad miraculum Poëta dixit, populi Romani proprium

Lex agraria *pax* bellorum.

Pacare quid?

pacique imponere morem;

ut recte interpretantur, *legem pacis victis imponere*, quod momentose dictum, cum priscis *leges* nihil aliud quam *more* fuerint (6), et Romani, super qua lege Rempublicam primum fundarint, super ea amplificarint et auxerint (7).

Ad haec, ulterius prolata similitudine, *lex* fuit *publici judicii formula*, qua Reges, creando Duumviros, poenae genus in jure arcano ordinis invenirent, quod in reos elicerent, quod Latini *exemplum*, ut Graeci *παράδειγμα* dixere principio, significatione quam nunc maxime adversa: nunc enim significat rei actae vel gestae imaginem; tunc poenae imaginem, quae alios a simili crimine deterreret: non aliter ac nunc quoque Veneti (quae Optimatum Respublica, quia iisdem ex caussis ex quibus antiquissimae, ut supra diximus (8), orta est, quamplurimum de antiquissimis re-

Deinde *lex* pro exemplo.

Venetae Respublicae laus.

(1) Cap. CIV, § Proinde. (2) Ibidem. (3) Ibid. d. § In statu. (4) Cap. CXXVII. (5) Cap. CXXVIII. (6) Cap. CXXI. (7) Cap. CXXVII. (8) Ibid. circa fin.

(a) Haec ita conjiciebamus, donec postea tertium linguae genus, quod naturā primum fuit, nempe gentium *linguam* (falso *divinam*, ita priorem *heroicā*, ut *heroica* prior *vulgari* est, tandem inveniremus: de qua in Notis Lib. II, Part. II ad cap. XXIII et cap. XXX. *Lingua primum gentium triplex: Divina, Heroica, Vulgaris.*

fert) reos puniunt ex simili re alias judicata, quam ipsi verbo dicunt, *caso seguto*; re autem ipsa puniunt pro justitia et prudentia, quae ex re nata eos judices movent: quod est ipsissimum *jus incertum* Pomponii (1). Et Historia Romana diu hac acceptione *leges* nominat, qua acceptione *privilegia* appellant Jurisconsulti, ut apud Livium videre est: et Corn. Tacitus in *Historia legum* in illa verba: *secutae leges* (nempe privilegia) *aliquando in maleficos ex delicto..... latae*: quam antiquitatem retinuerunt *leges Corneliae, leges Juliae*, sed significatione praesenti *legum*, ut sint *formulae poenarum in crimina generatim conceptae*.

Diu *leges* dictae *privilegia*.

Quid *leges* nunc publicorum judiciorum?

Postremo *leges* a legendis suffragiis.

Postremo *leges* a *legendis suffragiis*, ut supra diximus (2), appellatae; sed significatione, unde *legumen, spicilegium* dicta sunt: ex qua ipsum *legere* postea dictum est, qua significatione *legimus scriptum*.

De *Plebiscitis* et *Plebi-scitis*.

Antiquissima *plebiscita*, Regum placita plebi nota.

CL. Haec summae Potestatis civilis jussa in republica Optimatum sunt proprie *Plebiscita*; quorum illustre exemplum nobis Livius reliquit in Horatiano judicio, in quo *concilio populi*, rectius *plebis* dixisset, *advocato*, Duumviros creat, qui dictant legem, sive, ut diximus, exemplum edunt, quo Horatius condemnatur: quem morem Aristoteles in *Ethicis*, ubi de *consilio* agit, antiquissimarum rerum publicarum fuisse testatur, et Homerus de suis heroicis Regibus passim narrat. In republica autem regia, *Principum placita* proprie sunt *Populo-scita*; quae in republica libera *leges*. Namque uti Cicero in sua *Republica* caput illud de *legibus* concipit: *Suffragia populi libera sunt, Optimatibus nota*; ita in Optimatum republica ea *lex* converteretur: *Formula seu Jus ex ordine editum esto, plebi scitum*, hoc est, *plebi notum*: quia in ea republica plebs ordini paret; in republica regia jus est a *Principe constitutum*, quod momentose *Principis placitum* dicitur, *populo publicatum*, quod idem est ac *populo scitum, populo notum*; quia in ea republica universus populus, nempe et plebs et ordo Regi parent. Nam *publicatio legum*, quae vulgo dicitur, et nihil aliud est nisi legis probatio, qua civis ab ejus obligatione ob ignorantiam excusari non possunt; in republica regia *populo-scitum*, in republica Optimatum, ut Venetiis, *plebi-scitum* quam proprie, tam eleganter dicenda esset. Quod recte intellexit Balbus vir satis acutus, nec humaniorum literarum plane rudis, quum dixit, *Plebi-scita*, *leges Tribunicias Romanorum non uno*

Publicatio legis in republica Optimatum *plebi-scitum*, in regia *populo-scitum* est.

Quando *plebi-scitum*, quando *plebiscitum* scribendum.

(1) Cap. CXL1, § Atque, (2) Cap. CXLVIII, § Quod autem.

sed duplici *ss* scribenda esse, quando Grammatici a verbo *sciscere*, pro *jubere*, derivatum id vocabulum volunt. Hinc facile praetervehas illas Eruditorum syrtes de *lege tribunitia*, qua Pomponius (1) *leges regias abrogatas* narrat: nam ea lata est a L. Junio Bruto Consule, non Tribuno plebis; nam Tribuni plebis post multos annos secessione plebis in montem Sacrum primi creati sunt. Quibus angustiis reducti, mendum ibi loci putant subesse, ubi mox videbimus, nullum subest; et satis dura lectione conjiciunt legendum *lege Bruti Junia*; quod nominandarum legum genus in Historia Romana insolens omnino est. Quare alii *tribunitiam* dictam opinantur, quod Brutus *Tribuno* Tarquinii Regis fuerat (2): sed nescio an satis commode haec dicant, ut Brutus, qui Regum ejiciendorum auctor fuerat praecipuus, et sola nominis Tarquinii offensione Collatinum se Consulatu abdicare coëgit, dederit nomen legi, qua *leges regias* abrogat omnes, a Magistratu, qui fuerat cum regno et sub regno, et odio regni, *Dictatori* non amplius *Celerum Tribunus*, sed *Equitum Magister* nomine additus est. Sed non est, ut tantopere eruditissimi viri torqueantur: nam *leges regiae*, *leges curiatae* dictae fuerant, ut Pomponius (3) tradit, a *curiatis comitiis*, quae Budaëus (4) ibi *comitia tributim coacta* recte interpretatur. Neque tum et multo post alia comitiorum ratio Romae fuit: centuriata enim comitia pro censu et aetate inibantur: censum quidem Servius Tullius instituit, sed eum Brutus, ut infra dicemus, oppressit; et re ipsa diu post Reges ejectos census in republica libera jacuit. *Leges* igitur *curiatae* idem sonabant ac *regiae*; ac proinde ea appellatio invisae erat: nomen mutatum est, res mansit; et exinde *leges tribunitiae* dictae sunt: et ita ab Historia Romana non *plebiscita*, non *privilegia* fere semper nominantur. De *sacris* tamen *leges curiatae* dictae mansere, sed vi prorsus alia, utpote quae in comitiis ferebantur, in quibus triginta Curiones pro numero curiarum, quarum sacra curabant, coibant. Sed nomen religio custodivit, uti exactis Regibus, qui *sacrorum Reges* quoque erant, *Rex sacrorum*, qui id nomen servaret, suffectus est. *Adoptiones* autem, quibus adoptati in adoptantium paterna sacra transibant, religionis causâ, uti dictum est, *lege curiata* fiebant (5). Unde postea mansere

De L. Tribunitia qua *leges regiae* abrogatae.

Leges regiae dictae *curiatae*.

Principio *curiata* comitia eadem ac *tributa*.

Centuriata diu post libertatem incoepere

Curiarum invisum nomen in *tribunitias* mutatum.

De *sacris curiatae* *leges* mansere vi alia.

Cur *Rex Sacrorum* creatus?

Cur *adoptiones* *lege curiata* fiebant?

(1) L. 2. § *Exactis*, D. de or. Juris. (2) Dict. I. 2. § *Iisdem*. (3) Dict. L. 2. § *Et ita*, D. de or. Juris. (4) Comment. ad leg. alteram de or. Juris. (5) Sveton. in Augusto, cap. LXIV.

Sacra paterna pro patria potestate.

Rerumpublicarum merarum divina origo.

locationes in *sacris paternis manere*, pro esse in patria potestate; *sacris paternis absolvi*, pro emancipari.

CLI. Sed et hae tres rerumpublicarum formae merae, quanquam his, quas observavimus hactenus, propriis notis distinctae sint; tamen ex proprietate divinae originis (1), qua in homine ratio, voluntas, potestas sunt inter se complicata; tres virtutis partes inter se commixtae (2); tres iustitiae, universa nempe et duplex particularis inter se connexae (3); tria jura primaria inter se glutinata sunt (4); earum rerumpublicarum quaeque forma aliarum duarum attributis praedita est.

In unaquaque republica unus summus.

Attributus enim unus summus imperat, vel vere unus, ut in mere Regia; quare ea respublica omnium proxime accedit ad naturam et verum: quo vere spectat illud Taciti, etsi non ea mente dictum: Unum esse reipublicae corpus, et unius animo regendum: vel plures instar unius, ut ordo in Optimatum republica, vel in populari populus universus, vel major ejus pars, quae pro universo habetur. Atque adeo in omni regimine, qui summus unus, et quia summus unus: summum enim multiplicari, uti et unum, non potest. Quare si plures summi, vel per vices uni, uti Consules Romani in iisdem Provinciis administrandis; vel per subjectas Imperii partes uni, uti Triumviri reipublicae ordinandae caussa; qui, quum regnare quisque summo imperio volueret, Augustus sibi Occidentem, Orientem Antonius, Lepidus Africam regenda sumpseret; et Imperio Romano per Constantinum Magnum in Orientis et Occidentis partes diviso, successores unius Imperii Romani Imperatores fuere.

Ubi plures summi, uni vel per vices vel per subjectas partes.

In unaquaque republica libertas civilis vivit.

In unaquaque republica libertas civilis, quam supra definivimus (5), celebratur, ut praemia poenae, honores onera dignis mandentur; ut in Optimatum republica Romulus Consilium publicum et Patriciis quidem, ut narrant, composuit, sed in iis aetatem et prudentiam spectavit, unde Senatus dictus. Et Moschus, Turca, Tartarus in illa infinita dominatione, ut plurimum spectatos prudentiam et virtute cives ad imperia et magistratus provehant. Vel in ipsa populari republica census, a quo potissimum constituitur, ordines dividit, et dat honores; quod ut paupertas suadet turpia, ita opes aspirant honestati. Et unaquaeque ordinem tuetur, quo semper meliores accedant ad optimos.

Unaquaeque tuetur ordinem.

(1) Cap. III. (2) Cap. LX. (3) Cap. LXIV. (4) Cap. LXXXVI.
(5) Cap. CVIII, § Libertas.

CLII. Sed argumentum, respublicas omnes a Deo esse, illud aliud invictum se offert, quod *ordo naturalis* sit anima cuiusque reipublicae. Principio enim definivimus, *verum* esse, quod rerum ordini respondet (1), et hinc demonstravimus (2) vel prima rerum vera, quae *Scientiarum principia* dicuntur, nos vi ordinis aeterni intelligere; et ideam ordinis aeterni nobis a Deo esse: itaque principia scientiarum et rerum a Deo esse confecimus. Quare, si *omnium rerumpublicarum forma aeterna* est *ordo naturalis*, respublicae omnes a Deo sunt: in quibus *verum* regnat, quod respondet *ordini rerum*, non *ordini nominum sine re*, qui non ordo, sed imago ordinis est. Igitur ordo naturalis rerumpublicarum is est, in quibus prudentes, temperati, fortes praesunt; imprudentes, intemperati imbecilli reguntur; quales fuere prima rerumpublicarum rudimenta *familiae* (3) et *clientelae* (4), et *antiquissimae Optimatum* respublicae (5).

Sed quando Optimi facti sunt nomina sine re, ordini *naturali* successit ordo *civilis*, et vero successit *certum*, quod est conformatio ordini non rerum, sed verborum, ex qua proveniat conscientia publice dubitandi secunda (6). Nam prima Optimorum Imperia vel in filiis servata, vel in populos universos dilapsa, vel ad unos redacta sunt; unde *triplex ordo civilis*, ex quo tres rerumpublicarum formae merae natae. Inde namque ordo civilis constat vel *genere*, ut in Aristocratia; vel *censu*, ut in Democratia; vel ex *Domo regnatrice*, ut in Monarchia. Sed nec nobilitas nec patrimonium sapientes facit, et ex *Principibus nasci*, ut Tacitus ait, *fortuitum, nec ultra imputandum*.

Sed, ut supra diximus, *certum* esse *partem veri* (7), et rationem civilem ex ipsa ratione naturali profluere, ob causas certi juris quas supra disseruimus quoque (8); ita ordo civilis ex sui natura ordinis naturalis est particeps, quantum publicam parit securitatem, quo fit ut vel corruptissimae civitates, dum hoc ipso ordine civili servantur, a Deo servantur. Sed hic ordo civilis, qui suapte natura ex ordine naturali participat, *ordo civilis* communiter appellatur.

Namque est et *ordo civilis*, qui *legum voluntate ordini naturali commixtus* est, quem sane ordinem politicum ex civili et naturali *mixtum* appelles: ut in republica Opti-

De ordinibus.

Ordo triplex:
Ordo naturalis,
Qui vero constat,

Et a Deo est.

Forma rerumpu-
blicarum aeterna.

Definitur.

Quo inchoatae res-
publicae.

Ordo civilis,

Qui constat certo,
definitur.

Ordo civilis triplex.

Unde triplex re-
rumpublicarum for-
ma.Ordo civilis pars
ordinis naturalis.

Ordo mixtus.

In quaque republica.

(1) Ex definitione *Veri*. (2) Principio. (3) Cap. CIII.
(4) Cap. CIV. (5) Cap. CV et CXLIV. (6) Ex definitione *Certi*.
(7) Cap. XXXIII. (8) Cap. CXVII.

Definitur.

Ordines legibus
praestantiores.

Ordo naturalis ve-
rius quam *lex*, est
mens affectibus va-
cua.

Mens populi in
genere sapiens;
In specie saepe
stulta:
At semper a turbu-
lenti commota est.

Privilegia a stultis
illata sunt rerumpu-
blicarum pestes.

Ordo naturalis est
mens reipublicae, le-
ges sunt linguae.

matium ex Patriciorum sapientissimis Senatus constet, qualem Romulus instituit: in populari populus sapientis Senatus auctoritate regatur: in regia Princeps utatur, sapientum virorum consilio. Hic ordo mixtus definiri potest *honorum successio*, qua alii aliis, ut fide, diligentia, solertia, virtute, iustitia in minoribus reipublicae partibus sibi commissis boni spectantur; ita gradatim a minoribus ad majores promovetur, ut tamen semper meliores praesint, et inferiorum mores inspicient.

Sed *leges metu poenarum*, hi *ordines spe praemiorum* recte agere cives jubent. Quare ordines sunt legibus firmiores: unde fit ut leges quidem hos ordines mixtos jubeant, sed hi ordines mixti leges conservent. Namque ordo sive naturalis, sive mixtus, quantum ex naturali per leges mixtus est (quando non in Platonis *Republica*, sed in hac Romuli *foece* versamur) multo rectius, quam Aristoteles de *lege* scite dixerat (1) est *mens affectibus vacua*. Nam mens populi, ex. gr., licet in genere affectuum vacua sit; unde populi judicia in genere prolata vulgaris sapientiae sunt, ut ita dicam, oracula, quod vulgo ferunt, *vox populi, vox Dei est*; tamen haec eadem populi mens in specie perturbatissima esse solet; maxime ubi a turbulentis civibus, ceu ab Austris fretum, commoveatur; uti a Demagogis mens populi Atheniensis, a Tribunis plebis mens populi Romani in singulos cives affectibus inflammari solebat; et aut *invidiosis*, aut *ambitiosis legibus* singularibus *extra ordinem* latis praecleari virtute viri patriam utrinque pulsi, et immeritissimis civibus amplissimi honores demandati. Quare et Demagogi et Tribuni plebis tandem suae cujusque reipublicae libertatem perdidere (a).

At quanto mens est sermone veracior, tanto ordines sunt legibus firmiores: mens enim semper vera sermoni praeit; nam judicio, seu voluntate fallimur: idque adeo, quia Deus nunquam fallit quenquam, a quo mens hominibus datur (2), nos autem nobismetipsis imponimus *sensuum sapientiam*, quae supra *stultitiam* definivimus (3): verba autem saepissime menti non succurrunt, crebro non exprimunt, et falsa

(1) Cap. CXLIV. (2) Principio. (3) Cap. XXVII.

(a) Et sane Romanam Rempublicam duo *extra ordinem* lata pesum dedere, *Lex Agraria*, quae fere semper plebiscitis proposita est, quae fuisse populi leges *extra ordinem* Senatus jussae; et *Senatusconsultum ultimum*, quo *extra ordinem* Consules adversus Caesarem armati sunt.

sunt: mens enim a vero urgetur; quam *veri vim* defini-
 mus *rationem humanam* (1), et semper a vero urgetur,
 quia nunquam aspectu amittere possumus Deum (2). Verba
 autem saepissime hanc *veri vim* voluntate mentientis elu-
 dunt, ac mentem deserunt, immo menti *vim* faciunt et Deo
 obsistunt. Sic *ordo naturalis* et *ordo mixtus*, quantum ex
 naturali, mixtus semper jus ministrat, quod fit, quando
 viri sapientia et virtute spectatissimi ex hoc ordine natura-
 li, hoc est, non ex *ordine concepto verborum*, et ex *certo*
legum (3) ex *formula legum*, sed ex *formula naturae*, quam
 Varro dicebat (4), ex *ordine aeterno rerum*, ex vero (5)
 respublicae regunt. Leges autem in quamplurimis causis
 deficiunt, unde necessaria est interpretatio, ut supra dixi-
 mus (6), quae haec legum vitia suppleat: et sub hac ipsa
 juris auctoritate non solum quandoque erratur, ut inquit
 J. C., sed ipsis legibus fraus fit (7). Hinc respublicae bea-
 tiores, quarum ordines civiles magis ex ordine naturali
 commixti sunt.

Ordo naturalis semper jus ministrat.

Leges saepe deficiunt;

Quandoque fallunt;

Quin et decipiunt.

CLIII. Hinc si conserventur leges, quae ordines jubent,
 et multo magis ordines qui leges tuentur, respublicae in
 sua quaque forma conservantur: alioqui respublica Opti-
 matium ut plurimum in factionem et potentiam, qua fa-
 cile eminent, qui promoveant libertatem; respublica libera
 in sui perniciem et exilium, unde postea salutis causa ad
 unius dominatum confugit; regia in tyrannidem ac domi-
 natum, a qua populorum animi ad obsequium temporis
 diuturnitate consuefacti, quamvis quandoque Principem,
 perraro reipublicae formam mutant.

De rerum publica-
 rum conservatione,
 corruptione, emen-
 datione, occasu.

Respublicae quo
 ordine aliae in alias
 corrumpuntur?

Communis omnium causa est, quia ubi deficit ordo na-
 turalis, et non pro dignitate, sed ex ambitione, magistra-
 tus, imperia, alique honores dispensantur, ibi venalia
 omnia haberi incipiunt, et honorum mercatu potentiam
 insurgere, et ad potentiam struendam avaritiam grassari
 necesse est; per quae, exuta omni aequalitate, multitudo
 oppressa praesentia odit, et ad res novas spectat; ut si
 nacta sit, qui libertatis causam suscipiat, ambitiosissimum
 aut perditissimum aliquem, contra patriam armatur, eam-
 que civilibus armis opprimit: atque adeo nisi Deus, a quo
 omnis naturalis est ordo (8), custodiat civitates, primum
 labefactantur, deinde corrumpuntur, postremo occidunt;

Una omnibus cor-
 ruptelae causa.

Ordo naturalis,
 qui desit.

(1) Cap. XXXV. (2) Cap. XXXIII. (3) Cap. CXVII. (4) In
 Prooemio. (5) Ex definitione *Veri*. (6) Dicto Cap. CXVII.
 (7) L. Fraus, D. de legib. (8) Principio.

Respublicae prius
sunt servae naturae,
deinde jure.

et servitutem naturae servitus juris, tanquam conserva, comitatur: nam respublica non statim lege victoriae, sed sensim prius natura servae fiunt, ubi legum servitium exuunt, ut graviter Cicero ait: *ideo legum servi sumus, ut liberi esse possimus*; quod invertere sic possis: *naturâ servi efficimur, si legibus liberemur*. Ex quo Romani Asiae delicias et Attalicas opes suspicere ac mirari coepere, tunc servire coepere; ex luxus et voluptatum amore capti non ultra legibus servierunt. Unde non mirum si servitus repente extitit tota in unius Augusti vita; et ab effreni libertate sub Julio Caesare in *quaestitissimas adulationes et infandum servitium* sub Tiberio cecidere, quod ipsemet indignabundus semel curiâ egrediens dixerit: *O homines ad servitutem paratos!*

Emendantur.

Corruptae autem respublicae emendatione reparantur, si praesentia ad pristina instituta revocentur; aut pristina instituta ad praesentia producantur; quod est tantundem: quod fit ubi extiterit Princeps qua sapiens, qua fortis, qui id praestet auctoritate; aut viri pietate meritisque gravissimi, qui id ipsum praestent exemplo.

Auctoritate, vel
exemplo.

Ut respublicae ita
leges emendantur.

CLIV. Hinc omnis legum interpretatio a doctrina civili moderatur, ut *leges priores ad posteriores trahantur* (1), seu *posteriores ad priores pertineant* (2).

De rerumpubli-
carum recursu.

CLV. Sed est quidam rerumpublicarum ad sua principia recursus, unde primo in terris natae sunt, qui hactenus est animadversus a nemine; quia hactenus vera rerumpublicarum principia latuere, quae supra diximus (3).

Ex pluribus re-
buspublicis liberis
σύνθετα, una fit
Optimatum, ut Hol-
landensis.

Ubi enim plures civitates liberae (et idem sane foret si plures Reges summi) in unum corpus coeunt, ex ipsis una respublica Optimatum, caussarum naturâ recurrente, componitur, ut nostris temporibus Helvetii et Hollandenses, apud antiquos Aethiopes: eamque ob causam alienos fines non transcendunt, sed acriter suos custodiunt, et potissimum principem urbem, ut Aethiopes situ ipso Corinthum. Et Hollandenses quidem hanc vim intellexerunt, quum suam rempublicam appellarunt *Alte Potenze*, hoc est *plura summa Imperia* in unum corpus composita, quae tutela, quam *ex hominis potentia* natam diximus (4), constant: et *ordines* quoque dicunt, quia, ut Optimatum respublica, ordinis tutelâ unice nititur: et rerumpublicarum liberarum Procuratores, qui in commune consulunt, *Status* vocant; quia

Cur appellantur
Alte Potenze?

Cur dicuntur Or-
dines?

Cur *Status*?

(1) L. Non est novum, cum seq. D. de legib. posterioribus, D. eod. (3) Cap. CIV, § Sed quae.

(2) L. Sed et
(4) Cap. LXXIV,
CXXXVIII.

ea respublica statu rerum maxime vivit, prolato rerum corrumpitur. Et quanquam in Indias mittunt Colonias, id tamen non respublica sed mercatura facit: et vis commercii eas Principi genti conjungit. Hunc rerumpublicarum recursum expressiorem in foederatis bellis cernere est, in quibus Princeps foederis, ut Agamemnon Graeciae foederatae contra Trojanos apud Homerum (a), non plus juris in bello habet, quam domi Rex in Optimatum republica. *Foedera* autem heic *aequalia*, hoc est inter aequae summam Potestates inita accipio: nam in *foederibus inaequalibus*, ut inter Romanos et Romani nominis socios, respublica manet ejus, qui in *foedere superior* est. Haec quae heic dicimus de rerumpublicarum recursu satis ostendunt primas respublicas in humana historia fuisse Optimatum, ea ratione, quam tradidimus, ex pluribus summis Imperiis familiaribus compositis natas; si verum illud, quod vulgo ajunt, res ex quibus caussis principio nascuntur, in easdem tandem resolvi.

CLVI. Quin per has caussas ipsa Imperia familiaria a falso jure divino per *divinationem* apud gentes, uti nos supra descripsimus (1), orta esse, docet perpetua bellorum ratio, quod ubi plures summae Potestates bello, ut diximus, se agnoscunt *hostes*, se agnoscunt *aequales*, protinus intelligunt, se subditos esse Deo: quia aequalitas nulla stare potest sine regimine; nullum jus aequatorium sine rectorio celebratur; nulla justitia aequatrix sine justitia rectrice vivit, ut superius dictum est (2). Itaque ipsa vis bellica sit summarum Potestatum magistra, quae eas edoceat, ipsas aeternae Rationi, Justitiae aeternae, sive adeo Summo Deo subjectas esse: et quidem edocet illis in Jure Foeciali conceptis indicendorum bellorum formulis: *AUDI JUPITER, et tu Juno, Quirine, Diique omnes caelestes, vosque terrestres, vosque inferni, audite. Ego vos testor, populum illum injustum esse, neque jus persolvere, etc.*; et foederum feriendorum: *si populus Romanus prior defecerit publico consilio, dolo malo, tum DIESPITER populum Romanum*

Cur mittat Colonias?

In bellis foederatis Optimatum respublica recurrit;

Aequali foedere tamen.

Validum argumentum primas in terris respublicas fuisse Optimatum.

De divino Juris circulo.

Vis ipsa bellica docet Principes summos subjectos Deo.

(1) Cap. CXLIX, § Sed et in fin. (2) Cap. LXIV.

(a) Ex cujus locis, quam sane multis illum seligam, ubi Agamemnoni in concione, quae dicitur *ἀγορά*, in quam plebei quoque conveniebant, edicit Graecis in patriam reditum; Diomedes, se in concione, quae dicitur *Βουλή*, sive in Heroum consilio, aperte obstiturum respondet: pro cujus sententia Graeci ad Trojam expugnandam mansere.

Graecia foederata abiit in Optimatum Rempublicam.

Fas gentium in bellis elucet.

Ut jura bellorum a Diis orta.

Jus naturale gentium juri naturali philosophorum praeiudens.

Bello ex omnibus rebuspublicis agnoscitur una civitas,

Sub Dei regimine,

Quasi Optimatum,

A statu exlegi ipsa curritur ad Optimatum statum sub regno Dei.

Unde conjectura, gentes majores exleges Theocratia rectas esse.

sic ferito, ut ego hunc porcum hodie feriam, tantoque magis ferito, quanto magis potes, pollesque, etc., edocet jurisjurandi religione, qua se pactis obstrictas intelligunt; edocet naturali jure, quo se in bellis teneri profitentur, quantum captus gentium, et communes rerumpublicarum mores id ipsis explicuere, ut supra diximus (1); quare *Fas gentium* in bellis regnare apud Poëtas, Historicos, Jurisconsultos passim legas: cumque Respublicae Christianae ex jure naturali Philosophorum ipsius vi religionis regantur, ex eo jure Christiani Reges et liberi populi bella administrant. Unde vides bellorum jura a Poëtis et Historicis, Oratoribusque passim a Diis orta (a) dici, ob id ipsum, quod ad Deum redeunt. Et ita gentibus a Divina Providentia intelligere datum est moribus ipsis, quod Stoici vix subtilibus rationibus sunt assecuti, jus gentium docere, et maxime bellis docere, quod omnes Orbis terrarum Respublicae una civitas magna sit, cujus Deus hominesque habent communionem; illam nempe quam supra diximus esse ex societate veri et rationis (2), ita ut ei civitati unus Deus praesit, homines subsint, et summae Potestates civiles ordinem quaendam quasi Optimatum obtineant, qui pura ac pia bella gerant; hoc est, non ultro, sed injuriis lacessiti: quod satis aperte eas admonet tam gravis illa quam frequens in bellis deprecandi formula, *per Communes Deos*, qui Dii Communes, non Carthaginiensium Juno, non Venus Romanorum, sed

Jupiter omnibus aequus,

et sic Deus unus et summus, et quia summus, iccirco unus, ut supra diximus (3). Ex quibus omnibus Potentes rerum, qui ex pravo corruptae naturae studio solitudinem affectant, et unos in Orbe terrarum regnare cupiunt per bella ipsa doceantur, se sine societate aliqua sub Dei et quidem unius Dei regimine perdurare in potentia non posse.

Atque haec ipsa omnia nobis fecere locum conjiciendi, in statu exlegi et in solitudine *gentes majores* Divino quodam regimine, sive *Theocratia*, ut Philo id appellat, rectas esse; unam quidem Theocratiam veram, quia verum

(1) Cap. CXXXVI. (2) Principio, et Cap. XLV et Cap. L.
(3) Lem. II.

(a) Significatione hujus falso divinae vocis secunda et prolata, non prima et nativa, ut dicemus in Notis Lib. II, Part. II, ad Cap. XXIII et Cap. XXX.

Deum colerent ex lege Naturae, eosque fuisse Patriarchas, a quibus populus Hebraeus fundatus est; ceteras gentes rectas Theocratias falsas, quia aut unum corporeum, uti Caelum, aut plura corpora, ut astra sub idolis, ac proinde falsos Deos observarent, quibus ad Hebraeorum discrimen in Sacris Libris nomen *Gentium* relictum est: quod latius Libro II explicabimus.

Unde discrimen illud, Hebraei et Gentes.

Et ita *divinus Juris circulus* circumactus, ut jus omne humanum coeptum, ut vidimus (1), a divino, per hanc rerum, quam hactenus narravimus (2), successionem, ad jus divinum redeat tandem: et societas veri a Deo inter homines incoepita, ut supra demonstravimus (3), per hanc juris majorum gentium, juris civilis communis et juris minorum gentium in bellis perpetuam successionem in Deo ipso consistat.

CLVII. Ex his tribus rerumpublicarum formis *meris*, quas hactenus vidimus, aliae postea respublicae *temperatae*, quae *natura* merae sunt, *pacto mixtae*: cujus temperaturae ratio est, quia ubi qui summum imperium habet, ad id sibi ab aliena injuria, vel vi tutandum, alienam sive domi, sive foris *fidem ultro implorat*, et in *fidem recipitur*, nisi aliter pacto convenerit, res ipsa ei dictat subjectionem. Unde fides, ut vidimus (4) supra, Latinis significat *protectionem et imperium*; et *implorare fidem* implorare potestatem, protectionem; *recipere in fidem*, recipere sub protectione et imperio. Dixi *ultro*; nam si bello coactus se dedit, jure victoriae civilem libertatem amittit. Ita quae Potestas civilis summum suum imperium alteri ultro subjicit, aliquam libertatis partem retineat necesse est, pro qua obtinenda alienum auxilium imploravit; quae *imploratio fidei tacitum est pactum*, in quod qui fert auxilium id ferendo tacitus convenit, et inaequale foedus cum implorante paciscitur. Cum hac *caussa justificata* et illa *suasoria* commode sociatur, ut cui imperium ultro offertur, partem ejus in praesenti remittat, quo postea totum facilius obtineat.

De Rebuspublicis mixtis.

Fidei imploratio est subjectionis confessio.

Caussa foederum inaequalium.

Nos non omnes has *justificas causas* exequimur, quibus innumera rerumpublicarum mixtarum genera esse possunt; uti certa contractus natura pactis variari in immensum potest: eas tantum expendemus, quae ad Juris Romani principia et causas explicandas conducunt.

(1) Cap. CIV, § In statu. (2) Cap. eod. § Proinde. (3) Principio, et Cap. XLV et Cap. L. (4) Dicto Cap. CIV, § Atque.

Causa ex qua re-
publica Optimatum
sit libera Optimati-
bus temperata.

Ubi Optimates ab unius, vel plurium Potentum injuriis populi fidem implorant, sive ad ejus auxilium confugiunt; ibi libertas praecipue fundatur, sed cum aliqua Optimatum mixtura. Sic L. Junius Brutus Optimatum omnium nomine per occasionem stupri a Tarquinio Regis filio in Lucretiam illati, opem populi Romani adversus Tarquinium tyrannum implorat, et a populo Romano in fidem receptus Romanam libertatem fundavit.

Causa ex qua re-
publica libera sit re-
gia libertati com-
mixta.

Ubi autem populus ab Optimatum sive adeo Potentum injuriis ad unius opem confugit, ibi Regnum praecipue constitutum, sed cum aliqua libertatis temperie. Sic Octavius Augustus *republicam discordiis civilibus fessam, non regno (nempe mero) nec dictatura* (ut in republica naturâ libera) *sed sub nomine Principis sub imperium* (quod diximus (1) in fidem) *accepit: et populus Romanus sub Principibus dictus, qui nec totam libertatem nec totam servitutem pateretur.*

Rerumpublicarum
uti contractuum na-
tura pactis mutatur.

Itaque vides hujusmodi respublicas naturâ meras esse, pactis mixtas: et uti contractuum, ita rerumpublicarum naturam pactis mutari: quorum *vi pactorum in ipsa ope inest fides* utrinque, et inest *ops in ipsa fide*: quare non licet in fidem recepto opem recipientis minuere: et si minuatur minutae, seu laesae Majestatis est reus: *Majestas* enim nihil aliud est, quam ipsa ejus, qui in fidem receperit, ops, quae a doctoribus definitur, *Imperii dignitas et amplitudo*; quam utramque publicae vires conservant maxime: contra non licet recipienti mutare fidem; et si mutet apud Deum hominesque *famae judicio* perfidiae reus damnatur, ut supra diximus (2). Hinc juramentum, quo ejusmodi pacta firmari solent, eleganter *juramentum publicae violentiae* dici posset: quod est conforme definitioni juris gentium, quam supra exposuimus (3); nam tandiu obligat, quandiu Potestas civilis sua vi jurantem ab omni vi aliena tueatur; quod si non tueatur, et qui juravit, sine ulla culpa sua in alienam vim recidat, is prioris juramenti religione solutus est.

Unde reus Maje-
statis dicatur?
Majestas quid?

Malorum Princi-
pum poena.

Juramentum pu-
blcae violentiae.

De legibus sacratis.

Leges sacratae un-
de dictae?

CLVIII. Hinc pacta, quibus rerumpublicarum natura mutatur, uti et pacta, quae mutant naturam contractuum, quo sanctius servantur, solent jurejurando firmari.

Haec pacta jurisjurandi sacramento firmata, sunt *leges sacratae* ex veriori, quam Festus refert, opinione. Ita in republica naturâ libera Theseus populum Atheniensem (4),

(1) Cap. CIV, § Atque. (2) Cap. LXIX. (3) Cap. C. (4) Plutarch. in Theseo.

in republica naturâ Optimatum Lycurgus Heraclidas (1) jurare in suas quisque leges adegere: quia ex natura reipublicae quisque suae et populus Atheniensis et Spartanus ordo legibus subjectus non erat (2): L. autem Brutus asserita populo Romani libertate, maxime quia Regum electio jam inde a Numa fuerat populi, ut Livius tradit, eum *jurare adegit de Regibus nunquam postea restituendis*: et Tribuni plebis, quia plebs metuebat, ne populus olim eos abrogaret, legibus sacris primum constituere in monte, quem proinde *Sacrum* appellarunt: et in Tribuni plebis jurare, quo juramento, suam rempublicam, quae a Bruto jam naturâ libera facta erat, naturâ liberam sunt quoque contestati: unde Optimates in tot tantisque cum plebe certaminibus, quot omnes in Romana Historia paulum versati norunt, Tribunatum arcanis quidem artibus infirmare, nunquam convellere palam ausi (a).

Unde Tribuni plebis sacri, et sacer mons appellatus?

Lex vero XII Tabb. juramento sacrata non est, quia et Optimates nolebant, ea confessione profiteri, populum Romanum naturâ liberum esse; et Decemviri, qui affectabant tyrannidem, ut sequenti anno re ipsa docuere, noluerunt eo juramento sua nefaria consilia impediri; et plebei ipsi, qui ab Optimatibus aequum jus ea lege exprimere volebant, cetera, ut connubia, magistratus, sacerdotia, suae libertatis jure porro tracturi, uti tertio post anno, statim tentarunt sibi cum Patribus communicari connubia, quod sibi Patres vetando caverant (3), noluerunt ullum sibi ad ea obtinenda objicem struere: itaque omnes et Patres, et Decemviri, et plebs legem XII Tabb. jurare dissimularunt.

Cur lex XII Tabb. juramento firmata non est?

At hercule Tiberius id exegit ea simulatione, qua principio se eam reipublicae partem gesturum, quam sibi Senatus demandasset, nec *ex ejus corpore*, ut Tacitus memorat, *excessurum* mentiebatur, ita ac si respublica naturâ libera esset: itaque primum omnium curavit, ut *Sex. Pompejus et Sex. Apulejus consules primi in sua Tiberii Caesaris verba jurarent, et apud eos Sejus Strabo et C. Turranus, ille praetoriarum cohortium praefectus, hic annona: mox Senatus, miles et populus*. Sed hoc juramentum vi ipsa erat gravissimae servitutis; nam a re *gladiatoria* translatum, cujus tyrones hac formula in verba Magistri

Juramenti in verba Principis, potestas et vis.

(1) Plutarch. in Lycurgo. (2) Cap. LXIII. (3) Tab. XI ex ordinatione Jacobi Gothofredi.

(a) Ut ne Sylla quidem plebejæ partis crudelissimus victor ac tyrannus oppresserit.

Juramentum obsequii in regnis naturâ non necessarium.

Necessarium vero juramentum Regum in leges libertatis regnorum.

Nota distinguendi rerum publicarum mixtarum naturam.

Senatus auctoritas quando proprie dicta est?

Artes mutandi libertatem in regnum.

jurabant, *vinciri, verberari, uri*; pro victu et disciplina, quam mercedem Cicero graviter *auctoramentum servitutis* appellat. Mansit ergo, ut in rebus publicis naturâ regiis populi Regibus obsequium jurent, non quod earum natura id postulet: in quibus *Principi summum rerum judicium Dii dederunt; nobis obsequii gloria relicta est*; sed quo regna libertate mixta essent sanctiora. Illud vero in natura regiis cum libertate mixtis necessarium est (a), quod Reges inter regnorum auspicationes et bona omnia jurant in *leges libertatis*, quae *Regnorum privilegia* nunc vulgo appellantur.

CLIX. Nota autem, quae cujusque reipublicae mixtae naturam distinguit, est *Jurisdictio* (1), sive *Auctoritas* nativa significatione civili, qua significat *Juris civilis dominium*, ut supra diximus, apud quemnam sit, apud unumne, an apud Ordinem, an apud populum: nam apud quem horum trium ea erit, Respublica vel Monarchica, vel Aristocratica, vel Democratica praecipue erit.

Sic apud Romanos *principio* fuit respublica *Optimatum naturâ regno mixta*: nam *Jurisdictio*, sive *Auctoritas* fuit propria *Senatus*; ex cujus corpore Tullus creat Duumviros, qui *jus* seu *legem* in Horatium concipiant, ut supra vidimus: postea fuit naturâ libera ex Optimatibus mixta; ut docet formula legum rogandarum, *Veliis, Jubeatis, Quirites*; et tabella suffragii, *Uti rogas, ita jubeo*. Tandem ita sensim a republica natura libera in rempublicam naturâ regiam actu est transformata. Augustus enim sibi sumpserat Tribuniciam Potestatem, qua et plebi tutelam libertatis semel susceptam profiteri probaret; et Tribuni plebis licentiam concitandi populum in seditiones in posterum adimeret; et ad se adduceret jus rogandi leges Tribunicias, quae libertati faverent: nam quae ordinem tuerentur, eas a Consulibus rogari curavit, ut in eos a se populi odium averteret; cujusmodi fuere *Lex Papia Pop-*

(1) Cap. CXV et CXVI.

(a) Et si forte duplex in eadem civitate sit legislatrix potestas, altera veras leges, altera jussa potestate legibus pari feret, ut in Romanis, quae tamen certissimis immotisque finibus sunt distincta: guenda: quae res Romanis inobservata ipsorum Rempublicam perdidit: nempe ut *populus leges ferret, et plebs plebiscita potestate legibus pari*: nam plebiscitis primum extra ordinem irrogatae poenae; mox mandati honores et imperia; tandem agrorum obstinata divisio; et ex legibus agrariis primum turbae, mox potentum certamina, tandem bella civilia orta, quibus Respublica concidit.

Reipublicae Romanae in ipsa forma maximum victim, quod eam perdidit.

paea, Ælia Sentia, Furia Caninia: et ob id ipsum Consulatum sumebat, ponebatque. Sed potissimum *Principis* appellatione usus est, ut utriusque partis et plebis et Optimatum unus Princeps esset; quia *republicam* harum partium *armis civilibus fessam* accepit: quare non *dictaturâ*, non *regno*, sed *Principis nomine* ab eo est *respublica naturâ* regia constituta, Optimatibus et libertati commixta. Ad haec *Imperatoris* appellationem quoque perpetuam induit, quam appellationem prius virtutis, fecit postea dignitatis; ut is unus auspicia, seu fortunam bellorum haberet, unde victoriarum gloriam, ut regnum decet, omnem in se transduceret. Tandem et *Pontificatum Maximum* qui naturâ sua perpetuus erat, defuncto M. Lepido Pont. Maximo sibi sumpsit quoque, ut sacra omnia sua haberet in manu.

Itaque Augustus, iisdemque *Magistratuum* vocabulis libertatem in regnum mutavit, ex tacito Populi consensu: qui ei rerum statui acquievit. Sed Tiberius in Principatus initio a populo fidei iuramentum per simulationem, quam supra diximus, exegit, ut Respublica adhuc naturâ libera videretur. Tandem Respublica omnino conversa est, et facta naturâ regia *ex libertate commixta* sub eodem Tiberio, quum e campo, ut Tacitus narrat, *Comitia ad Patres translata* sunt (a): nam ad eam diem, etsi potissima arbitrio Principis, quaedam tamen studiis tribuum fiebant, neque populus ademptum Jus (hoc est jurisdictionem, juris dominium) questus est, nisi inani rumore (en populi patientia) et *Senatus largitionibus et precibus sordidis exsolutus libens tenuit* (en auctoritas quoque Senatus). Et his rationibus auctoritate tacita Senatus, tacito populi jussu, ac proinde *tacita lege* Respublica Romana facta est regiae naturae libertati commixta: et *Jurisditio* deinceps *apud Romanos Imperatores* fuit, et quod *Principi placet legis* habet vigorem, quae est lex Regia Ulpiani (1), lex Imperii (2) Romani conditio, natura Regni, sive Imperii sum-

Quando Respublica Romana regni naturam induit?

(1) Cap. CXL. (2) L. 3. C. de Testam.

(a)* Et sic Jus Quiritium publicum, quod ex primorum Patrum coitione in primis cum plebe turbis coaluit, quo prima Reipublicae forma Optimatum fuit; deinde in populum comitiis coactum, diffusum est, ex quo Respublica libera extitit; tandem populo ademptum: et *Romanae Majestatis* appellatio, qua populus in comitiis *Dominus Imperii Romani* agnoscebatur, evanuit: neque adeo ultra *Quirites* fuere, quia non ultro Romani in comitiis centuriatis fuere.

Vera lex Regia Romanorum.

mi, quod populus universus salutis caussa ultro defert ad unum (1).

De Lege Regia.

Nullam convincunt
Taciti *Annales*;

Silentium Historiae
Latinae universae;

Invidia nomina-
tionis;

Temporis quo lata
est inconstantia.

De Marmore Ca-
pitolino iudicium.

Senatusconsulta
leges sub Principibus
dicta.

Comitia Imperii
quae sub Principi-
bus?

Quae *lex Imperii*?

CLX. Nam quicquam sane aliud praeterea de *Lege Regia* disserere dispuadet; cum Corn. Tacitus, rerum Romanarum sub Principatu scriptor incomparabilis, non aliam ob causam *suprema Augusti et initia Tiberii* statuit *Annalium principia*, nisi ut lectores moneat, quibus artibus Respublicae ex liberis transformentur in Regias: quibus artibus sane neque Augustus neque Tiberius quicquam habuissent opus, si populus Romanus in maximis Comitibus regnum ipsorum alterutri detulisset. Ecquae alioqui Romanorum Historicorum oscitantia foret, de minutissimis rebus, levissimisque leges commemorare; tantam vero, quanta est, qua Orbis terrarum Imperium tam insigniter mutatum est, omnes silentio transmittere? Quae prudentia eam legem nomine appellare tam odioso, quod Romanis Tarquiniorum memoraret tyrannidem? (2) Quando Augustus id sedulo vitavit, qui, ut Tacitus notat, *non Regno, neque dictaturâ, sed Principis nomine constituit Rempublicam*. Quare unius Graeci Scriptoris (3) locus dignus non est, qui haec omnia conturbet, maxime cum de ejus legis tempore tam varient opiniones, ut alii ad Augustum, alii ad Tiberium, ad Claudium alii, alii denique ad Vespasianum usque eam referant. Marmor autem Capitolinum nihil aliud servat, quam Senatusconsultum, quo Senatus Principi Romano de more obsequium proficitur: quod non ipsa *lex Regia*, sed *legis Regiae* effectus esset, ut Senatus pro universo populo obsequium Principi juret: cum quo Dionis locus componi potest; nam qui *legum Indicem* legerit, non infrequens viderit sub Principatu, maxime Claudii, Senatusconsulta *legum* appellatione donari. Praeterquamquod locutio Domitiani tempora redolet, ut nedum Senatus universus, sed sanctius Consilium, de Imperii Romani delatione, aut successione habitum, *Imperii comitia* vocentur. Sic Galba *comitia Imperii transigere* a Tacito dictus est, quibus *Pisonem adoptat*; et Tit. Vinius et Corn. Laco consules, Marius Celsus consul designatus et Ducennius Geminus praefectus urbi soli adfuere: ita Senatusconsultum Capitolino marmori commendatum *lex Imperii* (4) dictum est.

(1) Cap. CXL.

(2) CXXXVIII, A.

(3) Dionis lib. LIII.

(4) L. 3. C. de Testam.

CLXI. Ex his quae hactenus disseruimus de rerumpublicarum cum merarum, tum mixtarum natura, omnis Romani Juris et Romanae Jurisprudentiae tum in statu libertatis, tum sub Principatu effluit tanquam ex suo fonte cognitio.

De auctoritate Senatus in Republica Romana libera Optimatibus mixta.

Namque in republica naturâ libera, sed ex Optimatibus mixta, auctoritas Senatus, quae prius fuerat *Jurisditio* (1), transit in *Jurisdictionem*, in auctoritatem Senatus, quae non amplius est dominium juris (2), sed est tutela juris, transit in formulam, quae *jus tuetur, non condit*. Etenim assertâ per Brutum populo Romano libertate, sed nondum *Tribunicis tentationibus*, ut cum Livio loquar, omnino constabilita, Patres ut jurisdictionem apud se retinerent, quicquid populus prius jussisset, postea patres ejus fiebant auctores: quae auctoritas re ipsa *ratihabitio* erat, quae est propria dominorum (3); unde, ut idem Livius notat, ea res semper *spectabat*, saepe erumpebat *ad vim*. Libertatem igitur Romanam super *Tribunicas tentationes*, quibus plebs Romana primum *jus aequum*, mox *connubia*, deinde *Magistratus* et *Imperia*, tandem *Sacerdotia* varie tentavit et tenuit; Q. Publius Philo Dictator Livio appellatus *popularis* tribus legibus A. ab U. C. ccccxvi constabilivit, quas, eodem Historico tradente, *jucundissimas plebi, ad-versas nobilitati tulit, quibus plus eo anno domi acceptum cladis, quam victoriis* (quae multae et magnae fuerant) *foris auctum imperium Patres credebant*. Earum autem legum una fuit, ut *plebiscita omnes Quirites teneret*; ubi Livius vocem *Quirites* ex juris Romani scientia momentose in loco maxime suo retinet. Jamdiu enim lege sive *Hortensia*, sive *Horatia*, sive utrâque plebiscita Romanos omnes tenebant aequa legibus potestate. Itaque hac lege per eam plebiscitorum occasionem factum, ut *Appellatio*, vulgo *Titulus* potestatis civilis Romanorum (4) qua Patres in *Ordine* dicebantur *Quirites*, ipsorum confessione ab *Ordine* ad populum transferretur universum. Altera lex fuit, ut *legum, quae Comitiiis centuriatis ferrentur, ante initum suffragium Patres fierent auctores*: ex qua lege Patres omni vi adempta, ut idem Livius notat, coeperunt fieri *Legum auctores in incertum Comitiorum eventum*; ut si populus jubere legem vellet, in formulam legis a Senatu prius deliberatam et conceptam, et a Magistratu ali-

Senatus auctoritas ex dominio juris in tutelam juris translata.

Senatus auctoritas prius erat *ratihabitionis* genus.

Una lege Philonis dictatoris populi Romani Imperii dominus ex Patrum confessione declaratus.

Altera Senatus auctoritas tutelae facta

(1) Cap. CXVI et CXLVII. (2) Cap. CXLVIII. (3) L. fin. C. ad Macedon. (4) Cap. CXXX.

Et dominium juris
civilis populo asser-
tum

Tertia omnes Ma-
gistratus plebi cum
Patribus ex aequo
communicati.

S. P. Q. R. quan-
do dici coepit.

Ordo et Plebs,
Senatus Populusque.

Senatus auctoritas,
Populi Imperium.

De legibus ex na-
tura reipublicae di-
stinguendis.

Leges Tribuniciae
propriae libertatis.

Consulares in bona
republica ordinem
tuentur,

Republica corrupta
libertati favent ;

In republica regia
ordinem custodiunt.

quo Senatorio, sive Consule, sive Dictatore, sive Praetore, sive Interrege latam, is suam liberam juris condendi voluntatem conformaret: qua lege dominium juris civilis populo universo assertum est; et auctoritas Senatus exinde fuit ipsa formula legis concepta, per quam Senatus veluti praesens populum praesentem in re presenti suffragiorum tuebatur, ne quid publice damni faceret: eaque formula deinde fuit Ordo civilis, qui leges et Rempublicam tuebatur. Tertia legum fuit, ut *alter utique ex plebe, cum eo ventum sit, ut utrumque plebejum Consulem fieri liceret, Censor crearetur*: et ita omnes omnino magistratus, namque sola Censura supererat, plebi ex aequo communicati.

CLXII. Ad eam igitur usque diem qua duae priores leges a Pilone rogarentur, Romana civitas erat *Ordo et Plebs*; Ordo qui imperaret, plebs quae pareret: ex ea lege civitas Romana dici coepta est *Senatus Populusque*; Senatus quantum Patres suam populo in Comitiiis centuriatis praestaret, quam diximus, in publicis rebus jubendis, veluti tutoris auctoritatem, populus vero, quantum iidem Patres, et praeterea equites et plebei eas ipsas publicas res in iisdem Comitiiis juberet: et populus Romanus esset dominus juris et Imperii, sub Senatus auctoritate: eaque acceptione mansit, SENATUS AUCTORITAS, POPULI IMPERIUM, quoad Romana libertas vixit.

CLXIII. Sed Reipublicae Romanae natura liberae, maxime propriae *Tribuniciae leges* fuere, quas populus Romanus ut merus Imperii et juris Romani Dominus sine ulla Optimatum mixtura, EXTRA ORDINEM, extra formulam a Senatu conceptam, Tribuno plebis rogante, sciscebat: quare omnes sunt maxime fautrices libertatis. *Leges* autem *Consulares*, dum Respublica permansit in optima temperie libertatis et Optimatum, fuerunt propriae reipublicae Optimatum: quare *Ordinis tutelam*, ut plurimum *spectant*; rarae libertati, ut leges Valeriae *de provocatione ad Populum*, favent. Sed republica qua parte Optimatum erat in potentiam corruptâ, ad captandam populi auram *Leges Consulares* latae, quae libertati faverent: quare *Livius Drusus*, ut Flori verbis utar, *non Tribunatus modo viribus, sed ipsius etiam SENATUS AUCTORITATE easdem* (Gracchorum agrarias) *leges asserere conatus est*. Pompejus in singulos, ut Tacitus notat, Consulari lege quaestiones tulit, ut in Milonem. Denique *Leges Consulares* in republica regia natura mixta Optimatibus et libertati, ut quae sub Augusto fuere, tutelam Ordinis custodiunt, ut *lex Aelia Sentia, Fu-*

ria Caninia, Papia Poppaea, quia Regno expediebat invidiosas libertati leges a Consulibus ferri. *Leges Dictatoriae* ad *Regias* proxime accedunt: quare vel in republica, quam Patres contendebant esse naturâ Optimatum, Philo *dictator* popularis (1) *libertatem Romanam constabilivit*, ut nuper vidimus; vel in republica ex ipsa Patrum confessione jamdiu naturâ liberâ Sylla Dictator ex parte *Optimatum Quaestiones perpetuas instituit*, quibus effrenem *Privilegorum* libertatem coërcuit. *Leges Interregiae* reipublicae Optimatum naturâ sunt maxime proprie, uti is est ejus reipublicae maxime proprius Magistratus: ut apud Livium docet ex Romuli morte *Interregnum*, in quo Patres Aristocratiam regno quam fieri potest purissimam agitabant: unde *Interreges* postea creati, vel quum Comitia consularia haberi non poterant, vel in id ipsum creabantur a Patribus, ut ne Consules crearentur, ut saepissime factum in certamine plebis et Patrum de Consulatu communicando.

Dictatoriae ,
Modo fautrices libertatis ;

Modo tutrices ordinis.

Interregiae reipublicae Optimatum maxime propriae.

CLXIV. Sed juris dominio a Patribus in populum universum *Philonia* lege translatò, *amplissimi Ordinis Decreta* exinde *Senatusconsulta* proprie dici coepere; *consulere* enim *Tutoris* est, uti *jubere Domini*. Itaque *Senatusconsulta* vel erant, ut eleganti Ciceronis phrasi utar, *praescriptae auctoritates*, sive *formulae* in quas Populus leges juberet, quibus, ut diximus, *Senatus* fiebat *Populo legum auctor*, sive *Adprobator*; vel quae *oeconomiam* sive *dispensationem* rerum publicarum complecterentur, ut de *pecunia* belli necessitatibus, pacisque ornamentis ex aerario subministranda; de *honoribus*tribuendis, unde a *Senatu decreti*, *denegatique triumphi*; vel quae *Senatus* tanquam *Tutor non dispensator, non auctor, sed actor pupilli absentis* (nam auctoritas a praesente praesenti in re praesenti praestatur) per se ipsum expediebat, ut de *Legationibus* quas mitteret vel admitteret; vel quae *Senatus* tanquam *Tutor pupilli infantis* (nam auctoritas pupillo, qui gnarus sit ejus quod gerat, praestatur) item per se ipsum transigebat, ut de *hostibus judicandis, foederibus feriundis* (a). Quare a *Se-*

De *senatusconsultis* in republica libera Optimatibus mixta.

Quando *Senatusconsulta* proprie dici coepta.

Omnia *Senatusconsulta* ad auctoritatem tutelae revocantur.

De legum Formulis, De pecunia ex aerario subministranda.

De honoribustribuendis,

De legationibus,

(1) Cap. CLXI, § Namque.

(a) Quo instituto in Republica libera *Senatus* custodiebat arcana consilia; ut de *Legationibus*, de *Foederibus*; quorum acri custodia, dum Romae cum Graecarum rerumpublicarum, tum ipsius Persei Legati agerent explorabundi, quid *Senatus* contra Graeciam decerneret; Patres belli foedus cum Eumene Pergameorum Rege contra Perseum pepigere; et ita celarunt, ut vix quatuor post finitum bellum annos rescitum sit. Quo ingenti commodo respúblicae liberae carent sine hac reipublicae Optimatum mixtura: quare, ut sua

De hostibus judi-
candis,
De foederibus fe-
riundis,

De juribus et in-
juriis sociorum.

De publicis agro-
rum finibus in Italia.

De expellendis ali-
quibus ab Italiae fi-
nibus.

De armando Consule

Juris Auctores.

Prius juris Aucto-
res juris domini.

Postea juris Aucto-
res Custodes juris.

Praetor Romani
Juris custos.
Senatus custos ju-
rispublici.

natu *hostes judicati*, et sine Senatus auctoritate, seu per-
scripta conditionum formula *Caudinum, Numantinumque*
foedus improbatum: quod ut ferocis populi erat bella ju-
bere, ita erat sapientis Senatus, per Legatos jure *omnia*
experiri prius, quam armis; et bellorum videre justitiam
et bella ipsa, non ut Barbari solent, internecione, sed foe-
deribus definire. Atque huc revocanda quoque Senatuscon-
sulta *de cognoscendis juribus, injuriisque Provinciarum*:
unde ab antiquissima et hactenus ignorata origine, quam
nos Lib. II explicabimus, Senatus Romanus dictus est *ARA*
sociorum: et huc revocanda quoque Senatusconsulta *de*
publicorum finibus agrorum, de quibus Italiae civitates am-
bigerent; et de arbitriis regum, populorumque recipiendis:
de quibus caussis omnibus Patres erant veluti *perpetui Ju-*
dictes, Arbitrique a Populo Romano constituti; vel postremo
erant tanquam de rebus sive absentis, sive infantis pupilli
domini, ut in rebus calidis de certis hominum, rerumque
generibus cito Roma, Italiaque expellendis, ut *de Sacris*
Bacchanalibus apud Livium; et in postremo reipublicae
periculis illud Senatusconsultum, quod ob id dicunt *Sum-*
um, de armando Consule, et ut videret, *ne quid Res-*
publica detrimenti caperet.

CLXV. Et per Philonis legem confirmata natura reipu-
blicae libera Optimatibus mixta, qualem L. Junius Brutus
implorando adversus tyrannos populi fidem, instituit, ut
supra diximus (1), Patres jurisdictionem, seu juris dominium
retinere illa ratihabitione ejus, quod populus jussisset, quam
supra exposuimus (2), non ultra potuerunt; ex quo juris
dominio, *juris Auctores, juris Domini* dicebantur: in eo ta-
men perstiterunt, ut scientiam juris sibi conservarent ar-
canam: unde *juris Auctores* postea non juris Domini, sed
juris Custodes dicti, qui jura in caussis tuerentur.

CLXVI. Atque id egere, ut quemadmodum Senatus tue-
batur jus publicum perscriptis formulis, in quas populus
leges juberet, quae formulae, ut supra diximus (3), Cice-
roni appellantur *praescriptae auctoritates*; ita Praetor Ro-
manus praescriptis formulis, in quas judices judicarent, tue-
retur jus privatum: et ita Praetor esset *Minister juris* in

consilia celent hostes, vel aemulos, eo necessitatis misere redigun-
tur, quod uni, ut Aristidi Athenienses, aut paucis, fide et taciturni-
tate summis spectatis viris, ut Hollandenses in Arausionensis Prin-
cipis ad Britanniam occupandam expeditione, cum evidenti periculo
servitutis, rempublicam universam permittant.

(1) Cap. CLVII, § Ubi Optimates. (2) Cap. CLXI. (3) Cap. CLXIV.

actibus legitimis, quibus dominium ex jure Quiritium civibus ministrabat, ut supra diximus (1): unde Testamentis proprias solennitates induxit, scripturam, septem testium numerum, et signacula, quibus solennitatibus is praestabat Testamentis ab ipso *Praetoriis* appellatis juris civilis auctoritatem (2): et idem Praetor *Custos juris* esset in actionibus, seu formulis, quibus postulantibus jus dicebat; et formula actionis *jus* dicta. Actiones enim sunt proprie rerum nostrarum legibus formatae tutelae (3), quibus nostra tuemur et conservamus. Quare Praetor, quum jus dicebat, erat proprie *Custos civilis Juris*.

Jus Testamenti Praetorii.

Praetor in jure dicendo, custos juris privati.

CLXVII. Heic vero disserendum ipsa rerum serie se offert argumentum de *Jurisprudentia Arcana Romanorum*, quod quia non solum Romanis rebus, Romanaeque Jurisprudentiae, sed universae Historiae, universaeque Eruditioni affert luculentissimam lucem, miror sane, Arnoldum Clapmarium in libro de *Arcanis Rerumpublicarum* eruditissimum alioqui hujus argumenti scriptorem, id nedum in nulla republica, sed ne in Romana quidem, in qua maxime eminebat, non solum non observasse, sed ne esse quidem suspicatum. Nos in nostro libro de *Ratione studiorum nostri temporis cum Antiquorum collata*, aliqua super hac re disseruimus, sed inchoata, quia nondum Jurisprudentiae principium, quod tum vestigabamus, invenimus. His de caussis igitur haec res nobis est altius repetenda.

De Jurisprudentia Arcana Romanorum.

In republica mere libera *omnia palam* aguntur et *generose*. In republica mere regia, quia jus omne in Scrinio Regii pectoris asservatur (4), *Regis persona maxime arcana*; atque uni et item alteri *obsequii spectatissimo* nota *interiora potentiae*, qui *Status Ministri* nunc appellantur. Quare Parthi in Vonone Roma cum Romanis artibus ad ipsos misso, Tacito referente, *vilissima utensilium annulo claudi*, et *promptos Principis aditus* mirabantur: unde passim in Oriente etiam nunc occultissimi Reges. At ex reipublicae mere Optimatum natura est *jus arcanum*: quare Spartanis Reipublicae Optimatum regno mixtae Lycurgus cavit ne leges scriberentur; et Romulus, qui Civitatem ex Optimatibus regno mixtam fundavit, *clientelas recepit*, quarum proprium erat, ut cum Horatio dicam, quemque Optimatum, suo plebejo

In republica libera jus palam.

In republica regia arcani Reges.

In republica Optimatum jus arcanum

..... Clienti promere jura.

(1) Cap. CXXXI. (2) § Sed cum paulatim Inst. de Testam.
(3) Cap. CXXI. (4) Cap. CXLVIII.

Itaque ex ejus reipublicae natura erat *Jus incertum* (2), sive *Jus in latenti* (1), ut Pomponii locutionibus utar.

Leges ubique gentium pars religionis.

Hebraeis,

Chaldaeis,

Ægyptiis,
Gallis,

Germanis,
Romanis.

Hinc apud omnes ferme nationes sunt *leges inter sacras res habitae*, et *pars magna religionis*; isque mos gentium ferme omnium fuit; quia omnia Regna et Imperia ab Optimum rebuspublicis coepere, ut supra dictum est (3), in quibus primae leges cum jure divino coepere. Sed Hebraeis merito legum sensa solis *Levitis* gnara, quas Moses a vero acceperat Deo. At apud Chaldaeos *Magi* gentis sapientes et Sacerdotes, apud Ægyptios soli *Sacerdotes*, apud Gallos vero *Druidae* earum gentium Philosophi et Sacerdotes callebant jura; apud Germanos item *Sacerdotes* de reis capitales sumebant poenas; apud Romanos scientia juris erat apud *Collegium Pontificum*. Neque quicquam obturbet, quod Pomponius narret (4) id obtinuisse *centum prope annos*; loquitur enim Jurisconsultus apposite ad leg. XII Tabularum, ex quo ea lex rogata est; donec Jurisdictio a Collegio Pontificum ad Praetorem Romanum transferretur, non autem de universo jure, cum quo Civitas Romana principio est constituta.

De Characteribus
Heroicis.
Literatura Arcana.
Hebraeis,

CLXVIII. Ortum hinc quoque est, ut apud omnes ferme antiquas gentes Sacerdotes quoque haberent *literaturam arcanam*, cum hoc tamen ab Hebraeis discrimine, ut ii omnes ex Sacro Codice autographo exscriptas haberent leges; sed soli Levitae literae scientiam callebant. Cum enim iis nullae vocalium formae essent, facile de legum scripto quaestiones suboriebantur, quas Levitae ex sua *literae scientia* exsolvebant. Hanc *literae scientiam*, neglecta sententia, seu ut Apostolus, et post eum Ecclesiae Patres loquuntur, *contempto spiritu*, Pharisei verborum scrupulositatibus depravarunt, tandem Rabbini corruerunt, ut in monstrosam, quam *Cabalam* appellant, tandem abjerit. Sed inter Ægyptios Hieroglyphica solis Sacerdotibus nota, unde *sacri characteres* appellati: uti etiamnum apud Sinenses, qui enormem et gentis et reipublicae antiquitatem jactant, scientiam literarum soli Reges et Regni primores tenent (a). An, cum ab eodem verbo *For*, unde *Fas*, inde quoque *Fabula* dicta sit, ut Hieroglyphica Ægyptiis, ita Fabulae

Ægyptiis,

An idem antiquissimis Graecis?

(1) Cap. CXLI, § Atque hic. (2) In Historia Juris. (3) Cap. CV et CVI. (4) In Historia Juris.

(a) Et inter Germanos soli Sacerdotes *literarum secreta* norant, ut narrat Tacitus *de morib. German.*, quod Cl. D. D. de Ghemminghen advertit in epistola in fine edita hujus Operis.

Graecis fuerint temporis obscuri characteres arcani, quibus Optimi res publicas suis posteris consignarint? et Fabulae temporis heroici nihil sint aliud nisi Historiae temporis obscuri? Atque haec vera caussa sit, cur Mythologia tam incerta et varia sit, ac, ut vere dicam, infelix? Haec res nobis argumentum praebuit vestigandi Poësos originem longe aliam, quam quae ab iis temporibus ad nos usque putata est. Id in praesentia referamus, ad hoc antiquissimarum gentium ipsissimum instar, Romanos legum literaturam arcanam quoque habuisse, ut actionum formulas per notas scriberent; ex. gr. A. T. M. E. M. D. O., non perscriberent: *Ajo te mihi ex mutuo dare oportere*: unde Actiones ex contractibus innominatis, quia indefinitis et incertae inter Romanos naturae *perscriptis* verbis, ut Eruditiores advertunt (1), non *praescriptis*, legendae sunt: et *actiones in factum* appellatae; quia facta incerta, et eae in factum, hoc est, uti res gesta erat, dirigebantur.

Romanis.

Sed quemadmodum leges, non imposturâ ullâ, quae sane ab illa humani generis pueritiâ omnino aliena est, sed ex vera pietate inter Hebraeos, ex pietate *falsa* inter gentes, ut supra diximus (2) natae sunt; quod nulla societas sine iustitia ac proinde sine aliquo Dei Numine fundari ac sustineri potest, ut supra non uno loco est demonstratum (3), ut ex vero Demosthenes dixerit leges τῶν θεῶν δῶρον (4) (a) ad quem Ulpianus alludit (5) quum Jurisconsultos *Justitiae Sacerdotes* appellat: ita Jurisprudentia, seu legum scientia nulla arte, sed ex ipsa rerum natura principio rerumpublicarum arcana orta est, quia in rebuspublicis, quae omnium primae fuere Optimatum (6), orta est.

Leges omnes ex pietate ortae.

Scientia legum ex ipsa natura rerum arcana orta.

CLXIX. Quod qui Optimi majores gentes fundarunt, linguas ipsi sibi, non aliis introduxerant. Itaque exleges ab ipsis, ad quos confugerant, linguas doceri necesse erat; et sic Optimi clientibus suae reipublicae jura promere debebant: unde necessario factum, ut Legum scientia Optimorum propria et clientibus utpote hominibus novis arcana esset. Unde forsitan *homines novi* postea Romanis mansere

De lingua heroica, quae est fas gentium.

Unde homines novi dicti?

(1) Herman. Vultejus in Comment. Instit. hoc loci. (2) Cap. CIV, § In statu. (3) Immo ex perpetua huc usque dictorum serie. (4) L. 2. D. de legib. (5) L. 1. D. de Just. et Jure. (6) Cap. CV et CVI.

(a) Ex significatione linguae falso divinae translata, ut in Notis de lingua falso divina Lib. II, part II, ad cap. XXIII, et ad cap. XXX inter Canones Mythologiae.

dicti, qui suorum primi ad rempublicam accessissent: idque ex iis, quae de clientelis (1) et de primis legibus (2) supra diximus, facili negotio conficitur.

Ab Oriente pri-
mae gentes per or-
bem sparsae.
De origine lingua-
rum.

Namque ita haec res se habuerit necesse est, ut homines in statu exlegi, uti non solum veram, sed omnem religionem perpetua successione pejorum exuerint; it in illa nefaria commistione et ferino errore non solum humanitatem omnem omnesque ejus artes, sed et linguam ab Ada institutam, et a Noacho traditam prorsus omnem obliti sint; idemque ex confusione linguarum Babylonica evenisse, postquam ex Oriente per alias Orbis terrarum plagas, Phoenices maxime, sunt dissipati. Itaque necesse quoque est, ut Optimi alii ab aliis divisi, cum a multitudine exlegi segregarentur, cum aliqua foemina quisque sibi captâ in suae regionis Lucos concesserint, cum iisdem linguae rudimentis, quibus illius regionis exleges, ut in illa summa infantia ipsis liceret, inter se communicabant. Exemplum apponamus de Optimis ejus regionis, quae postea *Latium* dicta est. Sic qui concesserunt in lucos, ubi postea Alba, Ardea, Otriculum, Gabii, Suessa, Pometia, Sora, Algidum, Satricum, Corniculum, Verulae, Bovillae, Tibur, Praeneste, et quae aliae quammultae Latii urbes conditae sunt; quia ex iisdem caussis Optimos eas civitates fundasse, supra demonstravimus (3), et rudia linguae principia habebant communia (4), quando sero foedera amicitiae caussâ, et hospitia inter civitates, ut Eruditi advertunt, et nos latius Lib. II ostendemus, sunt introducta; necesse postremo est ut eae gentes divisae aliae aliarum ignarae, linguam communem, quae dicitur *Latina*, fundarint. Ut ex. gr. ex verbo *For*, quod significabat *loqui certum*, unde *Fasti dies* dicti Romanis, in quibus Praetor *satur*, certum jus dicit, certas formulas dictat, *Fas* inter omnes civitates Latinas Jus immutabile significavit; unde postea *Fatum*, Dei decretum dixere Philosophi: a verbo *Lex*, *Legati* apud omnes Latinos dicti, qui cum apud singulas civitates in plebejum secessionibus, quas supra diximus (5), *verbenis*, quas quia ex aris sumptas sanctas habebant, coronati, eaque religione muniti, plebibus quanquam iratis inviolabiles erant; bellis inter ipsas civitates deinde ortis, hoc jus immutabile agnoverunt; idque *Fas gentium* appellarunt, ut Legati hostibus *sancti* essent.

(1) Cap. CIV. (2) Cap. CXLIX. (3) Cap. CV et CVI. (4) Cap. CXLIX. (5) Cap. CIV, § Sed et natura.

Ita gentes prius dictae plures unius civitatis viriles stirpes, in plures familias divisae, quae populum unum efficiunt, ut *Gens Romana*; deinde appellatae sunt plurium civitatum populi, qui una communi lingua loquerentur, ut *Gens Latina*.

Cur ex. gr. *Gens Romana* dicta?

Cur ex. gr. *Gens Latina*?

Postremo adversus gentes alius regionis prolatis bellis, quanquam eae alia lingua uterentur, tamen quia eadem ratione fundatae sunt, *Fas gentium* agnoverunt hoc jus Legatorum, ex. gr. ex alia communi lingua, aliisque argumentis inter suas civitates introductum.

Qua ratione *Fas gentium* productum?

Cum igitur jus violentiae ex iisdem caussis apud singulas gentes ortum sit, ut supra vidimus (1), et exinde civitates fundatae, in quibus jus civile perpetua belli meditatio, sive majorum gentium violentiae imitatio quaedam esset, ut supra vidimus quoque (2); redeunte jure violentiae inter Potestates civiles, ac proinde statu exlegi recurrente (3), gentes per *mancipationes*, et *nexus ex clientelis* ortos, et jure civili communi conservatos, *captivitates* et *servitutes* ex. gr. jura esse aeterna bellorum crediderunt.

Antiquissimo jure civili communi *fas gentium* custoditum.

Ad hoc instar linguâ heroicâ, *Fas gentium*, sive *Jus heroicum*, quod supra diximus (4), est introductum. Quod Cadmi fabula significare videtur. Phoenix, quia in Phoenicia antiquissima urbs Tyrus ad mare posita, quaerit sororem Europam a Jove raptam; quo ipso Cadmus significat *Asiam*: in Europa Thebas in Boeotia antiquissima Graecorum regione fundat; altrinsecus Tyro veniens Dido Carthaginem in Africa condit: quibus innuitur, ab Asia et Europaeos et Africanos provenisse. Ejus socii ab ingenti serpente necantur: heic mihi nunc concedatur, hic Cadmi serpens idem ac Herculis hydra; atque haec non alia sit, nisi terra, quae tunc ingens sylva erat, quam ὄδωρ, terrae humor efficiebat, ut caesa usque repullularet, ut non ferro, sed igne extingui necesse fuerit: haec *sylva*, haec *hydra*, hic *serpens* Cadmi socios necat; in statu exlegi, patribus incertis, nulla erat majorum memoria: *Cadmus serpentem occidit*, et ejus *dentes terrâ obruit*; hi sunt fortes qui terras fodiunt et culturae subigunt; nam serpentis dentes sunt aratrorum curvaturae, dictae Latinis *urva*, a quibus *urbes* appellatae, ut Lib. II latius dicemus, apud omnes ferme nationes, antiquissimas urbes ab *ARATRO* item dictas: ex iis dentibus viri armati orti; hi sunt Optimi, qui primas

Cadmi mythologia.

(1) Cap. CXXXVII. (2) Cap. CXXIV. (3) Cap. CXXXV.
(4) Cap. CLXIX.

respublicas fundant: hi mox digladiantes mutuis vulneribus se confodiunt; hae sunt civitates Optimatum, quae bella gerunt: et Cadmus primus literas invenit; en literatura ab Optimatibus reperta, quae proinde ipsorum propria est.

De etymis heroica.

Tentamen Etymologici omnium linguarum communis.

CLXX. Quae res fecere nobis locum conjiciendi, quod Historia temporis obscuri, hac lingua heroica tradita, et characteribus fabularum custodita possit olim praebere Philologis copiam contexendi *Etymologicum*, quod non unius syllabae, sive adeo literulae, ut plurimum ineptâ vel ingeniosâ vocum similitudine, sed ex rebus ipsis, et ex vero origines non Latinae vel Graecae, sed omnium linguarum communes enarret: cujus tentamina aliquot, quae ad nostrum argumentum faciunt, Lib. II exhibebimus.

Romani heroicae literaturae custodes.

Haec disseruimus, ut liqueret, id jus esse, quod necessitas expressit, ut Jurisprudentia, seu legum scientia apud antiquissimas gentes solis Optimatibus gnara esset. Id jus Patres Romani jam inde ex quo Romulus *clientelas* instituit, quarum officium erat *docere clientes jura*, ex jure gentium obtinebant, ut ipsorum propria esset (1) legum interpretatio, et quidem ea qua verba exponerent, non ex vocum similitudine, ut ex. gr. non ut a fundamen *fundamentum*, ita a testamen *testamentum* dicatur, quae Etymologia grammatica est; sed ex rerum ipsarum vi et potestate, ut *testamentum* dicatur, quod *testatio mentis* sit:

Etymologia grammatica.

Etymologia philosophica.

Linguae Latinae scientia est propria Jurisconsultorum.

Apologia pro Jurisconsultis adversus Vallam.

quod etymologiae genus Jurisconsultos a Philosophis, et maxime Stoicis didicisse hactenus ex communi errore putatum est: cum ea Jurisconsultorum Romanorum propria sit et originem habeat, ut vidimus, omnibus Philosophorum sectis antiquiorem: quae si Laurentio Vallae in mentem venire potuissent, non tam acerbe super hac re Jurisconsultos reprehenderet: cum is eos eo nomine reprehendat, quo sunt maxime commendandi; et in re eos reprehendat, quam si scientia non praestant, tamen prudentia praestare conantur, ut linguae artem sibi conservent, qua fas majorum gentium conceptum est, jure civili antiquissimo custoditum, quod diximus (2), esse jus gentium improprie dictum, et qua lingua tandem fas minorum gentium est explicatum.

Soli Patricii Romani Jurisconsulti.

CLXXI. Hinc soli Romani Patricii jurisprudentiam professi sunt, ex hoc jure, quod diximus a gentibus introductum.

At Servius Tullius, qui ad Dominatum affectabat viam,

(1) Cap. CLXIX. (2) Cap. CXVIII, CXXXIV, CXXXV.

quam mox Tarquinius Superbus percurrit, Ordinem resolvere voluit, popularissima re, qua potissimum respublica constituitur popularis, institutâ, nempe *Censu* (1), qui Graecis *δημος* appellatur; quare iisdem respublica popularis *δημοκρατικὴ* dicta est. Itaque a Tullio factum, ut Magistratus et Imperia non amplius *genus*, sed *patrimonium* daret; unde in republica deinde libera mansit Poëtae illud,

Census fundamentum reipublicae popularis.

A Servio Tullio resolutus ordo Optimatum.

..... Dat census honores.

Nam pro censu tres Romanorum civium Ordines facti, *Senatorius*, *Equestris*, *Plebejus*, qui ante duo omnino erant, *Patres* et *Plebs*: quae res satis demonstrat, principio Romanam Rempublicam fuisse Optimatum, ut Veneta. Itaque ut obscurae sortis homines, qui amplissimum patrimonium habebant, in Ordine Senatorio censebantur, quos Eruditi vera quidem, sed Romana inaudita illa divisione, *censu non genere Patricios* appellant; ita vicissim, qui Patricii ob tenuē patrimonium censebantur in plebejo, iidem Eruditi *censu non genere plebejos* dixerint (a).

Primi Ordines Romani Patres et Plebs.

Patricii genere et Patricii censu.

Ad haec P. Clodius (libet exemplum afferre ex gente superbissima et infensissima plebi, et, si super ejus origine altera Historiae pars, quam tradit Svetonius in *Tiberio*, vera est, majorum gentium Patricia, ab Appio Claudio fundata, qui *Atta* Svetonio, *Attus* Tacito, *Clausus* Livio dictus, *Regillo Romam recens conditam cum magna clientum manu commigravit, auctore Tatio, consorte Romuli*): Clodius, inquam, se plebejo adoptandum dedit, ut caperet Tribunatum plebis, qui erat Patribus omnino incommunicatus: ea adoptione gentem non amisit; quemadmodum, ut in eadem gente Claudia immoremur, Domitius a Claudio adoptatus, qua adoptione Imperium adeptus est, tamen Nero Domitius est nominatus. Alioqui, si adoptione gens amitteretur, Galba (et in gentis Sulpiciae exemplis versari libet) Pisonem adoptans falso apud Tacitum ei diceret: *Egregium mihi erat, Pompeii et M. Crassi subolem in penates meos*

Adoptione familia, non gens amittitur.

(1) Cap. CXXXVIII, § Libera. Bernardus Segnius in *Ethica* Aristot.

(a) Uti re ipsa dixit Carolus Sigonius *de Antiquo Jure civili Romano*, lib. I, cap. VII, et lib. II, cap. V, ubi plebem in Romana Republica bifariam, apposite ad rem nostram, accipi observat, pro gente, ut opponitur *Patriciis*, pro ordine, ut *Senatoribus*: et plebem pro gente definit, *ignobiliorem Populi Romani partem*; pro ordine vero, *qui neque Senatores, neque equites ex populo erant*: ego vero definirem, *Populi Romani partem pauperiorem*.

Neque census, neque Tribunatus plebis sunt notae distinguendi gentes.

Jurisprudentes Patricii ex natura reipublicae Optimatum;

Ex natura Jurisprudentiae Romanae

adsciscere; et tibi insigne, Sulpitiae et Lutatiae domus decora nobilitati tuae adjecisse. Igitur cum ea adoptione Clodius nobilissimam gentem non amisit; neque Census, neque Tribunatus plebis notae sunt, quae gentes patricias, plebeasque distinguant.

Hinc Patricii cum nullum in republica Ordinem facerent, nulla certe eorum ratio habita esset, nisi arte aliqua ullum sibi potentiae gradum adstruerent. Igitur ex ipsius reipublicae Optimatum natura sibi *jus arcanum* obstinatissime conservarunt: cumque jus triplex, *sacrum, publicum, privatumque*, et in sacro *jus augurium*, in publico *Foeciale*, in privato autem *actionum formulae* continerentur; ut Patricii comitia, quae auspiciato haberi necesse erat, ut bella, paces, foedera, ut judicia bona ex parte sua haberent in manu, ea reipublicae Optimatum proprietate pro consilio adversus regnum vel libertatem usi sunt; et ex ipsius Jurisprudentiae natura, quae est *divinarum atque humanarum rerum notitia*, quarum posterior ex priore descendit, ut ex Jure Divino humanum natum esse nos non uno in loco jam vidimus; cum Jus Divinum non nossent, nisi qui ex Pontificum, Augurumque Collegiis essent (a); cumque in ea non nisi nobilissimi viri cooptarentur (nam sero Sacerdotia plebi communicata sunt; ea enim fuit postrema plebis tentatio), uni Patricii jus et Jurisprudentiam norant. Unde P. Sulpitium, qui tanta cluebat nobilitate, ut ab Jove summo ejus gens jactaret originem, ut Svetonius in *Galba* tradit, Q. Mucius Scaevola merito apud Pomponium in gravissima *Historia Juris* objurgavit: *Turpe esse patricio viro jus, in quo versaretur, ignorare.*

De Juris Scientia sacra sive arcana Romanorum.

(a) Qui mos heroicus ad Ciceronem usque perdurabat; qui in Oral. pro Domo divinitus institutum dicit, ut Pontifices et Deorum Immortalium religionibus praessent, et humana jura interpretarentur; et lib. II de Legib. Marcus Scaevola sese ex patre Publio audisse refert, quod nemo Pontifex bonus esset, nisi qui idem jus civile probe cognosceret: et lib. I de Oratore sub Marci Crassi persona: Jamvero ipsa per se (Jurisprudentia) quantum afferat iis, qui praesunt, honoris, gratiae, dignitatis, quis ignorat? Itaque ut apud Graecos infimi homines mercedula adducti ministros se praebent in judiciis oratoribus ii qui apud illos *παράμαρτοι* vocantur; sic in nostra civitate contra amplissimus quisque et clarissimus vir, ut ille qui propter hanc juris civilis scientiam sic appellatus a summo Poëta est,

Egregie cordatus homo, catus Æliu' Sextus,

multique praeterea: ex quibus locis apertissime conficitur, etiam Ciceronis aetate Jurisconsultos non nisi fuisse Patricios.

Sed cum Patricii variis artibus et potissimum gravitate aeris alieni plebea ab ordine Senatorio prohiberent, ita ut paucissimi eo pervenirent; hinc apud Latinos Scriptores passim legas *Senatores* et *Patricios* promiscue appellari, tanquam una res essent, quae re ipsa sunt longe aliae.

Cur Patricii et Senatores promiscue dicti?

Et quod apud Pomponium ex omnibus Jurisconsultis, quos recenset, solum *Tuberonem minorem Patricium* fuisse, legatur, ab amanuensi rerum Romanarum plane rudi additum est (a), quasi Ap. Claudius, Sempronius Σοφός, Scipio Nasica, Q. Mucius, Sex. Ælius, M. Cato, Sex. Pompejus, Ser. Sulpitius, quem paullo ante diximus, non ex nobilissimis gentibus orti essent. Quod autem Ofilius in equestri ordine perseverasse (1), et Longinum ex equestri ordine fuisse (2) Pomponius narrat, nihil obturbat: nam Patricii, ut diximus, pro censu in ordine etiam plebejo censebantur. Quanquam ab Augusti temporibus, quibus et Ofilius et Longinus fuere, qui census Senatorii erant, et quidem amplissimi, in equestri ordine perseverare malebant, quo ab ordine senatorio alieni, essent principibus intimiores, ut de C. Cilnio Meconate, et de C. Crispo Sallustio, Tacitus narrat: et fortasse his magnis exemplis Augustus ordinem senatorium incoepit resolvere; unde postea Equites illustres provenire.

Aliquot Pomponii loci purgati, illustrati.

Qua arte ab Augusto ordo senatorius solvi coeptus.

Hinc aperiuntur caussae Romanae Historiae, quas neque Livius aperit, neque ullus Politiae Romanae observator advertit, quod statim ac Tarquinius Superbus Regnum Optimum in Dominationem convertit, Sex. Papyrius tyrannidis assentator, unde Pomponio dicitur e *Principalibus Viris* (3), Jus civile edidit, quod ab eo dictum est *Papyrianum*. Quum Ap. Claudius Censor factionem sibi parare voluit, qua fortasse regnum invaderet, ut antea Appius Decemvir invasit, qui ex superbissima familia *Senatum primus*, ut Livius narrat, *libertinorum filiis lectis inquinaverat: ex qua lectione in duas partes discessit civitas: aliud integer populus, fautor et cultor bonorum, aliud forensis*

Cur Vulgatores juris Romani sub Tyrannis?

Sex Papyrius sub Tarquinio;

(1) L. 2. D. de orig. Jur. § Ex his. (2) Dict. L. 2, § Fuit et alius. (3) Dict. L. 2, § Et ita.

(a) Nisi Pomponius intelligat Principis Consiliarium, quod ejus aetate Consilarii Principis appellarentur *Patricii*: inde quod Senatores in republica libera Patres populi Romani fuere; sub Principatu fuere Patricii seu Patres Principis, quae ratio fuit, ut ea dignitas solveret filiumfamilias a patria potestate: ita ut qui in republica libera erant Patricii genere, sub Principatu essent Patricii dignitate. *Patriciatus dignitas unde dicta.*

Cn. Flavius sub
Appio Fictioso.

turba tenebat: quae Appii censurâ vires nacta Cn. Flavium, Cn. filium, patre libertino humili fortuna ortum, et Ap. Scribam, ut tradit Pomponius (1), Aedilem Curulem fecit: Flavius, ut alterius Tarquinii Papyrius, jus in Pontificum penetralibus repositum evulgavit, fastosque circa forum in albo proposuit, ut quando lege agi posset sciretur: quod factum Patribus tantopere displicuit, ut omnes prae dolore abjecerint annulos: quod custodiam juris, quam Patres ex jure gentium suam esse contendebant, reserasset, et Fas promulgatione fastorum plebi prostituisset.

Fundamentum mag-
nae partis Historiae
et Jurisprudentiae
Romanae.

Cur Brutus Sena-
tum auxit?

Censum non resti-
tuit?

Leges Regias ab-
rogavit?

Haec omnia ita se habebant, quia ex natura reipublicae Optimatum, quam Patres Romanam, etiam libertate a Bruto constituta, contendebant, proprium est *jus*, ut Pomponii phrasi utar, in *latenti*, ut nos supra pluribus demonstravimus (2). Nam Brutus, qui libertatem populi Romani fundavit, Optimatum rempublicam, qua potuit parte, restituit: nam Senatum Tarquinii caedibus exhaustum ex Ordine equestri reposuit, et auxit praeterea; censum autem non restituit, qui est popularis reipublicae fundamentum; leges omnes regias abrogavit, ut *jus* in *latenti* reponeret: quae omnia ut summa virtute, ita singulari sapientia egit, ut quantum Optimatum regno libertate detraheret, tantum aucto Senatu, suppresso censu, et restituito jure arcano reponeret, ut in hac ipsa insigni mutatione, super quibus institutis respublica fundata et aucta erat, conservaret.

In bona republica
libera omnia Sena-
tusconsulta de jure
publico.

Nota quae distin-
guit tempora Sena-
tusconsultorum.

CLXXII. Hinc in republica libera ex Optimatibus mixta omnia Senatusconsulta de jure publico concepta sunt: erantque vel juris publici condendi, vel juris publici jam conditi auctoritates; et, ut vulgo dicam, erant illa *juris publici condendi praeparationes*; ut de lege aliqua de jure publico ferenda, haec erant *juris publici executiones*, ut de *mandandis a populo provinciis*: quae omnia nullum Consulis nomen praescriptum habent: nam quae de jure privato facta sunt, et Consulum alterius nomen praescriptum habent, ut sunt quibus Corpus Juris Justiniani scatur, ea sub Principibus omnia facta sunt. Itaque ubi de Senatusconsulti tempore et auctore ambigitur, haec regula audacter tenenda, quod sit de jure publico, praeterquam de poenis in republica libera; quae autem sunt de jure privato, ea sub Principibus facta esse.

In bona republica
libera nullae leges
Consulum de jure
privato.

CLXXIII. Contra quando Patres de jure publico palam cum populo agere debebant, jus privatum, ejusque scien-

(1) Dict. L. 2, § Postea.

(2) Ex Cap. CXXXVIII, § Optimatum.

tiam sibi conservarunt arcanam: nullamque per Consules de jure privato ad populum legem tulere, praeter unam *Poeteliam Papyriam* de nexu, quam ab Optimatibus turba popularis expressit, ut noxae dediti tantum, non amplius ex contractu debitores vincti domi apud creditores haberentur: quam tulere C. Poetelius et L. Papyrius Mugillanus A. ab U. C. ccccix, et, ut Livius cum profundissima juris Romani eruditione argutat, *ob impotentem unius vincti injuriam, ingens VINCULUM FIDEI victum est; eoque anno aliud INITIUM LIBERTATIS extitit.* Sed quando hominum natura ita est comparata, ut prius liberi esse, tum aequari aliis, postremo dominari cupiamus; et *jus nexi* plebi Romanae tam grave erat, ut ex eo saepe in turbas ruerit, et prima turba inde orta sit; cur non primum omnium plebs Romana hanc libertatem ante jus aequum, ante conubia, ante Imperia et Sacerdotia cum Patribus communicata vindicavit? In Historia Romana ab Historia Temporis obscuri illustrata Lib. II satis huic admirationi faciemus.

Fundamentum Jurisprudentialis arcanae

Problema, quod probat Historiam Romanam nondum ex suis causis spectatam.

Ceterum leges in republica libera *de jure privato* latae ferme omnes *Tribuniciae* fuere, et omnes, ut supra diximus (1), libertatis fautrices: is enim est mos tenuium adversus potentes postulare jus aequum; et potentiae commune votum est, leges non esse. Quare constans regula sit: *Tribunicis legibus aliquam Potentium injuriam fecisse locum, aut adversus eorundem arcanum aliquod potentiae obviam itum esse.*

Omnes de jure privato leges Tribuniciae.

Regula ex legibus conjiciendi Romanam Historiam.

Certe de *Usucapionibus Scribonia*, ne praediorum urbanorum servitutes usucapi liceret (2) videtur lata contra quas vulgo dicunt *Usurpationes potentum*, vocabulo sane antiquissimae originis, qua acceptione significat usus, sive possessionis raptionem (3). Unde fit locus conjecturae, cum de auctore non constet, fuisse Caelium Curionem Tribunum plebis, qui et *Scriboniam Agrariam*, seu *Variam* quoque tulit (4).

Lex de Usucapionibus Scribonia.

De *Usucapionibus Atinia*, ne res furtivae usucaperentur (5), cujus auctor item incertus: sed quia est contra usurpationes potentum, verisimile est tulisse Atinium Tribunum plebis; qui auctor fuit alterius legis *Atiniae*, ut

De Usucapionibus Atinia.

(1) Cap. CLXIII. (2) L. 4. in fine, D. de Usurp. ubi Cujacius. (3) Cap. CXXIV. (4) Cael. Epist. Famil. lib. VIII. (5) L. 4, § 4. D. de Usurp. § Furtivae, Instit. de Usucap.

Tribuni plebis essent Senatores, et dicendae in Senatu sententiae jus haberent, latae in republica corrupta, cum potentia apud plebejæ partis principes erat (1).

De Usucapionibus
Plautia.

De *Usucapionibus Plautia*, quæ est caput legis *Plautiæ* de vi, ubi cavit, ne res vi possessæ unquam usucaperentur (2). Tulit contra Optimatum potentiam M. Plautius Silanus Tribunus plebis, C. Pompejo Strabone, L. Portio Catone Consulibus A. 100 CIV.

De Damno Aquilia.

De *Damno Aquilia* contra damna a potentibus plebejorum agris data per injurias, ut solent. Tulit C. Aquilius Gallus Tribunus plebis, ut Ulpianus memorat (3).

Arcanum potentiae
Patrum fœnore grave
plebem.

Arcanum tamen potentiae Patrum erat, ut plebs semper egeret, quando censu ad Senatorium Ordinem perveniebat: quare Patres semper gravi fœnore premebant plebem; et ob id ipsum plebejorum patrimonia dissipari libentes sinebant, tantum abest, ut legem ullam de jure privato conderent, quo ei malo occurreretur. Nam ex sui ordinis instituto, et quadam patricia, ut ita dicam, consuetudine, quam etiamnum inter nobiles ubique gentium observamus, Patricii opes in suis familiis conservabant: et qui soli erant Jurisconsulti in testamentis cavebant filiis ne infirmiori ætate patrimonia perderent.

De Donationibus
Lex Cincia.

Hinc de *Donationibus* lex *Cincia*, quæ certum imponit donationibus modum. Tulit M. Cincius Tribunus plebis A. 10 XXXIX.

De Minoribus Laetoria.

De *Minoribus* lex *Laetoria*, ne a minoribus XXV annis stipulari liceret, quam Plautus in *Pseudulo* comice *Legem quinquagvicenariam* appellat. Verisimile est Laetorium illum Tribunum plebis tulisse, quicum Publius Volero Tribunus plebis tulit de plebeis Magistratibus, Ap. F. et T. Quintio Consulibus A. 220 XXX (4), Dionysio *Publiam Voleroniam* appellatam (5).

De Tutelis Atilia,

De *Tutelis* lex *Atilia*, ut mulieribus pupillisve tutorem non habentibus Praetor cum majore parte Tribunorum Romæ tutores daret. Auctor non constat: Plebiscitum videtur, tum quod uno appellata nomine, tum quod ea Praetori, Magistratui Senatorio Tribuni plebis adduntur.

Julia et Titia.

Nam *Julia* et *Titia*, ut Provinciarum Praesides mulieribus pupillisve tutorem non habentibus darent, auctorem certum non habet. Videtur lata sub Principatu, quo omnes

(1) Gell. lib. XIV, cap. ult. (2) L. 33, § 2. D. de Usucap. dict. § Furtivæ. (3) In L. 1. D. ad Leg. Aquil. (4) Liv. lib. II. (5) Dionys. lib. IX.

Provinciarum Rectores Praesides, ut in republica libera, *Praetores* dicti.

Lex Furia, quae omnium prima legatis adhibet modum, a C. Furio Tribuno plebis certo lata. *Voconiam* secundam legem, quae legatis moderatur, tulit Q. Voconius Saxa Voconia, Tribunus plebis, Coepione et Philippo Consulibus A. 1000. *Falcidia* ultima lex, qua modus legatis stetit, lata est a P. Falcidio Tribuno plebis, Domitio, Asina Consulibus A. 1000.

Lex autem Junia Velleja de Posthumis instituendis (1) dubium habet auctorem. Cujacius pro *Junia* legendum censet *Juliam*. Itaque pro plebiscito nos pro jure nostro acceperimus; et conjicimus esse formulam institutionis in testamentis Optimatum arcanam, hac lege universae plebi evulgatam: ne posthac posthumi rumperent testamenta, et asses hereditatum aequis partibus in omnes heredes ab intestato dissiparentur.

Leges autem de *Foenore* publici juris sunt, de quo etiam sunt Plebiscita, uti lex *Duilia Moenia* (2), quae foenus unciarium legis XII Tabb. restituit (3).

Ceterum constanter affirmandum, si quae sunt leges consulares de jure privato, eas sub Principibus latas, ut *Furia Caninia*, *Ælia Sentia* sub Augusto: quas et ipsas supra diximus (4) ordinem custodire.

Una videtur obturbare lex *Hostilia de Furtis*, ut furti agere liceat eorum nomine, qui hostium potiti essent; quam putant latam ab A. Hostilio et L. Atilio Consulibus A. 1000. Sed Fulvius Ursinus existimat legem Regiam Tulli Hostilii fuisse: unde *hostilianae actiones*, seu formulae apud Ciceronem *de Oratore*, ubi agitur de Militis Testamento. Nisi igitur lex Regis Tulli Hostilii est, ea est lex Tribunicia.

Haut sane has leges enumerassem, sed ex genere pro more meo percurrissem omnes, nisi ipsa harum legum nunc jam vulgaris eruditio alicui putandi faceret locum, me falsum de hac re *πρωτόβιον* proposuisse.

CLXXIV. Ex hac autem juris tutela omnis Romani nominis gloria orta est. Nam primum juris arcani bonum, et quidem omni reipublicae Optimatum commune fuit, quod nos alibi disseruimus (5), ut Patricii, quorum virtute

(1) L. Gallus 29. D. de Liber. et Posthum. (2) Livius lib. VII. (3) Tacitus lib. V. (4) Cap. CLXIII. (5) Lib. de nostri Temporis Studiorum Ratione cum Antiquorum collata.

Nobilium ferocia
mausuefacta.

Plebi aucta legum
religio.

*Juris Romani prae-
stantia.*

Magnitudinis Ro-
manae caussae prae-
cipue :

Custodia libertatis
a Tribunis plebis;
Custodia juris a
Patribus.

Laus leg. XII Tabb.
asserta.

*Lex XII Tabb.
fons et fons Romani
Juris.*

Ex custodia ordi-
nis et juris, aequi
nata inter Romana
Jurisprudentia.

*De Jurisprudentia
rigida Antiquorum.*

majorum respublica fundata erat; et quorum ferocia ad bellorum usus est necessaria, justitiae studiis potius mitigaretur; quam otio et injuriis insolescerent: et una opera populus juris religiosissimus esset. Nam illa respublica beatissime agit, in qua legum, ut ignoti Numinis religio cives tenet: ita enim disciplina urbana non minori severitate custoditur, quam militaris, quâ nefas est militi caussas imperii requirere; et solae ejus partes sunt id alacrem expectare, impigrum exequi.

CLXXV. Sed ea gloria Romanorum propria fuit, quod altitudo animi plebis Romanae, quae non ferebat Patrum injurias; et invicta virtus, qua Optimates Ordinem tuebantur, effecere plebi Romanae secessionum necessitatem, per quas a Patribus, ne in vacua regnarent, Tribunos plebis cum illa sanctitate constitutos expressit, libertatis Romanae custodes, quibus Patres se opposuere custodes Juris. Atque ex hac aequis viribus et quidem summis utrinque adversante et libertatis et juris tutela, inter cetera praeclara, quae Libro II exponemus, factum est, ut plebe incerti juris pertaesa, quod diu, ut Pomponius momentose tradit, *passa* est (1), et jus omnibus aequum expostulante, id lege XII Tabb. retulere, quam et hoc Libro perstrictim et Libro II gravius tanta sapientia et utilitate referatam demonstrabimus, ut non oratorie Cicero ejus legis libellum omnium Philosophorum bibliothecis anteponat.

CLXXVI. Quae meritis elogiis Tacito dicitur *Finis omnis aequi juris*, Livio autem *omnis juris fons* appellatur: finis omnis aequi juris conditi, fons omnis juris condendi, sive omnis interpretationis: et ideo fons omnis interpretationis, quia omnis aequi juris conditi finis; et ut esset omnis juris conditi finis, Senatus nunquam privilegiis suam praestitit auctoritatem: quare omnia privilegia extra ordinem Plebiscitis sunt irrogata: ut autem omnis interpretationis fons esset, Consules nullas de jure privato leges ad populum ultro tulere, ut supra vidimus (2). Ita ut ex custodia ordinis et juris aequi si Jurisprudentiam Romanam nam dicas, et novum et verum dixeris.

CLXXVII. Et ob id ipsum Romani Patricii Jurisprudentiam rigidam principio et diu in republica libera, ut in Optimatum republica, qualis Spartana fuit, ex utilitate civili excoluere. Unde conceptas verborum formulas religiose custodiebant; atque ad eas tanquam ad *regulam fer-*

(1) L. 2, § Exactis, D. de orig. Juris.

(2) Cap. CLXXIII.

ream, quae ad se corpora, non se ad corpora dirigit, causas accommodabant: unde in causis quammultis, quae jus postulabant, leges surdae erant, et jus iners feriabatur; contra quamplurimis, quae jus recusabant, leges obtrudebantur, et jus aderat importunum.

Aequitas civilis, regulae ferreae similis.

CLXXXVIII. Quapropter Jurisprudentia antiqua definiri potest, *Ars aequi juris*, hoc est solertia custodiendi inter cives formulas juris ubique aequas.

Definitio antiquae Jurisprudentiae.

CLXXXIX. Atque haec est *Aequitas civilis*, qua Justinianus in *Novellis* dicit niti *usucapiones*, et *impium praesidium* eleganter appellat, quam Itali elegantiori phrasi vertunt *Ragion di Stato*.

Definitio aequitatis civilis.

CLXXX. Proinde antiqua Jurisprudentia tota ad *certum* conformata, tota in observatione solemnitatum, et eorum quae *dicis causa* fieri dicuntur, posita erat. In eo tota ejus erat occupatio *cavendi*, unde *causas* in jure supra diximus appellatas (1): ita ut quod de actionibus dicebatur, *qui cadit formulā, cadit causā*; id de omni omnino re sive inter vivos, sive in ultima voluntate verum esset, *qui cadit formulā, cadit negotio, et nihil agit*.

Jurisprudentia antiqua verum negligit, certum curat.

CLXXXI. Et si causae existerent, quas existere latis legibus necesse est (2), quae jure aut eximi aut includi publice oporteret, facta potius infecta, infecta vicissim facta fingeat, quam ut ne jus quicquam demutaretur. Quae est Lacedaemoniorum Jurisprudentia; quae in omni Optimatum republica, quae legibus regitur, viget, cujus forma est custodia juris (3). Sed ita appellare placuit a republica Optimatum, quae omnes ejus generis respublicas justitia, et virtute superavit. Ex hac enim Jurisprudentia fuit illa Agesilai Regis interpretatio, qui Spartanam juventutem, reipublicae florem et robur in summa militum egestate, ne lege quidem alia servare voluit militaris flagitii ream, ut ne lex, quae eos damnabat, quicquam relaxaretur; sed legem ex die postero ejus diei, quo flagitium admissum fuerat, valere jussit.

Jurisprudentia Lacedaemoniorum.

Spartana interpretandarum legum ratio.

Ad quae si quis animum recte advertat, has juris antiqui *fictiones* nihil aliud nisi praeae Jurisprudentiae *productiones* vel *restrictiones* fuisse comperiat, quibus Jurisconsulti antiqui, non ut nostri, leges ad facta, sed ad leges facta accommodabant.

Fictiones antiqui Juris, productiones aut restrictiones ejusdem.

Atque in eo omnis antiquae Jurisprudentiae posita laus erat, aliquid ejusmodi consilium, quo Agesilaus Rex usus

Antiquae Jurisprudentiae laus.

(1) Cap. CXVII. (2) Ibidem. (3) Cap. CXXXVIII, § Optimatum.

est, comminisci, quo et leges integrae manerent, et causarum utilitati consuleretur.

Jus antiquum fictionibus totum scaten.

CLXXXII. Hinc Jus antiquum Romanum *fictionibus* totum scaten: appellatione autem juris *civilis Romani* et jus *Praetorium* heic amplector, quod sane Juris Romani universi pars quaedam fuit (1). Hinc in quamplurimis causis conceptos pro natis, vivos pro defunctis, defunctos pro vivis haberi; quemque tria capita gerere: filios, servos in acquisitionibus sub parentum, vel dominorum persona latere; alios gerere aliorum personas; tempora, quae nondum transierunt, produci; tempora, quae jam transierunt, retroagi; tempora dissita conjungi: tot jura personata, nuda nomina sine re, nuda jura sine bonorum commodis; tot imaginarias venditiones et simulatas violentias (2) jure civili; tot actorum rescissiones, et in integrum restitutiones jure praetorio celebrari.

Jus civile antiquum. Juris naturalis fabula.

Per certum erumpit verum. Jus civile antiquum imitatur naturam.

Prisca Jurisprudencia Poëma quoddam.

Sed per has omnes Juris civilis antiqui fictiones, quas ex latiori genere cum Justiniano in *Institutionum* prooemio JURIS ANTIQUI FABULAS dixeris, et per quas Jurisprudentes Juris civilis *certum* curabant (3), per eas ipsas fictiones et fabulas Juris naturalis *verum* erumpebat (4). Quare quod in specie dicitur de *adoptione* (5) *eam imitari naturam*, id ex genere universo de omni Jure civili antiquo dicere quis potest; et quam acute, tam vere conficere; priscam Romanorum Jurisprudentiam, POEMA quoddam fuisse, quod primum juris naturalis gentium, deinde juris naturalis Philosophorum (6) perpetuam fabulam sub innumeris et variis personis egit, cum Romani Juris decoro, sive ipsarum legum gravitate et constantia.

De Sapientia heroica Orphei et Amphionis mythologia;

CLXXXIII. Sed diximus, quod ob has antiqui Juris fabulas Orpheum et Amphionem et Heroës et Poëtas et Poëtas et Rerumpublicarum fundatores ipsi Poëtae tradiderint (7); quod lyra Orpheus feras cicurasset, sibique obsequentes fecisset; lyra Amphion ex lapidibus ad sonum ultro coëuntibus Thebarum muros aedificasset. Omnes autem Mythologi conveniunt, hisce fabulis primos Rerumpublicarum fundatores significari; sed in hoc falsi, quod eos duos heroës putarint, cum ii sint omnium Optimorum et plurium quidem aetatum heroici characteres (8).

(1) § Constat autem, Inst. de Jur. natur. gent. et civili.
(2) Cap. CXXIV. (3) Cap. CXVII. (4) Cap. CXXV. (5) L. 23. D. de Liber. et Posthum. § Minorcm 4. Inst. de Adopt. (6) Cap. CXXXVI.
(7) Cap. CXXIV. (8) Cap. CLXVIII.

Sed quid de Lyra? heic solita Mythologorum infelicitas cernitur. Dicunt enim Orpheum, ex. gr., cantu et hymnis, quos ei appingunt, Deorum naturam exleges homines docuisse, eorumque religionem ipsis insinuasse, qua mansuefacti legibus se submiserunt: unde constanter conficiunt, primos Poëtas fuisse Theologos. De cantu quidem id ipsis est concedendum, quod orationem numeris constrictam priorem fuisse solutâ doceat primus omnium scriptorum Homerus, et Homero prior Hesiodus, et Hesiodo prior hymnorum scriptor Orpheus vulgo putatus.

Historia Numeri.

Sed quâ fieri potuit, ut Poësis omnium artium prima fuerit, ut ex ea inter gentes ipsa pecuaria, ipsa rustica ortae sint: cum ita naturâ sit comparatum, ut homines prius necessaria, quibus urgentur, videant, deinde utilia, tandem ad quae fert ultro libido, et quaesitam afferunt voluptatem, inter quae Poësis tenet facile primas? Deinde quâ fieri potuit, ut in illa summa hominum ruditate, omniumque rerum imperitia et generis humani stupore, repente homines extiterint, qui recta altissimas res, nempe divinas intellexerunt? quando in humanitate et cultu temporis historici primum *Physici*, ut Empedocles aliique; deinde *Morales*, ut Socrates, qui primus moralem philosophiam de caelo revocasse dictus est: tandem *Divini*, quorum princeps Plato, provenerunt? et humanae naturae ordo hunc rerum ordinem postulabat, quod homines prius ad res, quae sensus feriunt, ut *Naturales*, deinde quae animos afficiunt, ut *Morales*, tandem ad mentem ipsam, et ea, quae nullum veniunt sub sensum, divinas, advertunt. Tandem quâ fieri potuit, ut in illa generis humani pueritia, qua homines vix singula animadvertunt, ingenia extiterint, quae respublicas intelligerent: cum eae nihil sint aliud, nisi civilium bonorum amplissimae universitates et summa genera?

Historia Philosophiae.

Respublicae humanorum commodorum genera summa.

Non inficiamur quidem Poësim granditate fabularum et luculentia locutionis ad stupidos animos excitandos praecipue factam esse: sed ipsius Poëseos natura primos Poëtas Theologos fuisse negat, cum eodem ordine quo Philosophi et nati Poëtae sint: primi Heroici, Homerus, Tirtaeus, qui cecinere bella, ad quae homines vel lapidei convertuntur. Ex Drammaticis primi *Satyrorum* inventores, qui sylvestres Deos plaustris invexere, et primam Deorum personam, quam ipsis per naturam licebat, finxere Satyrorum, ex rebus, quas tractabant, cornibus, caprina pelle, et uvarum foecibus, quibus ora perungebantur; unde

Proprius Poëseos finis.

Historia Poëseos.

Cur prima Epopoeja?

Et Tragoedia?

Tum Comoedia anti- τράγος, hircus daretur praemio. Hinc *Comoedia antiqua*, quae legibus tandem vetita est, quod viros civitatis Principes, quos populus universus suspiceret, in fabulas traducebat. Inde ex Satyra *Tragoedia*, ex Comoedia antiqua *Comoedia nova* ortae, et tamen *Tragoedia* prior, quae tyrannorum et magnarum domuum scelera punita theatris exponebantur, ad quas e civilibus rebus maxime populus excitatur. Tandem *Comoedia nova* inventa est, quae res privatas agit, ad quas populus non attendit: unde Simoni roganti:

Nova Comoedia ultima?

Meum gnatum rumor est amare

merito Davus mutiens respondet:

Id populus curat scilicet.

Haec omnia negant, immo pernegant, primos Poëtas fuisse Theologos; et tamen historiâ constat, Hesiodum Homero priorem. Haec nobis fecere solitudinem, qua Historiae Poëtarum hactenus traditae nunquam acquievimus, donec ex nostris principiis originem Poëseos invenimus, quâ et historia constaret, et his difficultatibus satisfaceret, ut Libro II ostendemus.

Lyrae mythologia.

Ex ea origine de *Lyra* haec dicamus. *Lyra* ex pluribus fidibus constat: et *Fides* eadem ac *nervus*, quae et Graecis χορδή, primum Imperii nomen in terris fuit, quo Clientelae steterē (1): ex pluribus fidibus, seu Imperiis singulis, quae optimi in clientes habebant, ex pluribus privatae violentiae juribus vis publica est constituta, ut supra dictum quoque est (2), et publica vi constituta primae extitere Respublicae. En *Lyra*: publicum Imperium, cui ferae factae sunt obsequentes (a).

Prima sapientia Poëtarum.

Sed et inter praecipuas Poëseos laudes illa numeratur, quod prima fuit in terris sapientia Poëtarum:

Fuit haec Sapientia quondam,
Publica privatis secernere, sacra profanis;
Concubitu prohibere vago, dare jura maritis;
Oppida moliri, et leges incidere ligo.

(1) Cap. CIV, § Atque. (2) Cap. CV, CXVII, CXXXIV.

Prima *Lyra*, leges. (a) An haec *Lyra* fuerit, ad quam, ut Nestor narrat Telemacho in *Odyss.*, Poëta ab Agamemnone domi relictus, qui sibi uxorem Clytemnestrae et Clytemnestram servaret, castimoniae laudes accinebat, quibus delectata Regina, casta vivebat: quem Poëtam Ægystus in insulam desertam devexit; eoque amoto, Clytemnestram ad se domum abduxit: nempe ejecto Heroum sive Optimatum consilio, qui leges custodiebant, legibusque projectis, Tyrannus castarum foeminarum pudicitiam expugnavit.

Clytemnestrae et Ægysti mythologia.

Sapientia autem partibus continetur tribus; quarum prima est, *Divinarum rerum contemplatio*, qua Plato sapientissimus fertur: secunda est rerum in *naturâ* abditarum cognitio, qua *Sapientes* antiqui *Physici* dicti: tertia est *humanarum rerum Prudentia*, qua *septem Graeciae Sapientes* appellati, qui monita in vita adprime utilia reliquerunt: et Romanis Sempronius *Σοφός* (1), et Scipio Nasica (2) *Corculum* dicti, qui Jurisprudentiâ maximae floruerunt.

Sapientiae partes tres.

Citra dubium Romani Jurisconsulti testimonio Ciceronis dicti *Oracula civitatis*: et apud Latinos de solis *Oraculis* et *Jurisconsultis Responsa* dicta: et uti ex *adytis Oracula*, ita ex *Jure arcano responsa* data; et uti ab *Oraculis* cum

Quaedam Jurisconsultis Romanis cum Oraculis communia.

dictae per carmina sortes;

tum

Vitae monstrata via est.

Ita prisci Jurisconsulti carminibus responsa dabant, ut de legum formulis supra diximus (3); in quibus si quis hos poëticos numeros non sentiat, is ne eos quidem audiat in *Carminum Saliarium* fragmentis: quae tamen ad symphoniam canebant. Et ita naturam ferre necesse fuit, ut primis carminibus existerent primula rudimenta numerorum, ut *numeri Plautini* diu post fusi testantur. Et Ciceronis item testimonio Jurisconsulti non solum de jure causae, sed de omni re dubia in vita agenda, ut ex. gr. de ducenda uxore, de filia collocanda deliberantibus consulabant, ut Jurisconsulti videntur esse Divini, seu Vates Romanorum (a), unde fortasse mansit *canere* pro *praedicere*.

Ut formulae Juris Carmina?

Prisci Jurisconsulti, Vates proprii Romanorum.

Certe quoque diu et obfirmatissime Romani Patricii in perpetua illa de connubiis, imperiis, sacerdotiis plebi communicandis contentione *auspicia sua* esse affirmabant: et nos omnes priscos Jurisconsultos Romanos patricios fuisse ostendimus. Praeterea supra vidimus (4) *Fas gentium linguam heroicam* fuisse, quam fortes soli callebant: et *litteraturam heroicam Optimorum arcanam* fuisse (5), qua continebatur scientia *etymorum*, quibus res ipsas definiebant, quod est unicum studium Philosophorum; et vidi-

(1) L. 2, § Fuit, D. de orig. Jur. (2) Dicta L. 2, d. § Fuit vers. Cajus. (3) Cap. CXXI, § Atque. (4) Cap. CLXIX. (5) Cap. CLXX.

(a) Ad quod apposite Cicero I de Oratore; ibi: *est enim sine dubio domus Jurisconsulti totius Oraculum civitatis*.

mus (1) Jurisconsultos Romanos hoc *etymorum* genere in Jurisprudencia usos esse.

Sapientia, Sacerdotium, Regnum una res primis gentibus.

Postremo primis gentibus non solum qui *sapientes* iidem *Sacerdotes* erant, sed ex sapientum numero *Reges* creabantur, et cum Regno summum Sacerdotium cohaerebat: unde *Reges Romani*, *sacrorum* quoque *Reges* erant: et fortasse *Clientes* Romani *Patronos*, a quibus jura docebantur, *Reges* appellabant; et Ulpianus Jurisconsultos *Justitiae Sacerdotes* dixit.

Ut verum, primos positas fuisse theologos.

Theologiae civilis origo, Contemplatio;

Causa, Divinae Providentiae persuasio; Usus, Divinatio.

Philosophia et Philologia geminae ortae

Prima Politia naturalis.

Uni Romani Sapientiam Heroicam conservarunt.

An igitur, et ut omittamus istas, quas hactenus magna ingenia fecere delicias, quae rudibus primae aetatis hominibus rerum altissimarum cognitiones appingunt, quae inter excultissimas atque doctissimas gentes, ut Graecos vix tandem longo post humaniorum temporum intervallo sunt inventae et excogitatae; et ut haec omnia, quae de Sapientia heroica, de Poëtis Theologis forte quadam et temere hactenus dicta sunt, constent; dicamus, *sapientiam heroicam* fuisse, quam optimos ipsa rerum natura docuerit, ut eorum *Divinarum rerum contemplatio ipsa Caeli observatio* fuerit, a qua Romani in *jure Augurio*, quod ab Ethruscis, Regno Italiae florentissimo, ut supra vidimus, quum Athenae vix parvae erant, acceperant, *Caeli templa* mansere dicta: eaque contemplatione, naturam Deorum cognoverint, quantum ad rerum humanarum providentiam spectare arbitrarentur; et ex *Caelo ex. gr. Caeli mentem Jovem* sibi confinxerint; eique *fulmen et aquilam* attribuerint, quae sunt argumenta ferme totius *Divinationis*, a qua potissimum *res divinae* sunt appellatae: suis *etymis* rerum naturas definierint, ut ex. gr. ab *aqua*, quae ὕδωρ Graecis, unde ὕδρος, aqueus Serpens, *Hydrus* Horatio, *Natrix* Ciceroni, *Draco* vulgo Latinorum dictus, *Hydrum* terram ex humore constantem definierint, quae igne non ferro extinguatur: postremo tum fundandarum, tum regendarum Rerumpublicarum prudentia praestiterint, quam rebus ipsis dictantibus (2), a Divina Providentia (3) didicissent.

CLXXXIV. Hanc Heroicam Sapientiam a primis gentibus acceptam uni in Terris Romani utraque illa, quam diximus (4), *juris et libertatis custodiâ* inter suos integram conservarunt; et *scientiam rerum divinarum* suis auspiciis, *rerum humanarum* tum *publicarum* suis Magistratibus et

(1) Cap. CLXX, § Haec disseruimus. (2) Cap. XLVI, § Igitur.
(3) Ibidem. (4) Cap. CXXVI.

imperiiis, tum *privatarum* juris peritiâ item suâ Patricii, atque adeo usu ipso rerum ipsi sibi tradebant: quibus addidere *literaturam heroicam* quoque suam, ita ut Jurisconsulti Romani eleganter et vere *Gentium Sapientes* dici possint.

Jurisconsulti Romani gentium Sapientes.

Atque heic sane miror, cur tot tantaque praeclara ingenia, quae Jurisprudentiam Romanam doctissimis, atque eruditissimis commentariis illustrarunt, desiderium dubitandi incesse non neminem, cur uni Romani Jurisprudentiam in certam ab ipsis solis conflata scientiam in terris invenerint? Nam si id *virtute* effecere, Spartani Romanis fortasse fortiores: si *philosophiâ*, Romani Atheniensibus ne comparandi quidem: si *regni potentia*, nulla trium Monarchiarum priorum eam est suspicata. Si hanc quaestionem sibi proposuissent, fortasse veras Juris et Jurisprudentiae Romanae causas nunc jam exploratas haberemus.

Cur uni in terris Romani Jurisprudentiam invenerint.

Non enim Jurisprudentia inter Spartanos nata; quia iis Lycurgi lege cautum erat ne leges scriberentur: quare apud eos nulla interpretatio necessaria: nam semper praesenti lingua leges loquebantur. Hinc quanquam respublica diutissime ad octingentos ferme annos durarit, quo temporum spatio in civitatibus, quae aditum non prohibent peregrinis, et commeatus civibus permittunt, linguae ferme totae mutantur; jura apud Spartanos, moribus mutatis, quos octingentis annis mutari necesse fuit, linguâ semper praesenti, eadem esse videbantur. Non inter Athenienses, quia apud ipsos leges in annos singulos, ut inutiles, aut rigidae repertae, ita in singulos annos a Nomothetis per populum in id creatis mutabantur. In Monarchiis iudices prudentia et justitia spectati ex ordine naturali jus in singulis causis dicunt, quod semper est aliud pro causarum diversitate. At Romani ubi plebs a Patribus Legem XII Tabb., hoc est jus aequum scriptum expressit, *custodia juris adversum hanc libertatem* praestitit, ut Patres jus Romanum privatum conservarent; et quia lex scripta erat, et lingua mutaretur, scientia interpretandi juris necessario inter ipsos nata est: quam necessitatem adauxere Patres, eo regni consilio, quod nullam aliam de jure privato legem Consularem, ut supra diximus, tulerint; ut quando jus arcanum Lege XII Tabb. palam factum, saltem juris, sive actionum formulas ad Leg. XII Tabb. accommodatas Patricii arcanas haberent; quae in specie maxime propria merito, ut Pomponius refert (1), *jus civile* appellantur, utpote

Cur non Spartani?

Cur non Athenienses?

Cur non Assyrii, Persae, ac Monarchae reliqui?

(1) In L. 2. § His legibus latis. vers. Haec disputatio.

ex quibus Jurisprudentia Romana sive adeo Jurisprudentia in terris inter Romanos orta est: quod heic attente notari velim; namque hic Pomponii locus, ut postea videbimus (1), nobis *κρίτητος* erit; quo in jure Romanorum distinguatur, quid a jure gentium acceperint, quid vero ipsi introduxerint.

Regula distinguendi in Jure Romano quid sit juris gentium, quid juris civilis.

Philosophia Jurisconsultorum a Sapientia Heroica derivata.

Propria Jurisprudentiae Romanae Philosophia.

CLXXXV. Et ex iis ipsis rebus quas de sapientia heroica disseruimus, factum est, ut Jurisprudentia Romana in tantam justitiae laudem, quantam omnes norunt, pervenerit: quia Romani una cum jure gentium communem quoque gentium sapientiam receperunt, et receptam fortissime conservarunt. Unde Romana Jurisprudentia neque Stoicorum, neque Epicureorum, ut isti ingeniosi magis, quam veri Juris Romani interpretes argutant, sed his suis placitis constat.

Metaphysica propria Juris.

Philosophiae Juris Placita.

Namque omnes Jurisconsulti in illam rerum divisionem, quam nos in Lemmatis Metaphysicis proposuimus, tanquam in *legitimae Scientiae Principium* constantissimae conveniunt; qua *res in corporales et incorporales* dividunt (2); et corporales tactu definiunt, incorporales intellectu consistere, sive in hominis mente constare dicunt, et sic jura non constare corpore, ac proinde supra corpus statuunt, ut Plato passim, sed maxime in *Parmenide*, *ideas* esse gravissimis argumentis demonstrat (3). Hinc tanquam per discessionem in illa *Placita* omnes conveniunt: corpora dividi, jura esse individua: corpora corrumpi, jura extingui, extincta non reviviscere, ut animus humanus dicitur a Deo extingui posse, corrumpi autem non posse: corpora tempore nasci, tempore finiri; sed tempus non esse modum inducendae, vel dissolvendae *obligationis*: et quae jura a principio non sunt, tractu temporis esse non posse; quae est metaphysica ratio regulae Catonianae: et tempus dumtaxat esse signum, quod animus dominium abjecerit, ut in *usucapionibus*, vel, ut in *praescriptionibus*, signum, quod animus jus remiserit: et corpore corrupto *usumfructum tolli*, non autem corrumpi, uti corpore corrupto tollitur, non corrumpitur animus: et jura dicuntur minui, quum alienantur, relata ad patrimonialia, unde abeunt; ceterum a

(1) In disquisitione Leg. XII Tab. lib. II.

(2) Leg. 1, § 1. De Rerum divisione; unde Justinianus a Gajo principium sumit. Instit. de Reb. corpor. et incorp.

(3) Praestantissimus Arnoldus Vinnius in Commentar. Instit. hoc tit. pr. n. 2, haec ridet: Tu judica meritum.

primo homine Ada ad nos usque, ut supra demonstravimus, per *tres originarias rerum acquisitiones* (1) eorum perpetuo conservata successio.

Perpetua Jurium ab Ada ad nos usque successio.

Atque adeo animum humanum, qui Platonici asseritur, per hoc, quod sit supra corpus, *immortalis*, Jurisconsulti statuunt omnium omnino jurium domicilium et sedem: qui uno ore omnes dicunt, *jura animo parari, animo conservari, animo alienari*.

Animus universi Juris subjectum.

Hanc juris Metaphysicam Romani a gentibus antiquissimis acceperunt, a quibus haec generis humani traditio orta est; quae gentes humanae omnes credunt (nam quae non credunt, si quae sunt, omnino barbare ac ferae sunt) animos humanos esse immortales: quam traditionem si Platonis demonstrationibus inceptam, et per gentes diffusam et propagatam dicerem, equidem viderer erudite ineptire. Doctrinam constemus igitur. Diximus jus humanum ab humanis mortuis incoepisse; et jus humanum a divino sumpsisse exordia; et jus divinum humanumque apud majores gentes utrumque esse fundatum; uti contra inter exleges impios cadavera inhumata jacuisse (2). *Dii* autem *Manes* Leg. XII Tabb. *Divi parentum* appellantur; et *parentalia*, sive sacra funerum a *parentibus* dicta; sacra autem non nisi Diis fiunt. Sed et majores gentes definivimus viriles stirpes, quae in plures familias dividebantur (3). Igitur hanc stirpiam in familiarum ramos diductionem necesse est inde factam, quod posterius, *ordine mortalitatis*, quem eleganter Papinianus dicit, suos majores alium post alium condidissent: quos ordines Romani dixere *Stemmata*, haut saepe dicta a verbo *ἐσθω*: quid enim faciunt coronae cum illa summa virorum simplicitate; sed a *stamen*, quod *filum* significat (a), et magis decet illam rusticitatem: unde *lineae sanguinis* et *cognationis* haec ipsa stemmata a Paulo dicta sunt (4). Itaque pietas ipsa suo cultu optimis genealogias, sive gentium successiones imprudentibus conservavit, commonstravitque: quod cum animadverterent, sedulo postea curarunt, ut ea sacra in familiis servarentur: quod Patricii Romani praeter ceteras, ut alibi dicemus, custodierunt: et Cicero ex Romanis moribus in sua Republica, quam ad Romanae

Generis humani traditio de Immortalitate animorum.

Dii Manes principio tantum Patriciorum fuere. Parentalia, unde dicta? Gentilitatum origo.

Unde Stemmata dicta?

Sacra familiaria et gentilitia principio soli Patricii habuere.

(1) Cap. XCVII; Cap. CIV, § Per hanc; Cap. CXIX. (2) Cap. CIV. § In statu. (3) Cap. C, § Id divido, cum tribb. seqq. (4) L. 9. D. de Gradib.

(a) Lib. II, Part. II, cap. XX, §. de successione ab intestato, quatenus ista fuissent *fila*, explicatur.

exemplum format, caput illud legum concipit: *Sacra Familiaria perpetua* (non interrupta) *manento*.

Juris divini circulus inter gentes.

Ea ratione Optimi a religione fontium, quam diximus (1) ad Religionem *Deorum Manium* progressi; a jure humano iterum ad divinum rediere.

Gentium Metaphysica.

Hac majores gentium a posteris divinitate donati, persuasionem induxere, *animos, non corpora, sed quasdam corporum imagines esse, ac proinde immortales (a)*; quod corpora tres habeant dimensiones, longitudinem, latitudinem, profunditatem; imagines longitudinem et latitudinem tantum: et hac ratione equidem probarem eorum conjecturam, qui *stemmata, schemata*, imagines legendum putant.

A Poëtis tradita.

Namque hanc *gentium metaphysicam* nobis testantur Poëtae, qui animos defunctorum per obstructa terrae ad Inferos, ad Elysios permeare: et cum eas describunt, per *imagines humanâ majores* describunt. Atque hinc Romanos Patricios verisimilius *Viros multarum imaginum* dictos putaverim, quam quod in atris statuas Majorum per stemmata dispositas haberent, qui splendoris lux post Asiam devictam ad Romanos sero commeavit.

Cur Patricii dicti Viri multarum imaginum?

Metaphysica Epicuri eadem, ac Poëtarum.

Haec illius rudis aetatis Metaphysica ipsissima Epicuri Physica est, qui e corporibus imagines jugiter effluere, et per inane volitare, et cum de Confucio ex gr. cogitamus, Sinensium simulacra per tantum terrarum ac marium inoffenso cursu nostris mentibus objici, et inter infinitam aliorum turbam, ubi nobis libeat, praesto esse docet: neque haec tam sit Poëtarum laus, quam Epicuri reprehensio; nam eam sapientiam ferebat aevi poëtici naturâ, sive generis humani adolescentia, quae phantasia plurimum ingenioque pollebat, et ob haec ipsa illud seculum ratione purâ praestabat parum: at Philosophum de rebus meta-

(1) Cap. CXLIX, § Verum.

Metaphysica Heroum.

(a) Celebres ejus rei sunt apud Homerum loci, ubi Achilles amplectitur Patrocli umbram, quae uti fumus evadit; quod is miratur, in inferis *animos esse simulacra sine praecordiis*: et mater, quae ab Ulysse ter comprehensa, ter elabitur, quem locum postea Virgilius et Torquatus Tassus sunt imitati, filio id miranti dicit, *ignem vorare corpora, animum uti somnium evolare*: idemque Ulysses videt idolum Herculis in inferis, ipsum in Caelo inter Numina dicit esse: cui fortasse loco Stoici suum *dogma* affinxere de *duplici animorum vehiculo*, sive corporis genere quodam, quod utrumque corporis speciem praeberet; corpus vere non esset, altero *ostraceo* terrestri, altero *aethereo*, puriore; et defunctorum animos in inferis purgari ostraceis, in Caelo cum aethereis vehiculis agere.

Bina animorum vehicula Stoicorum.

physicis eo genere disserere, quo Poëtae fabulantur, et rudissimae ante Poëtas gentes sunt opinatae, id vero est maxime reprehendendum.

Hanc a gentibus accepere Romani Theologiam, et perfecere Jurisconsulti: nam ut Plato inter Graecos postea invictis rationibus firmat, animos supra corpus esse, ac proinde immortales; et has corporum imagines, sive ideas, quanquam corporum sint, et corporum occasione in nobis excitentur, corporeas non tamen esse demonstrat: quam doctrinam Malebrancius novo et eleganti excogitato *intelligibilis extensionis* vocabulo nostris temporibus multa cum laude expolivit; ita Jurisconsulti ipsius Jurisprudentiae Romanae ductu, alio proposito, nempe legum interpretandam, idem affirmant: quum ajunt, jura esse individua, quae solius substantiae incorporeae proprietas est; nam quia individua dicunt non constare corpore, sed intellectu consistere; et quia individua, non corrumpi, *rumpere* enim dividere est; ac proinde jura quosdam substantiae incorporeae et immortalis modos esse, nempe animi humani, quem omnis juris statuunt domicilium et sedem: et ita Jurisconsulti ipsius Jurisprudentiae Romanae vi omnis Graecorum sapientiae imprudentes ad Platonicos accessere.

Nam quod Celsus Jurisconsultus ait (1), *jura esse corpora qualiter se habentia, ut bonitas, salubritas, amplitudo*; id ex Viri philosophia, non ex philosophia Jurisconsulti Romani dictum est: quando supra demonstravimus (2) aequalia corpora fieri quidem inaequalia posse; at geometricam vel arithmeticam aequalitatem aeternam esse: et jura non in fluxis corporibus, sed in ipsa aequalitate aeterna constare; et corpora quid supra corpus, fluxa aeternum non posse gignere.

CLXXXVI. Et haec eadem ipsa apud Patricios Romanos Juris gentium custodia praestitit, ut ipsi essent praeter ceteras Orbis terrarum gentes regnandi artibus praeclarissimi; ut Poëta nihil quicquam ex obsequio, sed prorsus ex vero, omnibus ingenii et eloquentiae artibus Graeciae permissis, de populo Romano autem dicat:

Tu regere Imperio Populos, Romane, memento;
Hae tibi erunt artes:

quia consuetudo est optima legum interpret (3); et Jus gentium est quedam generis humani consuetudo; unde id

Theologia Jurisconsultorum.

Platonis de immortalitate animorum doctrina.

Doctrina Malebrancii de intelligibili extensione.

Jurisconsulti Romani Jurisprudentiae ductu in Platonis doctrinam concessere.

Jura non sunt modi corporum, contra Celsum.

Cur Romani regni artibus praeclarissimi.

Romani ad Imperium naturæ facti.

(1) L. 86. D. de Reg. Jur. (2) Cap. XLIV. (3) L. 37. D. de Legib.

jus passim in Jure Romano et apud Historicos, Philosophos, Oratores legas *gentium moribus* definiri. Itaque nulla natio terrarum Orbem melius rexit Romanâ; ut quando hominum Optimi primi respublicas legibus sive moribus, ut supra diximus (1), fundarint; eorum posteri ejus juris scientiam familiari ac perpetua traditione, uti Lycurgus suas volebat doceri leges, Patricii custodirent. Atque adeo jus naturale gentium super ceteras nationes Romani custodientes; ab ipsa gentium natura ad Orbis terrarum imperium, ut virtute et justitia parandum, ita sapientia regendum facti.

De Jurisprudencia benigna, sive Atheniensi, et de Jure Praetorio.

Romani in custodiendo jure patrio Atheniensibus sapientiores.

Vulgus naturalis solers, civilis aequitatis ignarum.

CLXXXVII. Eadem quoque Juris custodia apud Patres et custodia libertatis apud Tribunos plebis praestitere, ut Romani Atheniensibus ipsis, qui suos jactant Philosophos, in ministrando ex legibus jure sapientiae laude antecellerent. Quia enim Libertas jam *privilegiis* in jus publicum Legis XII Tabb. insurrexerat, principio quidem poenas *extra ordinem* irrogando; nam postea eo ventum, ut *extra legum ordinem* quoque mandaret honores, quia plebs uti aequitatis naturalis gnara est, ita aequitatis civilis est imperita; veriti Optimates ne plebs legum rigorem quereretur, et jus quoque privatum Legis XII Tabb. abrogaret, derogaretque, et Romani, uti Athenienses, ob ipsarum inutilitatem, vel duritiem in annos singulos demutarent; unde enormi legum copia postea laboraretur; quae Taciti judicio una est ex corruptissimae reipublicae notis; quod Spartani illo eleganti dicto Atheniensibus objectabant, *Leges Athenis scribi, Sparta servari*; his de causis Praetorem Romanum alium Magistratum Senatorium, ut prisci Consules, appellatum; nam Consules principio *Praetores* dicti, iisdem auspiciis, ut refert Livius, quibus Consules, ut qui Consulibus extra Urbem agentibus, is Consulium loco in Urbe esset, creari curarunt, qui *viva* Legis XII Tabb. *vox* esset, unâque operâ et jus civile custodiret, et aequitati naturali adesset, jure privato Legis XII Tabb. immoto, unumque et Senatus cum Praetore Aristocratiae faceret corpus; et uti Senatus populo in publicis rebus, ut supra diximus (2), ita in privatis rebus Praetor praestaret civibus juris auctoritatem, quam diximus (3), jam factam esse tutelae Romani Juris (4).

Sic Praetor uti *actionibus jus civile* tuebatur, ita *exceptionibus juri naturali* succurrebat: et uti Athenienses

(1) Cap. CXLI. (2) Ibidem. (3) Cap. CXXXIII, CLXV, CLXVI.
(4) Cap. CLXI.

in annos leges, ita Praetores in annos mutabant edicta, non ex jure imperii, ut vulgo putant, quod par in parem non habet, sed in perpetuae utilitatis experimentum. Eaque ratione Edicta *aequitatis longo usu spectatae*, jure imperii nihil quicquam obstante, de Praetoribus in Praetores transferbantur; unde eorum Jus *translativum* dictum est.

Cur annua Edicta Praetorum?

At vero si caussae existerent, de quibus nullum jus Lege XII Tabb. neque diserte cautum, neque per interpretationem, ut caussae *de possessione*, quas nunquam jus civile agnovit, quia si agnovisset, Optimates jus Quiritium perdidissent; nam possessores longissima agri Romani possessione jure nexi soluti essent; quod postea plebei lege *Poetelia* retulere, ut supra innuimus (1), et latius infra dicemus; nec pro agro, quem non ex jure Quiritium habuerant, ob aes alienum cum iisdem Patribus contractum, apud eosdem privatim vincti haberentur; ita ut Patres non ultra privatum carcerem in eos haberent in vestigium antiqui Imperii, quod Optimi privatim, jam ante constitutas respublicas in clientes exercebant, ut supra diximus quoque (2). Caussas igitur possessionis Praetor nullo juris ordine, hoc est, nulla formula ex jure civili dictata, nullo dato iudice, ipse cognoscebat *Interdictis*. Si quae aliae ejus generis essent caussae, Praetores per summam libertatem de iis postea, corrupta in potentiam republica, et maxime plebejorum parte superante, dare coepere, ut Libro II latius ostendemus: quae sunt *actiones Praetoriae*, quae dicuntur in *factum*; quas omnium *maxime proprie Praetorias* diceret; namque in ejusmodi caussis *Praetor erat proprii juris conditor*, quod nihil cum civili commune habebat: si vero caussae essent, quas Lex XII Tabb. tacita cogitavit, Praetor jus civile ad eas producebat; atque de iis sunt omnes *actiones civiles utiles*, in quibus *proprie Praetor jus civile supplebat*: si vero essent, quarum aequitati Lex XII Tabb. surda, durave esset; Praetor aliquo commento, fictioneve aliqua ita temperabat, remque moderabatur, ut eadem operâ et jus civile et aequitas naturalis salva essent: atque in his *proprie Praetor sub aliqua Juris civilis imagine, et ipsius Legis XII Tabb. religione jus civile emendabat*; uti sunt omnes bonorum *possiones, actionum rescissiones, in integrum restitutiones*, et alia ad hoc instar praetoria jura.

Cur Jus civile possessionis jura ignorabat?

Quae actiones maxime praetoriae?

In quibus caussis Praetor conditor Juris.

In quibus suppletor Juris?

In quibus Jus civile emendator?

(1) Cap. CLXXIII. (2) Cap. CIV, § Atque et seqq.

Jus Praetorium est
Jus naturale sub Ju-
ris civilis imagine.

Jurisprudentia
benigna a Praetori-
bus coepit.

Sensus communis
omnis eloquentiae
moderator.

Eloquentia multi-
tudini facta.

Cur divisae apud
Romanos Jurispru-
dentia et Oratoria.

Jurisconsulti jus
civile tuebantur, O-
ratores jus Praeto-
rium promovebant.

Jurisprudentiae
Romanae genesis.

Quare et acute et vere dicere possis, uti Jus civile est Juris gentium quaedam fabula et imitatio, ut supra diximus (1); ita Jus praetorium est ipsum Jus naturale sub Juris civilis aliqua persona et imagine.

Et hac ratione a Praetoribus Romanis primulum extitit Jurisprudentia benigna, quam licet Atheniensium appellare, quia rempublicam liberam decet, in qua et Philosophi ratione naturali, non civili disserunt de justitia, de republica, de legibus; et Oratores ratione item naturali et argumentis ex *sensu communi* depromptis, qui solus materiam proprie oratoriam suppeditat (*), apud multitudinem regnant; cui unice eloquentia facta; nam *Sapienti verbum sat est*. Quare, ut Athenis Oratores facundiae vi aequum a iudicibus obtinebant; ita et Romae in republica libera praeclare diserti in iudiciis aequitate jus superabant: ut M. Crassus, ipsius Ciceronis iudicio, Romanus Demosthenes in causa M. Curii, in qua, ut ejusdem verbis utar, *Patrocinium voluntatis mortuorum susceperat* adversus Mucium Scaevolam Jurisprudentiae columnen, qui jus tuebatur, aequum obtinuit; uti et obtinuit Cicero ipse pro A. Caecina adversus *Formulam*, qua Sex. Aebutius una ejus litterula fretus, qua *dejicio* ab *ejicio* differt, se tuebatur. Et divisae apud Romanos artes Oratoria et Jurisprudentia: nam Jurisconsulti in republica libera Jurisprudentiam Spartanam rudem, Oratores si quas juris causas susciperent, Jurisprudentiam Atheniensem eloquentissimam profitebantur. Itaque Jurisconsulti jus civile in specie maxime propria a Pomponio dictum (2), nempe formulas legum conservabant; Oratores jus praetorium, quod juri civili in specie opponitur (3), promovebant.

Atque hinc Jurisprudentia Atheniensis per aliam reipublicae mutationem, aliasque causas, quas inferius dicemus, sensim aucta et propria tandem sub Principatu per-

- (1) Cap. CXXIV. (2) L. 2, § His legibus latis, D. de orig. Juris.
(3) L. 7, § Jus Praetorium, D. de Justit. et Jure.

(*) *Sensus* qui vulgo *communis* nuncupatur, uti author est ipse Vicus, augetur prout gentes propius ad mites mores, urbanitatemque accedunt (Conf. de Metaph. Cap. VII, § 4, prope ad dimidium; Cap. LVIII hujus Operis; et *Scient. Nov.* edit. III, lib. I, Axiom. 11, 12), et uti est *eloquentiae* quoque *moderator* diversa pro diversis vitae progressibus *eloquentiae* genera constituit (Cap. CXLI, § Atque, et *Opera* passim). Notandum discrimen quod inter sensum communem intercedit interque *communes notiones* de quibus initio Operis loquutus est Vicus. Hae enim proxime mentibus proveniunt ex uno aeterno et incommutabili fonte; proindeque in iis jugiter *Graeci et Barbari, Europaei et Sineses peramice conveniunt* (pag. 18).

fecta est, quae non rigida et rudis, ut Spartana, non sinuosa et benigna ut Atheniensis, sed elegans et gravis tota ad honestatem composita, quae in singulis caussis propria aequitatis naturalis momenta expendens, nullas *formulas verborum*, sed *formulam mentis*, non *certum*, sed *verum*, non *aequum civile*, sed *aequum naturale*, sive *aequum aeternum bonum, utile in quibusvis caussis aequale*, quam *formulam naturae* (1) Varro appellabat, diligenter custodit; atque ad eam, tanquam ad regulam *Lesbiam*, quae se ad corpora, non ad se corpora dirigit, aequat omnes iniquas utilitates; quare omnibus caussis benigna adest: quae et in Republica libera et sub Principatu usque ad Edicti Perpetui tempora fuit sedula ars fallendi juris civilis, prae studio veri, prae studio aequi boni; post Edicti Perpetui tempora, ut mox dicemus, facta est omnino verax et generosa.

Aequitas naturalis regulae Lesbiae similis.

Jurisprudentia benigna quando sedula ars fallendi juris civilis?

CLXXXVIII. Quapropter a Celso, ipsius Ulpiani iudicio, eleganter definita *Ars aequi boni* (2), seu solertia aequandarum utilitatum, nullo jure, nullâ lege, nullâ formulâ, quae iniquum dictat, spectatâ: nec sinit leges ullas per inertiam ociari; sed ubicumque opus est, diligenter curat, ut aliquam afferant utilitatem.

Definitio Jurisprudentiae benignae.

CLXXXIX. Ejusque Jurisprudentiae regula aeterna est *Aequitas naturalis*, quae multa contra communes juris regulas recipit et admittit, ac juris civilis rigores temperat. Sed ea ipsa durior est juris rigor, ut supra diximus (3): neque enim ex suo jure immutabili quenkam solvit; nec ullum unquam hominis meritum tantum est, ut ratio naturalis ipsi indulgeat, quod non dictet honestas: tamen totius generis nomen occupavit: et *aequitas civilis* magis appellata est *juris rigor*; quia civilis rigor est sane rigor in caussis, in quibus contra immerentes duratur: at *aequitas naturalis* ex genere *aequitas* dicta est; quia in ipsis caussis, in quibus immota haeret, haeret autem in omnibus, in ipsis, inquam, caussis benigna est: et pravum est hominum iudicium, qui eam iniquo animo ferunt; nam de ea sensuum sapientiâ, quam stultitiâ definivimus (4), judicant.

De Aequitate naturali.

Aequitas naturalis, et ipsa rigor juris est.

Cur aequitas civilis rigor appellatur? Cur rigor juris naturalis aequitas?

CXC. Ad hoc exemplum ex tutela Spartana juris, ut decet rempublicam Optimatum, qualis Spartana erat, et ex Atheniensi legum emendandarum libertate, quae rempublicam liberam consequitur, qualis erat Atheniensis, confusa Jurisprudentia Romana in terris nata ex utriusque

Ut Romana Jurisprudentia ex Atheniensi et Spartana coaluit.

(1) Ut diximus in Operis Proloquio. (2) L. 1. D. de Just. et Jure. (3) Cap. LXXVIII et LXXIX. (4) Cap. XXVII.

reipublicae forma; uti ex eadem rerumpublicarum mixtura supra vidimus (1) ex Atheniensium et Lacedaemoniorum institutis, hoc est, ex forma reipublicae liberae et Optimatum, Jus Romanum ex scripto et non scripto coaluisse.

Sed hanc Juris et Jurisprudentiae Romanae mixturam ex ipsius temperatura reipublicae natam esse, sequentia satis confirmant.

I.

De Legibus, consuetudine et exemplis, ex rerumpublicarum natura.

In republica libera plurimae leges.

In Regnis meris omnia moribus celebrantur.

In republica Optimatum regnant exempla.

Quid in republica mista?

De origine feudorum.

CXCI. Nam, quia in republica libera Imperium est multitudinis, et multitudo aequitatem naturalem tantum intelligit; et aequitas naturalis pro singulis caussarum meritis aestimatur; et caussae pro circumstantiarum infinito numero semper sunt aliae; et populus liber quicquid vult per leges jubet: in republica libera legibus, et quidem innumeris vivitur: unde tanta Athenis, quantam vidimus (2), copia legum; et Romae, quatenus in republica libera, innumera privilegia, ut supra vidimus quoque (3).

In republica mere regia Reges summi ex suo arbitrio tum publice tum privatim gente moribus moderantur. Hinc apud Moschos, Turcas, Tartaros, Persas nullae leges humanae de jure sive publico, sive privato scriptae; sed Moschis utriusque *Foederis Testamentum*, Turcis, Tartaris, Persis *Alchoranum* scripto custoditur: et ipsum jus divinum iis libris designatum vi consuetudinis, quanquam in pluribus turpissimae foedatum; in Regnis Catholicis vi traditionis purissime observatur.

In republica mere Optimatum, cujus forma est custodia juris, omnia peraguntur exemplis verbo, re ipsa vero ex civili Patrum prudentia sub exemplorum praetextu, ut in argumento de publicis judiciis supra vidimus (4).

In republica mista, ut est ex his formis mista, ita partim legibus, partim moribus, partim exemplis vivitur; uti in Romana sub Principatu mista ex Optimatibus et libertate, pleraque omnia agitabant cives ex moribus, sive ex jure naturali gentium novissimarum, quamplurima ex Legge XII Tab. aliisque, et aliqua sub exemplis, ut supra diximus, ubi egimus de *more majorum* (5).

CXCII. Hinc de *Feudis Consuetudines* natae, non leges scriptae; quia feuda introducta sunt in rebuspublicis regis, quae ex Optimatibus miscebantur. Etenim ductores barbararum gentium, ubi aliquam Orbis Romani in Europa provinciam inundassent, ut tuto inter victos regnarent et

(1) Cap. CXLII. (2) Cap. CLXXXVII. (3) Cap. eodem.
(4) Cap. CXLIX, § Ad haec. (5) Cap. CXLI, § Atque.

gentis primores, qui ipsos sequuti sunt, beneficii sibi una opera devincirent; eorum fidei validiora oppida tanquam redactae provinciae colonias committebant. Ii porro ordinem quendam Optimatum communis utilitatis admonitu constituerunt, qui ordo ubique Regum potentiam minuit. Igitur hi Regnorum Optimates, Regibus obsequio servato, nam ipsorum intererat, Regem esse, nequis ipsorum regnum invaderet, et super ceteros emereret; ex ipsorum Regum patientia interea certae suae posteritati, oppidorum, quae ipsi Regibus servabant, custodiam tramandarunt; et sic in iis sub lege fidelitatis, dominium juris, quod *Feudum* dicitur, sibi pepererunt, dominio rei feudalis apud Reges manente: et ita cum hic Optimatum ordo illis novitiis barbarorum Regnis praepollerent, uti historiae eorum temporum universae ferme Europae satis confirmant; tanquam in Optimatum rebuspublicis res beneficiariae per *Pares Curiae*, uti per antiquos Duumviros exemplis judicatae, quae postea in *Feudorum*, quae dicuntur, *Consuetudines* abiire (a).

(a) Cumque his congruit, quod passim in Barbaricis Historiis narratur; quod gentis victricis Principes una cum summo Duce suo ditiones sibi consensu dividebant, et praecipuam Duci dabant; ad ipsissimum instar, quo bellicae praedae inter Heroës apud Homerum memorantur divisae: eae namque coram exercitu omnes exponebantur, et sortito dividebantur inter Heroës ex ipsorum consilio, Iliad. XIX. Quare Achilles Patroclo dicit, Chryseidem sibi sortito evenisse virtutis praemio in praedarum divisione facta a *filiiis Achivorum*, Iliad. XVI, summâque injuriâ se ab Agamemnone affectum, qui non contentus suâ praecipua Briseide, illam sibi eripuerit (*): unde perpetua Achillis ira et dolor per universam Iliadem diffusus, et in Odys. XI Filii Achivorum et Pallas Minerva Ulyssi arma Achillis adjudicasse memorantur. Ex quibus locis Homerici haec conficiuntur.

Feuda heroicas originis esse.

I. Minervam esse characterem Heroum in consilio, Palladem Heroum in concione, quales numero et saepe nos in his Libris enarravimus.

Minerva Heroës in consilio, Pallas iidem in concione.

II. Graecis Heroës esse, qui essent *certi filii*, ut Romanis Patricii, qui *certos patres* haberent: cum in Homero Heroës perpetua periphrasi *Filii Achivorum* describantur.

Filii Achivorum Graeci Patricii.

III. Recurrentibus iisdem violentiae moribus, eadem redire jura: et sic Feuda non esse novum Jus gentium a barbaris per Europam

Feuda jus gentium antiquissimarum.

(*) Contra canit Homerus Briseidem sortitum esse Achillem, Chryseidem vero Agamemnona, qui ut gnatam paternis lacrymis concederet, a Pelide coactus (id enim postulabat agnium salus), ad jacturam reparandam, eripuit sibi Briseidem. — Hic error nullam adimit vim argumentis Vici, sed emendatio illustrius consuetudines aperit temporum quae nos vocamus heroica. Consule Vici vitam, quam recensuit et auxit Villarosa, nec non editionem tertiam operis quam italicum nomine *Scienza Nuova* appellamus (Lib. II, § *Intorno all'eroismo de' primi popoli*), ubi hunc ipsum, qui in superiori editione irrepperat, errorem emendatum reperies.

Vici Op. Lat. T. II.

g*

II.

*De ordine civili
et naturali pro re-
publicarum na-
tura.*

CXCIII. Praeterea, ut supra dictum est (1), *ordo naturalis* unice *verum* amat, *certum* contemnit; *ordo civilis* unice ad *certum* spectat, ac pro *certo* posthabet *verum*; *ordo mistus* per *certa* rimatur *verum*, non tamen prae *vero* negligit *certum*.

*In republica mere
regia ordo naturalis
obtinere;*

Hinc Republica mere regia, quia est maxime naturae conveniens, tota ex ordine naturali est, et ex *vero* regenda; tota extra ordinem civilem, nec *certo* ullo obligatur: itaque, *sola facti veritate inspecta*, omni contempta solemnitate, res publicae aguntur, privatae judicantur.

introducitur, ut Grotius putabat; sed jus gentium antiquissimum, quantum Homerus antiquus est, in parte tamen diversum.

IV. Ductores barbararum in Europam gentium fuisse, ut Agamemnon ductor Graecorum ad Trojam.

*Eaque ex clientelis
orta.*

V. Has ditionum divisiones foris factas a barbaris gentibus, quae Europam inundarunt, satis aperte docere, ab ipsis domi celebratas fuisse clientelas; uti re ipsa plurimum in Germania clientelas celebratas Tacitus narrat *De Moribus Germanorum*, unde fuere gentes quae inundarunt Europam; ita ut earum gentium Principes cum suis quisque clientibus in bella profecti sint, iique suorum clientum proprium ductum, propriumque imperium habuerint; ut Graeci Heroës cum suis quisque plebibus ad Trojam profecti sunt: suntque famuli, qui apud suum quemque Heroëm in eo bello pugnare passim ab Homero narrantur: et sic *clientelae domi* custoditae inter Germanos, *feuda foris* ab Germanis per universam Europam progenere.

*Antiquum Jus
Quiritium, Feudale
quoddam.*

Observatio. Tantum igitur abest, ut mireris, quod Jus Romanorum Quiritium, hoc et posteriori Libro dixerim, Jus quoddam fuisse feudale Romanorum; quod feuda eadem ipsissima, qua apud nos sunt natura, fuerint aetate Heroum: quam ad rem confirmandam luculentissimus est Homeri locus, et tam disertis verbis conceptus, ut Eruditi omnes prorsus caecutierint, qui eum hactenus inobservatum transmisere. Is est in Iliadis lib. de legatione, ubi Agamemnon per Phoenicem, Diomedem, Ulysemque legatos Achillem orat, ut iram mitiget, sibi placatus, Graecis de summa rerum laborantibus opem ferat; eique inter cetera, quae basilice profert, se tres filias habere ait; quam earum maxime optet, nuptum ei daturum pollicetur, et *dotis* nomine septem oppida pastoribus et opilionibus celebrata, qui eum, ut Deum alterum colent (en obsequium) et sub ejus sceptro ipsi tributum pendent (en operarum praecium, quod nunc Senioribus Vassalli pendunt) eamque sibi habeat, sine ulla dote coemptam. Haec certe nostrorum temporum feuda sunt, quae nisi Homerus poetico oestro providerit, non aliunde, quam ex Clientelis oriri potuerunt. Clientelas autem, jus omnium primarum gentium, et Germanorum praeter ceteros, a quibus feuda per Europam omnem diffusa sunt, per ea, quae in his Libris diximus, certo constat: et Romulum clientelas in suam civitatem introduxisse, post Plutarchum omnes conveniunt,

*Nostratia feuda
Homeri tempora.*

(1) Cap. CLII.

Respublica mere libera tota ex ordine naturali est, quia multitudo, quae ibi regnat, solam aequitatem naturalem intelligit. Unde diximus (1) leges Tribunicias esse reipublicae popularis maxime proprias, quibus innumera *privilegia* extra ordinem, nempe civilem, hoc est sine Senatus auctoritate sunt irrogata; et quae ex genere latae sunt, eae sunt, ut supra vidimus (2), aequitate naturali refertae.

In republica mere libera item;

Respublica autem mere Optimatum tota ex ordine civili est, nam continentissima novi condendi juris: unde omnia, ut diximus (3), ex ratione civili *sub colore exemplorum* aguntur, transiguntur.

In republica mere Optimatum ordo civilis regnat.

Itaque ut Respublica Romana naturâ libera facta est ex Optimatibus mista, ita ordo naturalis ordine civili potior fuit: et Jus Praetorium pro caussarum utilitate, immo pro voluntate Praetorum mutabile apud Romanos extitit, quod aequitati naturali faceret satis cum aliqua tamen Juris civilis observantia; et quo magis Romana libertas invaluit, eo crevit magis Praetorii Juris auctoritas, ut jam tempore Ciceronis (4) non amplius Jurisprudencia apposite ad Leg. XII Tabb. sed ad Edictum Praetoris accommodate traderetur.

Quid in republica mista?

In Republica Romana denique regia, sive sub Principatu mista Optimatibus et libertati maxime celebratus est ordo naturalis, apud Praetores Edictis sub aliqua Legis XII Tabb. reverentia; apud Principes autem Constitutionibus sine ullo amplius juris antiqui respectu.

III.

CXCIV. *Lex autem ex Ordine* erat lex a populo jussa ex auctoritate Senatus, jam factâ *tutela*, hoc est ex formula a Senatu concepta, et per Senatorium Magistratum ad populum lata, ut supra diximus (5); eaque erat Consularis ut plurimum, quandoque Praetoria, Dictatoria, Interregia, ut supra diximus quoque (6).

De legibus ex ordine et extra ordinem.

Leges ex ordine Consulares.

Leges extra Ordinem fuere *Tribuniciae* omnes, quae non ex auctoritate Senatus, non ex formula in Senatu concepta latae sunt, et dictae sunt proprio vocabulo *Plebis-scitâ*. Hinc *Privilegia*, quae Plebiscitis sunt irrogata, omnia sunt contra jus Legis XII Tabb., illo capite sancitum, *Privilegia ne irroganto*: quia Senatus auctoritas prae caeteris in eo erat, ut Lex XII Tabb. esset, ut diximus (7), *finis omnis aequi juris*, et proinde *fons omnis interpreta-*

Leges extra ordinem Tribuniciae.

Cur iis privilegia irrogata?

(1) Cap. CLXIII. (2) Cap. CLXXIII, § Ceterum cum seqq. (3) Cap. CXCI, § In republica mere Optimatum. (4) Lib. 1. de Legibus. (5) Cap. CLXI, § Namque. (6) Cap. CLXIII. (7) Cap. CLXXVI.

Cur privilegia *ius*
extraordinarium in-
ducunt?

Unde crimina pri-
vilegiata dicuntur?

IV.

De *Senatusconsul-*
tis ex ordine et extra
ordinem.

Quid *sententiae*
loco dicere?

tionis. Hinc et hodie *privilegia* dicuntur *jus extraordinarium* statuere, quum *jus* statuant sive diversum, sive adeo adversum juri, quod omnes tenet: et *crimina*, vulgo *privilegiata* dicuntur, de quibus non pro stato et solemnī iudiciorum ordine quaeritur, vel ex quibus in reos poenae supra communem conditionem exasperantur.

CXCV. *Senatusconsultum ex ordine* erat ad Consulis relationem, quae erat formula rei publicae deliberandae, super qua Patres *sententiam dicere* debebant. Nam si quid quis Senator sive utile sive adeo necessarium reipublicae, sed non ad Consulis relationem censeret, tunc non *sententiam*, sed *sententiae loco* dicebat, ut apud Tacitum observare est: unde illustratur principium Commentariorum Julii Caesaris *de Bello Civili*.

Senatusconsultum extra ordinem erat in rebus trepidis, et quae nedum Comitiorum moram non paterentur, sed ne Consulis quidem relationem expectabant: et ad narrationem cujusvis Senatoris de aliqua publica re, quae calidum consilium expostularet, *sententiae* dicebantur, ut *Senatusconsultum de Bacchanalibus sacris Roma Italiae ejciendis*.

V.

De *Judiciis ex or-*
dine et extra ordi-
nem.

Quid lege agere?

CXCVI. *Judicia ex ordine* publica erant ex formula legis, quae crimen damnavet, et eā poenā, quae ex formula legis concepta erat: quae formula *Lex* dicebatur, ut supra vidimus (1): unde *lege agere* pro accusare; et *lege agere* dicebatur *Lictor*, quum de reo poenas sumebat. *Judicia ex ordine privata* erant ex formula, qua Praetor dictabat actionem actori, exceptionem reo; ac proinde *Judici*, quem utrique dabat, formulam, in quam ferret *sententiam*, praescribebat, ad hoc exemplum: *Si paret Titium Maevio centum ex mutuo dare oportere, ni pactus sit de non petendo, Sempronii condemna Judex*.

Judicia extra ordinem publica prius erant, in quibus ipse Populus cognoscebat, et *plebiscitis* poenas irrogabat, ut supra diximus (2): deinde fuere *judicia* in reos singularibus legibus constituta, quibus extra *legum judiciarium* ordinem a Sylla institutum Quaestores criminum creabantur, qui *Judices* quoque extra statum et solemnem ordinem sortirentur; ut fuere *judicia* quibus Cicero et Milo in exilium acti sunt: quam fraudem Syllanis legibus factam Tacitus in *Legum historia* ita notat: *non modo in commune, sed in singulos homines latae Quaestiones*.

(1) Cap. CXLIX, § Ad haec. (2) Cap. CLXIII.

Ad hoc item instar judicia *extra ordinem* privata erant, ubi Praetor ipse sine ulla formula cognoscebat, ut in causis de *Interdictis*, de *bonorum possessionibus*. Sed si ex gr. de Interdicti verbo et sententia quaestio suboriretur, Praetor stipulationem aut sponsionem interdicto accommodatam interponi jubebat; et ex ea porro actionem, quae ex causa possessionis nulla alioqui erat, et cum formula judicem ex ordine dabat, ut sunt caussae pro A. Caecina et pro P. Quinctio apud Ciceronem, ubi Franciscus Hotomanus videndus omnino est (1).

Ut ex 'caussis de possessione actiones proditae.

Itaque vides et leges et senatusconsulta et judicia in republica libera ex Optimatibus mista a parte Senatus esse omnia ex *ordine civili*, praeter legem qua Pompejus damnari Milonem curavit; quia jam respublica, qua parte erat Optimatum, in potentiam corrupta erat (2), a *parte vero plebis* pro natura reipublicae liberae omnia item haec extra ordinem civilem acta.

Senatus ordinis civilis custos.

Plebs ordinis civilis turbatrix.

CXCVII. In republica autem natura regia ex Optimatibus et libertate mista, ordo quoque publicarum rerum agendarum ex civili mixtus et naturali est.

Nam et leges in Senatu deliberantur, sed Princeps, quia summus, non tenetur sequi Senatus auctoritatem, sive in formulam a Senatu conceptam legem jubere: sed in quae verba velit, jus constituit; ex vi illa iuramenti, quod supra in *Principis verba* conceptum diximus (3).

VI.
De legibus, senatusconsultis, judiciis ex ordine, aut extra ordinem in re publica mista.

Senatusconsulta quandoque ex ordine, quum Principes a Status Ministris edocti de eo, quod referant in Senatu, habent de re publica relationem; quandoque extra ordinem, quum ab ipsis Senatoribus res publicae deliberandae proponuntur, de quibus Princeps jus statuatur.

Et judicia sive publica sive privata alia sunt ex ordine, quum certa et solemnis actorum judicialium series observatur, per quam iudices ad facti veritatem perveniant: extra ordinem sunt, quum tanta judicialium actorum solemnitate spretâ, aliqua tamen servantur, ex quibus iudex veri securus res iudicet.

CXCVIII. Praeterea omnis *Jurisdictionis* tanquam *fontis tres rivi*, jus *directum*, jus *rigidum*, jus *aequum*.

Jus *directum* est jus, quod facto aequatur, illudque nendum regit, sed *dirigit*, hoc est *exacte regit*, exaequat; unde *jus directum* appellatur.

VII.
De judiciis directis et utilibus pro republicarum natura.
Jus directum.

(1) In Commentar. Orat. Cic. (2) Cap. CLXIII. (3) Cap. CLVIII, § At hercule.

Jus rigidum.

Jus *rigidum* est jus facto verbis aequum, sententiâ iniquum, et dicitur jus *strictum*, jus *summum*, *apex juris*, quia toto verborum genere custoditum.

Jus aequum.

Jus *aequum* est jus sententiâ facto aequum, verbis iniquum, et dicitur *aequitas naturalis*, *utilitas juris*, quia ea ratione jus utile est, non *iners* feriat, aut *nequam* nocet.

Justitia vel injustitia legislationis est :

Circa jus sive legem, dum dictatur, stat *justitia* vel *injustitia*.

Rigor vel aequitas interpretationis.

Circa jus sive legem jam dictatam stat *rigor*, vel *aequitas*.

In qua republica judicia directa ?

In omni republica, ubi judicia non agitantur legibus in commune praescriptis, omnes actiones sunt directae, quamquam severae, ut in Horatium (1); vel invidiosae, ex quibus ostracismo Athenis, Privilegiis Romae clarissimi viri pulsi (2).

In qua utilia ?

In omni republica, ubi judicia conceptis in universos legibus celebrantur, si sit Optimatum, regnat *jus rigidum*, ex Spartanorum Jurisprudencia (3); si sit libera, viget *aequitas*, quae apud multitudinem regnatricem eloquentiâ est obtinenda (4); si sit regia, et *aequitas* quoque reguat, sed *solis rerum momentis*, ut regnum decet, *pensitata*.

VIII.

De eloquentia forensi pro rerumpublicarum natura.

CXCIX. Hinc Athenis eloquentia floruit; Spartani verborum rudes: Romani, dum respublica Optimatum viguit, rudes quoque; dum viguit libertas, eloquentes regnarunt: *sub Principatu, elegantiam Jurisconsultorum invalescente, eloquentia in juris causis obmutuit*. Veneti forenses eloquentiam obscuro loco natis permittunt, et ita contemptibilem fecere. Neapoli vero forensis eloquentia in privatis judiciis ad summos honores aditum patefacit; magna species libertatis sub regno; nam in judiciis publicis, quae crimine constant, non tanti habetur.

IX.

De judiciis stricti juris et bonae fidei ex rerumpublicarum natura.

CC. Et dum Romana Respublica sive Optimatum natura fuit, sive adeo libera, in qua tamen Optimates suis artibus pollebant, omnia judicia fuere *stricti juris*: quod evincit *Acceptilatio* inter *actus legitimos* numerata (5). Quare omnia, quae naturalis ratio deberi dictabat, ut juris Romanorum Quiritium vim haberent, in stipulationem erant transformanda, qui contractus ob id *Παρόξενος* dictus; cujus formulam postea elegantissimam et absolutissimam Gallus Aquilius concepit (6): ita ut ne *emptio venditio* quidem,

Omnes obligationes a jure Quiritium agnitae, stricti juris.

(1) Cap. CXLIX in pr. et § Ad haec. (2) Cap. CLXIII. (3) Cap. CLXXXI. (4) Cap. CLXXXVII in pr. § Et hac. (5) Cap. CXXIX. (6) § 2. Instit. Quib. mod. toll. oblig.

omnium contractuum, qui jure novissimarum gentium sunt introducti, facile princeps, bonae fidei principio agnita fuerat; cum emptores de evictionis fortuna *dupla stipulatione* apud priscos sibi caverent.

Sed postea, praevalente libertate, judicia bonae fidei sunt introducta; et stricti juris mansere *stipulatio* et *litterarum obligatio*, quia in id institutae, ut iis sibi cives caverent: *mutuum* praeterea, quo omnino in creditum abitur; unde *κατ' ἐξοχήν*, qui dat mutuum, *credere* dicitur (1), et *ex uno tantum latere bonus* est; nam mutuum ex sui natura non fert usuras; et actiones ex ceteris caussis, ubi *neuter alteri bonus*, ut sunt actiones reales omnes; unde diu de *hereditatis petitione* inter Jurisconsultos dubitatum, an esset *bonae fidei* judicium (2): at ex reliquis omnibus, in quibus *uterque alteri bonus*, aut si *alter tantum bonus*, non omnino *in creditum abitur*, uti ex commodato, *INTER BONOS BENE AGIER*, vel *QUANTUM AEQUIUS MELIUS*, formula *bonae fidei*, sive *ex bona fide* praestari dictabat.

In republica mere regia, ut inter Turcas, vel mere libera, in qua judicia scriptis in commune legibus; ut Athenis, definiuntur; omnia judicia sunt *bonae fidei*.

In republica natura regia mixta legibus maxima ex parte sunt *bonae fidei*, et aliqua *stricti juris*, ut in Romana sub Principatu.

CCI. Sed Aristoteles in *Ethicis* fuisse respublicas memorat, in quibus jus de privatis rebus non dicebatur; ut inter cives promissi pudor custodiretur, ubi non temere credebatur; et rei cujusque suae recte administrandae intenderetur prudentia; nec respublicae ex civium temeritate privatorum litibus inquietarentur.

Ad hanc formam accedit respublica Optimatum; in qua *jus scriptum riget*: cum enim ibi omnia ferme legibus certa sint, rara agitantur judicia; sed quia humana voluntas incertissima est, crebra sunt arbitria, quae solo pudore naturali, nulla juris necessitate recipiuntur: unde ubi Romani de aliqua re contenderent, et neuter alteri cedere vellet, illa formula utebantur: *quemvis arbitrum adige de hac re, vincam scilicet*; et iudex dictus *vir bonus*; et tam vulgaris formula illa, *viri boni arbitratu*.

Ab iis Aristotelis rebuspublicis longe abscedit, in qua *jus benignum legibus celebratur*: nam quia omnes volunt experiri juris necessitatem, *omnia sunt judicia, paucissima*

Cur stipulatio et obligatio nominibus stricti juris?

Cur item mutuum? Qui vere credunt?

Cur itidem actiones reales omnes.

Vis formulae, *Inter bonos bene agier*.

X.

De judiciis et arbitrariis pro rerumpublicarum natura.

Ubi jus riget, rara judicia, crebra arbitria.

Ubi jus aequum regnat, crebra judicia, rara arbitria.

(1) Tott. titt. Jur. de reb. credit.

(2) L. ult. C. de petit. heredit.

arbitria, et haec ipsa tamen quandam habent formam et necessitatem judiciorum: atque huc pertinet formula illa Praetoris, *inter judices arbitrosque*.

XI.

De judiciis condemnatoriis et absolutoriis pro rerum publicarum natura.

Leges publicorum judiciorum eadem ac formulae criminum et poenarum.

CCII. Sed in omni republica mera, quae *scriptis legibus riget*, omnia judicia sunt condemnatoria; quia omnia stant formulis actionum, si sint privata, accusationum, si publica. Quare uti formulae judiciorum privatorum dicuntur *legis actiones* (1), ita formulae accusationum dicuntur *leges publicorum judiciorum*: unde illa sunt, *lege agere* pro accusare, *lege agere lictorem*, quum sumit de reo poenas. Ex cujus Jurisprudentiae penetralibus Livius in Horatiano judicio haec tradit: *Hac lege Duumviri creati, qui se absolvere non rebantur ea lege ne innoxium quidem posse, cum condemnassent*. Nam si formula iu reum dirigatur, jam reus damnatus est, quem antea poena ex formula jam manebat: sin formula in reum non cadat, iudicium nullum est, utpote quod formulâ totum stabat; et cum iudicium nullum esset, ne absolutorium quidem erat.

In omni republica mera, quae *scriptis legibus non utitur*, omnia judicia sunt absolutoria: quia sola facti veritate nituntur: quare si quis non paret reus, jam est naturâ absolutus; si paret, naturâ non absolvitur, nisi det poenas.

Ordo mixtus judiciorum quid praestet?

In republica autem ubi *regnum cum scriptis legibus benigne agitur*, cum ordo judiciorum et solennitate actorum judicialium et veritate mixtus sit, judicia sunt fere semper absolutoria, quandoque condemnatoria: nam si solemnia iudicii constant, et tamen reus ex vero non sit, is condemnatur tamen. Quid autem iudex in hac facti *περιστάσει* facere oporteat, qui reum palam noscit, secreto scit innocentem, morali doctrinae definiendum relinquamus (2).

XII.

De Imperio mero et misto pro rerum publicarum natura.

Quod sit Imperium merum?

Quod mistum?

CCIII. Porro in omni republica mera sive Optimatum, sive regia, sive libera omne *Imperium merum*, sive *dictet capitis*, sive *capite minorem poenam*. Sic statim dictatâ a Duumviris in Horatium formulâ, *accessit Lictor*, ut Livius narrat, *injiciebatque laqueum*. In mere regia, ut apud Turcas, damnati statim dant poenas. In republica mere libera, vel praeclarissimi Viri Athenis Ostracismo, Privilegiis Româ pulsi adversus ingratas poenas nullam provocationem habebant. In rebuspublicis mistis omne imperium

(1) L. 2, § Et ita, D. de orig. Juris.
Inst. de perpet. et tempor. Action.

(2) Ad ornatum § fin.

mistum, vel quum capitis poenam imperat; est enim *appellatione temperatum*.

Igitur Tullus Rex rempublicam hac in parte meram Optimatum libertate miscuit, ubi ex eadem lege Horatio *provocationem ad populum clementi interpretatione*, ut Livius ex adytis doctrinae civilis loquitur, permisit. Nam si fuisset jus Horatio ad populum provocare, vana haec fuisset Regis clementia: sin eo jure Horatium eximi ratio aliqua suaderet, non clementia fuisset, sed aequitas. Igitur Tullus, Rex belligerus, et *feroci ingenio*, Romuli, ut Livius tradit, *non absimilis*, qui omnem Hesperiam bellis subjugare agitabat, quo facilius bella gerere posset; per quae Reges in Optimatum rebuspublicis regnant maxime; quia Optimates semper bellis adversantur, metu ne Reges longa consuetudine bellorum, militarem sibi factionem confirment, qua Regnum Optimatum in merum convertant; contra feroces plebes ad bella sunt pronae: Tullus, inquam, eam pulcherrimam occasionem nactus, lubens arripuit in popularissima causa Rei victoriâ inclyti, qui unus Romanum Imperium servavit et auxit; ut et Optimatum ordinem appellatione ad populum infirmaret, et plebi unâ operâ rem gratissimam faceret; et ita plebis favore fretus contra Optimatum instituta facilius bella gereret. Hinc Optimates postea in republica libera provocationem ad populum extingui sedulo curaverunt: unde *lex provocationis* ad populum per Valerios, populari ejus familiae fato quodam ter repetita.

Tullus institutor provocationis ad populum.

Civilis ejus facti ratio.

Optimates provocationis hostes.

Populare familiae Valeriae fatum.

In Regnis, quae legibus mista sunt, appellationes passim dantur; et ab ipsis Regibus ex eorum clementia ad ipsosmet reclamatur.

CCIV. Postremo in republica mere regia, quia unius consistit metu, criminum poenae crudeles: sed apud unum et summum datur, perraro tamen, clementiae aditus. In republica Optimatum mera, quia paucorum est imperium adversus multitudinem obtinendum, severa exempla quoque ab Ordine eduntur in reos: cujus vestigium mansit in nostri temporis Foris, ut poena mortis *ordinaria* dicatur: neque poenae clementia temperantur; quia summum imperium stat apud plures. Unde severissimae Spartano poenae: ex quo genere sunt prae cae inter Romanos poenae, quae in XII Tabb. relatae sunt, *oboeratorum corporum vivorum sectiones, dejectiones falsorum de saxo; eorum qui fruges noctu pavere, aut secuere suspendia; et judicum, qui ob pecuniam male judicarunt, suprema sup-*

XIII.

De poenis pro re-rumpublicarum natura.

Cur in republica Optimatum severissimae poenae?

Cur poena capitis nunc ordinaria vulgo dicatur?

plicia. Et Athenis, resurgente Optimatum potentia, Leges Draconis sanguine scriptae. Quam sane, neque aliam legum severitatem, qua vel Horatius damnatus est, queruntur Patricii juvenes apud Livium, qui ob id Tarquinius et Regnum malunt: quam severitatem mox ipsi experti sunt misero illo Romano virtutis exemplo, quo duo Bruti filii, patre dictante poenas, in praeclarissimae domus orbitatem, securi percussi sunt. Qui Livii locus non omnem libertatem per Brutum populo constitutam monet, sed tantum, ut ne Reges singulos et perpetuos, sed binos annuosque crearet. Quam non *libertatem*, sed *libertatis originem* diserte appellat, *inde magis; quia annuum imperium Consulare factum est, quam quod deminutum quicquam sit ex regia potestate: omnia jura, omnia insignia primi Consules tenent: id modo cautum est, ne si ambo fasces haberent, duplicatus terror videretur.*

A Bruto non omnis libertas populo constituta.

Cur in republica libera poenae mitissimae;

Mira rerum Romanarum a poenis conversio.

Jurisprudentia Romana non peregre convecta, sed domi nata.

Ut Jurisprudentia benigna adolevit et perfecta est sub Principatu.

In republica autem libera, quia ad quemque minima pars reipublicae redit, et populus est internecionis tutus, et communis fortunae memoria omnes ex aequo subit, sunt poenae mitissimae.

Hinc Republica Romana ex natura Optimatum in natura liberam transformata, severissimae Legis XII Tabb. poenae, quas nuper memoravimus, exolvere: et Cicero T. Labienum inhumanitatis reprehendit, quod in Rabirium perduellionis reum illud Romanae mansuetudini jamdiu inauditum et horrendum carmen dictet: *I Lictor, colliga manus*, etc.: quod dictatum in Horatium, qui unus imperium Albae Romae subjecit, populus nedum non exhorruit, sed jus putavit, *absolvitque*, ut Livius narrat, *admiratione magis virtutis, quam jure caussae*.

Atque haec omnia, quae de praecipuis Romani Juris argumentis ex rerumpublicarum natura disseruimus, luculenter demonstrant, hanc propriam Jurisprudentiae Romanae naturam non ex alienis civitatibus comportatam, ut hactenus Athenis et Lacedaemone vulgo putatum est (1); sed indigenam et nativam esse, et ex ipsius Romanae libertatis cum Optimatum regimine mixtura extitisse; uti ex Optimatum et libertatis mixtura cum Principatu adolevit, et omnino perfecta est.

CCV. Nam verso civitatis statu Augustus haec regni consilia adhibuit, ut orne jus Romanum, quod in republica libera certum erat, ad *regiam manum* (2) vere rediret. Po-

(1) Ad § Et non ineleganter. Instit. de Jur. nat. gent. et civili.

(2) Non de qua diximus, Cap. CXLI, § Atque.

tissima arbitrio Principis, ut inquit Tacitus, nempe gravioris momenti publica, de quibus palam cum populo antea agebatur, ut de bello, pace, foederibus, et militiae arcanis *intra sacra domus* coërcuit.

CCVI. Innumeras leges de jure publico ipse, et multas de jure privato auctoribus Consulibus (1) ad populum tulit; *quarum tituli*, ut Tacitus tradit, *ejus funeri praelati sunt*. Namque, ut in republica Optimatum regno, vel libertati mista arcanum potentiae Optimatum fuit jus in latenti et legum paucitas cum Jurisprudencia rigida, ut latissime supra est demonstratum (2); ita in republica regia vel libera mista Optimatibus arcanum libertatis vel regni sunt leges palam et plurimae, circa quas versetur *Jurisprudencia*, ut ita dicam *popularis*, hoc est *benigna*, ut supra diximus quoque (3), quae et populo gratum faciat, et ordinis auctoritatem affligat. Hinc sub Tarquinio Superbo, ut vidimus (4), *leges* a Papyrio, sub Appio Factioso *Fasti* a Flavio vulgati. Tullus, qui regnare in bellis volebat, provocationem ad populum instituit: Servius Tullius, qui Regnum Optimatum instituto censu pene convellit (5), praecipuus *Sanctor Legum fuit*, ut Tacitus tradit, *quibus etiam Reges obtemperarent*. Appius Claudius, qui Decemviratum in Regnum convertit, *de vindictis secundum libertatem* aequissimam *legem* tulit. Consepulto per barbarium Corpore Romani Juris, cum omnia ferme Europae Regna Optimatibus, vulgo *Baronibus* jamdiu premerentur; eo postea Lotharii temporibus Amalphi reperto, Jus Romanum naturalis aequitatis plenissimum statim in Italia, mox in Germania, Gallia, Hispania, Hungaria, Polonia, Svecia, Belgia, Anglia, communi gentium consensu receptum est, ut leges Romanae jus quoddam gentium in universa ferme Europa constituisse videatur.

CCVII. Sed dum Augustus id simulacrum libertatis objicit populo, aliud potentiae objicit Patribus; quibus juris privati et publici quoque, quod poenas irrogat, condendi auctoritatem permittit, ut supra diximus (6), initio facto a Syllaniano Senatusconsulto *de Quaestione Familiae*, quae sub eodem tecto sit, ubi Dominus occisus inveniatur, Dolabella et Silano Consulibus factum Augusti temporibus, Anno DCCLXXII, ut censet Cujacius; quare *Silanianum*

I.
*Multitudine legum
et clementiae fama.*

Interiores causas
Romani Juris ab u-
niversis ferme Euro-
pae regnis recepti.

II.
*Senatusconsultis
de jure privato.*

(1) Cap. CLXIII. (2) Passim usque ad Cap. CLXVII. (3) Cap. CLXXXVII. (4) Cap. CLXXI, § Hinc aperiuntur. (5) Cap. eod. § At Servius. (6) Cap. CLXXII.

esset appellandum. Sed ea ipsa Senatus auctoritas juris condendi a Principe, tanquam a fonte ducebatur; quia fieri debebant ad Principum Orationes: unde passim *Orationes Principum* pro *Senatusconsultis* in jure dictae: ita ut Principis *Oratio* successerit *Consulis relationi*, ex qua *Senatusconsultus ex Ordine* fiebat (1): et sic ad *manum regiam* res rediit (2).

III.

Quaestionibus criminum ex ordine naturali.

Publicorum judiciorum historia.

Leges Corneliae, Juliae hodie Tituli Accusationum.

IV.

Jus Praetorio Jus civile emendante.

De Jure fideicommissorum.

CCVIII. Ad haec ipse Augustus crimina coepit cognoscere, *summa*, ut Svetonius refert (3), *lenitate*. Nam principio leges a Duumviris, deinde a Quaestoribus in reos severissimae dictatae: postea in crimina a Lege XII Tab. severissimae quoque sancitae: et ante et post XII Tab. privilegiis mitiores quidem, sed et in singulos irrogatae: posthaec a Sylla *Quaestionibus perpetuis* iterum in commune et severae conceptae: mox etiam legibus Consularibus in singulos; ut in *Milonem*, latae Quaestiones: unde ab Augusto legibus *Julii Quaestiones perpetuae*, at leniores restitutae; cujus rei argumento est, quod *Legem de maritandis ordinibus*, ut idem Svetonius memorat, quia *aliquanto quam ceteras Severius emendasset, prae tumultu recusantium perferre non potuit*. Tandem Praefectus Urbi de criminibus coepit cognoscere; qui ex legibus ita decerneret poenas, ut benignitati etiam consuleret. Quapropter leg. *Corneliae, Juliae* mansere *Accusationum Tituli*, quibus Praefectus Urbi pro arbitrio moderaretur.

CCIX. Praeterea Augustus coepit augere Praetorum potestatem. Edicta proponendi, quibus jus civile corrigerent, et emendarent, initio facto a *Fideicommissis*, ut in necessariam juris praestationem abirent: cujus rei ipse Justinianus eam civilem vulgo politicam rationem affert, *quod jus sum videbatur, et populare erat* (4). Sed in hac re Eruditi communiter labuntur: namque id jus a Praetoribus sub Augusto, non ab Augusto, neque Senatusconsulto ad Orationem Augusti introductum est; cum fideicommissa etiam postea nullum jus Optimum, nullum jus Quiritium peperissent; quod parere necesse fuit, si aut Princeps aut Senatus id jus constitueret. Itaque concedendum quidem est, Augustum super ea re Sapientum consilium adhibuisse, in quibus Trebatius ei suavit fideicommissorum utilitatem (5): concedendum quoque est, Augustum jussisse Consulibus

(1) Cap. CXCIV. (2) Cap. CXLI, § Atque in fin. (*) (3) In ejus Vita, cap. XXXIII. (4) § 1. Inst. de Fideicom. heredit. (5) § 1. Instit. de Codicillis.

(*) Sed confer quoque Cap. CCV.

super ea re auctoritatem suam interponere (quam interpretor non *juris*, sed *dignitatis*); qua moti heredes gravati satis pudori facerent, et suae fidei commissa praestarent. Sed hoc, quia justum videbatur, et populare erat, paulatim conversum est in assiduam jurisdictionem; tantusque eorum favor fuit, ut paulatim etiam proprius Praetor crearetur qui de fideicommissis jus diceret, quem *Fideicommissarium* appellarunt (1). Tamen vel *Institutionum* temporibus sub Justiniano jus testamentorum a jure codicillorum erat longe aliud (2): nam quod Labeo *codicillos fecisset*, alterius sectae Jurisconsultorum princeps, *jam nemini dubium esset, quin codicilli jure optimo admitterentur*, ut refert Justinianus (3); accipiendum est de *altera juris optimi parte*, hoc est de *necessaria juris praestatione*, non de *altera*, nempe de *juris solemnitate*, de qua utraque supra diximus (4).

CCX. Atque in fideicommissorum causa omnium primum coepit ex Edictis Praetorum quoque nasci Jus Optimum, quod hactenus ab Urbe usque condita ex *actibus legitimis* parabatur, significatione tamen, ut paullo ante diximus, *juris certissimi*; nam acceptione *juris solennis*, nomen et jus heredis apud heredem fideicommisso oneratum mansit.

Hinc regulam licet statuere, omnia de *bonorum possessionibus* edicta, omnes *actiones praetorias* post Augusti tempora a Praetoribus esse introductas. Nam si Augustus ipse sapientum consilium adhibuit in re tantae utilitatis, quantam ei Trebatius maximae auctoritatis Jurisconsultus suasit (5), et tamen Augustus veluti tentabundus semel atque iterum, vel quia per ipsius salutem quis rogatus esse diceretur, vel ob insignem quorundam perfidiam, jussit Consulibus auctoritatem suam interponere (quam paullo supra interpretati sumus non *juris*, sed *dignitatis*), ut inde sensim in jus necessarium abiret: si, inquam, id tanta sedulitate egit Augustus, ne acerbe jus civile perumperet; putamus *Servianam*, atque adeo *Paullianam*, *Calvianam*, aliasque actiones praetorias sive *rescissorias*, sive *restitutorias in integrum*, quibus jus civile corrigitur, ante Augustum natas esse? Deinde Augustus lege *Papia Poppaea* tum in *caducariis capitibus*, ut exhaustum aerarium repararet,

V.
Jure Optimo ex
Praetorum Edictis
constituito.

Regula dijudicandi
de temporibus actionum
praetoriarum.

(1) Dict. § 1. Inst. de Fideicommissar. heredit. (2) § 2. Instit. de Codicill. (3) § 1. eodem. (4) Cap. CXXVIII, § Juris autem. (5) Dict. § 1. Instit. de Fideicommissar. heredit.

tum *caelibatus poenis*, ut populus Romanus bellis civilibus pene vastus celebraretur, et tamen non sine invidia tantam diligentiam adhibuit: et putamus Praetores jam bonorum possessiones ante eum dedisse in pauperiem aerarii, et ad orbitatem fovendam; quando poterat Princeps hanc juris praetorii partem in perpetuum extinguere, quam Praetores ipsi ante Adrianum in annos singulos poterant?

VI.

Aucta Jurisprudentum auctoritate.

Quando Jurisprudentia a Patriciis abscedere coepit?

Eruditorum anachronismus.

CCXI. Insuper Augustus, ut omnes eum *omnis Romani Juris fontem* agnoscerent, quando antea Patricii, *qui fiduciam studiorum suorum habebant*, ut Pomponius narrat (1), consulentibus respondebant, constituit, sub majoris auctoritatis imagine, ut Jurisconsulti ex sua auctoritate responderent; et sic publice respondendi munus instituit; idque beneficio petentibus dare coepit. Atque ita coepit Jurisprudentia e manibus Patriciorum elabi.

Sed heic foedus occurrit Eruditorum Anachronismus (2), putantium ab Augusto jus respondendi datum esse Jurisconsultis ea auctoritate, ut judici recedere a responsis eorum non liceret: quae sane errandi necessitas iis ab ipso § (3) non fiebat, cum ibi a Caesare, non ab Augusto dicatur: deinde Pomponius non id ait, beneficio dedisse petentibus jus respondendi hac tanta auctoritate, sed ut ex auctoritate responderent, ut major juris auctoritas (quam cuique praestabat privata suorum studiorum fiducia) haberetur. Et sane quâ fieri poterat sub Augusto, ut iudices Jurisconsultorum Responsa in judicando sequi tenerentur, cum et sub eo et diu sub sequentibus Principibus is ordo judiciorum fuerit, ut si de formula quaesto juris existeret, iudex litigantes ad Praetorem remitteret, a quo certius sive explicatius jus reportarent.

Quid igitur? In § *Responsa prudentum* Caesar non Augustus, sed Adrianus est, qui notatus forsitan per A non perscriptus apud Pomponium errori locum fecit (a). Adrianus enim, qui effrenem Praetorum licentiam in Edictis figendis refingendisque, Edicto Perpetuo, quod Salvio Juliano componendum mandavit, coercere volebat; si ejusmodi ju-

(1) L. 2. § Primus Divus Augustus, D. de orig. Juris.

(2) § Responsa Prudentum, Instit. de Jur. natur. gent. et civili.

(3) Responsa Prudentum.

(a) Idque confirmat lectio ipsius § *Et ut obiter*, in d. l. 2 apertissime inepta, immo falsa, nisi ita emendetur; nam ante D. A. Divum Augustum, ne dum Princeps ullus jus respondendi dedit nemini, sed nullus omnino Princeps Romanus fuit.

ris quaestiones de formula, quam Praetor ex Edicto Perpetuo dictasset, quas, quia ex Edicto Perpetuo dictabat, multas et crebras oriri necesse erat, constituit, ut de ea re certi Jurisconsulti publice instituti a iudicibus ipsis consulerentur; ex quorum signatis responsis iudices sententias ferre tenerentur. Quod munus ne praetura quidem functis petentibus dare voluit, rescribens, *non esse id munus, quod ab Augusto beneficio peti solebat, sed esse munus quod ipse beneficio daret*, intelligens viris iustitia et prudentia praeclarissimis.

Hinc et ejus muneris summa dignatio, et frequentia ejusmodi Quaestionum ad Edictum Perpetuum in causa fuisse, ut innumera et solertissima naturalis aequitatis vestigandae ingenia excitarentur, qui ad Edictum Perpetuum commentarios iustitiae et sapientiae laude praeclarissimos lucubrarent.

Sed quando haec ita se habent, scrupulus etiam restat, in quibus causis Jurisconsulti ab Augusto constituti juris faciebant auctoritatem? in illis eorum civium, qui ut lites fugerent, ex Jurisconsultorum responsis controversias decidere malebant: unde illa locutio. de qua supra (1), *Quemvis arbitrum adige, vincam scilicet*. Ita ut Jurisconsulti essent quidam *Arbitri juris* a partibus ultro sumpti: nam a Praetore dati de facto cognoscebant: ad quos pertinet illa formula, *Inter Judices Arbitrosque*. Itaque ante Augustum de lite Jurisconsulti responso poterat altera pars jus postulare a Praetore: hoc D. Augusti instituto vetitum deinceps Praetori est jus dicere de causis; de quorum jure Jurisconsulti ab Augusto constituti respondissent.

CCXII. Papyrius autem Flaviusque Augusti fuit, sub eo alterum ab Atejo Capitone; ut Tacitus laudat, *pacis decus*, non, ut illi, ex regni vel potentiae assentatione, sed ex veri studio (2) *Antistius Labeo, vir incorrupta libertate, et ob id fama celebratior*: nam *Capitonis obsequium dominantibus magis probabatur*. Et tamen Capito juris antiqui acer custos; Labeo juris naturalis et veri assertor. Augustus libens utrumque alteri de jure adversari permisit, ob eam utilitatem, ut jus certum Romanorum in quaestiones abiret, ita Divina Providentia moderante, ut Capito imprudens (a), Labeo praeter propositum Augusti artibus

Unde copia optimorum Jurisconsultorum, Edicto Perpetuo composito?

Jurisconsulti ante Augustum erant quidam Arbitri juris.

VII.
Sectis Jurisconsultorum.

(1) Cap. CCI, § Ad hanc formam. (2) L. 2, § Hi duo, D. de or. Juris.

(a) Nisi potius sciens, ut seduli adulatorum solent; religiosum juris videri, quo majori fide et gravius assentaretur Augusto.

uterque serviret, et Capito sua prisci juris pertinacia id resolveret, Labeo suo veri studio jus Codicillorum suo exemplo firmaret.

Ita ii duo extitere praeclarissimi sectarum in Jurisprudentia Romana principes. Nam Capitoni Masurius Sabinus, Sabino Cassus Longinus, a quo *Cassiani*, Cassio Caelius Sabinus, a quo *Sabiniani*; Labeoni autem Nerva, Nervae Proculus, a quo *Proculejani*, Proculo Pegasus, a quo *Pegasiani*, successere. Capito, quia in iis quae tradita fuerant, ut Pomponius narrat (1), *perseveravit*, nempe in *Jurisprudentia antiqua*, quae jus utilitate aestimabat, et in *Metaphysica* Poëtarum, quam eandem supra diximus ac Epicuri esse, fundata erat, errori locum fecit Eruditis, ut eum in suam sectam Epicureorum philosophiam peregre importasse putarint. Labeo autem, quia a *Capitone ingenio et moribus diversus* erat, ut Tacitus observat, in jure interpretando diversam quoque a Capitone inivit viam, et *plurima*, ut Pomponius refert, *innovare studuit*; ac proinde

Eruditorum de philosophia Jurisconsultorum error unus.

Labeo Jurisprudentiae novae auctor.

Eruditorum error alter.

Propria Jurisprudentiae Romanae Philosophia ad Platoniam accedit.

Jurisprudentiae novae primus extitit auctor, quae jus honestate censet: quod errori locum fecit alterum Eruditis, ut eum in suam sectam Stoicam Philosophiam intulisse crediderint. At Juris Romani philosophiam demonstravimus a majorum gentium sapientia una cum ipsarum jure accepisse Romanos et conservasse, et ipsius Jurisprudentiae ductu ad Platoniam accessisse (2).

Nec tamen abnuerim, Labeonem, ut Pomponius innuit, *studiis sapientiae dedisse operam*, hoc est *Stoicae Philosophiae*. Sed ea, ut de Celso supra diximus (3), viri, non Jurisconsulti Philosophia est. Etenim ut reipublicae Optimum propria est aequitas civilis, quae jus censet utilitate; ita Regni, quod legibus est admistum, propria est aequitas naturalis, quae jus censet honestate.

Rationes quibus Jurisprudentia in Doctrinam abiit; Principia juris;

Ut autem eae sectae fundarentur necesse fuit, quaedam principia juris utrique sectae communia statuere, ex quorum confectis rationibus altera alteram oppugnaret; et quaedam nomina definire, quo artis vocabulario utrique alteros intelligerent. Communia autem Jurisconsultis principia fuere *Dogmata Metaphysica*, de quibus nos supra diximus (4), et quaedam *Placita*, quae dicuntur *Regulae juris antiqui et verba artis*, in quae convenirent, definita; quae sunt

Communia placita juris;

Definitiones nominum juris;

(1) L. 2, § Hi duo, D. de orig. Juris. (2) Cap. CLXXXV, § Hanc a gentibus. (3) Cap. CLXXXV, § Nam quod Celsus. (4) Dicto Cap. CLXXXV, § Namque.

sub Tit. *de Verbor. signific.* et passim alibi. Ex his *principiis juris*, his placitis juris, his definitis nominibus juris, et notitiâ omnis juris Romani conditi, Jurisconsulti Topicam *legalem* sibi crearunt, qua argumenta ad disputandum de jure controverso invenirent, Capitoniani *ex utilitate civili*, quapropter *Jurisconsulti Politici*, Laeoniani *ex aequitate naturali*, qui proinde *Jurisconsulti Morales* appellari commode possent.

Topica juris.

Capitoniani Juris-
consulti Politici.
Laeoniani Juris-
consulti Morales.

Quae cuncta nasci apud Spartanos non potuerunt, apud quos leges, quia non scriptae, semper praesenti et vulgari lingua diserte loquebantur; nec apud Athenienses, inter quos quotannis emendabantur; et Pragmatici Topicam *legalem* non callebant, qui Legum Historiam tenebant, non *potestatem* et *vim*; Oratores prae caussae studio spectabant jura legum; Philosophi circa suae Reipublicae leges numquam versati sunt. Per has rationes vix latâ Lege XII Tabb., et Legum et interpretandi *Scientia* fuit, ut Pomponius tradit, apud Collegium Pontificum (1): et ex caussis, quas supra continenti serie disseruimus ea conversio rerum facta est, ut quemadmodum principio Formulae Pontificum de jure privato disputatione Fori in jus civile abibant (2); postea disputatio Sectarum excussit jus naturale, juris civilis reverentiâ contextum Edictis Praetorum; vel juris civilis auctoritate munitum Senatusconsultis, vel Constitutionibus Principum.

Cur Romani in tra-
ctandis legibus Athe-
niensibus meliores.

Lata Lege XII
Tabb. coepit Juris-
prudentia Romana.

Antiquae Triturae
Fori disputatio Secta-
rum similis.

CCXIII. Sed bona et magna parte harum caussarum, quibus Jurisprudentia Romana propria efformabatur, difformari incipiebat: nam libertas opinandi de moribus introducta nisi singulari virtute regatur, sententiarum monstra parere solet; ut nostris temporibus ex hac causa innumeras opiniones per summam sapientiam et pietatem a Pontificibus Maximis damnatas, et in dies damnari observamus: et ubi beneficia petuntur, non dantur, nisi Sapientes ii sint, quorum in manu est ea dare, plerumque immeritis conferuntur; cumque Augustus instituisset, *jus respondendi beneficio peti posse*; hinc in tanta copia Jurisconsultorum, quantam fuisse ab eo ad Adrianum usque necesse est, vix ad quatuordecim quindecim memoria dignos Pomponius numerat: atque hinc Praetorum superiora edicta corrigendi effrenata licentia.

De Jurisprudentia
sub Adriano.

Unde Praetorum
Edicta mutandi ef-
frenata licentia.

His de caussis Adrianus optimus princeps Edictum Per-

(1) L. 2. His legibus lati, D. de or. Juris.

(2) Dict. § His legibus, vers. Haec disputation.

Novissimae causae
ex quibus Jurispru-
dentia nova extitit.

De Jure Romano
sub Constantino.

Sub Constantino
Jurisprudentia nova
extitit tota.

Jus medium Ro-
manum imago juris
antiqui.

Cur jus Digestorum
antiquum dictum?

Jus Digestorum re
ipsa novum.

Jus Praetorium
praelux Juris civilis
novi ac novissimi.

petuum componi Salvio Juliano sapientissimo Jurisconsulto mandavit, quod ut plurimum ex *translatiis edictis* et aequitatis naturalis diu spectatae conscripsit, ex quo deinceps Praetores jus dicerent, sublata licentiâ mutandi: constituitque, munus publice de jure respondendi *non ultra beneficio peti, sed praestari*, nempe spectatis legum scientia, et morum gravitate Jurisconsultis, qui *sua fiduciâ populo ad respondendum multo ante se praepararant* (1): atque ii cum ad Judicium Consultationes responderent, inauditis caussarum Patronis, nam responsa obsignata et occulta dabant, integerrima dabant. Unde Eloquentia Forensis prorsus obmutuit; cui gravis et culta Jurisconsultorum elegantia successit: et ita in immensum auctâ Jurisconsultorum dignitate, et maxima quaestionum ad Edictum Perpetuum frequentia, omnino desiit Jurisprudentia ad Leg. XII Tabb. coli, et tota coepit ad Edictum Perpetuum celebrari.

CCXIV. Cumque tandem omne juris civilis arcanum patefactum esset a Constantino Magno Imp. qui formulas omnino sustulit (2); quod conjicio fecisse tum ipsius naturalis aequitatis monitu, ut quibus verbis actor suum jus adversarium docuisset, in id jus recte sententia dirigeretur; tum quia Religionem Christianam complexus, formulas juramentorum tollere voluit, quae per falsos Deos concipiebantur, ex quibus actio in factum ex jurejurando dabatur; hinc Constantini temporibus *nova Jurisprudentia* tota extitit.

CCXV. Nam a sola Juris antiqui reverentia, quam Praetores et Jurisconsulti habent, *Jus Digestorum*, quod vere *medium* diceres, Justinianus *antiquum* appellat Constitutione *de veteri jure*, quod momentose et eleganter dixit, *enucleando*; namque *nucleus* est jus naturale, sub juris civilis *putamine, cortice*; cum alioqui *jus*, quod appellat *novum Cod. de novo Codice faciendo*, quod in ipso Codice prostat, id antiquo *Digestorum* synchronum sit: nam Jurisconsulti, ex quorum scriptis libros *Pandectēs* composuit, praeter eos, qui ad Edictum Perpetuum, alii qui de aliis juris argumentis scripsere, ferme item omnes, ut eorum Index *Digestis* praepositus commonstrat, ab Adriano incipiunt; ut et ab Adriano incipiunt Imperatores e quorum Constitutionibus Codex Justinianus compositus est. Tanta sedulitate et mora leges, ut par est, in Republica Romana

(1) L. 2, § Primus Divus Augustus, D. de orig. Juris.
(2) Cod. de Formul. sublat.

mutatae, ut jus Praetorium nihil jus civile corrigeret, sed tantum quaedam juris naturalis commoda subministraret; ut ex. gr. *instar heredis, instar sui, instar adgnati* haberet *instar quoddam haereditatis*, hoc est non *jus*, sed *bona*; quod jus Praetorium pro regni natura moneret postea Principes, ut vel Senatusconsultis, vel Constitutionibus naturalem aequitatem regie complexi constituerent, ut omni juris civilis, et Praetorii discrimine sublato *legatis fideicommissa in omnibus et per omnia* essent *exaequata, emancipati cum suis, cognati cum adgnatis defuncto succederent iure optimo* non sola significatione, qua *certissimum*, sed etiam, qua *solemnissimum* est (1).

CCXVI. Atque eo pacto, uti *Jus civile* commune fuit tanquam surculus ex quo jus gentium majorum in jus gentium minorum effloresceret (2); ita jus Praetorium fuit tanquam Tradux, quo jus civile antiquum Legis XII Tabb. in jus civile novum Constitutionum traduceretur.

CCXVII. Atque ex hac perpetua successione caussarum juris optimi, quas a prima usque humanitate contexuimus, vides Jus optimum a majoribus gentibus paternis Imperiis, Clientelisque fundatum (3) ut *virtute partum* (4), ita *virtute fuisse custoditum*: nam ut Patrum inertia laxatum est, aut amissum (a), ita insignes in Republica Romana fecisse mutationes. Id enim moribus receptum a Romanis, in *Jus Quiritium* (5) divisum est *duplex*, alterum *publicum*, quod auspiciis Gentes, Connubia, Magistratus, Sacerdotia Patribus custodivit; *privatum* alterum, quo agrorum dominia continebantur (6): et ut *jure patriae potestatis*, et multo magis *jure nexi* respublica fundata est; ita eadem utroque aucta et amplificata, ut latius in Leg. XII Tabb. disquisitione Libro II explicabimus. Heic tantum colligere datum est, quod Patres privato jure Quiritium plebi concessio, publicum sibi retinere, ut plebs Romana essent Patrum *nexi optima omnium conditione*: nam Socii fuere *nexi Romanae conditionis*, ut plurimum *mediae*, qui jure optimo agrorum mulctati, quorum optimo jure dominium populi Romani victoriâ factum est, eorundem dominium bonita-

Jus Praetorium tradux juris antiqui

De Reipublicae mutationibus a jure optimo.

Jus optimum deinde Quiritium virtute partum, virtute custoditum.

Duplex, Publicum,

Privatum.

Super duplici Jure Romano Respublica fundata patriae potestatis et nexi.

Nexi jure optimo Plebs Roman.

Nexi conditionis mediae socii.

(1) Cap. CXXVIII, § Juris autem optimi. (2) Cap. CXXXIV. (3) Cap. CI, CII, CIII, CIV. (4) Dicto Cap. CIV, § Sic optimi, et § Atque id est Jus optimum. (5) Cap. CXXXIII et CXXXIII. (6) Cap. CXXXIV et CXXXIX.

(a) Namque Jus virtute fundatum, virtute quoque ab libero populo, Imperii quoque domino obtinendum, neque luxuria, avaritia, ambitu, unde discordiae civiles ortae, et inde servitus nata, perendum erat.

Nexi conditionis infimae dediticii.

Prima insignis diminutio Juris optimi, census.

Alteri, connubia plebi communicata;

Ut Jus Quiritium factum est Jus Romanum.

Respublica sub juris nexi exemplo augetur.

Socii, quasi nexi populi Romani.

Italia, seu plebs Imperii.

Latium et Municipia tanquam Equester Ordo Romani nominis.

Orbis terrarum quasi ingens Roma,

Et in eo una gens, Romana,

rium habebant (1): dixi plerumque; quia ferociiores gentes hoc ipso dominio bonitario mulctabantur, Romanis Colonis inter eos deductis; ut ii essent *nexi pessimae conditionis*, qui referebant primos clientes, qui agros incolitis pro victu coluerant (a) (2). Patres sua inertia sensim laxare Regibus suam juris Quiritium custodiam; et Servius Tullius instituit Censum, quo plebi ad Magistratus aditus est patefactus, et fundamentum jactum est libertatis, ad quam populus Romanus Tyrannorum impatiens mox pervenit; et praeter Patres et plebem tertius ordo, Equitum, natus est, qui esset Seminarium Senatus, in quo ordine Magistratus obscuro loco nati capere possent (3). Porro Patrum inertia laxavit plebi juris Quiritium custodiam, et communicatis plebi connubiis, Patres jura gentium non ultra propria habuere; unde mox Magistratibus et Sacerdotiis quoque plebi communicatis, omnes Romani facti Quirites sunt, et jus Quiritium in jus Romanum prolatum est: quo, ut Patres antea connubia plebis, ita Romani postea cum sociis, quamquam maximis Regibus connubia fastidiere: et uti Optimi olim jus optimum utrumque nexis incommunicatum habuerant; ita Romanis sociis, ut plurimum habebant incommunicatum jus tum Civitatis, tum Mancipi, ut socii dici possent *nexi* populi Romani. Sed uti Romani Patres jus Quiritium privatum, sive jus Mancipi plebi cessere; ita Romani principio id cessere Latio; deinde, Imperio in Provincias prolato, cessere Italiae, cujus fundi res Mancipi facti sunt, ut Italia ferme esset plebs Imperii Romani: et uti sublectiones Senatus ex Equestri Ordine fiebant; ita postea ex Latio et Municipiis, pro militiae meritis in Civitatem Romanam adscisciebantur; ut Latium et Municipia Equester Ordo populi Romani viderentur: et uti *maiores gentes per familias* dividebantur; ita gens Romana Colonis divisa per Orbem terrarum est. Atque adeo Orbis universus jure gentium, sive victoriae jure, ingens Roma erat; in Orbe una gens, in cujus nomen et imperium gentes victae abjere, Romana; unde passim apud Historicos legis, victas gentes jure victoriae

(1) Cap. CXXVII. (2) Cap. CIV, § Ad eam. (3) Cap. CLXXI, § At Servius.

(a) Contra autem Graecia ob insignem humanitatem et praeclaras ingenii artes et disciplinas a Consule Flaminio victore prorsus libera asserta est; et Graecis Rebuspublicis jus optimum, quale ante habuerunt, integrum relictum.

in Romanum nomen, Imperiumque abiisse: cujus Familiae Romanae Coloniae fuere; quibus infimae conditionis nexi, Dediticii colebant agros; nexi mediae notae erant Provinciae, quae agros colebant sibi; nexi notae optimae, erat Italia; Equester Ordo Municipia et Latium; Quirites erant Romani omnes. Tandem, attrita bellis civilibus Romana virtute, Romani jure Quiritium cessere Principibus, et, a Tiberio Comitiis e campo in Senatum translatis, non ultra Romani appellati *Quirites*. Tandem per Antoninum Civitate Romana per omnes Provincias evulgatâ (1), ut omnium gentium interesset Imperium Romani stare; Romani nominis verbo *socii*, re vera nexi redierunt ad statum illum, quo Sabini, Albanique in Civitatem aequo cum Romanis jure recepti sunt: et uti plebs Romana ultima libertatis lege *Poetelia* jure nexi soluta est; ita Provinciae a Justiniano (2) jure mancipi postremo donatae.

CCXVIII. Et Graeca humanitate sub auctoritate Romani Imperii per Orbem terrarum sparsa, Provincialibus Praetorum *Edictis* (a) inter socios, qui adempto jure optimo omnia inter se moribus agitabant, jus civile in naturale gentium humanissimarum jus abiit, quod est jus naturale gentium, de quo Jurisconsulti novi loquuntur: ita Divino Numine moderante, ut jura in terris a falsorum Deorum pudore nata, per juris gentium majorum violentias, per minorum solemnitates, iterum ad pudorem veri Dei, seu conscientiae dictamen redirent: et jura inter gentes a Caeli contemplatione orta, ad veri aeterni aeternam contemplationem, ut latius Libro II firmabimus, beatitudinem aeternam reducerent. Nam *Divina Providentia*, ut cetera omnia, *rebus ipsis dictantibus*, ita et haec comparavit, ut dum a Tiberio, uti Tacitus narrat, *veritati consulitur, libertas corrumpebatur*; Divinum Consilium praeter omne Tiberii propositum, dum a Principibus Romanis libertas, et Optimatum Ordo arcanis regni artibus corrumpuntur, per has ipsas arcani regni artes consulit veritati; ut ipsi Romani Principes ex ipsa *ratione Status*, ut Libro de *Ratione Studiorum* diximus, quae huc translata velim, a Divina Providentia ad aeterni veri cultum imprudentes raperentur.

Vis Romani nominis.

Gentis Romanae tanquam familiae, Romanae Coloniae.

Quando Jus Quiritium publicum ademptum Romanis?

Romanae Reipublicae ad sua initia recursus.

Juris et Jurisprudentiae Romanae vires Divinae Providentiae accepto tribuendae.

Jus civile Romanum factum jus naturale gentium humanarum.

Jura a pudore orta ad pudorem redeunt; et a contemplatione nata in contemplatione postremo desinunt.

Per arcanis rerum-publicarum erumpit intacta veritas.

(1) L. In orbe, D. de stat. Hom. (2) L. unic. C. de Usucap. transfor.

(a) Apposite ad hanc rem vide notam ad Cap. XXIX Libri II, § Hinc Praetores, pulcherrimum Taciti locum in *Vita Agricolae*.

Mira Divinorum
Consiliorum dispositio,
ad Christianam
Religionem Romano
Imperio insinuan-
dam.

Sic antiquissimarum gentium sapientiam a Romanis receptam, uniceque, ut supra diximus (1), conservatam, per eos ipsos rigores, quibus a Patriciis arcano potentiae, quod supra item diximus (2), est custodita, Augustus arcanis item regni consiliis, quae supra numeravimus (3), in benignam Jurisprudentiam conversam promovit; Adrianus acerrimus Christianorum persecutor pene perfecit; ut cum Constantinus Ecclesiae pacem daret, commode formulas tollere prorsus posset. Itaque quo argumento D. Augustinus Divinae Providentiae opus probat, Hebraeos a Romanis victos per universum Orbem cum sua legis pertinacia dissipatos, ut Divina de Christo Oracula in veteris Foederis libris ubique gentium extarent, quibus gentes ab infensissimis ipsis Christiani nominis adversariis Christum docerentur; eodem ipso, inquam, argumento Divina Providentia factum dicimus; ut quum Constantinus Christianam Religionem publice complexus est, Imperium Romanum quod universum ferme terrarum Orbem regebat, jam legibus Christianae Religionis conformibus regeretur; et leges Romanae cum legibus judiciorum Mosaicis amice compositae, ut utrumque Collatio incerti Auctoris demonstrat, legibus morum Christianis commodissime convenirent; et praeterea argumento in ipsos Romanos essent, Christianos ex suae religionis praeceptis Justitiam Romanorum colere.

Jura pro humanae
vitae corruptae ordine
nata.

Cur primas in ter-
ris effrenis libido?
deinde violentia?
tum phantasiae et
ingenii vis?

Demum ratio?

Mira juris naturalis
historia.

CCXIX. Et in eo quoque Divinae Providentiae ordo est cum admiratione suspiciendus: quod ut pueri omnia libidine eligunt et violentiâ exequuntur; adolescentes phantasiâ plurimum pollent; viri ratione puriore, senes solida prudentia res censent: genus humanum originis vicio infirmum, solitarium et egentissimum, oportuit primum effreni libertate facile crescere; deinde phantasia et ingenio necessaria, utilia, jucunda vitae invenire; quod seculum vere Poëtarum fuit, et brevi omnium ferme rerum inventiones terrarum Orbi commodavit; quae ad civilem vitam beate agendam usu ipso gentium probatae sunt; demum ratione sapientiam excolere, quo seculo philosophi humanae vitae officia edocuerunt: ita jus naturale primum lege justae, ut ita dicam, libidinis, justaeque violentiae ortum; deinde quibusdam justae violentiae fabulis inductum; tan-

(1) Cap. CLXXXIV.

(2) Cap. CLXXI.

(3) Cap. CCV cum septem seqq.

dem ratione aperta et generosa veritate totum perfectum extaret (*).

CCXX. Et per fabulas, quas primi Optimi ipsi sibi finxerunt, Caelum fulminibus loqui, avium volatibus nuere, unde Dei voluntas *Numen* dicta, nefariae libidini multitudinis impiae obviam itum; deinde violentiae imitamentis jus civile commune ortum, et jus Optimum fabulis inductum est; jus Quiritium juris Optimi simulacrum; jus Praetorium juris Quiritium imitatio fuit; per has omnes, inquam, fabulas juris, veritas naturae intacta prodiret tandem in usus Christianae Religionis.

CCXXI. Namque hanc juris naturalis veritatem intactam Jurisprudentia nova ad Cod. Constitutionum Imperialium celebrat, qui auspicia sumit a Tit. *de Summa Trinitate et Fide Catholica*, nempe a vera summi Numinis cognitione. Atqui ex vera summi Numinis cognitione veritatem Sacrae Historiae demonstravimus, *Adamum, a Deo creatum, natura integrum, suo vicio lapsum*; ac proinde demonstravimus *Principia Theologiae revelatae*; et ex ea derivatam vidimus veram *Doctrinam Moralem*, quae aeternum bonum sibi habet propositum; veram *Doctrinam civilem* inde prognatam, quae non aequitate civili, sed aequitate naturali respublicas regit: hinc veram *Jurisprudentiam* aequi aeternum veri cultricem. Religio Christiana haec omnia amplectitur, docet et profitetur. Igitur Religio Christiana est humanitus planissime demonstrata: ut a tanta rerum consensione, Sapientem, ut in omnibus constet, oporteat esse Christianum: quod erit perpetuum Libri II argumentum.

CAP. ULT. Principia autem Jurisprudentiae ex antiquissima majorum gentium sapientia repetimus, quae *res alias morti obnoxias, animos immortales* statuebat. Haec Principia Jurisprudentia Romana complexa est illa rerum divisione, qua aliae sunt *corporeae*, aliae *supra corpus*: quae est Metaphysica, ex qua omnia hoc Libro vera confecimus.

(*) Notanda est similitudo, quam princeps excogitaverat Vicus, inter hominem solum constitutum et civilem societatem. Vide Capita CVII, CXXXIX, LXXIV, CXLIV et paginas 48, 56 et 82, ubi quae propria est unius hominis vitae appellatio, transtulit ad existentiam vel nationum vel universi humani generis diutinam et firmis vinculis stantem significandam. — Habes in Introductione Generali rationum momenta quibus in hanc venerit sententiam Vicus, scilicet: similitudinis instituendae causa inter hominem solum constitutum et civilem societatem.

Per juris fabulas vitae verum excusum.

Rerum demonstrationum in vera Dei cognitione consensio

Ex veri Dei cognitione;

Vera sacra Historia;

Vera Theologia revelata;

Vera Christiana Moralis;

Christianorum doctrina civilis vera;

Vera Jurisprudentia nova.

Ex officio Sapientiae, ipsum docet esse Christianum.

Divinae et humanae Eruditionis circulus demonstratus.

Igitur jus a Deo homini auctoritate naturali, ad suae Divinae imaginem *Aseitatis* ingenitum, *auctoritate juris Monastica* exertum, *auctoritate OEconomia et Optimorum virtute* in statu exlegi, *auctoritate civili et virtute Optimatum* in Regnis Heroicis in jus naturale gentium propagatum, et una *Romanorum virtute*, qua omnes Orbis gentes subjugarunt, perenniter custoditum, et quia una Romanorum virtute perenniter custoditum, omnes Orbis gentes Romanis victae cessere; per *juris Optimi* in statu exlegi, *juris Optimatum* in primis rebuspublicis, *juris Quiritium* in Romana, primum *directi* ante Leg. XII Tabb.; deinde post eam Legem *juris Romani rigidi* in republica libera, tandem *juris Romani benigni* sub Principatu, perpetuam successionem ad Deum redit, quod jubet veri Numinis Religionem. Atqui veri Numinis cognitionem omnis Divinae et humanae eruditionis principium, finemque demonstravimus: *Jurisprudentia autem est divinarum et humanarum rerum notitia*. Igitur UNUM UNIVERSI JURIS PRINCIPIUM, UNUSQUE FINIS est planissime demonstratus: Et tum Jus, seu justum est a *Justitia Aeterna*, nempe Deo, qui est omnis Legislationis principium; tum Jus, seu Jurisprudentia est a *Justitia Aeterna*, nempe Deo, qui omnis aequae Interpretationis est *Finis*.

CONCLUSIO

Atque habes, amplissime FRANCISCE VENTURA, ex uno principio rerum, *mente*, et elementis, ut ita dicam, tribus, *Nosse, Velle, Posse*, per unum mentis conatum ad Verum (1) ope Divini luminis, hoc est invicti ad verum assensus, omnem humanitatem a Deo existere, a Deo regi, ad Deum ipsum redire: et sine Deo in terris nullas leges, nullas respublicas, nullam societatem; sed solitudinem, feritatem et foeditatem et nefas esse.

(1) Cap. XXXV.

**DE CONSTANTIA
JURISPRUDENTIS**

LIBER ALTER

**AD AMPLISSIMUM VIRUM
FRANCISCUM VENTURAM**

**A REGIS CONSILIIS
ET CRIMINUM QUAESTOREM ALTERUM**

DE CONSTANTIA JURISPRUDENTIS ^(a) .



Qua definitione Graeci Philosophi *Sapientiam*, scis, amplissime FRANCISCE VENTURA, Romanos Jurisconsultos Jurisprudentiam definire. Sapientia autem graviter Platoni descripta, *Hominis consummatrix* (1). Hominis autem interioris sunt partes duae, *mens* et *animus*, quae vulgo *partes*. Hominis interioris partes. *intellectus* et *voluntas* dicuntur. Originis autem vicio demonstravimus (2) utramque corruptam, mentem erroribus illusam, animum cupiditatibus laniatum; et ex erroribus mentis nasci animi cupiditates, eosque esse parentes omnis infelicitatis humanae. Atqui demonstravimus quoque in homine corrupto inesse conatum mentis ad verum (3); et ex perspicua veri cognitione existere justitiam (4): quod tantundem est, ex mente vera animum rectum induci (*). Sapientia autem mentem veris aeternis *Ex mente vera animus rectus.*

(1) Lib. super. principio, § Apud Athenienses. (2) Ibid. a Cap. XXI usq. ad Cap. XXXI. (3) Ibid. a Cap. XXXIII usq. ad Cap. XLIX. (4) Ibid. a Cap. XLIII usq. ad Cap. LIX.

(a) Poterat sane alter hic Liber inscribi, *De Divinarum, Humanarumque Rerum Constantia*, acceptis *Divinarum Rerum* nomine, *Philosophia*, *Humanarum*, *Philologia*; sed placuit modestior epigraphe, *De Constantia Jurisprudentis*, Libro in duas *Partes* diviso, alteram *De Constantia Philosophiae*, quae unice spectat ad *Rationem*, alteram *De Constantia Philologiae*, quae in primis *Auctoritatem* observat; ut *Jurisconsultus* constet in *Universi Juris Uno Principio, Unoque Fine*, nempe *Aeterna Ratione*, cujus partem diximus esse *Gentium humanarum Auctoritatem*.

(*) Homo corruptus est: quomodo poterit se meliorem facere, et sapientia perficere? Veritatis cognitione? Sed ipse nunquam perveniet ad veritatis cognitionem nisi cupiditates domuerit (*praejudicia nunquam deleas manente affectu*). Cupiditatibus imperando? Sed ipse nunquam eas infrenabit nisi veritatis cognitione (*ex mente vera animus rectus*). Hic circulus et Vici Metaphysica procedit (Conf. Lib. *De Antiq. Ital. Sapient.* p. 78), quae ejusdem tamen solutionem suppeditat. Nam: aeterni veri semina inesse homini corrupto cum falli nequeat nisi sub aliqua veritatis imagine; sensus occasionaliter ideas gignere et quidem utilitatem excitare ideas justitiae; denique existere legem quae universas occasiones disponit ad bonum generis humani: haec tria praecipua principia quae insunt in Libro *Metaphysico Vici* resolvunt circulum superius prolatum (Lib. *De Ant. Ital. Sap.* p. 79, 81, 128, 130. Cf. p. 15 hujus tomi; denique Lib. *Metaph.* p. 88).

Ut sapientia hominem perficit?

Unde Constantia Sapientis?

Oeconomia disserendorum.

Disciplinarum summa genera duo,

Philosophia, Philologia.

Ratio disserendi.

purgat, quibus animum virtutibus instruit; et sic hominem ab utraque interiori ejus parte consummat ac perficit. Quare uti stultorum est perpetuo errare, jugiter poenitere, in diversa usque distrahi, semper displicere ipsos sibi (1), unde eos stultitiae *Heautontimorumenos* appellavimus (2); ita sapientiae proprium est in omni sententia constare, unde sapiens constet in omni vita. Igitur ut *Jurisprudentiae* suam adstruamus *Constantiam* in hoc Libro II, quicquid usquam de Principiis Divinae et Humanae Eruditionis scriptum dictumve sit, quod cum Principiis quae Lib. I posuimus, congruerit, verum; quod dissenserit, falsum esse, per sequentia ex iisdem nostris Principiis Corollaria demonstramus: quae erat tertia pars nostrae Dissertationis universae (3). Et quando Disciplinae omnes ad haec duo summa genera revocantur, ut aliae circa *necessaria naturae*, aliae circa *placita humani arbitrii* versentur; illa pro nostro argumento ad *Philosophiam*, haec ad *Philologiam* retulerimus; ita tamen, ut Philologia a Philosophia, non, ut hactenus a Graecis Latinisque omnibus factum est, distrahatur; sed haec posterior, ut par est, prioris necessaria sit consecutio: et ita Jurisprudentis Constantiam formare et firmare conabimur, ab utraque ejus muneris parte in legibus interpretandis, alterâ rationem aeternam spectare *Philosophum*, alterâ *Philologum* verba legum expendere.

(1) Lib. super. Cap. XXVIII. (2) Ibid. Cap. XXX. (3) Principio in Argumenti partitione.

PARS PRIOR

DE CONSTANTIA PHILOSOPHIAE

Pro ordine igitur quo divinae et humanae eruditionis Principia Libro superiore demonstravimus; pro eo, inquam, ipso eorum consecanea ad firmandam Jurisprudentialis Constantiam disseramus.

CAP. I.

*Ratio disserendi vera de divinis et humanis rebus
ex recta suae naturae conscientia.*

Et principio, quando omnis divinae et humanae eruditionis principia eduximus ex certissima nostrae naturae cognitione, quae est *nosse, velle, posse* cujusque; quae in homine sunt ut scientiarum, ita virtutum principia: quae Socrates dicebat, *neque scientias doceri, neque virtutes posse*; educi vero per Praeceptores in Auditoribus posse: quare ipse se *Ingeniorum obstetricem* profitebatur qui iis *conatum ad verum*, quem diximus (1), promovere posset, indere vero non posset: in cuius rei argumentum a septuennibus vix pueris geometriae omnino rudibus recte interrogando geometricas reportabat apodixes: itaque *interrogationes recte institutas dimidium scientiae continere* affirmabat; quem Platonici secuti, *Dialecticam interrogandi artem* definire; huc omnia collimant, *veracissimam de divinis et humanis rebus disserendi rationem esse ex recta suae cujusque naturae conscientia*. Quanquam enim ex mentis erroribus animi vicia gignantur, tamen animi vicia magis, quam mentis errores inquisitioni veri sunt impedimento: nam ex corruptis moribus proveniunt sectarum vel caussarum studia, nostrae ingeniorum deliciae, quibus nostros mentis errores obstinamus. Quare Aristoteles moralis doctrinae auditione Adolescentes arcebat, quod ea aetas affectibus maxime perturbata nondum habeat ejus scientiae principium.

In homine scientiarum et virtutum principium est, non memoria consepulta.

Inquisitioni veri magis noxia animi vicia, quam mentis errores.

(1) Liber super. Cap. XXXIV.

C A P. II.

*Scepsis ab omni doctrina, de moribus maxime,
eliminanda.*

Insistentes igitur ordine, quo a Metaphysica omnium scientiarum parente exorsi sumus, quando demonstravimus, genus humanum universum quasdam communes aeterni veri notiones habere, in quas omni humanitatis sensu plane carere videntur, qui non conveniunt (1); ab omni divitiae et humanae eruditionis orbe universa *Scepsis* facessat, quae omnis religionis hostis, omnis reipublicae labes cum illa sua ἀναταληψία, seu *veri incomprehensione*, et cum illa sua nefaria ἰσοχή, seu *assensus sustentatione*, qua vel patri de vita periclitanti non affert auxilium, dubitans recte ne, an prave faciat: et Carneades isti, qui pridie Justitiam in rebus humanis esse, postridie non esse aequis momentis dissertant, ab omni reipublica, sicut ille olim a Romana, ejiciantur publice.

C A P. III.

De veritate Metaphysicae Christianae.

Ens verum Deus.

Duplex hominis
vita in Deo divina,
in corpore bruta.

Vidimus per ideam ordinis aeterni homines scientiarum principia cognoscere in Deo, ac proinde a Deo esse ipsarum principia rerum (2). Atque hinc intelleximus, Deum esse *posse, nosse, velle infinitum*; et quod ea tria *unum* sunt *verum* esse. Igitur vera Metaphysica Christiana, qua Deus se ipsum Mosi definit: *Qui est misit me; sum qui sum*: quare divinus Plato quum τὸ ὄν dicit, Deum intelligit, quasi creata omnia prae Deo re vera non sint. Unde fluit illa metaphysica Apostoli analysis: *In Deo vivimus, movemur et sumus* (*); et *vivimus* quidem *ex vero et ratione*; quae est *divina hominis vita*: uti in corpore vivimus *ex falsis sensuum et cupiditate*; quae est *vita ho-*

(1) Lib. super. Cap. XXXIII. (2) Ibid. P. I Dissertationis universae.

(*) His formulis tota continetur Vici metaphysica, nam in ipsa Deus est Ens unum et verum, a quo mens humana nullo pacto existentiam suam disjungere potest. Lib. Metaphys. pag. 54, 104, 105, 106.

minis bruta. Igitur demonstratum quoque Christianum veri *xp̄t̄p̄īon*, quod ipsa Divina Sapientia nos docet: *Ego sum veritas*, et *Deus luminum pater*.

Theologia civilis
Christiano eadem ac
naturalis Platonico-
rum.

C A P. IV.

De veritate Christianae Religionis.

Protinus a Deo hominem demonstravimus, Adamum creatum, et quidem natura integrum, suo vicio lapsum (1): unde demonstravimus principia Sacrae Historiae (2); ac proinde demonstravimus principia Theologiae revelatae (3). Cumque verum unum et veritas sit ipse Deus (4); et mente non sensu verum cognoscamus (5); hinc conficitur, quod unius Dei, qui mente intelligatur, cultus, vera Religio sit. Varro vulgari elogio Romanorum doctissimus, qui ex suo absoluti Grammatici munere, *Rerum divinarum et humanarum*, ac de *Philosophia* libros scripsit, philologiam philosophiae submittens, hanc veram Religionem intellexit, cui si potestas facta esset de religionibus statuendi, ex naturae formula, hoc est ex idea veri (6) unum Deum sub nulla imagine colendum proponeret.

Quae vera Religio?

Veri Grammatici
officium sub gravi
Varronis exemplo.

Ada integer *mente pura* contemplabatur Deum, *puro animo* diligebat: hic est Dei cultus, quem Varro conjecit.

Veri Divini cultus:

Igitur ejus cultus partes duae, *castitas mentis*, quae sensuum erroribus, animi perturbationibus pura erat; et *animi pietas*, quae proprie *amor erga Deum* appellatur: ex castitate mentis integri hominis proprium erat cum omnibus in omni vita *verare*; ex pietate animi proprium quoque fuisset, homines senes tanquam parentes, aequales tanquam germanos fratres, aetate minores tanquam filios animo omnes complecti (a). Unde postea pietas non solum in Deum, sed in parentes, necessarios, Patriam dicta mansit (7). Cujus pietatis studio, sed falso, Plato in sua Republica uxores communes esse volebat.

Partes duae: Ca-
stitas mentis,
Pietas animi.

Unde vitae veritas
et in homines dili-
gentia.

(1) Lib. super. a Cap. XXI usq. ad XXX. (2) Ibid. Cap. XXXI.
(3) Ibid. Cap. XXXII. (4) Ibid. P. I Dissertationis universae.
(5) Ibid. Principio Lemmate metaphysico II. (6) Lib. super.
principio. (7) L. 2. D. de Justit. et Jure.

(a) Ut ex Deo cognatos; quae est illa *cognatio quaedam inter homines constituta*, quam dicit Florentinus in l. ut vim. D. de Just. et Jure, quam demonstravimus Lib. priore princ. et Cap. XLIV, XLV et L.

Sapientia integra
sive heroica,
in homine rupta,
Sapientia philoso-
phica,
Sapientia civilis.

Atque haec Adae castitas, haec pietas erga Deum erat Sapientia integra et vere heroica, quae postea, naturâ corruptâ, divisa est; et *rerum altissimarum Contemplatio* dicta *Sapientia*, quae sapientiae humanae integrae pars una fuerat, Dei contemplatio ex mente pura: et *extimia civilium virorum Prudentia*, qua genus humanum, quanto latius possunt, conservant, ut qui respublicas optimis legibus fundant, consiliis administrant, aut utilissimis vitae agendaе monitis homines juvant, *Sapientia* appellata quoque est; quae erat altera sapientiae integrae pars, qua homo integer ex Dei pietate animatus homines omnes diligeret: ex quo genere septem Sapientes suos Graeci numerant, atque in iis Solonem, qui legibus Atheniensium libertatem fundavit: et populus Romanus Sempronium a maxima Juris scientia σοφόν appellavit (1), et Scipionem Nasicam a Senatu sapientissimum mortalium, ut Socrates ab Oraculo, judicatum, *corculum* dixit (2).

Polibii locus benignè exceptus.

Unus Ada integer vere sapiens.

Justitia fortitudine major.
Amicitia major justitia.

Corrupto homine,
Religio pietati,

Atque huc referendum quod Polybius scribit (3), quem locum impii in suam partem detorqueant, quod *si homines omnes essent sapientes, istis religionibus et legibus non esset opus*: nam de vera sapientia humana eum intellexisse benignius est, et qualis in Ada integro fuit, Historicum sapientissimum conjectasse; nempe, nisi Ada peccasset, cujus unius integri vera sapientia humana fuit, ex mente pura Deo uniti viveremus, et Deum contemplando, nullas cupiditatis audiremus turbidas voces; unde nedum innocentem humanam vitam, sed ageremus quoque beatam. Itaque Polybius id ad illud ipsissimum instar, quo Themistocles, dixit, *si justitiam homines colerent, fortitudine opus non esset*: et ut Aristoteles in *Ethicis* multo gravior, *si amicitiam, quae omnibus omnia communia esse dicat, coleret genus humanum, ne ipsa quidam Justitia indigeremus, ac proinde nec legibus, nec republica*. Quare haec sapientissimorum hominum vota nihil aliud sunt, nisi Naturae humanae integrae a Deo creatae conjecturae. Ceterum Polybius more hominum fecit, qui falsas omnes religiones ex sua falsa aestimavit.

Natura autem per Adae lapsum corruptâ, *Pietati* successit *Religio*, quae proprie est summi Numinis metus, et

(1) L. 2, § Juris civilis, vers. Post eos, D. de orig. Jur. (2) L. 2, § Juria civilis vers. fin. D. de orig. Jur. (3) Lib. VI Histor.

quidem ex conscientia reatus; quo sensu verum illud Poëtae, quod impii sibi adjudicant,

Primus in orbe Deos fecit timor

Castitati vero mentis succurrit Castitas corporis, quae perpetua Hebraeis erat circumcisione, quam ob corporis muniticiem alias satis multas nationes recepisse Eruditi notant: sed et ab iisdem Hebraeis sacrificaturis castitas corporis praeterea lavacris repetebatur. Gentes autem sacrificaturae solum lavabant, de quo ritu conceptum caput illud a Cicerone de Legibus, *Deos caste adeunto*: nam pars altera *pietatem adhibento*, a natura integra ad corruptam translata est, qua *pietas* habita deinde est, *Deos vereri ac metuere*. Et quia ex metu Numinis pietati sive amoris erga Deum in natura integra, successerat *honor* in corrupta, quem proprie de Diis dici Aristoteles docet; estque nostrae infirmitatis ac divinae potentiae significatio, quae fit aris, templis et sacrificiis; hinc lex XII Tabbarum apud Ciceronem postquam pietatem jusserat, quam nos honorem sumus interpretati, protinus subdit, *opes amovendo*. Et ita pro vero Dei cultu, qui naturam integram erat ex mente pura amoris Dei; naturam corruptam fuit gentibus, solo puro corpore Diis exhibitus honor; Hebraeis vero et circumcisione et lavacris corpore casto, sed potissimum *spiritu contribulato, corde contrito et humiliato*, ac proinde mentis castitate magis, quam corporis vero Deo sacra faciebant.

Cumque homo integer aeternum verum mente pura contemplaretur; in corruptione homines caelum oculis contemplari coeperunt, quae est nativa *Contemplationis* significatio (1) ab augurali vocabulo *templis caeli*, hoc est caeli regionibus, quas Augures augurium capturi designabant: et *ex templo* pro *statim*, quum, augurio capto, de Turri augurali protinus descendebant. Cumque homo contemplatione veri aeterni ex mente pura, jam vitae agenda a Deo ipso discebat; deinde genus humanum corruptum contemplatione caelum de vita agendis consulebat. Hinc Populus Hebraeus, qui verum Deum colebat, nulla *Divinatione fundatus*, quae est praecipua ratio cur a gentibus segregaretur; quibus simul cum Idololatria, gemina Divinatio orta est, in Asia apud Chaldaeos, qui caeli erroneas et motu et lumine insigniores finxerunt Deos, et ex eorum conspectu futura significabant, quae *Magia* dicta est, et cujus gnari

Castitas corporis castitati mentis successit; perpetua Hebraeis et temporaria Gentis temporaria tantum.

Honor proprius Dei est;

Quid? et unde?

Ejus discrimen inter Hebraeos et gentes.

Vita contemplativa activae regula.

Contemplationis mater Divinationis.

Populus Hebraeus nulla Divinatione fundatus.

Idololatria et Divinatio geminae ortae.

(1) Lib. super. Cap. CIV.

Magi, seu Sapientes appellati: in Europa, ut apud Latinos Graecosque Divinatio in auspiciis posita est.

Atqui Dei cultus ex veri aeterni cognitione cum mente pura in homine integro aeternus fuisset; nam semper uniformis fuisset; hinc, homine per peccatum cognitione veri ex mente pura in vitae agendis mulcato, substitutum est *vero certum* (1); et legibus *certi Dii, certae cerimoniae, certae formulae verborum* institutae, ut religiones, quantum in humanis liceret, aeternae essent: quae sunt *res divinae*, quas *leges jubent*, et apud vulgus respondent *rebus divinis*, quas philosophi rationibus docent, et sunt *prima et aeterna vera*, quae Metaphysica statuit (*). Quare de quibus Metaphysica agit, sunt populis religiones fundatae, *vera* Hebraeis, qui unum Increatam Mundi Creatorem sub nulla imagine, *falsae* gentibus, quae Mundum, Mundique animam, ejusque animae mentem, seu vim motricem Mundo coëvam, necessario agentem et in partibus Mundi divisam, ut ex. gr. vim motricem aëris Jovem, maris Neptunum, sub idolis sunt veneratae: et ita Sapientiae Integrae partes duae (**), ut per corruptam naturam licuit, iterum coaluere, altissimarum rerum contemplatio, et consilia conservandae humanitatis; itaque religionibus fundatae gentes, et genus humanum propagatum.

Certum in natura corrupta vero in natura integra substitutum.

Res divinae civiles.

Res divinae naturales.

Ut metaphysica religionum materia.

Sapientiae integrae partes, ut corrupta natura divinae coaluere.

Religio Deistarum falsa demonstratur.

Insuper quia originis viciam humanam naturam corripit (2); ea divino auxilio supra naturam comparato restitui oportuerat, cum naturâ non posset. Sed dixi, ut per corruptam naturam licuit: nam civiles Gentilium religiones falsas satis se ipsae redarguunt; religiones Gentilium Philosophorum ex nostris principiis ita confutantur (3). Sentio meam mentem finitam; namque innumera non intelligo: at per ideam ordinis aeterni, ego aeterna agnosco vera, per quae cum infinitis intelligentiis, si usquam infinitae essent, communico: quare idea ordinis aeterni idea mentis finitae non est; et mentis tamen eam esse oportet, cum per ideam corporis me intelligam circumscriptum et limi-

(1) Lib. super. Cap. LXXX cum duob. seqq. et Cap. CXVII.

(2) Ibid. Cap. XXI usq. ad XXXI. (3) Ib. P. I Dissertationis universae.

(*) In lib. *De Antiquissima Italorum Sapientia*, etc., monebat auctor Superos, quos veteres Itali colebant, non esse nisi symbolum *exotericon* scientiae philosophorum de Essentiis infinitis et aeternis. Cap. II, p. 64.

(**) Videlicet mentis castitas, et animi pietas, quae in homine corrupto respondent philosophicae et civili sapientiae. Conf. superius pag. 163.

tatum; est igitur mentis infinitae: mens infinita Deus: at-
qui ea mens mea non est, quam finitam intelligo; igitur
omnes Deistae falsi, qui putant Deum infinitam mentem
in infinito corpore, in me, dum cogito, formam peculia-
rem partis induere.

Insuper, quia originis vicium humanam naturam corrup-
pit, eam, cum jam naturâ amplius non posset, divino
auxilio supra naturam comparato restitui necesse fuit: vi-
cio originis homo aeterni veri cognitione pura mulctatus:
igitur aeternum verum humano generi, ut repararetur,
ratione supra naturam comparata, non argumentis, sed
per unam mentis virtutem, *Fidem*, erat restituendum. Hinc
Verbum divina Sapientia humanam naturam induit, et
contrariam legi membrorum, ac vere heroicam legem pro-
posuit, quae virtutis officia longe eminentioris, quam ulli
unquam gentium Philosophi docuere, praecepit, infinitum
in Deum amorem, et omnibus in omnes vel ignotos, vel
immeritos, vel demeritos, nempe etiam inimicos, ex infinito
Dei amore, *Charitatem*; quae Adae integri ex Deo pietas
fuerat, ut diximus. Cumque natura humana labefactata
praecepta ex se sola praestare non posset, ei restituit suis
supra naturam auxiliis mentis, non corporis castitatem,
quae erat altera in natura integra divini pars cultus; non
quidem ut in natura integra, cum jam esset labefactata,
sed ex eo genere, ex quo in natura integra fuerat: et ca-
stitatem quidem duplicem, alteram perpetuam, quae cir-
cumcisionis mysterium est, instituto Baptismate, quod no-
bis Dei veri, et omnium quae ab eo revelata sunt, co-
gnitionem praestaret firmam, et sic mentem erroribus pur-
garet; alteram temporariam, instituta Poenitentia, qua ejus
infinitum Numen laesisse infinitum doleremus, et sic ani-
mum purgaret affectibus.

Hinc istam animi voluptatem, quam in frenandis volu-
ptatibus corporis Ethnici Philosophi ex virtutis jam firmato
habitu docent, suum, quem ipsi formant, Heroëm sentire,
at experiundo ipsi non sentiunt, quia, corruptâ naturâ,
sentire non possunt; et dolorem terrenae gloriae affectu
solantur, ut Codri, Scaevolae, Curtii, Deciique; Heroi
Christiano Divina gratia ad Dei gloriam parit, dum is cum
sui contemptu fortia patitur.

Etenim, quia Adae peccato infinitum Numen violatum,
Verbum humanitate assumptâ, *aeternus Sacerdos* semet
aeternum Agnum in infiniti honoris *aeterno Sacrificio* se
obtulit Patri, ut genus humanum Deo propitiaret; ex cu-

Fidei Christianae
demonstratio.

Incarnationis de-
monstratio.

Virtutis Christi-
anae super Ethnicam
praestantia.

Christianae Chari-
tatis demonstratio.
Divinae Gratiae
demonstratio.

Sacramentorum
Baptismi,

Et Poenitentiae
demonstratio.

Herois Christiani
demonstratio.

Novi Foederis de-
monstratio.

jus *Divini Sacrificii* meritis Divina Gratia ita trahit ab Deum homines, ut, quemadmodum appositissime D. Augustinus (1) ex Poëta docet,

. . . Trahit sua quemque voluptas.

Beatitudinis aeternae et hinc Christianae Spei demonstratio.

Postremo homo vicio originis aeterni boni fruitione in hac vita mulctatus. Igitur aeterna beatitudo ex Christi meritis reponenda iis qui Christi virtute et exemplo adjuti, et freti caelesti spe, in hac vita cum cupiditate pugnarent, et fortia paterentur (a).

Deus Charitatis Christianae principium et finis.

Et ita *pietas erga Deum*, et omne genus humanum prae Deo, quae regnasset, naturâ integrâ, in *charitatem*, quam Christus unice praecipit, conversa est; quae tam impense leges ex jure naturali dictat, ut officia virtutis ethnicâ longe eminentioris suadeat: suaeque virtute, lege et exemplo naturam corruptam restituit, ut vita hominis divina, quae a contemplatione Dei ex pura mente coepit, ad Deum tandem eodem contemplationis genere post hanc vitam rediret.

Jurisprudentiae novae idem ac Metaphysicae Christianae principium.

Quia autem religio legum est fundamentum; idēo falsa Romanorum religione lex XII Tabb. fons omnis antiqui Juris, ordiebatur a *castitate corporis*; religione vera in Imperium Romanum insinuatâ, *Constitutiones Imperiales*, quae Jus novum ex ordine naturali condidere, incipiunt a *castitate mentis*, nempe a vera Divinae naturae cognitione, sive a Titulo *de Summa Trinitate et Fide Catholica*: ut quae Philosophi gentium ex vi veri in officiis ponebant et pudore judicabant, Christiani legibus ad conscientiae dictamen jussis exequerentur: ita ut Philosophum ex ipsius philosophiae officio oporteat esse Christianum.

(1) Tractatus XXII in Johannem.

Pro nostris Principiis Theologicae virtutes tres.

(a) Et pro tribus, quas pro Juris Universi Principiis, quae Lib. priore disseruimus, virtutis partibus, tres Theologicae virtutes enumeratae: *Fides*, quae mentem, seu *nosse* veris aeternis revelatis illustrat; *Spes*, quae animum, seu *velle* ad aeterna bona revelata excitat; et *Charitas*, quae conatum, seu *posse* ad operas Christianas obeundas confirmat: quae virtutes tres, tanquam pro subjecto habent *animi humilitatem*, qua homo, ut Libro priore diximus, amorem sui in sui contemptum convertit, et sic informem omnium vere bonorum se agnoscit; et *Divina Gratia* est veluti forma quae *omne verum bonum de sursum* huic subjecto indit: et sic saniori *de Gratia* doctrinae, ut Lib. priore diximus quoque, sunt Principia nostrae Jurisprudentiae Universae conformia.

Earum subjectum humilitas;

Forma Divina Gratia.

CAP. V.

Quae Platonis Dogmata Metaphysica recipienda.

Et quando pura contemplatione veri aeterni frueretur natura recta; et eam Adae peccato corruptam esse demonstravimus (1) vera Platonis dogmata tria:

Primum de *genere rerum supra corpus*, ac proinde aeternarum, quae non sensu, sed intellectu percipiuntur, sive doctrina de *Ideis*, quantum referunt menti aeterna vera; quantum autem inde conficit, animos humanos hominum generationi praestare, falsum: nam vel ideas menti Deus dum eam creat, indit, ut Renato Carthesio, vel per occasiones aut creat, ut Antonio Arnaldo, aut exhibet, ut Malebranchio videtur (*).

De Idearum aeternitate.

Secundum de *Immortalitate animorum*, cum animus sit humanae mentis subjectum; et mens humana sit aeternorum verorum domicilium et sedes; et fieri non possit ut temporariis rebus fulciantur aeternae.

De Immortalitate animorum.

Tertium de *Providentia Divina*, nempe mente aeterna, quae aeterno rerum ordine cuncta dispensat ac regit; in cujus aeterni ordinis idea aeternas veritates cognoscimus (2).

De Divina Providentia.

CAP. VI.

Ut probanda Dogmata Metaphysica Stoicorum?

Igitur Stoicorum dogma de *Fato* falsum, quatenus est necessaria rerum series, quae sua vi abripit cuncta, et liberum hominis arbitrium quoque; sed quantum *VERBUM* est, quo Deus humanae menti aeternum verum *fatur*, unde *Fas* jus naturale posterius dixere Philosophi (3), sententia Quae verum? est planissime vera: cum id Jus sit omnino immutabile (4) (**).

De Fato dogma quae acceptione falsum;

(1) Lib. super. a Cap. XXI usq. ad XXXI. (2) Ibid. principio.
(3) Ibid. Cap. XLVIII. (4) § Sed naturalia Instit. de Jur. natur. gent. et civili.

(*) Postremam Malebranchii opinionem Vicus caeteris praestare videtur in Libro Metaphysico, pag. 81, 128, 130; et revera haec melius respondet duobus principiis quae sunt quasi fundamenta hujus operis, in quo ordo logicus jurisprudentiae effluit ex Platonis ideis, ordo historicus vero pendet occasionaliter a mundo materiali.

(**) Vide Lib. Metaphys. p. 88, et lib. I Juris Univers. p. 19.

C A P. VII.

Injustum ab Epicuro Metaphysicae indictum bellum ().*

Inane nihil est.

Falsum igitur Epicuri dogma de uno rerum genere nempe corpore, et quod corpus non est, sit *inane* seu nihil: unde duo universae naturae principia statuit, *corpus* et *inane*: qua doctrina menti, et omnibus quae mente constant, ita nefarium, ut internecinum bellum indicit.

De casu dogma imbecillum ingeniorum.

Cumque non agnosceret aliud, quam corpus et inane, trahitur in illud omnino improbabile, et prorsus ridendum dogma de *Casu*, quod fortuito atomorum per inane concursu cuncta fiant, et temeraria sorte regantur: unde ipsius Horatii Epicureae sectae iudicio,

Insanientis dum sapientiae
Consultus errat,

Divinam Providentiam tollit.

Αὐτοψία incerta
veri regula.

Atque ex eadem impia doctrinae consensione tractus αὐτοψίαν sive sensuum evidentiam veri *περὶ τῶν* statuit nimis ambitiose, quod *res tales esse* definit, *quales cuique videntur*: et sic aeterna vera, in quae omnes homines sensibus, ingeniis, moribus, studiis, quantum est, diversissimi, et saepe etiam inter se adversi et infensi maxime, constantissime conveniunt, negat.

C A P. VIII.

*De Christianae Moralis veritate.*Vita Christiana
quae?Virtus Christiana
quae?

Principiis Christianae Religionis veris Metaphysicae ope demonstratis (1), gradum fecimus ad Christianam moralem, primariam Metaphysicae Christianae et Theologiae revelatae sobolem: et vidimus (2) Virtutem esse vim veri, quae cum cupiditate pugnat. Igitur vera Ethica Christiana, quae docet, *militiam esse vitam hominis super terram*; et definit cum Apostolo virtutem, *legem mentis, quae pugnat cum lege membrorum*.

(1) Lib. super. a I Cap. usq. ad XXII. (2) Ibid. Cap. XXXIII.

(*) In hoc Capite, nec non in Cap. XV, XIX hujus Partis Auctor alludit Carthesio. Cf. Vici vitam et Lib. Metaph. p. 66-67.

CAP. IX.

Omnis Ethnica Philosophia de bonorum finibus falsa.

Igitur ista *humana beatitudo*, quam Ethnica Philosophia venditat, est falsa humanæ miseriæ persuasio: namque iste *Philosophorum Heros*, qui cum animi voluptate a corporis voluptatibus temperet, et terrores ac fortia ad necem usque cum gaudio patiatur, quando Christi gratiam divinari non poterant, est præstantium ingeniorum de homine integro conjectura.

Nulla humana beatitudo.

Heros Philosophorum Adæ integri conjectura.

CAP. X.

Nullas Ethnicorum perfectas esse virtutes.

Et id ipsum quod Ethnici Philosophi docent, nullam veram virtutem solitariam agere, et ubi ex vero una ibi omnes adesse comites (1), est publica eorum confessio, suas Ethnicorum perfectas non esse virtutes; quibus omnibus subest *φιλαυτία* (2); nam gloriæ terrenæ affectu sunt editæ. Unde impia illa *Stoici Sapientis* superbia, qui Deo Opt. Max. sola beatæ vitæ aeternitate cedit.

Ethnicæ virtutis stimulus philautia.
Impia Stoicorum superbia.

CAP. XI.

Solam Divinam Gratiam veram præstare virtutem posse.

At *φιλαυτία* in nostra labefactata natura suum habet principium (3): igitur quæ eam vincere possit, virtus major humanâ est. Hæc est Divina Gratia victrix cupiditatis humanæ: quæ in nobis nostri contemptum, et abjectionem gignit; unde *omne bonum de sursum* agnoscamus. Quare *spiritus humilitas* omnium Christianarum virtutum subjectum est.

Divinæ Gratiæ demonstratio.

Christianæ virtutis fundamentum abjectio sui.

(1) Lib. super. Cap. LV cum duob. seqq.
XXXVIII.

(3) Ibid. Cap. eod.

(2) Ibid. Cap.

C A P. XII.

*Quae moralia Platonis Dogmata cum nostri constant,
sive adeo cum Christianis.*

Ut Philosophia me-
ditatio mortis?

Hinc vera Philosophiae definitio a Platone tradita, quod sit *meditatio mortis*; qua sensus et cupiditatem, quantum pote est, restringuamus, quo facilius vivamus ex vero et ratione.

Philosophiae finis
unio mentis cum
Deo.

Indidem verum illud, praecipuum immo summum philosophiae fructum esse, *unionem mentis cum Deo*.

Quae vita hominis
divina? quae huma-
na? quae bruta?

Et hinc quoque illud verum, veri aeterni contemplationem *vitam hominis esse divinam*; ex vero aeterno agere cuncta *vitam humanam*; agere quaeque ex falsis sensuum *vitam bruti*.

Honestas pulchri-
tudo virtutis, et
quanta?

Postremo et illud, quod haec omnia consequitur, *Homini esse ex honestate vivendum*, seu vivendum ex conformitate cum aeterna ratione: quam ait Plato *pulchritudinem esse virtutis*; eamque esse tantam intelligit, ut si corporis oculis cerni posset, omnes virtutis amore deflagrarent.

C A P. XIII.

Quae Stoicorum moralia dogmata Christianis consentanea.

Stoicis quae bona,
quae mala, quae
neutra?

Conveniunt cum Platone hac in re Stoici, qui *bona honestate, mala turpitudine* definiunt; cetera *naturae corporis, fortunae, ἀδιάφορα*, sive indifferentia statuunt, hoc est, ei qui uti scit, bona; qui uti nescit, mala.

Quid sequi Deum?

Et *vivere convenienter naturae rationali*, iis celebre illud est, *sequi Deum*.

Antiquorum Juris
Interpretum et Stoicorum principia moralis doctrinae eadem.

Haecque ipsis sunt, *naturae quae dicunt consequentia*; quae nos demonstravimus eadem omnino esse, ac *Jus naturale posterius antiquorum Juris Interpretum*, seu naturalis ratio, quae ἀδιάφορα, in quibus sunt *prima naturae*, quae ipsi dicunt Stoici, et circa quae versatur *Jus naturale prius antiquorum Interpretum*, regit ac moderatur (1).

Officium quid? et
unde dictum?

Et naturali rationi conveniens definiunt, *officium*, quod Grammatici dictum perperam putant per ἀντίφασιν, quod

(1) Lib. super. Cap. LXXVI cum tribb. seqq.

non officiat; cum sit a particula *ob*, quae ut plurimum perfectionem significat, et *facio*; quasi *perfecte*, seu *recte*, seu *bene factum*. Ubi notantur Grammatici.

At ἀπαθία, sive affectuum vacuitas, nisi ea quoque sit acutissimorum ejus sectae Philosophorum conjectura de Homine Integro, qualem a Deo creari oportuit, ea plane est irritum humanae fragilitatis votum. Apathiae vanitas.

C A P. XIV.

Epicuri in morali doctrina lapsus.

Falsum igitur Epicuri placitum, qui, cum corpus in natura tantum agnosceret, supra naturam nihil, ex consensione doctrinae, sive misera necessitate adactus, cum animum aut corpus, aut corporis modum esse statuisset, de veris rerum sensu dijudicans, *corporis voluptate humanam felicitatem* definivit; cum delectu et modo tamen, ut praescribit eo pulcherrimo morum canone, ut sapiens ex voluptatibus eas sequatur, quae minimum doloris, ex doloribus eos, qui plurimum secum afferunt voluptatis. Sed non agnoscit hunc delectum, hunc modum haberi a mente, non sensibus, delectus enim corporum, modus corporum non sunt ipsa corpora, nec sunt inane, seu nihil; neque inanis modum esse, cum nihili nulla sint attributa; neque rursus corporis esse modum, nam a corporibus ipsis haberetur; et omnes qui sensu saperent, essent Sapientes: mensura enim est modus corporis, sed non a corpore; proprietas enim corporis est metiri posse, ut et moveri; at artificis est regula, ut alterius opera movere est: nisi forte ut temeraria atomi *declinatio* Mundum condidit, ita *casus* quoque faciat sapientem. Igitur fateatur Epicurus philosophiam (1) esse opus alterius rei, quam corporis et inanis, et quae neque inanis neque corporis modus sit; eamque rem, praestantissimi operis ac plane divini, ut philosophia est, esse Auctorem; et de vocabulis, *animus*, *mens*, et *Deus*, cum Epicuro, ejusque asseclis ne contentamus, cum *animum*, *mentem*, *Deum*, rebus ipsis quales nos intelligimus, fateantur.

Epicuri prava positio, methodus recta.
Corporalis voluntas non est bonorum finis.
Epicurus Epicuro convincitur.

(1) Lib. super. in Prologo, Lem. I et II, et principio.

CAP. XV.

Aristotelis de Finibus dogmata corriguntur.

Aristoteles a se ipso
reprehenditur.

Metaphysicae vitae
beatitas longe major;

Præ morali.

Ut Metaphysica est
omnis veri fons, ita
est omnis boni finis;

Boni metaphysici
et boni moralis et
boni civilis omni sub-
lato discrimine.

Una et vera animi
beatitudo, quae æ-
terna.

Boni Metaphysici
proximæ una Charitas
Christiana docet.

Et Aristoteles falsus, per eas ipsas sane aureas, quas de *contemplativæ vitæ felicitate* sententias in libris Ethicis profert. Eam enim dicit esse omnium beatissimam; utpote quæ tota operatione stet, quæ est homini intima; pacatissima, maxime perennis et semper præsens; quæ non feriat, ut operatio sensuum; non foris quaeritur a sensibus; nos nostri consocios indubitanter facit, non dubie, uti sensuum operatio; corporis minime eget, et postremo hominem Deo unit: unde *contemplativam vitam hominis, divinam* appellat: quæ omnia didicit a Platone: et tamen aliud finem summum agenda vitæ statuit, nempe operationem cum virtute; quam dicit esse laboriosam, sensuum testimonio nobis gnaram; quam rationem pulchre affert, cur sensibus tantopere delectemur; corporis et sensuum corporis, atque etiam fortunæ egentem; nam ad prudentiam sensuum alacritate, ad temperantiam deliciis, ad fortitudinem corporis robore, ad justitiam exercendam honoribus opus est. Atqui operatio cum virtute non finis, sed medium est ad felicitatem, ut ejus frequenti exercitatione cupiditatem restringamus, quo facilius possimus verum æternum mente pura contemplari, quæ, cum in hac vita non detur, possimus æternam promereri beatitudinem, quæ nihil aliud nisi ex mente pura Dei contemplatio est. Nam si verum unum, verum bonum unum quoque esse necesse est; et si verum unum æternum, una spectanda est æterna felicitas. Non igitur alius metaphysicæ, alius ethicæ, alius politicæ finis; sed qui metaphysicæ, idem ethicæ, idem quoque politicæ finis esto: ut ad veram, nempe æternam felicitatem ducat vera æterna meditari hac, ut corruptæ naturæ licet, mente labefactata, ut possimus ex vero æterno agere cuncta, et per hæc tanquam media porro æternum verum mente pura post hanc vitam contemplerur: quod sane si facerent homines, nedum singuli ac secreti, nedum unius civitatis cives, sed universum genus humanum, quantum corrupta fert natura, beatissimam vitam ageret (1). Quapropter, quæ unum, quem suprad-

(1) Lib. super. Cap. XXIV cum duob. seqq.

xinus, finem Sapientia Christiana proponit, eadem præcipit perquam longe omni ethnicâ eminentiorem virtutem; et omnibus edicit, ut diximus, in omnes vel ignotos, vel immeritos, vel demeritos, inimicos, ex Deo, et præ Deo charitatem. Quare si ideo, quod Politiae finis est fine, quem spectat Ethice, magis diffusivus boni, iccirco finem civilem Aristoteles fine morali præstantiorem putat; finis Ethicæ Christianæ omnium præstantissimus est, qui bonum diffundit in genus humanum universum.

Finis Ethicæ Christianæ omni fine nedium morali, sed etiam civili Ethicorum præstantior.

C A P. XVI.

De civilis Doctrinæ Christianæ præstantia.

Ex morali civilis doctrina, tanquam e vitis gemmâ palmes educitur: in qua demonstravimus (1) homines naturâ sociales; et hoc societatis ingenium a Deo nobis ingenitum per ideam æternam juris æqui, cujus studio homines coierunt in civitates, et fundarunt respublicas (2). Igitur summae Potestates vere ab Apostolo dictæ sunt *Ordinationes Dei*.

Potestatis civilis origo Divina.

Desiderio juris æqui a Deo originem habent respublicæ; nam ex secessionibus vetustissimorum Clientum, qui iniquius habebantur ab Inclutis, primas respublicas et quidem Optimatum in terris extitisse Libro super. probavimus (3). Igitur vera Doctrina civilis Christiana, quæ docet, æquo itidem jure respublicas esse administrandas; ex illo ipso Politicorum monitu, quo dicunt, quibus artibus regna imperiaque fundantur, iisdem, ut conserventur, artibus regi oportere.

Rerumpublicarum origo desiderium æqui juris.

Et vero si omnem Historiam percurramus, nec pacationes respublicas, nec Principes modestiores inveniemus, quam apud Christianos: et si quando aut Tyrannos Principes, aut bellis civibus vexatos populos legimus Christianos, temporibus fuerunt, quibus Religionis Christianæ circa mores doctrina Christianorum vicio, quod ad usum attinet, graviter laborarit.

Beneficium Christianæ Religionis.

(1) Lib. super. Cap. CIV cum duob. seqq.
CXIII.

(3) Ibid. Cap. CIV.

(2) Ibid. Cap.

C A P. XVII.

De Juris principijs Christianae Religioni conformibus.

Jurisprudentia nova Religioni Christianae conformis.

De conatu observanda.

Animus reipublicae jus aequum omnibus, cujus ideam aeternam a Deo esse demonstravimus (1). Unde formam rerumpublicarum aeternam ordinem naturalem esse conficimus (2); ac proinde animum reipublicae non esse aequum aequitate civili, sed aequitate naturali (3), non quod condunt sive interpretantur Capitoniani, sive Jurisconsulti Politici, sed Labeoniani, sive Jurisconsulti Morales (4).

Jus autem naturale cum antiquis Juris Interpretibus, naturalis aequitatis investigandae solertissimis Philosophis, fecimus duplex *prius* et *posterius*; et utrumque *vi*, seu *conatu* constare diximus (5). Sed omnem conatum corporibus abnegavimus: *conari* enim nihil aliud est nisi alienum subsistere motum: in conatu enim curva virga est, quum in adversam partem inflexa manet; sed conatus non virgae est, sed manus, quae virgae motum in oppositam partem subsistit. Itaque in nostra *Metaphysica*, et in *Epistolis* quas ad eam scripsimus, omnes conatus e physica ejecimus, et ad metaphysicam ablegavimus (*): nam posse subsistere corporis motum ejusdem est, qui dare potest, nempe mentis et Dei: et Philosophus plane non est, qui *conatus corporum veros esse motus negaverit* (6): nam conatus est corporis, sed non a corpore: et qui corporibus conatus attribuit, idem et iis attribuat occulta naturae consilia, ingenia, studia, symphatias, antipathias. Hinc Jus naturale prius brutis animantibus abnegavimus (7): quae est vis corporis excita a cupiditate, quam bruta animantia non habent, sed quandam cupiditatis imaginem, quem *appetitum* dicunt; qui non est vera *cupiditas*, cum liberum non habeant bruta principium, quod ipsorum motus subsistere valeat. Jus autem naturale posterius est vis veri et rationis (8), quae in conatu cupiditatem habet, sive subsistit motum cupiditatis:

(1) Lib. super. Cap. XLIV cum seq. juncto principio. (2) Ibid. Cap. CLII. (3) Ibid. Cap. CLIII. (4) Ibid. Cap. CCXII, § Ut autem. (5) Ibid. Cap. LXXV, § Cumque vita. (6) Ibid. Cap. eod. § Atque hacc. (7) Ibid. Cap. eod. § Illa parte. (8) Ibid. Cap. eod. § Illa autem.

(*) Lib. *De Antiquissima Itatorum Sapientia*, pag. 68, 71, 135.

et diximus jus naturale posterius priori indere formam juris; quia ei indit immutabilitatis notam in eo quod fieri per naturam non potest, ut prius per naturam non liceat (1).

Quae juris principia sunt maxime conformia saniori de *Gratia* doctrinae. Ratio enim naturalis est, qua gentes ipsae sibi sunt lex: eaque est lumen divini vultus super omnes signatum; et immutabiliter tuetur libertatem humani arbitrii, ut possimus, si volumus, subsistere motus cupiditatis. Sed gentes vel Christianae ipsae exsortes divinae gratiae aliis cupiditatibus, ut humanam gloriam, non tam subsistunt, quam deflectunt motus cupiditatis, unde edunt imperfectae virtutis facinora: sola Christi gratia victrix praestat, ut possimus prae Dei gloriam recte velle; atque adeo sola virtus Dei in quaque virtute omnes virtutes praestat, quam diximus esse verae virtutis notam (2).

Principia Juris antiquorum Interpretum conformia saniori doctrinae de Gratia Dei.

C A P. XVIII.

Epicurus Jurisprudentiae Christianae importunus.

Hinc vides Epicurum, quam sit Christianae Jurisprudentiae importunus, qui ut Metaphysicae hostis genus rerum aeternarum supra corpus negavit; ita Matheseos contemptor; demonstratos commensus rerum aeterno vero constare haud moratus est, arithmeticum et geometricum, in quibus justitiam commutativam et distributivam consistere demonstravimus (3). Itaque jus in natura nullum esse putavit, idque in opinionibus posuit, non honestate aeterna, sed fluxa corporis utilitate censuit, eaque variante, variari opinatus est. Quare sensibus obsequentem facile eum Machiavellus, Hobbesius, Spinosus, Baylaeus postea secuti sunt (4). Sed id fuerit gravissimum argumentum, hos errare omnes, Spinosam maxime, qui mente, non sensu de veris rerum dijudicat, nec admittit, nisi apertissime demonstrata, et in haec placita cum Epicuro conveniat, in quibus Sceptici et cum Epicuro et cum Spinoso conveniunt.

Epicurus et corpulentus et ageometra.

Proinde Justitiae naturalis ignarus.

(1) Lib. super. Cap. LXXVIII cum seq. (2) Ibid. Cap. XL et XLI. (3) Ibid. Cap. XLIV. (4) In Prologo, § Quare.

C A P. XIX.

Platonici Jurisprudentiae rebus commodi.

Metaphysica juris
stat Metaphysica Pla-
tonicorum.

Et videant Vinniani (1), an recte jura esse Platonis *Ideas* per jocum dicant, qui animum humanum demonstrat esse immortalem, quem Jurisconsulti docent, esse universi Juris domicilium et sedem; et proinde ille demonstrat animum humanum immortalem, quod si ex genere rerum quae supra corpus sunt: unde perspicue conficitur, jura ex genere rerum aeternarum esse per hoc, quod vel corporum, non corpora sunt: in quo stat *Metaphysica universi Juris* illa rerum *divisione*, qua Jurisconsulti res in *corporales* et *incorporales* dividunt, et illas sensu, has intellectu consistere omnino statuunt, et nos gravius Lib. super. firmavimus (2).

C A P. XX.

Jurisconsulti Christianae Religioni Philosophis utiliores.

Metaphysica de ju-
ribus individuis Dei-
stas confutat.

Sed hoc Jurisconsulti ipsis Philosophis praestant, quod uti ipsius veri vi, aliud agentes, nempe dum leges interpretantur, ad Platonicos accessisse demonstravimus (3); imprudentes eadem ratione Christianae Religioni magis quam Philosophi ipsi subserviunt. Cum enim jura individua statuunt, ea partis posse unquam induere formam negant, sed juris alicujus sociis sive in solidum, sive pro indiviso adesse respondent; quia jura spirituales res sunt, aut rei spiritualis modi: et nos in falsum illud Deistarum concesserimus dogma, Deum esse infinitam mentem in infinito corpore, et in homine rationis, in bruto sensus, in planta vitae, in corpore extensionis peculiare et divisas partium formas induere?

(1) In ejus Commentar. Inst. de Reb. corporal. et incorpor. in principio. (2) Lib. super. Cap. CLXXXV, § Namque. (3) Ibid. Cap. eod. § Hanc.

PARS POSTERIOR

DE CONSTANTIA PHILOLOGIAE

Ut autem homo intellectu et voluntate constat; ita quicquid scit homo, ab hominis aut intellectu aut voluntate profluxit; ac proinde omne quod dicunt *scibile*, aut ad rationis necessitatem, aut ad auctoritatis arbitrium refertur. Philosophia firmat *constantiam rationis*; tentemus, ut Philologia firmet *constantiam auctoritatis*, qua viâ, diximus, *auctoritatem* partem esse *rationis* (1).

Omnis scibilis
fontes duo :
Intellectus, voluntas.

C A P. I.

Nova scientia tentatur.

Est enim Philologia sermonis studium et cura; quae circa verba versatur, eorumque tradit historiam, dum eorum origines et progressus enarrat, et sic per linguae aetates dispensat, ut eorundem teneat proprietates, translationes et usus.

Philologia quid?
Ejus partes duae:
Historia verborum,

Sed cum rerum ideae quibusque verbis appictae sint, ad Philologiam in primis spectat tenere rerum Historiam. Unde Philologi de rebuspublicis, gentium et populorum moribus, legibus, institutis, disciplinis, opificiis pro suo jure commentarios scribunt; rem *Lapidariam*, *Numariam*que et *Chronologiam* sedulo tractant, unde edunt testimonia antiquitatis graviora: atque haec omnia, quo omnes doctarum linguarum Scriptores sive Oratores, sive Philosophos, sive adeo Historicos et maxime Poëtas enarrent: a quibus respublica eam sibi maximam capit utilitatem, ut interpretetur antiquam linguam religionis et legum.

Et historia rerum.

Ejus subsidia:
Lapidaria, Numaria,
Chronologia.

Philologi census
amplissimus,
Munus rei publicae
maxime necessarium.

Sed antequam de Re Historica quicquam libemus, juvat *Programma Chronologicum* heic proponere, in quod omnes consentiunt, quantum nobis ea exhibeat, quae ad nostra Historiae Principia statuminanda conducant.

(1) Lib. super. Cap. LXXXIII.

Diluvium. An. ab O. C. 1656.

Partitio Orbis Terrarum inter Noachi filios. An. 1657.

Magia inter Chaldaeos nata.

Nimbrodus { seu Babylonica Linguarum confusio, et Assyriacum primum fundatum Regnum, Chaldaeorum.

Nembrot { Thebana. Tinensis. Tanensis. Memphitica.

intra 200 ab Diluvio annos.

Ægyptiorum Dynastiae quatuor

Abrahamus vocatus. An. 2082.

Cecrops Ægypto (1) dictus deducere duodecim exiguas Colonias in Atticam, ex quibus postea Athenae coaluere.

Hellenus, Deucalionis filius, in Thessalia Regnum fundat, et gentem Graecam.

Cadmus, Phœnicus (2) Coloniam in Graeciam deducit, et Thebas in Boeotia condit.

Ægyptiacae (1) et Syriacae (2) Potentiae argumenta.

An. 2448.

Lex Mosi data. An. 2491.

Danaus Ægyptius (1) Argivo Regno Inachidas spoliatur. An. 2553.

Pelopes Phrygius (2), Tantali filius, in Peloponneso Regnum fundat. An. 2682.

Iterum Ægyptiacae (1) et Asiaticae (2) Potentiae argumenta.

Omne praeteritum Tempus excurrit Graecis Obscurum.

Ninus Beli filius fundat Regnum Assyriacum secundum Medorum gentem. An. 2737.

Tyrus navigatione et coloniis celebratur. An. 2752. Asianae Potentiae argumentum.

Et floruit Minos primus gentium legislator.

Atque id Tempus Heroicum, quo Orpheus, Hercules, Jason, Castor, Pollux, Argonautae.

Et Theseus Athenarum Regnum fundat.

Aborigines per hanc aetatem in Italia regnant.

Trojanum Bellum. An. 2820.

Hinc Ulyssis et Æneae errores; mox Albae Regnum.

Regnum Hebraeorum in Saule fundatum. An. 2909.

Per quod tempus Athenienses, suppresso Regno, falsâ *θρονοκρατία* reguntur.

Attici et Æoli Colonias in Joniam, sive Asiam Minorem mittunt. An. 2949. Graecae Potentiae argumentum.

Cumae Urbs fundatur. An. 2960.

Quatuor Ægyptiorum Dynastiae in unam Thebarum concedunt. An. 3033.

Circa haec tempora Sesostriis Ægyptius florere memoratur.

Hesiodus floruit. An. 3089.

Carthago a Tyria Didone fundata. An. 3113. Argumentum Phœniciae Potentiae.

Homerus floruit. An. 3119.

Lycurgus fert leges Lacedaemoni. An. 3120.

Ludi Olympici ab Hercule instituti et diu usurpati, restituti.
An. 3223.

Heic incipit Varroni Tempus Historicum:

Quo tempore etiam dum silvestris Italia;

Et Latini Reges, Æneae putata soboles, Albae regnant.

Roma fundatur An. ab O. C. 3250; Olymp. VI, a Troja
capta An. 430.

Sub Numa, e Corintho, aliisque Graeciae urbibus missae
Coloniae fundasse feruntur in Italia Crotonem, Taren-
tum, aliasque Magnae Graeciae urbes. An. ab V. C.
40. Graecae Potentiae Argumentum.

Albanum Bellum gerente Tullo, in Italia potens Etruscorum
Regnum floret, quod infero Mari universo ab litore E-
trusco ad fretum usque Siculum nomen dabat. An.
ab V. C. 82.

Psammeticus Rex Ægyptius Jonibus et Caribus aperit hac-
tenus exteris oclusam Ægyptum. An. ab V. C. 84.

Hinc Historia Ægyptiaca incipit certa Herodoto, lib. I, cap. 95.

Tarquinius Priscus omnia decora et insignia, quibus Im-
perii Romani dignitas, ut Florus scribit, vel in maxima
postea fortuna eminuit, ab Tuscia victa Romam trans-
fert. An. ab V. C. 138. Graecia floret septem Sapien-
tibus. An. ab V. C. 156.

Ex his { Thales primus Physicus;

{ Solon legibus Atheniensem fundat libertatem.

Cyrus fundat tertium Assyriacum Regnum gente Persarum.
An. ab V. C. 218.

Sub his temporibus Crotone floret Philosophia et Mathesis:
quam Scholam Pythagoras reliquit Olympiad. LXX, sive
ab V. C. 226.

Paullo post quum Athenae, Pisistratidis Tyrannis prorsus
extinctis, in libertatem restitutae, An. ab V. C. 241,
Roma, ejectis Regibus, libertatis gustat initia. An. 244.

Dum Athenae plenissima libertate fruuntur, omnique Attica
elegantia efflorescunt, et Socrates praeclarissimis Philo-
sophis, Ducibusque patriam adornat, Platone, Xenophon-
te, Alcibiade, Lex XII Tab. Romae rogatur. An. 303.

Xenophon summus belli Dux et Philosophus, expeditione,
qua in penitissimam Persiam penetravit, Graecorum pri-
mus res Asiaticas ex vero novit, et iudicio Hieronymi
in *Danielem* ex vero narrat. An. ab V. C. 353.

Romani jam tota Italia clari, jamque maris potentes facti,
per injurias a Tarentinis acceptas innotescere Graecis
occipiunt. An. ab V. C. 475.

Bellum Punicum secundum. An. ab V. C. 535. Ex quo tem-
pore T. Livius veram Rerum Romanarum Historiam
scribere profitetur; et tamen Annibalis per Alpes in Ita-
liam trajectum, de quo tot tantaque sublimiter narrat,
per Cottiasue an Poeninas Alpes fuerit, ignorat.

Historia quid?

Varroniana Temporum divisio.

Temporis Fabulosi divisio pro nostris principiis.

Mythologia prima rerum Historia cur hactenus infelix.

Communis Criticorum omnium oscitantia.

Historia autem est temporum testis. Tempora hactenus cum Varrone numerata tria, *Obscurum, Fabulosum, Historicum*. Temporis *obscuri* historia hactenus desperata, et quia desperata de eo historia, tempus obscurum est. Historia temporis *fabulosi*, sive *Heroici* commode duplex statui potest, *majorum gentium*, et *minorum*: et quando Hercules Olympiades instituit, quae celeberrima Graecis temporum epocha est, Historia *Temporis fabulosi majorum gentium* sit ad Herculem usque, quae majorum gentium Deos duodecim narret. Mythologia autem hujus temporis *fabulosi* non tam mores et respublicas ejus fabulosae aetatis, quam Deorum naturam fabulis involutam hactenus putavit, ut divinae res vulgo essent ignotae: quare post tantum seculorum excursum excusationem promereri retur, si ipsa tam incerta, tam varia, ac prorsus infelix sit. Historia autem *Temporis fabulosi*, quod cum Olympiadum Institutore actum est, complectitur Argonautas: quod autem post Herculem caelo receptum reliquas narrat fabulas, *Trojanum bellum, Ulyssis errores, Aeneae in Italiam appulsum* complectitur: et utrumque hoc *Tempus fabulosum* nobis *minorum gentium*, proprie *Heroicum* Eruditis omnibus dictum est. Sed hujus quoque Temporis res an ex vero gestae, et Heroës an vere extiterint tales, quales narrantur, nasutiores Critici ambigunt vehementer. Nam isti sane Critici beatâ memoriâ, qui numero tenent, quot annis Hercules praeierit Theseo, quot Theseus Nestori; miror sane cur tam patienter illa Chronologiae monstra sustineant, quibus *Theseum Amphitryoni aetate aequalem* putant, ex cujus uxore Alcumena Hercules natus est: cujus gloriae Theseus studiosus tam praeclara facinora ad illius exemplum edit, ut *Hercules alter* dictus a Plutarcho tradatur: qui *Orpheum inter Argonautas* enumerant; sibi que persuadeant, Graecum genus tam cito e feris, quas Orpheus ad lyram cicuravit, in tantum civilis vitae cultum subito pervenisse, ut rem et navalem et nauticam, et longissima *Ægaei Ponticæ maris itinera Colchos usque* pernossent: et eundem Orpheum cum *Castore et Polluce* tempore conjungunt *Helenaë fratribus*, ut unâ hominum aetate Graeci a ferino victu eo rerumpublicarum potentiae pervenerint, qui terrâ marique bello opulentissimum Asiae Regnum everterent (a).

(a) Sed qua ratione et Bellum Trojanum et Argonautica expeditio, atque adeo Persei, Herculis, Bacchi in Æthiopiam, Hiberiam, Indiam itinera vera sint, explicabitur heic in Notis Part. II ad Cap. de orig. Poës. ubi de primarum vocum alienatione.

Praeterea Poëtas ex peculiaris naturae ingenio quodam divino Fabulas excogitasse, et propria arte locutionem sibi poëticam invenisse hactenus quoque ab omnibus putatum est: unde duo conficiuntur; alterum, si ex privato ingenio natus et propriâ arte factus in illa omnis philosophiae ruditate, *omnium Poëtarum*, et, ut Plutarco arridet, *omnium Philosophorum parens Homerus*; cur post humanitatem omnibus philosophiae artibus exornatam, nemo extitit, qui Homero sit nisi longo intervallo secundus? Tantum virum subito, et ex sese factum esse, incredibile est: igitur haec quaestio pios conturbaverit animos, ne peculiaribus diluviis aliis aliae gentes demersae sint, quarum qui forte in altis montibus superfuerant, antidiluvianam sapientiam conservarent; cui quaestioni Mundi aeternitatem adstipulanti a Christiano Sapiente obviam eundum est. Alterum, quod conficiebatur id erat, quod si inventiones et locutiones poëticae ex peculiari Poëtarum ingenio et arte proveniunt, et linguae sunt rerum testes, Poëtae communium morum et rerumpublicarum totius temporis heroici testimonium perhibere non possunt. Itaque, ut res temporis obscuri ignoratae, ita res temporis heroici falsae sunt. At enim graves scriptores omnes, in quibus praecipuus Plato, quam saepissime Poëtas ultimae antiquitatis adhibent testes.

Principia autem temporis historici paucissima extant, atque ea ipsa, tanquam antiqui Orbis magna disiecta rudera; ut ille Tanais, qui e Scythia egressus Orientem omnem, et Ægyptum quoque subegit: et rursus ille Sesostris Ægyptius, qui per victum Orientem vicem Scythiis reposuit, et praeterea magnam Europae Africaeque partem subjugavit; de quo sparsa per Asiam monumenta se vidisse testatur Herodotus; et uterque, uti Hercules, nihil domum, nisi devicti Orbis gloriam retulere.

Quae res, si verae essent, terrarum Orbis enormem antiquitatem probarent Sinensibus: quod sane Christiano Sapienti non est dissimulandum, sed omnino reprehendendum et confutandum: quod facile factu fuerit eo, quod ab Historia Romana veri didicimus. Romanis externas gentes per injurias sibi illatas, et Romanos externis gentibus per bella, quibus eas vindicabant, innotuisse: et semper bellorum poenas fuisse captivitatem et servitutem; et hunc gentium morem cum civitatibus in Orbe conditis natum, ut aliae ab aliis secretae, et sine omni communicatione agerent, quam diutissime perdurasse satis docet, Tarentinum bellum cccclxxv post U. C. annis gestum, quod

Omnium eruditum aetatum error, poësim ex electione natam, et locutionem poëticam ex electione factam aliam a vulgari.

Causae cur Historiae principia desiderentur.

Historiae profanae principia Historiae sacrae incommoda.

Historia Romana convincit falsa Historiae profanae principia, ut hactenus sunt proposita;

Et Jus Gentium historiae Romanae adstipulatur.

Tarentini Romanos, qui tamen ex hoc brevi Italiae continenti erant, et magnam ejus partem jam bellis subegerant, jamque non solum inferi sed etiam superi maris potentes erant, nam classe Tarentum adremigantes per injurias a litore prohibuere; quod, *qui, aut unde essent*, ut cum Floro loquar, *non satis norant*.

Graeci antiquita-
tum ignari.

A Graecis principia Profanae Historiae repetere nobis negant Aegyptii, qui Graecis se primos humanitatis conditores jactantibus illud corrigentes joco urbanissimo respondebant, *semper pueros Graecos esse*. Quare Plato in *Timaeo* per hanc ipsam Aegyptiorum Sacerdotum occasionem notat Graecos graviter ignorare antiquitatem. Quin Aristoteles in *Politiciis* Graecos taxat res Assyriacas fabulose narrare, quod tantundem est ac eos maximi Orbis terrarum Imperii res ignorasse. Et sane Ptolemaeus longam Assyriorum Regum seriem recenset, Graecis prorsus incognitam. Quidni Graeci tandiu Assyrios nescirent, sibi nec pace nec bello cognitos? cum mos gentium antiquissimus fuisset, gentes per bella aut amicitiae foedera alias aliis innotescere? (a) Sed quid a Graecis res externas desideramus, cum ne suas quidem antiquiores satis nossent? Nam sane Plutarchi Theseus, a quo Graeca Historia sumit exordium, quot quantisque fabulis est exornatus? Quare antequam hujus operis Synopsis italice ederemus, nedum aequo animo, sed etiam lubenti auditum illud Satyrici,

Graecorum ingenia
falsis maxime de-
lectata.

. quicquid Graecia mendax
Audet in Historia; (b)

(a) Quae argumenta gravi auctoritate firmanur Polybii, qui *Histor. II.* scribit: *res Asiae Graecis Alexandri M. in Persas, res Africae Punicis bellis innotuisse Romanis.*

Graecae Historiae
vanitas quatenus ex-
currit?

(b) Sed praeter Polybii auctoritatem, quam super attulimus, duo sunt invicta argumenta quibus Graeci nedum externas Asiae, quas Polybius dicit, sed suas ipsorum antiquitates turpiter ignorasse demonstrantur, *Trojanum bellum*, quod universae Profanae Historiae celeberrimam epocham statuit, et Homerus parens omnis graecae eruditionis. De quo utroque Graeci tam foede ignari, ut ferme omnes gravissimi scriptores *bellum Trojanum omnino fictum existiment*: de Homeri autem tum patria, tum aetate innumerae extent variantes sententiae, et de aetate quidem usque ad quingentos annos diversae. Quare omnes Graecae res saltem ad Homerum usque, qui, si ad quadringentos sexaginta post bellum Trojanum annos vixit, nempe Numae temporibus, ut hoc tempore vixisse infra ex Homero ipso demonstrabimus, nullam prorsus promerent fidem: ac proinde omnia quae Herodotus, Graecae Historiae parens, per quingentos ferme post bellum Trojanum annos nedum de

Roma autem diu post etiam gentes minores fundata est: et Romanis diu ille mos mansit, quem Sallustius in *Conjuratone Catilinæ* memorat, *sua ab aliis benefacta laudari, quam ipsi aliorum narrare malebant.*

Hinc conficitur, Profanam Historiam principia, quæ *magnifici ea de re librorum Tituli* venditant, hactenus non habere; quod tantundem est, ac quod de Re Historica Scriptores ingenue fatentur, *Historiam Profanam nec certas habere origines, nec certam successionem.* Nam ea sane essent res Temporis Obscuri in lucem editæ, res Temporis Heroici a fabulis excussæ: quas si nossemus, sciremus causas, ex quibus res Temporis Historici natae sunt.

Et conficitur hoc quoque aliud, quod nos Philologis obijcimus universis, satis *infirmam hactenus eorum esse etymologiam*, a qua veras verborum origines et progressus, si certas rerum origines et successiones Historia nobis enarrasset, haberemus. Unde ii saepe simili unius syllabæ sive adeo unius literulæ sono, et qualicumque generica rerum similitudine origines verborum latinorum, ex. gr. ab graeca vel hebraea, aliave lingua longe dissita enarrasse sibi videntur: cum non animadvertissent, in vocibus quas primas inter Latinos natura nasci necesse fuit (1), nullam vel cum proximis Graecis quicquam habere commune; ne pronomina, ne interjectiones quidem, ut alia vocis forma Latini ac Graeci timerent, dolerentve, laetitiam, admirationem, similesve affectus perturbatiores erumperent. Nam vocem *Διός* eruditores graecæ linguae Grammatici inter novas Graecorum censent.

Hinc illa absurda Philologorum omnium placita, locutiones proprias, ex. gr. *nasci, vivere, mori, videre, audire, timere; irasci*, esse prorsae orationis; at illas in *luminis oras edi, caelestes ducere aures; vel, spiritum regere artus, animam in auras recedere, rem oculis usurpare, auribus haurire vocem, gelu per ossa currere, sanguinem fervere*

Rei Historicae Scriptores verbo negant, re fatentur, Historiam suam non habere principia. Ecquænam forent?

Etymologia hactenus infirma;

Et quid ita?

Primum infirmitatis argumentum;

Argumentum secundum.

Philologiae universae errores duo:

Prior improprie Poëtas loqui.

(1) Lib. super. Cap. CXLIX.

externis gentibus, sed de suis gentibus tradit, pro fabulosis prorsus habenda: quod argumentum si urgeas; de rebus Graecis etiam diu post Homerum, idem iudicium est faciendum: cum ipsius Homeri et aetas et patria ipsis Graecis sit ignorata: ex quibus conficias, nullam de *Antiquitatibus Profanis Historiam nobis superesse Historiam Romanam certorem.*

circa praecordia, improprias esse Poëtarum (a): et vicissim statuunt, et ex vero statuunt, Poëtas prorsae orationis Scriptoribus esse mirum quantum antiquiores; quasi tempore Homeri, et multo magis Hesiodi, sive adeo Orphei, nempe seculo heroico Graeci populi eâ linguâ loquerentur, qua post tanta temporum intervalla prorsae orationis Scriptores usi sunt: quando apud populos, maritimos maxime, et qui cum externis commercia agitant, linguae vel quingentorum annorum spatio tam insigniter mutantur, ut prorsus aliae videantur.

Error alter, Hom-
merum, Hesiodum,
Orpheum propria lin-
gua locutos.

Aequa perversitate conveniunt in illa item maxime adversa duo; unum nempe, Poëtas *alia lingua*, ut cum Cicerone dicam, loqui quam populari; ac proinde Homerum quoque, Hesiodum, Orpheum propriâ linguâ, non communi gentis locutos esse: alterum, Poëtas fuisse primos rerum-publicarum fundatores. Si enim Poëtae silvestre ferumque vulgus ad civilem societatem adegere; cur linguâ usi tam a vulgari remotâ, ut ad eos enarrandos praecipue Grammatica facta sit. Quae duo cum, ut maxime adversa, ita maxime vera sint, mihi fecere locum graviter dubitandi, Poëseos veram originem hactenus latere ignoratam.

Grave dubium, an
vera Poëseos origo
hactenus ignorata?

Atque adeo his de causis omnibus ego, qui in omni vita magis ratione uti quam recordari sum delectatus, quo plura in Philologia novi, plura mihi ignorare visus sum. Unde non temere Renatus Carthesius et Malebrancius philosopho alienum esse dicebant, in Philologia multum diu-

Cur Philosophi a
Philologiae studiis a-
licui?

Locutio poetica
propria,
Impropria vulgaris.

(a) Cum propria locutio ea sit, quae alii sententiae, quam cujus nota est, aequae proprie applicari non possit; ut *fervere sanguinem* *circa praecordia*, non potest alium affectum significare, quam *iram*: at *sperare* pro *timere*, populi,

Quem penes arbitrium est et jus et norma loquendi,
aeque proprie dici potest, ut dictum quandoque est apud Terentium,
Nam quod tu speras, propulsabo facile;
quam antiquam locutionem usurpavit postea Virgilius,
tantum potui sperare dolorem!

et ratio ea est quia locutio poetica ex propriis rerum notis componitur, quae res per ultimas ipsarum proprietates describit: at prorsae orationis locutio ex proprietatibus cujusque rei tanquam genus, unum abstrahit verbum, ut ex *sanguine*, *servitione* et *praecordiis* efficit verbum *irasci*: genera autem sunt suapte natura communia, non propria; quare qui ex genere loquitur, nunquam proprie de rebus loquitur: unde factum, ut linguae vulgares magno sint Philosophis impedimento ad veras rerum naturas distinguendas.

que versari: quod dictum alioqui, nisi cum modo accipia-
tur, id sane sub magnæ auctoritatis nominibus it Christiana-
nas respublicas perditum (*). Nobis enim leges Divino utro-
que Codice, nempe Veteris Testamenti hebraea, aliisque
linguis orientalibus, Novi autem et graecâ lingua perscri-
ptae; leges in Corpore Juris Justiniani latine, qui ex Ba-
silicis aliisque de Jure Orientali graecis libris ingentem ac-
cipiunt lucem, conceptae sunt: Theologia et Jurisprudentia
bonâ et magnâ parte ex harum scientiâ linguarum constant;
et Interpretes nullam habent Auctorum fidem.

Itaque Philologiae studium a duobus praestantissimis Phi-
losophis, si communi Christiani nominis, non privatae Phi-
losophorum gloriae studuissent, ita erat protrudendum, ut
viderent Philosophi, an Philologiam ad Philosophiae prin-
cipia revocare possent, sub gravi Platonis exemplo, qui id
in *Cratylô* praestare conatus est, infelici tamen successu,
quia linguam certam a primis legibus introductam, quae
certe fuit, quae vixerat seculo Poëtarum Heroum (1), qui
primi respublicas legibus fundarunt (2), ignoravit; et ideo
ignoravit, quia jamdiu Athenis leges praesenti ejus linguâ
loquebantur; nam quotannis emendabantur a Nomothetis.
Julius Caesar Scaliger, philosophus satis acutus, in latinae
linguae caussas philosophicis rationibus inquirere studuit,
quem postea Sanctius Scioppiusque secuti sunt; sed ex
Philosophia Aristotelae de promptis, quae longa seculorum
serie post linguas primum conditas orta est; nec Philoso-
phia generis humani aestimatur, cum ne graecis quidem
Philosophorum sectis aliis probata sit.

Hinc nos si non felici, certe pio ausu de *Principiis Hu-
manitatis*, cujus studium Philologia est, ex necessariis ar-
gumentis a corrupti hominis naturâ desumptis disserere
hoc Libro decrevimus; et ita *Philologiam ad scientiae*
normam exigere.

(1) Lib. super. Cap. CLXIX.

(2) Ibid. Cap. CLXXXIII.

(*) Auctor in Libro *Metaphysico* (pag. 144-145) ostendebat quod
abolita penitus auctoritate, commendato exclusive judicio individua-
li, eruditione et linguarum studiis contemptis, reformatio Carthe-
siana scientiae traditionis vim et topicam philologiae eripiebat. Hic
vero reformationem Carthesii facto oppugnat, et exigens ad normam
scientiae philologiam, auctoritatem quodammodo metitur in natio-
num incrementis, et exhibet modum conciliandi sensum communem
et judicium individuale, libertatem philosophicam et auctoritatis
reverentiam.

Philosopho Chri-
stiano dignum, Phi-
lologiam in Scientiae
formam redigere.

Cur Platonis Cra-
tylus non sat felix.

Julii Caesaris Scali-
geri et Sanctii Sciop-
pii que tentamina ar-
guta magis quam va-
ra.

CAP. II.

De principiis Humanitatis ()*.

Humanitas quid?

Cur studia linguarum Humanitatis dicta?

Humanitatis partes duae:

Pudor, Libertas;
ex quibus ambahus Liberalitas,Forma; Pudor,
Materia Humanitatis, Libertas.

Humanitatis est hominis hominem juvandi affectio: quod quia potissimum sit oratione, nempe consiliis, admonitionibus, exhortationibus, consolationibus, objurgationibus, hinc puto factum, quod *studia linguarum* dicantur *Humanitatis*.

Sed ex latiori genere Humanitas heic a nobis accepta e duobus principiis constat, *Pudore* et *Libertate*; ex quibus ambobus *Liberalitas* coalescit, quae virtus hoc hominis ingenium dirigit perficitque. *Homo enim hominem juvat* aut *sermone*, aut *operâ*, aut *re*. In unaquaque harum trium rerum, ut recte fiant, *Pudor* et *Libertas* unitae adsint, oportet: nam servilis pudor adulatorum est, qui ne dum genus humanum non juvant, omnino perdunt; nam homines ex stultis prorsus insanos faciunt, ut inde in gravissima mala conjiciantur. Contra acerbæ objurgationes et graves irritant saepe magis, quam absterrent a prave factis aut male consultis homines. Opera autem, nisi ingenua sit, ea est necessarius, ut pecudum, labor (1). Postremo libertas immodesta juvandi alios est prodigalitas, quae ut plurimum in immeritos rem profundit, et dantes et accipientes ex aequo perdit. Igitur ex vi ipsius humanae naturae de duobus his Humanitatis principiis disseramus, quorum unum ceu *forma* erit, *Pudor*, alterum veluti *materia* erit, *Libertas*, pro iis quae diximus de Universi Juris Voluntarii *Forma* et *Materia* Libro superiore (2).

(1) Unde Lex Aquilia inter pecudes numerat servos.

(2) Cap. LXXVII.

(*) Confer quoque Lib. I Cap. XXXIII et XLV de principiis Humanitatis: Capita II, III, IV, V, VI hujus Part. II Lib. II conferri debent cum ordine normali passim descripto in Lib. I. Aliud argumentum opus malo uti ordine.

CAP. III.

De uno Humanitatis principio, Pudore.

Diximus priore Libro, Cupiditatem gigni ex rebus finitis (1); eamque esse animi labem per Adæ peccatum a corpore contractam (2), omnium peccatorum homini corrupto fomentum (3). Nam Theologus plane non est, qui id negaverit, quod Angeli incorporei, peccarint tamen; tum quia Angeli peccare quam liberrime sine ullo cupiditatis impulsu voluerunt; tum quia nullum cupiditatis impulsu habuerant a corpore, quod est terminatum, ii in Infinitum rectâ peccarunt, nempe, esse ut Deus appetiere (4): unde merita poena sunt infinitum miseri, qui nollent esse Deum, qui infinitum est bonum, et sic omne bonum æterno odio habent; nihilque amant, nisi mendacium, quod nihil est. Ex eodem ferme genere Adâ peccavit, qui cum integer posset, si vellet, non auscultare cupiditati (5); malus Dæmon non ullum corporis bonum, quod finitum necessario fuisset, sed infinitum bonum animi, ipsam Dei Sapientiam ei proposuit, inquit: *Eritis sicut Dii, scientes bonum et malum* (6). Igitur is quando veram scientiam, qua, præ Dei beneficio fruebatur, contempsit, et infinitam discere concupivit, condignâ eum plexit Deus poenâ (a), erroris, seu *malefacti conscientiâ*, quæ nihil aliud est, nisi *veri ignorati pudor* (7). Atque hæc fuit *prima omnium poena*, et quidem *Divina*, proprie a *poenitendo* appellata, quam Plato unam Nemeseos, sive Divinae ultionis poenam esse statuebat.

At quia Deus simplicissimis rationibus agit et regit cuncta (8), cum primum Parentem peccaturum providisset, et in eo generis humani naturam corruptum iri, cupiditatem praegravaturam rationi, ac proinde sensus esse imposituros menti (9); hominem ita fabricarat, ut pudore afficeretur,

Cur Angeli et Adâ integer in falsa bonæ mentis et infinita peccarint?

Pudor est prave facti conscientia?

Prima poena Divina homini a Deo irrogata.

Summae Dei Sapientiae maximum argumentum.

Pudor Juris naturalis fons,

(1) Cap. XXIV. (2) Cap. XXI cum tribh. seqq. (3) Cap. XXIX cum 2uobh. seqq. (4) S. Thomæ Sum. Theol. I. Qu. LXIII, Art. 2 et 3. (5) Ibid. Qu. XCV, Art. 2. (6) Ibid. II, 2, Qu. CLXIII, Art. 2. (7) Lib. super. Cap. LXIX. (8) Ibid. Cap. VI. (9) Ibid. Cap. XXV.

(a) Qua poenâ, vera Hebræorum religio ab falsis gentium omnibus distincta est: nam, ut priori Libro innuimus, et hoc latius disseremus, omnes gentium religiones Divinatione fundatae: at Deus scientiam boni et mali ab primis parentibus affectatam punivit.

Integrae simplicitati repositus.

qui universi juris naturalis fons est: (1) eâque ratione *simplicitati amissae* statim *pudor successit*: unde primi Parentes post lapsum extemplo se nudos agnoverunt.

Pudor Religionis inventor.

Pudor in caussa fuit, ut pro *pietate* amissa, nempe amore erga Deum, excitaretur *Religio*, quae est Numinis metus, et ideo metus est, quia nos pudor admonet, Numen laesisset.

Rei stipulandi et promittendi unde dicti?

Ex qua ultima antiquitate conjicio, *reos stipulandi et promittendi* appellatos, ut nomine ipso admonerentur, promissor, ut cum dies cesserit, quanquam non venerit, solvat; stipulator, ut, non quando dies cesserit, sed quando venerit, petat; ac proinde, si contra faciant, sint ejus *pudoris rei*; quos dixeris omnes, qui jure stricto contra aequitatem utuntur: et exceptione, tanquam juris naturalis actione repelluntur: quae exceptio ex genere a Romanis *doli* appellata est; quam Libro superiore a temperantia dictari diximus (2).

Infamia altera poena divina.

Et ex pudore est *sensus communis reverentia*, ex qua *Audaces* altera divina poena manet, *Infamia*, quae est commune hominum judicium quod improbe factum damnat.

Praeclara virtutum omnium a pudore orta soboles enarratur.

A pudore itidem frugalitas, probitas, quae sunt bonae animi artes quae temperantiam firmant: a pudore promissi fides, dicti veritas, alieni abstinencia, quae sunt bonae animi artes quae firmant Justitiam: et a communis sensus reverentiâ coërcitae improbitas, impudentia, audacia; ex qua omnia scelera et maleficia gignuntur; quae qui admittit infamiae, quam Jurisconsulti dicunt *facti*, seu *sensus communis*, jure naturali *reus* est.

Verborum arbitrari, discernere vestustissima origo.

A pudore quoque genus humanum edoctum, omnia vitae obscoena turpiaque occultare; et utilitatum enormitates ipso aspectu *arbitrari*, ac *discernere*, quo tempore omne commercium permutationibus agitabatur, et, nondum ullâ communi mensurâ inventâ, res mole ipsâ aestimabant: ad quae antiquissima tempora haec duo verba cum suis quaeque proprietatibus revoco: *arbiter* enim *spectator* proprie dicitur; et qui spectando rem judicat *arbiter* appellatur, pro illa locutione, *remotis arbitris*: unde mansit postea *arbitrorum* appellatio in judiciis bonae fidei, quae pudore plurimum constant; uti appellatio *judicum* in judiciis stricti juris, juxta illam formulam, INTER JUDICES ARBITROSQUE. *Discernere* autem est visu serio definire aequalitates utilitatum:

Arbiter proprie quis?

(1) Cap. LXVI in not. lit. B. (2) Cap. LXVI.

cernere (a) enim est distincte, ut ita dicam, videre, et *decernere* perfecte cernere est: quare *decernere* hujus vetustatis est proprium: quod, cum postea jure majorum gentium per vim fieret, *decernere armis* dictum est, quod Itali proprie reddunt, *vederla con l'armi*; quod proprie *decidere* dictum est, tanquam *caede definire* (b): tandem, jure civili introducto et judiciis constitutis, dictum est *judicare*.

Decernere armis unde dictum?

Historia duum verborum *decidere* et *judicare*.

A pudore tandem in statu exlegi admoniti, qui Caeli, quod Deum putabant, aspectum veriti, promiscuam venerem ferarum ritu abhorrere, et non sine aliquo Numine, quod auspiciis sequebantur, certas sibi uxores in omne vitae consortium destinarunt; neque ignavi errone, quâ pabulum daretur, vagabantur: sed certis sedibus auspicato captis consedere, et occupatas terras colere instituerunt: unde primum familiae, mox gentes majores, inde clientelae constitutae, ex quibus demum Republicae et Imperia orta, quibus minores gentes fundatae sunt (1).

Prima humanitatis lapsae parens Pudicitia;

Omnisque civilis vitae.

Et eadem simplicitate Deus Opt. Max., cum hominem corpore et animo conflasset, ab animo conatum homini attribuit, quem demonstravimus, proprium esse animorum (2), ut homine lapso, *pudor* hanc vim animi intenderet, qua animus menti corporique imperaret.

Pudor excitator virtutis.

Namque ignorati veri pudor vim animi intendit, quatenus menti imperat, ut in vestigando vero pertendat, donec habeat exploratum: atque haec tertia divina poena est, *curiositas*, ut perquam homo peccasset, per eam ipse purgaretur: et ex ea provenit *prudencia*, qua homo instructus temeritatem, et ejus sobolem *delicta* vitaret, quae proprie a *delinquendo*, deficiendo dicta sunt, et sic quoque vitaret *vicia*, qua appellatione Latini *defectus* ipsos significant, quasi sint pravi habitus animi ex frequentibus delictis, seu defectibus debitae attentionis in vestigando vero confirmati.

Curiositas tertia divina poena qua homo corruptus purgaretur;

Et Prudentiam indueret. *Delicta* et *Vicia* unde dicta?

Ab hac ipsa mentis vi vestigandi veri provenere Sapientes, qui excellentiorem virtutis imaginem, quam qua vulgo homines praediti sunt, excogitarunt: ad quam conformati

Sapientiae humanae origo.

(1) Lib. super. Cap. CIV cum duob. seqq. et latius infra, ubi de Histor. Temporis Obscuro. (2) Lib. super. Cap. XXXIV cum plurib. seqq. et hoc lib. Part. prior. Cap. XVII.

(a) Uti *cernere* fuit primis hominibus, diligenti inspectione rerum utilitates aestimare; unde *cretio* Romanis mansit, antiquum additionis hereditatis genus.

(b) Quod congruit cum eo, quod Libro priore leviter dictum, et hoc gravius firmabitur, prima in terris judicia fuisse *duella*.

Philosophi, eminentioris gradus officia, quam quae a legibus jubentur, dictant imperio veritatis.

Quarta poenarum divinarum industria; unde fortes, qui fundarunt respublicas.

Postremo eadem ipsa simplicitate Deus Sapientissimus, quia praeviderat hominem lapsum, infirmum, et solum ad omnium rerum egestatem redactum iri; ita eum praeformavit, ut ex multitudine exlegi pudore ferinae veneris divisi, existerent *Fortes*, qui vim animi in corpus quoque exercerent; agros sibi occupatos colerent; infirmos et egen-tes in fidem reciperent; ut ex utrisque respublicae fundarentur, in quibus fortes imperarent, infirmi parerent; sic quarta divinarum poenarum *industria*, quam Deus Adae lapso edixit, *in sudore vultus tui vesceris pane tuo*, omnia humanae vitae commoda in terris orta, quae ipsa inventionibus in genus humanum importavit: quibus et qui abundant, et qui egent ad colendam humanam societatem raperentur (*).

Et omnibus vitae commodis genus humanum ditavit.

Dei Opt. Max. in suis explicandis consiliis admiranda simplicitas!

Atque ita Deus Opt. Max. per unam naturalem et simplicissimam viam, nempe pudoris, qui ex temperatura corporis animique humani conflatur, quo primi Parentis peccatum plexit eo, inquam, pudore omne jus naturale continuit; et per natam ex pudore vim animi, quae mentem et corpus regeret, bonas artes omnes in homine lapso eduxit, per quas naturaliter sociatos sustinuit ac servavit.

Et Providentia! Invicta contra Casus, vel Necessitatis Philosophos Divinae Providentiae demonstratio (**).

Hunc ubique gentium sibi constantem simplicissimum ordinem, qui per ea ipsa, per quae genus humanum in sui exitium erat ruiturum, tot vitae socialis commodis, quot

(*) *Pudor* proprie dictus seu mali conscientia, *infamia* manans e reverentia sensus communis, *curiositas* sive desiderium cognoscendi, denique *industria* quae supplet hominum egestatibus, sunt quatuor poenae quibus Deus hominem corruptum ad humanitatem adegit. Hae quatuor poenae ad magnam triadem, qua totum systema innititur, rediguntur. *Industria* ad *fortitudinem*, hinc ad *posse*; *curiositas* ad *prudentiam*, hinc ad *nosse*; *pudor* et *infamia* ad temperantiam, hinc ad *velle* referuntur. Nam *pudor* ac *infamia* ad unum principium reducuntur, quum *pudor* procedat a vero quod nos interne sentimus; *infamia* procedat ab eodem vero, quod per alios cognoscimus. Hoc adeo certum est, ut *infamia* et *pudor* in prima editione Scientiae Novae unicam constituent poenam: hinc poenae quibus a Deo ad humanitatem adacti sumus tres sunt, videlicet *pudor*, *curiositas* et *industria*. SCIENZA NUOVA, Editio I, lib. V, cap. IV.

(**) Confer Lib. Metaphys. Cap. VIII, § 2, 3, et Lib. I hujus oper. Cap. IX. Ex hisce locis consequitur casum, fatum et providentiam ad unam eandemque legem referri, et triplex humanae rationis incrementum gradatim exprimere. Casus est dogma imbecillum (pag. 170); Fatum nil nisi leges siue carentes indicat; Providentia est dogma sapientis, qui ordinem in Universi legibus percipit. Quae

fruimur, ditavit et auxit, ut omni ratione naturaliter conservaret, impii negent, si possint, et *Divinam Providentiam* sustulerint: et tot, tanta et tam varia humanæ vitæ commoda, quæ, immenso terrarum ac marium spatio dissita, ingentibus navigantium sudoribus periculisque in unum emporium convecta, innumerâ industriâ artificum elaborata, alienis utilitatibus prostant, a quonam prostent dicat Epicurus, Machiavellus, Hobbesius, Spinosus, Baylaeusque: ab illo vel illo homine, qui ut fera bestia suæ unius utilitati studet? At enim quid boni in commune cujusque suum feræ bestiae unquam contulerunt? Ab homine autem certe prostant; sed qui, ut non ille, aut ille, ita certe homo est: neque enim ille, aut ille contulit omnia; neque meus intelligendi modus eam expromptam peperit copiam; neque inane, seu nihil ullam ulli unquam unam minimam rem, nedum tot, tantas, tam varias commodavit. Homo igitur est, qui nec ille, neque ille sit, neque modus sit, neque nihil sit. Haec hominis natura est, quæ non ut illum aut illum *hominem homini lupum* facit; sed illum aut illum *hominem homini* dictat *Deum* esse: et si tot tantaque bona ab uno Principio in unam generis humani salutem temere non coierint, nec caeco *Casu*; an ea eo compergit caeca *Necessitas*? Si non caeca, sed intelligens fuit, nec necessitas fuit, sed *Providentia Æterna*, quæ privatas hominum curas ita dividit ac dispensat, ut præter, atque adeo contra ipsorum propositum in summam redeant ad suam Infinitam explicandam Bonitatem.

CAP. IV.

De altero Humanitatis principio, Libertate.

Porro unus homo cum libertate creatus a Deo est: cetera sine arbitrio serva. Unde Adæ protinus creato in cetera mortalia a Deo summum arbitrium permissum. Sed ut per lapsum humana natura labefactata est, non prorsus extincta; ita et hæc ejus pars, nempe rerum arbitrium

Unus homo liber,
cetera mortalia serva.

Dominium homine
corrupto corruptum,
pudoremoderandum.

Vicis contra *casum* vel *necessitatem philosophorum* disserit, sic intelligi debet: Ordinem æternum caussarum ex ignorantia *casum* (Lib. Metaph. p. 89), ex imperfecta cognitione *fatum* nempe caecam necessitatem, ex plena finis et legum cognitione *Providentiam* appellari. Hinc Epicuro, Machiavello, Hobbesio, Spinosa, Baylaeo Vicus potius præstat, quam iisdem adversatur.

non amissum est, sed corruptum, ita ut pudore esset moderandum. Idcirco Deus, cum scisset hominem peccaturum, et ab honestate aeterna prae naturae corruptae infirmitate, egestate et solitudine, ad parandas vitae fluxas utilitates tractum iri, pudorem ei attribuerat, quo utilitates moderaretur. Moderatum utilium rerum arbitrium *naturalis*

Libertas naturalis quae?

Qui homo naturâ suus?

Servitus naturae definitur.

Suitas originaria quid?

Ex libertate commercia, ex commerciis humanitas exculpta.

Libertatis partes duae: Dominium et Tutela.

Tres legum et Reipublicarum fontes primi.

Auctoritas naturalis.

libertas est (1); ex quo homo dicitur *suus*, proprius; uti quod id aliena est potestate aut domicilio, dicitur *alienum*. Unde naturae servitus est, qua homo pecuniae, libidini, honori vivit serviliter mancipatus.

Ex hac hominis *suitate*, quam *originariam* dicere eleganter possis, et libertatem naturalem definivimus, sunt nata commercia; per quae tanquam per rivos ex altero fonte libertate humanitas derivata. Unde videmus civitates commerciis celebratas humanissimas esse, a commerciis remotas, feriores.

Hujus *naturalis Libertatis* partes duae sunt, quae ab ea tanquam a suo trunco diramantur, *Dominium* et *Tutela*: nam qui liber est, saltem suae libertatis est dominus; et qui ab injuriis se tueri non potest, servus est (2): quae sunt *tria jura primaria*, ex quibus omnes leges omnesque respublicas ortas vidimus (3), atque adeo omnis humanitas condita est.

Libertas enim est, ex qua homo proprius, sive suus ipsius est, quam diximus esse *naturalem auctoritatem* (4).

C A P. V.

De una Libertatis parte, Dominio.

Dominium seu Proprietas.

Dividitur in usum et fructum.

Summa rerum generum, utenda, fruenda.

Naturâ utenda.

Utilitas quae proprie?

Et Dominium diximus (5) esse eam Auctoritatis partem, quae in specie *proprietatis* dicta est.

Ita acceptum dominium duas item sub se partes habet, *usum* et *fructum*: et quidem duo in natura omnino sunt rerum genera, quibus homo in hac rerum universitate dominatur, alia *utenda*, *fruenda* alia.

Naturâ *utenda* sunt, quae usu ipso afferunt utilitatem, de quibus maxime proprie *utilitas* dicta est: cujusmodi sunt *aër* ad prospectum, *aqua profluens* ab bibendum, la-

(1) Lib. super. Cap. LXXI.

(2) Ibid. Cap. CXXII.

(3) Ibid.

(4) Ibid. Cap. LXXXIX cum duob. seqq.

(5) Ibid.

Cap. XCVI.

vandum, *mare* ad navigandum, *litora maris* ad appellen-
das naves, et ob has ipsas rationes *flumina publica* et *eo-
rum ripae*, quae proinde usu communia omnibus in legi-
bus Romanis dicuntur, proprietate nullius, nempe proprie-
tate, quae nunc est, jam distinctis rerum soli dominiis,
non de illa primaeva de qua heic loquimur; quod domi-
nium in rei communione, recte Grotius definit, *usum om-
nibus hominibus communem*.

Naturâ communia
ut sunt nullius?

Quid primum in
Terris dominium?

Atque hinc fit, quod cum ex hoc rerum genere ipsa
Terra sit, quatenus hos naturâ habeat usus, ut ibi insista-
tur et qua iter fiat; Principes summi aliorum Regum co-
piis per suas ditiones iter facere volentibus, ut plurimum
iter praeberere teneantur, ut mare liberum, et litorum ap-
pulsum eorum classibus; et si prohibeant, prohibiti iter ar-
mis vindicare possint. Et in rebus privatis *iter, actus, via*
sunt pars domini eorum quorum praediis debentur (1),
quibus si uti impediuntur, *actione confessoria*, quae vindi-
cationis species est ejus, vi domini ea vindicent.

Terra ut nunc
quoque natura com-
munis?

Ut iter, actus, via
sunt pars domini?

Hominum vero voluntate factum, ut res utendae arte
factae, uti sunt omnia, quae ad vestitum tectumque, et
alios humanos usus, praeter quam victum, pertinent, in
alteram domini partem, nempe fruendorum translata sint,
quia naturâ superflua sunt; cum usus naturâ sit duntaxat
necessitatis: quae est ratio discriminis inter *usum* et *fructum*
Jurisconsultis Philosophisque communis (a).

Utenda ex homi-
num arbitrio quae?

Cur in genus fruen-
dorum translata.

Naturâ autem *fruenda* sunt, quae fructu ipso proven-
tum afferunt, ut sunt proprie fruges et fructus, de qui-
bus proprie dicitur *frui*. Ad quod si spectasset Julianus,
non omnino reprehendisset, qui existimarat, *fruges* appel-
lari eas quibus homo vesceretur (2). Nam de his rebus di-
citur in sua nativa significatione *proprietas*, quod fructu
(nunc autem dicunt *abusu*) propria seu nostra ipsorum
fiunt, et omnium maxime proprie in nostram substantiam
abebunt.

Naturâ fruenda quae?

Unde *frui* dictum.

Abusus proprie
fructus est.

Atque haec, quae dico, confirmant antiqui Interpreteres
Juris, quum dicunt dominium esse *usumfructum*, quem
causalem appellant; quod si pro hoc dominio omnium an-
tiquissimo, quod primi homines exercuere, accipiatur, *caus-
alem* dicant, nihil elegantius dici potest. Nihil enim vetat,

Qui ususfructus
vere *causalis* esset?

(1) L. 4. D. de Usufructu. (2) L. Fruges 67. D. de V. S.

(a) Qui posteriores docent, hanc esse corruptae naturae perversi-
tatem, *utendis frui, fruendis uti*, nempe homines ex vitae neces-
sariis luxus, ex luxibus vitae necessaria fecisse.

vel Barbaros quaedam eleganter dicere, ut Latini multa, Attici omnia; ne quidam erret, qui idem eleganter ac latine dictum putaverit, ignorans inter Verulamii desideria; Dictionarium esse ex omnium linguarum elegantissimum concinnatum.

Quae vera rerum *proprietates*?

Quid proprie *meum*, *tuum*? Unde *mutuum*?

Meum et *tuum* nata ante dominiorum distinctionem.

Meum et *tuum* ut in communione discordiarum, ita distinctis dominiis, vi commerciorum, societatis parientes.

Vocabuli *proprietates* metaphorae.

Prima frugum solo divisarum.

Fructuum perceptio prima in terris nata occupatio;

Jure naturali, non gentium introducta.

Libertas ut naturaliter celebrata?

Frugi homines unde dicti?

Frugalitas Romanis pro omni virtute.

Itaque *proprietates* initio fuit earum rerum quae absumendo nostra fiunt: qua significatione maxime propria dicitur *meum* et *tuum*: ex qua Jurisconsulti dictum putant *mutuum*: unde conficitur ratio cur rei alienae mutuo datae hoc dominium absumendo paretur (1).

Quamobrem haec duo verba *meum* et *tuum*, quae Plato dicebat *seminarium omnium discordiarum*, nata sunt ante dominiorum distinctionem. Nam Divina Providentia, quando per invalescentem ex Adae peccato cupiditatem communione rerum, quae fuisset hominum maxime propria, inter eos humanitas conservari non potuit, et in communione rerum *meum* et *tuum* serebant discordias, quae genus humanum perderent; introducta in rebus soli divisione, *meum* et *tuum* genuere commercia, quibus diximus humanitatem celebrari.

Sed non protinus *proprietates* ad res soli translata est, sed sensim per gradus, quos ex ipsa rerum natura mox narrabimus eo processit.

Principio enim *proprietates* alienata est ad fruges opera nostra a solo divisas, quum primi homines terrae fructus *perceptione* fecere proprios: quae est *prima species occupationis* in terris nata, et *primus omnium modus distinguendi dominii* jure naturali introductus, distinguendi, inquam, dominii, non acquirendi, jure naturali, non gentium, quia ea occupatio rerum fruarum ante gentes fundatas a singulis hominibus octoepit; et facta est jure dominii cum ipso homine nati, ac proinde *dominii universalis*, quod Grotius appellat: quare dominium non peperit, sed distinxit.

Atque hac in re non tam naturalis ratio, quam et summa copia rerum et summa raritas hominum faciebat, ut modesti et commodi homines tantum de medio sumerent, quantum satis; et ita naturâ ipsâ celebrabant libertatem, quae ibi viget, ubi homines communibus bonis modeste utuntur.

Hinc postea *frugi*, homines parci, et ipsa moderatio *frugalitas* dicta est: quo vocabulo Romani Ciceronis testimo-

(1) Quam rationem graviter exornat Hermannus Vultejus in Commentar. ad tit. Inst. Quib. mod. re contrahit. oblig. princip.

nio omnem virtutem significabant, quod omni virtuti modus inest,

Quem ultra citraque nequit consistere rectum: (a)

hujusque vetustatis vestigium est, ut *homo frugi*, vir probus, modestus etiamnum dicatur.

Et ea ratione, *rebus ipsis dictantibus*, omnium virtutum fundamentum inter homines a Divina Providentia jactum est, *moderatio*: namque et homines divino auxilio destituti erant, ut possent recte agere ex deliberata ratione; et nondum communis utilitatis occasiones natae, eos justiusque poterant submonere.

Ut primum Justitiae fundamentum Moderatio inter homines jactum.

Atque ex his quae hactenus dicta sunt, liquet *traditionem* rerum mobilium esse modum domini parandi jure naturali introductum, jure autem gentium receptum: nam ante gentes fundatas usuvenisse necesse est, aut saltem potest, ut alius alio rerum genere vitae necessariorum abundaret, quo egeret alius; et pudorem dictasse, ut egens voluntate compotis rem acciperet, et pro ea aut eandem in genere dare promitteret, ut aliam daret, qua forte alter egeret. Quae fuit prima utilitatis occasio inter homines nata, quae eos justitiae commonuit.

Rerum mobilium traditio, modus acquirendi domini jure naturali introductus, jure gentium receptus.

Prima utilitatis occasio inter homines nata, quae eos justitiae commonuit.

Atque indidem colligitur, *permutationes* primos hominum contractus, et *promissa* ante conditas gentes celebrari coepta, de rebus mobilibus tamen. At postquam a gentibus distincta terrarum dominia, traditio ad dominia quoque rerum soli quaerenda producta est.

Permutationes primi in terris contractus; promissa ante gentes conditas celebrata.

Deinde *proprietatis* significatio processit longius, quum homines providi fructus et ligna aestate colligerent in hyemem servaturi; unde *Industrii* dicti, et industria, a *struendo*, quod *struix* proprie *lignorum* dicatur: et *industria* pro *labore*, quod hic fuerit primus hominum labor. Hoc rerum statu coepit *custodia* pro *proprietate* haberi: et a *domo* forte *dominium* appellatum, quod domo seu custodia tuerentur.

Traditio rerum soli jure gentium introducta.

Quando custodia pro proprietate haberi coepit.

Industria unde dicta.

Postilla *proprietatis* ad significationem hac impropriorem prolata est, quum homines numero aucti, sola terrarum, quae Jurisconsulti dicunt *fundos*, terminis positus, sibi custodire coeperunt; et *animus domini* per eos terminos positos significatus proprietatem fecit. Ex quo tempore *usus* pro *possessione* et *auctoritas* pro *dominio* accepta sunt: in quae duo juris gentium verba Cap. legis XII. Tabb. de

Quis primus hominum labor?

Dominium unde dictum.

Quando animus domini statim significatus pro proprietate haberi coepit?

(a) Atque haec est quam Cicero definit, *bonitatem naturae*.

Usus et Auctoritas quo sensu juris gentium vocabula? Auctores qui primum dicti?

Usucapionibus conceptum est. *Usus et Auctoritas fundi bien-nium esto*; et Auctores in Romanis legibus dicti, a quibus dominii causam habemus (1), et plerumque venditores (2) non ut falso eruditissimi Juris Interpretes putant ab *augendo*, sive auctione.

Hermogenianus illustratus.

Cum his quae de historia Auctoritatis sive Proprietatis tradidimus, congruit, quod Hermogenianus scribit (3), nempe *jure gentium distincta*, non *introducenda* dominia; nam jure naturali cum hominibus nata erant pro indiviso, deinde per gradus, quod diximus, distincta sunt *jure gentium*, quas *posuisse terminos agris, distinxisse dominia, aedificia collocasse, condidisse regna* idem Jurisconsultus ibidem narrat; nempe gentes majores, ex quibus regna fundata, non minores, quae a regnis fundatis provenire, ut Libro superiore latissime demonstravimus (4). Qui sane locus primam nobis fecit copiam intelligendi, cur *Dii majorum minorumque gentium* dicerentur, quos antea dici vulgo Eruditorum audiveram, sed quid eae voces importarent, nunquam ab iis intellexi: quae sane voces, nisi sic, ut nos distinximus, accipiantur, neque hic Hermogeniani, neque innumeri de *Re Romana* loci explicari commode possunt, ut inferius videbimus. Sed et has voces Romani, ut alias sane quam plurimas ad similia significanda traxere, ut *majorum minorumque gentium patricios* significarent, nempe priores esse illos qui a Patribus per Romulum lectis, quasi a Patribus ante Romanam gentem, posteriores nimirum illos qui a Patribus post Romanam gentem fundatam provenire: quae duo translata pro verbis propriis, ut hactenus vulgo accepta, ingentem, ut videbimus, Historiae Romanae obscuritatem peperere.

Majores et minores gentes quae proprie.

Quae per similitudinem?

Postremo, fundatis civitatibus, *proprietatis*, sive auctoritatis significatio ad omnium maxime impropriam pervenit, quum jura sine ulla corporali occupatione, sine custodia, sine ullo permanenti corporeo nostri animi signo, sed sola animi destinatione sufficienter significata; jura, inquam, propria, seu nostra ipsorum fiunt: et universum patrimonium *substantia patris* dicta (5); et *substantia hereditas* appellata (6); quae non sunt corpora hereditaria, sed jus quod intellectu consistit (7).

Postremo proprietas nata sola animi destinatione sufficienter significata.

Ipsae animae, et quae sunt animi jurisconsultis substantia hominis dicta.

Postremo, fundatis civitatibus, *proprietatis*, sive auctoritatis significatio ad omnium maxime impropriam pervenit, quum jura sine ulla corporali occupatione, sine custodia, sine ullo permanenti corporeo nostri animi signo, sed sola animi destinatione sufficienter significata; jura, inquam, propria, seu nostra ipsorum fiunt: et universum patrimonium *substantia patris* dicta (5); et *substantia hereditas* appellata (6); quae non sunt corpora hereditaria, sed jus quod intellectu consistit (7).

(1) Lib. super. Cap. XCVI. (2) Ibid. Cap. eod. (3) L. 5. D. de Just. et Jure. (4) Lib. super. Cap. C et per librum ferme universum. (5) L. fin. C. de Verbor. signif. (6) L. 58. § penult. D. de administr. Tut. (7) L. hereditas l. pecuniae § 1. l. bonorum de V. S. l. hereditas D. de hered. pet.

Sed ex hujus verbi, *proprietatis*, historia vides, vocabulum quidem ad impropria translatum, sed rem vi ipsa ad suam maxime propriam naturam accessisse, ut jura a corpore ad animum transferrentur, et *proprium cujusque*, sive *cujusque suum*, quod idem est ac *jus cujusque* a *consumptione* primum, deinde *perceptione*, tum *occupatione*, porro *custodia*, posthaec *limitibus*, tandem ad *voluntatem*, qua nihil in homine magis proprium datur, concessisse: et per hos gradus a jure naturali priori primum per jus gentium, deinde per jus civile, postremo ad jus naturale posterius, sive ad solum pudorem jura tandem pervenisse: quod eleganter dixeris, jura omnia a jure naturali rudium hominum inchoata, jure naturali majorum gentium erudita, jure naturali gentium minorum attenuata, jure naturali Philosophorum sunt omni ferme corpulentia depurata.

Ut jura sensim et per gradus ad suam aeternam incorpoream originem concesso.

Nihil homini magis proprium, quam voluntas.

Universi Juris ut brevissima historia, ita summe admiranda.

CAP. VI.

De altera Libertatis parte, Tutela.

De *Tutela* superest ut dicamus: eam definivimus libertatem tuendi per vim se et sua (1); sive est naturale imperium cum homine natum; quo qui injustum aggressorem ob sui, suarumve rerum tutelam occidit, si aliter tueri nequeat, jure superioris occidit (2).

Ab ea vi *virtus* principio appellata, quae viribus corporis alienae vi illatae obsisteret, eamque superaret: sed latius postea legibus a vi corporis ad vim animi translata est, et vis ad suam naturam concessit; estque jus sua vindicandi, aut ulciscendi in judicio: et in judicio privato dicitur *actio*, *accusatio* in publico; nam utraque est juris nostri legibus praeformata *Tutela* (3), dum formulae vigeant; at postquam viguit jus naturale Philosophorum, est juris nostri *Tutela* a Ratione dictata.

In rerumpublicarum autem fundatione, ut diximus Libro super. (4), ex libertatibus singulorum *libertas civilis* extitit, quae tum maxime celebratur, quum omnes legibus serviunt; ex dominiis singulorum *dominium eminens* conflatum, quo tanquam reipublicae patrimonio omnium privatorum jura continentur; et ex singulorum tutelis natum *summum*

Tutela quid?

Tutela imperium cum homine natum.

Virtus cur primum corporis, cur deinde animi dicta?

Actiones, Accusationes, Tutelae species.

Unde genita libertas civilis?

Dominium vere civile, quod vulgo *eminens* dicunt?

(1) Lib. super. Cap. LXXII. (2) Ibid. Cap. XCIX. (3) Ibid. Cap. CXXI. (4) Ibid. Cap. CVIII.

Imperium civile
seu summum?
Auctoritas civilis?
Auctoritas civilis
est vulgi Philosophia.

Imperium, quod sua vi armata legum cunctos cives tueretur: et ex singularibus auctoritatibus *Auctoritas civilis* coortata; quae praeterquam quae sunt naturâ debita, honesta quoque naturae officia jubere potest; quae autem naturâ sunt licita, prohibere: et sic Auctorati civili haec humanitas, qua exculi publice sumus, est ut *Vulgi Philosophiae* accepto referenda.

Quae essent vera
Profanae Historiae
principia?

Ut autem sciamus quibus rationibus haec civilis Auctoritas a primis generis humani exlegis temporibus ad has respublicas, in quibus nunc versamur, perducta sit, *Historia Temporis Obscuri* ex nostris principiis est contexenda: quae sane fuerint principia quae hactenus desiderantur *Profanae Historiae Universae*: in quo conatu si defecerimus, studium saltem tantâ cognitione juvandi universum genus humanum certe aliqua indignum laude non fuerit.

CAP. VII.

De Historiae Universae principiis.

Historia duplex, Rerum et Verborum.

Historia Verborum, Etymologia.
Prima Historia Rerum, Mythologia.

Certa origo et successio Historiae universae ab Historia Sacra repetenda.

Historia Universa, altera rerum, altera verborum est; atque hanc ex illa profluere perinde constat, uti extra omne dubium est, priores res esse, quam rerum notas. *Historia verborum* incerta, nempe *Etymologia*, quia Historia prima rerum profanarum, quae est *Mythologia* (a), seu Historia temporis fabulosi, nec certam habet originem, nec certam successionem: et ideo ejus incerta origo et incerta successio, quia rerum temporis obscuri hactenus est desperata cognitio. Quare si Sacra Historia res nobis exponat actas, dum in Historia Profana tempus obscurum et fabulosum, sive Heroicum excurrit; jam tramitem habebimus, quo Historia Temporis Obscuri, et Historia Temporis Fabulosi Historiam Temporis Veri pertingat. Igitur quod hactenus de naturalis Orbis terrarum mensuris verum dicebatur, eas a certis Caeli mensuris suam certitudinem mutuari; id de veritate Orbis terrarum civilis quoque dicendum sit, quod *veritas rerum profanarum* unice ab *Historia Sacra* petenda sit.

Poetae Heroës primi Rerum profanarum Historici.

(a) Cujus Auctores Historiae, Poetae heroës fuere: cujus antiquitatis apud Homerum extant vestigia duo in Odyssea, alterum, ubi Alcinoüs Ulyssi, postquam suos errores exposuit, dicit, cum uti *Musicum* sive Poëtam suam Historiam enarrasse; alterum, ubi Eumaeus, Ulyssis subulcus, refert Penelopi, *erronem* (Ulyssem nempe fictum pauperem senem) *suorum historiam malorum sibi, uti Cantorem, sive Poëtam descripsisse.*

CAP. VIII.

*Sacrae Historiae demonstrantur antiquitas,
perpetuitas veritasque.*

Itaque de Sacra Historia statuamus haec tria:

I. Eam omnibus profanis esse antiquiorem:

II. Eamque solam certa initia, certamque successionem Historiae profanae universae commodare:

III. Atque has ipsas res, praecisâ licet divinâ fide, quae tamen omni demonstratione major est, tradere humanis argumentis, quantum haec res ad verum geometricum propius accedere patiatur, demonstratas.

Antiquitatem haec duo probant:

Unum, quod nulla profanarum Historia genus humanum exlex tum ante, tum post Diluvium, ante omnes respublicas fundatas, omnesque leges positas, sub *Stoexparia* egisse, explicatus narret: quem vetustissimum rerum statum soli Poëtae suis fabulis et tamen perobscure innuerunt. Sacrae Historiae antiquitas.

Alterum, quia ipsa Respublica Hebraeorum principio ad Theocraticam formam fundata est, Decalogi legibus, quibus nulla poena irrogatur humanâ institutione; et late narratur in sacris Bibliis a Mose ad Reges usque cccxcix durasse: quo statu *majorum gentium Dii duodecim*, nempe antiquissimi Deorum falsis religionibus consecrati; et eorum fide majores gentes, hoc est omnium vetustissimae contentae sunt.

Tertium, quod alii quoque ante nos adverterunt, quod Homerus, scriptorum omnium profanorum certe primus, tales suorum Regum pastoricios mores describat, quales Historia Sacra de suis primis Regibus narrat: et tamen Regnum Hebraeis a Mose Sacrae Historiae scriptore quingentis post annis fundatum est.

Certam autem originem, certamque successionem rerum profanarum unam Sacram Historiam nobis tradere posse, evincit vetustissimus ille quem supra (1) tradidimus gentium morem, externarum agere incuriosas, et ideo incuriosas, quia suis quaeque finibus contentae, externas gentes nonnisi per bellorum occasiones noscebant; quorum

(1) Hoc Lib. Par. II, Cap. I, § Quae res.

perpetuae poenae captivitates et servitutes fuere: quas Hebraei ab Assyriis perpassi, dum per ea ipsa tempora, et diu post Graeci jam exculi Assyriorum potentiam ferme ignorarent, rerum profanarum, quae ab Assyriorum Monarchia profanis Scriptoribus incipiunt, et certa initia et certos progressus docere possunt.

Veritas.

Quod autem haec ipsa nobis ex vero tradat, tria item argumenta graviter docent:

Unum, quod ea gens legis et patrii moris usque tandem ad obstinationis vicium religiosissima fuerit, ut suae antiquitatis monumenta sanctissime custodisse, nihilque admisisse externi putandum sit.

Alterum, quod ipsa Historia ipsis linguae perpetuitatem servarit, quod illud evincit, hebraeae linguae Eruditis in ejus caussis hactenus inobservatum, quod rectum verborum, uti Graecis Latinisque est tempus praesens, ita Hebraeis est praeteritum, tempus proprium Historicorum, et tertiae quidem personae.

Tertium, quod ex Hieronymo in *Danielem* et alii ante nos attulere, sed tamen id ipsum ex nostris principiis conficitur, est, quod Xenophon, primus Graecorum historicus, qui res externas scripsit, nam eas ipsas quas Graeci cum externis gessere scripsit, idemque gravissimus Philosophus, et magna ipse pars rerum quas scripsit; et quia suâ expeditione in Persiam prioribus belli Ducibus penitus penetravit, res Persarum Sacrae Historiae apprime conformes scripsit.

C A P. I X.

Demonstrantur Gigantes, qui sunt tanquam traduces antediluvianae in postdiluvianam Historiam.

Principia Historiae rationibus non firmata admirationem, non scientiam gignunt.

Nec solide firmata ac vulgus admirentur. Nam rationes physicae, quibus alii Gigantes fuisse probant, vix dignae sunt recensitu. Cum enim hominum staturam, qui ad duo sive adeo ter annorum millia ante nos vixerunt, certo sciamus, nostrâ homi-

Sed doctissimus Hugo Grotius veritatem Sacrae Historiae studio magis, quam judicio demonstrat, qui ejus initia Scriptorum ethnicorum locis benigne acceptis, non ullis invictis rationibus conficit; ut illa, quod *universale Diluvium* communis gentium traditio, et *Gigantes* praeterea, nudata postea forte sepulcra testentur: quae duo, quia rationibus non demonstrat, nihil conferunt, nisi ut haec ipsa Eruditi juxta ac vulgus admirentur. Nam rationes physicae, quibus alii Gigantes fuisse probant, vix dignae sunt recensitu. Cum enim hominum staturam, qui ad duo sive adeo ter annorum millia ante nos vixerunt, certo sciamus, nostrâ homi-

num nihilo proceriorem fuisse; qui tempore humana corpora parviora brevioraque fieri dicunt, videant ne in satis absurdas rationes imprudentes compellantur: quod si per tantum temporis spacium haec insensilis nostrorum corporum deminutio facta fuerit, centum millium saltem annorum excursu opus sit, quibus ad Gigantes perveniamus? Cur igitur Gigantes, ut Sacra tradit Historia, *Seculi Potentes* fuerint, piis credentibus synchroni? Cur non Abel, Cainus, qui aetate omnes anteierunt, Gigantes orti? Cur non subito post Diluvium nati quoque, sed Nimbrodus ad ducentos post Diluvium annos giganteâ staturâ a Sacra Historia narratur? Cur ex tanta corporum proceritate ad hunc brevem staturae modum, quam subito, tam insigniter decreverunt? An Angelos humana semina collegisse, et uti Incubos e falsarum religionum foeminis Gigantes generasse dicamus, ut multi Sacram Historiam interpretantur? Quibus difficultatibus adacti viri magis acuti quam pii, Gigantes proprie fuisse omnino negant, et metaphoricâs gentium Tyrannos accipiunt. Ab his exploratis scilicet principiis Historiam Universam hactenus sunt exorsi; quia auctoritatem inconcussa ratione, cujus pars auctoritas certe est, firmare non studuerunt.

Igitur principio aliquot *philologicas dignitates* quam vulgatissimas, tam extra omnem controversiae aleam positas in antecessum proponam. Philologicae dignitates novem.

Anno post Diluvium ante Babylonicam linguarum confusionem, Sem, Cham, Japhet exleges Terram inter se divisisse; et in Assyria mansisse Semum, Chamum in proximam Phoeniciam Ægyptumque, Japhetum in Europam commigrasse.

In Oriente praemature humanitatis rediisse artes, ita ut ducentis post Diluvium annis inter Chaldaeos Magia nata sit; quae alioqui in astrorum observationibus posita, multo majori tempore opus habebat, ut in artem sive adeo scientiam redigeretur.

In Occidente genus Divinationis natum tam rude, quam Orientalium eruditum, quae putabat fulmina tonitruaque, volatus cantusque avium et victimarum exta laeta tristiave Deorum monitus esse.

Constantem a primis usque temporibus inter Graecos famam durasse, cujus testis Homerus, genticos suos quondam more ferarum traduxisse vitam, et cadavera canibus corvisque voranda reliquisse.

Mythologos uno ore docere, hos fuisse feras quas Or-

I.

II.

III.

IV.

V.

pheus lyrae sono cicuravit, et saxa ex quibus Amphion ad lirae quoque sonum coëuntibus Thebarum muros construxit.

VI. Et Philologos universos, dum linguarum enarrant origines, docere quoque, interjectiones, primas fuisse humanas voces, quae ad perturbationum impetum erupissent; postea enata prae nomina, quibus res in summa verborum egestate indicarent, et quidem monosyllaba ferme omnia omnibus: et nos demonstravimus (1) primas inter Latinos proprias voces natas fuisse, nomina, et quidem omnia monosyllaba quoque.

VII. Et illud indubium interiores disciplinas ab Asia in Ægyptum et Graeciam deductas esse.

VIII. Ut illud quoque exploratum, longe priorem versam prorsus oratione natam esse.

IX. Postremo Poëtas fuisse primos rerumpublicarum fundatores.

Observandum,

Ne quis tamen miretur in Chronologia, ducentis post Diluvium annis in tantam frequentiam auctum genus humanum, ut Nimbrodus tam enormis altitudinis Turrim excitaret; id det, quod haut sane negaverit, viros decimoquinto anno pubescere, foeminas duodecimo viripotentes fieri, et foeminas quinquagesimo anno effoetari, et in annos singulos foecundare posse; et rationem putet, primam foeminam ad quinquagesimum usque annum septem et triginta filios parere posse, secundam triginta sex, tertiam triginta quinque, et sic deinceps; tum de neptibus, dehinc de abneptibus, demum de proneptibus eundem numerum capiat; is conficiat ad extremum, ducentorum spacio annorum plures hominum myriades nasci posse.

Problema, quo
nova de Philologia
Scientia excitatur.

Nunc quaerere juvat, quaenam causa tanti discriminis, quantum illud quo homo ferus ab homine humano differt, quando exlex Chamus suam posteritatem in Phoeniciam induxit, unde mox in proximam Ægyptum pervenit; Japetus, Graecis *Japetus* dictus, exlex quoque in Europam commigravit? Et cur primi gentium Sapientes in Assyria Chaldaei, cum Chamus et Japetus linguam antediluvianam secum attulerint, qua priorem humanitatem servare possent, et linguae Babylone Semi posteritati confusae sunt?

Chronologia hactenus
prae-postera.

Nam isti Cecropes Ægyptii, Cadmi Phoenices, Danai Phrygii, qui deductis in Graeciam Coloniis humanitatem important, et Orpheus atque Amphion, qui trecentis post Cecropem et Cadmum, ducentis post Danaum annis, Grae-

(1) Lib. super. Cap. CXLIX.

cos populares suos *feras* et *saxa* fuisse testantur, non sat commode suis sunt divisi temporibus. Quae Chronologiae mihi absurda miranti, illud in mentem venit, quid si haec, etsi temporibus praepostera, rebus ipsis vera sint tamen: et Graecas gentes postquam Aegyptiacae Syriacaeque, atque adeo Asianae Potentiae fama inter ipsos pervasisset, ut suam augustiorem facerent originem, fecisse antiquiorem; et rationem propositi *Problematis* eam esse:

Quod vicinus Chamo Semus inter suos posteros veram Dei Creatoris Religionem, verae Religionis cultu innocentiam, innocentiam humanam societatem, societate linguam usque ad Babylonis confusionem servavit: ac proinde artium antediluvianae humanitatis memoriam custodivit, quanquam hominum raritate principio solam pecuariam et rusticam exercuerit. Hinc ad Idololatriam et Semi posteris declinantibus, primi gentium Sapientes Chaldaei; et Chami posteritas in Phoenicia, ob Chaldaeorum, et Aegyptii ob Phoenicum vicinitatem, mature interiores disciplinas invenire potuerunt. Sed Japeti suboles in Orphei *feras* et Amphionis *saxa* commutata diu vixit, cum Japhet a Semitidis satis longe abscessisset: quare ut ipse veram, ita ejus posteritas omnem exiit religionem, et religione exuta, humanitatem.

Etenim per hanc ingentem Terrarum silvam tam Chomitidas quam Japhetidas hac ratione in solitudinem distractos esse necesse est: quod saepe viri a foeminis, foeminae a viris, pueri filii a matribus, matres a filiis pueris, ut *feras* effugerent, dividerentur; et ita sensim minores a majoribus rudiores, ferarum metu relictis vel abactis, sic dispersi solique prius omnem religionem, deinde omnem linguam, tandem omnem humanitatem exsurdaverint, et in brutam licentiam ac errorem ferinum abierint. Quo rerum statu mille annos durante, si quis recte rationem putet, quanquam quamplurimi aut a feris enecti, aut fame per hyemes, siti per aestates deperierint; tamen incolumes vel ut *feras* evaderent, vel ut pabula aut fontes quaerent, in Scythiam, Aethiopiam, Occidentem plagam, Indiasque praevalido nixu per invia et confragosa acti temeraria forte penetrarint.

Sed et hoc discrimen inter utrosque intercessisse, quoque etiam necesse est, quod Chaldaei a Semitidis inter eos certis in locis agentibus, qui vi verae Religionis sociati, virtute se et suos et pecudes a feris tutabantur, humanitatis admoneri; et in ingentibus camporum aequoribus commode syderum ortus, occasusque animadvertere potuerunt; et ita

Humanitas uni Religionis omnis accepto referenda.

Ut homines in Orphei *feras* conversi?

Et per ingentem Terrarum silvam effusi?

Cur in Oriente matura et erudita, in Occidente rudis et tarda Divinatio?

Caelum a syderum motibus sibi finxere Deum, atque in id, etsi non verum, saltem doctum Divinationis genus concessere, Magiam (a). At Japhetidae longe a Semitidis et Chamitidis dissiti, inter ipsos, qui humanitatem colerent, versante nemine, ad brutum stuporem redacti omnes, fulmine excitandi fuerunt, ut Caelum crederent Deum, ejusque voluntatem putarent Jovem: quare Divinationis genus satis rude et sero inter Occidentales est introductum.

Demonstratio Diluvii universalis.

Atque haec invicta demonstratio sit, Terrarum Orbem Diluvio universum fuisse obrutum; et genus humanum in Noacho servatum esse; et Arcam in locis Assyriae subjectis, ut Armeniâ, consedis; quando maturi Assyriorum cultus, unde inter eos prima Monarchia nata est, et diuturnae reliqui Orbis ferinae vitae, quae ad mille post Diluvium annos vel inter Graecos ipsos duravit, non alia afferri ratio potest, quam vera Religio inter Semitidas conservata; quam si Japhetus quoque inter suos servasset, aut, uti Chamus, iisdem piis proximus, a pietate descivisset; in Occidente eadem, quae in Oriente, fuissent secutura. Et hoc pacto per nostra Humanitatis principia non solum Sacra cum Profana constat Historia, sed Profana *celebrem Sacrae Historiae Epocham*, nempe *Universale Diluvium* confirmat.

Gigantium demonstratio,

Ex hac, quam exleges impii traduxere prorsus efferam vitam, provenere post Diluvium in Profana Historia Gigantes, de quibus Sacra Historia haec narrat quinque:

I. Ante Diluvium fuisse, et Deo praecipuam Diluvii causam fuisse.

II. Ab *filiis Dei*, qui *ad filias hominum intrarant*, ortos esse.

III. Eosque fuisse *potentes a seculo et famosos viros*.

IV. Aliquanto post Diluvium eos memorat in Nimbrodo, seu *Nembrot*.

V. Inter Pios credentes non natos esse.

Demonstrantur Gigantes ex hoc foedo hominum victu provenisse:

I. Historiâ civili;

II. Historiâ naturali.

Historiâ civili;

Civilis Historia prostat apud Jul. Caesarem et apud Cornel. Tacitum, qui, dum in causas inquirunt de vastis Germanorum corporibus, quisque unam affert, quae ambae, uti in id effectum conveniunt, ita sunt copulandae. Cae-

(a)* Chamidae autem ex vicinitate Chaldaeorum, Phoenices, nempe et Aegyptii mature culti.

sar (1) dicit, esse summam adolescentum ab omni disciplina libertatem, quod eorum *omnis vita in venationibus et studiis rei militaris consisteret* (quibus studiis haud sane pueri dant operam) *et quod a parvulis labori et duricie studerent, et hoc ali staturam putarent.* Tacitus (2), *quod in omni domo (vel Principum) nudi ac sordidi in eos artus, in ea corpora, quae Romani mirabantur, excrescerent.* Id constat de gente, religione, moribus, institutis jam fundata; quid de materno liberorum cultu ante omnem humanitatem introductam putandum est: et quando per avia, invia virgultis, dumetis ac cespitibus confragosa vel glans, vel fons pueris nudis duro labore legendus erat?

Historia, sive observatio physica demonstrat, quantum *Historia naturali.* magistri metus puerorum spiritus affligat, et quicquid in iis est ad adolescendum generosius, concidat: et nitros sales, quibus urinae plurimum abundant, plurimum vivacitatis habere, ut in spiritu salis ammoniaci spectare est: campos autem stercoreatos feliciter frugescere rustici norunt; et tamen parum prae iis quos exercitus armati insedere, qui per plures annos reddunt laetissimas segetes: ut conjectam eodem cultu in ultima ad Meridiem Americâ Gigantes etiamnum gigni: qui Terrarum Orbem itineribus lustrant, quaeso explorent, an haec nostra vera sit conjectura.

Itaque pueros multo ante quam nostri adolevisse, et membra firmasse existimandum est; ut hinc quoque *Divinae Providentiae argumentum.* Divina Providentia summo opere suspicienda sit; ut, quando humanum genus impietate in eum foedum victum esset abiturum, et fore, ut ingens Terrae silva feris abundaret, pueri cito adoluerent, et in corpora ingentia firmarentur, ut feras aut fugerent aut superarent.

Gigantes antediluvianos Sacra narrat Historia inde natos, quod *filiis Dei*, hoc est Sethidae, ut Samuel Buchartus interpretatur, ad *filiis hominum*, sive falsarum religionum foeminas, earum pulchritudine capti *intrarant.* Has foeminas e Caini posteritate fuisse necesse est, qui cum urbes fundasset, ut Sacra quoque testatur Historia, ex ejus gente foeminae nedum mundiores, sed elegantes fuisse, quoque necesse est. Et has ipsas Sethidarum amore deflagrasse inde conjiciendum, quod ii veri aureae aetatis Heroës haberentur, qui non muro, sed virtute, et se et pecudes et sata a

Qua ex causa Gigantes antediluviani?

Vere pii fortissimi gentium.

(1) De Bello Gallico lib. VI, cap. VI.

(2) De Moribus Germanorum cap. XX.

feris tuerentur. Et uti postea gentium postdiluvianarum communis mos fuit, cum alienigena non habere connubium; ita de antediluvianis existimandum esse necesse est, inter diversarum religionum viros foeminasque concubitus quoque etiam damnatum, ut hodie nos inter Christianos et Turcas vetitus est. Quare et viros et foeminas istas suorum communione exclusos, exclusasve esse oportet (quod poenae genus antiquissimum et ex gentium moribus ortum inferius late probabimus) unde extorres solique per silvas, suam posteritatem fugâ et errore in ferinam vitam dispulere. Et ita ex iis postea gentes giganteâ staturâ prognatae sunt, apud quas nec lavandi pueros, nec ulli disciplinae tradendi mos priscus ferinus permanserat: qui postea *potentes a seculo et famosi viri* fuere.

Gigantes postdiluviani quando fuerint?

Gigantes post Diluvium tradit Historia Fabulosa; sed eos non statim post Diluvium ortos esse, Sacra Historia memorat: nam in Nimbrodo memorat; quia saltem ducentos procurrere annos necesse fuit, ut Chami posteritas impietate in hanc ferinam vitam et inde cultu humano in gentem abiret.

Cur in Oriente maturatione cessere?

Postea Gigantes in Oriente cessere; quia civili cultu introducto, et matres coepere lavare filios pueros, et patrum ac magistrorum incessit metus, et multo magis falsarum religionum terribilis superstitio.

Cur non nati inter vere pios?

Non nati Gigantes inter Semi posteros vere pios, quia ex cultu antediluviano matres lavabant pueros, et pueri sub patrum imperio et disciplinâ adolecebant.

Cur Germani corporibus vasti?

Apud Germanos perdurarunt Gigantes, quia ex ferino cultu, uti nefarios concubitus reliquerant, ita hunc educandorum liberum morem retinuerunt.

Cur nefarii concubitus inter Persas?

Nefarii concubitus inter Assyrios, ac proinde inter Persas ex eo ferino cultu servati, sed Gigantes cessere; quia iis Magia cito civiles artes restituit. Atque haec de Gigantibus hactenus in fabulis habita, quae cum Sacra Historia non bene conveniebant, dehinc *Scientiae Philologicae*, non vanae eruditioni subserviant.

Fulmen Occidentum perculit impietatem:

Sed illud hoc loci proprium ambigere est, cur Occidentales sero in religiones concesserint, si *fulmine* ab impietate concesserint?

Physica non sine *Divinae Providentiae* admiratione huic difficultati satisfacit, et ingentem lucem *Historiae Profanae* affert, qua iterum *Sacrae* veritas demonstratur.

Physica ejus ratio.

Necesse enim fuit, Terram universali Diluvio diu aquis imbutam per multa secula exhalationes siccas, sive ignitas

materias in aërem non emisisse, unde fulmina gignerentur, uti evenit, in locis qui a Solis cursu longe sepositi sunt; sed post multas aetates Terrâ in statu, in quo nunc est, exsiccatâ, Caelum fulgere et tonare coepit.

Atque hi sunt, qui impietate bellum indixerant Jovi, a quo fulmine tacti in montibus abditi, ut Libro super. innuimus et latius infra exequemur, *Terrae filii* dicti sunt; quia ab iis postea *Terrigenae* Graecorum, Latinorum *Indigenae*, sive *Ingenui* provenere; qui cum primam suam ignorarent originem, nullo mendaci animo, se illarum terrarum, ubi *haerebant*, dicebant filios, ac proinde se earum *heros* ad suas *Aras* confugientibus jactabant esse, ut supra diximus (1): unde, ut Livius tradit, respublicae primum natae, tantum abest, ut Danaos, Cadmos, Pelopes suos nosset gentis auctores.

Gigantum bellum.

Terrae filii, Terrigenae, Indigenae, Ingenui.

Nec religiones nec respublicae imposturâ fundatae.

Hinc Hercules et Bacchus, hic Orientis, ille Occidentis domitor, fulmine nati: et Hercules Olympiades instituit, idest tempus Graecorum historicum; nam humanitas a fulmine coepit: et cum fulmen Olympo, seu superiore aëris regione mittatur, hinc *Olympus Majorum Deum* sedes: et quia praeter Taciti sordes et Caesaris laboriosam, duramque libertatem, crassus prae diu humente terrâ aër, in caussa fortasse fuit, ut sub eo corpora proceriora provenirent, uti populi in aquosis locis mirâ proceritate excre-scunt: an hinc ab *humore* Terra *humus*, sive rectius ab hac *humo* dictus est *humor*? quod e Terra aquas nasci viderent: et ob hanc Caeli crassitiem Gigantes in miram stupiditatem praeter corporum vasticiem provenere, ut ad Deorum metum fulmine essent excitandi: et hinc Graecis *Δαίς* metum significavit: unde *Δαίς*, *timeo* factum est. Atque hinc illud sit,

Cur Hercules et Bacchus fulmine nati? Unde Olympiades?

Cur Olympus XII Deorum sedes?

Cur Terra *humus* dicta?

Unde *Deus* dictus?

Primus in orbe Deos fecit timor

Non tam sero Orientales Deum incessit Religio, quia non fulmine incessit, ut dictum est (a).

(1) Cap. CIV.

(a) *Gigantum Mythologia.*

De hac Gigantum traditione, quam Sacris Libris consignatam, tum naturali, tum civili historia confirmavimus, *prima ferme omnium Fabula* concepta est; et quia omnium ferme prima, ut plane intelligatur, qua ratione rudissimorum hominum, et linguae inopia summe laborantium incertis longisque traditionibus, Fabulae sine ullo hominum consilio, quinimmo plurima naturae necessitate sint

suis tenebris involutae, ut in Notis paullo infra de Fabulis omnibus generatim dicemus; iccirco Mythologiam prolixius exequi placuit.

Gigantes Terrae filii, ipsum Fabulae initium perperam positum: nam in errore concepti, et incertis seminibus erant ex Chao nati: at postquam fulmine victi sunt, se *Terrae filios* appellarunt, de quibus filius Terra est dicta *Deorum mater*, ut alibi vidimus: *ingentibus corporibus*, quod demonstratum; sed *posteriores Poëtae*, ut sit in magnarum rerum traditionibus, ita auxere corporum enormitatem, ut Homerus describit in Polyphemo, qui quum mare ingressus est, Ulyssem insecuturus, pelagus regurgitavit ad litora: *bellum indicunt Jovi, quem affectant de caelo deficere*; at quodnam bellum cum Jove, quem erroneos impii nesciebant? *Sequentes Poëtae* hanc Gigantum erronum impietatem, quia fulmine victi sunt, hinc errantes bellum fecere: quem errorem cetera, quae de *Gigantum bello* narrant, falsa quidem, sed ex nostrae Historiae veris consequuntur. Nam *montes montibus imponunt*; ubi et fabulae partes perperam collocatae: quam hyperbolam fabulae id verum fecit, quod, fulmine audito, Gigantes summa religione perterriti, se in montanis lucis abdidere. *Aquila Jovi Gigantum bellum obnunciat*; *Aquila Jovis nuncia* ad homines per auspicia, ab hominibus facta ad Jovem: et *Aquila in eo bello Jovi ministrat fulmina*; composita *duo potissima divinationis argumenta*, nempe, *Aquila* et *Fulmen*; sed id quoque etiam praepostere narratum; nam Gigantes fulmine ab impia erronum vita deterriti, majorum avium, quas *Aquilas*, ut alibi demonstravimus, prisci dixere, auspicia secuti, in lucos cum foemina quisque sibi auspicato capta concessere. *Jupiter fulmine Gigantes profligat*; nam fulmine eos ab impia erronum vita deterruit: et *Aquila* et *Fulmine* divinatio, et divinatione Deorum religiones occiduis gentibus, Graecis maxime Latinisque fundatae. *Gigantes sub montibus consepulti*; quia Aquilas in submontanis, ubi sedes habent, ac proinde nidos faciunt, secuti; quia omnes aves ad fontes nidificant, divino aquae perennis beneficio primo omnium accepto, in submontanis haesere. *Gigantes sub montibus ignes evomunt*; qui submontanas incendere sylvas, in quas sive *ador*, seu *far* severe. Ex horum numero *Tityus cauti affixus*; Gigantes in montanis haerentes: cui *jecur ab Aquila aeternum voratur*; qui acerrimis stimulis religionis, perpetuisque stimulat et pungitur.

Homerus de Gigantibus haec narrat in Polyphemo, primum fuisse *inhospitales*; nam per montium lucos dispalati, alique ab aliis secreti, ut ipse quoque Homerus tradit, sua tantum curabant: hinc in admirationem feritatis postea confictum, *humanis carnibus vesci*: illud autem verum, *naturae sponte natis victitasse*; sed praepostera, cum id a Gigantibus erronibus factum sit; nam certis haerentes sedibus industria sibi fructus invenere; et *pasturam exercuisse*, quam nos post agriculturam narravimus introductam: *in uxores et filios habuisse potestatem*; namque ii certas uxores, et ex iis certas familias habuerunt, in quas patria exercebant imperia: ex Gigantum erronum impietate *impium Polyphemum* facit, ut, si eum incedat libido, *cum Jove ipso gerere inimicitias sustineat*, sed praepostera arguit narrationem, quod *Vatem inter Gigantes consenuisse ipse Polyphemus excaecatus memoret*, qui sibi eum ab *Ulysse casum cecinerat*: quod significat et connubia et fa-

mīlias inter Gigantes auspiciis et divinatione, ac proinde Deorum religione fundatas: *speluncas in montibus habitasse*; quod sane verum: fuisse *monoculos*; id ex *lucis* confictum; nam ut in *lucis* aliqua ex parte caelum observarent auspicia capturi, alicubi *delucarunt lucos*: et ita verum, quod Grammatici docent, *lucum* inde, quod *non luceat*, dictum; et tamen *lucum* a *luci*, sive ab ea parte qua luceret, appellatum: *posteriores Poëtae* ex harum rerum ignoratione *hos lucos veluti unos oculos Gigantum frontibus affinxere*. *Ulysses praeusta trabe Polyphemum excaecasse*; haec sunt prima arma quibus primi gentium pugnarunt: cum enim nondum ferri innotuisset usus, hastas igne acuebant; unde *praeustae sudes*, celebre armorum genus barbaris mansit, ut Romani Historici passim memorant.

C A P. X.

Quatuor primae Historiae Sacrae Epochae demonstratae, per quas Tempus Historiae Profanae bona ex parte Obscurum excurrit.

Ex his quae, ut *Gigantes* demonstraremus, hactenus dicta sunt, quatuor *primae Historiae Sacrae epochae* demonstratae consequuntur, per quas magna ex parte *tempus in Historia Profana obscurum* excurrit.

Prima, *Mundi a Deo creatio.*

Et in ea *Pecuariam* et *Rusticam* ante respublicas in recenti Orbe Terrarum natas, inter Sethidas veri Dei Religione custoditas: cujus virtute per pabula et agros sine legibus innocentes agebant, et se, suos et sua ab impiis, vel falsarum religionum violentis tutabantur; ita ut de iis aliqua ex parte verum accipi possit *aureum seculum Poëtarum*.

Secunda, *Universum Diluvium.*

In qua Noachum, ejusque piam subolem, Semitidas verae Religionis custodiâ antediluvianas Humanitatis artes, Diluvio omnes submersas saltem memoriâ conservasse; quamquam ob hominum raritatem, ut aliquem necessarium vitae fructum caperent, solas *Pecuariam* et *Rusticam* ante respublicas fundatas exercuissent: et veri Dei virtute eas ab externis injuriis defensarent; ut sic, iisdem recurrentibus causis, eos *primos post Diluvium* in Terris fuisse *Heroas*.

Tertia, *Abrahami a Deo vocatio.*

Qua Abrahamus e media idololatrá gente in proprium agrum est sevocatus, et sub veri Dei regimine, quod Philo *Ξεοπατρίαν* eleganter appellat, perseveravit, fundavitque *Paternum Imperium* ab illo *gentium* diversum, quo vitae et ne-

Hebraeis quod paternum Imperium?

Quod Jus nexi?

Abrahamus quatenus Pater exlex, Princeps summus bella gerit, et gentem condit.

cis jus non patris, sed Dei erat, ut *Isaaci historia* testatur: nam de misero *Jephthis voto* ingenue *Patres* fatentur, adhuc in Abyssu divinorum consiliorum sibi latere mysterium: et *jus nexi* fundavit quoque ab illo *gentium* aliud: nam nulli externorum (quos aut impios aut falso pios fuisse necesse est) ullum unquam dominii genus in Hebraeorum agro habuere, sed tantum suarum operarum sibi pretium faciebant: et ita, verae Religionis conservatâ traditione, in pabulis agrisque innocentem suam *familiam* continuit; cum qua, uti *Princeps Summus* (nam nullo diserto Dei jussu gessit) bella cum Regibus finitimis gessit: et sic ex eo fuere post *Diluvium Secundi in Terris Heroës*. Atque ob eam veram Numinis pietatem Abrahamus promeruit, ut cum ipso Deus alterum a Noacho sanciret foedus, quo *populum Hebraeum fundavit*, et primus *Patrum Princeps* est appellatus.

Quarta, *Lex Mosi a Deo data*.

Decalogi laus.

Unâ Agrariâ Moses omnes Hebraeorum Rempublicam continuit.

Quae jus naturae perfectissimae dictat, et nondum facta, quae ceterae *leges gentium*, sed etiam naturâ turpia consilia vetat (a); atque ipsa turpia facta non ullis, ut *genticae leges*, poenis humanitus sancitis punit: et *jus nexi* ab Abrahamo conditum, ut alienigenae, qui certe Idololatrae erant, nullum dominii genus in Hebraico agro haberent, *Lege Agraria* juri naturali conformi, et civili aequitati commodissima (quod primis Legislatores gentium nusquam factum) per summam aequitatem et sapientiam a ceteris gentibus distinxisse: quo Religionis puritatem maxime custodivit; certas Tribus, et in quaque earum certas stirpes et successiones, certa connubia, certas possessiones, certa dominia, certas contractuum obligationes, atque adeo certum omne jus civile privatum Hebraeorum continuit; et rempublicam litibus maxime ociosam fundavit: quando apud gentes ex *juris nexi iniquitate* apud Athenienses et Romanos turbae et seditiones crebro ortae, et apud Aegyptios, ut Cunaes in *Hebraeorum Republica* narrat, plebs rustica cum sacerdotibus pluries, quanquam infelici successu, pugnarunt.

(a)* Quae vix post immensa temporum intervalla inter acutissimos et humanissimos Graecos agnovere Philosophi.

C A P. XI.

*Ex primis quatuor Sacrae Historiae epochis
demonstratis consecutanea.*

Hinc patent eorum omnium rationes;	
Cur in universo Orbe aut <i>Hebraei</i> essent, aut <i>Gentes</i> ?	I.
Religio unius Dei Creatoris sub nulla imagine apud Hebraeos custodita?	II.
In statu exlegi, sive naturae <i>στοχαστία</i> Hebraeorum?	III.
Religio inter solos Hebraeos nullâ divinatione fundata?	IV.
Paternum Imperium non terrore necis, ut gentibus, in filios constitutum?	V.
Clientelae non solo misero Receptorum victu, ut inter gentes, illiberaliter habitae?	VI.
Pecuaria et Rustica Hebraeis cum honore cultae?	VII.
Ceterae artes externorum lucris permissae?	VIII.
Summum Numen, Hebraeis <i>Deus Fortitudinis</i> dictus?	IX.
<i>Agraria</i> ab illa gentium diversa, quae externarum religionum homines ab sui agri dominio semper prohiberet?	X.
Et hinc cur Hebraei patrios mores ac ritus semper acriter custodirent?	XI.
Et omnibus externarum religionum essent insociabiles?	XII.
Ex qua custodia verae Religionis in Oriente primae gentes ortae?	XIII.
Et brevi post Diluvium inter Orientales cunctae civiles artes restitutae?	XIV.
Ac inter eosdem statim Monarchica Regna condita?	XV.
Primusque in <i>Historia Profana</i> prodit Ninus?	XVI.
Atque adeo vera Dei omnium creatoris Religio ab sua prima usque origine conservata Mosem praestantissimum philosophum (a) praestitit, qui <i>Deum</i> , non <i>Caelum</i> , ut gentes, non <i>Mundum</i> , ut gentium <i>Philosophi</i> , sed super <i>Caelum</i> , sive super <i>Mundum</i> intellexit; quod divinus Plato, Graeciâ vix tandem omnibus humanitatis artibus excultissima, est assecutus: et <i>mos majorum</i> super <i>nexti</i> jure ab Abrahamo traditus sapientissimum <i>Legislatores</i> praestitit Summus Legislator,	XVII.

Virtute verae Religionis Moses summus Philosophus,

(a) Circa tum de Deo dogmata, tum vitae agenda praeccepta; quod utrumque verae Summi Numinis Religionis omnino dandum: quae cum in statu exlegi sive naturae viguisset, Theophrastus apud Ficinum merito *Hebraeos, naturâ philosophos* vocat.

quoque, ut Lycurgi, Solones, Decemviri tantis post temporum intervallis cum eo ne comparandi sint quidem: et sic *Humanitas* naturae lapsae ab Adamo occoepta, et veri metu Numinis sustentata effecit, ut Moses ex omni humana memoria ad nos perveniret *Historicus*, ut Philosophus et Legislator ex aequo summus, multo ante quam *Poëtae Heroës* gentibus, et *Legislatores injusti*, et *Philosophi rudes*, et *Historici fabulosi* inchoarentur. Sed tum ex sacra, tum ex profana eruditione id nos conficiamus, ex *legislatione*, et *philosophiam* et *philologiam* et Hebraeis et gentibus geminas natas esse.

Ex Legislatione et Philosophia et Philologia geminae in terris ortae.

C A P. XII.

De Linguae Heroicae, sive de Poëseos origine.

Ignoratae Poëseos originis causae duae.

Prima gentium lingua poëtica.

Ex natura rerum praecepta septem.

Ingeniosi, magis humani.

Sed qua ratione inter *Occidentales* sit *Humanitas* restituta, hactenus ignoratum est: quia *unus error* omnium aetatum vetustate confirmatus *Eruditorum omnium* animos occupavit, *una veritas* tantundem temporis ostentata, ab iisdem ipsis animadversa non est. *Error* est, quod putarint, *linguam Poëtarum semper propriam*, nunquam communem fuisse: *veritas* est, *linguas religionem et legibus conservari*. Omnes dicunt, primos Poëtas falsas Deorum Religiones, et Religionibus civitates fundasse; fatentur, primos Scriptorum, Poëtas quoque fuisse; et in proximo non agnorum, *poëticam, primam gentium fuisse linguam*, qua primae ipsarum leges et Religiones fundatae sunt. Hinc de *Poëseos origine* nobis est novis rationibus disserendum: quas qui legerint, quaeso, ut quae dicimus, ex nulla nostri dignitate (quae sane aut nulla aut certe admodum parva est), sed pro merito rerum expendant serio: nam speramus, nihil rebus per nos dissertatis obstiturum, nisi quam ii his rebus suam ipsorum affinxerunt opinionem. Igitur, ut hanc rem ex natura rerum putemus, septem haec ex ea ipsa in antecessum praecipimus.

I. Nos heic loqui de *Humanitatis principiis*, quam ingeniosae gentes facilius induunt. Etenim haec inquirimus, ut *Jus gentium* illustremus, quod Jurisconsultus definit (1) quo *humanae gentes* (non ferinae, non barbarae, quae ideo ferinae ac barbarae, quia obtusis sunt ingeniis) *utuntur*.

(1) L. 1, § fin. D. de Just. et Jure.

II. Ingenii virtus est invenire, ut est rationis perficere (*). Ingenii virtus quae?

III. Nemo est qui negaverit, esse Caeli temperaturas, quae Ingenium faciunt Caeli temperies, gentes alias aliis ingeniosiores alant: ut sub crasso frigido-que aëre obtusi, sub magis aethereo et aestuoso acuti ingenii nascantur homines.

IV. *Necessitate ingenia acui*, tritum apud omnes *pro-verbium*. Necessitas,

V. Quo minus ratione homines, eo magis sensibus pol-
lent: unde brutis acerrimi sensus sunt a natura attributi; Sensus acres,
et foeminae, quam viri, sensilia magis advertunt.

VI. Et quorum sensus acres, eorum vividissima est *Phan-* Vivida Phantasia.
tasia: quare eorum quae vidimus, quam quae audivimus, praesentiores imagines fingimus.

VII. Statuendum est, ex his quae supra diximus, primos Ingeniorum soler-
ingeniosos homines omnis eruditionis, omnisque linguae ru- tia principio linguis
des nihil aliud, quam *ingeniosos pueros* fuisse: nam lin- debetur.
guae, mentes solertes faciunt (**), cum ad quanque rem
sive naturalem, sive moralem, sive domesticam, sive civi-
lem, quae ferme innumerae sunt, mens memoriâ percur-
rat ingens vitae vocabularium, et verbum ejus rei proprium
inveniat, quo eam appellet.

His ab natura ita praeceptis, nunc ingeniosorum puero-
rum ingenium sequentibus observationibus, ad Poëseos ve-
stigandam originem apposite consideremus.

I. Ingeniosi pueri omnes homines, suorum patrum simi-
les, *Tatas* appellant; et in quaque re insigniores proprie- Monstratur sons.
tates, quae magis sensus feriunt, notant. Unde Tropi.

Hinc si percurras *Tropos* omnes, et *poëticos* maxime, ab Troporum omnium
altera ex his duabus caussis natos esse comperias, nempe caussae duae.
in verborum inopia, vel a rerum similitudine; ut *siùre*
agros, laborare fructus, quae certe, ut aliae innumerae
tum Graecis, tum Latinis sunt *metaphorae rusticorum*; vel Metaphora,
a rebus quae magis sensus afficiunt (a).

(*) Principium ex Auctoris metaphysica deductum. Vide lib. Me-
taphys. cap. VII, § 3, 4.

(**) Vide Orationem de nostri Temporis Studiorum ratione,
pag. 21.

(a) Et sane pleraeque omnes metaphorae Homericæ ex duplici Universae Poëseos
hac caussa, aut rerum ignorance, aut verborum inopia conflatae; principium.
ut *naves, maris equi, remi, navium alae*; quam Virgilius postea imi-
tatus dicit, *alarum remigium de Daedalo*: sive, ut alibi diximus,
de nave a Daedalo inventa; et aliae ad hoc instar innumerae; pau-
cissimae ad ornamentum confictae, ut illa *Ajax, turris Graecorum*.
Et quod maxime metaphoras commendat, ut rebus sensu, motuque

Metonymia.

II. Nam pueri ingeniosi, quum ignorant rem suo appellare nomine, per sensiliores causas, vel sensiliora effecta circumscribunt: ut si nesciat ex. gr. ingeniosus puer dicere, *paveo*; nemo miretur, hunc supra aetatem sapere, sed ingenium collaudabit quidem, si dixerit, *cor salit in pectore*, *cor pectus tundit*: quo metonymiae genere magna ex parte stat locutio poetica.

Synecdoche.

Infantia ad metaphysicam ducit.

III. Certe *Synecdoche* tota ab infantia orta, nihil ab ingenio cognata; cum enim nesciunt homines propriis res appellare nominibus, ea ex genere dicunt: unde *Res* et *Facio*, sunt infantum vocabularium. Itaque infantia ipsa homines a pueritia ad metaphysicam ducit (a). Vicissim genera specie maxime insigni, non aliter ac pueri infantes, significant ut Latinis est *passer* pro omni minore ave, *aquila* pro omni majori (1).

Poetica adjuncta.

IV. Ingeniosi pueri, quia rerum substantias non intelligunt, eas attributis, quae cadunt sub sensu, describunt; et *adjuncta* nedum *emphatica*, sed etiam *ociosa* Poëtarum, et quae nunc nobis *demonstrationes* satis *inertes* videntur, quibus *Homerus* abundat (b).

Antonomasia.

Unde Heroici Characteres.

Ex quo fonte *Antonomasiae* proveniunt, quibus bona ex parte ficti sunt *Characteres Heroici*: in quibus ille, qui ingentem rebus, quas dicimus, lucem affert, quo omnes *Viri Fortes* sunt *Hercules* appellati.

carentibus, animum et actum attribuant, ut *prata rident*, *iratum mare*, *pontem indignatus Araxes*, id ex eo metaphysico vero effluit, quod *Homo Universi regula fiat*, et omnia, quae ignorat, ex sua spectet natura; quod ab rerum imperitis, et pueris maxime, usurpari cotidie observamus: ex quo genere sunt metaphorae apud *Homerum* quamplurimae, ut *fumus*, *ignis flatus*, *suspiciosa sagitta*. Atque ex hoc fonte prima inter homines metaphora orta, qua *Caelum* a motu syderum *ingens animal*, a fulmine mens longe humana praestantior, nempe *Deus* effectus est, et *fulmine fari*, *Aquilarum volatibus nuere*; unde *Fatum* et *Numen* provenire: cum qua metaphora, seu lingua falso Divina et Idololatria et Divinatio simul coortae sunt.

Prima gentium Metaphora;

Ex qua natae falsae religiones.

(a)* Sive rectius dixeris: Naturam homines, infantia ipsa ducente, a metaphysica ad subalternas artes disciplinasque inchoare; mentemque humanam ingenta habere genera, quae a nobis pueris primum sua sponte explicantur.

Episodiorum origo et causa.

(b) Atque huc revocanda *Homerica*, et inde aliorum Poëtarum episodica, quibus per occasionem alicujus vel personae, vel facti, vel rei appellandae, omnes ejus peristases seu circumstantiae numerantur, quanquam sint alienae, nec quicquam ad rem faciunt: qui mos est rudium ingeniorum, et foeminarum in primis, quae ignorant propria dicere, et transmittere aliena.

(1) Prior. Lib. Cap. CXLIX.

V. Si puero ingenioso vix memores terriculamentum ali-
quod, aut delictum, eo tanquam praesente terretur, vel
exultat: ex qua *εὐφραντα* fiunt vividae *hypotyposes*, que
conciliant *evidentiam* narrationibus Poëtarum. Hypotyposes.

VI. Pueri ingeniosi, ut sua explicent sensa mentis, vel
animi, nullo orationis lumine crebrius, et facilius, quam
Comparisonibus utuntur; quae sunt ampla Poëtarum su-
pellex. Comparationes.

VII. Et sane si quis puer et quidem rusticus nesciat nu-
mero *annum*, et Solis per duodecim Zodiaci signa Orbem
appellari *annum* ignoret, ut tempus, quod sentit, praeci-
pue rebus rure intra id actis ita describat, *Tertia messis*
erat; vel si perennitatem hac particula, *semper*, quia ex-
plicare non novit, dicat, *In mare dum fluvii current*; quis
hunc, si cetera ad hoc instar pro suo rustici modulo dixe-
rit, eximium arte factum Poëtam Bucolicum admiretur? Circumlocutiones.

VIII. Natura fert infantes, utpote impotes plura oratione
complecti, verba ipsa conjungere, ut nutricem apud nos
matrem *mammulam* appellant: ex quo fonte sunt verba
conjuncta Poëtarum, *silvicultrix*, *arcitenens*, *memorivagus*. Verba conjuncta Poëtarum.

IX. Nihil autem crebrius pueros videmus fundere quam
Onomatopoejas, quibus voces canum, felium, murium, gal-
lorum gallinaceorum, aliorumque, et tormentorum bellico-
rum bombos imitantur: quin ipsum *στῆ* (*a*), quum caro
uritur, quod in Homero subline dictum Dionysius Longi-
nus laudat, quum exprimit sonum, quem edidit Polyphemi
oculus, dum urebatur, a nostratibus pueris effectum ani-
madvertas. Onomatopoejae.

X. Et pueris ob linguae ignorationem *Eclipses* verborum
frequentissimas esse comperias. Eclipses verborum.

XI. Phantasia in pueris non est ex illa virorum aesti-
manda; virorum jam est aetate durior et ratione infirma-
ta; at in pueris, qui solo sensu res aestimant, praevalida
est; et ideo praevalet, quod tenerioribus cerebri fibris gra-
viores amplioresque in eam objecta rerum imagines impri-
munt. Saepe recorder, quum deambulatum eo, molles cli-
vos, ingentes mihi puero, et abruptos montes visos esse.
An hinc Poëtarum illi ingenti corpore Heroës; ut barba-
ris quoque temporibus Rolandi, sive Orlandi, aliique Gal-
Imagium granditas.

(*a*) Hujus, *στῆ*, quam Homerus, similem Dantes fecit vocem,
cric, ut sonum exprimeret vitri dum frangitur, quae item ut pue-
rilis ridetur.

liae Palatini enormi staturâ memorantur? Certe quidem observare est, seculis IX, X, XI, quibus magnam humanitatis partem barbaries miseris modis deleverat, imagines Dei, Christi, Deiparae Pictores ingenti facie effinxisse, ad illud numero exemplum, quo Poëtae Deos describunt specie humana majores.

Locutio pathetica
Poëtarum.

Characterum poë-
ticorum sublimitas.

XII. Cumque naturâ ita comparatum sit, ut qui sensu praenimio, et acri phantasia res percipiunt, ii mente puriore parum intelligant, et omnia sentiant animo perturbato, ut pueri omnia fere vehementer aliquo affectu commoti proloquuntur. Hinc illa Poëtarum, *versantur in pectore curae; consilia pectore versant*. Sane me, dum haec cogitarem, puer filius ingeniosus admonuit, qui forte matri inquebat: *Cor meum me semper alloquitur; et quot res mihi dicit?* Hinc Poetarum locutio semper emphatica, et cui aliquis *πάθος* subsit.

XIII. Ex his omnibus conficitur, ut Poëtae in rebus, factis, hominibus, atque in hominum ingeniis, moribus fortunisque, tanquam pueri insigniora animadvertant, et tanquam foeminae componant; ex quarum frequentia, si accedat, uti a pueris foeminisque sit, praesens, vivida et commota expositio, existunt *sublimes Poëtarum Characteres*: ut Longinus praestitisse Sapphun observat illa Ode, quam Catullus latine vertit:

Ille mihi par esse Deo videtur.

Ex structura circumducta versae, circumducta structura prorsae orationis Latinis, Graecis Germanisque nata.

XIV. Praeterea (potissima notamus, nam minora exequi ex his principiis alii commode possunt) si infantes cum primum sermonem fundere conantur, recte advertamus, comperiemus, naturâ ferri, ut ultima quae sentire, primo loco prima postremo collocent; quia ultima vividiorum sensum, quam prima, relinquere: et quia verba actionem passionemve seu motum quendam significant, qui ex agente et patiente coalescit; et quia motus magis afficit sensus, quam substantia, quae movet aut movetur; pro naturae ordine, verba postremo loco proloquuntur; ita ut tanquam nomina essent appendices verborum, verba ipsa praecipue proloqui videantur. Hinc *Graecis Latinisque circumducta orationis structura*; et in *versa oratione Graecis circumductor, quam Latinis*: quam e viventibus linguis Germanica non solum plurimum refert, sed magis contortam habet; quia magis quam Latina et Graeca puritatem conservat originis, et naturâ, ut mox dicemus, Poëtas, suos genticos vulgo fingit.

Ex verborum inopia et ingenio gentium.

XV. Porro et in pueris et in rusticis atque in omnibus

hominibus infantibus observamus, ut inopiâ linguæ pauca loquantur. Huic verborum egestati si iudicium succurrat, propria rerum momenta dicunt; si adsit animi altitudo, sublimia dicunt; si suppetat ingenium, plura brevi dicunt.

Ex primo fonte est *brevitas poëtica praeceptorum*, quam Linguae aliae.

monet in *Arte* Horatius: ex qua nata primum concisa *Oraculorum Responsa*, quae carminibus omnia dabantur: et *legum primarum brevitates*, quae Latinis *carmina* dicta sunt, quia certis verbis concepta erant; ex qua certa formularum conceptione, *plenissima gravitatis*, et oraculorum instar, *Jurisconsultorum Responsa* provenire: ex quo genere Aliae sublimes;

sunt *Sapientum dicta*; quae sunt brevissima monita vitae agenda adprime utilia: unde *Graeciae Sapientes* omnibus Philosophis fuerunt Homero propiores. Ex secundo fonte

sunt, quae hactenus ex harum ignorance caussarum admirabar, *Apophtegmata Laconica*, plena sublimitatis; quorum vix *Poëtae* postea *doctissimi* ad sua ornanda sententiarum granditate Poëmata, similia invenire potuerunt; et tamen Spartani literas discere lege vetiti; et ob id ipsum, ut in Regno Optimatum, plurimum de Heroum moribus referebant, ut diximus Libro super. (1). Itaque in insigni linguæ inopia *brevitatem Heroicam* vel *Foeminae ipsae Laedænae* conservabant. Ex tertio fonte sunt *Dicta Florentinorum*

omnia aut lepore summo aut aceto conspersa, quae *Florentini forenses* vulgo *del Mercato vecchio* invenire; quum gens acutissima per barbariem summa verborum egestate laborabat. Ex quibus omnibus illam quaestionem brevi et facile solvas, quae tantopere ingenia exercuit, *linguae scriptoribus, an scriptores linguis praestantiam concilient?* quod linguæ scriptoribus dant sententiarum vim; scriptores linguis locutionis cultum, copiam, ornamentum.

Aliae festivae vel
acres.

Difficilis quaestio
philologica expedita.

XVI. Porro quae duo in *Arte Poëtica* omnium gravissima praecepta traduntur; alterum, ut *vulgares hominum opiniones Poëtarum prudentiae moderentur*; alterum, quod *materia Poëseos maxime propria, impossibile credibile deligatur*; hoc est, res quae naturâ fieri non possunt, sed quae vulgus vel naturâ ipsâ, vel temere Dei Omnipotentia per miraculum factas credat; haec, inquam, duo praecepta satis probant, poëticam facultatem erroribus, opinionibusque valere, philosophiâ et veritate evanescere. Hinc sublimitas fabularum a falsis vulgi persuasionibus, quae nunc *Infantiae praejudicia* dicuntur, omnis conciliata: ut *fata*

Poëtica facultas
opinionibus valet
scientia evanescit.

Fabularum subli-
mitas ab infantiae
praejudiciis conci-
liata.

(1) Prior. Lib. Cap. CLXVIII cum duob. seqq.

caelo fixa clavo adamantino, puerorum illud est, qui stellas, aureos caelo clavos affixos putant: navigantibus in altum, puerorum praejudicium est, *terrasque, urbesque recedere*: ut tendentibus in Italiam a meridie iter, quos inde Aquilo repellat, *fugiens Italia* videatur: *clamorem ferire sydera* putant pueri, qui de summis aedibus paucas supra ulnas se tangere caelum credunt: *Æolum speluncis, tanquam follibus coërcere, et emittere ventos*, ferrariorum Physica est: *Solem, Lunamque curribus percurrere caelum*, ex ipsa vulgi opinione ortum, quod ex maculis, quas ea monstrant sydera, iis oculos, nasum et os finxere. Quin sublime illud, quod *Sol*, ne *Thyestis coenam aspiceret*, retro egerit cursum, ex eo genere est, quo, qui Antipodas intelligere non possunt, Solem putant ab Occasu pone altissimos a Septentrionibus montes ad Ortum redire: et illud sublimius, *Olympum sentire Numinum pondera*, quasi Numina mole aestimarentur, referunt Peruenses, stupidissima gens, qui quicquid justum excederet modum, ut *ingens flumen, mons, arbor*, ut Acosta in eorum Historia refert, *Deos* credebant.

Ut *Metamorphoses*
poëticae natae.

XVII. Et, ut faciamus tandem modum, si his rebus nostras opiniones detrahere velimus, omnes *Metamorphoses*, quas Poëtae commenti sunt, et impossibiles eo vero credibiles faciunt, quod Deus possit omnia; invenimus, esse quam simillimas fabulis, quas de Orco, horrendo homine, et de horrendis foeminis, divinitate donatis, quas *Fate* vulgo dixere; et ad nostra usque tempora perductas, pueris filiis matres, ut eos detineant, narrare solent: quibus quae mira de Circe ex. gr., de Medea traduntur, simillima esse comperiemus iis quae seculis item barbaris de Merlino (is enim re vera fuit Anglus Mathematicus, qui seculo vi vixit, quem rudissimae tunc Britanniae gentes insignem Magum putaverunt) vera habita sunt. Sed et in iis ipsis de Orco fabulis, et *delle Fate*, prae illa fabula, in qua Longinus tantum *Homericæ sublimitatis* advertit, a Polyphemo in *Æacim saxum ingens* jactum, in quo et sylvae erant, et pascua, et pastores, et pecudum greges errabant; et ipsum Gigantem dum agebat pecus, *pro virga ingentem gestare pinum*; multo grandiores passim observes, quae seculis item barbaris, omnisque doctrinae, et eruditionis omnino rudibus natae, ut Homeri *Rhapsodiae*, ad nos usque perlatae sunt. Neque sane putandum est, *Metamorphoses* principio ex voluptate fictas esse; cum vel hodie in hoc ingeniorum cultu, pueri, fœ-

minae, rusticique, quas *Circitores* miras metamorphoses in ludis exhibent, veras credant. Quid si in illa frequenti ferarum de hominibus strage ita factum conijciamus, quod ubi quis visus esset, mox nusquam apparuerit; et tantum cruenta vestigia viderent, eum in *florem* ibi natum, aut *plantam*, aut *avem* quae inde evolaverit, feram quae forte inde effugerit, *fontem* vel *saxum* immutatum esse putarent? (a)

XVIII. Sed ut Philosophia magis magisque a sensibus depurari coepit, ita Poësis a natura hominum longius abcessit; unde Poëtae hodie arte et industriâ *phantastici* fieri debent, qui olim vigente sensuum, non rationis aetate, *phantastici naturâ* erant: de quo tempore, nec de ullo alio verum illud, *Poëtae nascuntur, Oratores fiunt*: cum hodie nisi difficiliter, certe non minori arte fiant Poëtae, quam Oratores.

Philosophia iuvallescente, Poësis infirmior.

XIX. Quare *Ars Poëtica pro nostris principiis* huc redit omnis, ut qui in ea excellere velit, omnem, quam propriam dicunt, linguam dediscat, ac ad vetustissimam verborum inopiam redactus, ea necessitate mentis sensa per ipsarum rerum adprime proprias et summe sensiles notas explicaverit: ac sensuum ac phantasiae ope vividissimas sublimisque rerum, morum, affectuum imagines effinxerit: et quemadmodum, ut quis recte de philosophicis disserat, falsis puerorum et vulgi persuasionibus in antecessum purgari debet; sic vicissim, ut quis sublime pangat *Poëma*, omnia ex vulgi et puerorum maxime opinione sentiat ac dijudicet; et ita factus abunde *Phantasticus*, omnia granditer una et ad vulgarem sensum accommodate cecinerit.

Ars poëtica pro nostris principiis.

XX. Vides igitur Eruditos omnes seu Graecos seu Latinos, et qui post utrosque scripserunt, in Poëseos originem inquirentes, haec quae de *fabula, sententia, locutione poëtica* hactenus demonstravimus, nihil prorsus, sed solum de *cantu et rhythmo* cogitasse: quia ut id omnibus erat exploratum, prorsae orationis Scriptoris Poëtas fuisse certo priores; ita nunquam eorum omnium quisquam vel suspicatus est, linguam Poëtarum primam in terris natam, qua primae gentes, nempe Heroës Poëtae, ut finguntur Orpheus, Amphion, Linus, locuti sunt.

Cur universa Philologia falsa super Poëseos origine?

(a)* Uti Peruenses, ubi primum Hispanos equites viderunt, eos Graecorum numero Centauros credidere; et Hispanicis naves putarunt natantes montes, ut item Graeci dixere *Cycladas*.

Et ut de versæ orationis origine, ineptior?

Cur primi homines cantando loqui coeperunt?

Sed de hoc ipso *cantu pœtico* satis infirma vel Philosophi gravissimi, in quibus Franciscus Patricius est, disse-ruere: quod primi hominum *pastores in illo ocio suo cantum ab avibus vel ventorum sibilis didicissent*; ac proinde dicunt, primam in terris *Pœsim* natam esse *Bucolicam* (a).

At hercule haec, quam ipsam pro nostris principiis nunc dicimus, vera causa est: quod naturâ ita comparatum observamus, homines blaesos, quum pronunciare impediuntur, in cantum prorumpere. Id ipsum existimandum est, primis hominibus evenisse, qui praeduris linguae fibris, neque a pueritia in faciles flexus subactis, utpote nostrorum sunt puerorum, qui in hac linguarum copia adolescunt, ad voces quas raras audiebant, et quae tum passim novae, et quidem omnes prolatu difficiles nascebantur, pronunciandas, eodem impetu in cantum erumpabant, principio arhythmicum, immodulatum, quali cantu Romani pueri Legem XII Tabb. *tanquam necessarium car-*

Pœseos historia.

(a) Sed enim si haec et ratione et auctoritate severius expendamus, pro hoc temporum ordine *Heroicam*, *Dramaticam* et *Bucolicam* natas inveniemus. Nam Homerus certe omnibus Tragicis prior;

Primum Heroica;

quia *Pœsis heroica una imitatione constat*; nempe narratione rerum gestarum, et relatu orationum, quas fuderunt Heroës; atque adeo eadem und imitatione, qua constat *Historia*: ex qua antiqua possessione Historici etiamnum usurpant verba, quae Cicero appellat *prope Poëtarum*. At *Tragoedia* et antiqua *Comoedia*,

Deinde Tragoedia, cum Comoedia antiqua;

quae veras introducebant personas, et novae Comediae tempore dubio procul praeunt, *constant imitatione duplici*, quod solertioris est mentis, nempe narratione rerum gestarum, et quod personas fingit viventes et praesentes, quae eas gerunt. *Nova autem Comoedia et Bucolica*, quatenus pastores loquentes inducit, *constat imitatione triplici*, quod est summi ingenii specimen; nam fingit

Demum Comoedia Nova et Bucolica, quatenus Comoediae novae pars est.

primum res, deinde personas, tertio utrasque praesentes et loquentes facit. Unde *Comoedia Nova* et *Bucolica* sunt novissima dramaticae Poëseos genera: nam quatenus exámetro versu primi Pastores suos animi affectus rectâ significarunt, concedo Philologis, *Bucolicam Heroicâ*, quantum ad numerum, fuisse priorem. Ad hoc et illud accedat, quod si *Tragoediae* initia rudissima, qualia ab Horatio in *Arte* narrantur, advertas; conficias inde Homeri magniloquentiam non ex arte natam, sed ex heroicae etiamtum florentis aetatis natura; et quae in eo rudia sunt, sunt enim innu-

Linguae heroicae demonstratio.

mera, desinas demirari. Praeterea *Tragoedia* et *Comoedia* versibus

Jambus tradux herolci versus in solutam orationem.

jambis conceptae sunt, qui versus ad solutam numeris orationem accedit, ita ut Graecis inter fundendas solutas orationes quam saepissime exciderent: an, quando Graecos prius versam, deinde prorsam orationem fudisse certo constat, dicendum sit, *versum jambum Graecos prorsam orationem admonuisse?* et an inter primos *Tragoediae* ortus, *Graeci jambis sermones funderent?*

men, ut Cicero tradit, ediscebant. Deinde, quia prima rerum vocabula monosyllaba, ut diximus (1) de Latinis, nata: nam de Graecis non perinde constat, quia primam legum linguam custodire non norant, ut supra diximus (2) quoque; ut de Hebraeis id est expeditum; quibus non solum nomina, sed verba ipsa ferme omnia monosyllaba sunt, quia Historiae suae linguam ab suis originibus sancte servarunt, ut supra diximus etiam (3): et ex monosyllabis facile rhythmī componuntur; unde Musicae elementa monosyllaba sunt, quae facile cantum componant: sic imprudentibus primis hominibus versus excidere (a); quorum cum animadvertissent suavitatem pastores maxime ociosi, primi Bucolicos versus invenere (b).

XXI. Atque ex his omnibus quae de Poëseos origine, ni fallor, apertissime demonstravimus, liquet ratio, cur *Homerus omnium Poëtarum princeps* extiterit; quia aetate Poëtarum proxima floruit, hoc est, qua Graecae gentes poëticā linguā adhuc magnā ex parte loquebantur.

Sed enim ab omni aetate Homerus suis Poëmatis innumera et divina sublimioris sapientiae semina disservisse putatus est: quare ut complures Graeciae civitates eum sibi civem vindicant suum; ita omnes ferme Philosophorum sectae eum suum sibi principem faciunt, et in primis Platonici: unde Homerus *Plato Poëtarum*, Plato autem *Philosophorum Homerus* est appellatus.

Cur Homerus Poëtarum princeps?

Adversus Plutarchi librum de Homero.

(1) Prior. Lib. Cap. CXLIX. (2) Ibid. Cap. CLXXXII. (3) Hoc Lib. Part. II, Cap. VIII, § Alterum.

(a) Et sic non consilio humano, sed Divinā Providentiā factum est, ut homines, nondum inventā scripturā, majorum traditiones cantu facilius conservarent: quod in nostra *Synopsi Italica* emendes velim, ubi omnium ante nos sententiam sequebamur, homines primos cantum ad memoriae facilitatem excogitasse: quod vero sic emendatum constat cum quamplurimis sane aliis, quae ab hominum industria hactenus putabantur inventa, quae *Divinā Providentiā*, ut homines ad societatem celebrandam conduceret, *rebus ipsis dictantibus*, per hos utrosque Libros demonstravimus esse comparata.

(b)* Ex hac antiquitate inter Germanos, qui quam maxime puras suae linguae censervarunt origines; unde voces inter ipsos pleraque omnes monosyllabae, quae porro eādem ferme, qua apud Graecos, felicitate compositae, polysyllabae fiunt; Poëtae vulgo nascuntur; et ut plurimum de ultimo supplicio damnatis concipiunt carmina: an ut pueros sontium exemplis ad virtutem instituant, *ad eandem ferme lyram* accinentes, *ad quam primi Legislatores*, quos dicit Horatius in *Arte*, et Poëta ab Agamemnone domi relictus Clytemnestrae pudicitiam custodiebat, ut narrat Homerus?

Hanc opinionem omnium seculorum auctoritate firmatus ille error peperit, primos Poëtas naturales fuisse Theologos: quem nos errorem convellere coepimus (1) tribus illis objectionibus, una, quam ex ipsa humanae naturae proprietate desumpsimus, nimirum homines primum necessaria, deinde utilia, tandem vitae voluptuaria consecrari: quam qui in dubium revocaverit, is plane omnis sensus communis est expers: et duabus aliis, nempe ex indubia Philosophorum et Poëtarum Historia, quam utramque item ex ipsius humani ingenii natura contexuimus: per quae omnia graviter confirmavimus, primos Poëtas Theologiam naturalem prorsus ignorare debuisse.

Quibus nunc Auctarii loco addere ex his, quae heic de *Poëseos* origine disseruimus, et commodum et facile est. Homerus dicitur floruisse anno ccccccxcix, idest cxxx ante Olympiades: Thales natus Olympiade xxxvi, hoc est cclxix post Homerum annos, *primus Physicen inter Graecos docuit*, quam ne in Graecia quidem ortam, sed Aegypto adportatam volunt, et rudissime statuit, *Aquam primum esse omnium rerum principium*. Undenam igitur haec, quae Platonici maxime praeter alios praestantissimos Philosophos in Homero profundissimae sapientiae semina inveniant, provenere? Confugiunt eo, Homerum ab Aegyptiis didicisse. At Homerus ducentis et plus eo annis ante Psammeticum floruit, a quo Aegyptus Jonibus Caribusque reclusa est. Sed esto, Aegyptum clam penetrarit Homerus, scilicet ab Aegyptiis haec sublimia didicit, a quibus Thales cclxix post annis, tam rude et crassum rerum principium didicit *Aquam*. Eruditi Christiani dicunt ab Hebraeis, et Mosis schola. Sed demonstravimus priscas gentes vel brevi unius continentis ambitu alias ab aliis ignaras egisse, et per caussas bellorum cognitae esse (2): et Libro prior. (3) majores gentes suas religiones et leges vel suis clam plebibus habuisse, tantum abest, ut peregrinis evulgarent: et Hebraeos gentibus vel in communi victu inso-ciabiles, suam doctrinam iis profanasse putandum est? An dicent (quod nefas invictis rationibus demonstravimus (4) falsum) Homeri gentem a Diluvio in aliquo summo monte servatam antediluvianas scientias custodisse?

Quid igitur heic dicendum? Nimirum has sublimis Sa-

(2) Prior. Lib. Cap. CLXXXIII, § Sed qui et seq. (2) Hoc Lib. Par. II, Cap. I. § Quae res. (3) Lib. prior. Cap. CLXVII. (4) Hoc Lib. Part. II, Cap. X.

pietiae sententias, sequentes Philosophos doctissimos in Homero ipsos excogitare, dum cupiunt invenire; quia student haec sua ipsa excogitata Antiquitatis testimonio confirmare, ea falsa persuasione, primos Poëtas naturales fuisse Theologos: et Homerum felicissimo ingenio praeditum, principem Poëtarum locum tempore ipso occupasse, quod aetate proxima seculo poëtico natus est, dum lingua adhuc inops erat, sensus etiamdum regnabant, ratio, adhuc erat infirmior: unde ejus heros Achilles sensu, non ratione admirandus, ut qui inexorabilis, juris naturae contemptor, et vel mortuus regiarum puellarum sanguinis avidus: et quia paupere lingua natus, ex omnibus Graeciae civitatibus poëticas locutiones collegit atque composuit; unde factum, ut omnibus Graeciae dialectis loquatur (a); eodem prorsus fato, quo Dantes Aligerius in summa Italorum barbarie, sine ullo exemplo proposito, ex sese primum natus, ex sese quoque Poëta factus absolutissimus.

Cur Achilles, Heros sensu, non ratione admirandus.

Cur omnibus dialectis usus est?

(a) Atque haec est ratio cur Graeciae civitates ferme omnes Homerum sibi quaeque civem asserant suum: de qua re est apud Ciceronem in Orat. pro Archia elegantissimus locus.

IN EXORNATIONEM PERPETUAM CAPITIS XII.

De Poëseos origine.

Sed ut quae de Poëseos origine hoc cap. disseruimus, gravissime, quantum est, confirmemus, de Homero, ejusque utroque Poëmate quaedam ad hanc rem plurimum facientia aliquanto curatius videamus.

De Homeri aetate.

Quae ut constabiliantur universa, ante omnia est *Homeri aetas* definienda. Cumque apud Graecos nulla inveniatur conscriptio Poëmatum Homeri vetustior, ut scribit Josephus I. lib. *contra Appionem*; quid nobis superest, nisi ut *Homeri aetatem Homero ipso probemus?*

Achilles in Patrocli funere edit omnium certaminum genera, quae postea in *ludis Olympicis* jam humanissima Graecia spectavit: quin Graeci Heroës ad Trojam in *desultoriis curribus* pugnant, et Proci apud Penelopem *equestri annuli ludo* exercentur, quae sunt egregiae dexteritatis specimina: iidemque collidunt *talis*; qui lusus Graecos Romanosque vel excultissimos detinebat. Jam ut taceam in aere, auro, argentove *caelandi artem*, et Alcinoi tum *hortorum delicias*, tum *Regiarum aedium* magnificentiam, quae demus Platoni, oestro poëtico Homerum in idea, sive, ut Latini dicunt, genere quodam descripsisse. *Commercia externa* certe inter ipsos saltem Graecos non solum terrâ, sed mari quoque celebrata, ut Penelope doleat, Telemachum errare commerciorum expertem; et Eurialus Phoeax Ulyssi ignoto erroni, excusanti certamen dicat, eum non esse heroëm, qui athleta non sit, sed navis magistrum, vecturae, viatico.

Homeri aetate omnia certamina olympica.

Curus desultorii.

Ludus annuli equester.

Lusus talorum.

Ars caelatoria.

Hortorum deliciarum, aedium magnificentia.

Commercia externa.

Merces exoticae.

Ebur, purpura, thus arabicum, electrum, byssus, vestes phrygiae, variae, suffibiatae.

Cedrus,

Cedri fumus.

Balnea calida, chori, cubicala.

Psaltatio effoemi nata, pueri delicati viri molles.

Ciborum Historia.

Piscatio.

Mulctas pro caedibus,

Cur in Mundi primordiis?

Cur inter posteriores barbaros?

Littum multitudo.

rum, et lucri rapacis callidum. Procul dubio Homeri tempore *exoticae merces* foris ad Graecos importatae, unde nota Homero, *ebur, purpura, thus arabicum*, quo in Papho *Veneris antrum* odorum; *electrum*, et ex electro gemmata monilia; *byssus* arida tunica cepae tenuior; *vestes ex phrygio opere*; vestes autem *variae* in usu Phaeacibus: et inter Procorum munera vestis dono danda Penelopi, aureis *suffulta fibulis*, quae flexiles porro congruerent; vestis genus, quod hac mollissima aetate vix tandem inventum est: sed et quod in Romanorum postremo luxu fuit, *cedrus*, ex quo ligni genere Priami currus factus, quo ad Achillem devectus est, quod *varias, pulchrasque exhibebat figuras*: sed et quod neque luxus Romanus excogitavit, *cedri fumus*, quo Calypso antrum *suffumigabat*: quae omnia certe Homerus oestro intelligere haut potuit. Qua ratione transmitto apud Circeam *delicatissima balnea*, et *Phaeaces balneis calidis* foveri, *choris* psallere, dormire in *cubiculis*; et quod Priamus amisso Hectore, aliisque fortibus filiis, queratur, sibi filios nequam esse superstites, tantum optimos psaltores: *pueros*, qui *Prociis* ministrant, *pulchros, flavicomos, pereleganter vestitos*; et viris aequae ac foeminis *comae studium*, quod Paridi, veluti effoeminato, Hector et Diomedes objiciunt. Et quamvis Homericus Heroës carnibus tantum assis vescantur (qui cibus omuium maxime simplex est, utpote ad quem conficiendum solo igne opus sit, in quem carnes projiciantur; nam deinde carnes elixae sunt, ad quod et ignis et aqua et lebetes sunt necessarij: tandem cibi jurulenti excogitati, in quibus praeter haec omnia, sumen quoque est colliquandum) et *delicatissimus Heroiũm cibus* narretur *farina cum caseo et melle* commixta; tamen in duabus comparationibus meminit *piscationis*; et Ulysses fictus erro, pauper Proco stipem rogans, dicit, *Deos Regibus hospitalibus dare piscosum mare*; et nos in his Libris et Notis demonstravimus, diu gentes summam maris habuisse religionem. Videamus nunc Homeri tempore, quae respublicae? In *Achillis clypeo* Homerus describit *mulctas pro caede*; et oratores reorum causas dicere in concione: et nos demonstravimus in his Libris, poenas in primis rebuspublicis, utpote Optimatum, severissimas esse dictatas; quod Horatiano iudicio inter Romanos, exemplis Charondae inter Thurios, Zaleuci inter Locrenses, et legibus Draconis, quas Atheniensibus sanguine scripsisse dictus est; et veritate poenarum praenimia Leg. XII Tabb. quas Romani a prioribus gentibus accepere, graviter demonstravimus: et serae libertatis esse, deprecari apud populum vel mites poenas. Nam quod Deus per occisi Abelis occasionem, pro occiso homine mulctas sanciat, id dandum hominum raritati in ipsis Mundi primordiis: et quod Grotius in Notis ad librum *De jure belli et pacis* quamplurimarum gentium barbararum leges numeret, quae edicunt pro caedibus mulctas; id temporum crudelitati et avaritiaetribuendum: cum enim nuper crudelissimis bellis Europam inundassent, et pecuniam summe admirarentur, non poenis, sed mulctis a pravis facinoribus erant sane deterrendi. Tandem Ulysses narratur de caprifico, ad quem se attinuerat, ne a Scylla voraretur, dum navim Scylla revomebat, in eam ita lassum desiluisse; ut Judex, qui multorum litigantium causas judicavit, a foro surgit ad prandium: quod est argumentum satis adultae calumniae, et jamdiu antiqui moris exuti.

Maxime autem adversantes de *Homeri ætate* sententiæ sunt, una opinantium, eum *vixisse belli Trojani tempore*, nempe ad *sexaginta annos*, postquam *Theseus Athenas fundarat*: altera opinantium, eum *quadringentis sexaginta post Trojanum bellum annis vixisse*, nempe, regnante inter Romanos Numa. Igitur eo *Graecorum cultu, humanitate, luxu, deliciis, fraudibus, libertate*, pro meo merito jure in posteriorem sententiam concedo, utpote Homero ipso demonstratam; ut neque pro hac posteriori sententia *Homerus Ægyptum adire potuerit*, cum etiam sic vixerit ante Psammeticum, quo tempore *Ægyptus* exteris omnibus occlusa erat.

Ætas Homeri demonstrata.

Ex hac dissertatione duo magni momenti Corollaria confeceris: I. Scripturam vulgarem inter Graecos nondum vi, vii Olympiade repertam esse: nam in toto Homero semel *literarum* fit mentio, nempe quas Praetus Bellerophonti exitiales socero scribit, quas per *σῆματα* scriptas diserte narrat, per *signa*, seu *characteribus heroi- cis* exaratas. II. Traditiones poëticas, sive fabulas ad Homerum tot sæculorum excursu multum corruptas pervenisse, et post Homerum etiam esse depravatas; cum neque ipse *Homerus* literis vulgaribus sua Poëmata commissa reliquerit, sed per cantus memoriâ conservata, diu post scripturae vulgari mandata sint, ut *Josephus* loc. sup. testatur.

Scriptura vulgaris nondum Homeri ætate.

Traditiones poëticae ante et post Homerum corruptae.

Homeri tempore Graecos externarum gentium imperitos.

At enim *Homerus* saepe Oceanum *Deorum parentem* appellat; et ubi *Achilles* se ex *Thetide* marina Dea natum, praestantiori jactat origine, quam *Pelegonis* ex *Axio* flumine orti, dicit ab *Occano flumina, fontes, profundos puteos originem ducere*: et narrat *Ulyssem* in *Ægypto* cum *Proteo* marino numine luctasse, qui in omnium rerum formas vertebatur: quibus locis, *Aquam*, rerum omnium principium ab *Ægyptiis* didicisse satis aperte probare videtur. Item narrat, *Thoni uxorem Ægyptiam Helenae* nepente donasse: narrat, a *Creta* in *Ægyptum* iter esse, flante *Borea*, quinque dierum, et inde *Ulyssem ad Ægyptios delatum*: narrat postremo *Thebas* centum portarum celebrem *Ægypti urbem*; quae omnia confirmant, *Ægyptum* Homero cognitam. Quin his ego addo, *Homerum* memorare *Phoenices*, a quorum Rege narrat *muneribus ornatam Helenam*: memorare *Ethiopiam*, et ubi *Thetis* *Achilli* dicit, Deos eo epulatum ivisse viginti dies, et ubi *Æthiopes* in *Orientales* et *Occidentales* partitur: in *Menelai* et *Ulyssis* erroribus memorare etiam *Lybiam*.

Sed quanti haec! cum idem *Homerus* narret, *Mercuriam ad Ogygiam Calypsus insulam, in Phoenicia mari sitam difficillimum habuisse iter*, quod litora vicina nulla essent, ubi in templis Diis sacra fierent? tam longe Graecis *Phoenicii* maris insula, ut nunc nobis *America*, videbatur! quod si *Phoeniciam* *Homeri ætate* Graeci commearent, quae *Homeri* frons narrantis, eo Deos, et quidem alatos difficillimum habere iter? At *Homerus* fidem ab Auditoribus promeret, cum *Alcinous* dicat *Ulyssi*, se ei *navem daturum*, qua in patriam reducat, vel si opus sit, *Euboeam* usque vecturam; quam, inquit, qui viderunt, dicunt quam longissime sitam. Ex qua *Alcinoi* confessione longissima Graecorum navigatio *Homeri tempore* erat a *Phaeacia, sive Corcyra Euboeam usque*: quod iter *Graeciam*

Homero ignota Phoenicia.

universam a mari describit; et tamen *Phaeaces* dicit *rei nauticae peritissimos, qui sine gubernaculo navigent*.

Homeri patria Samus demonstratur. Ex quo loco bellissime demonstratur Homerus fuisse ex Graeciae parte magis occidua: cumque inter alias satis multas graecas civitates Samii apud Ciceronem in Orat. pro Archia eum civem vindicent suum, et Samus in magis occidua Graeciae parte sit posita; Homerus est Samiis adjudicandus. Atque inde est, quod vicini Ulyssis potissimum, non Menelai, non Diomedis errores narret: et proximae Siciliae, Italiae, Phaeaciae historiis Odysseam exornet: neque Graecos appellet *Argivos*, vel *Pelasgos*, nomina remotiorum Graecarum gentium propria, sed *Achivos*, quod nomen postea proximis Achaeis permansit. Conjecturam adprobat mirum gentis acumen, ex qua Pythagoras, Italicae et Graecanicae Philosophiae sublimioris magnum incrementum. Praeclara Samiorum gloria, ab se duo maxima Graecae Sapientiae decora prodiisse!

Homero ignota Aegyptus, Sed ad rem, neque Aegyptum, neque adeo Italiam Graecis Homeri tempore cognitam, duo ejusdem loci indubitanter demonstrant: de Aegypto ille, ubi, dum Menelaus narrat Telemacho, se diu in Aegypti Pharo detentum, describit *eam insulam tam longe a continenti sitam, quantum exonerata navis secundo vento perpetuum diem navigaret*. Sed enim Pharus tam prope continentem adjacet, ut interjectis molibus Alexandriae portum, qualem Jul. Caesar describit, effecerit: alter locus est de Italia, Circae, quam urbem insulam Homerus facit, cum ea in continenti sita esset. Si igitur Homeri tempore Graeci in Aegyptum Italiamque commearent, Homerus satis improbe mentiri videretur, et omnem fidem suis Poëmatibus abrogaret.

Ignota Italia.

Quid igitur statuendum? Homeri tempore Graecos externarum gentium adhuc fuisse imperitos; et Phoenices omne internum mare lucris causâ percurrere, ut pluribus in locis ipse Homerus testatur in Odyssea, et ad maritimas Graecas urbes merces, quas supra diximus, exoticas, ut in Eumaei urbem *electrum* et ex *electro gemmata monilia*, aliasque quas ipse *nugas* appellat, et cum iis externarum nationum quoque notitias importare.

Ex dictis Corollarium maximi momenti eruas licet: quod si ante Homerum coloniae in Italiam deductae sunt, ut ab trecentis ante annis deductas esse probavimus, hac Parte Poster. Cap. XIII Coroll. ult.; et Italia Homeri tempore Graecis ignota; eas *alius generis colonias* fuisse necesse est, quam quas in terras victas victores deducunt, quae cum gente principe civitatem communicant; de quibus disseremus in Notis ad Cap. XVII ubi enumerantur *ex Tanai et Sesostride, quales explicavimus, consectanea*.

De primis Colonis.

De primarum vocum alienatione.

At enim Fabulae multo ante Homeri tempora inventae tradunt, ab Hesperia Herculem aura reportasse poma, et Caci boves abegisse; et priorem Hercule Atlantem in Mauritania humeris sustinere caelum, in quo labore Hercules Atlanti successit; Perseum in Aethiopia Andromedam liberasse; Argonautarum expeditionem in Pontum et Bacchi ab Indis reportatas victorias: atque eodem Thebarum nomine, et celeberrima Aegypti et antiquissima urbs in Boeotia appellatae.

Heic, antiquitatis hactenus obscurissimis rebus ingentem lucem ex nostris principiis allaturum spero, si haec duo vera, quae jam demonstravimus, concedantur: I. Homerum ad quingentos annos post seculum Heroicum floruisse (*seculum Heroicum*, quod Chronologi designant, accipio: nam quod nos definimus, ad Homerum usque perdurat): II. Homeri aetate nondum vulgarem scripturam inventam. Quibus datis, de his fabulis Graecorum, nisi gravius, idem certe est judicandum, quod de nostrarum civitatum antiquitatibus, quae a barbaris per multa rudia literarum secula ad nos pervenerunt; quas vulgus omnino credit, acrioris autem iudicii homines aut prorsus falsas aut veras magna ex parte falsis commixtas judicant.

Ejus effecti praecipuam causam conjicio, *vocum primarum alienationem ab ipsarum significatione nativa*, temporum successu necessario factam; de qua ut disseramus, haec duo in antecessum sunt statuenda: I. De antiquo terrarum Orbe universo profanas notitias nobis non aliâ viâ, quam per Graecos traditas esse: II. Principio voces inter Graecos brevi contentos orbe natas, deinde prolatione gentis prolatas esse: hinc sequentia tanquam consectanea eharrantur.

Philologiae axiomata.

I. Oceanus principio quodvis oculis *interminatum mare* significavit; ut Homerus praeter locos alius utriusque Poëmatiss, Vulcani Insulam dicit *Oceano circumfusam*. Quare non est necesse, ut de Oceano extra Columnas accipiatur *Neptunus*, qui perpetuo adjuncto ab Homero appellatur *εὐνοστῆαλον*, *terras complectens*; cum de quaque Insula principio dictum acciperetur: neque de Oceano glaciali intelligendum, quum Homerus dicit, *celestem currum nunquam in Oceanum occidere*; cum cuius altum mare totam noctem naviganti ejus planetae phenomenon innotescat; deinde, penetratis Hercules Columnis, mare, quod universam ambit terram, *Oceanus* dictus est.

Primus Graecis Oceanus.

II. Olympus certe Homeri tempore, Deorum sedes, ipse montis vertex putatus; a quo modo *bacchatus*, modo *nivosus*, nempe in pendicibus, modo *supra nubes*, *pluvias*, *nives ventosque*, *semper serenus et circumfulgens* in jugo; *per quod dispositae Deorum sedes* narrantur; deinde Graecorum mentibus in immensum expatiantibus, *Olympus* Caelum omnia complectens sydera dictus mansit.

Primus Olympus.

III. Ad hoc utrumque exemplum illa fuisse necesse est, *Hesperiam* principio dictam Graecis occidenti Graeciae plagam, ubi ipsi stella *Hesperus* occidere videretur; deinde resectâ iisdem Italiâ, ob situs similitudinem *Hesperiam* Graecis, Italiam fuisse; quae prae occidenti Graeciae particula, *Hesperia magna* dicta Poëtis mansit: tandem cognitam Hispaniam, ultimam ab occidenti plagâ terrarum, *Hesperiam* dictam mansisse: qua ratione verisimile illud fit, *Herculem* ab *Hesperia*, nempe aliqua occidenti Graeciae parte, a *Caco abegisse boves*, et *aurea poma reportasse*.

Hesperia prima.

Hesperia secunda.

Hesperia tertia.

IV. Sic Atlas Graecis fuerit principio quivis altissimus mons, qui aliquem ipsis terrae Orbem terminaret: nam qua ratione illa *mundani systematis* tam rudis apud Homerum opinio nasci potuit, *Atlantem sustinere columnas*, quae *Caelum terrasque complecterentur*, nisi inter rudissimos homines, qui in altissimorum montium convallibus agerent; et montibus, quibus conclusi essent, tanquam

Primus Atlas.

Primus Hercules Columnae.

pueri Universum terminari putarent? Deinde ad ultimos ab occidua Orbis terrarum plaga montes ex eadem rationis similitudine ea vox translata est; et ab eadem parte *Abylas* et *Calpe* inde *Herculis Columnae* appellatae, qui *Atlanti in caeli onere sustentando successit*.

V. Sic *Æthiopiam*, seu *Mauritaniam* principio fuisse *Peloponnesum*, dicendum est; namque in hoc Libro diximus, ad Herodotum pervenisse traditionem, *principio Æthiopes albos, pulchrosque fuisse*: deinde, ob situs similitudinem, *Æthiopiam*, quam nunc sentimus, dictam mansisse: et ita fit verisimile, *Perseum*, Graecum certe Heroem in *Æthiopia* praeclara quae narrantur edidisse facinora: an *Peloponnesus* ab hac ultima antiquitate etiamnum appellata *Morea*?

Prima Æthiopia, se: deinde, ob situs similitudinem, Æthiopiam, quam nunc sentimus, dictam mansisse: et ita fit verisimile, Perseum, Graecum certe Heroem in Æthiopia praeclara quae narrantur edidisse facinora: an Peloponnesus ab hac ultima antiquitate etiamnum appellata Morea?

Prima Europa.

VI. Eadem ratione Graecia *prima Europa*, quam *Jupiter in Taurum conversus ex Asia per mare rapuit*; et *Jonia* Graecis *prima Asia* fuerit oportet: sed in omnem orientem plagam *Asiae* vocabulo postea propagato, *Jonia* dicta *Asia minor* mansit, et nomen *Asiae majoris* exolevit: ad illud e converso instar, quo *prima Hesperia* fuit occidua Graeciae pars: deinde in ampliorem occidentem plagam, nempe *Italiam*, eo prolato vocabulo, *Italia* dicta *Hesperia magna* est, et *parvae Hesperiae* vox exolevit.

VII. Ex hoc genere verisimile fit, *Bacchum* Graecum certe Heroem ad *Indos* penetrasse, et inde rediisse victorem, nempe in ultimam Graeciae partem orientalem versus meridiem, qua similitudine postea *India* cognita, est appellata.

VIII. Sic *Colchorum* non illa penitissima *Maris Euxini* regio, quam dominatus postea *Mithridates*, sed aliquam Graecis proximam ejus maris oram, a qua fortasse *Ponti* nomen accepit; atque in eam *Argonautae* suam expeditionem fecisse; in quibus ipse *Orpheus* numeratur, nempe *Graeci de ferino victu recens ad humanitatem redacti, et Hercules, nempe Heroës, qui primi civitates fundarunt: certe Æta Medaeae pater ex Chalcide Euboeae urbe in hac ipsa Fabula memoratur*.

IX. Sic ex similitudine item aliqua *Thebarum* in *Boeotia* a Graecis *Ægyptias* dictas esse necesse est, quae alio nomine ab *Ægyptiis* appellarentur: cum etiamnum in *Hungaria* eadem urbes alio nomine ab *Hungaris*, alio a *Germanis*, alio a *Turcis*, alio latine graeceve appellantur (*).

X. Sic sedantur illa, quae *Homericos* torquent *Interpretes: Achilaei currus equos ex Zephyro natos ex ultima Hispania venisse, quod Homerus dicat genitos juxta fluentem Oceani: nam non ultra est, ut Oceanus aetate Homeri accipiat ultra Columnas; et commode de prima Hiberia eos equos deductos esse dici deinceps potest: quin Aeneas in oratione ad Achillem narrat, Boream Erichtonii equas fecisse gravidas*.

XI. Sic *Lotophagos* fuisse *Homeri* alios propiores, qui *loto vescerentur*: et sic verum, quod *Homerus* narrat, *Ulyssem Malta ad Lotophagos novem dierum navigatione pervenisse: qui locus, cum de Lotophagis ultra Herculis Columnas, qui sic mansere dicti, acciperetur; iter vigintiduū et quingentum milliariorum spacio descriptum, novem dierum navigatione peractum Eratosthenes in Homero notavit*.

(*) Vido lib. II de Rebus gestis Antonii Caraphaei

XII. Sic Lestrighonas fuisse Homeri ætate, qui ex cognitis Graeciae gentibus, non ex toto terrarum Orbe *longissimos dies, brevissimas noctes habent*; qui Homeri locus Aratum induxit, ut eos sub capite Draconis collocaret: sed postea nomen mansit genti, quam in Sicilia Thucydides, Graecorum Historicorum veracissimus, agnoscit; unde Homerus mendacii et Aratus erroris notati.

Primi Lestrighones.

XIII. Sic Dodonaëum oraculum ab Homero inter Thesprotos ponitur; deinde a Graecis ex caerimoniarum similitudine aliqua in Thebis Ægyptiis aliud celebre dictum est.

Primum oraculum Dodonaëum.

XIV. Sic quoque rem comparatam esse necesse est, Cimmerios dictos, qui in septentrionali litore siti, a Graecis non videntur, et ita in imis terrarum agere crediti: deinde *Inferni maris accolae* prope Cumas ex vocis similitudine *Cimmerii* ab Homero appellati: nam probabile omnino non est, Ulyssem a Circe ad Cimmerios, qui nunc dicuntur, navigasse, *ut viseret Inferna loca; et uno die ad Circem rediisse*; nam sine ulla magica Circis arte ab Homero rediisse narratur. Quas omnes *locorum similitudines* non est necesse Graecos ipsos observasse, cum verisimile, immo necessarium fuerit, *Phoenixes narrasse Graecis.*

Primi Cimmerii.

Homerus Graecarum traditionum Historicus.

Ex hactenus dissertatis conficitur, *Homerum in suis fabularum argumentis verum fuisse Historicum*; et ob hanc primarum vocum alienationem falsum hactenus visum esse. Nam, ut de *Iliade* prius dicamus, necesse est Paridem fuisse *hospitem*, qualis principio Latinis fuit *hostis*, hoc est externus, qui jus haberet perpetuo de externis rapere, ut in his Libris diximus, et in Notis gravius infra de *primarum gentium inhospitalitate* demonstrabimus; et Paridem characterem fuisse Trojanorum, qui de Graecis plagis foeminas raperent, quarum Helenam fecere characterem. Temporis progressu nativā *hospitii* significatione ad alienam translata, Paris *hospes* hospitio ab Argivis Regibus receptus, jure hospitii violato putatus est Helenam rapuisse. *Bellum autem Graeciae naturā foederatum* fuit, quo plures populi Graeci, de quibus Trojani foeminas rapuerant, quisque junctis armis suam injuriam ulți sunt; haut aliter ac Sabini ob suas foeminas raptas *sociale contra Romanos bellum* gessere. Sed Achivorum appellatione postea ad Graecos universos prolata, bellum ex hominum institutione foederatum habitum est, quo omnes Graeciae populi alienam injuriam ulți essent: et ita *error nominis* postea mature admonuit Graecos foedera, quae satis sero aliae gentes intellexerunt: et sero intellexisse ipsa forma Optimum reipublicae probat, cujus propria nota est, tueri sua; quam formam Heroicis temporibus late regnasse in his Libris firmavimus; ut de Hispania prae ceteris dictum sit, eam, *postquam per partes victa est, suas vires intellexisse*. At enim, cum postea Graeci populi propriis vocabulis distincti sunt, Achivorum commune nomen in ceteris est obscuratum: solis vero *Achaeis mansit et nomen et res*, ut essent civitates aeterno foedere in unum systema compositae; ex quo genere Helvetiorum prius, deinde Hollandensium civitates sunt inter se foederatae. Praeterea cum jus belli primitus tantum esset apud Heroës, ut late in his Libris disseruimus, ubi de *Jure Quiritum publico* agimus; et *Heroës* principio *Reges* omnes appellaren-

Iliadis Mythologia historica.

Hospes primus.

Hospes secundus.

Prima foedera naturā orta.

Achivi primi.

Foedera sero ab aliis gentibus intellecta.

Achivi secundi.

tur, ut in his Libris et latius Notis probatur; ex tot Regum injuriis unam fecere: cumque ex priorum Poëtarum errore Graecos omnes ad unius Regiae domus injuriam ulciscendam foederatos Poëtae posteriores accepissent; eam injuriam *Regiae Domui omnium Graecarum splendidissimae*, nempe Argivorum attribueret; et ex ea Helenam a Paride raptam suis traditionibus ad posteros transmisere.

Prima bella latro-
cinia.

Postremo novem priores anni, quibus id bellum sine indictione gestum est (nam decimo post anno foedus belli caussa inter Graecos Trojanosque ictum narratur), diserte probat omne antea actum tempus, quo prima bella in terris perpetua in his Libris probavimus, quae proprie dicuntur *latrocinia*, fuisse: unde Latinis ad Plautum usque mansit, ut *latrones* milites dicerentur.

Primi latrones.

Odyssaeae mytho-
logia historica.

Ex hac eadem vocum primarum alienatione verum hactenus latuit alterius Homeri argumenti, de *Ulyssis erroribus*. Nam quid est, post *Trojanum bellum* tam frequentes Heroùm mari errores, Ulyssis, Menelai, Diomedis, Aeneae, aliorumque in ignotas terras, gentes urbesque; cum Heroës iis longe priores, Hercules in ultimam Hispaniam, Perseus in longe mari dissitam Aethiopiam, Bacchus in remotissimos Indos, terrestria itinera, certa et explorata tenuissent?

Primi erronei,
prima hospitia, a-
syla.

Celebre errorum et hospitiorum argumentum fecerant ab primis suis originibus erronei prius *mediterranei*; deinde *transmarini*, qui in *hospitia*, sive *asyla* ubique locorum recepti sunt, ex quibus *clientelae* deinde ortae: postea *transmarinorum errorum* ad eos qui *vi tempestatum* errant, et *hospitiorum* ad *externas amicitias* prolatis vocabulis, vulgo factum, ut Heroës mari errantes ubique gentium hospitio recepti, donisque aucti summa humanitate apud Homerum dimittantur, praeterquam apud *inhospitales Cyclopes*: cum, ut demus maxime, Graecos publica amicitiae foedera, ac proinde privata quoque hospitia mature intellexisse; tamen aliae gentes ferme omnes, vel ipsi Aegyptii diu post bellum Trojanum, immo ipsius Homeri aetate durarunt *inhospitales*: quod aliud sit argumentum, Homeri aetate Graecis externas gentes ignotas. Haec ipsa una, neque

Procorum et Pe-
nelopes mythologia.

alia sane ratio probabilem Procorum fabulam facere omnino debet. Nam qui in hominum mentem venire potuit, Procere Ithacae aliosque tanto numero Ulyssis Regiam occupasse, et per ludos ac lusus, ganeamque ejus substantiam omnem absumere, invitamque Penelopem cum aliquo ipsorum adigere ad nuptias voluisse? Necesse omnino est, Procos fuisse earum civitatum clientes, qui de Regum substantia victitabant, in Regum ordinem irrupisse, unde *Reges* dicti; et Regum quoque voluisse sibi communicari connubia, ut plebei Romani postea tentarunt et tenuerunt: Penelopem autem characterem esse *foeminarum ex Regum ordine*, sive *Patricias*, quae Regum, sive Patrum ordini custodiunt connubia: et *bella civilia* inde orta, quibus *Clientes* sive *plebei* ab Ulysse et Telemacho, sive *Patribus*, victi sunt. Forsan similem historiam significavit *Ulyssis cum Iro* paupere pugna, ubi Irus ab Ulysse afflictus jacuit, nempe turbas agrarias, in quibus plebei pauperes victi sunt. Per eum fortasse Orbem alicubi heroùm connubia plebibus communicata sunt; et Penelopes peperisse Pana ficta est; nempe peperisse filios ex divina, qua se ortos putabant heroës, et *seu naturâ*, ex qua plebei ab heroibus habebantur, ad ipsissimum illud instar, quo Patres adversus Canulejum Trib. plebis, qui primus Patrum connubia ten-

Ulyssis et Iri my-
thologia.

Panis mythologia.

tavit, Liv. IV, dicunt: *Auspiciorum discrimine sublato, ferarum ritu promiscua connubia haberi, ut qui natus sit, ignoret, cujus sit sanguinis; quorum sacrorum dimidium Patrum sit, dimidium plebis, nec secum quidem ipse concors: de quibus monstris, neque de iis quae nunc sentimus, intelligenda omnino est lex Romanorum, ut monstri partus in profluentam projicerentur: nam leges de iis, quae ut plurimum, non quae raro eveniunt, conceptae sunt; et nihil tam rarum, quam monstra: at monstra fuere filii Patricii sine patre: unde proprie locutus Pamphilus, qui suspicans Philumenam non rite praegnantem, dicit, aliquid monstri alere: ex qua heroica vetustate filii spurii, seu sine patre nati in Romanis legibus monstra mansere dicta, ut in uno ex juris Responsis Cl. V. Dominicus Nicolai, acerrimi ingenii JC. mihi amaro desiderio excolendi F. Caravita, egregius caussarum patronus, ex Ant. Fabro in *Jurisprud. Papinian.* observavit.*

Igitur Homerus ignoratione *originum*, quam fecerat *primarium* *Poëmatum Homeri* *vocum alienatio*, haec duo argumenta perturbate exposuit; quae *systema historicum.* ordine enarrata, *universam Historiam temporis obscuri* manifesto describunt: qua nempe narrantur erroneae mediterraneae, asyla, clientelae primâ agrariâ fundatae, plebes turbis agrariis coortae, et Regum, seu Patrum ordo primum in terris natus, atque adeo regna heroica, sive respublicae Optimatum constitutae. Deinde inter prima regna heroica ultro citroque rapinae; tum justa sive solenniter indicta bella, et per externorum bellorum occasiones, nominis, seu gentis seu linguae cognatione foedera amicitiae causâ intellecta. Postremo bella civilia de connubiis, imperiisque communicandis inter plebes et Patres orta, et plebes victae; hinc plebei, ut iras victorum effugerent, maris fortunae commissi; et erroneae transmarini, unde transmarinae Coloniae.

Homerus ex nostra Poëseos origine suis auditoribus verisimilis.

Cum igitur *Poëtae Heroës*, in quibus et ipsum Homerum censeo, fuerint rerum tempore obscuro gestarum *Historici*, ut nos contra tria Varronis tempora disseruimus; res vulgo probabiles narrare debebant, nempe auditorum opinionibus aptas, ut fidem promererentur. Pro *origine Poëseos*, quam nuper reteximus, nec sane aliter Homerus omnia suae aetati convenientia narrat, quae strictim enumerabimus.

Et principio illa *ingentia Heroûm corpora*, ingentesque vires et enormis Polyphemi moles, qui antiquiores Heroës exhibet quam bellorum, probantur Homeri auditoribus, *Gigantum traditione apud ipsos perdurante*. Ex qua etiam *Gigantum Historia* produxit religio illa qua Dii Deaeque Heroibus homericis modo palam, modo sub fictis, sive notis sive ignotis personis adsunt: *qua religione, tanquam machind perpetua, utitur Poëta, ut suas Fabulas sustineat, vel exsolvat: quod primi hominum, qui gentes fundarunt, fulmine primum audito, tanta religione falsa perculsi, ut vicio affectâ phantasiâ, omnia, quae viderent, audirent, memorarent, Deos sibi videre crediderint: deinde, ea vi phantasiae elanguente, alii sibi videre Deos visi sunt, alii non item. Deos autem adhuc potentid aestimabant: unde in Homero passim Jupiter Deorum Rex habitus, quod omnes viribus praestet, et praecipue in Fabula de Jovis ca-*

Heroum gigantea corpora et vires.

Impossibilibus Deorum religio Homeri auditoribus credibilis.

Dii potentid aestimati.

Cur jus iniquum,
æquum putatum Ho-
meri tempore?

tena: quare facile persuasum Homericæ ætatis vulgo, *Diomedem Minervæ Deæ potentioris ope adjutum, Martem ac Venerem vulnerasse*; quæ in contentione Deorum, ipsa Martem saxo ferit, *Venerem spoliât*; et *Achilles non veretur cum Apolline ipso pugnare*, si æquas cum eo vires haberet. Ex qua religione jus illud Heroicum æquum putatum, quo inter viribus inæquales nullam juris æqui putat communionem Achilles, qui Hectori secum ad pacta venire volenti respondit: *Inter hominem et leonem pacta non iniri; neque lupos et agnos concordem gerere animum*: quæ justî opinio congruebat primis rebuspublicis, quas demonstravimus esse Optimum, in quibus plebei, quia infirmî, et Heroës, quia fortes, nullam juris æqui communionem habebant: quod ad Leg. usque XII Tabb. inter Romanos servatum, ut in fine hujus Operis dictum est.

Unde Heroum
Deorumque apud
Homerum rustici-
tas?

Ad hæc, homines Homeri ætate ex fera exlegum origine multum adduc silvestres ex suo ingenio ingenia Deorum spectabant: quare iis persuasa illa, quibus Dii ultro citroque se incessunt, convicia; ut in contentione, *Mars Minervam muscam caninam vocet*: quid enim dedecere putarent Deos, cum Agamemnon et Achilles, ille Regum, hic Heroum maximus alius alium canem convicietur; quæ dicti inclementia, græcâ humanitate excultâ, villissimos vix servos decebat, ut apud Comicos videre est: et probata quoque illa, in Deorum pugna, quod *Minerva saxo Martem ferit* (quod in Homero telum heroicum est) *pulsat Venerem spoliâtque, et colaphum impingit Dianæ*. Ex qua ipsa adhuc cruda originis feritate admirationi est Homeri auditoribus illa *Heroium ferocia*, quæ in hac mansuetudine silvestrium et barbarorum hominum diceretur; qua Achilles, ut similia præteream, uno verbo, quod Priamo præ nimia Hectoris ab eo caesi charitate excidit imprudenti, tantam commovetur ad iram, ut Regem nuper felicissimum, nunc maxime miserum, solum ad se profectum, una ipsius fide fretum, supplicem, hospitio receptum, senem, intra suum tentorium obtruncare minetur: et vel defunctus regiae puellæ Troadis ad suum sepulchrum jugulatae sanguine suos Manes adhuc ob Chryseidem sibi ereptam iratos placari velit. Atque huic truci mori, qui adhuc Homeri ætate placebat, danda sunt illa ab eo descripta cruenta proelia, internecina certamina, et tot, tantæ ac tam variæ miris miserisque modis sævissimæ descriptæ caedēs; ut hic *truculentus* ipsius stilus sit, in *Iliade* potissimum, *Homeri sublimitas* aestimata: quos feros Græcorum mores Homeri ætate duo illa graviter confirmant; alterum, quod nondum ille *humanior mos gentium* receptus Græcis, *humandi hostes*: quin passim legas, *homericos Heroës* hostibus minitari, se eos victos caesosque aut corvis aut canibus vorandos daturus: unde gravis illa apud Patroclum caesum pugna; tantique fuit Priamo Hectorem occisum ab Achille redimere! alterum, quod *venenandi sagittas* mos inhumanissimus ab iisdem nondum exutus, ut *Ulysses in Ephiram eat, ubi venena inveniat, quibus sagittas inficiat*.

Et stili Homericî
truculentia?

Et stili Homericî
truculentia?

Jus gentium ad-
huc Homeri ætate
inhumanum.

Quid autem, quod cum Heroës, tum Dii quum maxime commoti sunt, alterius levi oratione, unove dicto sedantur; et contrarium induunt animum, nisi sint tanquam pueri, qui infirmas gerunt mentes, et leviori, quam foeminae, dunt sententia? contra autem Achil-

Cur Heroës Ho-
merici, aut levi sen-
tentia?

Quid autem, quod cum Heroës, tum Dii quum maxime commoti sunt, alterius levi oratione, unove dicto sedantur; et contrarium induunt animum, nisi sint tanquam pueri, qui infirmas gerunt mentes, et leviori, quam foeminae, dunt sententia? contra autem Achil-

les nulla ratione diu induci potest, ut iram leniat, et Graecis ad naves de summa rerum periclitantibus fatale ferat auxilium, quae summa difficultas nunc proprie diceretur rusticorum? Ex quo genere et illud est, quod ipsius Heroës dum sedatissimo animo, sive adeo aliis affectibus maxime perturbato, de aliis rebus aut loquuntur, aut agunt, si forte quid triste iis in mentem veniat, statim amarissimos effundunt in luctus: contra summo afflicti dolore ac luctu, ut Ulysses Alcinoos dicit, dum comedunt et bibunt, praeteritas acumnas obliviscuntur: quod utrunque brevissimarum mentium est. Cui vicio dandus ille quoque mos est, quo Homerici Heroës cum suis ipsorum animis, tanquam essent alieni, sermones instituunt; in quo plurimus est Ulysses, dum erro perfert acumnas: de rebus, quas quis solertior paullo necessarias arbitratur, deliberationes habent; quod illorum mentes satis tardas arguit.

Aut summe difficiles?
Infirmi animis.
Et breves mentibus.
Aut tardiores?

Atque ex hac ingeniorum Homeri tempore adhuc insigni ruditate locutiones illae erant: intellexit sacrum robur Antinoi, allocuta est vis sacra Telemachi, tanquam mens aliena res esset, et ipsis incognita: mentes, animi pro mente, animo; quia rudibus hominibus quaelibet cogitatio una uens, quaelibet electio unus animus; atque adeo intellectus, plurium mentium, voluntas, plurium animorum complexio videbatur. Indidem illa, pectora, ora, pro pectore, ore; quia semper aliud, pectus alia sentiens, semper aliud, os alio vultu putabant: et prudentiae, fortitudines, nondum gnari ex pluribus actibus unum virtutis habitum intelligere: memorare lecti, mensae, pugnae, pro cogitare; quod adhuc memoriâ et phantasiâ ferme toti pollebant: et pectore cogitare, corde sapere, quia nihil fere nisi perturbati intelligerent, sentirentve: et comparationes, in quibus praeter cetera est Homerus incomparabilis, a brutis animalibus ferme omnes desumptae; quod Scaliger Poëtae vicio injurius vertit, gentium Graecarum ingenia adhuc rustica satis probant. Haec hominum Homeri aetate satis adhuc rudis natura aniles ineptias, quae nunc videntur, in *Odysee* maxime, facile veras putabat, eâdem illâ Heroïum summa credulitate, qua ignotorum narrationibus admirandis, statim fidem temere adhibebant, ut illis *Ulyssis* erroris quocumque gentium appellentis: et tam rudium hominum aetate *Homerus maximus floruit Poëtarum*; quia pro nostra resecta Poëseos origine, iccirco fuit maximus Poëtarum, quia aetate floruit tam rudium hominum, nempe qua Graeci plurimum sensu, phantasia, memoria, ingenio, parum ratione et judicio praestarent; it aut, nisi ita saepe dormitaret, nunquam bonus fuisset Homerus.

Locutiones hominicae ex mentium brevitate et ruditate.
Aniles ineptiae Homeri, ejus aetati probatae.
Cur Homerus maximus Poëtarum?

De veterum sapientia ex fabulis eruenda.

Non igitur ultra est opus, ut suam Poëtarum principi adstruant dignitatem, *Eruditi* altissimae sapientiae sententias invitas coactasque Homeri ineptiis obrudant. Nam Philosophi, quorum princeps Pythagoras, cum de divinis rebus longe aliter ac caecum gentium vulgus, sentirent; ac proinde grave subirent periculum, ne si sua placita de Divina Philosophia palam fierent, tanquam Athei, ut Socrati accidit, et violatarum religionum rei insimularentur; sedulo suam vulgus celabant sapientiam; et altissima ejus arcana ipsi sibi secreto tradebant; adeoque tantum civilis vitae officia docebant

Cur philosophia vulgo celata?

*Unde disciplinae
acroamaticae et exo-
tericae.*

*Ratio silentii Py-
thagorici.*

*Unde Pythagori-
ca Symbola?*

*Cur Philosophi et
ipsi Poëtae?*

*Cur Anianus ni-
hil supra Platonem
affert?*

foris: unde illa est celebris *disciplinarum Divisio*, qua aliae acroamaticae, sive *acusmaticae*, hoc est, quae auditu discipulis, qui *philosophiae sacris initiati* erant, tradebantur; unde mansit illud *audire philosophos*, pro dare operam philosophiae; aliae *exotericae*, sive *cyclicae*, quae in *vulgus* tanquam *profanum per circulos* emittebantur. Hinc Pythagoras plurimus in exploratione eorum qui cum sectari volebant: quod primum *perpetuo quinquenni* eorum *silentio* faciebat; postea a *suis jam eruditis auditoribus* eos institui ad Philosophiam curabat; tandem qui se ipsum disserentem audirent dignos spectatos ad *suum interius auditorium* admittebat. Cumque Pythagorae aetate vulgaris scriptura nondum etiam reperta esset, ut ex Philone supra demonstravimus, suam Philosophiam aut characteribus heroicis seu *symbolis*, aut *carmine* gryphis, et aenigmatibus referto, quod *aureum* ejus asseclae dixere, continebat: ut Philolaus, qui primus *libros Pythagoricae Philosophiae* evulgavit, quamquam vulgari scriptura, linguae tamen genere vulgo prorsus ignoto id fecit, ut pauca ejus fragmenta obscurissima testatum faciunt. Igitur cum characteres vulgares nondum inventi essent, et ea civilis religionis seu reverentia, seu metus Philosophos attineret; commodum putarunt, arcanae philosophiae placita congruentibus, siquae darentur, fabulis involvere, ut cum occulta sapientiae disse- rerent, vulgaris religionis et lingua et auctoritate vulgo loqui viderentur; idque adeo verum, ut in iis ad quae occultanda commo- dae fabulae non darentur, alias ipsi de integro excogitarint, ut quamplurimas excogitavit Plato, Stoicique; quorum celebres illae sunt de *Phoenice Ave*, sive de Mundi conflagratione, et de *Anu Fatidica*, sive de Fato. Quare tantum abest, primis Philosophis fuisse propositum, e Poëtarum fabulis arcanam Veterum sapientiam eruere, ut ipsi sua sapientum dogmata Poëtarum fabulis obscura- rent. Cujus erroris causa ea fuit, quod *Philologi*, cum veram Poë- seos originem ignorassent; et ex una parte Homerum et sublimitate fabularum, et granditate locutionis *Poëtam omnino incomparabi- lem*, ex parte altera tot tantasque ei excidisse ineptias animad- verterent; cum haec componere non possent, eas *ineptias altissi- mam sapientiam continere* opinati sunt. Quare a Platone ad nostra usque tempora (namque id est unum ex magni Verulamii deside- riis, conatibusque) *Veterum sapientiam ex Poëtarum fabulis eruere flagrantissime, sed irritum omnium voto desideratum*. Unde factum, quod Trismegistus et Berosus, Aniani imposturae, quam creditu faciles principio fuere, tam perpetuo, supra Platonem nihil quic- quam novi comportarint.

CAP. XIII.

Ex relecta Poëseos origine consecretanea.

Juvat ex his, quae hactenus diximus, haec consecretanea conficere.

I. Imprimis in hac Poëseos historia licet, *Divinam Providentiam* suspicere, quae dum homines, solis viribus valerent, vel falsae Religiones ipsis Dei Omnipotentiam insinuarunt, cujus metu sociabiles viverent; ut cum postea ratione perficerentur, eum ab Infinita Sapientia et Justitia colerent. Divinae Providentiae argumentum.

II. Poësis necessitate naturae orta, quam hactenus omnes ex hominum consilio et arte natam putarunt. Poësis necessitate orta;

III. Et sic primam gentium linguam fuisse poëticam heroicis characteribus, qui res naturalibus notis exprimerent, consignatam. Lingua primarum gentium.

IV. Recte igitur Tacitus *Ægyptiorum Hieroglyphica*, patrium, nativum, sermonem appellat. Characteres heroici Ægyptiorum,

V. Ad idem instar, Chaldaeorum magicos characteres, Graecorum *Fabulas*, primum utriusque gentis patrium sermonem dicamus. Chaldaeorum, Graecorum,

VI. Verum igitur narrat Olaus Magnus, quum narrat, Regem Idanthuram Dario bellum minanti pro literis misisse murem, ranam, avem, jaculum aratrumque: eodem omnino genere quo Tarquinius Superbus filio eum per nuncium consultanti, quid Gabiis ageret, respondit, ut apud Livium narrat Romana Historia (a). Scytharum, Romanorum,

VII. Et verum Diodorus Siculus apud Clementem Alexandrinum (1) de Æthiopibus scribit, eos characteribus heroicis primitus usos esse, quos variis animantibus, extremitatibus hominum, sed fabrilibus instrumentis plurima describebant. Æthiopum,

(1) Bibl. Histor. lib. III, cap. 1.

(a)* Atque heic quoque Divina Providentia laudanda: quae hac ratione stupidissimos homines ad meditandum alterum in alterius mentis sensa excitaverit; ut quam primum meditationis genus circa substantiam cogitantem existeret; et Metaphysica, ut est omnium disciplinarum parens, ita omnium prima nasceretur; et characteres philosophiae et philologiae, quae geminae coalescerent, essent quasi matrices. Divinae Providentiae argumentum. Characteres heroici Philosophiae et Philologiae principia.

Sinensium (*).

VIII. Igitur ex vero Sinenses dicunt, antiquissimam cum sua gente ortam linguam, quam similibus characteribus scribunt.

Cur lingua Hebraea
ferme omnis poetica.

IX. Hinc Hebraeae linguae antiquitatem intelligere datur, quae ferme omnis poetica est parabolis ac similitudinibus referta. Quin ipsi Hebraei omne acute dictum alterutro horum troporum cocinnatum ^{כֹּסֶם} _{כֹּסֶם} appellant; quod proprie ad parabolas et similitudines pertinet.

Demonstratio uni-
versalis Diluvii;

X. Haec per universum terrarum Orbem sparsa primarum linguarum inopia *Diluvium* demonstrat fuisse *universale*.

Et Babylonica lin-
guarum confusio.

XI. Et quod Chaldaei, quanquam memoriâ antediluvianae humanitatis per Semitidas conservatâ, artes mature invenerunt; ea res demonstrat *Babylonicam linguarum confusionem*: nam licet res nossent, tamen post confusionem appellare suis quasque vocabulis non potuere: quapropter eâdem necessitate adacti, qua infantes reliqui Orbis homines, per characteres heroicos significabant.

Cur Hebraeis bre-
vissima quoque ver-
ba.

XII. Hanc demonstrationem confirmat, quod Hebraeis nuda nomina, sed verba quamplurima, monosyllaba, ferme omnia dissyllaba sint; cum Latinis verba *sum* omnis substantiae; *sto*, omnis quietis; *fio*, quod ipsum puto a *fit*, primo ortum, omnis motus; *for*, omnis humanitatis; *do*, omnis commercii summa genera, ac proinde prima verba monosyllaba nata sint (a).

Cur Moses primus
quoque poeta.

XIII. Et hinc quoque cur Moses, qui primus *Historicus*, *Philosophus* et *Legislator*, primus quoque *Poëta* fuerit, ut ipsius *Canticum* docet.

Nullae religiones
ex impostura natae.

XIV. Praeterea si Rerumpublicarum primi conditores Poëtae, et Poëtae naturâ tales; nullae Religiones ex impostura primum natae; sed vel ex ignorantia falsae, vel Dei beneficio vera: quod nihil tam sit proprium puerorum, quam vera proloqui: nam mendaciâ ex vi, quae fit vero dicuntur, quam vim facit electio, non natura.

Heroës poëtae hu-
mani generis pueri.

XV. Hinc merito *seculum Poëtarum* diximus *generis humani pueritiam* (1)

(1) Lib. prior. Cap. CCXIX.

Flos unde dictus?
Prius nantes in
terris, deinde in a-
quis.

(a)* Queis adde *Flo*, omnis animae, sive omnis vitae; ex qua origine sorte et *Flatus* et *Flos* provenere: *No*, primi omnium in animantibus motus, nempe eniti manibus pedibusque, ut per terram promoveantur; deinde ad motus animantium in aquis traslatum: quod necesse fuit in illo matrum ferino cultu erga liberos, qui postea Germanis mansit, ut sup. diximus de *Gigantibus*.

(*) Vide Lib. prior. cap. CLXVII et CLXVIII.

XVI. Quare cum heroës Poëtae essent generis humani Theologi Politici. pueri ingeniosi, qui toti sensus et phantasia essent, nihil aut parum mente puriore praestarent, *Theologi fuere politici*. Quid enim naturales essent, qui ex. gr. cum fulminis caussas ignorarent, *Jovem fulgere, Jovem tonare* dixerunt, ad illud ipssimum instar, quo Americani, ubi primum tormentorum bellicorum subitos fulgores, ingentes boatus sensere, et e longinquo miseris edere strages et mirae artis caussas ignorarent, Hispanos credere Deos.

Ut Dii gentium nati.

XVII. Cum igitur Poëtae theologi politici fuissent, *Tempus fabulosum*, non ab *obscur* aliud, sed ipsius *Temporis obscuri* historia est.

Tempus fabulosum et obscurum idem.

XVIII. Quare *Mythologia* necesse est, ut Respublicas temporis obscuri ex fabularum involucris exponat.

Prima Mythologia, civilis.

XIX. Et *lingua poëtica* primis gentibus fuit *lingua religionis et legum*.

Lingua poëtica est religionis et legum.

XX. Quae *lingua Fas gentium* dicta (1), ab eodem verbo *Fas gentium*. *For* (a), quod mansit Poëtarum; et unde *Fas*, inde etiam *Fabula* dicta, ea significatione, qua Itali apposite ad haec, Unde *Fabula* dicta? quae dicimus, vertunt, *Favella*.

XXI. En ratio cur Romanis legum formulae, *carmina* appellata, certis verbis, non metris conclusa; uti *τοποι, can-* Cur leges carmina dictae? *tus* Graecis *leges* vocatae.

XXII. Et *Fasti* dies, quibus *Practor fatur*, hoc est eas Et *Fasti* dies? formulas dictat.

XXIII. Et Romanis ea mansit Religio, formulis ne vir- Formularum Religio? gulâ quidem cadere.

XXIV. En cur prima omnium fuerit *Sapientia Poëtarum*, Prima Sapientia Poëtarum, in fundandis Rebuspublicis posita, ut tradit in *Arte* Horatius;

XXV. *Sapientia* nempe *legum*, quam linguae scientiâ custodiebant. Scientia Legum;

XXVI. Itaque Chaldaei inter Assyrios, Sacerdotes apud Arcana gentibus; Ægyptios, Poëtae Graecis, ut nunc Rex et Primores Sinen- sium, soli legum linguam callebant.

XXVII. Talis *divina lingua* (b) apud Romanos erat, qua Divina lingua Romanorum. per victimarum exta, et fulminum monitus, aviumque volatus Deos *fari* putabant: ejus scientiam *Divinationem* dicere, quam soli Aruspices, Auspices Pontificesque norant. Cur *Divinatio* ar- cana?

(1) Prior. Lib. Cap. CLXIX.

(a)* Quod significat, ut diximus alibi, certum, definitum, immotum loquor.

(b) De qua latius in Notis ad Cap. XXIII et XXX.

Cur Poëtae Sacri? XXVIII. Hinc Poëtae, *Divini*, et *Vates*, et *Sacerdotes*, et *Deorum Interpretes* dicti.

Vulgus profanum. XXIX. Et *plebs* quaeque *vulgus profanum* habita, quod divinam linguam non nosset.

XXX. Hinc *Jurisprudentia*, cujus praecipua pars est *Jus Divinum*, ab U. usque C. diu apud *Collegium Pontificum* stetit.

XXXI. Et *Jurisconsulti* dicti *Oracula civitatis*, et *dare Responsa*.

Jurisconsulti tales, quales primi Poëtae. XXXII. Quia *Jurisconsulti* fuerunt *proprii Vates Romanorum*, qui *Poëtas Heroës* in sua origine antiquissima referebant.

XXXIII. Hinc *Poëtae* antiquas locutiones usurpant, qui olim suâ antiquarum legum linguâ loquebantur.

Cur Jurisconsulti custodes Latinae puritatis? XXXIV. Qui mos mansit *Jurisconsultis*, ut monstrant illa, *familiae eriscundae, communi dividundo, finium regundorum, jure dicundo, inter bonos bene ager, res mancipi*, et alia innumera antiquitatis: unde, consenescente linguâ, *Jurisconsulti* ejus puritatem formularum custodiâ conservarunt, quod Laurentius Valla minus intellexit (a).

C A P. XIV.

De vulgarium linguarum et characterum origine.

Sed cum ducentos post Diluvium annos, ut Chronologi numerant, *Magia* inter Chaldaeos nata sit; ab ipsis falsis Religionibus prima purioris Philosophiae initia restituta, quae tamen, ut nuper demonstravimus (1), verae Semitidarum Religionis sunt accepto referenda, *Geometria* et *Arithmetica*, quibus utrisque *Astronomia* nixa est: quod ipsius Astronomiae vocabulum docet, quae et scientiam de legi-

(1) Hoc Lib. Part. II, Cap. IX, § Sed et hoc.

(a)* Adde haec alia Corollaria:

Primae scientiae Religionis imputandae.

XXXV. Linguam heroicam Fas gentium fuisse: quia per eos characteres gentes, quanquam linguis vulgaribus diversae, in idem conveniebant; uti etiamnum Sineuses diversi linguis, una communi mente *legum characteres* intelligunt.

XXXVI. Primos characteres herôicos non tam ab hominum arbitrio, quam ab rerum Natura factos; ut ex. gr. tres messes, *tres annos* significant.

XXXVII. Atque id ipsum in *Divinae Providentiae* admirationem, quae in illa prima hominum feritate gentes dissociatas eo naturali sermone conciliaret.

bus syderum significat, et has ipsas leges cantu dictatas esse, ut nuper diximus quoque (1), vis ipsa vocis, νόμος, *cantus*, nos admonet. Unde fortasse mansit falsa apud credulum vulgus persuasio, *magicas artes circulis et cantu perfici*; et illud,

Cur in magicis artibus circuli et cantus?

..... cantando rumpitur anguis;

quare Itali *magicas artes* vertunt, *incantesimi* (a).

Deinde *Ægyptii* scientiam magnitudinum terris applicuerunt, unde *Geometria* dicta Graecis, propter Nili inundationes, ut Scientiam de agrorum limitibus, quos inundatio diluisset, callerent: et ita rem progressam esse necesse est, quum Chaldaei *Ægyptiis* priores regnare ocepissent. Inde *Mathesi* in Graeciam aequae ac Italiam trajecta, humanae vocis elementis pro sonorum modo, et pro figura pronuntiandi geometricas formas, vel ipsarum partes formarum indidere; vel unas pluresve rectas lineas, vel inter se divisas, vel in unum acutum, vel unum, duos pluresve angulos rectos conjunctas, vel obliquas, quae aut semicirculos solos; vel figuras ipsas aut unâ lineâ comprehensas, nempe circularem, vel alia diametrali exporrecta divisam, aut summum tribus, triangularem; ita ut, I, sonum omnium exilissimum, unâ lineâ rectâ ad perpendicularum; O, maxime plenum circulari; A, omnium maxime stabilem, et vocalissimum triangulari aequilatera productis ad basim cruribus scriberent, quibus soni ab ore emissionem significarent. Et ita characteres, qui prius heroici significabant res ipsas, et naturales erant, ad sonorum notas designandas translati sunt; unde ex arbitrio scriptura orta.

Ægyptii a caelo ad terras Mathesim revocarunt.

Geometria a terris ad litteraturam transducta.

Rerum characteres, facti sonorum.

Hinc *Geometrica Synthesis* ad litteraturam addiscendam translata est, et ita *litterae, elementa vocum*, ut certae apodixes, Euclidis postea libris compositae, sunt *magnitudinum elementa*; quia quemadmodum ad quodvis verbum *geometricum* componendum, hoc est ad quancumque magnitudinem demonstrandam Geometriae elementa sunt percurrenda; ita ad *componendum quodvis vocale verbum*, percurrere *elementa litteraturae* necesse est ut ex iis vocale verbum componatur, quibus, et quantis oportet, ne quis plures, minores, aut alias literas in eo componendo scribat, aut proloquatur.

Litteratura prima puerorum Geometria.

(1) Cap. super. in Corollariis.

(a) Et Graeci ἐνφάνησις dixerunt, quam *incantationem* Latini ab eadem *cantus* origine.

Et prima Philosophiae institutio.

Inductio syllogismo prior.

Vocabula vulgi communia, heroica, propria.

Unde primum Philosophiae et Philologiae dissidium Graecis?

Quae Romanis conjunctae mansere.

Ea ratione cum pueri diu multumque circa eas tenues et exiles formas versarentur, ut facultatem cito recteque legendi perdiscerent, mentem a sensuum corpulentia primum depurare coeperunt, et ad puras rationes intelligendas solertiores sunt facti; ac primum omnium ope *Inductionis*, quae est *Synthetica* argumentationis figura, ut *Analytica*, *Syllogismus*. Idque firmat Historia, quod prima disserendi ratio inter Philosophos inventa, *Inductio*, qua Socrates, Philosophorum parens, plurimum usus est: et Historiam confirmat *Ratio*; quia homines prius colligunt *species*; deinde a speciebus admonentur agnoscere *genera* (*). Hinc mentes literaturâ solertes factae genera rerum intellexere, et sic communia rerum excogitare vocabula (*a*); quae hoc ipso non sunt propria, quia communia sunt: et ita *linguae populares* invaluere, diversae a *lingua heroica*, quae res apposite ad rerum naturas, et, quantum fieri posset, proprie significabat (1).

Inde *Philosophi* rerum naturam sibi vestigandam sumpsere, *Philologi* verborum origines enarrandas: quorum, cum quamplurima sint peregrina, ferme omnia temere facta; hinc datur conicere, quam *Etymologia* sit vera expositio verborum.

At Romanis, inter quos *Patricii* legum linguam acriter custodiere, alia lingua fuit Jurisconsultorum, ac vulgi: quod Ciceronis *Topica* satis ostendit, quam, quia praeceptis exempla ex legibus apponit, viri latinae linguae alioqui doctissimi, qui prisci Romani Juris eruditi quoque non sunt, vix intelligunt.

Ex ea linguae heroicae custodia Jurisprudentiam inter Romanos in terris diximus ortam (2); et *Jurisconsulti*, qui fuerunt *Romanorum Sapientes*, iidem fuerunt *Grammatici* (3) quae est ratio cur Romani sanctius linguae origines custodiere, quam Graeci.

(1) Hoc Lib. Par. II, Cap. I, § Hinc illa absurda. (2) Lib. prior. Cap. CLXXXIV. (3) Ibid. Cap. CLXX, § ult.

(a) Heic observes haec duo: I. Quod scriptura vulgaris a mathesi occoepta in Philosophorum Metaphysicam homines perduxit. II. Quod uti Lingua heroica prius Heroës ab hominibus diviserat; ita postea lingua vulgaris divisit Philologos a Philosophis. Cujus secundae Observationis ea ratio est, quod cum lingua vulgi, quia communis, rerum naturas et proprietates non significabat, *Philosophi in naturis rerum, Philologi in originibus verborum investigandis* divisi sunt: et ita Philosophia, ac Philologia, quae ab heroica lingua geminae ortae erant, lingua vulgari distractae.

(*) Vid. lib. *De Antiq. Ital. Sapientia*, etc., pag. 85.

Philosophiae et Philologiae dissidium unde ortum?

C A P. X V.

*Ex vulgarium linguarum et characterum origine
consectanea.*

I. Si igitur mathesis scripturâ prior, diu priores *legibus* fuisse *mores*. Naturâ Jus principio fuit arcanum.

II. Et *mores* fuisse *exempla*.

III. Et *exempla* primas *leges* fuisse.

IV. Et quidem fuisse *leges* in singulos verbo dictatas; ut a *Duumviris* apud Livium lex in *Horatium perduellionis*.

V. Et *carmina* fuisse *leges*, quae, scripturâ nondum inventâ, nullo consilio, sed naturâ ipsâ cantu dictatae facilius memoriae mandabantur.

VI. Unde idem verbum νόμος et *legem* et *cantum* significat.

VII. Et sic *Poëtas* fuisse primos *legislatores*.

VIII. Sic verum, quod *leges* a *moribus* scriptura distinguat.

IX. Et illud quoque verum, posteriores *leges* a *legendo* appellari.

X. Et primas *leges* *Plebiscita* fuisse; quia, cum scripto proponi non possent, necessario plebs erat convocanda, ut ore edita ab Ordine sciret *exempla*.

XI. Et ita *leges* ex sui natura fuisse *arcanas*, quia solus Ordo eas traditione custodiebat.

XII. Et linguam legum solis ex Ordine, seu Patribus gnaram; quia plebes externâ et incertâ linguâ loquebantur.

XIII. Cumque *leges* de Jure Divino maxima ex parte conceptae essent, ex ipso arcano legum *arcanas* fuisse *religiones*; et ipsas *leges* magnam religionis partem fuisse.

XIV. Hinc soli *Poëtae sacri*, *vulgus profanum* erat.

XV. Et sic natura factum, ut una res principio fuerit *Sapientia*, *Sacerdotium* et *Regnum* (a).

(a)* *Una res principio Sapientia, Sacerdotium et Regnum.*

Atque haec tria erant apud primos Heroës: nam *prima Gentium Sapientia* habita est *Scientia Divinationis*, ex qua cuncta gerebant Humana: et qui Deorum mentem callerent, eos quoque par erat Diis sacra facere: et qui Deorum Interpretes et Ministri erant, eos Regnum in homines habere decebat. Quae tria sub unius appellationis complexu, qua *Vates*, seu *Poëtae* appellabantur, omnia veniebant, ut *Tiresias Thebanus*, *vates et dux populorum* dictus

Primorum Poëtarum dignitas.

XVI. Et naturam ipsam tulisse, ut qui ex Ordine essent, apud quos Regna Heroica primitus fuere, plebem docerent jura.

XVII. Et sic naturam rerum ipsam, nullum consilium Primoribus hoc Clientelarum munus dictasse, quod apud Romanos mansit, ut Patricii clientibus promerent jura; et soli Patricii essent Jurisconsulti, et ex Patriciis diu Pontifices et Augures crearentur; et Collegium Pontificum prius custodirent leges arcanas: deinde, latâ Lege XII Tabb., haberent arcanas legis actiones.

XVIII. Sed illa notatu gravissima: si scriptura vulgaris sero nata, necessitas fuit ut Historiae apud Sacerdotes traditionibus servarentur: quod de Ægyptiis, Chaldaeis, Persis inter Eruditos constat. Quare ut Annales postea a

Cur Historia Heroica gentibus arcana?

Homero (*Odys. X*) in *Inferis venit ad Ulyssem cum sceptro*; et Ulysses eum ipsum *Regem* appellat: qua proprietate et significatione nativa dicendum est, ab Homero Reges perpetuo adjuncto appellari *divinos*. Atque haec sit *scientia boni et mali*, quam Homerus narrat, a *Musa datam Demodoco, Alcinoi Poëtae*, nempe scientiam divinationis. Hinc Chryses sacerdos Apollinis Chryseidem filiam redempturus in Graecorum castra venit cum *corona et sceptro*, quae Homerus esse narrat Apollinis. At sive *virga*, sive *hasta ὄψιντρον*

Romani Quirites, Graecis, uti *Quiris* priscis Latinis dicta: unde *Quirites hastati, sceptrigeri*, Romani Reges erant. *Litui* autem *Augurum virgae* erant: unde in *sceptris praefixae aquilae*, avis in Divinatione summe observata: quia principio qui *Augures*, iidem *Reges* erant, vestigium, primum hominum regimen fuisse divinum, sub quo quae homines imperabant, Dii imperare videbantur. Eadem ratione *aquilae hastis praefixae*, quae habebantur *Numina legionum*; qua religione milites, dum sequebantur signa militaria, sequi Numina, sequi Auspicia credebant: qui uterque mos heroicus custoditus Romanis, Sacerdotes autem ubique gentium aut *mitris*, aut *tiaris*, aut *vittis*

Cur hastis praefixae?

Cur Sacerdotes ubique gentium coronati?

Grammaticorum error de vocis Flaminum origine.

coronati, testes sunt, *primos Sacerdotes fuisse Reges*, et *prima Regna divina*; quem morem gentium et recepere Romani, quorum *Flamines vitta lanea* caput revinciebant: postea, quia Regum odio quodvis insigne regum abhorruere, ut cum M. Antonius id pro rostris Caesari offerret, universa concio confremuerit; hinc *Flaminum vittas in fila lanea* attenuata: unde videtur ex verarum ignoratione originum, quam perperam Grammatici ab eo *filo Flamines* quasi *Flamines* dictos putant; qui, antequam vittas in fila deducerent, *Flamines* vocabantur. Atque adeo id est, quod Aristot. III. *Politic.* Cap. XIV tradit, *Reges Heroicos fuisse bellorum Duces, Judices controversiarum, et divinarum caerimoniarum Praefecti*, nempe eosdem fuisse *Reges, Sapientes, et Sacerdotes*: qualem numero describit Thescum Athenarum Regem Plutarchus. Atque id est, quod *Reges* inter *Ægyptios ex Sacerdotibus*, ex Chaldaeis, seu Divinis, seu Sapientibus inter Assyrios crearentur, nempe ex Heroicum, ex Regum ordine.

Romanis Pontificibus, ita antea rerumpublicarum monumenta *Poëtarum fabulis* asservabantur arcana; quae est necessària ratio ut *fabulae* vulgo essent ignotae; et omnis *Historia Profana* ante vulgarem scripturam inventam *incertissima* esset. Atque ob id ipsum *Historia Sacra vera*, quia Hebraeis prima lex scripto data; ut *Sacrae Historiae codices* vulgo prostarent: *autographum* autem a *Sacerdotibus* asservabatur, qui scientiam vocalium literarum, quarum nullas ea lingua formas habet, traditione custodiebant.

Veritatis Historiæ
Sacrae argumentum.

XIX. Si primi characteres vulgares ex formis geometricis nati, *primae literae* ortae Graecis Latinisque *unciales*, ut Lapidaria, Numariaque testantur.

Primae literae un-
ciales.

XX. Si primi characteres unciales, minores serius nati sunt; et quidem ex nova gentium barbarie, ut in *codicibus*, *lapidibus*, *numis* infimae graecitatis latinisque, et illiteratis, etiamnum dum scribunt, experiri est, quo pacto ex elegantissimis literis inconditae oriri potuerunt. Igitur omnes inconditae *litteraturae* aut non ex geometricis formis ortae, aut barbarie corruptae sunt.

Uncialibus mino-
res sero ortae.

XXI. Si Geometria prior scripturâ orta est; cum Geometria ab Ægyptiis in Graeciam importata sit, et ante Psammeticum Ægyptus externis clausa, et Homerus diu ante Psammeticum floruisset; necesse est, ejus Rhapsodias diu traditione esse servatas: quare factum, ut fabulis versibusque quamplurimis Homero indignis commixtas Aristarchus Critica Arte expurgarit: et multo magis necesse est, Orphica et Lini carmina, fuisse traditiones *Poëtarum Heroïum*, easque Hesiodum, qui ante Homerum vixit, composuisse. Atque has *traditiones* ipsas fuisse *mores* versibus consignatos, quibus *maiores gentes* fundatae sunt, et leges ex vero illas, quas Latini ante Romanos *carmina*, antiquissimi Graecorum *ῥήμους* dixere.

Rhapsodiæ Home-
ricae cur ad Aristar-
chum usque corruptae?

Morum majorum
gentium Hesiodus
collector.

C A P. XVI.

Ex Sacris Bibliis demonstrantur Tanais et Sesostriis, quibus Sacra Historia Historiam Profanam Temporis Obscuri pertingit.

Ut autem *Sacrorum Bibliorum Gigantes* nobis superius fuere traduces, quibus *Antidiluviana* Historia in *Postdiluvianam* transiret; ita ex ipsis *Divinis libris* demonstrantur hoc loci Tanais et Sesostriis qui fuerint, quibus Historia *Sacra Historiam Temporis Obscuri*, qualem nos paullo infra describemus, pertingit.

Observanda duo.

Sed antequam id aggrediamur, duo heic serio sunt observanda. Unum quod antequam *vulgares linguae* invalescerent, quum res *characteribus heroicis* notabantur, necesse est majores gentes notis insignioribus, quales cuique pro cuiusque gentis ingenio viderentur, nedum res, sed vel ipsos homines appellasse; et ita eidem homini alia nomina alias indidisse: quae est ratio quam Philologi fatentur adhuc ignorari; cur eidem urbi, eidem Regi diversae gentes diversa nomina indiderint, quae nihil prorsus commune habent? Alterum in illa verborum egestate, idem quod quaeque indiderat, pluribus ex eodem genere hominibus commodasse, ex illo fonte, ex quo ortas *Antonomasias* supra diximus (1): quae duo non animadversa ingentem peperere Rei Historicae et Geographicae obscuritatem.

Captivitas secunda
Hebraeorum.

Locus is est, qui Assyriorum Monarchiam a Sardanapalo ad Medos non protinus totam abiisse, sed in secundum Assyriacum et alterum Aegyptiorum etiam opulentissima regna divisum mansisse, secundâ Hebraeorum in Aegypto captivitate testatur: cum quo loco adamussim congruit Xenopho (2), quia praeter ceteros graecos duces penitissimam in Persiam intulit arma, ac res Persarum gravissimus philosophus Justino, sive adeo Trogo Pompejo multo rectius novit.

Huic Sacrae Historiae loco graviter adstipulatur Cornelius Tacitus (3), ubi de Germanico haec narrat. *Mox visit veterum Thebarum magna vestigia: et manebant structis molibus LITERÆ AEGYPTIÆ, priorem opulentiam complexae: jussusque e senioribus Sacerdotum PATRIUM SERMONEM interpretari, referebat, habitasse quondam septingenta millia aetate militari, eoque cum exercitu regem Rhamsen* (Hic Rhamses Aegyptius demonstrabitur esse Sesostris, quem tradit Herodotus, et ante Ninum, seu Universi Temporis Profani Historiam, Trogus Pompejus, ejusque Epitomator Justinus (4) memorat) *Lybiâ, Æthiopiâ, Medis et Persis, et Bactriano ac Scythâ potitum: quasque terras Surii Armenique et vicini Cappadoces colunt; inde Bithynum, hinc Lycium ad mare imperio tenuisse. Legebantur et indicta gentibus tributa, pondus argenti et auri, numerus armorum equorumque, et dona templis ebur atque odores, haut minus magnifica, quam nunc vi Parthorum aut potentiâ Ro-*

(1) Hoc Lib. Par. II, Cap. XII, num. IV, § Ex quo fonte.
(2) Cyropaed. v. 6. (3) Annal. II, cap. 60. (4) Histor. princip.

mandā jubentur. Igitur Sesoster ille Herodoti ex gentibus victis non solam victoriae adorem domum reportabat (1).

In tanta Imperii potentia necessarium omnino est, ut Ægyptii universi interni maris potentes essent, et, quia potentes, per varias ejus oras misisse colonias (a), et potissimum in oras Inferi maris: quod post Trojanum bellum hic Orbis tractus a Siculo freto Circaejos usque fuerit quasi perpetua materia graecae Poëseos, ut *errores Ulyssis* docent, *Scylla, Charybdis, Cyclopes, Syrenes, Circe, Avernus*, Inferorum limen (b), et in Supero mari *Diomedis socii* in aves conversi. Tam longe Homeri temporibus trans mare erat harum urbium, horumque locorum celebritas pervagata! Tanta erant Italarum gentium deliciae, quae sunt ultimae humanitatis argumentum, ut Syrenes cantu praeternavigantes ad exitium allicerent, Circes fortes viros in sues verteret! Atque has gentes, has urbes principio Graecas non fuisse, nisi ineptus sit, ipse Homerus testatur, cui Ulysses canendus proponitur,

Antiquitas Italiae major illa Graeciae.

Italia Graecis ingens fabularum materia.

Italia Homeri tempore Graeca non fuisse probatur.

. . . . captae post tempora Trojae,

Qui mores hominum multorum vidit et urbes:

nam sane quae Herois laus fuisset, quod virtutem, quod prudentiam erroribus confirmasset, si suorum mores et urbes nosset? et si suos noscere vellet, is non sane ignarus hominum locorumque erraret, sed prudens certum iter fecisset.

Hic Virgilius, diligentissimus Antiquitatis, Cumas jam Æneae tempore magnificentissimo Apollinis templo celebres memorat, et prope Cumas Sibyllam statuit; quod foeminarum fatidicarum genus antiquissimum, non inter Graecos, sed in Oriente ortum argumento est, quod Persidem, quam primam Sibyllarum numerant, Berosi Chaldaei filiam putant. Quare qui hujus vocis Sibyllae originem a Graecis repetunt, doctioribus Grammaticis nugari plane videntur, qui ab Hebraeo natam agnoscunt. Virgilius ab hac heroicae virtutis foemina *Euboicas Cumas* appellat, uti a foemina ejusdem virtutis *Chalcidem* dictam *Euboeam* memorat Plinius: quod si *Chalcidenses* intelligeret, eos *Abantes*, ut Homerus semper, non *Euboeos*, ut Homerus nunquam, dixisset. Hanc primam urbem Historia profana memorat

Cumarum ante omnes Graecas urbes celebritas.

(1) Hoc Lib. Part. II, Cap. I, § Principia.

(a) Vide Not. infra de *primis* Colonis.

(b) Vide Not. sup. de *primarum vocum alienatione*.

Grave argumen-
tum, Italiam princi-
pio ab Ægyptiis ex-
cultam.

Ethruscorum cul-
tus omni Graecorum
antiquior probatur.

Divinatione,

ducentis et multo plus eo annis ante primam Olympiadem, unde incipit Tempus historicum nostro Varro: et qui Virgilium ab Chalcidensibus conditam narrare putant, id unum eorum est, quare Ægyptii Graecos semper pueros dicebant. Nam si rem hanc antiquissimam non memoriâ, sed ratione putemus, nos sane interroganti, quam ratione Graeci, quo tempore Ægyptiis omne internum mare parebat (a), amoenissimam et feracissimam Italiae oram, ex qua Capua tenuit postea imperium, ipsis Romanis formidandum, occuparint? responsione certe defungimur (b).

At Italia Graecis urbibus per utriusque maris oras maxime celebrata. At enim quid, si in Italia imperium multo potentius, quam Graeca omnia, quum gens Graeca adhuc obscura erat? Dum enim Sparta et Athenae adhuc exiguae urbes erant, finibus contentae brevissimis, in Italia *Ethruscorum Regnum* florebat, quod universo mari Infero ab Ethrusiae ora ad fretum usque Siculum nomen dabat (quod sane non inditum, postquam Romana potentia insurrexit), et religione, architecturâ, arte militari et splendore imperii longe maiorem omni Graecâ testatur antiquitatem.

Nam Haruspicia, postea a Romanis recepta, quae agnorum et vitulorum exta spirantia fumantiaeque rimari sustinebat, jamdiu exutam primam hominum ab innocuis animantibus innocentiam testabatur: unde Polybius Romanorum *caerimonia stragicas* dixit. Cumque *Scientiae Auguralis* primus *Auctor incertus* sit; et ad Graecos foris impor-

(a)* Ut Cecropes Ægyptii in Atticam Colonias deducerent, et Danaï item Ægyptii ipsos Graecos Regnis expellerent. Sed consule Notae infra de primis Coloniais.

Cumae in omni
profana historia
urbs certe prima.

(b) Per quae omnia, quis tandem mirari desinat, quod in *Synopsi Italica* diximus, primam omnium urbem, quam Profana tradit Historia, Cumas Italicas esse: nam si Graeca omnia, saltem quae ante Homerum, uti hactenus nobis a Philologis enarrata sunt, pro fabulosis habenda, et Homerus certe profanorum Scriptorum primus, circa Numae tempora vixit, et Cuma Româ longe antiquiores ab Romanis scriptoribus memoratur; et nulla profanarum Historiâ Romanâ certior, ut supra demonstratum in Notis ubi de *Homeri aetate*; et Cuma ab Chronologis longe ante Homerum fundata statuitur: Urbs ex certo prima in profana Historia universa Cumae erunt: nam quae de Assyriis aut Ægyptiis certe multo, quam Cumae, prioribus urbibus narrantur, Graecis circa ea tempora omni abrogatâ fide, ea unice ab Sacra Historia nobis certa traduntur.

tatam ex Thelegone testetur Suidas (a); Hetruscos certe se ejus prædicasse Auctores Cicero (1) memorat (b).

Architectura Etrusca omnibus Graecis et stabilior, et rudior, et simplicior, qualis sane erat Ægyptiorum, sive adeo qualem naturâ esse primam oportuit; nam opera tempore tenuantur, expoliuntur et exornantur.

Ars vero disponendi acies Romana nedum Livii, sed ipsius Polybii judicio *Phalangi Macedonicae* longe præstat: quae tamen geometriae et arithmeticae praxis est in bellicos usus: et quando Romani eâ potissimum sapientiâ excelluere, aliarum cultarum gentium inventis uti, et barbariari servare domi, qua ferociam custodirent, certe ab vicinis Etruscis, quacum prima externarum gentium pugnauerant gente, didicere.

Postremo fasces, trabeas, curules, annulos, paludamenta, et aureo curru quatuor equis triumphandi morem, togas pictas, tunicasque palmatas, et omnia decora, quibus, ut ex Floro vidimus, vel in summa sua potentia populi Romani majestas eminuit, Tarquinius Priscus ex spoliis Etruscorum suspensis didicerat.

His omnibus et illud addas, quod duobus ferme seculis ante, quam Plato in Ægyptum, Pythagoras in Italiam (c) philosophiae addiscendae studio delatus est (2). Neque enim

Splendidissimis Imperii ornamentis.

Pythagoras scholam Italicam excoluisse, non fundasse probatur.

(1) De Divinat. II. (2) Hoc Lib. Par. II, Cap. I in Program. Histor.

(a) Nam *extispicii*, sive divinationis ex victimarum inspectione, nullum apud Homerum extat vestigium: quod et Feithius in *Antiquit. Homeric.* ante nos observat.

(b) Ne tamen erres, heic loquimur de Scientia Augurali, sive de Auspiciorum observationibus in artem reductis: nam ipsius Divinationis Auctores iidem qui Auctores gentium fuere; cum gentes omnes, praeter unam Hebraeam, Divinatione fundatas in his Libris sit demonstratum.

(c) Nam ista Pythagorae in Thraciam, Scythas, Phoenices, Ægyptios, Chaldaeos, Indos, Æthiops, Druidas quae narrantur itinera, ob unum aliquod simile inter eas gentes philosophiae placitum, quod Pythagoras quoque docuit, postea repertum, sunt mera commenta Eruditorum: quae nedum illa primarum gentium inhospitalitate, quam in his Libris disseruimus, et Notis infra gravius disseremus, sed in hac usqueaque pervii terrarum Orbis humanitate, qui cum itineribus lustrant, vix maxima vitae parte peragerent. Sed pro nostris principiis illud verisimilius, quod cum Samum Polycrates tyrannus oppressisset, idque Pythagoras vix pateretur, in vicinam Italiam commigravit; unde facile fama de Italicæ Scholæ doctrina ad Samios per Phoenices mercatores manare potuit.

huc venerat, ut suam peregre venditaret, quales Sophistae solebant, inanem sapientiam: unde Plato saepe quaerendi sermonis decorum Dialogis, quibus Sophistas irridet, conciliat Socrati. Cumque Pythagoras Italiam doctissimam invenisset, heic permanere maluit. Quare non sectam is Italicam fundasse (a), sed fundatam excoluisse dicendum est: quod ipsa rerum natura id flagitat. Non enim Pythagoras Mundum ex *aqua*, ut primo Graeciae sapienti Thaleti, qui centum ferme non ultra annis ante Pythagoram floruit (1); neque *ὑπομερίδα*, ut Anaxagorae, Socratis praeceptorum; neque *atomis*, ut Democrito, Platonis *συγχερνω*, omnibus corpulentis Philosophis; sed *numeris*, qui quodammodo sunt *lineis* abstractiones, constare docuit: quod monet ingenia Italica multo Graecis subactiora, et sensibus depuratiores fuisse: unde Plato fortasse rerum *principia ideas ipsarum aeternas* statuit; et ab hac Italicae doctrinae praesstantia idem Plato in *Timaeo* suos Graecos antiquitatis ignaros notat (*).

Justinus *Tanaia* Sacrae Historiae adversus.

Cum his invictis, ni fallor, argumentis ex ipsa rerum natura pensatis, cum quibus *Sacrae Historiae* veritas constat, habemus unum *Profanae Historiae Universae initium* demonstratum, *Sesostri*; quo nomine *Aegyptios Reges*, ex his quae hactenus diximus, et *observatione* hujus Cap. principio appellatos esse necesse est; alterum nempe *Tanaum*, quem Justinus facit *Sesostri* antiquiorem, non habemus. Immo si terrarum Orbis inter Noachi filios anno

(1) Hoc Lib. Part. II, Cap. I in Program. Histor.

(a) Quod firmat Plutarchus et Diogenes Laërtius apud Schefferrum *de Italica Philosophia*, qui hanc *Sectam*, non *Pythagoricam*, sed *Italicam* appellant: et multo gravius Cicero in *Catone* his verbis: *Pythagoraei, Italici Philosophi quondam nominati*.

(*) Civilitas qua Itali Graecos praecesserint, atque ejusdem ex Aegypto origo apud nos, duo sunt quibus Vicus in Libro de Ant. Ital. Sap. Philosophiam Italicam eruebat; quam Pythagoram non fundasse sed excoluisse asserit. Vetustas Italiae Civilitatis; ejusdem ab Aegypto origo; doctrina quae vulgo Pythagorica nuncupatur jam ante hunc philosophum Italorum propria; methodus qua tradebatur fusius in hoc opere explicantur. At quum varia Pythagorae itinera rejiciat (pag. 249); primarum gentium inhospitalitatem statuatur (pag. seq.); religionibus et linguis, latinae speciatim rudes origines tribuat; ex his omnibus facile conjici possunt doctrinae philologicae mutatio quae inter primam Scientiae Novae Editionem et Librum de Ant. Ital. Sapient. intercedit, atque ea quae de rebus Optimatum publicis heroicis Italiae temporibus ex Pythagoreorum traditionibus posterius interpretatus est.

CIΩICΩVI divisus est, et duūm millium annorum spacium fere opus fuit, ut Ægyptii ingenio præstantes, a Chaldaeis civiles artes brevi eruditi, in tantum Imperii splendorem excrescerent; spacium multo majus rudibus Scythis opus fuisset, qui in eam potentiam assurgerent, ut ii priores Orientem, Ægyptum quoque debellarent: quare *Diluvii epocha* graviter mendacii argueretur. Itaque dicendum est, *Tanaim characterem fuisse heroicum* primarum rerumpublicarum, quae forma Reipublicae, in toto Oriente et in Ægypto ipsa late sparsa regnavit (a).

At noster eidem commodus.

(a)* *De primarum gentium inhospitalitate.*

Atque ex hoc *Tanai* habes communem primarum gentium fuisse morem, suis quemque finibus contineri: quod Sallustius de hac aetate verba faciens, tradit, *sua cuique satis placere*: quod de Scythis certo tradunt Auctores, a quibus *Orientem* versus per Seres ad Sinenses; versus *Occidentem* vero plagam olim ad Svevos, gentem inter Germanos virtute praeclaram pervenit, et etiamnum inter Moschos perdurat, ut intra suos fines contineantur, et inde externos arceant. Propter hunc inhospitalem morem, totam *oram maritimam Æthiopiae*, quam Cl. Vir D. Blasius Caryophilus Eruditorum nostrae aetatis facile princeps in Dissertatione de *Mercaturis Antiquorum*, ab Ægypti finibus ad Raptam usque promontorium, ubi Regio Trogloditica summe inhospitalis sita est, porrectam, βαρβαρίαν dictam observat; quam ita dictam opinor a Graecis post jam conciliatam inter ipsos suae linguae communione humanitatem: quod illa *gentium summa divisio* Graecanica, *Graecus*, an *barbarus* inter Graecos ab hoc cultioris humanitatis more mature cultos homines nata sit; quod homines omnes ad haec summa genera revocarent duo: *Barbarum*, sub quo ipsos etiam Ægyptios complectebantur; nam Psammeticus sero ipsis, neque tamen omnibus, sed Caribus tantum et Jonibus claustra Ægypti reclusit; et *Graecum*, quod Graeci ex gentibus omnibus uni exteris non inviderent hospitia. Cui Graecae gentium divisioni respondet Latinorum, illa, *civis*, an *hostis*, appellatione, qua *hostis* externum, *peregrinum* significat: unde inter peregrinos hostilitas aeterna erat, et de exteris licebat perpetuo rapere; quare ex leg. XII Tabb. *Adversus hostem aeterna auctoritas* erat: ita ut quam humanitatem Latinis angustius civitas, Graecis latius lingua conciliaret: ex quo inhospitali more Romani haut veriti ipsi se *barbaros* appellare, ut Plautus Comoedias Graecas in Prologis se *barbare* vertisse profitetur. Ex qua ultima antiquitate ab Italis *caupona* vocatur *Oste*; simili omnino ratione qua ex primarum alienatione vocum Graecis *Paris* ex *hoste* factus est *hospes*: quod conferas velim ad veram Trojani belli Historiam explicandam, de qua supra in his Notis. Eadem numero de causa hodie *mediterranea Africae ora*, quae de Christianis perpetuo rapit Europaeis, ut hoc Libro latius dictum est, *Barbaria* quoque vocatur. Atque de hoc antiquissimo tempore accipiendum, quod Thucydides Histor. initio tradit, *bovum abactiones*

Unde Barbaria antiqua dicta?

Cur genus humanum in Graecum et Barbarum Graecis;

Et civem, vel hostem Latinis?

Prisci Latini barbari.

Unde italicum Oste?

Praesens Barbaria cur sic dicta?

et hominum *plagia* non probro, sed laudi Heroibus data: quam ad rem bellissime facit, quod apud *vetustissimos Poëtas* indigenae *citra convicium* peregre appellentes, interrogant, *an sint latrones*, nempe an sint ipsissimi *primi hostes Latinorum*, ut in Orphicis Jason Regi *Ætææ* perconctanti, quinam essent, respondet, *Οὐτέ νυ ληϊστὰς ἱκέτομεν*; quod universim testatur Philostratus lib. II. *de Vit. Apollon.*, ex quibus antiquissimis latrocinii Heroüm mansit ad Plautum usque Romanis, ut *latrones* pro *militibus* acciperentur. Quare concludendum ante Trojanum, *bella omnia* propter *bovum abactiones*, ut Clypeus Achillis apud ipsum Homerum, et propter *foeminarum raptus*, ut testatur Horatius Satyr. III, lib. I, gesta esse, nempe inter primas gentes perpetua latrocinia fuisse. Qui mos inhospitalis et barbarus primarum gentium ex ipsa primarum rerum publicarum natura profluxit: quæ, quanquam *hospitiis* sive *asylis*, ut in his Libris abunde dictum, per *Clientelas* inchoatæ; tamen ipsa *asyla ararum custodia* sunt constituta. Et sane primi gentium *se abscondendo in lucis*, et *condendo majorum cadavera*, familias gentesque fundarunt; *abscondendo leges*, sive scientiam auspiorum, clientelas constituerunt; et turbis agrariis edocti, *abscondendo ordinem in poëticis turribus* Regna heroica ordinarunt. Quod ipsæ locutiones *condere gentes*, *condere leges*, *condere regna* satis aperte confirmant: unde quasi ex hac scientia originum Hermogenianus in sua juris gentium Historia *regna condita* momentose narravit. Itaque hæc ipsa gentium prima inhospitalitas docet, *Regna heroica* fuisse *Optimatum*, quæ tota *stant legum, ordinis, finiumque custodia* ut in his Libris Notisque satis ampliter probatum est.

C A P. XVII.

Ex Tanai et Sesostride, quale explicavimus, consecantæ.

Hinc illa aperiuntur:

I. Scythes gentis fundator *Herculis filius*: quia, ut Libro super. diximus (1), et hoc gravius firmabimus, *Herculis filii*, nempe exleges optimi, fortissimi primas respublicas *Optimatum* fundarunt.

II. Scythica lingua matrix Germanicæ, Parthicæ Persicæque: et innumera Persicæ linguae cum Germanis communia nomina utriusque linguae guari observarunt, in quibus est Hugo Grotius (2).

III. Hinc mausere diu eorum laudes a morum rectitudine, pudicitia, simplicitate, justitia, ut eos Horatius (3) Romanis praeferat, et a sapientia eos Curtius commendat (4).

(1) Cap. CIV. (2) Hist. Gothor. (3) Lib. III, Od. 24.
(4) Lib. VIII, Cap. 8.

IV. Et quod diu de generis antiquitate cum Ægyptiis Scythae Ægyptiis antiquiores. contenderunt, a quo certamine Scythae superiores abiire: quod Scythae ex nostris principiis gentes majores essent, Ægyptii, minores, cum id imperium tam longe lateque protulerint, quod nonnisi faciunt gentes minores, hoc est, quae aut sub regnis meris redactae, aut in libertatem sunt resolutae (1).

V. Et ubique locorum et omni tempore *jus gentium* constat, *bello victis* imponere sive *servitutis*, sive *tributi* legem, sive adeo adimere arma, et sic *injuriae licentiam*: eaque ratione sic Tanais nunquam ob solam gloriam tantam Orbis partem debellavit, ut certo Sesostri subegit, imposuitque tributa. Perpetuae bellorum poenae servitus et tributa.

VI. Verum igitur illud quod apud Tacitum (2) Ægyptii *Herculem apud se natum et antiquissimum perhibent*: ut falsum illud, *eos, qui pari virtute fuissent, in cognomentum ejus adscitos*. Omnes enim gentes quae religione et virtute fundatae sunt (nam sine religione nulla usquam gentium fundata est) Herculem aliquem habuerunt Auctorem, aut aliam sane in alio terrarum Orbe alio nomine indigitatam personam heroicam, sive heroicum characterem, qualem Indi fecere Bacchum, quem iisdem ferme proprietatibus finxere, quibus Ægyptii, Scythae, Graeci, aliaeque gentes finxere Herculem latius infra ostendemus. Gentium Fundatores, Hercules, Bacchus.

VII. Et hinc caussae laudatorum apud Scythas morum exponuntur; quibus religio modestiam, innocentiamque fecit, quas virtutes ipsis immensa feracissimorum camporum aequora conservarunt: unde gentis aequalitas hinc inter ipsas propagata; cum in tanta camporum abundantia opus lege Agraria nullum fuit: unde Clientelae apud Occidentales ortae sunt, ut gravius infra explicabimus; et ex ipsa gentis aequalitate nata inter ipsos industria et aequalitas, ut alternis annis alii terras colerent, alii quiescerent. Cur Scythae naturā modesti? Cur nulla lege Agraria fundati?

VIII. Sed ex illa Scytharum in colendis agris inter ipsos laboris et ocii per alternas annorum vices aequalitate, conficitur, Respublicas inter ipsos sola patria potestate, nullis praeterea Clientelis fundatas esse; unde nullum ipsis discrimen nobilitatis et plebis: quia prae camporum abundantia, nullae occasiones natae, ut violenti homines in infirmos grassarentur, qui ab illorum injuriis ad fortium *Aras* confugerent, et recepti ordinem postea plebis componerent, ut Libro prior. diximus (3) et latius inferius dicemus: quare Cur inter Scythas nullum fuit naturale discrimen?

(1) Lib. prior. Cap. CXLVI. (2) II Annal. cap. LX. (3) Cap. CIV.

Ciculi pars populi Transilvani, gens bello fortissima, quae ab antiquissimis se ortos Hunnis jactant, omnes *rusticam* et *pecuariam* exercent, et nobiles habentur ex aequo tamen (a).

Scythia fortissimarum gentium mater in Occidentem.

Mitissimarum et aequissimarum in Orientem.

Sinenses antiqua Scytharum servant vestigia.

In Heroica literatura maxime.

E Scythia Japonenses.

Japonensis lingua Latinae similis.

Et Americani.

Uti Æthiopes ab Chaldaeis proveniunt?

IX. Quapropter e Scythia *gentes fortissimae* prodire primum Thraces, Germani, Parthi, deinde in asperam Europam Vandali, Hunni, Gotthi, Heruli, Langobardi, Turcae, aliaeque barbarae nationes; in mollem Asiam provenire Seres, mitissimi et aequi amantissimi homines: et uti nuper impenetrabilem Sinensium murum Tartari per-rupere, et id maximum Imperium occuparunt; ita necessarium, nedum credibile est, ab iisdem Sinensium humanissimam et aequi cultricem gentem olim conditam esse, ea Serum proprietate, quam narrant, ut *externorum* vident *societatem*; eaque priscorum Scytharum opinione, qua se *vetustissimos mortalium* enormi seculorum numero ante Orbem conditum jactant. Sed illud maximae antiquitatis certum vestigium ostendunt, omnia verba literis monosyllaba consignata, quae *πολύσημα*, punctis additis, ad propria significanda discernunt. Et quando Geographi dubitant, an Japonia a Septentrionibus adhaereat continenti, pro jure nostro sumimus primitus Scythas aliquâ in eam Insulam Japonensem gentem induxisse; quorum linguam virilem et genere similem Latinae, utriusque linguae periti notant. Et Americanos Borealiores ex Norvegia ortos, ac per Groëlandiam terrestri itinere in Americam venisse ex Grotio accipimus (1): sed inde ad fretum usque Magellanicum hos ipsos eam Orbis partem postea humano genere frequentasse credibilis est.

X. Altrinsecus Æthiopes a primis Ægyptiis continente sibi proximis, quando Æthiopiam Tacitus (2), Chaldaeam, Strabo (3) Phoeniciam appellat (b), a Chaldaeis aut a Phoeni-

(1) De orig. Americ. gent. (2) Lib. V Histor. lib. 1. (3) Lib. I.

Cur urbes Ciculorum in Transilvania etiamnum dicantur Arae.

(a) Neque haec, quae heic dicimus, obturbet illud, quod Ciculorum urbes etiamnum dicantur Arae: namque id puto hanc ipsam habere originem; quod cum Ciculi sint Transilvanorum antiquissimi, necesse est, ab ipsis deinde Saxones et Hungaros, qui sunt duae reliquae populi Transilvani partes, profugos recepisse: deinde tur-bis agrariis inter ipsos quoque ortis, Saxones, Hungarosque alias per Transilvaniam, secessionibus factis, sibi sedes quaesisse; et Ciculos agrariam rusticamque facere perseverasse, cum antiqua Optimorum nobilitate: quod tantum abest, ut labefactet, quod confirmat potius, quae in his Libris de *primis Aris* late sunt dicta.

(b) Atque haec duo gravia sint exempla ejus, quod supra diximus, de *primarum vocum alienatione* in Notis ad Cap. de *Poëseos origine*.

cibus per Ægyptios provenisse verisimilius est; gentem albam, pulchramque principio, sed qui, ut Isaacus Vossius (1) notat, quia teretia infantum capita arte oblongarent, quod generosiora tolerarent ingenia; inde a parentibus sic conformatis ita geniti filii; et quia atris cerussis facies colorabant, quod nigrum sanctiorem colorem putarent, uti barbaris Europae seculis tabulas pictas etiamnum observamus, in quibus facies Dei, Christi, Deiparae Divorumque nigricante colore, et statuarum facies nigro encaustico opere inductae spectantur: ea ratione tandem vi phantasiae generantium nigri filii nati sunt; et curatura in naturam conversa est: quod qui negaverit, is ne Hofmanni quidem *Lexico* est eruditus. Certe Æthiopes parvo naturae contenti, et in solo corporis robore, quo ingentes arcus intenderent, ingentes sagittas jacularentur, et in sola libertate opes suas collocabant; ut eorum Rex Thearcus Cambysis Legatis respondit; et aurea ac gemmata, quae afferebant, dona contempsit, quod nullum eorum agnosset usum: quae Historia docet primorum Ægyptiorum, ac multo magis primorum hominum post Diluvium naturalem quandam sapientiam.

Ut principio albi, nunc nig. i.

Primi Æthiopes naturâ modesti.

Argumentum naturalis primarum gentium sapientiae.

Propagatio generis humani universi.

XI. Et sic per Chaldaeos, Scythas, Ægyptios habes gentes humanas per omnem prorsus terrarum Orbem propagatas.

XII. Et Tanaim Sesostri priorem a *profana Historia* memorari; quia Scythae propiores Armeniae, in uno e cujus montibus *Arca*, subsidentibus Diluvii aquis, summo haesit.

Cur Tanais Sesostri prior?

XIII. Et uti Scythae, ita Æthiopes arcu valuisse, ac proinde primos homines valuisse *venatione*, qua ferae ex illis in *Arca* servatis progenitae, aut caesae, aut in alias Orbis partes fugatae: unde tot *Hercules extinctores monstrorum ferarumque*.

Ut ferae ab Asia per Orbem disiectæ?

XIV. Quod autem successionem *profanae Historiae* nobis Tanais ac Sesostris testentur, Nimbrodus autem, ejusque successor Belus sileatur, illae evincunt invictae rationes, quod cum res nautica ab ratibus, cymbisque, quibus Ægyptii a redundante Nilo tolerarentur, ad naves, quibus mare trajicerent, sero, nisi fortasse postremo producta sit; necesse est, primos bellatores, cum bella terrestribus tantum copiis administrarent, eos in Oriente per terrarum Orbem et ferarum et hominum ferarum more errantes abegisse; et sic Assyrios per Orientalem Asiae continentem primam

Cur in profana Historia obscura Nimbrodi et Beli silentium?

(1) Ad Pompon. Mel.

Cur Nimbrodus robustus Venator dictus?

Priscis gentibus spectandi maris religio.

protulisse Monarchiam: unde Nimbrodus in Sacra Historia, *robustus Venator*, uti Hercules in Profana, *Ferarum extinctor* dictus. Et necesse quoque est, primas gentes spectandi maris quandam habuisse religionem, sive ex gravi recentis adhuc Diluvii metu, sive, maxime Assyrii, qui Deum putabant, ne Solem viderent occidere; ut de Decimo Bruto in litore Oceani post tanta temporum spacia *Romana Historia* testatur (a): nam sane *Poësis* omnium

(a)*

De primis Coloniais.

Vetus apud gentes maris religio.

Regionum maritima diu vacua.

Primae Coloniae citra bellum deductae.

Dido et Aeneas characteres Coloniarum transmarinarum.

Igitur cum Sesostris, sive Aegyptii Reges Monarchae hoc communi *Sesostridis* nomine appellati, Imperium Mediterraneo mari tam longe lateque potens tenerent; et Aegyptii Sacerdotes, ut Plutarchus in *Sympos.* VIII refert, navigare putarint piaculum; ex hac ipsa falsa persuasione, quod in mari *Osiris*, qui ipsis *Sol* dicitur, periisset, necesse est, ut Reges aliquo potentiae arcano hanc Sacerdotum religionem, et fortasse etiam illam aliam, nisi prorsus eadem sit, urgentes, qua apud Romanos, ut Tacitus in *Annalibus* memorat, *Dialibus egredi Italia non licebat*; sacerdotes a bellorum et provinciarum ultra mare, tanquam re profana, prohibuissent: eodem omnino pacto, quo Augustus et sequentes Romani Principes ipsam Aegyptum e Senatoriarum Albo Provinciarum erasere, et in cum Orbem aditu difficilem, et Italicae Annonae horreum *Equites Romanos illustres* spectati obsequii misere Praesides. Ex qua ipsa religione provenisse quoque necesse est, regionum maritima diu vacua fuisse; cujus vetustatis extat pulcherrimum testimonium apud Homerum, apud quem Ulysses, quoquo terrarum errans appellit, *conscendit speculas explorabundus*, an eas terras homines incolant, et ex *longinquo fumo* earum conjicit aliquem cultum humanum; et *Troja ipsa procul a mari sita* narratur, cum longum inde describatur iter ad mare usque, ubi naves, et in cujus litore castra Graecorum posita erant.

Sed hinc conficitur, potius *Transmarinos citra bellum* primas deduxisse Colonias: quod plebes navigandi solertes, quales Aegyptii bello a Sacerdotibus victi, ut victorum iram effugerent, mari se commiserint, trans mare terras quaesierint, et in maritimis sedes legerint. Nam *Coloniae secundae* aut gloriâ proferendi imperii, aut populorum frequentia praenimiâ, aut mercaturae aviditate armis deductae sunt: quorum nulla caussa primis temporis obscuri rebus publicis commoda est. Quod Virgilius antiquitatis scientissimus in Didone et Aenea expressit; *quatenus uterque coacti*, unde *profugi* uterque dicti natives terras deseruere, dum *illa a suis infestata*, *hic suis invisus*, ex suspicione, quod cum Graecis in Trojae exitum conspirasset, *illa precio*, *hic donis* sibi *externas sedes pararunt* (Et quamvis Aeneae essent naves, arma, viri, quibus postea urbem jam fundatam defendit; tamen agnoscens jus optimum Heroum, qui Latinum agrum manu cepissent, omni vi belloque abstinuit). Qui igitur non in vacua venirent, et neutrum possent, neque precio emere, neque donis promereri agrum (ut plebei tur-

prima, *Bucolica* nulla maritima similitudine ornata est, ut Siciliam, ubi primum orta, necesse sit, principio Ita-

bis agrariis victi, profugique), se applicarent colendis eorum agris, in quorum terras *Fortuna* ipsos detulisset (pro qua significatione *Coloni*, et varia eorum genera mansere in Jure Romano dicta, Cod. de *Agricolis et Censitis*: cum *Coloni posteriores*, ut *Romani*, satis *improprie* dicerentur, ut qui in indigenarum agros jus domini optimi acquirerent, et indigenae ex dominis coloni fierent). Atque hi sunt *Transmarini*, quos *Historici Romani ab asyis majorum gentium ad asylum Romuli* detorsere: qui cum neque precio emere agros possent, et ex lege prima *Agraria* jus agnoscentes, aliena ex voluntate dominorum propria fieri oportere; quod cum domi non potuissent turbis agrariis ab Optimis exprimere, multo minus sperabant foris; *Transmarini*, inquam, eadem legi *Agrariae*, cui multo ante *Cientes mediterranei* paruerant, se submisere. Et heic *Divina Providentia* admiranda: namque eo pacto *Aegyptii*, *Phoenices*, *Graeci humanitatem facilius in reliquum terrarum Orbem disportavere Colonis*; quam si gentes prius maritima celebrare ocepissent, unde exteris appulsu facile prohiberent: uti Romanos, et quidem classe potentes ipsi *Graeci Tarentini* prohibuere (a): ex quo bello *Graeci* primum Romanis cogniti. Sed enim cum *Colonias prima vi et armis deductas* ex natura secundarum, ut omnes ante nos *Philologi* putarunt, acciperemus, sic quoque fugiebat ratio, qua eae *Coloniae essent argumenta potentiae* gentium, a quibus deducerentur, ut in *Programmate Historico* proposuimus: nam, *Colonis* tres acceptis, qui fieri potuit, ut *Attici*, *Aelique Colonias* in *Joniam* sive *Asiam Minorem* mittere potuissent, undecim ante annis, quam *Cumae* fundarentur, ut *Chronologi* memoriter memorant; atque adeo *Graecos in Asiam proferre Imperium*, quum *Aegyptii interni ejus maris late potentes* essent, et inde *Bithynum hinc Lycium ad mare*, ut *Tacitus* narrabat, *imperio tenerent*? Quare cum super hoc argumento de *primis Colonis* non mihi plane satisfacerem, earum originem altius meditatus, occasione dante ipsa voce *deducere*; quod est de superiori in inferiorem locum, et *Coloniae deduci* solenni formula dicerentur; *tria primarum Coloniarum genera* reperi: primum earum quae in proxima camporum plana deductae sunt; quam ad rem pro nostris principiis pulcherrimus est locus *Platonis* apud *Strabonem* lib. XIII *Geographiae*, opinantis, post *Diluvium* tres hominum vitas ortas, *primam in jugis montium*, simplicem et agrestem, aquarum timidam, quae adhuc plana inundabant; *secundam in montium radicibus*, cum jam campi exsiccati coli coepissent; *tertiā in ipsa camporum planicie*, terrā omnino exsiccata; et tres omnes in *Homero* notari, *primam in Cyclopibus*, qui fructibus sponte natis vescebantur; *secundam in Dardano*, quo Rege, *Troēs submontana* habitarent; *tertiā in Ilo*, qui campos occupavit, et *Ilium condidit*, ut *Aeneas* ad *Achillem* narrat *diversilinguium hominum*. Qui *Platonis* locus *Homeri* testimoniis firmatus, quatenus caussam *Diluvium* assert, si de *Universali* accipiatur, falsus a *Sacra Historia* convincitur; si de *Deucalionio*, verum accipi de solis *Graecis* po-

Quae Coloniae proprie dictae:
Quae improprie?

Primi clientes mediterranei;
Secundi transmarini.

Divinae Providentiae argumentum.

Philologorum argustiae super priscis Colonis.

Quid Coloniam proprie deducere?

Tres primorum hominum vitae.

(a) His signis () conclusae sunt notae asterisco signatis posteriores.

Primi homines mediterranea regionum, minores gentes maritimas oras occuparunt.

liae fuisse continentem. Per quae conficitur ad extremum primos homines mediterranea regionum insedissee, ut Noachus ejusque familia; unde primum Assyriacum Imperium totum mediterraneum fuit; gentes minores deinde occupasse maritima.

At praestanti Ægyptiorum ingenio tribuendum, quo artes, quas Chaldaei ante Diluvium memorabant, citius intellexerunt; quod praestans iis ingenium Nilus inundationibus suis peracuit: qua necessitate adacti, ut obrutos aquis terminos recedente flumine agnoscerent, Mathesim a Chaldaeis acceptam, a quibus elevationem poli et usum qua-

Principio Coloniae in plana deductae;

test: sed nos, pro nostris principiis, ex genere verum probamus, ex caussa errorum exlegum, ex quibus aliqui in montium lucos concessere. Et ex Homero ita accepto conficio, *primam vitam* fuisse primorum *Patrum* in montanis lucis sponte naturae natis victitantium; *secundam Fortium*, qui terras domuerunt; *tertiam Inclytorum*, qui cum clientibus diversas linguas loquebantur: et *primas Colonias* fuisse, quas Patres, Optimi, Inclyti deduxere clientum, Colonorum proprie dictorum *in plana terrarum*, ipsi in editis locorum permanentes; uti etiamnum observantur passim ubique locorum in edito *urbes et oppida*, ubi *honestiores*, in planis camporum *vici*, ubi *agricolae* inhabitant: *secundas autem Colonias* fuisse, quae in mare deductae sunt; in mare enim *deducere de navibus* proprie dicitur: atque hae fuere, quas ob *Agrarias turbas* metu Optimatum victorum deductas esse memoravimus, nempe ab invitis, ut *Didone et Aenea*, et per *maris errores*: *tercias* vero illas quas *Phoenices* *Coloniis celebres*, ultro, et consulto lucri caussa, uti Columbi, Vespucii, Magellani, Gamae, alique recentiores novum Orbem, ita Mediterranei litora explorabundi, ubi vacua darentur, eo commode deduxere: indeque notis certisque itineribus cum gentis principe urbe Tyro communicabant.

Deinde deductae in mare ex necessitate;

Tandem in mare quaestus gratia:

Omnes citra bellum.

Cum nostris principiis Historiae antiquae consensio.

Atque ita, *primis Coloniis comparatis*, illae constabunt omnes Historiae rationes: nam Cecrops Ægyptius, primus Coloniarum deductor in Graeciam; quia Ægyptii antiquissimi gentium. Hinc Cadmus Phoenicius, quia Phoenices de Ægyptiis nauticam didicere: a quo utroque deductae sunt *Coloniae secundi generis*. Postea Tyrus memoratur navigatione, et *Coloniis* nempe *tertii generis* celebres. Deinde *post Trojanum bellum Graeci Colonias in Joniam*, sive Asiam Minorem mittunt, nempe Colonias generis secundi: quum Ulysses, ut supra in Notis diximus, in plebes Ithacae, Sami, Dulichii contra Ordinem rebellantes saevis poenis animadvertit: unde eodem tempore conjecimus ab *occidua Graecia* in proximam *Italiam* has *secundi generis Colonias* esse deductas. Et cum his secundi generis *Coloniis* constabunt, *Ægyptiorum Colonias* cum in *Graeciam*, tum in *Italiam* maris fortuna deductas esse: et *Sacerdotes Ægyptios navigare* habuisse *piaculo*; et *Ægyptios imperium in Asiam Minorem terra* protulisse.

drantis accepisse Herodotus testatur (1), ad terrarum mensuras applicuere; unde agmina et acies postea docti sunt: item moles et quidem ingentes extruere ad impetus exundantis fluminis coërcendos; unde *Architectura* apud eos nata *solida, simplex, rudis*, qualis Ethruscorum, magnifica, et perferens vetustatem, unde inter ipsos *Pyramidum* illa miracula; et ita *Architecturâ urbanâ* eximii, facile postea *militarem* excogitarunt; et ad fundandas ingentes ex marmore quadrato moles, *ferramentis* opus habuere, et sic facile postea graviora arma belli invenerunt; et ob easdem Nili superandas inundationes, *navalem* et *nauticam* aliis maturius restituere. Hinc *Ægyptus artium mater* appellata (2), et *Ægyptii* dicti *philosophiæ* et *omnium disciplinarum Parentes* (3). Ita his artibus instructi gentes rudes, inermes et inconditas facile debellabant, et cito maritimam interni maris potentiam adepti sunt; cum interea Assyrii rudiores jam facti, et mediterranei, in Orbe Graecis usque ad bella cum Persis gesta prorsus ignoto, imperium proferebant.

Praeclarum gentis ingenium, et Nili inundationes *Ægyptios* doctissimos et potentissimos mature fecerunt.

XV. Et haec ratio cur *Phoenices* maris potentes mature facti, quod *nauticam* ab *Ægyptiis* didicerant; et in *Syria Tyrus navigationibus* et *Coloniis celebrata* secundi *Assyriaci* Regni potentiam potentiae secundi Regni *Ægyptiaci* coëvam docet.

Cur Phoenicia statim potens?

XVII. Et illud constat, quod ubi gentes, et *Chaldea* et *Ægyptia*, victrices extitere, eorum linguae victis gentibus, quia externis, *naturâ sacrae* factae sunt; quia victis *linguae legum* ignotae erant: quarum Scientiâ apud *Medos Chaldaei*, apud *Ægyptios Sacerdotes* quendam *Optimatum* ordinem constituere, e quorum numero seu gente *Reges* creabantur, et sic *Sapientia, Sacerdotium, Regnum* una res, ut diximus (*), primis gentibus fuit. Et eodem pacto uti *victoriis* in *Oriente, Ægypto*, ita *Clientelis* in *Occidente* a duplici lingua *heroica* et *vulgari* *Optimates* et *plebes* in Regnis et Imperiis distinctae sunt: et *Papyrius* linguâ *plebejâ* leges evulgavit, *Superbus* linguâ *heroicâ* filio respondit.

Ut linguae Chaldaea et *Ægyptiaca* natura sacrae factae sunt?

XVIII. Sed ut ad rem nostram propius accedamus, nedum credibile, sed omnino necessarium ex hactenus dictis fuit, *Cumas ab Ægyptiis fundatas*, quae *Aeneae* tempore tam magnificae erant, nempe paucis post *Trojae* excidium annis, ut earum fundatio *quadringentis* saltem ante annis

Ut ubique gentium plebes ab *Optimatis* linguae distinxerent?

(1) Herod. lib. II. Scipion. I, 19.

(2) Macrobian. Saturn. lib. XI.

(3) De somn.

(*) Pag. 243.

eveniret, quum nimirum Cecrops Ægyptius, ut Graeci ipsi fabulantur, duodecim parvas in Atticam Colonias deduxit (1), ex quibus postea *Athenas a Theseo* conditas memorant.

Quando Italia et
in qua parte Ægyptia
fuit?

XIX. Quare nihil mirum, si in *Synopsi* italice edita diximus, quod dum *Athenae et Sparta* parvae urbes erant, in Italia opulentissimum *Ethruscorum regnum* florebat. Nam tanta potentia, tantusque Imperii splendor, quantum diximus, vix sex septingentis reipublicae annis parari debuit. Itaque, quum *Danaus Ægyptius*, ut ipsi item Graeci memorant, Argivo Regno Inachidas spoliavit, Ægyptios jamdiu ante ea tempora in Ethruriam Coloniam deduxisse necesse est, quae jam potentissima erat sub Tullo, ut Romana Historia de bello in Albanos narrat. Atqui Roma condita A. cccccccl. Tu numerum cape, quem dicimus.

Quando et ubi Italia
Graeca fieri coepit?

XX. Et res ipsa affirmare nos cogit, quo tempore Attici et Æoli colonias in Joniam, sive Asiam Minorem mittere coeperunt, centum quadraginta ferme post Trojae excidium annis, ita ut sensim Asia minor Graecis urbibus ferme tota celebraretur; in Italiam quoque maris interni jam potentes facti misissent: unde maritimae Italiae orae Graecis urbibus, et maxime, qua propius Graeciam spectabat, in mari supero frequentiores: quod ipsum graviter confirmat, quod Italiae mediterranea Indigenae omnia coluerint: quod Virgilius significavit, qui Turnum indigenam finxit Heroem ferocissimum, Æneam autem transmarinum, Heroem finxit admirandum ratione. Itaque cum Italiae mediterranea, per ea quae heic supra diximus, tenerent Aborigines, tunc Ægyptii, cum postea tenerent Latini, tum Graeci, maritimas ejus oras celebrant (a).

C A P. XVIII.

De Historiae Profanae elementis.

De Romana Juris
gentium custodia.

Romulus igitur indigena per summam animi magnitudinem novam urbem fundare audet mediam inter praepolens Ethruscum Regnum, et innumera minuta Regna Optimum: et Romani sub Regibus, nempe ducentorum quin-

(1) Hoc Lib. Part. II, Cap. I, Program. Histor.

(a) Et ferocissimos gentium mediterraneos fuisse, Galgaci oratio in *Agricolae Vita* testatur apud Corn. Tacitum.

quaginta annorum spatio ad viginti populos ex Latinis, Etruscisque domuerunt, nec, ut priore Libro vidimus (1), ultra viginti stadia Imperium protulere: ducentos autem et quinquaginta alios durarunt annos, ut omnem Italiam subjugarent. Quare inter tot aut tam potentes aut tam feroces populos, quam fortissime eos jus gentium custodire necesse fuit, nec bella gerere, nisi injuriis lacessitos.

Docuimus mediterraneos Italiae populos antiquissimos, certe Graecis antiquiores. Et priore Libro (2) notavimus, Romanos vestigia infantis linguae, quam Athenienses et Spartani, sanctius custodisse, quod Athenienses in annos Solonis leges mutarent; Spartani lege Lycurgi leges scribere vetiti essent; et ita apud utrosque semper leges praesenti, ac proinde vulgari et incertâ linguâ loquebantur. At Romanis Lex XII Tabb. trecentis post U. C. annis scripta, immobilis haesit *finis* Tacito, *fontis* Livio *omnis Romani Juris*: quae est demonstratio, quam in *Synopsi* italice edita, quia minutam ac proinde justo longiorem omisimus.

Postremo *jus nexi*, ut vidimus, Athenis Romam certe non commeavit: nam ante *legem* XII Tabb., quia Patres in obaeratos id saeviter exercebant, plebs primam fecerat secessionem: et tamen Theseus lege de *nexo soluto forte sanate*, ab heroicis usque temporibus Atheniensibus libertatem fundavit, ut narrat Plutarchus (3); similem vero legem Romani ccc post U. C. annos in XII Tabb. retulere; quod caput recte Jacobus Gothofredus (4) *de Juris aequilitate* inscribit.

Ex his omnibus conficitur, quod cum humanitas religione et legibus fundata sit; atque id sit, quod Jurisconsultus *jus gentium humanarum* definiat; et Romani majorum gentium mores fortiter custodierint, super quibus Romulus suam civitatem fundavit; et mores gentium Latinarum, ut vidimus, antiquissimi sint: *haec Romana Juris gentium custodia* nobis potest exponere *certam* tum *originem*, tum *successionem universae Historiae Profanae*.

Igitur haec non verbo, sed re ipsâ quae sint *Historiae Elementa Historiae*. *elementa* statuimus, ex quibus omnis profana Historia primum componitur, et in quae eadem postremo resolvitur universa.

I. Definitionem *Juris civilis* in genere a Gajo (5) tradidit. *Definitio I.* tam, qua *omnes populi partim suo proprio, partim communi omnium hominum jure utuntur*.

(1) Cap. CIV, § Quod autem. (2) Cap. CXLIX. (3) In Theseo.
(4) In 4. font. Juris. (5) L. 9. D. de Just. et Jure.

Axiomata II.

II. Axiomata; quorum unum, juri voluntario *Fax* praelucet *duplex*, altera rerum, altera verborum Historia.

Alterum: vulgata *regula interpretationis* est, in legibus interpretandis verba accipienda esse in propria significatione, nisi ullum inde sequatur absurdum.

Postulata III.

III. Postulata: Primum: quicquid ex his principiis confecerimus, primos homines tempore obscuro agere oportuisse, nisi adversetur, et multo magis si adsonet Sacra Historia, ita re ipsa egisse concedatur.

Secundum: quando omne jus civile est ex jure naturali gentium et proprio conflatum; quod in XII Tab. est uniforme moribus gentium, quos ex primo postulato narravimus, id ex jure gentium esse concedatur.

Tertium: cum primarum gentium poetica lingua fuerit, ut late supra docuimus, *locutiones poeticae* et *fabulae*, sive characteres heroici, quae moribus gentium per haec principia narratis commodas accipiunt significationes et mythologias; juris gentium testimonium perhibeant, et ea propria sit earum significatio (a).

CAP. XIX.

*De Historia Temporis Obscuri, quae est fax Juris gentium.*Tractus temporis
obscuri Italici.

His jactis fundamentis, illud praeterea teneamus, quod Terra inter Noachi filios A. ab Orbe condito MDCLVI divisa est: Roma fundata Anno MMCCCL. Igitur totus tractus *Temporis Obscuri Italici* est annorum MDXCIV; intra quod temporis spacium quae de tempore obscuro narrabimus quam commodissime congruent. Quapropter auctoritatem naturalem ab temporibus generis humani ex legis ad has respublikas, quibus nunc vivimus, invenimus esse perductam, per quinque *temporis obscuris epochas*, quae fuerint insigniores Universi Juris gentium mutationes.

Temporis obscuri
epochae.

Prima epocha est, qua generis humani regimen omne fuit theocraticum, unum verum, cetera falsa: in quibus auctoritas omnis divina, auctoritati solitariae, vel familiari perfusa.

Origo et perpetuitas
historiae profanae universae.

(a) Et ita tribus his *Postulatis* habetur origo et perpetuitas *Historiae profanae universae*: nempe ex I, origo a tempore obscuro; ex III, perpetuatio per tempus fabulosum; ex II, ad tempus usque historicum certum Romanorum.

Secunda, qua auctoritas familiaris clientelis aucta est.

Tertia, qua omnes respublicae fuere regna poetica, sive heroica, sive Optimatum.

Quarta, qua respublicae omnes aut in regna mera, aut legibus primum latis in regna mixta, aut in respublicas liberae abire.

Quinta et postrema, qua jus minorum gentium est introductum, et jura belli et pacis harum gentium moribus recepta sunt.

De singulis pro hoc, quem invenimus, ordine historiam contexemus.

C A P. X X.

Prima Temporis Obscuri Epochæ regimen theocraticum, et sub eo imperium monasticum et paternum fundatum (*).

Quando res tam obscuræ illustrandæ nobis propositæ sunt, ut ad hanc usque ætatem opus plane desperatum omnibus videretur; id a maxime exploratis est inchoandum; ut eo, quod vetustissimi mortalium *Patres* (a) dixere Deos: unde *Jupiter*, qui postea sic dictus mansit, *Diespiter*, *Marspiter* priscis dicti, uti ex hac antiquitate illas locutiones conservarunt Poætæ, ut apud Lucilium (1) *Jupiter* in Deorum concilio sic fatur:

Pater prima Deorum appellatio.

Ut nemo sit nostrum, qui *Pater* optimu' Divum,
Ut Neptunu' *Pater*, Liber, Saturnu', *Pater* Mars,
Janu', Quirinu', *Pater*, omnes dicamur ad unum.

Vicissim Deas *Matres* ab iisdem dictas, ut *Juno Mater*, *Venus Mater*; et *Genitor Genitrix* pro *Deo Deave* in poeticis locutionibus vulgo numerantur.

Mater Dearum.
Ut et *Genitor* ac *Genitrix*.

(1) Satyr. I.

(a) Quia ea ætate, prima hominum et summa dignitas Patrum erat: nec homines quid dignius de Diis poterant cogitare.

(*) Auctor, explicatis argumento, instrumento, et nonnullis principiis philologicae scientiæ, demonstrationem aggreditur de constantia Juris historiæ, quam obiter in Lib. I descripsit. In variis hujus Capituli sectionibus extruit constantiam suis ideis de regimine theocratico (p. 51, 82); de primis nuptiis (p. 52); de inventione fontium (p. 81, 82); de patria auctoritate (p. 49, 50); de tutelis ac testamentis (p. 48-50); de dominio (p. 48-49, 53, 69); ac de primis duellis (p. 68 et seq.).

Contemplari unde
dictam.
Templa Caeli.

Θεωρεῖν quid?

Haec qua ratione *Poëtae* dixerint, antiquissimorum originis verborum docent. *Contemplari* enim, *juris augurii* vocabulum Latinis significat *contueri caelum*; unde *Templa Caeli* (a) ejus regiones, quas *Augures* auguria capturi lituo designabant, *eodem jure* appellatae: Graecis autem Θεωρεῖν dicitur *contemplari Deum* (b). Hebraeis autem *Caelum* dicitur *Sedes* et *Thronum Dei*: at *gentibus Caelum ipsum Deus* habebatur. Quare cum ex vero Hebraeis vere *ineffabilis Deus* esset; unde יְהוָה scribunt, non proferunt; *gentibus CÆLUM ineffabile* credebatur, ut docet illud *Poëtae* apud Ciceronem,

Aspice hoc sublime cadens, quem omnes invocant Jovem.

Ex contemplatione
oculari orta Idololatria,

Et Divinatio.

Mathematici unde
dicti?

Idque factum, quia prima corruptorum hominum oratio ad Deum, ut Strabo tradit, contemplatio, ope sensuum tamen fuit; quae successit orationi Adae integri, quae fuerat contemplatio ex mente pura Veritatis aeternae (1). Ex hac Caeli contemplatione oculari orta *Idololatria*, astorum apud Chaldaeos primum, deinde apud alias gentes, quae Solem, Lunam, Jovem, Martem, Venerem, quia insigniores lumine et motu fecere Deos: et *Idololatriam* *Divinatio* comitata; cujus qui peritiam jactabant, *Chaldaei*, et ab ea contemplatione Latinis *Mathematici* dicti sunt: et in Philosophorum scholis mansit, ut quae *Mathesis vera*

(1) Hoc Lib. Par. I, Cap. IV.

Primum templum,
Caelum.

Templi ἀστρον
unde dicatur.

Unde pinnae tem-
plorum?

(a) Principio primus Deus gentibus *Caelum* fuit: deinde *Caelum* ipsum primum *Dei templum* iisdem habitum est: qui mos Persis mansit: qui fuit color, ut Xerses templa Graeciae incenderit, quod parietibus concluderent Deos, quibus patere omnia oporteret, quorumque ipse Mundus templum esset: Cic. II *de Leg.*; et Germanis, qui, tradente Tacito, in apertis *lucis* Deos colebant: et difficulter cessit Christianae Religioni, ut constat ex *Concil. Hanterensi* et *Bracharensi* apud Burchardum X *Decretor.* et etiamnum hodie apud Pilappios et Livonos ejus moris extant reliquiae. Inde ubique gentium templa erectiore extructa fastigio: quod appositissime ad nostra Principia Graeci ἀστρον, *aquilam* vocant, cujus crebra apud Pausaniam mentio; quod non aliunde dictum fuerit, quam ab *Aquilis* quas *Augures* contemplabantur, suis volatibus, qui sublimes sunt maxime, prima *templa*, nempe Caeli regiones describere: an quoque inde *pinnae templorum* dictae Latinis, quasi *pennae*, nempe *aquilarum*.

(b) Et sublimia dicta Graecis μαθηματά, et divina contemplanda θεωρήματα; quia primae contemplationes gentium fuere Caeli: utrumque verbum ex vulgari sapientia ad sapientiam Philosophorum translatum.

contemplanda proponit, *θεωρηματα*, quae tantundem sonant, ac *Divina contemplanda*, dicantur.

Apud Europaeos autem, uti Graecos et Latinos, aliud *divinationis* genus similiter ortum, *Auspicia*.

Atque ab eo tempore, quom *Dii Patres* appellabantur, incepisse *auspicia*, dat conicere verbum *impetrare*, quod in *jure augurio* significat a Diis impetrare; de cujus origine multa inepta dicunt Grammatici, cum sit a *Patribus*, seu *Diis*, quasi *impatrare*, seu effectum referre; uti et *patrare* significat efficere, effectum dare, quod hujus antiquitatis necessario est, cum ejus compositum sit *impetrare*; quasi Deus omnia etiam, quae homines faciunt, *patret*, ad effectum perducatur (a).

Ita ex vera persuasione Deum Opt. Max. omnium *causam* esse, falsae religionis natae (b), quibus gentes sibi plures finxere *Deos*; quorum *communes* omnibus numerant *duodecim*, qui *majorum gentium*, sive gentium *antiquiorum*, hoc est gentium *primarum* etiam postea dicti mansere.

Dii gentibus communes.

Sub hoc Deorum regimine homines exleges necessario omnia religione adpersere; unde innumeri postea *minuti Dii*, quos *Patellarios* comice Plautus dixit: *Termini* fundos, *Lares* domos, *Genii* maritales lectos, *Hospitales* hospitia, *Manes* sepulchra, qui custodirent: tot *Dii* rei pecuariae, tot rei rusticae, tot omnium pene rerum, quibus vita constat, eget, aut agitur, usque ad pudendum *Priapum*. Ita ut quae nunc dicimus *jura*, exleges dicebant *Deos*, uti *per Deos hospitales* te oro, quod nunc *jure hospitii* peto; *per Deos Manes*, quod nunc *per jus et voluntatem defuncti*: quae duo in Leg. XII Tabb. conjuncta sunt, eo capite de *jure sacro*, ubi *jus Deorum Manium*, pro *jure sepulchrorum*. Cum qua antiquitate perbelle convenit origo, qua *Jus* dictum volunt contractum ab antiquo *Jous*; et *Jous*, unde *Jovis*, ut idem esset *Te per Jovem* obtestor, ac *Jus postulo*: et idem erat exlegibus *orare*, ac post natas leges *agere*: cujus vestigium in XII Tabb. capite de *Furtis* extat, *furti orato*, pro *furti agito*. Unde conficitur idem fuisse olim per *Jovem orare*, quod nunc

Dii Patellarii.

Jura et Dii olim idem.

Orare et lege agere, idem.

(a) Cui origini belle adsonat verbum *Interpretari*, certe priscis *Interpatrari*; quod prima *Interpretatio* diviniatio fuerit, quasi *Interpatratio*, qua Optimi, Patrum sive Deorum mentem assequerentur: unde Orpheus Horatio *Interpres Deorum* dictus.

Interpretari unde dictum? Primi Interpretes, Vates.

(b) Et nata *lingua falso divina*, de qua in Notis Cap. XXIII et Cap. XXX.

est *jure agere* : et sic constat illud, quod Poëtae Caeli, sive aëris, sive aetheris mentem fecere Jovem, hoc est Jovem fecere Caeli voluntatem.

Hinc sublimis illa Poëtarum sententia, *aureo seculo homines Fas in pectore Jovis scriptum legisse*, quod *Fas* putaretur *Jupiter* ipse qui vellet; uti etiamnunc pii rudiores ex ignoratione caussarum, quicquid evenit, Deum id voluisse, id fecisse dicunt (1): cum qua re congruit illud

Fas Justitia Themis.

observatione dignissimum, priscos Romanos Justitiam *Fas* appellasse, ut testatur Ausonius (2):

Sunt et Caelicolūm monosyllaba: prima Deūm *Fas*:
Quae *Themis* est Graiis (a);

a qua fecit secundam *Rheam*, quae et alio latino nomine appellatur *Ops* (3) (b): et *Themis* esse putabant, quae praeciperet hominibus id petere, quod *fas* esset; eamque id esse existimabant, quod et jus est. Cui sententiae adstipulatur vetus Glossarium, *θεμς, Fas, Justitia*. Unde Philosophis mansit, *Themis* exigere ab hominibus poenas, quas soli irrogant *Dii*, prave facti *conscientiam, infamiam, oblivionem* (4).

Numen unde?

Ex persuasione de
Divina Providentia
Divinatio orta.

Hanc Deorum voluntatem dixere *Numen*, quod Jupiter fulmine et tonitru, volatu et cantu avium tanquam multis e caelo satur, ut diximus libro superiore (5): unde id erat proprie *Numen colere, vereri, metuiere, venerari*, sequi voluntatem Deorum, Deorum facere jussa. Atque ex hac Numinis persuasione, vera inter Hebraeos, falsa inter gentes, Dogma de *Divina Providentia* genus humanum universum pervasit, quod est totius *Theologiae Civilis fundamentum*. Namque inde *Divinationes* provenire; ut quicquid Oracula responderent, auspicia significarent, *fas* esse crederent. Etenim quam Deorum voluntatem dixere *Numen*, significatam *Fatum* appellarunt (*); quare ab iis uti

Numen et *Fatum*
quid differant?

(1) Hoc Lib. Par. II, Cap. XIII. (2) Idyll. de Diis. (3) Ut notat Testus. (4) Hoc Lib. Par. II, Cap. III. (5) Cap. CIV, § In stata.

(a) Unde *Themis* apud Homerum vocat, et dimittit Deorum concilium.

(b) Quia Potentia jure nixa fuit omnis humanitatis principium, sicut diximus Libro priori, *primam legem in terris natam potentiae, a natura tamen meliori dictatam*.

(*) Vide lib. *De Antiq. Ital. Sapient.* pag. 88.

sanctissima Numina, sic *Fata immota* habebantur (a): cumque apud eos omnia *jura, fata* essent; necessario conficitur, Divinationem apud Chaldaeos sic primum natam, ut ex magicis Caeli observationibus non mira naturae praestarent, neque incantationes facerent, neque genethliacas putarent rationes, sed vitae agenda juberent; et ita Zo-roaster, et magnus Caeli observator et legislator eximius (b) constabit. Hinc mansit diu in primis rebuspublicis illa *legum immutabilitas*, quam *Spartanâ Jurisprudentiâ* custodierunt (1), quam diu conservavere Romani.

Quibus a verbo *Fas* etiam *Fasti dies*, quibus Praetor jus diceret; et ut *Oracula fas*, ita Jurisconsulti *jus* respondebant; et ut illa, ita hi *responsa* dabant; et Jurisconsulti habebantur *Oracula civitatis*, tanquam ii essent *Divini*, seu *Vates Romanorum*: ita ut *For* fuerit Romanis *divina loqui*; unde a fando post Varronem (2) putet Paullus (3) *Fanum* dictum; quod, dum Pontifex dedicat, certa verba *satur*.

Divinatione omnium fere gentium fundatae respublicae, per ea quae Libro priori (4) diximus, Jus Divinum omni humano prius a primis hominibus agnitum; et uti cum Platone vidimus quoque, jus, *Δίκαιον* simpliciter, seu *res divina* appellatum; ut quaeque homines jure agerent, *divinarum rerum* appellatione venirent (c); quae appellatio po-

Divinatione fundatae respublicae gentium.

- (1) Lib. priori Cap. CLXXXI. (2) Lib. V de Ling. Latin.
(3) In Epitome. (4) Cap. CIV.

(a) Unde apud Homerum sanctissimum *Jovis promissum Thetidi* de ulciscenda Achillis ejus filii injuria ab Agamemnone accepta, *capitis nutu adprobatum*; quem ad locum enarrandum Interpretes illam asserunt, quod in capite anima praestantiora sua obeat munia, quam eruditam, tam sane ineptam illius aetatis ruditati rationem! Sed sanctissima *Jovis promissa capitis nutu firmata*; quia tunc Jupiter, ut Jupiter loquitur, *lingua divina* et solius *Jovis propria*, hoc est *fulminis nutu*; quod illud consequitur commode, *illo Jovis nutu concussum Olympum*; quia fulmine montes concutuntur. Qua fabulâ ita enarratâ, tota Ilias eo spectat, ut firmet Graecis Auspiciorum religionem; in qua tot, tanti et tam varii rerum casus narrantur, ut per tot rerum discrimina Jupiter explicet tandem rationem qua Achilles ab Agamemnone inhonoratus, honore, ut Thetidi ipse promiserat, cumuletur.

Iliadis systema et scopus.

(b) Eâdem prorsus ratione qua *Atlas astronomus habitus* est, quod *Caeli observator* alienata voce posteris traditus sit: qui significatione ejus vocis nativâ, quam *Romani jure augurio* custodi-
Ut Atlas putatus astronomus?
Augur observabat de Caelo; uti observavit quodque post eum *Hercules*: qui uterque *sustinere caelum dicti*; quia *Auspiciorum observatione Religionem Deorum sustinuerunt*, ne ruerent, et homines ad priorem impietatem reciderent.

(c) Quod confert ad id quod de falso *divina lingua* inferius in Notis dicemus.

stea ad sacrificia contracta est. Atque hac ratione *Divinum Regimen*, quod *Σκορπάρων* Philo eleganter appellat, primum in terris ortum, quod nulla societas sine regimine, ut diximus Libro priori (1), stare possit: cumque homines, quia exleges, summus quisque esset, regimen inter eos summus nonnisi apud Deum esse potuit; uti rebuspublicis postea fundatis, inter Potestates summas belli pacisque societates solius Dei regimine continentur, ut Libro priori diximus (2).

Propositio dicen-
dorum.

Sub hoc *Divino* statu exlegis, seu naturae *Regimine* per sequentia res Temporis Obscuri enarrabimus, nempe, ut dicamus de *Matrimoniis*, quae omnes Philosophi dixere primum rerumpublicarum fundamentum, de *Patria Potestate* in liberos, de eorundem *Tutela*, de *Testamentis*, de *Successionibus ab intestato*, sive de Jure gentium omnium maxime proprio, de *Dominio*, ejusque acquirendi modis, de *Pollicitationibus* et *Votis*, de *Stipulationibus*, de *Permutationibus*, de Futurorum Judiciorum specimine, sive de *Duellis* et *Conditionibus*, sive *Repressaliis* majorum gentium, ac postremo de *Poenis*.

De Matrimoniis.

Orpheus qui?

Et quidem prisci mortalium initio, ut diximus (3), in illo ferino errore divisi, et palantes, uti libido vel fors ferbat, incertos ac proinde saepe nefarios concubitus agitant: et conjunctorum, quos non agnoscerent, certe incertorum patrum cadavera insepulta esse sinebant: qui est *foedus victus*, a quo primos homines cantu Orpheus ab Horatio dicitur deterruisse. Is Orpheus pauci illi fuere, qui meditatione oculari Caelum a siderum motibus observantes, *animatum* credere, et putavere *Deum*; et quicquid ad Caelum pertinet, a verbo *Διός*, *caelestis*, communis et Latinis et Graecis originis, ut supra probavimus (4), putavere *divinum*; et sic falsam illam sibi persuasionem inducere, Deum volatu, cantuque avium, et fulminibus, sive *nuere*, sive *fari*; unde *Numen* et *Fas* agnovere, et utrumque appellavere *divinum*: et sic *Divinationem* introducere; et *caeli* sive aëris, sive aetheris *potestatem* summam fecere *Jovem*, ac *Deorum Regem* sunt venerati; eique attribuere *fulmen* et *aquilam*, quae sunt duo perpetua universae *Divinationis* argumenta, quae occiduae gentes habuere communia.

(1) Cap. LXIV, § Et Justitia. (2) Cap. CLVI. (3) Lib. I. Cap. CIV. (4) Ibid. § In statu.

Itaque si pudore, propudiosa uti venere coram Deo, et in Dei conspectu cadavera in saniam dilabi, destinarunt cum aliqua quisque foemina se abdere, ut eum foedum oculis vitarent victum: et rati, Deum per auspicia monere homines, unde auspicia observassent, inde primam quaque visam *foeminam manu cepere*, et quo se abderent, auspicia quoque secuti: et quia aves nidos ad fontes faciunt, et circa fontes considunt, eosque secretos maxime, et in edito ut plurimum; pudici legerunt loca, ubi aquae copia abundantes perpetuo mansere, nec sunt ulterius divagati; idque primum a Deo acceptum beneficium agnoverunt, *perennem Fontem*, ubi perpetuo manerent: et ea ratione sedes primas in terris auspiciato cepere, easque dixere *Lucos* (a), quos Grammatici recte notant ita dictos, quod ibi non luceret, et Romani semper habuere sacros: et a *Fonte*, qui Graecis *πῶγῇ*, tunc, forsan communi utrisque vocabulo, primo dixere (1) *Pagos*; quos Jurisconsultus dicit *aedificia juxta collocata*, quas proprie dixere *Casas*: ex qua antiquitate Itali et Hispani pro familiaris et gentibus *Casas* dicunt: et ita ex casis juxta positis primae urbes extitere; ex qua antiquitate forsani Galli ab ea *mansione* familiam dicunt *Maison*, et urbem *Villam* appellant.

Primum Dei beneficium aqua perennis.

Luci unde?

Cur sacri?

Pagi unde?

Unde Casas?

Ab ea primas sedes relegendi cura, non a religando diximus Libro priori (2) dictam esse *religionem*: quibus nunc addimus hinc ortum, ut unis Sacerdotibus *legere sacra* permissum sit, profanis nefas, ideoque *sacrilegium* rei sacrae furtum appellari. Et hanc primam omnium religionem fuisse, *Actaeonis fabula* dubitanter innuimus: qui *venator*, nam venatores nemora lustrant; ut *Dianam nudam*, seu vivum fontem conspexit, Deae irā in *cervum* timidissimum animal commutatus, et a suis ipsius *canibus*, quae sunt scrupulosorum curae, discerptus est: et confirmat vox *lymphatus*, ob *lympham* conspectam *actus in furem* (*). Hinc *aqua* potissima rerum sacrarum pars; et *aqua lustralis* ab

Religio unde?

Legere sacra.

Prima omnium religio fontium.
Actaeonis mythologia.

Lymphatus unde?

Cur aqua in ceremoniis praecipua?

Aqua lustralis, Lustrum unde?

(1) L. 5. D. de Just. et Jure. (2) Cap. CXLIX.

(a) Ἴλσος vocat Homerus, quem Latini *Lucum*, Plutarcho enarrant in *Vita Romuli*: et apud eundem passim in *Lucis Arae*. An ab hac potissima ipsorum parte *Lustra* dicta: unde *Lustrum* Romanis sacrum, quo urbs purgabatur, et *Lustratio* purgatio ipsa, quae *aqua* et *igni* fiebat, ab iis nempe rebus duabus, a quibus, ut demonstravimus, coepit Humanitas universa.

Lustrum unde, et lustratio?

(*) Vid. Lib. priorem, pag. 82.

Castus qui?

Cur aqua et ignis
in nuptiarum solen-
nibus?

Confarreatio.

Latium unde di-
ctum?

Quae prima civitas.

Primarum gen-
tium monogamia.

Matrimonium.

Conjugium.

Torus unde?

Nuptiae confar-
reatae indissolubi-
les.

Cur sera inter Ro-
manos divortia?

his antiquissimis *lustris* dicta; et *lustrum* appellatum, Cen-
sorium Sacrificium, quo civitas in quinquennium lustraba-
tur; et apud omnes ferme gentes sacrificaturi lavabant:
quae erat Castitas, quam XII Tabb. apud Ciceronem in
parte *juris sacri* jubent: *Deos caste adeunto*; et in specie
casti castaeve, viri vel foeminae, qui quaeve conjugal-
is tori custodiunt fidem. Hinc apud Romanos aqua inter ri-
tus nuptiarum praecipuos, una cum igne; quod iidem ipsi
ignem invenissent, quod Virgilius notat. Heroas Æneae so-
cios *semina flammae e venis silicis excussisse*: et aqua et
igni uxores antiquitus captae; quod est multo verisimilius,
quam, quod hactenus post Plutarchum in *Problem.* puta-
runt, ignis sit vir qui vim seminalem habet, foemina aqua,
quae humorem foetui formando praebet: quibus tandem
accessit *confarreatio* (a), quod Heroës, ut inferius dice-
mus, *far* quoque invenerunt; quae postea a Romanis ser-
vata in matrimoniis Sacerdotum.

I. Ejus vetustatis et haec alia Romani custodiendi vesti-
gia. Ab hoc inobservato Heroïum concubitu, ob quem *lu-
corum latibula* petiere, dictum est *Latium*, quod inde ea
gens primam habuit originem.

II. *Aqua et ignis* pro civitatis communione, quod civi-
tates a matrimoniis incepere.

III. Unis Romanos uxoribus contentos esse, ab hoc ma-
jorum gentium jure est: quod idem de Germanis cum
laude Tacitus narrat.

IV. *Matrimonium* in jure Romano vox est juris natu-
ralis, quod dicatur a *Matre*, quae in illo concubitu vago
una certa erat; *Conjugium* vox est juris gentium, quod
duorum sit *jugum*.

V. Id *jugum* vimen aliquod fuisse, dat conjicere vox *to-
rus*, qui de lecto conjugali dicitur, et funem quoque si-
gnificat: et *torulus* tralx, qui ex arbore incisa nascitur; in
cujus memoriam postea *annulus* successit.

(a) Graecis autem *Hordeum*, quod *Far* apud Romanos in sacris
erat, conferente Dionysio, lib. II; unde utrisque molae salsae
erant, quibus victimas immolabant. At principio Romani Patricii
confarreatione nuptias celebrabant; ex qua inter ipsos erat indisso-
lubile matrimonium, quod postea solis Sacerdotibus mansit; inter
quos *diffarreatio* non erat permissa, quae inter ceteros Patricios
postea licuit (Tiraquel. III. ad LL. *Connubial.*; Alex. ab Alex. *Dier.
Genial.* lib. II, cap. V). Argumentum, primos patres sacerdotes
omnes fuisse, et cepisse uxores in *omnis vitae consortium*, ut Mo-
destinus in *definitione nuptiarum* eleganter dicebat: atque haec sit
ratio cur inter Romanos sera introducta divortia.

VI. *Juno Jugalis* iisdem Dea conjugiorum, uti Dea ma- Juno Jugalis.
 trimoniorum *Venus*; quia a Latinis gentibus transmarini in Cur Juno Euro-
 plebem recepti sunt: nam Homerus Junonem fingit *pro-* pae, Venus Asiae
tectricem Europae, Venerem Asiae; quia inter Graecos Numen?
 erant regna heroica, sive Optimatum, in quibus erant
 plebibus incommunicata connubia; in Asia regna monar-
 chica, in quibus connubia facta promiscua.

VII. Et *Juno Jugalis*, etiam *Lucina*, quae ederet cer- Juno Lucina.
 tos partus in lucem, *Venus Pronuba*, non *Lucina*, quia
 certos partus non edebat.

VIII. Et *Venus Pronuba*, quod matrimonia naturalia, Venus Pronuba.
 non nuptiae, sed pro nuptiis, et concubinae pro uxoribus
 habebantur.

IX. Ex certa uxorum custodia *domi*, foeminae forsitan Domina unde?
Dominae dictae.

X. Antiqui pudoris vestigium *Flammeum*, quo virgo Cur Flammeum in
 nupta ducebatur ad virum, ex qua solennitate potissimum Nuptiis?
nuptiae dictae (a).

XI. Et jus nubendi *Connubium* appellatum, quod ver- Unde Connubium?
 bum monet, Heroës, qui domi uxores custodirent, jus
 ducendi uxorem habuisse, certi, quod eas ducerent extra
 nefas.

XII. Et hujus juris antiquissimi apud Romanos est, ut Pater et Genitor.
Pater sit vocabulum juris et dignitatis, quod patres certos
 esse docet, qui *semen patefaciant* suum; unde possunt *no-*
mine seu *jure cieri patres* a filiis, qui sunt veri *majorum* Veri majorum gen-
gentium patricii; cum *Genitor* vocabulum sit naturae, *qua* tium Patricii.
sola genitor certus est.

XIII. Indidem ex matrimoniis dicuntur *nati*, quod vo-
 cabulum naturae est; unde ut vocabula antiqua *natus* et
genitor mansere Poëtis: ex conjugiiis autem *fili* a *filis*, quae
 postea stemmata dicta sunt; quod vocabulum est juris
 gentium antiquioris.

XIV. Nam, clientelis deinde constitutis, *pater* dictus est, Genitor antiquius
 quasi Deus: et *fili* appellati *liberi*; quae appellatio postea quam pater.
 facta est juris civilis, a quo majorum gentium clientelae Filii antiquius
 receptae sunt: et sic *liberi* dicti, ut distinguerentur a *ne-* quam liberi (*)
xis, cum ex utrisque patris *familia* constaret.

XV. Et *liberi ingenui* quoque appellati; quasi *inde ge-* Ingenuus unde?
niti, ut *indigenâ*, qui ex illo, vel illo loco genitus, na-
 tus est.

(a) Quo more etiam Orientales usos, atque adeo jus gentium
 esse, docet Rebecca histor. Genes. cap. XXIV.

(*) V. infra § de successione ab intestato, etc. principio.

Unde liber et ingenuus pro nobili?

Et pro pulchro?

XVI. Et hinc liber et ingenuus pro nobili genere orto dictus mansit.

XVII. Et ingenuus ac liberalis pro eo, quod Itali satis ex hac ipsa origine momentose vertunt, *Gentile*, qui gentem haberet: quod liberi curaturâ liberales fierent; cum nati ex incerto concubitu, ex foedo illo matrum victu, foedi turpesque adolescerent (a).

(a)

De Natura Heroica.

Cur auspicia Patrum publica?

Connubia heroica primum inter Heroës ejusdem gentis, deinde inter Heroës ejusdem civitatis;

Postremo inter cives diversi ordinis. Mores heroici Carthagine antequam Romae corrupti;

Inter Asianos jamdiu corrupti;

Quin et inter ipsos Graecos Homeri tempore.

Ab Jovis auspiciis, quibus primi gentium conditores una cum foemina sibi quisque auspicato capta concesserunt in lucos, deinde Heroës tradito more nuptias celebrarunt auspiciis majoribus, de quibus Cap. seq. dictum est, nempe auspiciis majorum gentium, ut fulmine, tonitru, volatu aquilae; quae fundatis postea civitatibus in auspicia publica abiere, ac proinde quae utrique conjugum essent communia. Hinc primae Heroëm nuptiae inter fratres et sorores fuere; quas Homerus memorat in *Æoli Regia*, in qua sex *Æoli filii* et sex filiae matrimonio junctae narrantur. Deinde fuere inter eos ejusdem ordinis heroici cives; ut *Achilles*, heroëm Graecorum maximus Legatis ab Agamemnone missis, qui illius unam ex tribus, quam maxime velit, filiam nuptum cum regia dote pollicentur, respondet: *Sibi Peleum patrem domi inter filias Optimum, qui urbes defendunt, unam aliquam inventurum, seque una uxore et justa et convenienti delectari*. Ex quo loco haec concluduntur: I. Nuptias heroicas fuisse inter cives; II. Unam fuisse heroibus uxorem justam; III. Optimales cum Optimatibus habuisse connubium; ac proinde connubium heroëm esse hominibus seu plebibus incommunicatum, uti incommunicatum plebi trecentos et plus eo ab U. C. annos Romani Patres custodiere. At vero custodiendi aeternum saltem inter cives connubium; ut cum inter Carthaginenses is mos heroicus, qui per Poëtam fingitur ipsis traditus a *Didone*, quae *Nomadum Regum erat connubia dedignata*, qui licet Reges, exteri tamen erant, jamdiu corruptus esset; nam *Sophonisbe Masinissae Numidarum Regi Carthaginensis excidii tempore sponsa narratur*, multis post annis *Cornelia, Gracchorum mater Ptolomaei* nuptias respuit. Quin, corruptissimâ jam Republica, *M. Antonius, Cleopatrad uxore contra patrium morem ductâ*, pessime ab Romanis audiit; sive adeo *Titus* jam legum et rerum Romanarum dominus *Berenycem* uxorem ducere veritus est: itaque inter nuptiarum solemnitates, quae a legibus Romanis jubentur, illa praecipua, ut eas *Cives Romani* contrahant. Inter *Asianos* autem hunc ipsum heroicum morem multo ante resolutum testatur Homerus, quum narrat, *Priamum ex Laiohoë, uxore alia Lycaonem et Polydorum suscepisse aequo cum ex Hecuba natis jure*: quam justam uxorem faciunt Interpretes eo, quod *Alte Lelegum Regis filia*, allata dote ad *Priamum* ducta est: et *Otryoneum*, externum venisse militatum ad Trojam, sub conditione *Cassandrae* sibi a *Priamo* uxoris dandae; et *Paridem Helenam* justam domi habuisse uxorem. Sed et inter ipsos Graecos eundem heroicum morem jamdiu corruptum satis aperte docent *Nothi*, apud Homerum eadem

De Patria Potestate.

Ita auspiciis religio est insinuata conjugii; videamus modo, ut *patria potestas* religione fundata est.

Patria potestas religione fundata.

curâ educati, qua liberi, ut *Phaedrus Antenoris, Iliad. V*; et ex parte aliquâ participes paternae hereditatis, *Odyss. XIV*. At hercule apud *Lacedaemonios*, quorum mores uno ore *Philologi* antiquae Graeciae maxime conformes agnoscunt, *Megapenthes* et *Nicostratus* a Regno *Spartae*, quod pater possederat *Menelaus*, quia non ex justis nuptiis suscepti, ab *Oreste* exclusi sunt, ut tradit *Pausanias Corinthiacis*: quod Regnum procul dubio Poëtarum sive Optimatum fuit; cui in his Libris et Notis Romanum summe conforme esse demonstravimus.

Sparta moris heroici maxima cultrix.

His Jovis auspiciis, quibus Heroës nuptias celebrabant, *natura heroica* continebatur: nam qui ex iis nuptiis nati erant, rati se, ex Jovis mente, seu voluntate genitos, quae per auspicia in suorum parentum nuptiis significata erat; et putantes, omnia, etiam quae homines facerent, patrare Deos, ut hoc Capite et sup. diximus quoque, citra omnem mendacii animum, hac poëtica phrasi breviter sic enarrabant, se *Jovis filios* esse: quae falsa persuasio postea locum fecit, *definiendi Heroës*, qui ex divina et humana natura coaluissent, ut medii inter Deos et homines essent. Quae falsa heroicae naturae persuasio *Romanos Patres* pervasit, qui plebi ipsorum connubia tentanti dicunt, *Auspicia esse sua*; quibus plebei respondent, *Patres*, ex quibus *Romulus Senatum* legerat, et *Patricii* descenderent, non *fuisse de Caelo demissos*; quae plebis responsio haut sane congrueret, nisi eo dicto, quod *auspicia essent sua*, *Patres Romani* se heroës esse, quales definiunt *Philologi*, significarent. Ex hac heroica natura jus omne heroicum effluebat, ut apud *Heroës* essent una res *Sapientia, Sacerdotium* et *Regnum*: quod par esset, ex *Diis* genitos *Deorum mentem* interpretari; naturâ *Diis* proximos *Diis* sacra facere; naturâ hominibus praestantiores habere regnum in homines: ut *Patres Romani* plebi primum *Connubia*, deinde *Imperia*, tandem *Sacerdotia* tentanti hoc unum semper objiciant, *esse Auspicia sua*; quod plebs hac una item re confutat, *Patrum Majores non esse de Caelo demissos*.

Natura heroica quae putata.

Ut Heroës Jovis filii?

Patricii, Romani Heroës.

Ex natura heroica jus, et heroica dignitas.

De hac natura, hoc jure, hac dignitate *Heroëm* prima *Poësis primâ lingvâ*, nempe *falso divinâ*, sive falso divinis fabulis ferme tota concepta est: quod errori locum fecit putandi, *primos Poëtas fuisse Theologos*, et suis divinis fabulis *humanitatem fundasse*; hoc est primas omnium *Fabulas*, nempe *falso Divinas* narrare *facta heroëm*, qui primi jure suo *heroico*, quod auspicio *divinitate* totum constabat, *fundarunt humanitatem*, ut in his Libris et Notis satis abunde enarravimus. Unde perpetua illa *Heroëm* et *Regum* *Homeri*corum adjuncta, ab *Jove* geniti, ab *Jove* nutriti: et in praecipuis fabulis, *Juno Jovis soror*, et *conjug*; quia prima *Heroëm* connubia inter fratres, sororesque celebrata; et *Jupiter Rex, Juno Regina*, et *regnorum uterque Dator*; quia nuptiis auspiciato initis *Regna heroica fundata*: et *Juno zelopyta*; quia custos connubiorum

Brevis enarratio poëticae Theologiae universalis.

Jovis et Junonis mythologia.

Primi ordines parentes et liberi.

Paterfamilias sacrorum Princeps.

Priores foci quam arae.

Lares Divi parentum.

Sub antiquissimo hoc *Dei regimine* sacrificia maxime celebrari necesse fuit; et sacra a dignioribus fieri oportuit. Naturali ordine in eo statu nemo parentes anteibat; cum hic solus esset *duplex hominum ordo*, *parentum* et *liberorum*. Hinc paterna Imperia religione fundata sunt, quae *paterfamilias* erant *Sacrorum Principes*: et *sacra* erant *privata* omnia; eaque fiebant *Diis Laribus*, quibus patres familiarum sacrificabant ad *Focos*: et priores fuere *Foci*, deinde *Aræ*, seu *sacra publica*, quae post clientelas et ex clientelis sunt nata, ut inferius dicemus. Inde *Lares* dicuntur *divi Parentum* in Cap. legis XII Tabb. de *Parricidio*, ex lectione Jacobi Raevardi. A qua origine fluxere apud Ciceronem in illa sua legis XII Tabb. imitatione, duo concepta capita: alterum, *Ritus familiares, patrumque servanto*; alterum, *Sacra privata perpetua manento*. Hinc in pri-

Junonis in aëre suspensae mythologia.

inter heroës: *eademque sterilis*; ob heroicum morem postea gentibus traditum universis, ut *foeminae genus non conderent*: et *Juno aerumnis probabat Herculem* in heroicae naturae experimentum. Qui characteres sensim harum originum ignorance sunt obscurati: et *Jupiter* et *Juno incesti*; *Juno Jovi infensa ob ejus adulteria*; et *infesta Herculi*, quia ab *Jove ex adulterio nato*; et *Jovem inter a* *Junonem in aëre catenam ob collum suspendit*; *manus argenteo fune ligavit*, ad *pedes duas graves incudines appendit*. Quae fabula ipsa nuptiarum heroicarum historiam continet: *catena* nempe illa qua *Jupiter caelum terrasque complectitur*, et in ejus contentione *Jupiter* est cunctis *Diis* potior, quam *Homerus* describit, et nos alibi hoc Libro sumus interpretati; *vim auspiorum*, quae homines *Diis* constrinxit, et hominum *Deorumque* continet regna, et sine qua non essent *Dii ipsi*: *in aëre Junonis suspendium*; nam de caelo, de aëre observabantur auspicia; *funis argenteus*, quo *Junoni* colligatae manus, sunt junctae torulis dexteræ; qua forsitan solennitate *Heroës* in fidei signum utebantur; cui postea successit *annulus*: postremo *incudines*, *constantiae symbolum*, pedibus *Junonis* suspensae significant conjugii firmitudinem; quod *Virgilius conjugium stabile*, *vulgus Latinorum nuptias firmas, firmos viros, firmas uxores* dixere. Ut autem a Poësi falso divina ad Poësim heroicam *Homerica antiquiorem* super hac re transeamus. Cum auspiciis tota dignitas heroica contineretur, et auspicia nuptiis solennibus inter *Heroës* cives custodirentur; non mirum si *Theseus* et *Jason* post tot ac tanta ab *Ariadne* et *Medea* accepta beneficia, eas inclementissime deserant: quod *Virgilius* in *Aenea* et *Didone* postea imitatus est: namque hic *Heroïum communis sensus* hanc virtutem heroicam reputabat, quovis externarum foeminarum vel merito, vel forma, vel amore, heroicum ordinem corrumpi non oportere; qui, his ignoratis, non *Heroës*, sed *latrones inhumanissimi* hactenus visi sunt.

Thesci, Jasonis et Aeneae mythologia.

sco Romano jure Patriciorum propria erant Auspicia; qui *Augures majores*, seu majorum gentium dicebantur; ut *Plebei* patres, *Augures minores*; et illi publica auguria; deinde hi tantum habuere privata, ut latius infra firmabimus. Atque adeo *paterfamilias* erat suae familiae *Augur*, seu sapiens *Sacerdos*, et inde *Princeps*; unde mansit in jure Romano et apud Latinos Scriptores illa locutio, *sacra paterna*, pro patria potestate.

Auspicia propria Patriciorum.

Qui *Augures majores*, qui *minores*?

Paterfamilias suae familiae sacerdos, *Augur*, *Princeps*. *Sacra Paterna*.

Patriae autem potestatis vires in duabus rebus spectantur, in corporibus filiorum, eorumque acquisitionibus; at utroque capite primos patres potestatem in filios habuisse infinitam, et ratio ex Philosophis, et testimonia ex Legibus XII Tabularum fragmentis satis graviter confirmant.

Patria potestas orta infinita.

Aristotiles in *Ethicis* ex naturali ratione docet filios esse partes parentum, uti fructus pars plantae est: unde priscis Latinis filius vulgo *patris particeps* dictus, ut Libro priori diximus; ita ut filius sit ferme *res sua patris*. Unde conficitur, jus *Suitatis* ex jure gentium in jus Romanum esse derivatum, cap. illo Legis XII Tabularum de Testamentis, *Uti Paterfamilias super pecunia tutelave rei suae legassit*; ut filiifamilias, quemadmodum servi postea, appellatione rerum venirent.

Filius *particeps* patris dictus. Et *res patris*. *Suitatis* origo. Filii principio nomine rerum.

Ob haec omnia parentes in filios tanquam res suas *jus vitae et necis* apud omnes ferme gentes habuere; ut ab Atheniensibus, gente omnium humanissimâ, Comoediarum sumpta argumenta, filiae jussu patrum ejectae, ab aliis forte educatae, deinde agnitae. Romulus in filiam vel agnitam patri jus vitae et necis permisit, ut Papinianus apud Paria-torem *Legis Mosaicae* memorat. Immo Lex XII Tabularum monstrosos exponi jubet; et promiscue patribus in filios ex justis nuptiis quaesitos jus vitae necisque tribuit (a): quae omnia ab hoc majorum gentium jure accepisse ratio suadet. Nam et Spartani, si filii habitudine corporis tum ad formam, tum ad vires nati non essent, ad montem Taygetum exponebant, seu morti dabant: et vel agnitos filios pueros ad aram Dianae Tauricae flagellis usque ad necem multabant, ut obducerent callum dolori; qui ad mortem usque aemulatione gloriae verbera sustinebant. At vero agnitos pueros Athenienses illa sua humanitate non ultra, quam abdicabant. Romani, si quid dignum morte admit-

Jus vitae et necis in filios de jure gentium.

Abdicatio Atheniensium filiorum.

(a) In liberos: et ideo tribuit, quia ex justis nuptiis natos, constat esse partes parentum; cum justae nuptiae, ut legibus Romanis phrasi utar, certum patrem demonstrent.

Cur jus vitae et necis in liberos seu filios justos?

Aristotelis aetate
Graecis Italiae mores
ignoti.

Hebraei a gentibus
jure diversi.

Filii animata in-
strumenta Parentum

Patria potestas mo-
narchiae rudimen-
tum.

Filii pecunia patris.

Pecunaria rustica
prior (**).

Ut potestas patria
proprie paternum
imperium?

Paterna majestas.

terent, quod ipsi patres, aequissimi iudices, judicabant, in eos jus necis exercebant. Quapropter apud Dionysium Halicarnassensem (a), Horatii pater ait, suum jus esse de filio Horatiae sororis parricida *domesticum judicium*, quod *publicum* primum omnium de capite civis populus Romanus vidit; teste Cicerone, quod satis probat in iis Romae incunabulis id jus a gentibus accepisse. Ceterum quod id jus apud Persas, ut tyrannicum Aristoteles notat, id dixit pro moribus suae gentis jam humanitate excultissimae: sed ex hoc ejus dicto liquet, id temporis nihil de jure gentium Italarum ad Graecos pervenisse. Quo autem ritu et more sontium filiorum poenae a parentibus sumerentur, paullo inferius, ubi de *poenis*, narrabimus. Id vero heic notasse juvat, hac in re Hebraeos ab ultima usque antiquitate a gentibus distinctos esse; ut Historia Abrahami Isaacum sacrificaturi testatur (*); quod Deus sit Dominus insontium hominum vitae, per ea quae Metaphysici docent, Deum perenni creatione homines conservare. Qua in re *Divina Providentia* summe admiranda, ut sub hoc severissimo Patrum Imperio, homines exleges, in summa ferocia et libertate, ad parendum legum imperio mansuefierent, qui alio sane pacto non poterant.

Altera patriae potestatis vis spectatur in acquisitionibus filiorum. De qua si filii sunt *res sua* patri, consequitur necessario illud, quod idem Aristotiles eleganter ait, *filios esse animata instrumenta parentum*: instrumenta autem non sibi, sed artifici faciunt opus. Hinc *potestas patria* in illo parentum principatu fuit *Regni Monarchici rudimentum*; in quo quicquid cives quaerunt, Monarchae quaerunt; et ob hanc rationem monarchica reipublicae forma est, majorum gentium naturae conveniens (b). Et de hac patriae potestatis in filios parte luculentum perhibet testimonium idem caput Legis XII Tabb. de Testamentis: *Uti Paterfamilias super PECUNIA, tutelave rei suae legassit, ita jus esto*. Inter omnes enim Historicos constat inter primas artium pe-

(a) Et Livius in historia Horatiani Judicii, cujus verba sunt: *Patre proclamante, se filiam jure caesam judicare: ni ita esset, patri jure in filium animadversurum fuisse*; unde in legibus Romanis patria potestas momentose *paternum imperium* dicta mansit.

(b) Unde in Romanis legibus patria potestas graviter *paterna majestas* est appellata.

(*) V. pag. 212.

(**) Apud Orientales.

cuariam fuisse (**); et Sacra Historia confirmat, quae primos fratres pastores tradit (a); et ratio postulat, quia *lac* cibus est a natura dictatus; *far*, seu frumentum, est cibus industriâ quaesitus. Hinc, quod nunc dicimus *patrimonium*, primitus *peculium* dictum est, quod *naturale patrimonium* definitur; et quia naturale est, hodie servorum est, et filiorumfamilias; et quam nunc *hereditatem*, prisci *pecuniam* appellarunt. Hinc principio apud Romanos unum in filiisfamilias omnino, ut hodie in servis peculii genus fuit; quod satis docet, Romanos hoc jus a gentibus majoribus accepisse, ut quicquid filiofamilias acquirerent, patres facerent *suum*.

Prima patrimonialia
pecunia.

Prima hereditas
pecunia.

Principio unum
peculii genus.

De Tutelis.

Diximus in statu exlegi patresfamiliarum Principes summos sub Dei regimine fuisse; et diximus, ipsorum esse corpora, resque filiorum: igitur eorundem *Tutela* erat, qua et corpora et res filiorum tuerentur, quam ut viventes ipsi gerebant, ita defuncti mandarent aliis. Atque ea *prima prolatio* fuit *imperii monastici*, qua homo in solitudine, ut se et sua adversus vim tueatur, si aliter non possit, latronem jure superioris occidit. Hoc imperium monasticum morte hominis finitur, cujus res sine herede nullius fiunt: at imperium paternum morte patris non finitur; cui filii, et cum filiis res supersunt: et res cum ipsis filiis dicuntur *res sua* patris (b).

Origo tutelarum.

Tutela prima in
terris imperii prolatio.

(a) *Abrahamum* et *Lothum* (*Genes.* cap. XIII, vers. 7) quorum prior fuit primus gentis Hebraeae conditor: et *Sacra Historia* antiluviana quanquam narret *Cainum Abelem priorem natum*; tamen *Abelem* prius memorat pastorem, deinde *Cainum agricolam*; et *Cainum* impium in suos, ac proinde in Deum, fundasse civitatem, cui legibus opus erat, ut pastura tuta per agros fieret.

Cur vere pii pastores?

(b) Et ex moribus heroicis illud quoque est antiquum jus Romanorum, ut vel virgines in parentum, vel nuptae virorum, vel viduae iterum parentum, vel, parentibus defunctis, fratrum, aut alius agnati proximi tutelâ essent: de quo jure duo extant pulcherrimi apud Homerum loci in *Odysea*, alter ubi *Proci* per *Antinoum* significant *Telemacho*, ut sinat matrem suo judicio uti, et nubat, cui pater ipsius jusserit: alter, ubi *Minerva* cum *Telemacho* fingit, patrem fratresque jubere, ut *Penelopes Eurimacho* praecipuo *Procorum* nubat.

Jus heroicum,
foeminas in perpetua tutela esse.

(**) Textus habebat *primam artium pecuariam fuisse*; sed ipse Auctor hunc locum emendavit: « nam inter vere pios pecuaria (*ars*) » inter gentes fuit omnium prima rustica (*ars*) » ut posterius ostendit in hoc eodem Capite, § Eosdem in ruris artibus.

De Testamentis.

In testamento paterfamilias princeps est summus.

Libertas testandi ex jure gentium,

Jure Romano moderata.

Atque haec est origo inter majores gentes reperta Testamentorum, quo jure, ut vidimus, et patresfamiliarum fuerunt in statu exlegi primi in terris Principes summi, et habebant filios loco rerum, et eorum tanquam rei suae tutelam vi armatam gerebant; quod imperium monasticum in familiare prolatum diximus; cujus vi imperii, ut familiam conservarent, in ipsos filios sotes capite animadvertere poterant: quod imperium ipsis ex lege naturae sive naturalis auctoritatis delatum disseruimus Libro priori (*). De tot, tantis et tam vetustis rebus testimonium luculentius perhiberi non potest dicto cap. Leg. XII Tabb. de Testamentis: *Uti Paterfamilias super pecunia tutelae rei suae legassit, ita jus esto*; ubi testator in testamento leges condit, ut quicquid in eo legassit, jus sit; et ut Princeps summus legat hereditatem, tanquam rempublicam: unde uti legatus Principem summum, a quo legatur, in republica sibi legata, refert; ita heres refert in hereditate defunctum. Quare non immerito in legibus Romanis testator dicitur *condere Testamentum*, uti Principes summi *condere regna*, *condere leges* Legumlatores: et uti Potestas summa, dicitur testator *honorare legatis*, legando mandare honores: uti Potestas summa irrogat poenas, ut docent *Legata per damnationem*: et uti Potestas denique summa nuda voluntate, hoc est sine traditione rerum suarum transfert in heredes, in legatarios dominium. Atque hoc liberrimo testandi genere patresfamiliarum usos esse Tempore Obscuro necesse est, qui unum mallet, quam alterum, vel unum maxime ex omnibus filiis, nulla spectata sorte nascendi, vellent suam habere hereditatem: quam libertatem integram testatoribus permisere Romani, hoc tantum addito, ut filii sui nominatim, emancipati inter ceteros et heredes fierent.

(*) Pag. 50.

De Successionibus ab intestato, et de Jure majorum gentium, quae maxime propriae dictae sunt.

Sed omnino necessarium est, Tempore Obscuro *Successiones ab intestato* illis ex *testamento* fuisse priores (a). *Stemmata* Libro super. conjiciebamus *fila* aliqua esse, seu *lineas*: eas tandem reperimus fuisse *cipporum*, qui graece *φύλακες* dicuntur, unde *cippi* dicti mansere lapides, qui sepulchri memoriam testantur (b): quare *φυλή*, *tribus* dicta Graecis, et Latinis *filius* appellatur (c). *Stemmata* priscis hominibus indicantur successiones ab intestato, ut indicavere adgnationes et gentilitates. Nam ut ex unis domibus provenire *domestici*, sive *sui* ex unis familiis *adgnati* et *adgnationes*; ex pluribus ab una domo propagatis familiis provenire *gentes*, ex quibus *gentiles* dicti, et *gentilitia* jura: et *gentes* quidem *maiores* maxime proprie ita dictae, nempe stirpes viriles in plures familias divisae, *maiores* appellatae, quo a *gentibus minoribus*, quae in civitates coalluere, et *nationes* sunt nominatae, distinguerentur. Has adgnationes, has gentilitates *Stemmata* Heroës docuere; ita ut jus successionum ab intestato, et jus majorum gentium idem omnino fuerit. Nam qui Clausi, sive Claudii ex. gr. et Pulchri in Attae, sive Appii familia nati, *adgnati* erant ex una familia; iidem propagati, et sub pluribus patribus-familiarum divisi, *gentes*, *Appia* et *Pulchra* factae sunt; et *gentiles* inter se habebantur; ut *Pulchri*, nonnisi deficientibus *Appiis*, ad defuncti *Appii* successionem venirent, et ita *Appii* ad *Pulchri* vicissim. Et sic Lex XII Tabb. post *Adgnatos* ad defuncti successionem *Gentiles* vocat. Ceterum citra hujus juris usum, apud Latinos Scriptores saepe legis

Familiarum et gentium ac proinde successionum ab intestato natura.

Successiones ab intestato et jus majorum gentium idem prorsus.

Familia et Gens una res sunt ad aliud relatae.

(a) De *Testamento heroico* meminit Justinianus, *Inst. de donat.* lib. II: illud vero inanimadversum adhuc, Heroës vigesimo quinto aetatis anno condidisse testamenta, ut *Telemachus*, quem domi puerum *Ulysses* reliquerat, qui postea viginti annos bello, vel errore abfuit; et quo ipso anno redit in patriam, filius mortuum ratus patrem, caussa mortis donat *Peiraeo*: quod donationis genus rudimentum quoddam testamentorum erat. Unde *justa aetas Romanorum vigesimo quinto aetatis anno definita ex hoc jure heroico* est; quamquam in testamentis prius decimo octavo, demum per Justinianum anno decimoquarto contracta.

Donatio caussa mortis, testamentum heroicum.

Justa aetas Romanorum heroica.

(b) Qui mos heroicus est: namque Homerus (*Iliad.* XVIII) super cadaveribus sepultis *cippos* defigi memorat.

Primi cippi sepulchrales.

(c)* Et Italis familiarum sive adeo gentium auctores dicuntur *ceppi* et *pedali* (et passim apud Homerum Heroës *rami Martis* dicuntur).

Unde in Genealogia Cippi et Rami.

*eandem modo dici gentem, modo familiam, ad illud instar, ut in Dialectica quae genera subalterna dicuntur, cum superioribus relata, dicuntur species, quae relata cum inferioribus, genera erant: quae qui ignorat, is neque Eru-
ditus, neque adeo Logicus est.*

Successiones ab
intestato *humanita-*
tem conservant.

Cur Jus sepulturae
in summa gentibus
religione?
Unde *humanitas*?

Cur nuptiae et se-
pulturae ubique gen-
tium sanctissimae ce-
lebratae?

Humanitas latendo
in lucis occipit.

Cur sepulchra re-
ligiosa loca appel-
lata?

Ut gentes majores
religione fundatae?

Jus personarum
unde?

De origine Stem-
maturum Gentilicio-
rum.

Personae et homines.

Tantae utilitatis successiones humanum genus agnovit, quod gentes a matrimonii auspicio initis coeptae, successione potissimum sunt conservatae. Quare post Auspicia secundum religionis locum *Deorum Manium* cultus tenuit. Et jura, quibus sepulturae institutae *leges Deorum* Euripides in *Supplicibus*, Papinius *Mundi foedera*, Philo et Josephus *Jus naturae* appellarunt; et ab ritu humandi *humanitas* primum coepit, proprieque sic appellata. Atque his de caussis apud omnes ferme terrarum gentes permansit, ut in omni vita haec duo summa sanctitate et religione celebrarentur, *nuptiae* et *sepulturae*, quo gentium successiones essent, quam fieri posset certissimae; quibus utrisque respublicae omnes, omnia regna et imperia fundata sunt.

Ut hinc facile intelligatur, cur primae gentes diu in *lucis* latuerint, et *latendo* prima civilis vitae jecerint fundamenta, a quibus *latibulis Latium* dictum probavimus, *propudium* et *inhumanitatem*, sive Venerem in propatulo, et inhumata cadavera potissimas caussas fuisse. Certe hanc cultus partem Romani *κατ' ἔξοχην Religionem* dixere, et *religiosa loca*, ubi mortui inferrentur, quasi hac re conservarentur *Deorum religiones*.

Religio igitur invenit Stemmata, Stemmata docuere certas ac perpetuas majorum successiones; certae ac perpetuae majorum successiones majores gentes fundarunt. Certe Romani in *jure* non *homines*, sed *personas* spectarunt: et *personas capita* dixere, et quenque civem Romanum *tria capita* gerere, *libertatis, civitatis, familiae*; et qui personam non habet, alterius personam, filiumfamilias patris, servum domini induere, ut Jus Romanum videatur *Poëma quoddam dramaticum Romanorum* (1).

Primas Heroïum galeas et Poëtae et Numi et Statuae fuisse testantur de ferarum capitibus detractas exuvias. An huic heroico mori vocabulum *persona* suam debet originem? Certe *persona* juris vocabulum est, ut *homo* vocabulum est naturae. An hinc postea *personae dramatum* dictae? atque haec sit ratio cur quantitas syllabae cum origine, quam ei verbo appingunt, a *personando*, non congruat:

(1) Lib. priori, Cap. CLXXXII.

et unde *obsonare* (a), inde *personare* sit; ut *obsonare* sit *Persona* unde? *Obsonare*; *Personare*.
 parare carnes, quibus vescimur; *personare*, parare *pelles*, quibus induimur; quas ferinas fuisse *Heroës* tam *Homerici*, quam *Virgiliani* nobis satis testantur.

Igitur signa, quibus primi *Heroës* in illa verborum paupertate suas gentes distinxerant, characteres heroicis aliquos fuisse necesse est. *Hercules* sane *leonina pelle* pro tegumento utebatur: id igitur primos *Heroës* certis ferarum exuviis suas distinxisse gentes significat.

(a)* Scripturam *obsonare* auctoritate Codd., in quibus cum b scriptum; et quia casu seu terminatione in o, apud priscos Latinos Auctores scriptum quoque reperitur: unde ex analogia *personare*, significatione, de qua heic agebam, dictum coniciebam. Sed postea, vera utriusque verbi origine vestigata, placuit sequi lectionem cum p, et ut frequentius apud scriptores Latinos cadit, *opsonari*, cui ex analogia *personari* respondeat. Nam sane *opsonari* non aliunde, quam ab *Ops*, quae Dea est potentiae, et inter primas Dearum, ut alibi diximus, originem duxerit, quod *Heroës* principio nonnisi ferarum carnibus vescerentur, quas Deae *Opi* venaturi sacrabant: uti deinde vescebantur carnibus pecudum, quas ante aliis Diis immolassent (quod primae aetatis innocentiae perbelle convenit; qua *πίστιν, καὶ ἱπδοῖν* dicti qui primi victimas Diis mactarunt, quasi magnum aliquid patrassent, teste Plutarcho): et inde a victimarum *visceribus vescor*, quasi *viscor* sit appellatum, ac primum de carnibus proprie dictum sit; unde *visceratio* Romanis mansit, distributio sacrorum viscerum in populum a Sacerdotibus facta. Hinc primae forsani Latinis *opimae mensae* fuerunt, quasi *mensae Opi sacratae*; et prima forsani *opima spolia*, *sacratae Opi* quoque *ferarum exuviae*: deinde *mensae opimae* dictae mansere *Regum*, et *opima spolia* caesis Regibus per Romanos duces bello detracta. Hinc mos ille diu mansit Heroibus tantum carnibus vesci, ut apud Homerum semper: cujus *Heroës* carnes ipsi secant, verubus figunt, super prunis assant: quia id ea dignitate facere videbantur, qua Sacerdotes victimas mactant, igne adolescunt, assa viscera distribuunt. Quare Agamemnon in duobus foederibus feriundis suo ipsius cultro, in altero agnam, in altero suem caedit; quia qui Reges, iidem Sacerdotes erant. Plurimum igitur heroicæ dignitatis illae narrationes Homericæ habent, quas hactenus indecoras putarunt, quod in coena, quam Achilles dat Agamemnonis ad se Legatis, ipse *diptychas* facit, seu carnes bifariam dividit, Automedon secanti tenet, Patroclus accendit ignem, assat carnes, panes in canistris dispensat, apponit pocula; Achilles vero assa viscera Legatis distribuit: cujus simile narrat in coena, quam idem Achilles dat Priamo: quod graviter confirmant Athenaeus, lib. V; ubi tradit *primam conviviorum caussam* fuisse *religionem*; ex qua nempe *primulum hostiae mactatae* sunt: et Homerus ipse, apud quem, quod et Feithius observavit, nullum fere narratur convivium, in quo non Diis sacra fiant.

Opsonari unde dictum.

Primae aetatis innocentia.

Unde vescor? Romanis visceratio heroica.

Quae primae opimae mensae?

Quae prima opima spolia?

Heroica dignitas in Homero, ubi hactenus indecori notatus.

Convivia orta ex caussa religionis.

Ut e Germania in
reliquam Europam
stemmata proveniret?

Germani diligen-
tissimi gentium sua-
rum custodes.

Stemmata sunt
characteres heroici.

Quae scuta picta,
quae pura?

Onerare armis scu-
ta, heroicis mos est.

Latinorum in fa-
miliis, ac gentibus
distinguendis felici-
tas.

Patronymicorum
usus heroicus.

Germani autem gens, quae externi moris et imperii ignara purissimas primas et linguae et vitae origines conservarunt, *Stemmata gentilitia* primi omnium excogitasse, et per Europam distulisse constat. Sed quod ea in ludis equestribus, quod vulgo *Tornaca* dicunt, ut foeminas, quas amarent, eo virtutis spectaculo sibi delicerent, earumque amorem virtutis ergo demerentur; id mihi verisimile non fit, ut gens tunc prorsus barbara, has amorum delicias intelligeret, quas vix nunc humanissimae usurpant. Procul dubio Germani suas gentes ab ultimis pene originibus diligentissime custodisse dicuntur, ut sint, qui scribant, *Anathinam gentem* ab Arminio usque suam perpetua serie majorum successionem describat: et constat item, Germanos nomina gentium non habere; unde a ditionibus, quibus dominantur, sunt appellatae. Quid si *Stemmata Germanorum* esse *heroica* dicamus? atque id sit quod de Germanis narrat *Romana Historia*, eorum principes in versicoloribus vestibus, cum versicoloribus armis pugnare, et ita cum voluptate populi Romani spectantis in triumphum esse traductos? Et heroium *scuta picta*, inertium et tyronum *pura* docet Virgilius (1), qui ignavis *parmam albam* tradit: quae est ipsissima *lex Araldica Germanorum*, quae, obscuro loco natis, pueros scutorum campos attribuit, ut illustri loco natis *Scuta armis onerata* (a), quae dicunt. Hinc stemmata quamplurima nobilissima solos colores et metalla varie configurata exhibent; alia exhibent belli praemia, quod etiam ex heroicis temporibus est; ex quibus notat Servius, milites in scutis virtutis praemia gestasse: et exuviis, quas victis detraxerant, scuta onerare morem heroicum fuisse, testatur *Aegis*, sive *Minervae scutum*, cui *Medusae caput* affixum. Minervam autem characterem heroicum Optimum esse, et Libro priore innumus, et infra latius explicabimus.

Latini gentes nominibus proprie dictis, familias cognominibus praeter ceteras Orbis terrarum gentes felicissime distinxere. Et Leg. XII Tabb. hereditatem primum *Suis*, deinde *Adgnatis*, tandem *Gentilibus* redire disertissimis verbis cautum. Graecis vero Tempore Obscuro gentes *Patronymicis* conservatas esse argumento est, quod *Patronymica*

(1) VII, v. 196.

Mos scuta armis
onerandi heroicus.

(a) Qui heroicis mos mansit Graecis, quanquam in ingeniorum elegantiam demutatus, ut notatus Alcibiades, teste Plutarcho, quod clypeum gestaret, in quo *Amor tenens fulmen* insculptus.

postea mansere Poëis. Apud Hebraeos autem ea res diligenter custodita, non gentium moribus, sed *Lege Agraria* sapientissime concepta, ut quoquo recurrente *Jubilaei anno* agri ad priores dominos redirent, et omni pignoris aliove jure exolverentur. Quare nedum familiarum, sed gentium successiones tam diligenter inter ipsos servatae, ut ob id ipsum connubia inter mares et foeminas ejusdem gentis, sive ejusdem Tribus agitentur; ut apud eos *Tribulis* ac *Gentilis* unum idemque esset (a).

Hebraei hac in re omnibus gentibus praestabant.

De Rerum dominio, ejusque acquirendi modis.

Quod rerum soli dominium ante agrorum divisionem Hugo Grotius aegre definit, et exemplo locorum Theatri potius illustrat, est ipsum dominium, quod *bonitarium* dicunt antiqui Interpretes Juris: idque primum fuit dominium cum homine in terris natum, quo quis tandiu dominus fundi haberetur, quandiu corporali ei adhaereret possessione; qua si forte excideret, nullum ei jus erat recipiendi; quale dominium etiamnum Scythae in suis agris exercent. Unde Romani postea ex naturali traditione hoc domini genus accipientibus ex hoc jure naturali permiscere; uti et idem suorum fundorum permiscere provinciis, jure optimo eorundem, seu victoriae jure mulctatis. Namque Optimi seu Fortissimi ex illa lege, quam Brennus dicebat primam in terris natam, nempe *legem violentiae*, quam nos priori Libro (*) supplevimus, a *natura meliori* dictatam, et *juris monastici*, et hinc *juris universi* asseruimus *fontem*, fundavere *Jus Optimum* alterutro, sive utroque horum *modorum*, qui in statu exlegi memorari possunt omnino duo, *usu* nimirum, et *manu*: et quidem tum illo, tum hac corporali et vi quoque corporis conservabant: a quo tempore

Primum in terris dominium.

Cur traditione naturale dominium acquiritur?

Unde dominium bonitarium per provincias Romanas?

Fons juris universi.

Juris Optimi acquirendi modi duo:

Usus et manus.

(a)* Igitur ferarum exuviae, *primae personae*, quas induebant heroës, fuere characteres poetici, quibus heroës nomina familiarum vel gentium significabant; per quae nomina majorum successiones ad minores redibant: et ab *his personis* *Jus personarum* primum extitit; quas personas dicuntur heredes sustinere defunctorum, quorum acquisiverunt *hereditates*, quas heroëm diximus alibi *le prime Signorie*: unde etiamnum Foeciales regiis insignibus, quae appellant *Blasone*, sustinent *Regnorum Personam*, quam definire possis *Majestatem*. Hinc *Jus personarum*, heroëm proprium diu plebibus incommunicatum, ut infra, ubi de leg. XII Tabb. late est dissertatum; et *jura* ab hac origine Romanis nomina dicta mansere.

Primae juris personae, primum *Jus personarum*.

Majestas, Persona Reipublicae.

(*) Cap. XCV.

Capio quid?

Usucapio ex jure gentium.

Haereditas et *haereditas* unde?

Prima *usucapio* fuit rerum suarum.

Usucapio nota Graecis.

Ignorata Hebraeis.

Usucapio Regna et Imperia firmata.

Mancipium unde?

capio pro acquisitione domini; *usus* pro possessione ad Romanos provenire; ut priori Libro (*) ex cap. Legis XII Tabb. de *Usucapione* probavimus, quae ab his gentium temporibus exordium sumpserat; quum Optimi quae jam sua erant jure naturali, seu bonitario, longa adhaesione corporis sua fecere jure optimo, seu jure gentium; a quo *haerendi* actu fortasse *haeri* dicti, et inde *haereditates* appellatae. Quae sic narramus, confirmant Romani illa sua *Usucapionis* definitione, qua est *usucapio antiqua domini adjectio*, non ut *transformata* est *adeptio* ex diuturna temporis possessione. Unde nil mirum diximus, si id priori Libro (**) diximus, in statu exlegi homines *usucepisse* res suas, quod nunc distinctis dominiis *usucapiamus* alienas. *Usucapio* nota Graecis fuit, et tam juri naturali commoda, ut eam Plato in suam Rempublicam importarit. At Hebraei eam *lege Agraria* e sua republica eliminaverunt, qua quoque *Jubilaei* anno recurrente agri ad pristinos dominos rediebant. Sed *minores gentes* hoc *usucapionis* jure *Regna* potissimum et *Imperia* tuentur: de quibus cum juris controversiae inter summas Potestates, et quia summas, inter exleges nascentur, id ipsum *usucapionem* in statu exlegi natam esse demonstrat. *Manus* autem postea pro potestate juris accepta est; et *mancipium*, sive *mancupium*, sive *res mancipi* translata ad res, quarum dominium *Jure Quiritium*, quod erat *Jus Optimum Romanorum*, acquireretur: et *mancipatione* ab hoc tempore heroico nedom *profana*, sed *sacra* omnia peracta: unde illa sunt, Pontifices in consecrandis templis *manu tenere postes*, *Flamines capti*, *captae Vestales*, pro consecrati, consecrataeve.

De Pollicitationibus et Votis.

Per *Jovem Lapidem*. In eo divino status naturae regimine praecipua fuit jurisjurandi religio (a). Latini autem *Jovem Lapidem* jura-

Juramentum prisca pro Deo habitum.

Jusjurandum unde dictum?

(a) Quae tanta apud primos homines fuit, ut Homerus juramento quandoque, tanquam machina, utatur, qui indissolubiles naturae ficularum nodos dissolvat; ut, quum Circes jurat Ulyssi, se eum in porcum haut esse commutaturam: ita ut ubi *jusjurandum* interponeretur, ibi *Jovem* adesse crederent: cujus religionis bellissimum vestigium servavit Romanis ipsa vox *jusjurandum*, ea vi, qua *jus* neutro genere successit pronomini *hoc*, de quo alibi nobis Poeta:

Aspice hoc sublime candens, quem omnes invocant *Jovem*; unde postea factum *Jous Jovis*, Jupiter; et *Jous Jouris*, *jus ipsum*.

(*) Cap. XCVI, C.

(**) Cap. C.

mentorū praesidem habuere; per quem ita Gellius *sanctissimum*, ut *vetustissimum* Apulejus iuramentum dixere: quem accipio ita, ut *Jovi fulguri* dicit Vitruvius, nempe *Jovi Fulguri*. illum, a quo primum extitere religiones, ut supra diximus de *Gigantibus*; vulgo vero *Herculem* praecipue, praeterea *Castorem*, *Pollucem* et *Fidem* Iuramentorum adhibebant Deos, ut ex *Legibus* Ciceronis, et ex vulgatis iurandi formulis latinis, *Hercule*, *Mehercule*, *Mecastor*, *Edepol*, *Mediusfidius*, facile confirmaveris. Et omnem promissionem iuramento firmasse, argumento est *Pollicitatio*, quam juris naturalis origine Romanae leges agnoscunt; et *naturalis promissio* definitur, a *pol* dicta, et *liceri*: quod 'per *Pollucem* viri, per *Castorem* foeminae iurarent; quod discrimen Grammatici notant: quod dat conjiciendum primas foeminas ut priscae Romanae in perpetua tutela nihil promittere potuisse. *Liceri* autem significat nunc quidem offerre precium in auctione; quasi *pollicitari* esset per *Pollucem* offerre aliquid dandum vel faciendum. Hinc apud Romanos permansit hoc vetustissimum, *perjuria ultores habere Deos*, et *Deos damnare voti*; unde *voti rei*, *voti damnati* ii dicebantur, quibus ex concepto voto res succedere: qua locutione Virgilius utitur ad Augustum, significans eum in Deorum numerum relatum iri,

Latini iuramentorum Dii.

Pollicitatio unde?

Primae foeminae semper in potestate.

Dii iuramentorum ut votorum iudices.

. Damnabis tu quoque votis.

Et in illa ruditate sine ulla *αιχμη*, quae ab ingenii acumine efflorescit, homines verba proloqui et accipere, rationi conveniens est (a): unde a Graeca Historia Heroica narratur miserum illud *Agamemnonis votum*, quod ut solveret, uti linguā nuncuparat, suam ipsius filiam Iphigeniam immolavit: unde mansit in crudos homines dictum, *Agamemnonis hostiae*: quod a sacra Jephthis historia Grammatici Homerum sumpsisse falso putant; quando demonstravimus, Deum Opt. Max. Isaaci exemplo Hebraeos docuisse, se humanis hostiis non delectari; et hunc corruptae gentium naturae morem fuisse docet lex. XII Tabb. cap. de *Mancipatione* et *nexus traditione*, illa formula, *Uti*

Jus strictum est rudium ingeniorum.

(a) Uti cotidie observamus, homines paullo rudiores, si quid iis mandaveris, et, ut ipsis dictum sit, explicare non possint, id sane neque per aliam aequae, neque adeo majoris utilitatis rationem gerere, seque excusare, quod illa alia ratio ipsis diserte mandata non sit: qui mos heroicae ruditis apud Homerum inter Deos, nedum inter homines observatur; qui sibi ab aliis mandatas orationes iisdem omnino verbis conceptas, ac ne virgulā quidem mutatas perferunt aliis.

Inter rudes jus strictum.

Homericæ ætatis ruditas.

Nuncupare tum
vota, tum pacta quid?

Nuncupatio ex ju-
re gentium.

lingua nuncupassit: etenim *nuncupare* est verbis maxime certis loqui; unde etiamnum *vota nuncupata*, *vota* certis et solemnibus formulis concepta dicuntur; et falsa gentium persuasio fuit, Deos ea immania acceptare vota, neque cum Diis ipsis prodesse illud, *Juravi linguâ, mentem injuratam habeo* (a): quod Poëtae poenitendo Thesei voto confirmant, quod Neptunus exaudiens, insontem Hippolytum occidit.

De Stipulationibus.

Exfestucare quid?
Quid Infestucare?

Unde Investire
feuda?
Stipulari unde?

Grammaticorum
ineptiae.

Ita promissa ultro religione Deorum stabant; promissa vero rogata et deliberata primas gentes aliqua ruris metaphora, ut in illa ruditate, significasse necesse est; eadem ferme ratione, qua barbari in *re feudali* dixere *exfestucare*, exuere aliquem dignitate; cujus necessario contrarium fuerit infestucare *investire*; unde fortasse postea provenire dictae *Investiturae Feudorum*. Ita ut *stipulari* fuerit *vestire stipulâ*, *festucâ*: unde conjicio postea *pacta nuda* ab Jurisconsultis dicta esse, quae stipulatione firmata non sunt; ad quod exemplum antiqui Interpretes postremo *pacta vestita* dixere contraria. Neque enim puto stipulationem natam inter Romanos, uti certo scimus a Romanis propriam custodiâ factam esse. Cum non sit verisimile, conditâ Româ in media gente jam innumeris urbibus celebri, hoc juris vocabulum ad id contractus genus significandum omnium rusticissimum invenisse; neque ratio affulget, cur id potissimum invenissent: nam quod veteres *stipulum firmum* dixerint, dandum Grammaticis est; sed quod a *stipula* dixerint, id vero iis, ut plane absurdum pernegandum, cum nihil sit *stipulâ* infirmius: a *συφῶν*, *firmo*, est forte *stipes* non *stipula*, *stipari* non *stipulari*: aliae origines, quas memorant, plane ineptae, ut pudeat memorare. Et haec in

Juramenta ex jure
stricto inter ipsos
Deos accepta.

(a) Quin Dii ipsi apud Homerum hac verborum religione vel jurati, vel juratos Deos alios accipiunt, ut *Juno per Sygem*; per quam nonquam pejerasse dicit, *Jovi* ait, *Neptunum nullo ipsius consilio inferre damna Trojanis*: nam re ipsa consilium Neptuno dederat Somnus a Junone ad ipsum missus, qui, Jove sopori dato, id Neptuno suaserat: et alibi, cum Jupiter dixisset, ex se oriturum, qui omnibus finitimis imperaret, intelligens Herculem, *Juno a Jove jusjurandum* exigit, sic futurum: et quia eadem *Lucina*, ex *Stheneli* uxore *Eurysteam septimestrem* edit in lucem; sub cujus imperio Hercules Junoni invisus multas aerumnas pertulit: ex quibus locis conficitur, cum foedera inter gentes juramentis firmentur, primarum jus naturale gentium strictum fuisse, ut in *Historia Temporis Obscuri* firmavimus.

Jus gentium pri-
marum strictum.

pollicitationibus, votis, stipulationibus scrupolositas summa verborum simplicitatem primorum hominum decuit; ut innumera in *Historiis* exempla docent, quibus barbarae et rudes gentes istis verborum apicibus et exegere et solvere fidem. Hinc stipulatio Romanis stricti juris permansit: hinc primae leges *carmina* dicta; quod ut postea carmina certis numeris, ita prius leges certis verbis conceptae, conclusae erant: unde Jurisprudentia in primis rebuspublicis, nempe Optimatum, naturâ rerum ipsâ, ἀκριβοδίατον, jus summum, jus θετικόν, jus in tota generum amplitudine professa est.

Jus strictum prius
aequitate in terris
adgnitum.

Jurisprudentia
Spartana rudium po-
pulorum.

De Permutationibus.

Sed et in ipsa rerum communione diximus alius alio rerum genere abundare potuisse, egere alios, quod distinctis rerum soli dominiis id evenire necesse fuit. Igitur ut majores gentes eas utilitates communicarent, principio *permutationes* rerum incepere *rebus tractis in unum locum*, unde *contractus* nomen accepit. Atque permutationes fuerunt primarum gentium *primae emptiones-venditiones*: postea inventum *aes rude* est, quod rerum quae in commercio forent, communis mensura habita est. Unde *Astrea*, quae *Saturni tempore*, hoc est hoc ipso Tempore Obscuro in terris egisse a Poëtis fingitur, et ad Caelum revolans, *Virgo cum libra* astris ab iisdem Poëtis appicta est, ad quam libram *aes rude* appendebatur: nam *monetam*, seu *aes signatum* gentes minores invenere. Quare ex hac ultima antiquitate in Jus civile profluxere imaginariae emptiones-venditiones, quae apud *libripendem* per *aes* et *libram* fiebant; quibus omnes ferme *actus legitimi* transigebantur; atque ad haec tempora revocanda est nativa significatio verbi *pendere* pro *solvere* (a).

Contractus unde?
Primae emptiones-
venditiones.

Astrea cum libra
quid significet?

Imaginarie em-
ptiones-venditiones
ex jure gentium.

Pendere pro *solvere*.

De Bellorum et Judiciorum inter majores gentes specimine.

His quas narravimus rationibus majores gentes *parta sibi jura*, cum in statu exlegi nulla esset legum auctoritas, vi conservabant, *vindicationibus* dominia, *conditionibus* obligationes, conditionibus vero quas Libro super. diximus

Primae actiones
Vindicatio et *Con-*
ditio.

(a) Nam primum puto homines *pondus*, deinde *mensuram*, tandem *numerus* omnium maxime abstractum intellexisse. Itaque cum his, quae haec de *Astraea Libripende* dicta sunt, convenit illud, quod saepe ab Homero narratur, *Jovem expendere bilancibus Fata*.

Natura ponderis,
mensurae, numeri.

fuisse majorum gentium *repressalia*: vindicationibus autem
Manum injicere per veram manus injectionem; unde mansit Poëtis, *ma-*
 quid? *num injicere* pro vindicare, et veram *manuum consertio-*
Manu consertus nem, quam postea dicis caussa custodierunt Romani, ut
 quis? *dominus postquam in possessione usurpanda*, ut cum Ci-
cerone (1) loquar, *surculum defregisset*, reum *manu con-*
sertum ducebat ad Judicem, et in gleba praesenti, quam
 secum de agro attulerat, totum fundum vindicabat illâ for-
 mulâ, *Ajo hunc fundum meum esse ex jure Quiritium*.

Hanc vim majores gentes rebantur *virtutem*; contrarium
 autem *inertiam*: eoque pacto judicia (a) erant privata bella,
 bella, olim *Duella*. dicta *duella*, quia *inter duos*; nam si fuisset *tertius*, nem-
 pe, postea fundatis rebuspublicis, *Magistratus*, quem ob
 id ita dictum puto, quod esset *utroque major*, qui ex le-
 gibus positus jus dicit, fuissent *Judicia*. Hinc *Duella* seu
Duellorum origo, bella singularia omni alio jure antiquiora, apud Germanos
 omnis externi imperii, linguae, morisque ignaros ab hoc
 Tempore Obscuro conservata; quod fortasse putaret privatas
 res cuique privata virtute servandas esse, ne legum auxi-
 lio freta gens ferox cum virtute inertiam commutaret: et
 sic Germani erant unum earum antiquissimarum rerum-
 publicarum exemplum, quae, *tradente Aristotele*, de pri-
 vatis rebus nullas leges latas habebant. Inde cum ipsis Ger-
 manis postea in Europam ferme universam egressis duella

(1) III lib. de Orator.

(a) Ut primum bellum apud primum omnium scriptorem Home-
 rum sit *Monomachia*, seu singulare certamen Paridis et Menelai;
 cui adjungitur *Foedus*, ut uter eo certamine caesus esset, illius po-
 pulus victus dederetur: quo in loco pro ipsa rerum natura, *rudimen-*
Prima bella, la- *mentum*, auctus et perfectio bellorum dantur intelligi. Nam necesse
 trocinia. *est*, prioribus novem annis fuisse *duarum earum gentium damna ul-*
Prima hostimenta. *tro citroque data*, sine ulla belli indictione, quae pro nostris Pri-
Prima duella pu- *ncipiis dixeris proprie Hostimenta*: deinde fuisse *duella* eorum, qui
 blica. *privatim fecissent*, et accepissent injurias: postremo *foedera bello-*
Prima foedera bel- *rum caussa* concepta, quibus ob privatorum injurias, quae publico
 li caussa. *consilio factae*, aut impunitae essent, populi dederentur: in quibus
Primae hostiae. *foederibus caedebantur quae primo et proprie hostiae dietae sunt*:
Primae victimae. *ut ab hostibus postea victis victimae appellatae*: unde forsân bello-
 rum caussa prima sacrificia orta dixeris. Haec foedera fuere indi-
 ctionum rudimenta: nam cum Paris et Menelaus aequâ pugna ex-
 cessissent, res integra haesit, quare Graeci optabant, ut inciperent
Bellorum indictio- *ab Trojanis injuriae*, quibus acceptis ipsi purum piumque gererent
 nes nondum Homeri *bellum*; uti ab Trojanis re ipsa orta est, qua Pandarus prior Me-
 tempore. *nelaum sagitta vulneravit*: argumentum, *Graecorum fuisse Optima-*
tium, Trojanorum, ut in Asia, jam monarchicam esse rempubli-
 cam: et sic Homeri tempore *bella nondum indicebantur per Foeciales*.

hoc item nomine, sed aliquantum transformata provenire: nam ubique consepulto omni ferme Romano Jure, et cum barbaries omnia pervasisset, res ad statum exlegem propemodum rediit: unde et per ea ipsa tempora per universam Europam et alia *Purgationum civilium* (a) quae dicuntur genera invaluerunt; quibus homines Deum adibant judicem, divinumque judicium eventus fortunâ expectabant: quod satis docet ipsos barbaros in statu exlegi ad Dei regimen, ut sociabiliter vivant, naturae sponte confugere.

Hinc postea *Duella publica*, quae *bella* dicta mansere rerum repetitiones in Jure Foeciali appellata, quo jure idem significat *res repetere*, ac *bellum indicere*: unde eodem jure *Reciperatores* teste Ælio Gallo, ut Hotom. ex Festo notat, qui ex lege inter populum Romanum et nationes peregrinas dabantur, qui de rebus privatis recuperandis cognoscerent; ita ut *bella* dici possint *publicae rerum vindicationes*, uti *conditiones publicae, repressalia*.

Igitur *Duelliones* erant majorum gentium actiones: quare *perduellio* caedes dicta est: et uti *perfidus* est qui fidem violat, ita *perduellis* qui caedem non jure facit, quo *perduellionis* judicio in ipsis Romae primordiis Horatius condemnatus; quod firmat Romanos a majoribus gentibus accepisse: uti acceperunt et illud, ut injustae caedis reus *parricida* diceretur; quia cum gentes majores essent plures ex una stirpe familiae; et gentes aliae ab aliis secretae agerent, si quae caedes fiebat, necessarii alicujus fiebat, quod rebuspublicis fundatis permansit; hactenus patriae charitas perduravit, ut qui civem occideret, ex una parente cognatum occidisse videretur. Sed postea patriae charitate elanguente, et prolata humanitate, *homicidium* dictum est; uti et *perduellis* dictus, quum crimina ex reipublicae ratione magis spectabantur; quod in Optimatum rebuspublicis servatur maxime, quod qui caedem injuriâ faceret, bellum patriae intulisse judicaretur; unde *perduelles* postremo appellati, qui contra patriam armantur.

Ex hoc igitur majorum gentium jure est, *nocturnum furem* omnino, *diurnum*, si se cum telo defenderit, occidere sine fraude: quod idem Hebraeis, Atheniensibus et Romanis in leges abiit; ut probat *Anonymus Legis Mosaicae*, et celebres *Juris Attici et Romani Patriatores*.

(a)* Quas *Canones* appellant *vulgares*: quae barbaris seculis ex legum judiciarum ignoratione celebrabantur; sed postea, ut quae Deum tentarent, prohibita.

Purgationum origo.

Duella publica, nunc bella.

Reciperatores.

Duellio quid?

Quid Perduellio.

Parricidium quid?

Namque haec privata bella non sine inclamationibus, orationibus, obtestationibus, implorationibus, devotionibusve peragebantur. Quare in Lege XII Tab. ut fur manifestus diceretur, *inclamatione* opus erat; *imploratione*, si se telo defenderet; et furto jam concepto, necessaria erat *obvagulatio* et *pipulo* (1) ante ejus aedes differre furem non manifestum; qui mos mansit Romanis postea, ut cap. Leg. XII Tab. de *Judiciis* testatur. In cap. autem de *Parricidio* ex lectione Raeverdi, *Pater implorabat Divos parentum*, nempe domesticos Lares, ut filius, qui vim faceret patri, parricida haberetur, et a quovis impune occidi posset; ut idem Raeverdus id caput explicat. Et quod nos dicimus *jure agere*, horum temporum erat, ut supra diximus (*), *ADORARE DEOS*. Unde in Leg. XII Tab. cap. de *Furtis*, *Si adorat furto, quod nec manifestum erit, duplione decido*: et alio, *Si pro fure damnum decisum erit, furtum ne adorato*. Quare emendandum videtur caput illud ejusdem Legis de *in jus vocando*: *Endo via rem uti*, vel, ut alii legunt, *ubi paicunt.... RATO*; Jacobus Gothofredus legit, *ratum esto*; nos cum Justo Lipsio legamus *adorato*: nempe tu reus *excipito*: ita ut *adorare* pro *agere* et *excipere* accipiat: unde apud Latinos *Oratio* pro accusatione et defensione vulgo dicta mansit, ut apud Terentium,

Orationem sperat invenisse sese,
Qua differat te;

pro *accusationem*:

honestata oratio est;

pro *defensio*.

Deorum fidem implorare?

Deos obtestari?

Quiritatio?
Clarigatio?

Atque ad hanc antiquitatem revocandus mos ille, quo oppressi *Deorum fidem implorabant*; quasi genus humanum esset una civitas, in qua homines agerent sub imperio et tutela Deorum; et in testium inopia, *Deos obtestabantur*: quae omnia urbibus conditis fuerunt privatim, ut apud Romanos *Quiritationes* dictae, in publicis bellis, *Clarigationes*, quibus Foeciales clara voce res repetebant eo carmine, AUDI JUPITER.

(1) Quas infantium hominum voces Libro priori notavimus. Cap. CXXXV.

(*) Pag. 265.

De Poenis.

Poenae autem nondum erant humanae, nisi apud parentes *animadversio* et *coërcitio*; inter aequales vulgaris delicti nomine *poenitentia*, unde ipsa *poena* primitus dicta; atrociorum *devotio*, *consecratio*.

Qui homines pudore agerent, et vi injurias propulsarent, erant cum parentibus summe pudibundi. Igitur sola parentis animadversio, qua pater ad filii peccatum adverteret *animus*, ipse pudor filii, ut cum Terentio loquar, *patri erat satis supplicii*. Huc illa pertinent *cognoscere* pro punire, *ignoscere* non noscere, *connivere peccato* pro parcere.

Inter aequales pro privatis delictis, ut de *Furto*, veniae impetrandae caussâ *pacta* offerebantur *pollicitationibus*, de quibus diximus: quod postea in XII Tabb. cap. de *Furtis* derivatum, ut nuper memoravimus: hinc apud Latinos *pax* pro *venia* passim legitur; et *pax* dicta, qua bellum finitur, utpote quae sit venia publicae injuriae sub certis legibus data: unde mansit particula *pax* pro quiesce.

Atrociora crimina *devotione*, seu *consecratione* puniebant. Unde in XII Tabb. *Sacer Divis parentum* qui vim faceret patri, cap. de *Parricidio*; item *Sacer Cereri*, qui alienas fruges furtim noctu pavisset, secuissetve, cap. de *damno*; et ante Leg. XII Tabb. lege Junia erat *Jovi Sacer*, qui Tribunum plebis violaret: etenim sub Theocratia nefas putabant hominem vel sontem occidere; idque jus ipsius Dei esse existimabant: cujus moris aureum sane inter Germanos extat vestigium apud Tacitum: *Ceterum*, inquit, *neque animadvertere, neque vincere, neque verberare quidem, nisi Sacerdotibus permissum, non quasi in poenam, nec ducis jussu, sed veluti Deo imperante, quem adesse bellantibus credunt*.

Itaque majores gentes a *sonte devoto*, quem Graeci dixerunt *ἀνάθεμα*, tanquam a *sacro* abstinebant, sermonem segregabant, fugiebant contactum, et ex Nemese, sive Divina Justitia (1) occidebant.

Ab hisce inclamationibus provenere Romanis *Improbi*, *Intestabilesque*, qui proinde omnibus abominandi in exilium ibant. Atque ab his primis usque temporibus ortum, ut *exilium* non poena, sed poenae effugium esset: qui mos diu in republica libera est observatus; unde *exul* pro *pro-*

(1) Hœc Lib. Par. II, Cap. III, principio.

*Supplicium pro
sacrificio et poena.*

Atque indidem *supplicium* mansit et pro sacrificio et pro poena significanda; ut a Sallustio Romani hac Poëtarum locutione dicuntur, *domi parci, in suppliciis Deorum magnifici*.

Huic *Devotioni*, urbibus fundatis, alia alibi similis poena exercita est. *Templum Execrationis* erat Atheniensibus et Argivis; unde fortasse Plato in suis Legibus *excommunicationem* irrogat parricidis: eodem poenae genere usos Germanos testatur Tacitus: sed nulli nostrae similiorem, quam inter Gallos Druidae, ut narrat Caesar *de bello Gallico*: Romae autem successit, et diu mansit, *aqua et igni interdicio*, nempe civitatis excommunicatio, quod *aqua et ignis*, ut cap. seq. narrabimus, prima rerumpublicarum rudimenta fuerunt.

Aqua et igni interdicio.

Regnum Braminorum.

Bonci juris gentium sacerdotes;

Ut antiqui Aegyptii sacerdotes.

Hae antiquissimae Theocratiae falsae etiamnum permanent apud Indos, et, ut solent ceterae respublicae, longo temporum successu moribus corruptissimae. Id Regnum dicitur *Braminorum*, qui fuerunt vetustissimi *Brachmanae*; Indorum Philosophi, aliter dicti *Gymnosophistae*, ut *linguae sanctae Eruditi* idem significare suis originibus probant: qui item, ut illi, in *lucis* agunt, ex antiquissimo instituto, ut contemplationi melius vacarent (a). In eo Regno sacerdotes *Bonci* appellati, jure gentium sibi sacerdotia custodiunt: ita ut eorum familiae in ocio et ganea dominantur; plebes in labore serviant, et suis operis victitent. Ex hoc genere antiquissimum *Sacerdotum* in *Aegypto Regnum* fuisse, dant conicere historiarum fragmenta, quae narrant, Sacerdotes, ex quibus Reges creabantur, sacrarum literarum studio, quibus continebant arcanas et religionem et leges, unice dedisse operam, plebem vero agriculturae et opificii applicitam: quare plebei sacerdotibus infensissimi; et inter utrosque ex jure nexi crebra civilia certamina, in quibus semper sacerdotes superiores extitere (b).

Cur Sacerdotes coronati?

Cur Monarchae sacri?

Cur Reges Sacrorum?

(a) Ad illud ipsissimum instar, quo apud Homerum *Maron*, sacerdos Apollinis, degebat in luco, *Iliad. XVI*; et illic res ad victum necessariae ei suppetebant ex iis quae Deo de more offerebantur.

(b) Ex hoc *divino Regimine*, quod omnium primum in terris probavimus, apud gentes omnes mansere *Sacerdotes coronati*, ut supra in his Notis dictum; et primi Reges fuere *Reges quoque sacrorum*: quibus Regnis in Monarchica adstrictis, *Monarchae* fuere *sacri*, et in libertatem resolutis, religionis ergo apud Graecos *Βασιλεῖς ἱερῶν*, ut apud *Athenienses* ex Demosthene in *Neaeram*, et Platone in *Politic. Sacrorum Reges* apud Romanos *dicia causā perdurarunt*.

Sed Moses ex majorum moribus ab Abrahamo, ut supra diximus, traditis, ad verum Deum, unum, incorporeum, Infinitum, Mundi Creatorem, sub nulla colendum imagine, omnem suae reipublicae auctoritatem revocavit: Sacerdotes et plebem, uti *Ægyptii*, aliaeque gentes distinxit quidem; sed *Agraria lege* inter utrumque ordinem aequalitatem induxit, et anno *Jubilaei* tam firmam ac diuturnam constabilivit, ut non modo usucapiones, sed et jus nexorum exegerit: quando *Gentibus* omnium fax turbarum *Agraria* duas Orbis terrarum gentes, alteram doctissimam diu concussit, *Athenienses*, alteram sapientissimam, *Romanos* perdidit. Unde merito per haec discrimina, quae numeravimus, et alia quae deinceps dicemus, uti *Graeci a barbaris*, ita *Hebraei a gentibus* separantur, quod non jure gentium, sed proprio ipsorum respublica fundata esset.

Theocratia vera
Hebraeorum ut a falsis
gentium diversa?

CAP. XXI.

Secunda Epocha Temporis Obscuri, qua sub Theocratia Patrum potestas Clientelis aucta, et auctoritas divina ex parte Heroibus adrogata ()*.

Qui sub *Theocratia* his moribus vivebant, cum non ut erronei impii, quâ pabulum paretur, eo vagi excurrerent, sed certis haerent sedibus, locis nempe, quos auspicato cepissent, quos diximus esse *lucos*; necessarium fuit, ut antiquos saltus silvasque ad culturam redigerent: cumque ignem invenissent, quem heroicum inventum cum Virgilio supra memoravimus, nemora incenderunt: cumque ferrum ad humanos usus, et praecipuum aratri fabricam nondum nossent possentve; terram igne subactam duris lignis curvis, ea facilitate qua nunc etiam terras pluries aratro versas rustici solent, ararunt: unde *urbs* Latinis dicta ab *urbo*, *Urbs* unde dicta? sive *urvo*, quod aratri curvaturam significat; et *ignis*, ut *Ignis* altera praecipua pars sacrorum. magna occasio fundandae humanitatis, in *altera sacrorum* praecipua parte, praeter *aquam*, habitus est: et *aqua* et *ignis* pro civilis vitae communione deinde Romanis dicta *Aqua et Ignis* pro civitate. mansere.

Igitur qui sub *Theocratia* vivebant, ii soli *temperati*, qui

(*) Hoc capite Auctor extruit constantiam incrementis oeconomicae primorum patrumfamilias auctoritatis in clientes commemoratis in Lib. I, p. 52, 54, 132, 134.

Ut religio virtutes
humanas peperit,
Prudentiam,
Temperantiam,

Fortitudinem,
Justitiam.

Quae prima in ter-
ris *iusta*?

Fortus qui?

Vir fortis pro
pudico.

Optimi qui?
Ἀρεῖς unde?

Mars fortium cha-
racter.

Prima fortium fa-
cinora.

Ἀρειοπάγος unde?

Παγὴ quid?

uxores et certas et unas et perpetuas sibi habebant; ii *prudentes*, qui de Caelo, quem Deum putabant, id consilium, quod ipsis *Jous*, *Numen*, *Fatum* erat, in capiendis uxori-
bus, in deligendis sedibus utrisque sibi certis auspiciis se-
cuti sunt; ii *fortes*, qui agros domuere culturae, unde primi
fortasse *domini* dicti: ii *justi*, qui mortuos terrae redde-
rent, a qua primum datos rebantur: quae *prima justitia*
in terris fuit; unde mansit *iusta persolvere* pro sepelire:
atque has omnes virtutes *pietate*, quae earum omnium et
principium et finis erat, complectebantur.

Igitur ii soli *Optimi* priscis, *Fortissimi* dicti, quibus idem
fortus, ut nunc nobis *bonus*, significabat: et *pudor* La-
tis praecipua pars fortitudinis habita, ut Pamphilus Te-
rentianus:

..... amavit: tum id clam;
Cavit, ne ea res sibi unquam infamiae esset,
Ut virum fortem decet.

Qui Latinis *Optimi*, Graecis *ἄρις* appellati, ab *Ἀρεῖ*
Mars, ex eodem *fortitudinis* fonte, ratione tamen diver-
sa: *Mars* enim fortitudinis heroicus est character; unde po-
stea belli divina mens, seu voluntas, seu fortuna habita
est; ut docent illae poëticae locutiones, *aequo*, *iniquo*.
dubio Marte pugnare, et *Mars communis*. Sed *Mars* prior
bello fuit, qui bellum invenit: nam prima *ἀρετή*, seu vir-
tus, seu *fortitudo* fuit *terras subigere*, deinde successit *su-*
bigere bello populos, prius *pugnare* pro *aris*, et miseros ad
eas confugientes a violentis protegere, quae mox dicemus
prima in terris *Asyla* fuisse; deinde *pugnare pro patria*:
unde mansit id dictum, *pro aris focusque pugnare*: et
quum fortitudo in terris extitit, vera virtus extitit, quae
ad salutem, non ad perniciem sit comparata.

Ab hac eadem origine est *Ἀρειοπάγος*, quem describit
quidam Eruditi communiter *Vicum Athenarum*, sed a *tem-*
plo Martis ibi sito sic dictum volunt. Rectius et simplicius
ex nostris *Principiis* dicamus, *ἀρειοπάγος* *Vicos* fortium fuisse,
ex quibus Athenae, ut tradit Graeca Historia, coale-
re, sic dictos a voce *παγὴ*, quae communis et Graecis et
Latinis originis, significat Latinis *fontem*, Graecis *collem*.
saxum, *rupem*, quod in montibus ut plurimum fonte
nascantur. Itaque quod Juvenalis *Ἀρειοπάγον* vertit *Martis*
curiam, ibi *πάγος*, κατὰ λέξιν sonet *curiam*, non *collem*.
saxum, *rupem*, ut clarissimus Antonius Salvinus mei ho-
noris caussâ adversus *Synopsim* objiciebat: quia nostra

Philologiae Principia nondum viderat, quae speramus, cum legerit, probaturum. Namque hac ratione dicimus, *primos fuisse pagos, curias dictas*; cujus vocis a majoribus *Curia unde?* gentibus *Romana Historia* repetit antiquitatem; quae narrat, *Romulum urbem in tres curias divisisse*: et ex earum collectione gravis conjectura est, ut *Cures* plurali numero *Sabinorum oppidum,* *Curia* *gentis caput* appellat, tanquam *Quires*, ab antiquo forsan monosyllabo *Quir*, dictas *Quasi Quires.* esse; cujus civitatis *Optimates Quirites* dicti, quos a victis *Unde Quirites.* *Curibus* Romam importavere Romani: qui, quia *hastis armarentur*, quod *teli genus heroicum* diximus supra, et infra *genus,* dicemus, *quirin*, *hastam* pro *viro hastato* dixere: quod *pau-* *Quiris* dicta. *pertati* linguae convenit; cum nos in hac copia ornatus caussâ dicamus *centum ductat hastas* pro *centum hastatos*; et sic a *quiri*, hasta, Romulum *Quirinum* appellatum *Unde Quirinus.* fuisse constet. Itaque iidem fuere *Quirites* sive *Optimi Sabinorum*, ἀρισταί Atheniensium, et κρηταί Cretensium, *Undem principio.* ex *Ida Phrygiae monte oriundi*, quos sic dictos putant ἀπὸ τῆς κουριτοῦ, eo quod Jovem puerum vagientem inter ipsos absconditum, armorum strepitu celasse, et aluisse narrentur, ex hac ipsa nostra *Temporis Obscuri Historia*; qua *Optimi Auspiciorum beneficio* a propudio nefario et *impia inhumanitate* in *lucis latuisse* narravimus: ex qua *Indidem Curetes et Latium.* origine *Latium* dictum docuimus. Et sic neque, ut Varro, a *Cura* dicta *Curia* est, neque, ut alii volunt, a Graeca *Unde Curia?* voce *κῦρῐα*; sed et vox Graeca et Latina ab aliqua origine communi, quae non alia fuerit, quam *Quir*, et *κῦρῐ* derivetur: et *fortis* ab *hasta* Sabinis, a *manu* Graecis dictus, quod *fortis manu* spectetur: et ut Latinis *Quirites* in concione, sive *Patres hastati*, ut de Germanis idem Tacitus narrat; ita Graecis *κῦρῐα* dicebatur et ipsa *concio*, et *concionis* locus, et sententia, quae suffragiis vincit: unde proverbium αὐτῇ κῦρῐα, eadem plane significatione, qua prima Romanorum *Comitia Curiata* ex Pomponio et Budaeo, *Comitia Curiata.* bro priori probavimus (1).

Cum tot his tantae antiquitatis rebus, et illa quoque convenient, hos *Areopagos* principio fuisse *parvas Optimatum Respublicas*, quas nos primas omnium in terris natas Libro priori probavimus, et latius demonstrabimus infra, quae ante *Cecropis Regnum* peculiare habuere Reges, ut tradit Pausanias (2), Reges nempe *Optimatium*; et templa *Areopagi Historia.*

(1) Cap. CL.

(2) In Attic.

Minervae Mythologia.

pagatim sacrata, et in quoquo peculiare quoddam Numen coluisse, universos vero magno in honore habuisse *Minervam*, quam Optimatum Deam diximus; eique *noctuam* attribuisse, nocturnam avem, ab eo latendi pudore, quem experti fuerant, omnis humanitatis esse principium: *Areopagitas* summam in cognoscendo et iudicando de caede severitatem, ut mos est in rebuspublicis Optimatum, conservasse. In *Areopago* caedis reum *Martem*, iudicantibus *duodecim Diis*, esse sex sententiis absolutum; et eam suffragiorum parilitatem, *Minervae calculum* dictum; quod *Minerva* character sit Optimatum in iudiciis: unde ei ob id quoque attributa *noctua*, quod *Areopagitae* noctu iudicarent; quae Dea *Pallas* quoque est, sive Sapientia Optimatum in bellis, uti *Mars* est rabies et furor armorum (a). Theseum ex his Martialium fortium virorum *pagis* composuisse *Athenas*, et fundatam libertatem his Optimatibus miscuisse, unde hic *magnus Athenarum Senatus* erat. Laxato plebi ordine, ut solet, ubi Respublicae naturâ liberae sunt, Draconem, qui Optimatum rempublicam meram restituere voluit, nam *leges sanguine scripsisse* dictus est, eum ordinem delevisse, et *Ephates* creasse, qui de caede cognoscere. Solonem restituisse, et magistratus spectatae virtutis in eum ordinem cooptari lege permisisse; et sic virtuti eum aperuisse ordinem, ut veram libertatem decebat.

Levitae,

Ex eodem *fortitudinis* fonte, vocibus tamen diversis *Levitae* dicti ab *יְהוָה*, *El*, *fortis*, illi isti, illae istae, hi haec, *Deus*, ex qua Tribu sacerdotes erant, quibus decimae pendebantur; ex quibus *Sanhedrim*, seu magnum Concilium maximâ ex parte componebatur: in iis semper fuisse insigne virtutis specimen; ipsis res publicas demandari; ipsos in ejus reipublicae motibus semper ad meliorem partem, ut Optimates solent, accedere; tandem potentiâ praenimiâ degenerasse, et occupasse rempublicam, ut Optimates corrupti solent; qui haec cuncta cogitet, eos Hebraeorum Optimates fuisse affirmabit.

Hebraeorum Optimates.

Ex eadem origine Respublica Optimatum, Aristocratia, Respublica Levitarum.

Itaque ex eodem *fortitudinis* fonte, rationibus diversis, quod Latinis dicitur *Regnum Optimatum*, ex eodem Graecis *Ἀριστοκρατία*, Hebraeis denique *Respublica Levitarum* erat.

Mars plebei, Minerva heroës in bello.

(a) Ut apud Homerum *Jupiter Marti* a *Diomede* vulnerato dicat, eum tam *improbum* esse, ut nisi ex se genitus esset, *infimus omnium Deorum* haberetur: at *Pallas Minerva* primum post *Jovem* in concilio habet locum, et in contentionibus semper *Marte superior*.

Quapropter non verborum origines nobis sunt præcipua
disserendorum fundamenta, quod præstantissimus Salvinus Novi Etymologici
Specimen.
non injuriâ reprehendebat; sed rationes quibus nostra dis-
sertata nituntur, novas verborum origines et longe alias,
ac quas Grammatici hactenus rationis expertes memorant
magis, quam docent, aperiunt. Quin si *nostris principiis* Ejus promovendi
ratio.
hanc Temporis Obscuri Historiam *triplici linguâ Eruditi* ur-
geant, eâdem numero ratione, qua eadem in vita utiles
sententiae aliter atque aliter pro diversitate linguarum in
diversa *proverbia* abiere, *Novum Etymologicum* adorna-
bunt; qui ex tenebris obrutae antiquitatis innuniera, quae
nunc vix, ac ne vix quidem quis cogitaverit, eruent in lucem.
Haec diximus, ut nostro Italiae ornamento Antonio Salvino Cl. V. Antonii
Salvini elogium.
responderemus: nunc ad nostram Historiam redeamus.

Optimi igitur cum terras colere coepissent, qui mos diu
mansit apud Romanos, ut Patricii agriculturam facerent;
unde Fabii, Lentuli, Pisones, Scipiones a ruris vocabulis
appellati, et T. Quinctius ab aratro ad dictaturam vocatus
est; et inter alias satis multas gentes Agricolaë nobilissimi
habiti; sementem frumenti, Latinis *farris* dicti, fecere: et
quia ii in terris Sacerdotes erant, ut latius infra dicemus,
hinc mansit Romanis, ut Sacerdotes *farre* et *vino* litarent; Cur Farre et Vino
litatum?
et Sacerdotum nuptiae *confarreatione* celebrarentur (1), Confarreatio.
quas *Farracia Sacra* (2) appellarunt. Nec nisi e *confar-* Farracia Sacra.
reatis nati, *Flamines* erant: quem nuptiarum ritum alia-
rum gentium, et in primis Anglorum observant Eruditi.

Et mansit quoque Romanis mos, ut fortibus bello viris
certa *farris* mensura militari præmio daretur; et *adorea* Adorea,
appellaretur gloria militaris, quod *far* ipsis *adur*, sive ab Adur.
eo primo silvarum incendio, sive quod tostum ederent,
dicebatur (a).

Tandem ii agros, quos sibi colendos destinaverunt, *mo-*
dico aggere munire, qui sunt *termini agris positi*, quos
dicit Jurisconsultus. Atque ab eo, quod intra eos terminos
se continerent, et quasi iis terris haerent, ut qui cum
vaga multitudine errare nollent, hinc puto *heros* dictos ab Heros unde?
haerendo, quamquam postea *a* litera elisa sit, eadem

(1) Ulp. in Inst. et in Fragm. (2) Dionys. lib. II.

(a) Ab *adore* volunt Grammatici dictum *adorare*, quod sacrifi- Adorare unde di-
ctum.
care significat: quod etymon firmat, Heroûm nuptias sacrificiis esse
celebratas: quae *nuptiae confarreatae* Sacerdotum postea mansere
Romanis.

Hereditas primi-
tus quae dicta?

Primum civilis po-
testatis rudimentum.

significatione, qua in rebus publicis Aristocraticis dicuntur *i Signori*; et eorum ditionem dictam *hereditatem*, ut significaret *Signoria*. Quare si advertas quae superius de liberrimo legandi in *Testamentis* jure diximus, comperias in patrefamilias testamentum condente personam summae Potestatis civilis inchoatam.

Interea multitudo nefaria in insignem frequentiam aucta est, et frugis caritas infirmis industriam intendit, ut glaudem tempore legerent, quam in hiemem asservarent. Sed violenti, ut solent, in ocio desides, ubi ipsos fames urgeret, lectas fruges ab infirmioribus rapiebant, et obsistentes necabant; atque adeo injuriis et caedibus grassabantur; et sic erant *homines hominibus lupi*. Quin, ut audaces solent, ausi quoque sunt de terrae cultis fructibus degustare, et praedabundi, quos diximus aggeres, seu fines ab Optimis impositos agris superarunt: quibus Fortissimi, qui castitate veneris, et diuturnis ruris operis corpus, et per crebras cum feris pugnas, ut suas sedes tuerentur, animum adversus terrores firmarunt; obviam ferociter facti, audaciam virtute superantes, ob suarum rerum tutelam, interfecerunt.

Sagminum historia.

Unde verbenae
sanctae?

Sancti muri?

Sanctae leges.

Sacri homines primi

Legati sancti.

Caduceus.

Cur sanctae ver-
benae ex arce?

Forte aggeres *sagminibus* postea conseruere, ut nunc passim sepes videmus: ac posterius putarunt, et *sagmina* et *aggeres* caesorum violentorum sanguine *consecratos*. Hinc *verbenae*, quae eadem sunt ac *sagmina*, sanctitate donatae sunt: atque inde *sancta moenia* (1), quo sensu *moenire*, seu *munire viam*, *aggeres* dicuntur: idque est, quod *muri* jure gentium *sancti* dicuntur, jure inquam harum gentium nempe majorum; et *sanctae leges* ab illa earum parte, quae *sanctio* appellatur, quae poenas inrogat in transgressores. Atque ii primi *Sacri* fuere, et coepit consecrationem mors consequi consecrati: unde fluxit in XII Tab. cap. illud *de Damno*: *Qui frugem avatro quaesitam noctu secuierit, vel paverit, Cereri sacer esto*. Hinc Legati Latini has virgas gerebant, ut earum religio ipsos protegeret inter hostes; unde ab harum jure gentium *Legati sancti*: ut ex eadem fortasse religione Legati Graeci ferebant *ἄρπυξία*, qui latine *Caducei* dicuntur. Hunc Romani cepere morem, ut forsitan hac *herba arcem consererent*, quo facerent, exemplo primorum aggerum, sanctiorem; et ex *arce verbenas sumerent*, quas ferrent inter hostes Legati: quae sane herba nisi communiter *sancta* haberetur, qua

(1) L. Sanctum, D. de rer. divis.

ratione sanctum significare hostibus legatum posset, non plane video. Neque prave eos existimasse crediderim, qui *sanguineis his virgis parricidas caedi* dixere (1): nam Romanos eum morem a gentibus majoribus accepisse putarim, inter quas cum omnis caedes parricidium esset, his virgis parricidam caedebant: ut significarent, eum ab ipsis rebus, quibus *fas* erat homines vel ab hostibus protegi, dignum esse ut puniretur; et sic eo poenae genere parricidium inter omnes gentes abominandum nefas esse docebant. Hinc postremo *sagmina* dicta conjicio, *oleas*, *myrtos*, *lauros*, quibus *ornabant aras*; quia primi terrarum aggeres, ut mox dicemus, primae in terris *Arae* fuerunt.

Cur ex sagminibus ornatae Arae?

Per ea quae memoravimus virtutis facinora Optimi, Fortissimi *lege potentiae* a natura meliore dictata *jus* agrorum *optimum*, seu fortissimum condidere: quod postea Romana civitate constituta, Jus civile a Romulo in Divos relato, appellatoque *Quirino*, consecratum, et *Jus Romanorum Quiritium* dictum est (2).

Juris Optimi origo.

Et ob eadem ipsa praeclara virtutis facinora Optimi, Fortissimi *cluere* dicti sunt, quae antiqua vox est, et significat, ob armorum victoriam celebrari. Victoria enim priscis *cluer* dicta; et *Incluti*, sive *Inclyti* proprie *victoriâ clari* appellati: unde conjicio *gloriam* Latinis dictam, quae definitur Fama meritorum in genus humanum maxime pervagata: cujus vocis origo videtur Latinis cum Graecis parva mutatione communis, ut quae Latinis *cluer*, Graecis *κλῆος*; unde *Hercules* dictus *Ἡρᾶς κλῆος*, *Aëris*, sive *Junonis gloria* (a). Inde tot Hercules antiquitas habuit, ut quadraginta tres Varro numeret: quorum omnium antiquissimus habetur *Aegyptius*; et inter celebres sunt, *Phoenicius* unus *Tyrius*, alter item *Tyrius*, dictus *Asiaticus*, Hercules *Lybicus*, Hercules *Creticus*; Hercules *Romanus*, quem *Sancum*, vel *Sangum*, vel *Sanctum*, item *Semonem Fidium* dixere; Hercules *Germanus*, quem et *Celticum* plerique dixere; Hercules *Gallicus*: sed omnium celeberrimus Hercules *The-*

Cluere quid?

Quid Cluer?
Qui Inclyti?
Unde Gloria?

Hercules unde?
Unde Hercules
plures?

Herculis Romani
nomina.

Herculis mythologia.

(1) Ad l. pen. D. ad l. Pompejam de Parric.

(2) Lib. priori, a Cap. XCV, CIV, CXXVIII.

(a) *Κλῆος* Graecis, *cluer* Latinis, *gloria* utrisque, est Poëtarum fama, quam ipsi *alata* fingunt; quod *alae* Patriciorum stemma fuerit: in summa sedere turri, in Regum turribus Poëtarum, in urbibus Heroicis, quae inferius declarantur: atque ab hac usque ultima antiquitate *gloria* fuit, ut eam Cicero definit, fama meritorum in genus humanum pervagata.

banus, dictus *Amphytrionides*, de quo Graeci numerant *duodecim aerumnas*, sive labores, et ferme omnes *Junone imperante*, Aëris Dea, imperantibus auspiciis in divinae ab Jove originis experimentum. Et *Hercules Caelum sustinet humeris*, quod *Optimi*, *Fortissimi* primarum gentium religiones fundarunt: *terras monstris lustrat, purgatque*; quia *Optimi*, ut quas sibi legissent sedes, obtinerent, cum feris pugnare, easque extinguere debuere; quas vagi et erronei nihil aliud opus habebant ad sui salutem, quam fugere: *igne*, non *ferro hydram extinxit*, nempe ingentem *Terrae silvam*, cui ὕδωρ, *aqua*, recentis *Diluvii humor* dederat nomen (a): quae *Herculis Hydra* in alia antiqui Orbis parte ex eadem ratione fuit *Cadmi serpens*, et *Apollinis Python* (b); et aquei serpentes *Dracones* dicti: *ad inferos descendit*, uti et postea *Theseus*, dictus *Hercules alter*; uti frumentum satum terrae demissum est *Ceres inferis abdita*; et *Dis inferus Deus* (c); unde eos agros cultos terminis distinctos principio dictos putem *ditiones*; quae postea *Territoria* a Jurisconsultis sunt appellata (d); *Cerberus catenas injicit*, hoc

Quid *Herculis hydra*, *Cadmi serpens*, *Apollinis Python*?

Unde *Ditio* dicta?

Serpens Terrae character.

(a) Nam *Serpens* fuit heroicus *Terrae character*; sive quod sit animal omnium intimum terrae; sive quod vario colore, nempe nigro, quo perpetuo adjuncto *Homerus Terram* appellat, *viridi, flavo*, *Terrae* varios colores imitetur. Unde apud *Homerum* habes *Serpentem*, qui in arboris nido octo passerulos pullos, tandem matrem voravit, *Chalcantem* ex nostris *Mythologiae* principii *Terram Trojanam* interpretari, in *Graecorum* potestatem novem post annis venturam: et *Graecos*, dum graviter cum *Trojanis* ad naves pugnant, a *supervolante aquila caesum anguem*, qui inter ipsos deciderat, accipere, omen, se *Trojana terra* potituros.

(b) Et *Serpentes Mercurii caduceo involuti*, et *Medusae capilli in angues* conversi, et *Chimera* qua parte *Draco* erat, ut hoc *Libro* et *Notis* infra. Quin ab ipso *Hercule* nou semel *angues* memorantur *extincti*, ut a puero in *cunis discerpti*: quia in agricultura *Heroium* pueritia versata est; sive terrarum subactio fuit prima *Heroium* aerumna: ab eodem caesus *Draco*, qui *Hesperidum hortos* custodiebat; ut inferius in *Notis* quoque: quae forsitan in aliis *Graeciae* orbibus aliae ab *Hydra* fictae sunt fabulae: et ita ob horum ignorantem characterum *Serpentes*, *Draco*, *Hydra* ex uno plures *Herculis labores* facti.

Mythologorum error.

Nota reipublicae Optimatum: Ordinis opulentia.

(c) A quo primi agrorum domini, *primi dites*, seu divites fuere: unde *Respublicae*, quae postea ex his *ditibus* conflatae sunt, *Optimatum* fuere: quarum nota praecipua est, *Ordinis opulentia*: quae est ratio cur lege *Agraria* *Patres* dicebant *Rempublicam Romanam* labefactari.

(d) *Italice Signorie*; ut his ipsis de caussis *Veneta Respublica* orta, vocabulo maxime proprio *Signoria Veneta* appellatur, et *Domitio Veneto* ejus ditio.

est caninam hominum impiorum impudentiam coërcet; et *ab inferis educit*, hoc est a sepulchris arcet, qui cadaverum carnibus, et tabo non vescatur. Idem *Tyrannorum extincitor*, quod hac victoriarum fama (a), qua Optimi cluebant, erectos infirmiores, ad *Inclytos* Latinorum, ad Graecorum *Hercules* ab violentorum injuriis confugisse necesse est, qui pro infirmiorum tutela violentos, si obsisterent, occidebant: et sic Inclytorum ditiones *Asyla* sunt profugis constituta, quorum primum *Cadmus*, quem diximus alibi, primorum urbes condentium characterem, Thebis constituisse narratur. Quare non ex *vetere condentium urbes consilio*, ut Livius ait, sed a miserorum misericordia, atque adeo ipsa natura humanitatem dictante, *Asyla* sunt introducta (b). Itaque *Inclyti* civitates primi fundarunt, *Hercules Spartanam*, cujus posterius *Heraclidae* rexerunt; Theseus, ut Plutarchus narrat, *magnus Herculis imitator, Atheniensem*.

Namque haec *Asyla* principio *Arae* dictae indidem, unde *Ara* unde? *arare*, et *urbes* ab *urbo*, aratri curvatura, unde est et *ur-* Unde *Urbs*? *bare*, aratro definire (1). Itaque *Asyla* fuere terrae quae a Unde *Hara*? *Fortibus* aratro erant designatae: ex qua ipsa origine *hara*, *septum pecudum*, unde postea *hara* pro victima, atque inde postremo *haruspicina* appellata; atque indidem *ara ipsa*; Et *Haruspicina*? non ab ἀρά, *votum*, quod temere Grammatici, sed qua Et *Ara* (*).

(1) L. 139, D. de V. S. § Urbs.

(a)* Quae κλέος Graecis, *cluer* Latinis, *gloria* utrisque, est Poë- *Famae mythologia.* tarum *Fama*, quam alatum finxere, quod *Alae* stemma erat heroïum, ut inferius: in summa sedere *Turri*, in *Arce* heroïca, in *Regum Turribus*, quae, ut in his Libris et Notis dictum, principio in edito sitae sunt: et ex *ea Turri fortium virorum nomina proclamare*, nempe ob *feras extinctas et violentos ad aras caesos*: inde *vulgi rumores excipere*, sive preces ad ipsorum *asyla* confugientium: a qua *Fama* forsitan dicti *Famuli* et *Familiae*, quamquam postea primae syllabae quantitas mutata sit, ut a *Cluer* appellati *Clientes*. Atque Famuli inde dicti, unde *Clientes*. hi Heroës primi et proprie *Fama Inclyti* dicti sunt: unde κλυτρός, *Κλυτρός Inclyti.* *Inclytus* apud Homerum, perpetuum *adjunctum Deorum, Regum, Heroïum*: atque id est, quod, dum apud eundem instruitur contra Trojanos universus Graecus exercitus, et expeditur ad pugnam, per *Heroïum ordines Fama pervolat*, per catervas plebejorum non item. Hos gigantes *Sacra Historia antediluviana* appellat *potentes a seculo viros famosos*.

(b) Horum primorum in terris hospitum character expressissimus est *Heros*, quem Homerus narrat *hospitio in via extracto omnes praeteriteantes promiscue excepisse*: quam indiscretam hospitii celebrandi rationem Plato apud Spondanum in Notis ex errore vocum alienatarum de suis hospitibus jam excultae humanitatis accipiens, reprehendit.

(*) Vide infra § Ad hoc quod, narravimus.

nos dicimus ratione; quia in primis aris *prima vota*, *prima avāthipata*, *primi homines sacri* caesi sunt.

Fines agrorum Ara.

Aras autem primitus fines agrorum dictos docet celebris apud Sallustium (1) historia de *Aris Philenorum*, quae in Cyrenaica regione fuere finis Imperii Carthaginiensium Egyptum versus in illa terrarum vastitate a Philenis fratribus definitus. Hinc in Geographia tot urbes ubique *Ara* vel *Arae* appellatae. Quin in Sacro Codice, notante Cellario (2), *Aram* primum et universale vocabulum urbium ac regionum fuit. Etenim quo sono Graecis ἀρή *votum*, Latinis *hara*, *prima* haspirata *Septum*, Hebraeis ultima haspirata

אֶרֶץ *arah* carpsit; unde אֶרֶץ *Ari*, *Leo*; et אֶרֶם *Aram*,

nomen proprium viri; a quo *Aramia*, *Syria* dicta; et אֶרְמוֹן *Aramaeus*, *Syrus*: et ab eadem origine אֶרְמוֹן *Armon*, *Arx*,

unde forsan *Arma*, quia *arcent*; et *Armon*, *Palatium*, turris regia, forsan a *septorum palis*; a quibus *palis* forsan *Pales* pastorum Dea. Hinc ad *Aram confugere*, confugere ad Asylum. Ex quibus omnibus celeberrima Atheniensibus

Ara Clementia Atheniensium.

Ara miserorum, sive *infelicium* dicta, quam *Herculis Posterius* constituisse a Graecis traduntur; argumentum gentis praeter ceteras humanissimae, quo merito super alias nationes se extollebant, quod inter ipsos *Asylum* omnibus miseris, profugisque sanctum et inviolatum pateret; quo forsan exemplo omnia templa Graecis vocantur *Asyla*. At apud Hebraeos *sex Asyla* constituta, *sex urbes Levitarum*,

Sex Asyla Hebraeorum.

qui populi Hebraei *Optimates* erant. Neque hunc majorum gentium morem obliterare Romani, apud quos *Curia*, quae ex Senatoribus sive *Optimatibus* componebatur, *Ara Sociorum* habebatur, et a Cicerone sic dicta, ad quam *Socii* populi Romani ab aliena vi et injuriis, tanquam ad *Asylum* confugiebant: unde *Patres de repetundis perpetui Quae-*

Curia Romana:

Ara Sociorum.

Prima humanitas fundavit Respublicas.

Igitur vides non tam una ex *arcanis regni artibus*, quae ferme omnes sunt *infirmiorum consilia*, quam ex *Fortissimorum magnanimitate* jus Asylorum fundatum, et Asylorum jure respublicas primas *Optimatum* conditas esse, ut Libro priori diximus (*), et heic latius dicemus: nec regna ex *dominandi aviditate*, sed ex *humanitate protegendi infirmos* adversum vim primum in terris orta. Quem gene-

(2) De bello Jugurth. (1) In Geogr. antiq. lib. III, cap. XII.

(*) Cap. CIV.

rosam majorem gentium morem *Venetæ Patres* (a), qui eos plurimum referunt, diligentissime custodiunt: nam miseros, qui vel ob magnas Regum inimicitias ad ipsos confugiunt, sancte in fidem recipiunt, et fortiter tuentur.

Ita qui *Inclyti* suas ad aras profugos in fidem recipiebant, ob hoc beneficium *Fortissimi* appellati ea significatione, qua aliis utilissimi: quo sensu *Fors Fortuna* bona fortuna dicta, et hinc appellati *Optimi*, quod *bonum* sit quod alios beat; unde *Deus Optimus*, qui prodest omnibus, et semper prodest; et *bonus Vir* Romanis Judex, qui alienae utilitati studere debet, non suae: unde vocabulum ipsum docet fortitudinem veram ad tutelam, non ad perniciem natam esse.

Quod autem infirmi Fortissimorum, Optimorum *auxilium* adversus violentorum injurias implorabant, dixere *Opem*, a recto *Ops*, quae vox una est ex infantis linguae monosyllabis, quam Latini, ut supra vidimus, post *Fas*, Graecis dictam *Themis*, secundum fecere Numen. Ex qua *Ope* temporis lata infirmi recepti hos Fortissimos, *Optimos* appellavere; quia sua infirmorum capita tuerentur, appellavere *Patres*, appellatione a *Diis* ad illos translata (b): qui mos

Venetæ Reipublicae laus.

Cur *Inclyti* dicti *Fortissimi*?

Optimi.

Vir bonus pro *Judice* unde?

Cur *Optimi* dicti *Patres*?

(a) Uti Herodoto tradente, lib. IV. apud Spartanos Optimatum quoque Rempublicam publice instituti *Proxeni* dicti, qui hospitum curam cultumque haberent.

(b) Quae appellatio ante a Patribus translata fuerat ad Deos, ut his in Notis sup. ex eadem rationis similitudine: prius *Deos* dixere *Patres*, quia iis nulla erat in terris persona *Patribus* dignior: deinde, nihil usquam *Diis* dignius intellexerunt, *Inclytos erronum servatores* appellavere *Deos*; sicut postea, Regnis heroicis constitutis, quia super Regem heroici ordinis nihil in terris dignius intelligebant, *clientes* suos *Inclytos* appellavere *Reges*: cujus antiquitatis bellissimum extat vestigium in *Achillis clypeo* apud Homerum; ubi paterfamilias messoribus bovem comedendum dari jubet, qui cum sceptro describitur, et *Rex* diserte appellatur: unde fortasse mansit *Graecis*, quod *Parasiti* eos, qui sibi darent coenam, *Reges* appellarent, ut ex Comoediis habetur: et *Romanis*, apud quos clientes suos Patronos mane salutantes, *Reges* appellabant, a quibus postquam in forum comitati, vesperi domum reducerant, coena donabantur, primo clientum *obsequio* in hunc *comitatus* luxum, et primis eorumdem *operis* in hunc *cultum* translatis, in summa Romanae gentis magnificentia. Atque haec omnia ab ea prima *clientelarum origine*, quod *Inclyti* receptis agros assignarunt, in quibus colendis de *Inclytorum* substantia vitam sustentarent, quam salvam cupiverant: nisi si vocabulum *Rex* natum sit in hoc rerum articulo a *regendo*, seu sustentando; deinde *Rex ordinis* dictus, qui in turbis cum plebibus sua ferocia ordinem sustentavit.

Cur *Dii* dicti *Patres*?

Cur *Inclyti* dicti *Dii*?

Cur *Inclyti* dicti *Reges*?

Qui *Reges Parasiti* *Graecis*?

Cur *Patroni Romani* *Clientibus Reges*?

Unde *Rex* dictus?

Primi pastores *gentibus Reges*.

Hinc sequentia conficiuntur: I. *Reges*, uti apud *Homerum* passim,

Romanis mansit, ut qui Patriam servassent, ut Camillus in sago, Cicero in toga, *Patres Patriae* appellarentur: quam appellationem ab Augusto traditam, sequentes sibi *Principes Romani* tanquam hereditario jure sumpsere; quod Augustus patriam bellis civilibus occidentem servarat; et ad hanc vetustatem antiquitatis doctissimus Poëta respexit, quum de Augusto cecinit,

. . . Ille mihi semper DEUS; illius ARAM
Saepe tener nostris ab ovilibus imbuet agnus.

Ratio dum ordinem jure divisorum, ex quibus regna hereditaria coaluere.

Nam ut legem (1), quam Optimi receptis imponerent, iisdem aequum probarent, dicebant, se ex ea Terra ortos esse, ac proinde sua esse auspicia, quia in Caelo suo capta; unde quantum Caeli solo imminet, tantum Romano Jure est in usu ejus, qui soli dominus est; estque illud, in solo cuoque suo aedificare usque ad Caelum licet: item sua esse sacra, suam linguam, ac proinde scientiam sacrorum et legum suam; sua connubia, sua paterna imperia, suas gentes: atque haec omnia, quia in agros venerant alienos, quorum ipsi *Indigenae*, *Ingenui* erant; et sic ipsos unos *heros*, ac proinde nobiles esse: quando igitur infirmi salutis causa in haec omnia aliena venissent, aequum erat, ut *recepti agris adsignatis* sibi ad sustentandam vitam, quam salvam cupierant, contenti essent. Unde *assignatio* postea *Jurispatronatus* praecipua in Jure Romano pars fuit; et in

Prima Lex Agraria in terris nota. Assignationis et agri assignati origo.

pastores populorum primo, et proprie hos *Inchytyos* dictos esse, quod erroneas pascere; deinde metaphoricè dictos *pastores gregum*, qui vere non pascunt, sed ducunt greges.

Cur Rex et Heros idem?

II. Atque hoc illud esse apud Homerum, in quaque civitate quot *Heroës*, tot *Reges*, singillatim in Ithaca *Procos*, in Phaeacia *tredecim Reges*, tertiumdecimum *Alcinoïum*.

Primi greges hominum.

III. Et quando primi in terris fuere *pastores hominum*, necesse quoque est, prius fuisse *hominum*, deinde *pecudum greges*: qui greges exinde mansere dicti *operarum* et *Histrionum* maxime, ut ex Comoediis habetur: et greges *servorum*, quorum clientes, ut alibi dictum, prima rudimenta fuere: et pulcherrimam hujus antiquitatis notam servat etiamnum inter Latinos verbum *segregare*, quod proprie dicitur de meretrice vel concubina quae ab amatore dividitur: quia inter clientes justae nuptiae principio nullae fuere.

Unde greges operarum, histrionum, servorum?

Segregare quid propriis?

Primi Duces clientum.

IV. Et *primos Duces* fuisse *Inchytyos*, qui hos ducerent greges hominum: in quo ductu stat ex adverso *praecipua clientelarum proprietates*, nempe *clientum obsequium*: unde postea rerum ipsarum naturâ factum, ut *clientes sequerentur ad bellum Inchytyos*.

Cur Heros et Dux idem?

V. Hinc perpetuo *Ducum* adjuncto *Heroës* ab Homero appellari.

(1) Quam Lib. priori, Cap. CXXVII, *Primam Agrariam* diximus.

doctrina de *limitibus*, unum e tribus *agrorum* generibus erat, qui *assignati* dicebantur: et *recepti* fuerunt tanquam *Origo Receptorum*. juris majorum gentium servi, sive *servorum* jure minorum gentium prima rudimenta. T. Livius haec partim non omnino tradit ex vero, cum neque illius simplicitatis, neque fortitudinis sit, ut *natam e Terra sibi prolem ementirentur*, quod vitium servile est. Rectius fortasse dicemus, Inclytos id verum credidisse; et diuturnitatem temporis in ea linguae et scripturae summa ignorance, oblitterasse illas primas terras a majoribus lectas esse; et ita vel falsas religiones non mendacio, sed falsa persuasione in respublicas promanasse; neque, ut Livius ait, *vetus urbes condentium consilium id fuisse*.

Gentium Religion-
es et Respublicae
falsa persuasione, non
mendacio fundatae.

Atque de *hoc Jure gentium* intelligendi apud Livium sunt *Patres*, qui adversus *Canulejum Trib. pl. legis Auctorem* de *Connubio patrum, et plebis*, dicunt: *confundi jura gentium* (idest *majorum*, quae Romani Patres sancte custodiebant): *ea lege perturbari jus auspiorum; eoque discrimine sublato, ferarum ritu* (innuit exleges nefarios, quos diximus), *promiscua connubia haberi, ut qui natus sit, ignoret cujus sit sanguinis*. De his Inclytorum patribus accipiendus est *Appius Claudius*, Decemviri nepos, contra *Sextium* et *Licinium* perpetuos legis Auctores de *Consulatu plebi communicando*, inquiens: *Patricios privatim auspicia habere, quae Plebei ne in magistratu quidem habent; quos supra diximus Patricios fuisse Auspices majores, et auspicia publica habere*: quare *Tribunatus plebis* verus magistratus non erat; quia cum non haberet auspicia, nullum habebat imperium; ejusque vis omnis non in jubendo, sed in vetando stabat. Quae a Livio ad Patres a Romulo lectos, et multo magis a Junio Bruto conscriptos translata, tam densas Romanae Historiae tenebras offundunt, ut ex vero P. Decius Mus adversus Claudium pernegantem, Sacerdotia plebi communicari, cum stomacho dicat: *Semper ista audita sunt eadem; penes vos auspicia esse, vos solos gentem habere: en Romae unquam fando audistis, patricios PRIMOS ESSE FACTOS, non DE CAELO DEMISSOS, sed qui patrem ciere possent, idest nihil ultra, quam ingenuos, hoc est e matre libera natos*. Atque haec est ratio, cur alteri Famae apud Suetonium non assentiar, et verius putem *Appiam Gentem* cum *Atta* (1) sub Romulo venisse Romam; nam si, uti altera Fama fert, post Reges exactos venisset; ne-

Historia Romana
illustratur.

(1) In Tiberio.

Fundamentum totius Rei Romanae.

que haec Appius tam audacter diceret; et Mus Appio, ut minorum gentium patricio id, quod gravissimum erat, exprobraret. Hoc graviter animadvertendum censeo; namque haec res erit praecipuum omnis Romanae Historiae, politicae et juris civilis Romanorum tum sacri, tum profani, tum publici, tum privati fundamentum.

Cliens unde?

His, quas supra descripsimus, rationibus, Tempore Obscuro *Clientelae* institutae, quas postea Romulus recepit (non, ut vulgo putarunt, instituit), et certis legibus distinxit, ac Patribus Romanis attribuit: et dictae sunt *Clientelae*, quasi *Cluentelae*, a verbo *Cluere*; unde *Clientes*, quasi *Cluentes* metonymicòs, causà sumptà pro effectu, non a colendo, ut falso Connanus (1) ac Raevardus (2) putarunt.

Clientelae ubique gentium celebritas.

Et ita aliis alibi legibus *Clientelae* a maioribus gentibus fundatae sunt, et terrarum Orbis *Clientibus* frequentatus (a). Unde legis Romanos Scriptores *Clientum* mentionem facere praecipue inter Germanos Gallosque, deinde inter Hispanos, Paenos, Italos, Graecos, ut inter Athenienses id jus erat, ut peregrini alicui opulento homini se *applicarent in Clientelam*, ut Thais apud Terentium: et in *Sacra Historia* legis Abrahamum cum istiusmodi familia cum Regibus iusta bella gessisse: cumque diserte non narret ex Dei mandato gessisse, recte conficitur, hoc clientelarum jure gessisse: ut clientelas ex jure omnium ferme majorum gentium fuisse, ambigi ultra non possit.

Clientelae in Latio ante Romulum.

Itaque Romulum eas a jure majorum gentium recepisse monere debet ille Livii locus, ubi narrat *Potitios* et *Pinariòs*, quas tanquam ex nostra doctrina, Livius momentose, *inclytas nobilitate familias* appellat, *Sacra Herculis Romam importasse*: et *Attam Clausum*, quem nos paullo ante demonstravimus, sub Romulo Romam venisse, cum magna *clientum manu* venisse.

Clientelarum partes duae, Obsequium et Operae.

Praecipuae enim et ferme communes *Clientelarum* leges erant *Obsequium* et *Operae*, Patri, Fortissimo, Optimo pro allata ope praestandae; ut jure obsequii *Inclytum*, quo vellet, *cliens* sequeretur (b); jure operarum, eas *cliens*

(1) Lib. II, Cap. VII, n. 1. (2) In L. Testamentis, D. de R. J.

Clientelae ex Homero.

(a) Unde apud Homerum Graecus exercitus universus in *heroès* et *plebejos* divisus; ut a Romanis Historicis externarum gentium exercitus per earum Principes eorumque *clientes* descriptos legas.

(b) De quo praeclarus Homeri locus est, ubi Menelaus Telemacho dicit, si ipse et Ulysses Trojà domum incolumes ambo rediissent, decresce urbem condere, quo is cum filio et suo populo commigrasset, unà illarum urbium, quibus ipse moderabatur, vacuà relictà.

Inclyto quoque praestaret: ad cuius juris gentium majorum imitationem, servitute et manumissione a minoribus gentibus introductâ, leges civiles de *obsequio* et *operis a liberto praestandis Patrono* ob libertatis acceptae beneficium introductae sunt, et *assignatio*, quam supra diximus. Unde Ulpianus (1) clientes *libertis* comparat.

Clientela rudimentum, Jurispatronatus.

Sub his legibus obsequii et operarum clientes recepti conflavere *familias*, significatione nativa et maxime propria, quae hanc famulorum multitudinem sub unius patrocínio significat, proprie item *famuli* accepta voce, qua *ministrum* significat; namque erant Patribus colendorum agrorum ministri: qui quia rem familiarem plurimam facerent, patrimonio, *familiae* nomen dedere. Atque ab his familiis *Paterfamilias* proprie appellati sunt; ad quod exemplum postea conceptum caput Leg. XII Tabb. de *Testamentis*: *Uti PATERFAMILIAS super pecunia tutelave rei suae legassit, ita jus esto.*

Familia proprie dicta;

Famuli.

Paterfamilias proprie dictus.

Pro hoc obsequio, pro his operis quisque cliens Inclyto promittebat, ei ubi vellet, et quando vellet, se sistere: et sic prima et monosyllaba vox orta, *vas*, *vadis*, communis originis Latinis, Graecis Germanisque; Graecis enim Βάς Βάς, idem significat ac Latinis, nempe eum, qui in iudicium vocatus *vadere* debet: Germanis autem *Vass*, prima *Vassalli* appellatio fuit; unde *Vassus*, et *Vassallus*, et *Wadium* pignus, et *Invadiare* oppignorare. Nam ejusmodi clientelae quaedam majorum gentium minuta feuda fuere. Quare *Elegantes Juris Feudalis Scriptores* recte et pro hac antiqua, quam natura ipsa linguae eos haec ignorantes docebat, origine, imprudentes feuda *beneficia*, Seniores *Patronos*, Vassallos *Clientes*, Homagium *Clientelam*, Fidelitatem *Obsequium*, militare servitium *Operam* militare dixere: quam etiam, republica diu libera, plebei Patribus publice praestitere, ut de suo aere militarent: unde in Jure Feudorum sunt *Miles* et *Vassallus* synonyma. Deinde mansit sola *Obsequii* obligatio, qua Clientes Attam Romam commigrantem secuti sunt: quae postea in republica libera in hunc morem conversa est, quo mane plebei togati ibant quisque suum salutatum Patronum, eâ formulâ, *Ave Rex*; ita namque in antiqui regni heroici memoriam appellabant; eumque ducebant in forum, reducebantque domum: quibus pro antiquo victu Patroni coenam dabant; pro qua postremo *Sportulas* dividebant. Atque hi Patronorum *Co-*

De origine Feudorum.

Vas quid et unde?

Vass.
Vassus,
Vassallus,
Wadium,
Invadiare.

Clientelarum et Feudorum similitudines excussae.

Militare servitium Romanorum.

Ut clientelae republica libera transformatae?

Comitatum origo.

(1) L. Si vero, § 1, D. de iis quae deject. vel effus.

Curiae,
Curtes.

Heroës,
Viri,
Barones.
Ager,
Possessio.

Alauda,
Feuda.

Laudare Aucto-
rem ex clientelis or-
tum.

Laudimia.

Laudum.

Precariae,
Census.

Non ex Jure Ro-
mano Feuda, sed ex
antiquissimis Feudis
Romanum Jus na-
tum.

Fis.

Fred,
Feida,
Diffidare,
Fida.

miles postea fuere *Comites Principum*; et *Comitatus* primi Latinae Originis Tituli Feudalium Dignitatum fuere. Et *Atria* Patronorum barbaris fuere *Curiae*, seu *Curtes* in re Feudali, Praetoria, seu Tribunalia Seniorum: et qui *Optimi* priscis Latinis gentibus, in re feudistica *Meliores* dicti: et qui Graecis *Heroës*, Latinis *Viri*, barbarice *Barones*, viri fortes, potentes, Optimates regnorum. Sed ex hac earum majorum gentium antiquitate, qua *Ager* erat Inclytorum, *possessio* Clientum, in re feudistica passim *possessiones* pro *feudis* accipiuntur; et *Seniorum* sunt *Alauda*, quae *Allodia* vulgo dicuntur, *Feuda* sunt *Vassallorum*, quae in re *beneficiaria* est *summa rerum divisio*; ex eadem fortasse origine, qua inter Romanos postea *laudare Auctorem* fuit in iudicio vocare eum, a quo reus domini causam haberet; quae una ejus obligationis pars est, qua Patroni Clientes lite implicitos tueri in iudicio debebant. Ex eadem fortasse origine *laudare* Latinis, unde Germanis a *los*, sive *lauds*, provenere *laudo*, *laudimia*, *laudum*; nam *laudimia* est pecunia, quam novus Vassallus Patrono perdit in domini agnitionem; *laudum* vero arbitrium sive iudicium, quo de Feudo caussa definitur. Hinc cum feudis natae *Precariae* et *Census*, quos primos juris gentium contractus de rebus soli putarim, illum de re aliena possidenda pro libitu domini; hunc sub opere certae rei, vel pecuniae domino in annos pensitandae. Igitur non ex *scintillis Romani Juris Feuda*, ut hactenus cum Oldendorpio putatum est, sed ex his antiquissimis Clientelis, et Feuda, et Jus Quiritium Romanorum duxisse originem, ut Libro priori (1) diximus, jam satis liquido constat (a).

Uti clientes pro vita et victu Patronis *vades* fiebant, ita vicissim Patroni clientibus suam praestabant *fidem*; quam vocem puto monosyllabam in illa infantia natam, *Fis*, cujus obliqui sint et *Fidei* et *Fidis*, quum significat nervum, qui $\chi\omicron\rho\delta\eta$ dicitur Graecis. Et fortasse inde quoque *Feudum* dictum sit a verbo *Feed*; unde postea *Feida* significavit capitalem inimicitiam, unde est *Diffidare*; et inde *bellum* (b): nam *fida* quoque barbarice dicta mansit, jus utendi aliena fruge, glande, vel pabulo sub certo precio constitutum.

(1) Cap. CXXIX.

(a) Nostra ipsissima in Homero feuda vide in Notis Libri prioris, ubi de *Feudorum origine*.

(b)* Quae vocis origo firmat prima bella fuisse *Duella*, quae nos vernaculâ linguâ appellamus *Disfide*.

Ab hac *fide* forsā *Herculem* Romani *Deum Fidium* co-
luere, et per *Herculem* fere semper jurare soliti. Et per
Clientelarum occasionem prima eluxit *Juramentorum* reli-
gio, unde Romanis *Sacramentum* *αὐτὶ ἐξοχῆν* pro *militari*
dictum mansit. Jurabant autem Inclyti quemque suos non
deserturum, proditurumve esse Clientes, quin eos doctur-
um, iisque in eorum temporibus praesto fore. Hinc mansit
gravioris sceleris apud Romanos fallere Clientem, quam
hospitem, ut Sabinus tradit. Itaque ejus, qui Clientem de-
sereret, proderetve, poena erat *infamia*; nam cadebat illa
virtutis fama, qua eum *cluere* oportuerat. Quae poena di-
vina est, non humana, ut alibi diximus (*), cum sit com-
mune humanae rationis iudicium, quod scelerata facta
condemnat. Quod solum poenae genus Summos Principes
mansit, qui in subditos ipsorum fidei commissos libidine,
avaritiā, crudelitate grassantur, quam nullis potentiae vi-
ribus vitare possunt, quia quo gravius premunt, violentius
erumpit. Atque ab hac vetustate Romani primum *Patronos*,
qui Clientes fallunt, deinde *Tutores*, qui non ex
fide pupillorum res administrant, postremo *omnes*, quo-
rum fidei res nostras *mandamus*, et perfide in iis admi-
nistrandis se gerunt, infamia notatos habuere.

Cur Hercules *Deus Fidius* Romanorum.
Origo *Juramentorum*.
Sacramentum.

Prima infamiae poena.

Infamia perfidiae poena.

Per Clientelarum occasiones coepere optimi feros homines Deorum religiones docere, sive metuere, et vereri Deos: et sic *Poëtae* fuere *vulgi Philosophi*, et *Heroës Poëtae* fuere, quales Orpheus, Amphion, Lynus; quem morem recepere Romani Patricii, qui Patroni Clientum plebem docebant jura: et prolato Imperio magnifice protulerunt, ut certae Familiae universas Provincias sub Clientelis haberent, ut Marcelli Siciliam, Catones Hispaniam, tanquam ut Provinciales Romana Jura docerent.

Unde divisio hominum inter *Sapientes* et *Vulgus*.

Eosdem in ruris artibus instituere: namque inter Occidentales, qui falsis religionibus fundati sunt, rustica prior pecuariā fuit, unde fortes gentes provenere: nam diu Optimos in lucis latitare oportuit, ut supra diximus; deinde auctis familiis agros culturae subigere; tandem gentibus conditis, qui agri *arcifiniis limitibus*, nempe monte, valle, flumine, primas gentes interjacebant, eo pecudes pastum misere; unde in jure *familia* pro patrimonio prior *pecuniā* est: quo pertinet aureus sane locus, ubi Auctores

Rustica pecuariā prior (**).

Familia pecuniā prior.

(*) Pag. 190.

(**) Apud Occidentales. Cf. p. 276.

*Ager,
Possessio,
Latifundium.*

Cur Orientales Occidentibus molliores?

Apud gentes nuptim matrimonio priores.

Patres, Genitores, Parentes quid differant?

Patres docuere vulgus religiones.

Prima poenarum coercitio.

Nervus pro carcere.

Fides pro nervo.

de *limitibus* definiunt *agrum* esse manu captum, *possessio-nem* vero late patentem fundum, quod *latifundium* dixere, quem initio non mancipatione, unde jus mancipi, sed ut quisque potuit, occupavit ac tenuit. Atque indidem Orientales molliores, quia, vera religione, vel in falsas degenerate, pecuariam principio exercuere, deinde rusticam.

Deinde Optimi suo exemplo clientes docuere, singulas habere uxores, et ita continentiam colere, et pudicitiam. Unde clientes animo conjugali, et uxorum custodiâ *matrimonium*, quod *naturale* dicunt, celebrare coeperunt: ex quibus matrimoniis uno vocabulo et pater et mater dicti; Optimi namque appellabantur *Patres*, eorum uxores *Matres*; clientes vero, quia naturâ tantum tales erant, ab ipsa natura *Genitores*, qua sola certi sunt; et a matribus, quae naturâ certo pariunt, *Parentes* vocati. Itaque *matrimonium* inter *plebejos* erat *maris et mulieris individua vitae consuetudo* (1); *Nuptiae* inter *Optimos* erant *vir et foeminae omnis divini et humani juris communicatio* (2); quae definitiones re ipsa aliae, pro eadem a Jurisconsultis Romanis habitae sunt; nisi sint a Triboniano confusae, quia jam plebi communicata erant omnia patrum jura.

Denique ut Optimi ex Omnipotentis Numinis persuasionem, se submisere Diis et Divino regimini, ita plebei ex lege *Potentiae*, quam a meliori natura dictatam diximus, se Fortiorum Imperio submitterent; et ita *auctoritatem*, quam sub *Theocratia* habebant in solos *filios*, protulere in *clientes*; eosque hactenus exleges inchoavere ad civilia imperia mox futura ferenda.

Nam ex ea auctoritate *prima poenarum*, quae corpori infligerentur, orta est *coercitio*, qua patres vinculis eos coercerant, qui sibi obsequium aut operas detrectassent: et primum vinculorum in ea ruditate *nervus* fuit, ex qua antiquitate Terentius dixit,

In nervum potius ibis;

pro carcer; et alibi,

Vide, ne ista fortitudo erumpat in nervum;

ubi argutatur de *nervo* arcus pertenti, et *nervo* carcere: et *nervus* principio dicta *fis*, unde mansit *fis*, *fidis*, quae Graecis $\chi\omicron\rho\delta\acute{\eta}$, et ad significandam *fidem* genus inflexionis mutavit, unde *fide obligari*, obligari nexu, *solvere fidem*,

(1) L. 1. D. De Rit. Nupt.

(2) Ibid.

solvere nexum: et *fides* pro imperio accepta in illis locutionibus *implorare fidem*, implorare potestatem, vim alienam; in *fidem recipere*, recipere in potestatem, recipere sub imperium.

Pro potestate et Imperio.

Ex quo majorum gentium Jure patresfamilias famulos detrectantes agriculturam, nexos habebant; unde *nexus*, *us*, Plauto, dicitur *nervus* in *Poenulo*. Quod jus postea a Patribus in debitores exercitum Romæ et Athenis turbarum perpetua materies fuit. Quare caput de *nexis* Majoribus recte putabat, ut diximus priori Libro (1), non ex Solonis legibus in XII Tabb. translatum, quod ante eam legem Romæ ex Livio id jus nexorum esset: dicti autem rationem ignoravit, quod ex hoc majorum gentium jure is *mos* abiit in XII Tabb. legem.

Jus nexi fons omnis publici privatiq̃ Juris Romani.

Atque hac ratione *Patres* sibi adrogare coeperunt *honores*, qui hactenus Deorum proprii fuerant, quod soli Diis habuissent hactenus Imperia: et extitere *primula Magistratum initia*, qui proinde *honores* appellantur, et proprie, ut Aristoteles notat, de Diis dicuntur. Idque egerunt *Patres*, quod se Diis ortos, ac diversi a vulgo generis esse putarent: quare *Viri* sunt appellati, qui idem Latinis sonant, ac Græcis Ἡῤῥῶτες ab eadem Ἥρα Junone, Aëris Dea, ab Auspiciis; quod ex Auspiciis, quibus divina Inclyti celebrabant connubia, nati essent: quod dat conjiciendum constantem super gentium majorum moribus Romanorum politiam, qui *Sacerdotes*, *Magistratus*, *Maritos* jure et cum imperio in uxores, et *Judices*, appellavere *Viros*.

Honor divinus humano prior.

Magistratus initium.

Optimi medii inter Deos et homines.

Ad hoc, quod narravimus, instar, quod principio *Arae* cujusque jus fuerat, ne quis profugus *intra aram receptum* laederet; totus ager *aratro* designatus *arx* diceretur, et agri finis *ara*: unde *arcere* postea derivatum, ea significatione, qua *Territorium* dictum, quod postea ad possessiones quoque prolatum definitur, Universitas agrorum intra fines cujusque civitatis (2): in cujus verbi enarranda origine omnes praeter Varronem falluntur, neque ipse Varro omnia ex vero dicit. Scribit enim *territorium* dictum, quod Magistratus intra ejus fines terrendi Jus, nempe imperium habet; et *terrere* quidem *submovere* interpretatur; sed fallitur, dum *submovere* putat, quod Lictor submoveat turbam, ut Magistratui viâ cedat; cum *terrere* sit ab eo, quod Inclyti terrent violentos, qui profugos intra aras receptos persequerentur, ex qua eadem origine ipsas

Arx unde dicta?

Et Arcere?

Territorium unde?

(1) Cap. CIV, § Idque est. (2) L. 239. § 8, D. de V. S.

Unde *Terra*?

Quae Inclytorum gloria?

Postliminii origo.

Duo rerumpublicarum ordines inchoati.

Respublicae ex pietate et virtute ortae.

Viri et homines.

Foeminae et mulieres.

Optimi, Heroës inchoati Philosophorum.

Juris heroici fundatores.

Conclusio hujus Capituli.

Terras appellatas esse paullo inferius dicemus. Atque ea ratione Inclyti gloriâ ceteris praestabant, qui quam latissimas haberent aras, suaeque longe lateque paterent Asyla, ut Svevos narrat Tacitus, in eo gloriam collocasse, ingentibus terrarum spatiis submotos habere hostes. Atque hujus majorum gentium juris propago est *postliminium* jure minorum gentium introductum; quo ab hostibus capti, post suae civitatis fines regressi, priorem libertatem recipiunt: et vero nisi quis intra *arces* Imperii, quae hostem arceant, se receperit, is jure gentium postliminio receptus non habetur (1).

Ita Clientelis fundatis, extitere *duum ordinum*, quibus omnes stant respublicae, rudimenta, *Inclyti* et *Clientes*; illi sacri, hi profani; illi fortes, hi infirmi; illi sapientes, hi vulgus; ac proinde illi digni, qui heri essent, hi famuli: unde ordinibus omnino duobus omnis respublica constat, altero qui imperat, qui paret, altero: et respublicae omnes pietati, religioni, virtuti suas primas debent originis; namque ex Optimis et plebibus primum coaluere, ut inferius dicemus, qui rebuspublicis sedatis *patres* et *plebes*, motis vero *Optimates* et *Turbatores* dicuntur. Et prima illa generis humani divisio introducta, ut alii *viri*, alii *homines* essent, et *viri* essent, qui Graecorum *heroës*: unde Romanis mansere *vir*, vocabulum dignitatis, *homo* naturae; uti *foemina* vocabulum laudis, *mulier* contemptus.

Et Optimi *terti* ab homine Integro *heroës* fuere, *Heroës*, inquam, pudoris, continentiae, justitiae, fortitudinis, sapientiae, humanitatis, quas omnes virtutes colebant ipsa pietate: quales postea Philosophi suos Heroas fingere rationibus studuere. Quare Libro super. (2) dicebamus, si jus majorum gentium Graece vertere quis vellet, ei *δίκαιον ἥρωικόν*, quam proprie tam eleganter dicendum esset.

Et tandem *rebus ipsis dicantibus* (3), nullo mendacio, nullo consilio, nulla arte, sed *solo pudore* propudiosae veneris, et turpis victus, et falsa persuasionem, *Caelum Deum* esse, et per auspicia hominibus imperare; *Patres* sua *auspicia*, suos *agros*, suos *focos*, suas *aras*, suum *ignem*, suam *aquam*, suum *far*, suamque *adoream*, suum *fas*, seu *linguam* putarunt suam. Atque ita *jure sacro auspiciorum jus publicum connubiorum, imperiorum, bellorum, sacerdotiorum; et privatum patriae potestatis, adigna-*

(1) Grotius de Jur. Bell. et Pac. lib. III, cap. de Postlim.
(2) Cap. CIV. (3) Ut dicit Pomponius in l. 2, § Novissime.

tionum, gentilitatum, ac proinde successionum, testamentorum, tutelarum et nexorum, religione conspersum et commixtum natum est; ut *religione omnis respublica, republica omnes res privatae, religionis glutino cohaerent*; ut religione sublata, omne jus sacrum publicum privatumque corrui necesse sit.

Clientelarum characterem Poëtae fecere *Herculem*, et eundem *ludorum Olympicorum* Institutorem, quorum primus erat *Pancratium*, maxime spectandum ea arte, qua *Pancratiastae* se humi implicabant explicabantque; qua arte *Hercules* vicit *Antaeum*, quem, cum vincere humi non posset, sublimem raptum interfecit. Hunc ludum dixere *nexum* (1); quo indito vocabulo nullum magis appositum inveniri potuit ad Clientes terrae nexos significandos. *Ludi* autem ab *Olympo* dicti, namque *Caeli observatione* coepere *Auspiciorum* religiones; unde *Hercules* putatus *Caelum humeris sustinere*, ut *Olympus* et *Atlas*; et *Atlas* magnus *Caeli* *Observator*; et *Atlas* et *Olympus* altissimi montes, ad quorum fontes *primi Pudici* adhaesere. A *ludis Olympicis* Graecis coepit historia; quia ab *Auspiciis* coepit humanitas; et celebris postea Graecis epocha *Olympiades* fuere; quia a Clientelis insigniores res humanae extitere; quarum monumento in *Circo Olympico* *Ara* statuta.

Sed rudiores, quam Graeci, *Galli* *Clientelarum* fecere *Herculem* characterem, ut Libro super. inuimus, qui *catenulis ore emissis* ingentem hominum turbam auribus catenatam sequentem, quo vellet, duceret: quem hactenus characterem *Eloquentiae* somniarunt, de temporibus quibus genus humanum infans nondum loqui, nedum eloqui satis noverat.

Hujus igitur tum celebratissimae rei gnarus *Romulus*, sedulus curavit in primis *Aram* dicare *Herculi*, eamque *maximam* appellavit (a): quod *Eruditi* harum, quas nunc scribimus, originum nec opinantes, in Livio tanquam exiguas res de *Romulo* memoraret, reprehendunt.

Has duas, quas narravimus, *Theocratiarum* epochas *Latinis Aborigine*s et *Evander* excurrunt (b).

(1) Solin. et ad eum Claud. Salmas.

(a) *Arae maximae* historiam pro nostris Principiis enarratam a Corn. Tacito, vide Notam ad Caput XXXI, § Igitur.

(b) Itaque *Evander* character sit *Aboriginum illorum qui errare destiterunt*; et deinde per eam rerum seriem, quam narravimus,

Hercules clientelarum character.

Pancratium juris nexi significatio.

Ludi *Olympici* quid notarunt?

Cur a ludis *Olympicis* incipit Graeca Historia?

Hercules Gallicus clientelarum character.

Arae maximae Historia quid notet?

Aborigenes qui?

Aborigines, ut Dionysius tradit, *Auctores, Conditoresque gentis Romanae, Italiae Indigenae*, ita dicti, quasi ἀβρίγγυι.

fuere *Optimi*, qui heroicis regnis per Italiam agriculturā, arisque fundatis, demum *operam dedere pasturae*.

Aureae aetatis Mythologia.

Omnia quae ad hanc epocham referuntur, sunt gentium aureae aetatis mores. Et quidem omnes *Philologi* primam omnium aetatem auream dicunt; sed cur dicant, fugit eos sane ratio. Nam quid ab auro ea aetas dicta, qua aurum impura, ut aliae, terrae minera erat; et ejus purgandi ars nulla; et vel purgati et in splendorem redacti nullus usus agnoscebatur; ut sup. hoc Libro Thearcus auri a Cambyse sibi per legatos diu post eam aetatem missi usum nullum agnovit?

Primum aurum messes.

Cur aetas aurea ac aetas Saturni eadem?

Ditis, Plutonis,

Cereri, Proserpinae,

Herculis,

Apollinis mythologia.

Qui primi thesauri?

Ut Nilus aurifer dictus?

Aurei velleris mythologia.

Prima poma, velleri.

Auri idem ac ferri praefectum apud heroēs.

Hujus aetatis aurum *messes* fuere, ex quarum seu coloris, seu charitatis similitudine, deinde aetate avaritiae et luxus metallum sic appellatum: pro qua mythologia hoc Libro et commode et facile explicantur *aureus Sibilae ramus, aurei capilli Medusae, aureus imber Danaës, aureae catenulae Herculis Gallici, aurea Herculis poma, aureum pomum Discordiae*, et siquae alia. Nunc tantum dicamus auream Graecorum aetatem respondere Latinorum aetati *Saturni*, qui a satis infra de *Diis majorum gentium* est appellatus. Hinc illa aperiuntur, *Dis thesaurorum Deus*, et *Dis* idem, ac *Pluto*, inferioris terrae Numen, ubi *Ceres*, semen frumenti occultatur: et *Ceres* in alio Graeco orbe *Proserpina*, quam *Pluto* in inferna rapit: a *Dis* et *Dites* et *Ditio*: primi autem *Dites* fuere agrorum cultorum domini: et *ditio* Latinis dictus *ager*, qui est terra dum aratro agitur; ut *arvum* eadem terra, dum seritur. *Hercules* autem inveniendorum thesaurorum Numen; quia primi Heroēs invenerunt sata, quorum *Hercules* est character: et *Apollo* apud Plautum in *Aulularia furum thesaurariorum occisor*: hoc est auctores legum, quorum est *Apollo* character, uti *lex* est *lyra regnorum* dicta Poëtis; quae leges cum, qui noctu messes secuerit paverit, spendio adegere, ut cap. Leg. XII. Tab. sancitum est: et sic *primi thesauri* proprie fuere *messes*, *horrea*, ut apud Plautum in ead. *Aulul. thesaurus auri* non pleonasmus, sed metaphora mera sit: uti citra metaphoram omnem *Nilus* dictus χρυσόρροας *aurifluus*; nam proprie primum aurum ferebat, *messes*. Deinde simili precio et charitate, qua fuit primis gentibus frumentum, *aureas* dixere *oves*, ut *aureas* dominarum *papillas* Poëtae postremi dixere; principio quidem ob lactis, deinde ob pulchrarum lanarum usum: ut *aureas oves* *Argis Atreus* sibi Thyestem abegisse queritur; ut in *Chalcide* *Æeta*, ad cujus arietis pellem profecti *Argonautae*; ut in *Libia Hesperidae*, unde *aurea mala*, idest ex antiqua lingua *capras* et *oves aureas Hercules* ad suos abegit: unde mansit, ut *Homerus* passim Reges appellet πολυμήλης. Nam sane auri precium, quod nunc habet, diu latuit: nam Heroēs Homerici id in precio tanto habent, quanto *aes ferrumque* in usum armorum: quod ex innumeris ejusdem locis conficitur, ubi in Regum thesauris promiscue narrat conditum *aes, aurum et ferrum* fabrefactum: et passim inter heroicas

vas ab *erronibus*: quod etymon Virgilius antiquitatis doctissimus probat, cum *indocile* et *dispersum genus* appellat; quae cum nostra de exlegibus *erronibus* historia congruit.

Evander autem Pelasgicae Arcadiae Rex est *somnium* Evandri mythologia. *Philologorum*: ex communibus proprietatibus *Arcas*; quia Arcades glande vesci soliti erant, et pastionibus dediti; nam diximus post Rusticam inter Occidentales Pecuariam natam esse; unde *Pana*, pastorum Deum, propria religione colebant, et a *pueris musicam docti*; unde Virgilio (1)

..... soli cantare periti
Arcades

quia primi homines rudi quodam rhythmo loqui coepere: *Carmentae* quidem filius *Evander*, quia *Inclyti* carminibus leges dabant, ut *Mercurius Lyrae Inventor*, non ob illud *Philologorum* *somnium* eloquentiam; sed quia *Inclyti* fuere primae agrariae legis latores, qua famulis parendi *mercedem* dedere victum: *Literas invenit*; quia Poëtae Heroës characteres heroicos invenerunt: *pulsis Aboriginibus, tenuit illorum loca, ubi postea Roma condita est*; quia *Inclyti* *erronibus* Romanum territorium *Asylorum* ope purgarunt. Quidni igitur ut *Arcades* Graecis, quia antiqui hominum dicti, *Arcades* dicti Latinis sunt ab *Arx* monosyllabo infantis linguae, unde et *Arcas* et *Arceo*? cum qua nostra origine congruit historia quam de Evandro tradit Virgilius, a quo fertur

Ab *Arx*, *Arcas*
et *Arceo*.

..... Romanae conditor Arcis;

ubi is innuit *Pallanteum*, nos verius accipimus antiquas aras, quibus postea *Arx Romana* successit, ut superius diximus.

opes numerans aurum, id cum ferro confundit. Quare non est, ut ultra *Philologi* torqueantur, et cum magno conatu magnas nugas dicant, ut avaritiae Heroëm purgent, quod *Diomedes* ultro sua *ferrea arma* cum *aureis Glauci* commutare postulet, et nullo opposito ultra precio commutet. *Diomedis et Glaucia mythologia.*

(1) Æneid. III.

CAP. XXII.

Tertia Epocha Temporis Obscuri, qua omnes respublicae fuere Optimatum, et ordo civilis primum in terris natus ().*

Sed ut suis Clientibus singulis coercendis quisque Optimorum satis firmum habebat imperium, nempe *nervum, fidem*; ita ut universos in officio continerent infirmi fuere. Igitur, cum, ut fert natura, Optimi in nexos aequo duriora exercerent imperia, et nexos ejus rerum status tandem pertaesum esset, et omnes una caussa ageret, conspirarunt ad libertatem, et *turbam* facere ausi sunt, nativa significatione, qua multorum rixam, ut *rix* duorum turbam significat (1); ex qua turbatione *primae plebes* natae, quarum proprium est *res novas moliri*.

Ex primis turbis
coortae Plebes.
Turba.
Rixa.

Igitur molis rebus necesse fuit, Optimos inter se Imperia communicare, et ita *Divinam Providentiā*, *rebus ipsis distantibus*, natus est *Ordo Optimatum* (a) ea ipsa signifi-

Ordinis nativa si-
gnificatio.

(1) Ulp. ex Labeon. l. 4. § 1, D. vi bon. rapt.

(*) Illustrat hoc capite transitionem primarum gentium a clietelis ad heroicas Optimatum respublicas, ac typum generalem sistit historiae obscuriorum temporum, quam poetice characteribus praesentatam agnoscit in mythicis, nec non in traditionibus de *Ænea*, qualis in sex *Æneidos* prioribus libris effingitur. Quae vero hic disseruntur, non sine aliqua repetitione, saepius referenda sunt ad ea quae jam in I Libro exposuit de tribus primordialibus elementis regiminis civilis, pag. 55-57; de legibus agrariis, pag. 64, 82; de proprietatibus reipublicae Optimatum, p. 73-75, 84, 122; de transitione *juris privatae violentiae* proprii majorum gentium, ad *jus publicae violentiae* a minoribus gentibus usurpatum 61-63, 66, 68-69.

Minervae ex Jovis
capite natae mytho-
logia.

(a) Hujus historiae character est fabula, qua *Vulcanus bipennis ictu gravidum Jovis caput aperuit, ex quo nata Minerva est*: sub qua Mythologi altissima secretioris Sapientiae arcana involvi hactenus crediderunt; quae vix, excultissima Graeciā, Platonēs decent: dicamus igitur horum temporum ruditati convenientia. *Vulcanus* character plebejorum, quatenus artes fabriles exercent, *ictu ferū Jovis caput*; nempe secessionē facta Ordinem regnantem, cujus character est Jupiter, ferit; eique caput seu mentem aperuit, ut nasceretur *Minerva*, nempe *Ordo Civilis*, ordo Patrum, qui rerum publicarum Sapientia semper habita est. Quanquam apud Homerum in Iliade *Minerva* fere semper appelletur modo *praedatrix*, modo *bellatrix*, modo *urbium propugnatrix*; qua appellatione Trojani obsessi eam invocant; et *Minerva* semper opponitur *Marti*, qui est plebejorum apud Heroēs militantium character: et adest *Diomedē*,

Minerva apud Ho-
merum fere semper
bellatrix in Iliade;

catione nativa, qua *militiæ Ordines* dicuntur; quod Optimates in ordine stantes ad speciem, et ad terrorem plebem turbantem deterruere: et qui omnium fortissimus cum *ordinem regeret*, significatione maxime propriâ, uno ex infantis linguae monosyllabis *Rex* dictus; et ita verus Sallustius, qui scribit, *regium in terris nomen Imperii primum fuisse*; et ceteri *Historici*, qui primos Reges a staturae proceritate, dignitate oris et corporis viribus, animique præstantiâ creatos narrant.

Regis natura significatio.

Ut primi in terris Reges creati?

Ita ex *singulis fîdibus*, seu privatis Imperiis, *Lyra* composita est, hoc est Imperium publicum, cum quo Republicae sunt fundatae; quae est *Lyra Orphei*, qua feras circumavit, *Amphionis*, qua saxa in urbes composuit; a *Mercurio* inventa, *Apollini* tradita, ad quam concinunt *Musae*, nempe *humanitatis Artes* et *Disciplinae*, quas reipublicae debemus universas.

Lyrae mythologia.

Ex eo enim *Ordine* a Regibus recto, et ex *plebe* primae respublicae ortae sunt, quae ex *Optimatis* et *Plebe* constabant (a). Et respublica *Ordo* et *Plebs* primum dicta, uti

Prima Rerumpublicarum natura.

Quid *Ordo* et *Plebs*?

qui *Martem vulneret*; et in contentione *Martem saxo ferit*: semel *Prudentiae* characterem facit, ubi narrat, *Minervam* ademisisse Trojanis mentem; qui equum durem in urbem immisissent: ex quibus locis manifesto conficitur, *Minervam* esse characterem Patrum armatorum, qui sunt *Sapientia Rerumpublicarum domi* in concilio, in concione, in quam prodibant armati, ubi proprie dicta *Pallas*, foris in bello, ubi proprie dicta *Bellona*, utrobique in ordine, ac proinde utrobique *Minerva*.

Semel pro prudentia.

(a) *Regna Heroica fuisse Optimatum.*

Et heroica Regna fuisse Optimatum, crebrae et gravissimae apud Homerum extant auctoritates: quarum omnium illa sit instar, ubi *Jupiter edicit Somno*, qui *Agamemnoni* dicat, ut cum omnibus copiis *Trojanos oppugnet*; quia sic decrevere Dii omnes, ad id a *Jupiternone* persuasi. Poterantne Graecae gentes Homeri tempore aliud formae regimen tribuere Diis, quam quo homines regebantur in terris? Quid si his falso divinis fabulis, ut alibi nobis est demonstratum, diu Graeci res ipsas humanas significarunt? Quae duo argumenta gravissime confirmat forma *Spartanae* Reipublicae, cujus mores omnes *Philologi* fatentur antiquae Graeciae maxime fuisse conformes; et omnes *Politici* docent, eam Regnum fuisse Optimatum. His auctarii loco accedat, quod *Jupiter* apud Homerum *expendit hominum Fata bilancibus*, et dicitur hominum *Fata* nosse, non definire; quin ipse *Jupiter Fatis subjectus est*. Ex quo loco dantur plura conficienda.

Regnum Deorum Aristocraticum apud Homerum.

Forma Spartanæ Reipublicae Heroica.

I. Heroûm in Senatu sententias prima fuisse *Fata*: cui conjecturae adstipulatur *Fari* et *fasti dies*, quibus *Praetor jus fatur*, jus certum, circumscriptum, immotum dicit; et *Fabae* ab eadem ori-

Prima Fata quae?

Quid Ordo et Populus, seu Senatus Populusque?

Quid Optimates et plebs?

Primae in terris secessiones.

Lex Agraria secunda.

Nexus culturae factus nexum domini bonitatis.

postea, liberis civitatibus constitutis, *Ordo et Populus*, sive *Senatus Populusque* omnes respúblicae dictae mansere. Sed rebus motis, redit prior civium divisio, qua qui reipublicae statum tuebantur, *Optimates*, qui res novas moliebantur, *Plebs* appellabantur.

Quia Clientes severissimis Patrum in filios imperiis consuefacti metuere, et vereri Inclytos, hinc turbantes plebes Optimatum ordine deterritae, nihil ultra ausae, secessionem fecere. Necesse igitur fuit, ne Inclyti in vacua regnarent, ut plebs *sub aliqua libertatis lege* in priores sedes concederet, ut in plebis Romanae secessionibus legimus factitatum: eam non aliam fuisse necesse est, quam ut *nexus culturae* transiret in *nexum domini*, ejus tamen cujus plebei compotes essent: cum enim ii auspicia non haberent, ex quibus possent jure optimo habere agrum; et ut haberent agrum, tamen auspicia habere non possent: uti jure

gine verbi *Fari*, cujus diminutivum *Fabula*, quanquam mutata primae syllabae quantitate, quibus forsitan principio sententiae ferebantur: et ita *apud linguarum rudissimos primum fari*, mentis fuerit, nempe *sententia*.

Numerus aurea aetate nondum intellectus.

Ut Jupiter Fato subjectus?

Reges heroici, perpetui consules.

Prima pensitatio, et prima pondera rationum.

Homerus illustratur.

Catenae Homericas mythologia.

II. Heroës sero intellexisse numerum, ut alibi diximus; et Reges heroûm sententias in concilio *bilancibus* expendisse, cum numerare non nossent: atque id sibi velle *bilances*, quas Poëtae appingunt *Astracae*, quam aurea aetate in terris egisse narrant.

III. Respublicas heroicas fuisse Optimatum, in quibus Reges Consilii decretis, sive senatusconsultis obligantur; et ita Jovem Fatis subiectum esse.

IV. *Heroicos Reges* suarum Rerumpublicarum *singulares ac perpetuos* fuisse veluti *Consules*, qui, pensitatis utrinque Heroûm sententiis, in illam majoris ponderis senatusconsulta concipiebant.

V. *Pensitare rationes* de his temporibus primo et proprie dictum esse; et haec prima et propria *rationum pondera* in terris fuisse.

Philologos tamen unus *Iliadis* locus in errorem induxit, ex quo putant *monarchicum regimen Homero probari*; nempe ubi plebeis reditum in patriam adornantibus Ulysses dicit, *multorum dominatum inutilem esse, et unum esse oportere Regem*. Sed non viderunt, *Ulysses sermonem habere cum plebeis*, et sic *damnare imperium multitudinis*, nempe *populare*, seu *libertatis statum*: et in republica Optimatum fere plerumque unum esse Regem; et unum Regem Deorum Jovem, quem Regem Optimatum modo ex Homero ipso probavimus.

Nam quod Jupiter apud eundem Poëtam dicat, *Diis omnibus et viribus praepollere*, et experimentum offerre *catenam*, qua terra caelumque contineatur, quaque, si ab una parte Dii cuncti, ab alia is unus contendat, se eos universos ad se tracturum; id ad vim fulminis et auspicii est referendum, ut in hoc Libro infra et in Notis supra dictum est.

naturae sine auspiciis matrimonia celebrabant, et parentes non patres erant; ita quoque haberent naturale dominium, quod *bonitarium Juris civilis Interpretes* antiqui, *possessionem* vero *Feudistae* dicunt; quod domini genus cum hominibus natum est, quod tandiu habebant, quandiu fundos occuparent; sed si inde exciderent, nullum ipsis ad eos vindicandos jus esset. Et ita *lex ad eos lata*, ut agros colebant sibi, sive *haberent in bonis*; qui tamen *Patrum* essent *Optimo Jure*, jure fortissimo: et ita *apud Patres agrorum* staret *proprietas* sive *auctoritas*, ut phrasi utar legis XII Tabb.; sed *sub jure nexus*; quod in plebeios tamen non ultra pro cultura exercerent, sed pro tribuenda sibi certa frugum parte, ex qua coepere primulum Patricii virtute majorum partis per ocium frui; quae semper et ubique habita est nobilitatis nota praecipua: eam frugum partem Poëtae *Decimam Herculis* appellarunt. Atque haec est *secunda Lex Agraria*, qua Libro priori (1) diximus fundatas primas Optimatum Respublicas (a).

Prima nobilitatis
ocia.

Decima Hercule
quid?

(1) Cap. CIV et seq.

(a) *Turbarum agrariarum Historia* fabulae de *Discordiae poma* tradita est; quae sane altius ab aureis *Hesperidum pomis* est exor-dienda, si *Hercules* in alio graeco orbe *poma*, quod porro traditum posteritati mansit, ut in alio *oves*, ut nuper in his Notis diximus, ab *Hesperia* ad suos portasse enarretur. Nam sane *aurea in Hesperidum hortis poma* pro *frumenti messibus* accipienda sunt: quia de nulla planta alia verum illud, quae aureas radices, aureum truncum, aurea folia, aureos fructus habet: et in illa vocum inopia, messes debuerunt *poma* dici; quia cum antea nullos alios nossent fructus, nisi naturae, inter quae *charissima poma*, ut quae hieme famelicis, quam *nux* et *glans* essent maturiora; deinde hos industriae fructus, *messes* ab eadem charitate dixere *poma*; et ut ab aliis naturae distinguerent, a colore *aurea* dixere: qua simili ratione, ut primi Poëtae *messes* fecere *poma*; deinde Virgilius antiquitatis scientissimus *messes*, *aureum* effinxit *ramum*, ut hoc Libro infra dictum est in *Mythologia Aeneae Virgiliani*. *Hesperides* sunt *Atlantis filiae*, qui caelum humeris sustinuerat; nam Deorum religione, ut alibi dictum, vel primae omnium artes natae, *poma Draco pervigil custodiebat*: nempe terra squamosa, squallida, inculta, quae inter antiquos dumos, vepres, spinasque frumentum legi prohibebat; semperque vigilabat, quasi tempore non daretur sopori, quin usque, et usque silvesceret. *Hercules Draconem occidit*, ut alibi, igne extinxit *Hydrum*, terram domuit, et *poma*, frumentum reportavit. *Aureum autem Discordiae pomum* sunt igitur *agri culti*; nam de iis *agrariae turbae* exitere: de Caelo demissum; nam agricultura Deorum religione orta est: de eo contenderunt *Juno, Venus, Pallas*; nam *Venus* est character plebejorum; *Juno Regina*, character regii Ordinis, sive Optimatum; *Pallas* sunt Optimates in ordine; quia

De Discordiae po-
mo mythologia.

De pomis Hesper-
idum mythologia.

Unde aureus Aeneas
ramus?

Primi in terris
Legati.

Primi *Legislatores*
significatione nativa.

Mercurii mytho-
logia.

Mythologia caducei.

Tributorum origo.

Unde legare in te-
stamentis.

Legislatores proprie
qui?

Atque heic primum extitere *Legati*, qui sagminum sanctitate protecti ne ab infensis plebibus violarentur, sancti jure majorum gentium habiti; quod jus *Fas Deorum* passim *Poëtae, Historici, Oratores* vocant: et ii primi et si-

gnificatione nativa *Legislatores* fuere (a), qui hanc legem *agrariam* ad plebem tulere.

Hujus reipublicae characterem fecere *Poëtae Mercurium*, quem *leges dedisse Egyptiis* tradunt: *Atlantis nepotem*; qui Caelum humeris sustinet; qui gentes religione fundarat: eundem *Deorum ad homines legatum*; qui primus a *Patribus agrarias* ad plebes tulerat: *petasum et talos* gestare *alatos*, quod a *Patribus*, qui habebant auspicia, *leges ferret*. Sed quid sibi velint duo *dracones* in *caduceo* uterque ad alterum conversi, pudet heic infirmissimas *Philologorum* referre rationes. Dicamus igitur ex nostris principiis, *Draconem* esse *Terrae characterem*: igitur significant, *alter terrae dominium bonitarium, alter optimum*, quorum utrumque ad alterum spectat.

Eam frugum partem, quam *Poëtae Decimam Herculi* dixerant, primitus conjicio vulgo dictam *Tributum*, quam vocem sibi genuit vocabulum *Tribus*, quam proprie de plebeis dici, *Comitia Tributa* satis docent, in quibus plebs *Patribus* suffragatione praepollebant. Sed postea, quum *Servius Tullius* instituit, ut non singulis optimis, sed publice aerario penderent omnes, dictus est *Census*, quem *Athenienses* per *Δήμους* describebant: erant enim *Δῆμος* minuti populi *Atticae*, ex quibus populus *Atheniensis* constabat, qui ad *Comitia legum ferendarum* *Athenis* conveniebant. Unde *Bernardus Segnius Graece* satis doctus in ver-

in turbis agrariis *Hastatorum ordo* coortus est. Nam inscriptio. *PULCHRIORI DETER*, et *judicium Paridis*, et inde *Trojanum bellum*, ex inobscuratione nativarum significationum a *posterioribus Poëtis* addita sunt: ut *Plutarchus duos versus*, qui extant in *principio Iliadis* XXIV, in quibus solis ejus *judicii* fit mentio, ab *Homero* expungendos existimet.

(a) *Primi Legati* fuere primorum *Patrum familiarum famuli*, dicti *Homero χήρυκες*, qui apud eundem modo sunt *heroum comites*, modo *epularum ministri*, modo *ministri sacrorum*; sed ut plurimum *praecones* et *nuncii* gestantes suorum *heroium* sceptras: ex qua origine certe venit *patribusfamilias Romanis* verbum *legandi* in *testamentis*: rebuspublicis primum natis, primi publice *Legati* ipsi *Reges* fuere; et primi *Reges* proprie fuere *primi Legislatores*, qui ferrent ordinis *leges* ad *plebem*: quibus apud *Romanos* successere *Consules*, qui *leges* in *senatu* deliberatas et conceptas *tabulisque* *scriptas* ferebant ad *populum*.

sione *Ethicorum* Aristotelis *Ἀνὸν* vertit *Censum*, ut tantum sit Græcis respublica *Ἀποκρατικὴ*, seu *popularis*, quantum *respublica per censum* instituta; cum census sit unicum ejus reipublicae fundamentum, in qua honores pro censu dantur. Quare *Servius* hac in plebem largitione (quae postea Patrum fortitudine et plebis magnanimitate moderata, fuit caussa omnis Romanae magnitudinis) Patrum regnum afflixit, ut libertatis obtentu, uti solent, mox occu-
paret Tyrannus. Unde *Patres* contra eum *Tarquinius* subornant, qui, occiso *Servio*, mox *Servii* artibus usus, regnum in dominationem convertit.

Respublica *Democratica* eadem ac ex censu.

Lux affertur Romanae Historiae.

Sed ut ad rem nostram redeamus, ab hac usque antiquitate est, ut *Census* postea diceretur contractus, quo fundus alteri fruendus jure domini pleno minoris datur, sub onere certae rei vel pecuniae domino fundi pensitandae.

Census unde dictus.

Ex ea libertatis lege plebe cum Optimatibus compositae sunt, et jure Clientelarum in respublicas Optimatum prolato, *duo corpora politica* (a) intra una agebant moenia, quae nullam aequi juris communionem habebant: nam plebes *naturalia matrimonialia* agitabant; naturā *parentes* erant; qui nascebantur *nati*, seu *fili*, non *liberi*; sanguinis necessitudine conjuncti, *cognati*, non *adgnati* dicebantur; *fundo* non jure optimo, sed in *bonis* habebant; ac proinde *contractus* de iis *jure naturali* celebrabant, quorum *obligationes solo pudore* starent; *suprema elogia* eorum *fide*, quibus essent *commissa*, continebantur; si ea deessent, cognatis deferebantur *bonorum possessiones*: haec omnia inter se privatim; publice autem, per legem obsequii prorogata *parenter Ordini*, qui solus imperaret. Contra Patres sibi retinuerunt, quae jam habebant, *Auspicia*, agrorum *dominium Jure Optimo*, quod jamdiu ipsis partum per eam legem primum eluxit, ut a *bonitario* distingueretur; et quia habebant *auspicia* et agrum, sua hinc haberent *Imperia*; praeterea *nomen, gentem, fas suum, suam linguam*, ejus-

Duo corpora politica in primis civitatibus sine ulla aequi juris communione;

(a) De quibus tres in Homero loci dissertissimis verbis; duo in *Odyssea*; primus, ubi *Telemachus* irascitur Ithacensi plebi, et *ALTERUM POPULUM* appellat; quod sibi in concione gravissimas Procorum injurias quiritant, mutus considat, nec Procos increpet, quando ii multi, Proci autem pauci sint. Secundus locus, ubi *Eumaeus* subulcus narrat Ulyssi, in *insula Syria*, sua patria, *duas esse urbes*, in quibus *cives divisa divisim habebant omnia*; et utrisque *Ctesium Ormenidem*, patrem suum imperare. Tertius locus est in *Iliade*, ubi *Achilles* queritur, Agamemnonem, crepta Briseide, sibi injuriam fecisse, tanquam *Colono magistratum immuni*.

In eadem urbe duo corpora nihil aequi juris habentia ex Homero.

Rerum Romanarum Principia.

que scientiam; et per haec omnia digni, qui Diis accederent, haberent *Sacerdotia*; et *privatim* omnia inter se *optimo jure* agitarent. Atque haec dum corporum intra unas urbes diversitas, erit nobis *fontis Politiae, Historiae et Jurisprudentiae Romanae* universae.

Ordinis auctoritas ut nata?

Et *Patres* divino vocabulo mansere dicti, apud quos tamen *cunctos* summa esset *auctoritas*, ut *singulorum libertates, dominia, tutelae, ordinis auctoritate* constarent. Quare sicuti homo ut natus est, statim cum *libertate*, et duabus ejus partibus *dominio et tutela* natus est; ita *respublica* ut primum constituta est, cum *summa libertate*, cum *summo imperio*, cum *eminenti dominio* extitit, quae cuncta *Senatus auctoritate* continentur, ut Libro priori satis abunde diximus.

Unde Patria dicta?

Et Respublica a praestantiori parte, Partibus nempe, *Patria* primum dicta est (a); et post pietatem Deorum patriae pietas successit, et pietati in parentes praeposita; quod Deorum religio majoribus patriam, patria deinde nobis certos parentes dedit.

Ut custodia Ordinis nata est?

Eo rerum motu intellexere Optimates, sibi, quia paucis, adversus multitudinem cavendum esse; hinc quando editis in locis naturâ siti erant; ibidem *arcibus* se munire; quae sunt munitissima habendi Senatus loca, quae dicit Cicero; primae, quas diximus, *Curiae*; et Poëtis sunt *Regum Turres* (b), nempe a *terrendo* dictae, ceu *Terres*; et forsitan haec *primae Terrae*: et inde *Orbis terrarum* gentium universitas, quarum *Cybeles turrata* character. Tunc primum coepere *Regnorum consilia*, sive *Imperiorum arcana*; quo spectat illud Sallustii de *Tempore Obscuro* dictum: *alii corpus, alii ingenium exercere*, quando Ἀστὺς urbs dicta, unde *Astutia* et *Astuti* vocati.

Primae Arces quorsum?

Primae Curiae. Turris unde?

Unde Terrae? Orbis Terrarum. Cybeles turrata.

Prima regnorum arcana. Prima Astutia.

Reipublicae Optimatum nota propria, custodia Juris.

Hinc praecipua reipublicae Optimatum nota fuit, *custodia legum*; quam his artibus tuebantur, *custodiendo fortiter mores*, quibus suas gentes fundatas acceperere; et sic habere *jus in latenti*, ut Pomponii phrasi utar; et jura *manu regia* ministrare *exemplis*; in quibus diximus consistere *Jus incertum*, quod Pomponius narrat: idque esse, quod Veneti servant et vulgo dicunt *Caso seguito* (1).

(1) Cap. CXLIX Lib. prior.

Unde patria dicta? unde respublica? Turris Regia.

(a) *Res Patrum*; ut postea *Respublica, respopulica, res populi*.
(b) Ut apud Homerum non semel, sed praecipue ubi *Andromache*, ut sciret de Hectore conscendit *Turrim*, in qua *Regum concilium* habebatur.

Itaque Patres clam publica decernebant; deinde plebis *consilio advocato* decreta evulgabant, quae sunt antiquissima *Plebiscita* uno *S* scripta, de quibus Libro priori (1) diximus: qua forma antiquissimas respublicas Aristoteles in *Ethicis* notat; et Heroica Regna (a) Homerus recta esse testatur: et exemplum Romanum in *Horatiano* iudicio apud Livium Libro super. observavimus (*).

Antiquissima *Plebiscita*.

His temporibus *Tyrannorum caedes laudatae*, et Tyrannicidis statuae positae (b); quia ex arcano Ordinis decreto fiebant non aliter, ac nunc si justis Regis imperio subditus Regni usurpator subornatis percussoribus occidatur. Nam *Ordo* erat *summa Potestas*; *Heroici* autem *Reges* erant *Ordinis lingua domi* in legibus ferendis, *manus foris* in bellis administrandis. Neque sane putandus L. Junius Brutus turbidus populi Romani excitator, quum Regum ejiciendorum extitit auctor; neque talis tantusque vir ab eventu laudandus: necessarium enim est, ut ob tot caedes Senatorum factas, ob intolerandam superbiam, ob insignem luxuriam, Patres ejus rei Bruto auctores fuissent.

Cur priscis temporibus Tyrannorum laudatae caedes?

Indidem cum eae respublicae in eo starent, ut *Ordo* se a plebis tueretur, earum *perpetua proprietas* fuit, ut *Imperia in protulando sua*, non occupando aliena, regerentur: quarum rerumpublicarum heroicus character fuit supra nobis expositus *Tanais*: de quo tempore vere Sallustius tradit illud, *sua cuique satis placebant*. Quare illa Thesei non minor, quam ulla Herculis aerumna fuit, ut de eo tradit Plutarchus, Atticos per minuta regna dispersos in unam urbem Athenas cogere: et in *Latio circa Romam* tot minuti Reges et populi, ut intra ducentos et quadra-

Reipublicae Optimatum proprietas, tutelâ Imperii stare.

Unus Graecorum Theseus septem Romanis Regibus aequipollet.

(1) Cap. CL.

(a) Nempe Regna, in quibus in concilio, quod dicebatur *Βουλή*, clam decernebant; in concione, quae dicebatur *ἐγγραφή*, decreta vulgabant.

(b) Quamquam in Homero nunquam *statuas* legere memini, quod et Feithius ante observarat. Dicamus igitur principio praemia tributa, deinde positas *statuas*. Igitur non mirum, si apud Homerum, *Minerva*, quae est character Patrum in concilio, contra Jovem bellum movere agitet, eum rata plus aequo studiosum partium Trojanarum, quod edixisset Diis omnibus, ut eo bello a Graecis Trojanisque porro agerent integri: is enim mos Auditoribus probabatur ex natura rerumpublicarum ejus temporis, quae Optimatum regna erant: et eâ fabulâ Reges Heroici monebantur, ne Regiam potestatem in dominationem converterent.

Regna Homeri Optimatum.

(*) Cap. CXLI.

ginta Regni Romani annos, *viginti ferme regnis excisis et captis*, non ultra viginti stadia Imperium Romanum prolatum sit.

Res repetere unde dictum.

Atque ex hoc primo minorum gentium jure provenit illa Foecialis Juris formula, *res repetere*, pro bellum indicere: nam eo jure Regna, quia omnia Optimatum erant, non in prolatione, sed in tutela Imperii continebantur: et bella a *Diis* primum orta, quae vere *pura ac pia erant*; nam ob repetitionem rerum raptarum, quae non restituerentur, gerebantur: quae postea jure recentiori gentium minorum, quoad certos justitiae externae effectus, ad bella omnia, quae a Potestate civili indicta gererentur, translata est; et quod erat *fas gentium*, postea *fas nationum* fuit.

Jus violentiae privatae cessat.

Namque Patres in eo terris primo rerum motu rebus ipsis experti, singularia Imperia infirma, in una Potestate conjuncta praevalida esse; non ultra *jus violentiae* privatae inter se, quod jus majorum gentium Libro super. (1) definivimus; sed *jus violentiae publicae*, quod definivimus *jus gentium minorum* (2), regnare voluerunt: et ita gentes, quae majores fuerant, *viriles stirpes in plures familias divisae*, postea *minores* fuere *plures gentes in unam civilitatem compositae*: et *nomen*, quod prius erat commune jus gentilitium, deinde universi populi factum est, uti ex. gr.

Jus violentiae publicae valet.
Gentes majores in minores traductae.

Nomen pro stirpe,

Nomen pro populo.
Populus ordo;
Plebs accessio populi,
Ut postea provinciae fuere.

Nomen Romanum, pro populo Romano passim legis: *Gens*, *Nomen* seu *Populus* ipse *Ordo* erat; *Plebs* autem erat populi accessio: ut *Provinciae* postea, non civitatis Romanae partes, sed accessiones fuere, ut recte Grotius advertit.

Clientes Dediticiorum rudimentum.

Etenim uti *lege Agraria* priore *Clientes Dediticiorum rudimenta* fuere, quibus postea Romanus victor, rebus omnibus, sacris, profanis, publicis privatisque sibi deditis, vitam permittebat, et operas, quibus se sustentarent, namque in agrum Colonias deducebat; quod jus vel in hostes ob gravissimas injurias judicatos, vel in victos Romani Imperii intolerantes exercebat: ita *lege Agraria* posteriore *plebs rudimentum* fuit *Provinciarum*, quibus Romani per victoriam jure optimo adempto dominium bonitarium sub vectigali relinquebant; et omnia inter se jure naturali pro communi generis humani captu tunc explicato transigere permittebant (a).

(1) Cap. C. (2) Cap. CXXXV.

(a) *Ceteras turbas Agrarias*, quae semper cum infelici plebejorum successu factae sunt, significare videtur *Sisyphus*, qui in *inferno* in planis camporum, ubi agebant plebei, *saxum in summa*

Inde postremo cessare inter gentes vi exerceri privata jura, et succedere illa violentiæ imitamenta, quæ Libro super. (1) diximus; et in primis ex morum custodia *jus nexi*, *mancipiique* abiit in celebre *Jus Quiritium* ab Eruditis omnibus tantopere excultum, neque hactenus quicquam intellectum, nempe, ut Libro super. diximus (*), *Jus Patrum*, *jus Romanorum Hastatorum*, qui Patres hastati in *concionem* conveniebant: quorum nunc rectius dicimus; Minervam domi, Bellonam foris utramque *hastatam*, poeticos fuisse characteres. Quin et Juno, propria Dea Optimatum, *hastata*, unde *Dea Quiritis*, et quandoque etiam *Quiris* ipsa appellata, et Mars Quirinus: *Heroës* enim *hastis* pugnasse, et *binas* gestasse ex Homero habemus. Quem Romani majorum gentium servavere morem, qui fortes bello spectatos milites *hastis puris*, hoc est sine ferrata cuspidе donabant: quod primi *Heroës* hastis praeacutis sine ferro, nondum invento, armarentur. Et in *exercitu Romano* milites *primi ordinis* erant *hastati*; uti nunc observamus in moribus positum, gentem principem primum in agmine, primum in acie servare locum. Cetera de *Jure Quiritium* Libro superiore dicta sunt, et reliqua inferius dicemus (**).

Quando Jura privata violentiæ imitationes factae.

Quirites Romani Hastati.
Minerva hastata.
Bellona hastata.
Juno hastata, dicta Quiritis.

Mars Quirinus.
Hasta telum heroicum.

Hastati Romani Patres.

Fundi Romani.

Et Feuda comparata.

Heic tantum addamus, quod cum Quirites essent *Patres in ordine*, tales erant fundi Romani apud *plebeos ex jure Quiritium*, sive ex ordinis auctoritate, qualia *feuda ex jure Seniorum*; et auctoritas erat tanquam *Seniorum assensus*; *mancipatio* autem, seu nexus traditio erat veluti *relatio in tabulas publicas*, in quibus feudorum alienationes referuntur; quæ relatio si non adsit, alienatio inutilis est; sive

monte promovere conatur; hoc est poeticas Regum turres occupare; unde *semper in ima devolvitur*, semper ad plana redigitur in ordinem plebejorum. *Turbas* vero de *connubiis Heroûm* hominibus, seu plebi communicandis videtur significare *Vulcanus*, qui *dum studet Jovem placare Junoni*, hoc est, ut cum Junonis auspiciis Jupiter ad hominum uxores commeet, nempe ad plebejas, ab *Jove irato calce de Caelo*, de Turri Regia *dejectus* est: quo casu *ambo*bus *pedibus claudus* factus, hoc est in imis plebejorum locis haesit: qui ob similitudinem dictus claudus prae summis locis, ubi habitabant *Heroës*: ex qua ultima antiquitate est illa Romana locutio, *imo loco natus pro plebejo*.

Vulcani claudi mythologia.

Cur imo loco natus pro plebejo?

(1) Cap. CXXIV.

(*) Cap. CXXIII.

(**) V. Lib. I, Cap. CXXIII, CXXIV, CXXVI, CXXVII, CXXVIII, CXXIX, CXXX, CXXXI, CXXXII, CXXXIII, CXXXV, et Capita XXXI, XXXII etc. hujus Partis II Lib. II.

Liber Aureus Venetorum.

aptius erat *relatio in librum aureum*, quem dicunt *Ventii*, quorum Optimatum respublica est; et etiamnum eorum ditio *Dominium Venetum*, Ordo *LA SIGNORIA*, Optimates *I SIGNORI* appellantur: eaque in *aureum librum relatio auctoritatem praestat*, emptores jure optimo fundum, vel aedes, vel super iis emisse jura.

Actus legitimi.

Jus civile commune

Antiquorum.

Communis Juris

Interpretum error.

Et ex jure *nexi mancipique*, atque ex eo quod in tradendo nexu, uti quis *lingua nuncupasset*, ita jus esset, quod postea recte in XII Tabulis relatum est (vidimus enim supra ex jure majorum gentium verba in promissis, juramentis, votis strictissime accipi) proveniunt omnes *Actus legitimi*, qui ferme omnes *mancipatione* transigebantur, *summa verborum religione* custoditi: iisque *jus civile commune* omnibus Latii Optimatum rebus publicis continebatur: ita ut quod hactenus *Jus a Romanis inventum*, et *Romanorum proprium* habitum est, id omne *ex majorum gentium jure* sub *Theocratia* introductum, postea, rebus publicis Optimatum conditis, *commutatum*, eo pacto *jus civile commune*, sive *minorum gentium* factum sit: a quibus *Romulus* recepit, et *Patres* diu *moribus* observarunt; et tandem in *Legem XII Tabb.* abiit: quod hactenus visum tantum fuisse Romanorum; quia soli *Romani Patres* summa fortitudine praeter ceteras gentes id *custodierunt*, qua eadem virtute Imperium Orbis terrarum *jure item majorum gentium*, idest *lege justae violentiae* sibi fundarunt, et *jure victoriae* ceteris ademerunt, ut supra diximus, et infra gravius demonstrabimus.

Cadmi mythologia.

Hujus *Epochae* character est *Cadmus*; a quo *serpentis dentes per sulcos sati*, nempe *Inclyti aratores*; mox in *armatorum cohortes* e terra emersi, coorti *Patres hastati in ordine*.

C A P. XXIII.

De Diis majorum gentium ex nostris principiis mythologia.

Hactenus *Historiam Temporis Obscure*, quae facem prae-lucet *Juri majorum gentium*, narravimus: ex qua historia habebimus veram sententiam de *Diis* qui *majorum gentium* sunt appellati; quando demonstravimus *Tempus Fabulosum* esse *Temporis Obscure* Historiam; et Poetas Theologos quidem, sed civiles, non naturales fuisse.

Chaos.

Chaos igitur non *elementorum*, sed *confusio sanguinum*, quae sunt propria hominum elementa; nempe *confusio nefariorum exlegum*; deses, obscura, et athea, sine *Diis*.

Olympus Deorum sedes, qui majorum gentium nume- Olympus.
rantur XII, et *Olympici* proprie dicti sunt; quibus *Ara* ex-
tructa *Athenis* extabat; et qui *οὐ δώδεκα* simpliciter appel- Dii duodecim.
labantur: *Jupiter, Mars, Vulcanus, Apollo, Mercurius, Ne-*
ptunus, Juno, Diana, Ceres, Minerva, Venus, Vesta.

Hercules Olympi humeris sustentator; quia *Optimi*, quo- Hercules.
rum *Hercules* est character, fundarunt τῶν δωδεκῶν reli-
giones.

Itaque ex *Chao Dii* et *homines* orti; et *Heroës* mediū Ex Chao,
inter utrosque *origine caelestes*; nam ex auspiciis nati, na- Dii Homines,
turā mortales: et ita ex *Chao ab gentibus Mundus* factus Heroës,
est *Deus*. Mundus.

Diluvium universale, uti ante, et post id *Gigantes*, phy- Diluvium.
sicas *Historias* demonstravimus.

Deucalion cum *Pyrrha* uxore ex *Themidis* oraculo ve- Deucalion et Pyrrha.
latis capitibus lapides post terga jactant, ex quibus nati
sunt homines: *Themis*, divina poena (a), divina ultio, est Themis.
Theocratiarum character, sub qua poenae consecrationibus
irrogabantur: *Deucalion* et *Pyrrha velatis capitibus*, sunt
primi homines, qui pudore propudiosae veneris et faedi
victus cum foemina quisque sibi capta in lucos se abdunt:
ex *lapidibus* nascuntur homines, ut ex iisdem ad *Amphio-*
nis lyrae sonum *Thebarum* muri ultro coëuntibus con-
struuntur (b).

Jupiter mens *aetheris*, sive *Caeli superioris*, *Numen Cae-*
li, quod Deum putarunt, *voluntas* auspiciis significata: *ful-*
mine profligat Gigantes, Terrae filios, qui *fulmine*, sive re- Gigantes.
ligionibus victi se in montibus abdidere: quorum posteri se
ex terris, ubi siti erant, natos esse putarunt; et ita finxere,
Gigantes montes montibus superstruxisse, ut Caelo Jovem
deicerent: *Aquila* Jovi attributa, quae contra *Titanes* ac-
cinto haec avis *Augurium* futurae victoriae in *Naxo* tute-
rit, et pugnanti fulmina ministrarit; quia *aves* et *fulmina* Aquila Jovi attri-
buta.
in *Divinatione* duo sunt observata maxime: et *Jupiter Rex* Aves et Fulmina
Deorum et *hominum*, et *dator Regnorum*; quod auspiciis Divinationis male-
prima Regna fundata. Et *aquilam* eburno scipioni imposi- riae.
tam Regium insigne divino cultu sunt prosecuti *Ægyptii*, Jupiter Regnorum
a quibus fortasse minores *Assirii* eundem acceperere morem: dator.
Aquila regnorum
heroicorum chara-
cter.

(a) Et *Themidem* primam *Dearum* diximus sup. Libro et in *Notis* Themidis mytho-
vocare, et dimittere consilium *Deorum* apud *Homerum*: quia ex logia. 1
divinae poenae metu gentes sub *Deorum* regimine rectae sunt.

(b)* *Lapides retroacti homines fiunt*: nempe qui stupidi ante fue- Deucaltonis et
rant, disciplinā oeconomicā induunt humanitatem: ab qua ultima Pyrrhae mythologia.
antiquitate *lapis* pro stupido Latinis mansit. Lapis pro stupido.

nam et *Pharaon Aegyptius*, et *Nabuchdnesarus Babylonis* id sceptrum gestasse narrantur: et indidem *Thusci* tulere in Italiam, a quibus acceptum institutum *Romani Consules* conservarunt: et *aquilas vexillis pictas*, et *Trojani* et *Persae*, et *Romani* postremo, *Numina legionum* coluere.

Aquilas etymon.

Atque heic rogo illos satis doctos viros, qui *aquilae* etymon a nobis allatum (1) non satis probare videntur; dicant, quaeso, quid sit, quod Romanorum tempore genus Aquiliferum tam ferax, ut ubique et passim observarentur, nunc vero tam rarae sint, ut in Regum atriis miraculi pene loco habeantur? Quodnam ab analogia rectius etymon fingi potest, sine quo vero, quod enarrat, Aquila quid cum *aquila* et *aqua* commune habet? An ab *aquilo subfurvo* colore dictam putemus, et non potius *aquilum* colorem ab *aquila*? Cur Jovi et non Junoni attributa, et attributa quidem cum fulmine, nisi quia sunt auspicia aëris superioris, ubi et fulmen gignitur, et quo aquila, sive omnes majores aves, ut *accipitres* (a), *milvii*, *grues*, evolant? Unde Jupiter mens aetheris, Juno aëris, qui a nobis spiratur, putata est? Quodnam *legis* fuerit etymon, cum leges ante omnem scripturam in terris latae sint, ut a *legendo* dici possent? neque primae leges Optimatum a *legendis exemplis*, quae nondum extabant; neque posteriores a *legendis suffragiis*, cum *Duumviri*, ut a Rege *Tullo* creati, eas ferrent, eam ducere possent originem. Si his omnibus fecerint satis, nostrum etymon improbent.

Juno.

Juno soror et conjux *Jovis*, quia inferioris Aëris Numen, sive inferioris Caeli (b), quod Deum putabant, *Voluntas Jugalis*, quia auspiciis Optimorum nuptiis praeesse putabatur: et *Lucina*, quia certos ex nuptiis partus in lucem edere credebatur: *cujus gloria* fuit *Hercules* Optimorum character; quem *duodecim aerumnis* mandatis filium *Jovis* probavit: eademque ob has omnes rationes *Hera Heroum Dea*.

Jugalis.
Lucina.

(1) Lib. priori, ubi de primis legibus disseruimus (Cap. CXLIX).

(a) Quid quod apud *Homerum* nedum per *Aquilas*, sed per *Accipitres* etiam capta omina? et in *Hieroglyphicis* apud *Valerianum* illud, *Humanum corpus cum accipitris capite*?

Jovis et Junonis
mythologia.

(b) Sic postea accepere *Physici*: sed pro nostris *Mythologiae* principiis *Juno* soror *Jovis*; quia primae gentium nuptiae inter fratres sororesque fuerunt; quas *Homerus* in *Aeoli Regia* describit: *cujus* characteris significatione obscurata, *Jupiter* et *Juno* habitu incestuosi.

Saturnus character Optimorum, qui *prîmi sala* invenere: *Saturnus*.
et pro *Tempore* habitus; eique *salx* attributa; namque
annos Optimi a *messibus* numerabant; unde illud, *Tertia*
messis erat (a).

Minerva Optimorum character, qui *leges consultant*; *Minerva*.
cumque primæ leges divinae et sub Theocratiis omnes di-
vinæ; hinc *Minervam e Jovis capite natam* (b) dixere:
eadem *hastata*, ut vidimus; et *Pallas*, quæ *hastata* quo- *Pallas*.
que; character *patrum hastatorum in concione*; cujus *Æ-* *Ægia*.
gidi (c) seu scuto *Medusæ caput affixum*, quod Cap. seq.
characterem *Imperii civilis* esse ostendemus: et eadem *Bel-* *Bellona*.
lona quoque etiam *hastata*, character *Patrum hastatorum*
in bellis, qui et mens quoque erant bellorum.

Mercurium jam diximus, *historiam* esse *primarum lega-* *Mercurius*.
tionum ad plebes *Clientum*, qui primas fecerant secessio-
nes, et primam ad ipsos *legem Agrariam* tulisse, qua
dominium bonitarium iis a Patribus adportavit, optimo apud
Patrem manente: a qua parendi *mercede* fundi in *com-*
mercio esse coeperunt; *merx* enim monosyllabum infantis *Inde Mercurius,*
linguæ vox est: et *Mercurius mercatorum* quoque, et *lucri* *unde merces et com-*
habitus *Deus*; et *Ægyptiorum legislator*; inter quos sæpe *mercium*.
ob *legem Agrariam* turbæ, et bella inter plebes et Sacer-
dotes orta. Hæc addamus, *caduceo animas Orco revocat*,
sive ab antiqua sylvæ, quæ homines vorabat, ut qui in-
certa venere nullum sui nomen, nullam gentem relinque-
bant; et *caduceo soporem immittere*, hoc est pacare, quie-
tare respublicas (d).

Dianam significare primas *fontium religiones*, priori Li- *Diana*.
bro *Actæonis* mythologiâ explicavimus. *Actæon*.

(a)* Et *alatus*; quia alæ Patriciorum stemma fuere.

(b) Hæc interpretatio amice componi potest cum alia sup. in
Notis ad pag. 316 hujus Libri.

(c) *Ægidem* primo et proprie *Jovis* dictam esse, et iccirco *Jo-* *Ægidis mythologia*.
vem perpetuo adjuncto ab *Homero* donari *ægida* *tenentem*; postea
obtinuisse, ut *scuta Deorum* ita dicerentur, scribit *Natalis Comes*
lib. II, cap. V. Sed pro nostris *Mythologiæ* principiis *ægis Mi-*
nervæ, seu *Palladis*, seu *Bellonæ* proprium scutum fuit, ut in
statuis, numisque postea servatum. Nam, *Medusæ capite affixo*, est
character *imperii publici*, ut infra hoc Libro dictum, quod in *Re-*
gnis heroicis erat apud ordinem Heroûm, cujus *Minerva* character
est: divinorum autem characterum prima significatione obscuratâ,
Homerus Jovem, alii Poætæ alios quoque Deos *ægide* armarunt.

(d) Et *Mercurium* *pinnulas* in *petaso*, et *talos* habere *alatos*, *Mercurii*.
quia est Heroûm ad plebejos legatus: quorum stemma heroicum
alæ erant.

Mars.

Non est, ut de *Marte* repetamus quae diximus, jure majorum gentium virtutem esse pugnandi pro aris; jure minorum, virtutem pugnandi pro patria; et belli quoque fortunam dictam esse (a).

Ceres.

Nec de *Cerere* (b), *Agriculturae* caractere; quae in infernum descendit, et iterum redit ad superos, ut significet sata terrae demissa, deinde in messes redire: *Legifera*, innuit primas leges fuisse *Agrarias*, quarum prior fuit de *nexis culturae*, altera de *nexis domini bonitarii*, sive *tributi*.

Vulcanus.

Nec de *Vulcano*, qui significat *Optimos*, qui invenere ignem.

Venus.

Venus in mari nata *Vulcani* uxor (c) ob *matrimonia aqua et igni* celebrata. Nam *Venus* principio fuit *pulchritudinis humanae* character, quae deinde ab humanae ad universae naturae *pulchritudinem* a *Physicis* prolata est. *Mater Cupidinis*, qui dictus Graecis *Ερως*; ab eadem origine, unde *Ηΐρα*, *Juno* et *Heroës*; eique *Gratiae* attributae *comites*, nempe *officia civilis vitae*. Unde *Latini* negotium, *causam*, dixere *gratiam*. Nam quid *Venus* ex Saturno orta? nisi nata ab iis qui primi sata invenere. Cur ex *spuma maris* orta? nisi quod in maritimis urbibus *humanitas* maturius excoli coepit, in quas ab *Aegypto* vel *Phoenicia* coloniae deductae sunt? unde *Honestas* et *Decor* et *pulchritudinem* et *nobilitatem* significant: *Venus Asiae Numen*; ubi mox sub *Monarchia* sunt plebibus *Patrum* connubia communicata; et sic *Europaeis* non *Jugalis*, sed *Pronuba*.

Martis,

(a) *Martem* principio fuisse *characterem plebejorum apud Heroës militantium* sup. in his *Notis* dictum: postea obscurata nativa significatione hujus characteris, acceptus est significatione qua heic.

Cereris,

(b) Quae in alio Graecorum orbe *Proserpina*.

Veneris,

(c) Vide *Canones mythologicos* infra in his *Notis*. Heic tantum addo, plebejos, qui ex ferino cultu multum retinebant, prae Heroibus, qui jamdiu coeperant humanius educari, foedos esse. Hinc ab Homero narratur *Thersites turpis*, qui item *ignavus*, *Achillis* et *Ulyssis* inimicus, *Agamemnonis detractor*. Is enim est *plebejorum character*, quorum mores sunt, esse infensos nobilitati, et iis, qui reipublicae praesunt, obrectare: quare, ut ceteri plebei, ab *Ulyssae* instituta Romani, qui, ut refert *Sallustius* in hoc Libro recitatus, de *plebejorum tergo poenas regio more sumebant*. Cum autem Philologi hujus characteris significationem hactenus ignorassent, culpavere *Homerum*, qui in gravissima fabula ridendam personam induxisset.

Thersitis mythologiae.

Homero decorum adversus Philologos assertum.

Neptunus vero significat *maris Potentiam*, qua primæ *Neptunus*.
gentes polluere; et *Tridente quater terras*, hoc est, suis
rapinis terrorem incutere terrarum ad mare accolis.

Apollo autem et *Divinus* et *Cantor*; quod Patres suas *Apollo*.
leges auspicato ederent, et carminibus conceptas ederent;
iisque prima vitæ agendæ *oracula* ederent: *semper Juve-*
nis; quia connubiis nomina perennantur; unde et *nomi-*
num Æternator: *lyrà* insignis, qua et *Orpheus* et *Amphion*
humanitatem fundarunt: et *Apollo Musarum Deus*, quæ *Musæ*.
ad ejus *lyrae* concinunt sonum; quia *lyra*, ut supra di-
ximus, est *publici Imperii* character, quo *Respublicæ* fun-
datae sunt, quibus omnes *artes* ac *disciplinae* debentur:
et *Musæ* montis *Parnassi*, ac fontis *Hippocrenis* cultrices; Mons Parnassus,
quia in *montes* primi gentium auctores concesserant; et fons Hippocrenes.
ad *fontes* primi *pagi* constructi: et una ex *Musis* *Urania*,
ἀπὸ τοῦ ὕψους dicta, a *caelo*; quia *caeli contemplatrix*;
nam auspiciis prima humanitas instituta; deinde a doctis
habita *Astronomia*: et *Urania Hymenæi mater*; quia au-
spiciis justæ nuptiæ inter solos *Optimos* celebratae: et
Pegasus alatus equus unguâ fontem legit; quia Patres primi *Pegasus*.
equitandi artem invenere; et *alæ* fuerunt *Patriciorum in-* Alæ Patriciorum
signia, quorum propria *auspicia* erant (a); unde *Mercu-* stemma.
rio, *Amori*, *Saturno* *alæ* quoque appictæ.

Vestam postremo *Saturni* alii *filiam*, alii *matrem* faciunt; *Vesta*.
Matrem cum *Terram* significat, cui in *Senatu*, nempe loco
Optimorum Aram consecrarunt *Athenienses*, qui se *Ter-*
rigenas dicebant, quod omnes *Optimi* se *Indigenas* puta-
bant; et post *terram* fuere sata, quorum *Saturnum* dixi-
mus characterem: *filiam Saturni* ex *Ope* natam (b), cum *Ope*.

(a) Et auspiciis omnis Heroûm nobilitas continebatur, ut dictum
in *Notis sup. de Natura Heroûm*.

(b) *Ops* eadem quæ *Terra*, quatenus gentes continet: qua si-
gnificatione *Universitas nationum* dicta est *Orbis Terrarum*; et plu-
res dicti *Terrarum Orbes*, ut *Orbis Romanus*, alique; quod illæ
locutiones satis confirmant, *ubique terrarum, ubique gentium; nusquam*
terrarum, nusquam gentium, quæ sunt promiscuæ significationis:
eadem et *Berecynthia* a *Berecyntho Phrygiæ monte*; quia in mon-
tibus narravimus primos *Optimorum* constituisse *lucos*: et *Rhea*
filia Caeli; quia in *lucis de Caelo observare* coeperunt: et *Mater*
Deorum; quia ab *Auspiciis* provenerunt *Deorum Religiones*: et *Cy-*
beles Jovis Alumna, quem in *Ida monte clam* aluit; quia *Optimi*
lucorum secreto Jovem educarunt, Jovis religionem auxerunt: et
Ops dicta ab *ope*, quam ab *Inclytis* confugientes ad ipsorum *Aras*
implorarunt; et *Bona Dea*; unde *Inclyti* ab ea *Ope Optimi* dicti
sunt: *Turrita*, cincta *poëticis Regum turribus*, quas diximus *urbes*

significat *Ignem*; quod Optimi se indigenas dixere, quum infirmi eorum *opem* implorarunt, ut contenti essent *agraria lege*, quam iis ferrebant, ut ipsorum colerent agros pro victu. Plerique omnes eam referunt ad *focos* et *aras publicas*: et est *primorum Sacrificiorum* character, quae prima Optimi sacra fecere Diis; et sic non *κατὰ λέξιν* ab Hebraeo ducta origine, sed ex vero, potius *Numinis cultum*, quam *Numen* significat.

Ut maiores gentes vim verae Divinitatis imprudentes agnoverunt.

Sed heic aperte intelligere datur, *ex ipsis gentium erroribus vim verae Divinitatis iis imprudentibus erupisse*: *Caeli falsi Dei voluntatem Jovem, Junonem fecere* Numina; virtutem consulendi *Minervam*, fortia patiendi *Martem*, pacandi infensos *Mercurium*, industriae *Saturnum*, continentiae *Dianam*, honeste vivendi *Venerem*, legum dandorum *Cererem*, regendorum Imperiorum *Apollinem*, Deos Deasque fecere: quas sane res omnes *divinas* agnoverunt, quum Deos Deasque fecere; et divina beneficia omnia esse agnoverunt, quum utilia vitae inventa, Deos Deasque facere (a).

heroicas: Regnorum conciliatrix; namque *ex Clientelis*, ab *Inchyrum ope* ortis, *Regna Optimatum* provenire. Hinc Romani *matrem Romuli* fecere *Rheam*, ut ejus Regnum Optimatum significarent: et majorum gentium traditionibus, quo antiquius, eo augustius iicerent: et ab ea magnam Divinitatis provenisse partem professi. *Magnae Deum matri, Ludos Magnos* celebrabant.

(a) Haec sunt Principia ex quibus tertium linguae *genus* in his Notis, nempe falso *Divinae* tandem invenimus.

AD ORNATUM CAPITIS XXIII.

De gentium lingua divina.

Loc. Homeric. de lingua Deorum.

De gentium lingua divina quanquam sint apud Homerum loci aliquot; primum in *Iliade*, ubi dicit *Briareum* ab Diis, *Egeonem* ab hominibus appellari; deinde *avem* memorat, quam Dii nominant *χαλκίδα*, homines *χρυμίδιν*, tum in contentione Deorum, a Deo *Xanthum*, qui ab hominibus *Scamander* dictus; et *Odysee* XII, Deo vocare *πλαγυχτάς*, vagas *Scyllam* et *Carybdin*; postremo amuleta adversus magicas *Circis* artes *Mercurium* monstrare *Ulyssi*, dictus *μῶλυν* Diis, quod *nefas* hominibus scire: tamen quia Plato satis in certa de hac lingua Deorum, cujus in his locis Homerus meminisse disserat; ita ut Dio Crysostomus *Orat. II*, imposturae Homerus perstringat, qui probare velit hominibus, se Deorum linguam celare: hac de causa linguam divinam nullam putavi aliam, quam *Auspicia*, quibus Dii loqui hominibus credebantur. Sed cum Scherferus de *Philosophia Italica* postea forte versarem, Cap. V, pag. 22. Porphyrii locum notavi, ubi refert, *Aegyptiis triplex linguae generum fuisse, epistolicum, symbolicum, et hieroglyphicum*; ita ut his

Aegyptiis lingua triplex;

roglyphica, seu *characteres sacri* sive *divini* alii essent a *symbolicis*, seu per *similitudines* et *metaphoras*, quales sunt *characteres Heroici*; et tum sacri tum *symbolici* diversi ab *epistolicis* seu *vulgaribus*, qui essent usui *praesentis communis vitae*. Cumque iidem *Aegyptii* tres item *Mundi aetates* statuerent, *Deorum*, *Heroùm*, *Hominum*; rem altius vestigabundus, ex his nostris *Mythologiae* principiis inveni, *Divinam gentium linguam* priorem *heroicâ*, ut *heroicam* vidimus priorem *vulgari*. Nam qui *fulmine* ab *ferina* *erronum* *vita* deterriti *Ragna heroica* fundarunt, quae quia *Optimatum*, ab ipsorum paucitate prae *plebejorum* *multitudine*, *Respublicae paucorum* sunt appellatae, sunt qui primo et proprie dicti

Hieroglyphica, *symbolica*, *epistolica* :

Quibus tres aetates, Deorum, Heroùm, Hominum.

Primae Respublicae paucorum dictae.

. pauci, quos sequus amavit
Jupiter :

nam reliqua multitudo *erronum*, qui ab illa nefaria *ferarum* more *vita fulmine* non sunt deterriti, diu a violentis vexati, tandem, ut salvi essent, ad *Fortium Asyla* confugere, a quibus sub *Agrariis legibus* primum recepti, deinde revocati, adacti sunt perpetuo parere imperiis *Optimorum*. Igitur qui *stupidorum hominum* principio a *fulmine* excitati sunt, tanta eos *Divini Numinis religio* pervasit, ut eâ aspergentes omnia, uti diximus Cap. XX, Part. poster. § *Sub hoc*, pag. 265, quicquid viderent, audirent, memorarent, crederent *Jovam* : de quo tempore primo et proprie dictum illud,

Omnia gentibus primis divina.

. Jovis omnia plena :

non aliter ac *Peruenses*, ut cum *Acosta* in eorum *Historia* sup. hoc Libro vidimus, omnia nova, magna, mira, qualia iis omnia videri necesse fuit, crederent *Deos*. Ex qua falsa *persuasione* creditum est, *aurea aetate in terris Deos cum hominibus esse versatos* : quam ultimam omnium antiquitatum sapit *Homericum* illud, quod omnia ab eo dicantur *divina*, *divina nox*, *divinum mare*, *divina* innumera alia : usque ad *Ulyssis subulcum divinum*. Et principio quidem cum Deum omne putarent, *Pan*, sive *omne*, ipsis dictus est *Deus* : quam vocem primulum ex admirationis interjectione *Pa*, unde *Pape* postea mansit, natam conjicio. Deinde pro variis summi *Numinis* muneribus ac beneficiis principio *duodecim* fecere *Deos*, qui sunt *Dii majorum gentium*; deinde innumeros alios, quot summi *Numinis* in *genus humanum* innumera agnovere, ut item in dicto Cap. XX, § *Sub hoc*, pag. 265, dictum est. Ea ratione, cum putarent omnia, quae homines facerent, patrare *Deos*, ut d. Cap. XX, § *Ita ex vera*, pag. 265, dictum quoque est, *Deos* item *characteres* fecere, quibus tanquam *literis* uterentur, ex quibus verba rerum componerent, quas ipsi in humana societate agitarent : eoque tandem pacto verum illud fieri potest, *primam hominum linguam naturalem fuisse*, cum iidem *Dii*, qui uti *elementa* res ipsas, ita uti *literae* rerum verba componerent : quod gentes ex falsa hac *persuasione* quam diximus, *Ada* vero ex *Scientia Dei* infusa praestitit, ut *Sacra* narrat *Historia*. Ita quaeque *prima gentium oratio*, quaedam *fabula divina* erat : et ita verum dari *Philologis* potest, *primos earum fabularum auctores*, *Poëtas fuisse Theologos*, ut qui omnia per *Deos* loquerentur, per *Deos significarent*. Ex quibus de falso *Divina lingua* dissertatis haec coniciuntur :

Pants mythologia.

Dii, primae gentium seu voces, seu literae.

Primae gentium orationes, divinae fabulae.

Ut primi P.etae, Theologi?

Dei demonstrationes

I. Non imposturâ ullâ, sed falsa hac persuasione res humanas religionem perfusas.

II. Cum hominum genere natam hanc rudissimam *Metaphysicam*, homines in Deo audire, videre, sentire omnia: quod postea *Metaphysica* Philosophorum docet, homines in Deo ideas rerum omnium intelligere.

Contra Spinosam.

III. Ita ut, qui *Deismum* tenent, et omnia quae audiunt, vident, sentiuntve, Deum esse opinantur; intelligant, se pro Philosophis esse rudissimos gentium.

Divinus Circulus.

IV. Omnem divinarum atque humanarum rerum Orbem ita peractum, ut primi hominum contemplatione, quae mentem ad sensum exereret, omnia Deum esse putarent; Christiana *Metaphysica* contemplatione maxime adversa, quae a sensibus mentem abduceret, omnia, ut Theologi loquuntur, *eminenter* Deum esse intelligerent.

Philologorum error

V. *Metonymiam*, qua parte *Auctor* accipitur pro opere, et exempli causa explicatur, *Ceres* pro frumento, *Bacchus* pro vino, ab omnibus omnium aetatum *Philologis* hactenus putatum tropum a Poëtis *ornamenti causa* confictum, ex hac necessitate profluxisse, et tanta profluxisse, ut hae primae falso divinae voces ante omnes humanas prolatae sint: neque sane *Auctores* pro effectis, sed ipsae res principio explicatas, *Bacchum* vinum ipsum, *Cerere* ipsum frumentum: deinde cum mentes cultiores ab iis rebus abstraxissent Deos, tropum non hominum electione, sed sua linguae sponte factum esse.

CAP. XXIV.

*Majorum gentium character, Æneas Virgilianus,
VI libris prioribus descriptus.*

Ex hac Temporis Obscuri Historia facile et commodum erit enarrare *Æneam*, quem Poëta antiquitatis doctissimus, Heroicum *majorum gentium* characterem sex libris prioribus fingit: eoque Heroas, qui primas gentes, primasque urbes fundarunt, exprimit; uti Heroicum characterem *minorum gentium*, sive Heroëm bellorum, libris VI posterioribus describit.

Æneas proponitur Heros pietate insignis et armis; pietate gentem fundat, armis bella administrat: et pro hoc naturae ordine prioribus libris describit *Æneam primum*, posterioribus, bellatorem. *Æneas* erro, est genus humanum exlex: *Veneris filius*; nam primi homines ex incerto concubitu nati, sive genus humanum per terrarum Orbem propagatum ab Asia (a); ubi cito sub Monarchia plebibus

(a) Cujus nomen *Venus*, ut alibi dictum.

communicata connubia: *Invisus Junoni*, quae connubia inter patricos custodit: *novae urbis fundandae studio flagrat*; sunt primi Heroës urbium conditores: et non sibi suisque, sed Diis urbem fundare studet; en Theocratiae sub Imperio Deorum: *Auspiciorum et Oraculorum ubique maximus observator*; primi Heroës qui divinatione gentes fundarunt: *Penates Anchisae patri committit*; sacris familiaribus imperia paterna constituta: et Dii Penates *Neptunus et Vesta*; aqua et ignis prima omnis humanitatis fundamenta: ad *Æneam* Trojâ excisâ abeuntem *magnus viro- rum, mulierumque numerus confluit, ejusque auspici- um, quocumque terrarum abducere velit, obsequi paratus*; clientelae auspiciis conditae: *Dido et Æneas urbium conditores in antro conjunguntur*; primi gentium fundatores venerem in propatulo vitant: *Mercurius Jovis Imperio edicit Æneae ut Italiam capessat*; Agraria lex, qua Jupiter Æneae Italiam assignat colendam sub imperio Deorum: a *Sibylla* jubetur ire in antiquam *Sylvam*; ingens Terrae sylvâ, quae a primis Heroibus per suas partes auspiciis capta, colenda suscipitur: *aureum ramum evellit, quo uno avul-* Quid aureus Ramus.
so, alter non deficit; frumenti segetes aurei coloris (a), quibus demessis aliae culturâ succedunt: *non evellitur, nisi sinentibus Diis*; quia cultura non prodest, nisi prosperante naturâ: *aureus ramus ferendus Diti*, qui inferior terra est, quae culta ditat respublicas: *cum hoc aureo ramo Æneas ad inferna loca descendit, ut Ceres ad Inferos ire et redire dicta*; nempe farris semen terrae demissum et inde enatum: *sine aureo ramo non potest visere Anchisem*, hoc est suos majores, neque suam posteritatem; sine eo quod certis sedibus haereat, et colat agrum, gentem non habet: *Misenum inhumatum sepelit, Palinuro coenotaphium adornat*; religio Deorum Manium ab Optimis incoepa, humanitatis proprie dictae principium: *Offâ datâ cerberum dat sopori*; canina impudentia correctâ: *Successorum ordinem in Inferis noscit*; gentes conditae sepulchrorum religione: *ab eo Ascanius puer virtutem et verum laborem discit*; disciplina oeconomica: *omnis Æneae cura stat in Julio Ascanio*; custodia familiarum et gentium.

(a) Vide latius Notas sup. de Aureae Etatis Mythologia, pag. 314.

CAP. XXV.

Quarta Epocha Temporis Obscure, qua respublicae Optimum aut abierunt in Regna mera, et Patrum auctoritas omnis in Reges translata est; aut de Poenis primum latius legibus constituta; aut in populare Imperium dissipata ().*

Ubi autem ordo non *ex ordine* in republica agere, sed *extra ordinem* quisque impotenter se gerere cum plebe Optimates coeperunt; tot *minuti* extitere *Tyranni*, qui spre-
 tis Deorum religionibus, et fidei clientelarum obliti, quas utrasque auspiciis sibi fundarunt, in corpora fortunaeque plebejorum libidine, avaritia, crudelitate grassabantur: ad-
 versus quas cum oppressi ipsos Patres *per eorum fidem* nequicquam obsecrarent, ob quam adversus vim et injurias sese ipsis devinxerant; et sic cum *Inclutorum, Virorum, Heroium* fides plebibus nullo pacto prodesset, *fidem* potestatem *Deorum et hominum* implorarunt, illâ formulâ, quam hoc tempore primum natam conjicio, *Pro Dii atque homines vestram fidem imploro*: atque ea ratione turbis et secessionibus factis expresserunt, ut *patres redigerentur in ordinem*; cujus locutionis nativa vis est, divisos et turbatos *in ordinem revocare*; sed postea traslata est, ut significet, *movere ordinem*, seu vulgo, *Senatu ejicere*.

Et sane stat pro utraque significatione ipsa rerum natura, per quam *duum horum alterum fieri*, aut *ex utroque quid misceri* necesse fuit: *unum*, quod ea multitudo, ut tot minutos dominos cervicibus excuteret, *ad unum aliquem potentissimum* confugisset, qui multitudinem fretus, Patres omnes in ordinem rede-
 gisset, hoc est ordine ejecisset, et sic extinxisset Senatum, et omnia ad suum unius arbitrium revocasset, omnemque auctoritatem in sua Regis

Summa omnium rerumpublicarum capita.

(*) Conversiones rerumpublicarum Optimatum heroicarum hoc Capite digerit juxta politicas ideas quas jam I Libro significavit, Cap. CXXXVIII, CXLI, CXLVI et seq., CL, CLIII et seq., juxtaque notiones quae passim occurrunt ubi agit de Romanae jurisprudentiae progressu. Hae conversiones conspirant cum doctrina de climatibus, de qua obiter Lib. I, Cap. CXLV et Lib. II pag. 214-215. Suas de successionem regiminum doctrinas Vicus in *Scientia Nova* valde modificatus est. Talium porro modificationum principia jam facile perspiciuntur in discrimine Cap. CXLIV et LXXIV, ac ubi Romanam Historiam seu typum proponit, quo nationum cursus indagari potest. Vide pag. 261, notas ad pag. 184, Concl. ult. et passim, pag. 63, 99, 102, 113, etc. etc.

placita transtulisset: *alterum*, ut *quis vir sapiens* exstitisset, qui consilio aliquo flagitiosum *Ordinem* aut legibus omnino submitteret, et sic quasi *Senatum* extingueret; ceu *Theseus* Atheniensium libertatem fundavit; aut ex parte legibus temperaret, uti *Lycurgus*, *Zaleucus*, *Charondas* suas *Optimatum* respublicas constabiliere, et sic nativa significatione in *ordinem* *Patres* redegere.

Eo pacto tres omnino in rerum natura rerumpublicarum formae merae ortae, *Optimatum*, *Regia* et *Libera*; atque ex his tribus omnes aliae temperatae. Itaque eleganter dixeris, *Ordinem*, *Reges*, *Leges* regere cuncta. Nam *Optimatum* virtus in tot Tyrannorum vitia resoluta *Reges Monarchicos* fecit, ut inter *Orientales*. Alicujus *Optimatis* virtus mores antiquos, quibus *Optimi* regnum fundarunt, severissimis legibus revocans, *Ordinem* custodivit, ut *Spartanis* *Lycurgus*. *Libertatem* aut acumen gentis et praeclarorum sapientia virorum statim intellexit, ut *Atheniensium* et *Thesei*: aut ruditas per multa et varia malorum experimenta cognovit, ut *Romanorum*, uti *Libro* sup. diximus.

C A P. XXVI.

De origine et jure Monarchiarum.

Sed *Reges*, quibus *Optimates* magis suis ipsorum vitiis Regno depulsi, quam vi multitudinis dejecti, suis auspiciis, suis connubiis, ac proinde suis familiis, gentibusque, et indidem sua nobilitate, suis agris, suis imperiis, suis sacris, suis nexorum juribus concessere: summa religione consecrati, summa nobilitate insigniti, summo imperio protecti, sua domi vitae et necis in subjectos jura, sua foris jura bellorum et pacis, sua agrorum dominia, rerumpublicarum omnium, quas vel per subjectos gererent, auspicia sua, suam reipublicae vel per subjectos bene gestae adorem fecere: et sic respublicae mere monarchicae sunt constitutae; quae unius utilitatem, salutem et gloriam spectant; in cujus unius vitâ, utilitas, salus, gloria gentis a Monarcha rectae continentur (a). Et hi *Monarchae*, sive *Reges* meri

Jus Monarchicum assertum;

(a) Hisque rationibus obsequium, quod cum clientelis erga Inclytos primum coepit; deinde *Optimatum* rebuspublicis natis, a plebibus erga *Patres* perseveravit; tandem a populis universis erga *Reges Monarchicos* stetit: quae nunc proprie dicitur erga Monarcham fidelitas subditorum. Obsequii Historia.

in infinita potentia, nullis legibus, nec, nisi uni Deo reddere rationem, adstricti, liberrimo suo arbitrio, quod ex natura Monarchiae juri naturali conformatur, quanquam Monarcharum vitio quandoque juri naturali adversetur, omnia regunt: neve cives suâ unorum invidiâ peccent, omnes continent in officio: et ita auctoritas Patrum in unum-
quenque Monarcham universa concessit; cui quicquid placet, sive animo legis condendae constituit, *legis habet vigorem*.

Eaque ratione, ut qui ad *Aras* confugerunt, quia in illo statu exlegi, in quo genus humanum impium et flagitiosum in sui exitium corruisset, nisi ab *Inclytis* recepti essent, *salvi esse non poterant*, tanquam servorum quaedam rudimenta (a), sub imperium venerunt *Inclytorum*; ita deinde *Optimates* huic summo imperio cessere *Monarchis* simili item jure, ac si jure minorum gentium regna belli jure quaesissent.

Antiquissimum ante publica bella. Grotii principia firmanantur.

Atque ita jus regnorum monarchicorum antiquissimum assertum puto: quod Grotius in genere intellexit; sed in specie non agnovit: qui duas ejus juris monarchici causas statuit; alteram, si qui bellum gerit, suo aere gerat; quod antiquissimis illis temporibus accommodari non potest: alteram, si qui in imperium veniunt, aliter salvi esse non possunt; quod de antiquissimis *Monarchiis* neque is neque alius unquam existimarunt, neque existimare sane poterunt; qui omnes ex errore omnium temporum vetustate firmato putarunt, prima Regna, citra hanc necessitatem, populorum consensu nata esse: quod dictum sit contra Gronovium, qui in suis ad Grotium notis hujus doctrinam convellere, sed satis infirme, conatur.

Gronovius ad Grotium perstringitur.

Peculii historia.

(a) Et cum ea quidem proprietate, ut clientes peculium possiderent, patrimonium, Patrum proprium non haberent: quod et ratio suadet; nam qui laxiori clientes lege, quam filii familias Heroum haberentur, quando nihil praeterquam vitam salvam cum *Inclytis* pepigere? et pulcherrima Homeri auctoritas confirmat in *Odyssea*; ubi *Eumaeus*, *Ulyssis* subuleus, *Ulyssi* ficto erroni narrat, se possidere *Mesantium*, absente Domino, seorsim a domina, et *Laërte*, quem inter *Taphios* suis facultatibus emerat; quae est ipsissima peculii natura, quam *Juris Interpretes* definiunt, servi vel filii familias naturale patrimonium, ut *Theophilus*, sive, ut alii explicatius, quod ii a rationibus paternis vel dominicis seorsim habent.

C A P. XXVII.

De Legum poenaliū origine.

Quomodo autem *leges* sint natae, ex quibus Optimatium *ordines* aut sunt *temperati*, aut prorsus *extincti*, est modo explicandum.

Nulla plebibus erat cum Patribus contentio juris; nam *Patrum* erat *jus omne sacrum, publicum, privatumque*; neque plebes iis quicquam detrectabant: *plebium* erat *vita, libertas* et *bona*, sive agrorum *commoditates*, quas industriā et culturā parabant. Has circa res plebes de *vi* et *injuriis Patrum* querebantur; et adversus vim et injuriam *jus aequum* postulabant (a). Igitur *vis* et *injuria* erat *adimenda* a corporibus et rebus plebejorum.

Omnis *injuria* ad haec *duo genera* revocatur, *damnum* et *malum*; *damnum* rebus, *malum* hominibus datur: hinc *duo prima poenarum genera* in terris nata, *duplio* et *talio*: pro damno injuriā dato *duplio*, *talio* pro malo: quo utroque poenae genere utuntur Decemviri in XII Tabb.

Antiquissimis enim mortalium rudibus aequalitas simplex prius innotuit: ex qua *Justum Pythagoricum* extat, a *Pythagora*, qui *Zaleuci* praeceptor fertur, appellatum: ita ut qui *damnum* injuriā dedisset, aestimationem reponeret, et tantundem poenae nomine daret.

Circa *malum* injuriā datum *Rhadamanthes* primus *talionis* poenam invenit; cujus rei famā apud *Inferos judex* est constitutus a Poëtis: quamquam enim injuriā idem pati, ac injuriā affectus, ac proinde *malum* ex aequo et sons et insons reportare videatur; tamen in exigenda talione reus plus mali referebat, et saepe pro sanabili malo necem; cum nunquam tam exacte ad normam *malum* reddi posset, ut idem vulnus, ex. gr., idem os fractum, eadem cunctatio sequeretur: atque hoc periculum, erat tantundem, in quo poena stare aestimabatur. Postea vero poenae geometrica ratione, seu duplici commensu expensae sunt; quam acutiora ingenia ex jure naturali explicatori in leges importarunt.

(a) Ut postea fuere Romae Juris certamina inter plebem, Patresque, primum de Tribb. plebis creandis, tum de aequando Jure, deinde Connubiis, porro de Imperiis, postremo de Sacerdotiis plebi communicandis, ut infra hoc Libro dicetur.

Principio plebi cum Patribus controversia juris nulla.

Injuriarum genera duo, *Damnum, Malum*.
Poenarum genera duo, *Duplio, Talio*.

Talio rude poenae genus.
Justum Pythagoricum.

Rhadamanthes primus humanarum poenarum inventor.

Ut in talione tantundem mali est?

Leges poenales de malo, legibus de damno priores.

Sed ex hactenus narratis vides, leges poenales de malo, legibus de damno priores fuisse; nam *lex talionis* a Rhadamanthe, *lex Duplionis* a Pythagora coepit: unde *judicia publica privatis antiquiora*. Et hunc ordinem natura dictat, ut Legislatores prius deterrerent cives a delinquendo exemplis; deinde legibus judiciariis delinquendi occasiones praeciderent.

Cur in rebuspublicis Optimatum severissimae poenae?

Itaque *Patres* experti satis cum periculo, per injurias singulorum Optimatum, primis plebium secessionibus, quae primae *seditiones*, *seorsum itiones*, proprie dictae fuere, suum Imperium pene concidisse; et id paucorum esse, et adversus multitudinem obtinendum; ideo severissimis in rebuspublicis Optimatum poenae sancitae. Quare *Minos*, *primus*, qui inter gentes fertur, *legum inventor*, a quo historiam legum Tacitus exorditur, apud Plutarchum in *Theseo*, quamvis commendatus Hesiodo, tanquam *Jovis amicus* et *necessarius* (a); tamen apud *Tragicos Poëtas* ob *crudelitatem pessime* audiit. Unde Spartanæ leges nimis duræ Platoni et Aristoteli visæ; *leges Draconis*, qui statum Optimatum reposuit, sanguine scriptae dicebantur; vel *Patri-cii Juvenes*, atque adeo ipsius *Bruti filii*, qui libertatem Romanam fundavit, apud Livium legum Regiarum rigorem prænimum queruntur; ita ut Tyrannum, quam suos parentes Optimatum Reges malint: et poenae legis XII Tabb. vel jam constabilita libertate sancitae, ut *crudeles* et *inhumanæ* a Favorino apud Gellium incusantur.

Minos primus inventor legum.

Crudelitatis notatus.

Spartanæ leges durissimæ.

Draconis sanguine scriptæ.

Regiæ Romanæ severæ.

XII Tabb. crudelēs et inhumanæ.

Aut fide aut juris necessitate constant Imperia.

Namque Patres, ut in posterum omnem vim privatam adimerent, et fidei, ac juris necessitatem civibus facerent formidandam, quibus duabus rebus severum constat Imperium; aeris alieni fidem, judiciorum sanctitatem, testimoniorum religionem poenis severissimis intenderunt. Dat id conjicere lex XII Tabb. quae *obæratos dissecari, judices pecuniâ corruptos ultimo supplicio affici, de saxo de-jici falsos* sancit.

In rebuspublicis Optimatum Juris-prudentia Spartanæ.

Cumque ex ingeniorum ruditate scrupulosissimi essent verborum, ut supra diximus (*), hinc naturâ rerum ipsâ factum, ut judices conceptas juris formulas strictissime sequerentur: unde in rebuspublicis Optimatum regnavit *Juris-prudentia rigida*, quam Libro super. (**) placuit *Spartanam* appellare. Quare *Minos* legislatori additus a Poëtis frater

Cur *Minos* legislatori *Rhadamanthes* additus iudex?

(a) Et Homero, *Jovis confabulator*.

(*) Pag. 285.

(**) Pag. 116, 117.

Rhadamanthus, severissimus iudex; ut quod severae leges caverent, iudices strictissime sequerentur (a); quod doctissimus antiquitatis Poëta significare videtur eo versu,

. Movet urnam Minos,

qui tanquam Praetor iudices sortiatur, iisque formulas dictet.

Atque hac ratione summa severitas legum poenaliū, quae in rebus publicis Optimatum latae sunt, fundarunt *natura conjunctas, et Ordini juris auctoritatem, et plebi hanc juris aequi adversus injuriam libertatem*: nam non distinguēbant, Patricius ne an plebejus fecisset injuriam; immo ob id ipsum non distinguēbant, quia a Patriciis natae primum erant injuriae.

Fons aequitatis civilis.

Ea aequi juris de vi et injuriis communione, plebes civitatum partes factae sunt, et civitas sive respublica hac formula, *Patres et plebs*, mansit significata: *eaque libertas* adversus ipsorum patrum, nedum aliorum plebejorum injurias, *plebibus mercedi parendi imputata* est. Exinde etiam plebei caedes, tanquam aequalis, *perduellio* dicta est. Quare illud in *Romana Historia* mirum; quanquam Patres haberent plebejos vel aetatem nexos in carcere; unde seditio semel Romae orta apud Livium; tamen in tot Patrum cum plebe certaminibus, a Patribus plebejum legis occisum neminem. Atque indidem criminum accusationes *publica judicia* dicuntur; cujus rei effectus non caussa est, ut quisvis de populo ad accusandum admittatur: ut bello indicto cuivis civi fas est, hostem occidere. Nam juris auctoritate constituta, uti privati asserunt dominium rerum suarum vindicatione, ita Ordo, seu *Potestas civilis, vindicat publicam auctoritatem legis actione*: ita ut *legis actio* ita in genere accepta sit vindicatio seu *tutela auctoritatis*; qua si tueatur auctoritatem juris publici a criminosis, qui eam publice laeserint, dicitur *Imperium*; quo *lege agere* dicitur *Lictor*, cum de capite civis rei supplicium sumit: et id est, quod a legibus dicuntur *crimina vindicari*: sin autem tueatur au-

Ut plebes primum civitatis pars factae sunt?

In Romana Historia observandum.

Publica judicia cur dicta?

Quomodo vindicatur publica auctoritas?

Legis actio genus: cujus species;

Legis actio publica;

(a) An ab hac primarum legum poenaliū severitate summa, et in iisdem exercendis rigore nimio, *primi Poëtae*, sive primi Legislatores caeci dicti: quales Tiresias Thebanus et Demodocus Phaeax ab Homero narrantur; quod nullum personarum respectum, seu, ut dicunt, nullam acceptionem haberent; unde forsā mos *Arcopugitis* in tenebris ferre sententias: eaque *appellatio* postea *praestantias* Poëtis manserit, ut inde ipse quoque Homerus *cacus* posteris traditus sit?

De Homeri caecitate conjectura.

toritatem juris privati, dicitur *Jurisdictio*; ex qua dicuntur *legis actiones* in specie; quam Pomponius narrat primam juris civilis, nempe Romani partem. Quapropter *Auctoritas* civilis *partes* extitere duae, *legum Imperium* et *Jurisdictio*: et *omne jus privatum utilitate, est publicum auctoritate*; quod idem est, quod *juris privati cives habent usum, Potestas civilis habet dominium*. Unde omnes qui in leges peccant, privatim reponunt *restitutione*, vel *praestatione*; publice luunt *poenā*, vel *multā*.

Hunc ipsum naturae ordinem haec res apud Romanos servavit: nam principio *legis actio* nihil aliud significavit, nisi executionem poenae in facinorosos, uti *δίκη* Graecis accusationem significavit. Id tradit Livius in M. Horatii judicio: quod mansit postea, ut formula accusationis et poena *lex* diceretur; ut *reus legis Juliae de Adulteriis, damnatus lege Cornelia de falsis*: et quanquam lenitae vel exasperatae sint primarum legum poenae; tamen *ex iisdem legibus rei* accusari damnarive dicuntur.

De privatis autem caussis diu actiones Romanis ineditae; tantum cives in officio continuit prima poenarum, et judiciorum primis legibus edicta severitas: qui *mos gentium* tandiu servatus Romanis, donec Lex XII Tabb. lata est, ut tradit Pomponius; antiquissimas ab Aristotele observatur in *Ethicis*, qui tradit vetustissimas fuisse republicas, in quibus de jure privato nullae proditae leges, ne cives temere aliorum sequerentur fidem, et eorum temeritas rempublicam litibus inquietaret: quod inter Graecos ex parte servatum, qui *pecunia praesenti commercia* agitabant; unde illud, *Graeca fide mercari*; et ex parte apud Romanos, apud quos *ex nudis pactis non datur actio*.

Postremo quo *omnis vis privata a republica abesset*, vel justis violentiis a jure majorum gentium introductis ordines rerumpublicarum quasdam violentiae imagines jure civili communi, seu minorum gentium moribus inducere: quod in ea rerumpublicarum forma necessarium, et ea aetate facile factu fuit; *necessarium* quidem, ut quaminimum a moribus, super quibus gentes et regna heroica fundata erant, abscederent, sed hoc non tam *consilium*, quam *natura fuit*; qua et *facile factu fuit*: nam seculo poëtico, homines ad imitationes naturā ipsā facti erant, ut supra diximus de *Poëseos origine*: quorum characteres *Orpheus et Amphion*, et *heroës et Poëtae et rerumpublicarum Fundatores* dicti sunt: et diximus, Jus civile commune minorum

Legum imperium et jurisdictio. Notandum.

Natura judiciorum apud Romanos;

Prius nata publica,

Diu post privata,

Mos primarum gentium,

Ex parte servatus Graecis, Ex parte Romanis.

Qua ratione violentiae imagines introductae?

gentium fabulam quandam et imitationem Juris majorum gentium, atque adeo *Poëma quoddam* fuisse (1).

Atque is *fons* et *origo* fuit omnium *Actuum legitimorum*, quibus uni Patres inter se jus optimum agitarunt: quorum solennitates ex rigore summo, quod tunc regnabat, religiosissime quoque servabant: unde Graecis *δίκη* a jure vox ducta *solemnitatem* significat; quod Romanis postea in libertate vel sub Principatu omnia ferme ex jure naturali agitantibus mansit, ut significaret solennitatem, quâ etiam contemptâ, res utiliter agitur. Atque his rationibus *Jus optimum* verâ violentiâ a majoribus gentibus fundatum, factum est jure civili communi a gentibus minoribus *Jus optimum* his *duabus proprietatibus* praeditum; alterâ qua est maxime *solemne*, alterâ, qua est maxime *certum*, sive maxime *necessarium*; et ob id est *solemne* maxime, ut sit maxime *certum*, maxime *necessarium* (2).

Fons actuum legitimorum.

Juris optimi proprietates duae:

Solemnitas, Necessitas.

Hoc tanto legum poenalium rigore, tantâ judiciorum publicorum severitate, tantâ actuum legitimorum religione, vis privata de republica adempta est: quod fieri non poterat, nisi in unam vim quaque privatâ majorem omnes privatae violentiae concessissent, quae singulos coërceret. Haec *vis quâque privatâ major* est *legum Imperium*; quo jus optimum jure majorum gentium *ex vi justa corporum* abiit in jus optimum jure civili communi *ex vi justa animorum*; ita *virtus*, quae jure majorum gentium fuerat *vis corporis ratione temperata*, qua suas res quisque manu tuebatur, facta est *vis animi*, seu *juris*, quod animo haeret, qua quisque res suas lege parat, lege conservat. At legum auctoritate tanto terrore firmatâ, *Ordo Patrum*, qui in certaminibus cum plebe existebant, erat *Ordo juris majorum gentium*, qui *eminebat vi*; factus est *Ordo civilis*, qui *emineret legum auctoritate*, sive *Juris civilis dominio*. Atque ut ex *Ordine juris majorum gentium* natae primae leges, nempe *Agrariae*; ita ex legibus dein poenalibus confirmatus est *Ordo civilis*, seu civilis Potestas, qui ut legibus est constabatur, ita legibus conservatur; et reipublicae forma eo propius ad genus divinarum rerum accessit, quo altius se extulit; ut civilis Potestas ex coitione corporum, qua in primis cum plebe turbis nata est, fieret consensus animorum; atque haec esset lex ipsa, quam Papinianus eleganter *communem reipublicae sponsonem*, et Aristoteles *divine mentem affectionibus vacuam* definiivit.

Legum imperium quid?

Justa vis corporum ad vim animorum transmissa, genuit Jura.

Ut ordo corporum factus ordo Juris?

Agrariis firmatus ordo corporum.

Legibus poenalibus firmatus ordo civilis.

Rerumpublicarum Ordinum, Legumque ad Deum recursus.

(1) Lib. priori, Cap. CLXXXII.

(2) Ibid. Cap. CXXVIII.

Medusæ mythologia.

Hujus *Epochæ*, quantum ad Optimatum respublicas legibus poenalibus constitutas attinet, character fictus *Medusæ* fabula, *ex ceto marina bellua orta*; hæc est navis quæ transmarinos postea in plebem receptos exponit: *pulcherrima et capillis auro simillimis*; sunt plebejorum uxores, et messes, quæ sunt *aureus ramus*, quem Virgilius cecinit: *ejus formâ et potissimum auro capillorum captus Neptunus in Minervæ templo cum ea concubuit*; Patres qui non amplius, ut montani, sed ut maritimi plebejorum mulieres in arcem abducunt, eoque messes plebeis ereptas comportant: inde *Pegasus natus*; Patricii minorum gentium e plebeis mulieribus orti: *qui postea in Parnasso monte Hippocrenem fontem aperit, de quo Musæ bibunt*; nam minorum gentium ævo disciplinae humaniores inventæ: et *Pegasus alatus*; quia Optimi artem equitandi invenere; et *Alæ* stemma Patriciorum, ut supra diximus: *Minerva hinc irata Medusæ crines, quibus maxime amatori suo placuerat, in angues mutavit*; hæc est mens Sapientis Optimatis, qui legibus poenalibus Patricios inertiam corruptos ad agrorum culturam convertit: deditque, ut *omnes eam aspicientes in lapides converterentur*; ut poenarum metu plebejorum mulieres contractare, et messes rapere exhorrerent. Perseus dictus *Hercules alter*, qui ut Hercules multas *aerumnas* tulit; inter quas in alio Graeco orbe *Bellerophon*, quasi Βεληφρόν, Sapientiae conciliator, *Pegaso* invectus *Chimaeram* occidit, ut ille *hydram*, Cadmus *serpentem*, Apollo *Pythonem*: et *ima Chimaera*, *Draco* erat; anguis, serpens, quo genere plana terrarum ab Diluvio diu humentia abundare necesse fuit: *media Chimaera, capra*; quia in editioribus terris necesse quoque erat ut agri essent, et pascua (a); unde naturâ ipsâ in edito primæ urbes fundatæ: *summa Chimæra, leo*; quia inde etiam necesse fuit ut cum in jacentibus terris dracones viverent, in editioribus homines agerent, ferae in summis saltuum laterent: et *Chimaera flammivoma*; quia e venis silicis inventus ignis: *Perseus Jovis filius*; hic sapiens, fortis quoque, pietate ductus reipublicæ Optimatum, quæ auspiciis primum fundata est: ab *Jove* genitus, nempe ex auspiciis: *aureo imbre in Danaës gremium decidente*; genitus nempe ex Optimis, qui messes colligebant; ut messis *aureus Ramus* Virgilio: et *in turri genitus*; in arce, quas Poëtae *Regum turres* dixere: *Mercurii talaribus indutus*; legibus poenalibus latis, *Agrarias* firmat, et

Chimaeræ mythologia.

Persei mythologia.

(a) Vide Not. sup. de triplici hominum vita ex Platone et Homero.

sic mercedibus plebejorum cavet: et falcato ense accepto; revocatis ad falcem patribus: *Palladis scuto*; quae est character Patrum in turbis cum plebe natis, ut in eo *repercussam Medusae effigiem salvus videre posset*; severis exemplis ordo servaretur: cum ipsa, anguesque sopiti essent; cum Patres ocio inertes, et in vitiis jacerent degeneres, agros non amplius colerent: *interemit*; extinxit privatas violentias: et *guttae sanguinis decedentes per solitudines in serpentes mutatae*; severissimis poenis agri, qui jam deserti erant, iterum culti a Patriciis: *Medusae caput aegidi affixum*; id *Imperii civilis symbolum*, ut diximus: *quod hostes conspicatos in saxa convertit*; quia ubi disciplina civilis domi severo imperio continetur, ibi armorum imperia sunt foris hostibus formidanda.

Haec historia alibi fuit, *Mars nudus*, Patricii degeneres, e mari, sub quo latebat; cum *Venere*, cum plebejorum uxoribus, a *Vulcano*, Optimatibus, qui nuptiarum sacra custodiunt, *rete jaculo retractus, factus ludibrium Diis*, capti et enecti. An hinc *gladiatorius ludus*, ex *Retiario* et *Gallo*; et Gallus non *Senon*, sed plurium et vilium uxorum maritus?

De Vulcani rete
mythologia.

Ludi gladiatorii
origo.

C A P. XXVII. (bis)

Traduces per quos Jus majorum gentium in Jus minorum traductum est.

Ita violentiae privatae sub Theocratii metu Deorum modeste habitae, in violentiam publicam traductae sunt; horum duum traducum altero, aut *infinito Regum*, aut *crudeli legum imperio*: tantae molis erat, contemptis Deorum religionibus, genus humanum in civili societate continere!

Traduces duo,
Liberum Regum
arbitrium,
Severum legum
imperium.

Namque ubi Deorum *religiones* spretae sunt, poenarum humanarum terrore genus humanum in societate continere ipsa natura docuit: qua ex *Divina Providentia, rebus ipsis dictantibus*, cum primum plebes Patrum injuriis oppressi, Deorum hominumque opem implorarunt, *Reges* illico *extitere illis plebeium implorationibus*, tanquam *collatis suffragiis creati aut fortissimi Viri*, qui cuncta moribus corrupta ad se unos emendanda revocarunt; a quibus *Monarchiae* primae in terris sunt constitutae: aut *Viri sapientissimi*, qui legibus poenalibus antiquos mores, sive respublicas Optimatum ad sua principia reducere.

Primis Regnis monarchicis jus assertum.

Jus creandorum
Regum plebibus pri-
mum natum.

Rudimenta Plebi-
scitorum.

Plebiscita ejusdem
naturae in Republica
Optimatum mera et
in mero Regno.

Primis plebiscitis
sanctae poenae.

Prima plebiscita
agrariae leges fuere.

Leges dictae exem-
pla.

Legis de corpori-
bus obaeratorum se-
candis utilitates.

Prisci legumlatores
in se vel in suos ex-
emplis auctoritatem
suis legibus vindica-
runt.

Lycorgus.
Charondas.

Zaleucus.

Brutus.

Et ita *plebes* tum primum sibi *Reges creare coeperunt*, qui mos gentium a Romanis receptus, perpetuo servatus est: nam quae Livius super ea re in Interregno Romuli narrat, est *vulgaris traditio* veris falsisque commixta.

Inclamationes autem et *obtestationes* sub Theocratii ce-
lebratae, docuerunt *Plebiscita*, quibus *Plebes adessent tan-
quam testes*, qui facta testarentur, de quibus Reges con-
derent jura; ac *Plebiscita* ejusdem naturae, et in Regnis
meris et in Regnis Optimatum, ut Libro priori (1) diximus,
nata sunt: et *plebiscitis* principio *privilegia* irrogata; et pri-
vilegiis *poenae sanctae* (2); qui mos apud Romanos etiam
in Republica libera diu mansit: et ex prima origine *leges
agrariae* plebiscita, quibus scirent plebes, mercedem pa-
rendi sibi a Patribus constitutam (3): et *plebiscita* fuere
leges, significatione, qua, ut Libro priori, plebes unde se-
cessissent, *elicerent*, et in urbes reducerent: et *leges* fuere
exempla, quae mansere *poenae asperriimae* in reos editae,
quae ceteros summe deterrerent (4): atque hae *leges or-
dinem* confirmarunt: et *ex ordine* postea *leges severissi-
mae* dictae.

Quare quanquam inter Romanos *lex de corporibus obae-
ratorum secandis* nunquam exercitam esse memoretur; ne-
cesse tamen est *inter gentes Romanas priores dictatam* esse;
cujus unius terror, et *industriam et frugalitatem* et *fi-
dem*, cum quibus tribus bonis animi artibus omnes antiquos
mores in rebuspublicis Optimatum, quos postea longo se-
culorum excursu obtinuerunt, felicissime revocavit.

Sed has leges primi Legumlatores, aut in se ipsos, aut
jure patriae potestatis in suos exercuere. Lycurgus, accepto
a Spartanis juramento, ut tantisper dum rediret, *leges a
se latas servarent*, ne ultra rediret, ultro mortem oppetiit.
Charondas legislator Thuriorum, cum contra legem, quam
tulerat, ne quis armatus in concionem veniret, ipse rure
rediens imprudens peccasset, admonitus legis ab eo, qui
proxime sedebat, eidem gladio incubuit. Zaleucus Locren-
sis legislator filium adulterii compertum ex sua lege oculis
orbari damnarat; cumque tota civitas ob virtutem et me-
rita patris poenam filio deprecaretur; precibus victus al-
terum sibi, alterum filio oculum eruit. Simili exemplo Bru-
tus ordinem reposuit, cum filii contra legem, cujus ipse
auctor fuerat, de Regibus non restituendis, conjurassent;
fortissimus Consul, pater infelicissimus in domus orbitatem

(1) Cap. CL. (2) Cap. CXLIX. (3) Cap. CXXVII. (4) Cap. CXL.

eos securi percussit. Quod Virgilius antiquitatis nunquam satis admirandus in *Didone* legislatrice expressit, quae Regum externorum connubia multoties dedignata, cum in *Aenea* morem gentium corrupisset, se ipsam interemit.

Hisque exemplis *Clientelae* legibus poenalibus prolatae sunt, ut veri *Optimates plebibus patrocínio essent*, non oppressi: et *Regibus mos traditus*, ut suam sapientiam et fortitudine humanam naturam corruptam emendarent; et ita naturam regnarent naturam Philosophi: et traditus mos patribus, ut omnibus privatis rebus, et vita ipsam patriam haberent potiore; quando eorum respublicas Legislatores sive filiorum, sive adeo suo ipsorum sanguine restituerunt; et documenta plebibus edita, ut patribus essent obsequentissimae, qui de suis ipsorum filiis passim edebant severissima exempla: et per haec omnia tum patres, tum plebes libertatem haberent quam charissimam: cumque libertas ipsis corporibus haereat; inde factum ut priscis bellis liberos occumbere, quam vivere servos mallent: quae omnia a Romanis recepta, erunt nobis principia omnis Romanae virtutis, ut demonstrabimus.

Per has rationes Imperio publico constituto, Jus majorem gentium, seu violentiae privatae regnare desiit; et minorum coepit, quod est jus violentiae publicae domi imperio legum, foris armorum; quae res nobis Quintam et postremam Temporis Obscuri Epocham dabit.

Hoc publicum imperium constitutum, inter Graecos fuit aliis *Gorgonis* caput; lyra, aliis *Orphei*, aliis *Amphionis*, aliis *Apollinis*, quae adsonans ad legum carmina concentum excitavit humanitatis; rudius Gallis fuit *Hercules*, qui ore, hoc est verbis legum, non ultra manum, catenulas in hominum aures, disciplinarum sensum, non in corpora injicit: Hetruscis severius fuit *Fascis virgarum*, quae securim (a) mediam et eminentem cingunt: a quibus insigne Imperii receptum conservavere Romani. Haecque est catena (b), quam per summam sublimitatem Homerus fingit

(a) Sed in hac publici Imperii genesi, mansere Patribus jus vitae et necis in filios, et jus nexi in clientes, ut diu custodiendi Romani: et sic cum ipsa primarum rerumpublicarum natura Feuda coorta sunt; ut Patres omnem vim privatam ipsi inter se pares summo reipublicae Imperio submitterent; quam ipsemet vero in suos subjectos, nempe filios et clientes exercerent: quod summe notandum arbitror pro Feudorum origine, et Jure Romanorum Quiritium privato.

(b) De qua multa in hoc Libro et Notis.

e Caelo demissam, nempe auspiciis et religionibus, Orbem terrarum constringere, hoc est genus humanum cum Diis, et inter se domi forisque consociare; non autem cotenam caussarum, ex quibus naturae necessitas constat; quam vix postea summa sua ingeniorum subtilitate Stoici intellexerunt; et ex necessitate juris, quam gentes dixere Fas, ipsi Fatum appellarunt, ut Libro priori diximus: ac sectae studio ut suae sententiae antiquitatis auctoritatem conciliarent, sui dogmatis Homerum fecere auctorem, sive Homero suum ipsi dogma affinxere.

CAP. XXVIII.

Theseus Fabulis vindicatus.

Hactenus narratum, uti primae Optimatum respublicae vel in regna mera abierunt, vel legibus poenalibus ordinem sibi civilem fundarunt: superest, ut tradamus, quomodo et quando in libertatem sint resolutae.

Theseus primus in terris libertatis assertor.

Theseum primum omnium ad vulgus inclinasse, sequi abdicasse dominatu, Aristoteles apud Plutarchum scripsit: cui adstipulatur Homerus, qui in navium Catalogo Atheniensem populum tantum nominat, quod recte idem Plutarchus observat. Igitur est heic nobis Theseus verus, fabulis, quibus mixtus est, excutiendus, qualem nobis ipse tradit Plutarchus.

Is principio ejus vitae fatetur in tanta historiae antiquitate fabulas consecrari: sed quid veri iis fabulis subsit, aut nihil aut parum curat; quia hanc juris gentium, seu Temporis Obscuri Historiam, quae sunt principia Historiae Profanae universae, ignoravit.

Thesei mythologia.

Itaque paternum Thesei genus ad Erechtheum, ac primos indigenas relatum narrat: en Theseus indigenis ortus, hoc est, e terra Attica natis, quales Athenienses se terribiles, ut supra diximus, appellabant.

Clam genitus, clam natus, clam eductus ab Æthra matre: en e media propudiosa multitudine in lustris abditus; et matris nomen ab aethere, sive aëre, sive caelo, unde auspicia veniunt, deductum.

Thesei etymon.

Theseus appellatus a θῆσις, ut putant, insigni membro- rum positione; anne multo rectius ab illa pedum positione, unde possessionem appellatam putant, quam tu rectius a porro sessione dictam dixeris; ex qua nata, et dicta haec.

Possessio unde dicta?

reditas ab *haerendo*, quam diximus cujusque *Incliti ditio-*
nem principio vocatam: unde *Inclyti*, *Heri* primum dicti;
qui etiam sic dicti mansere a servis famulabundis, ut *he-*
rus jussit, non *dominus*.

Studio Theseus deflagravit ad Herculis exemplum se com-
parandi, et *Periphatem*, *Corynetum* a clava *Coryna* appella-
tum, quam postea ut *victi insigne spoliū* ad *Herculis* exem-
plum gestavit, *Synum*, *Protocampam*, *Cromionam* *Suem*
ingentem et pugnacem feram, *Scyronem*, *Procastem*, alios-
que latrones interemit; unde *Hercules alter* dictus. An eo
Theseus quoque poetice plures fuere *Inclyti*, qui *Athenas*,
ut *Hercules*, plures *Inclyti*, qui *Spartam* fundarunt; non
verus Hercules, quia non, ut Spartani, statum Optimatum
conservavit?

Theseus, Athe-
niensis agri Inclyti.

Cretensis *Minotaurus* (hanc unam e satis multis fabulis
pro nostris principiis interpretor; quia haec una est om-
nium maxime insignis et potissimum ad rem nostram fa-
cit) *navis* fuerit, cujus prora, uti naves solent, in *taurum*
sit *efformata* (a): et *Minois* Cretensium Regis *Taurus* di-
cta; quae in *Labyrintho*, hoc est *Mari Aegeo*, ob tot, quot
habet innumeras insulas, amfractuoso versaretur; per quod
ad *Atticae* oras appulsa, inde quotannis pueros puellasque
diriperet; quos sibi impositos, *Atticis* ex puerili imagine
vorare videretur: *Theseus* et *Daedalus patruels* ficti, sunt
Patres et *Artifices Athenienses*, qui fuere duo civium or-
dines a Theseo praeter *Agricolae* instituti: *Daedalus* est
vis ingenii (1), et heic ipsa *navis*, uti Virgilius accipit,
quum dicit eum super mare ferri *alarum remigio*: et sic
Labyrinthis, hoc est *navigationis* inventor: Theseus autem
Ariadnae *Minois* filiae amore captus, fuerint *Patres Athe-*
nienses, capti gloria rei et militiae navalis, quae inter *Cre-*
tenses, quos diximus, ingeniosissimos (2), et quia insulanos,
primum nata iis gentibus est (b): et *Ariadnae filo*, hoc est
cursu navali certa arte ducto; e *Labyrintho* egressus est,

Minotauri mytho-
logia.

Daedali mythologia.

Ariadne mythologia.

(1) Cap. CXLV.

(2) Ibid.

(a) Ex eodem genere fuisse necesse est, *Orcam*, marinum mon-
strum *Andromedam* cauti catenatam, hoc est terrore defixam, vo-
raturum, nempe piratarum navem, quae per oras *Ethiopiae* vir-
gines rapiebat; et *Perseum*, sive Graecos Heroës, *Pegaso*, sive na-
ve, sive *Maris equo* et *remis*, quae sunt *navium alae*, quod utrum-
que dicebat Homerus, ea hostium sive barbarorum incursione *Ethio-*
piam liberavit.

(b) Unde mansit proverbium, *Cretensi mare*, dictum in eos qui
doctos docere velint.

hoc est, *Ægeo mari in Cretense evaserit*: postea *Ariadnem* deseruerit, contempserit, prae *Sororis* amore; hoc est clasis suae, quae ex eadem *Cretensium* arte nata est; et ita *Cretensium piraticam* prohibuerit: et patriam indigna et foeda ejus belli lege (nam prima bella rapinae fuere, et perpetua bella fuere, ut mox dicemus) liberavit, ut quotannis seni pueri, senae puellae in *Cretam* a *Minotauro* in *Labyrintho* vorandae mitterentur.

Persei et Andromedae mythologia.

Herculea Thesei aerumna.

Theseus libertatem Athenis fundat,

Optimatibus mixtam.

Graecae Historiae inverisimilitudo.

Verum Atheniensis Historiae principium.

Origo arae Clementiae.

Ut Athenis primum nata libertas?

Similis character in alio orbe, *Æthiopia*, fuit *Perseus*, etiam *Hercules* alter dictus, qui *Andromedam*, virgines ejus orae maritimae a *marina bellua*, a navibus piraticis liberavit. Hinc ingens facinus aggressus, quo omnes gentes omnes *ἡμῶς*, seu populos in unam civitatem coëgit, offerendo iis aequalitatem juris, ac proinde popularem statum, et se tantum bellorum ducem et legum custodem fore: et populum distinxisse in *nobiles*, quos *εὐπάτριδας* vocavit (qui sunt *Patricii* ipsissimi *Romanorum*) *artifices* et *agricolas*; et *nobilibus* quidem tractandi *res divinas*, ex suo ordine creandi *Magistratus*, interpretandi *leges* ac *religiones* potestatem permisit; de reliquo eos cum ceteris quasi ad aequalitatem redegit, et urbem *Athenas* appellavit.

Sed facile est, *Theseum* id *nexis Atticis* persuasisse, qui *sub astricto Patrum imperio* per *minuta regna Attica* sparsi erant: at *Patribus* ipsis suorum *Pagorum* { quae *duodecim prima* numerant) *cripere regna*, eosque *sub suum belli et legum arbitrium* redigere (uti apud *Plutarchum* ipsi *Patres* postea indignantur ita, ut gravi invidia oneratum ad calamitosum exitum tandem perducerent) *natura fortium* non patitur, neque sinit, ut credamus, complures eorum ultro in *Thesei* oblatas condiciones concessisse; alios metu ejus potentiae id voluntate fecisse, ad quod inviti cogi posse providebant: et quae *regna herculea virtute quaesierant*, omnem vim *inexpertis*, ut *ignavi solent*, *per inertiam amisisse*.

Itaque pro nostris *Historiae Profanae universae Principiis* dicendum, cum jam in parvis *Atticae regnis* *Herculea virtus* esset resoluta; et *Patres* ocio inertes *luxuriam*, *avaritiam*, *crudelitatem* in *nexos* exercerent; *jus nexi* cum *plebe* aequum *Atheniensibus* populare *Imperium* fundasse: quod *plebes* ex *Attica* vicinitate ad celebrem *Atheniensium Aram*, quae proinde *Ara miserorum* dicta est, omnes ferme confugerent: quapropter *Pagorum Atticae Patres*, ne in vacua regnarent, cum maxime *Athenis* locum dignitatis haberent; *Genus, Imperia, Sacerdotia*; et ipsos cum suis gentibus in *Atheniensem civitatem* convenisse: et ita *Atheniensis li-*

*bertas aequo cum plebe nexus jure, sive aequo jure privato, tamen salvo patribus jure publico, nempe connubiis, magistratibus, sacerdotiis, sub Thesei caractere ab Athenarum Heroibus fundata est, qualis trecentos post annos Romana civitas lege XII Tabb. tandem est constituta. Firmant hanc historiam res in Atheniensi republica in tempore Historico consecutae: nam Patres sensim jus nexi resumpsere alieni aeris obtentu, quo plebem onerabant: et quia saeviter nexos in nervo et privato carcere habebant, caedem Athenis numero, quae postea ob easdem causas Romae turbae et seditiones factae: et ita *Jus nexi*, quod primum *culturae* fuerat sub Clientelis; deinde in Optimatum republica mera fuit *dominii bonitarii*, sive *tributi*; tandem, republica liberâ constitutâ, fuit *ob aes alienum*: qui ordo rerum idem numero in Romana republica legenti Romanam Historiam apud Livium innotescet.*

Ordo rerum in
Romana idem, ac
Atheniensi republica

CAP. XXIX.

Quinta et postrema Temporis Obscuri Epochâ, qua, bellis introductis, omnis humana auctoritas ad Deum redit ().*

Natura ipsa, seu rectius *Divina Providentia, rebus ipsis dictantibus*, gentes ut pacis, quas vidimus, ita et belli artes edocuit: quae duxit primos hominum *fontium* studio in *montes rupesque*, unde *primi Pagi* naturae situ muniti ex-
titere; quae proinde *oppida* dicta: *oppidum* enim priscis *validum*, ex quo fuit *oppido* antiquum, pro *valde, valide*.
Inde adversus violentos extruxere *aras*; qualis *modicus agger*, quo *Romulum* munisse *urbem Romam* tradit *Historia*; unde *pugnare pro aris focusque*, pugnare *pro patria* dictum mansit. Postea in primis cum plebe turbis naturâ extitit *Ordo militaris*, qui plurimum valet ad vim, speciem et terrorem: et semper *ordines in comitiis* habebantur, in quibus solis proinde dicebantur *Quirites*; quia hastati in concionibus aderant: hinc populi Optimatum in bellis postea ferme erant invicti: contra Asiani, quia sub Regnis meris non conveniebant armati in comitiis, quae sub Monarchis nulla habentur; disjecti pugnabant et facile vince-

Ut natura gentes
docuit belli artes?

Oppidum unde?

(*) Vide Lib. prioris Cap. C, CXXIV, CXXV, CXXXV, CLVI et passim, ac praesertim prope ad finem.

bentur. Tum ex natura reipublicae Optimatum Patribus cavendum a multitudine fuit; et ita in ipsis oppidis *arces* fundatae; et *arma* ad *subitos plebeium tumultus* in *promptu*. Demum legibus poenalibus in rebuspublicis Optimatum severissimis latis et severissime exercitis, *terror Imperii* natus, qui est omnis *militaris disciplinae praecipuum fundamentum*.

Atque hae verae sunt causae historicae ejus, quod ab
 Ut primae civitates
 ad bellum fundatae? *Eruditis* est observatum quidem, primas civitates ad belli

artes bellicamque virtutem in primis esse fundatas; sed
 tanquam id esset condentium urbes consilium, quod re
 ipsa primos homines natura rerum edocuit: quod nam sane
 satis perversum est, ut urbium conditores ad bella ante om-
 nem bellorum metum cogitarent.

Ut natura gentes
 docuit belli jura? Jura autem bellorum et ipsa natura per haec, quae di-

cemus, explicavit. Nam publicis Imperiis constitutis, privata
 bella domi cessere; et mox publica foris orta, quae etiam
duella dicta, ut saepius memoravimus: et ex eadem, qua

Quid bellum? primum ea vox nata est, ratione didicere gentes *bella esse*
juris controversias inter duas summas Potestates, quas, quia
 inter duas summas, *tertius* dirimere non posset: et sic di-
 cecerunt, quod *par in parem imperium non habeat*; et sic di-

Cur jus belli?

Cui jus belli?

Cur jus Romanum
 inter barbaros con-
 sepultum? Romana ubique consepulta jacerent, et merito jacerent
 (an barbarae ferocesque et natura et victoriis nationes Eu-
 ropam inundantes, jura discere a victis vellent, quos ex
 iis legibus, et non ex contemptu legum victos putabant?),
duellu per omnia Europae regna a Germanis cum antiquis-
 simo suo vocabulo nativo diffusa sunt.

Dum prima bella publica *duella* dicta; uti diu etiam post
 Plautus Romanos, *duellatores optimos* appellavit; externi
 amici *hostes*, sive *aequales* vocati sunt: deinde *bella* dixe-
 re; et belligerantes vocarunt *hostes*: quod vocabulum id

Justitia interna
 bellorum?

Hostimentum, hos-
titire.

Duellio,

Perduellio.

Servus poenae.

Rebellio.

Cur inter priscae
 gentes aeterna hosti-
 litas?

Namque ut *gentes minores* conditae sunt, aliae aliis per

injurias innotuere; itaque cum omnes sibi ab aliis metuerent, *hostilitas* inter eos *aeterna* erat: quare licebat perpetuo ab hostibus rapere: unde fluxit in XII Tab. caput illud: *Adversum hostem aeterna auctoritas esset*. Igitur antequam jure minorum gentium bellis solennitas indictionis introduceretur, bella fuere *tumultus*, qui proprie est *timor multus* ad repentinos et indictos hostium insultus; in cuius vocis definitione stat M. Antonii causa apud Ciceronem in una *Philippicarum*: qui mos hodie *Afris* interni maris accolis permanet, quam orbis plagam fortasse ob hunc ipsum barbarum morem, *Barbariam* vulgo dicunt; quod sine causa, sine indictione *perpetuam piraticam* contra Europaeos Christianos exercent; et praedas refert Grotius belli jure aestimatas. Quare *foedera amicitiae* causâ inter gentes sero constituta dicendum est, quae *hospitia* prisci appellarunt.

Bellorum indictio.
Prima bella tumultus.

Cur Africae ora
dicta *Barbaria*.

Foedera amicitiae.

Solemnitatum autem, quae bellis inductae sunt, alia est, ut *Legati sancti* haberentur; quam ipsam a jure majorum gentium divisim didicere *legationibus*, quas *ad plebes*, quae secessionem fecissent, miserant: unde *id Fas gentium* agnoverunt; et *Foeciales* constituti, qui bella indicerent; quorum Princeps *Pater patratus*, quasi, ut diximus alibi, *Pater consecratus* dictus est.

Legatorum sanctitas.

Pater patratus
unde dictus?

Et ita si summae Potestates bella gerant, et antequam gerant, indicant, *occupatio bellica* certus esset modus acquirendi domini; quam *mancipatio* privatim gentes edocuit, ut virtute parta fortium dominio cederent: et *ex captivitate servitus* introducta; principio, ne ex bellis bella perpetuo sererentur, in hac *externa justitia* conquiescere Imperia voluerunt; et *interna justitia Potestatum civilium pudori relicta est*: deinde ne bella in exitium humani generis desaevirent internecina, *servitutis commoda* victoribus proposuere; quibus illecti a caedibus temperarent: quod Caesar bello civili, quo capti, servi non fiunt, quod bellorum genus ob id solet esse crudelissimum, illo edicto imperare militi victor debuit, *parce ferro*: et duo vocabula captis indita, alterum a jure minorum gentium, nempe *servus*, quod victores admonet humanitatis, ut quos possunt occidere, servare malint; alterum a jure gentium majorum, nempe *mancipium*, quod victores admonet utilitatis, qui captos inter res *mancipi* habeant, hoc est *jure optimo, jure fortissimo, jure victoriae* quaesitos. Quod et ipsum *jure patriae potestatis* privatim quoque didicerant; quo majores gentes *jus vitae et necis* habebant in filios; quos cum reens natos occidere possent, putabant, agnitos ac servatos

Mancipatio occupationis bellicae rudimentum.

Servitutis in genus humanum utilitates.

Servus et Mancipium cujus quodque juris vocabulum.

Filiifamilias rudimenta servorum.

Cur in filiofamilias, quam servos jus datus?

pro eo beneficio, loco rerum sibi esse oportere, et quicquid acquirerent, sibi acquiri: cum eo quoque *inter utroque severitatis discrimine*, quod *filiofamilias trina venditione* liberarentur patria potestate; quia duplex a patribus beneficium acceperant, alterum quo nati, alterum quo servi. *servi* autem una *manumissione* liberi fierent; quia a victoribus servantur tantum: cetera erant in omnibus et per omnia in acquisitionibus exaequati.

Clientelae manumissionis et patronatus rudimenta.

Clientelae autem gentes quoque divisas ad futuras *manumissiones*, quae hoc jure introductae sunt, erudierant, ut eas communiter justas adgnoscerent; quae *jura patronatus* manumissoribus pararent, cum duabus patronatus partibus, *praestatione* nimirum *obsequii*, et *operarum*, et *assignatione*: quare ab Ulpiano liberti clientibus comparati.

Arae postliminii jura erudiere.

Et antiquissimae majorum gentium *Arae* futura *postliminii* jura inchoarunt, ut supra diximus: unde *Romani* postea de *postliminio receptis* mansit ipsa quoque locutio.

Hostium sepultura,

docuit, *ne inviderent hostibus sepulturam*.

Externa justitia bellorum,

Sed ut captivitates ac servitutes certae essent bellorum poenae, quanquam ad pejorem causam belli fortuna inclinasset; id jus ab primis usque Theocratibus gentes

Auspiciis et *Duellis* agnita.

auspiciis privatim didicerant, ut cui aves agrum addicerent, ager jure illius optimo esset; ut *in capiendo agro Romano*

Sacra *Addictionis* origo.

Remus cessit: unde in *jure augurio* illa, *omina addicere*, et *addictivae aves*; a quibus postea in privata

Usucapiones ex jure gentium natae.

judicia derivatum tertium Praetoris verbum *Addico*: praeterea hoc belli jus didicere *duellis*, quorum fortunam in statu

Ut gentes agnovere pacis jura.

exlegi controversias dirimebant; nec si pars jure superior victa esset, ex duellis duella serebant alia. Et ita Summum

Pax juris publici venia.

Numen providit, ne in exitium generis humani Regna et

Jus praedarum.

Imperia semper sint in incerto: quapropter *usucapiones* ad asserendam regnorum justitiam, et ipsae a majorum

gentium moribus provenire: cumque in judiciis privatis actiones injuriarum pactis extinguantur: et *pax*, uti supra

diximus, prius de privatis judiciis, quam de bellis dicta sit: quare supra definitum pactum *venia privati juris*; unde

Latinis *orare pacem, orare veniam*; per haec doctae sunt gentes bella *pace* componere, quae nihil aliud est, nisi *juris publici venia*.

Postremo secedentium plebium redactiones privatim factae docuere gentes *redactiones provinciarum*, sive *praedo-*

(1) L. Si vero, § 1, D. de iis qui dejec. vel effud.

rum jura. Nam qui *Clientes* erant quisque *Vas*, quantum ex prima lege *Agraria* nexus erat Inclyto praestare obsequium et operas; et culturae nexus docuit justam servitutem, ut bello servati colerent dominis agros, non sibi: iidem *Clientes*, postquam turbis et secessionibus factis in plebes coaluere, oblata ipsis per Patres lege *Agraria secunda*, quisque eorum factus *nexus domini bonitarii*, dictus est *Praes*, quantum nexus erat solvere Patri decimam agri, cujus *Pater* habebat auctoritatem, sive *jus optimum*: a qua voce *Praes* est *praestare*, verbum *sponsorum* proprium; ut docent vulgares juris locutiones, *praestare culpam, casum, periculum, bonam fidem, custodiam, diligentiam*: et idem *Praes* erat *manceps*, quantum agrum haberet sub jure optimo Patris: eoque pacto, seu *Praedes* seu *Plebes* fuere porro cuique genti rudimenta *Provinciarum*; et *Praedes domi* docuere *jus praedarum foris* tum victores tum victos, ut infirmi ultro dediti cum aliquo commodo, si non liceret civilis, saltem naturalis libertatis in fortiorum potestatem redigerentur. Atque has primas praedas bellicas conjicio fuisse, quae postea *Provinciae* dictae sunt: quod quae *praeda* Latinis dicitur, Varroni corpora rerum captarum definita; Graecis *ὀφέλεια* appellatur, quibus serpens, *ὄφις*; et nos supra satis multis docuimus, *Serpentem* fuisse Poëtis terrarum characterem. Neque enim *Provincia* inde, quod *procul victa*, sed quod *prorsus victa*, significatione qua *prorsus* significat *AVANTI*, ut *rursus, DIETRO*, tanquam *provincia* esset *ulterior plebs redacta*. Nam inter Imperii Romani initia, *Satricum* atque *Corniculum*, proxima urbi oppida, ut cum Floro dicam, *Provinciae fuerunt*: quod ipsa locutio in provinciam redigere satis docet, quod sit inde prolata, quod principio fuerat, *redigere plebem*. Haec omnia evincunt primum vox ipsa *Praes*, infantis linguae monosyllabum: deinde quod *Publicani* quantum pro solvendis aerario vectigalibus spondent, *Praedes*; quantum vectigalia habent redempta, *Mancipes* dicti: ut *praeda* sit res manu capta, pro qua victori victus pendit *vectigal*, aut *stipendium*, aut *tributum*: unde illa diversa per Provincias *vectigalia, tributaria, stipendiaria praedia*. Itaque ex jure majorum gentium est vox *praedium* a *praes*, unde et particula *prae* Italici, *INNANZI, IN FACCIA*; et *praedio* adversum *solum*; ut *solum* substantia terrae sit; *praedia* sint *res soli*, quae veniunt sub aspectu sive soli rustici, *fundus*, sive urbani, *aedes*: unde *res soli Italici, res soli Provincialis* dictae Romanis mansere: *affectiones* autem rerum soli jura

Vas et *Praes* quid differant.

Quid *Praes* et *Manceps*?

Praestare, sponsorum proprium.

Praedes rudimenta provinciarum.

Primae foris praedae, provinciae.

Provincia unde dicta?

In provinciam redigere, unde?

Praeda quid proprie?

Praedium et *Solum* quid?

Praediorum genera *Fundus, Aedes*.

Unde *Jura praediorum Servitutes?* *praediorum* dicta sunt ex jure majorum gentium, ut *praedium juris optimi*, quod manebat apud Patres; *praedium juris nexi* datum plebi: nam ex jure minorum gentium, sive bellorum translata illa, ut praedia alia dicantur libera, alia *serva*; et jura praediorum, *servitutes*. Itaque *primi in terris victi* fuere *plebes redactae*, significatione propria, qua dicunt Latini aliquem *vinci precibus, donis*, pro *flecti*; et *Verbum vincere quando natum?* *animo victo*, pro infirmo. Quare *primae victoriae, humanitate et legibus*, non crudelitate et injuriis relatae sunt; unde Romani in Regni artibus dicere *Parcere subjectis*.

A Praes primum praemium, primum praecium. Et ita a *praes, primum praemium* dictum; et *praecium* idem ac *praemium (a)*; quod vulgo mansit Latinorum: et id *praecium primum victoriarum praemium* fuit, *plebis victae tributum*. Ut autem pro *duabus Agrariis legibus* agnita gentibus modo aequiora, modo duriora *Provinciarum jura*, super quibus duabus legibus Imperium Romanum per terrarum Orbem victoriis prolatum esse, diximus Libro priori (1), et gravius paullo inferius dicemus.

Divinus juris circulus a Deo ad Deum Hisque rationibus *Providentia Divina, rebus ipsis dictantibus*, hoc est rerum humanarum divino ordine semper suspiciendo comparavit, ut minores gentes a jure majorum gentium, et jure civili communi divisim edoctae agnoscerent *bellorum et pacis jura* sibi hostibusque communia, tanquam ab uno Legislatore dictata; quae proinde *jura a Diis orta* dixere: et agnorunt ex omnibus regnis, imperiis, et ex liberis civitatibus populisque qua longe lateque terrarum Orbis patet, *unam magnam civitatem* constitutam; cujus *municipes solae Potestates civiles* sunt (bella enim, paces, foedera tractare, legationes mittere inferioribus vetitum): atque huic magnae civitati, quam vix tandem sub-

(1) Cap. CCXVII.

Primi de fundis contractus, Precaria et Census. (a) Quo argumento conjiciebamus, *precium* a monosyllabo *praes* deductum, quanquam primae syllabae quantitate mutata, ut quam plurimis vocibus derivatis evenit. Sed postea comperi a monosyllabo *prex* provenire, unde *precor* et *precarius*, ex quo est *precaria possessio*; quod *prima precia* fuerint *clientum preces*, quibus referebant ab Inclytis praedia colenda: uti barbarie recurrente, *precariae* inter primos contractuum fuere: quod et de *censibus* quoque hoc Libro observavimus: ita ut statuendum sit, principio Patres agros, quos ipsi sibi jure optimo, hoc est omni jure immunes habebant, quae forsitan *prima immunitas* fuit, dedisse plebis sub privato cujusque patris censu; quo tempore primo, et proprie *census pro patrimonio* dictus est; deinde, quos agros Patres jure optimo habebant sibi, Servium Tullium censui publico subjecisse.

tilibus rationibus ex communione rationis et veri *Stoici* intellexerunt, *unum Deum praeesse*, a quo *bellorum et pacis* Sub Dei Imperio. *jura* orta agnovere: quem in *bellorum indictionibus* *Judicem* summum appellabant illo carmine, *Audi Jupiter*; et in pangendis foederibus, *fractorum foederum Vindicem* imprecabantur, ut Libro priori (1) diximus: et majorum gentium *implorationibus*, *obtestationibus* in *clarigationes*, et *consecrationibus* in *imprecationes contra foedifragos* productis, sic inter homines summos aequales statu exlegi recurrente, quia nulla humana societas stare potest sine regimine, ut diximus Libro priori (2), Theocratia inter gentes rediit: quae Principes summos doceret jura naturae, quibus solis tenentur; ad quae servanda, quando domi cogi possunt a nemine, foris ad ea agnoscenda belli vi cogerentur.

Cumque ex Theocratiis patriae potestates, e patriis potestatibus clientelae, e clientelis Optimatum respublicae, e rebuspublicis Optimatum regna mera et respublicae liberae provenissent; rursum regna mera et respublicae liberae ad respublicas Optimatum, quae tutelâ constant, ut non cupiditate, sed tutelâ Imperiorum justa bella gererent; respublicae Optimatum ad clientelas, quatenus in bellis arma praesidio, non exitio generis humani tractarent; clientelae ad patrias potestates, ut Potestates civiles tanquam summi rerumpublicarum Patres aequo violentiae jure inter se agerent; patriae potestates ad Theocratias rediere, ut ceu Patres exleges sub imperio unius summi Numinis regerentur; et victoriis tanquam summi Numinis auctoritatibus acquiescerent.

Sic Deus Opt. Max. aeternâ justitiâ, qua cuncta regit, regna auspiorum religione, connubiorum castitate, fortitudine in laboribus et periculis, severitate imperiorum in liberos, et miseros ad aras confugos conservando, et plebibus parendi mercedes *Agrariis legibus* exsolvendo parta et constituta; ex contrariis caussis, nempe religionum contemptu, flagitiis principum, luxuriâ, inertia, et per malas artes ditandorum filiorum cupiditate, et oppressionibus populorum, et summa multitudinis egestate adimit, atque dat melioribus, *ex lege potentiae recurrente a natura meliori dictatae*, in qua utrumque jus et majorum et minorum gentium continetur.

Eoque pacto per jus majorum gentium et jus civile commune minorum, quasi per rerum humanarum tentamina,

Rerumpublicarum recursus, sane admirandus.

Rerumpublicarum occasus.

Lex Potentiae fons omnis majorum minorumque gentium juris.

Jura naturalia gentium rudimenta Juris naturalis Philosophorum.

(1) Cap. CLVI. (2) Cap. XLIX et seq.

gentes fas naturae agnoscerent, et rationis aeternae necessitatem. Quare eleganter dicere possis, jus majorum gentium fuisse rudimentum juris cujusque civilis; et tum jus majorum gentium, tum jus civile minorum commune fuisse *juris bellorum pacisque Magistros*; et leges justae violentiae edocuisse naturalia jura pudoris: uti porro pro hoc ipso ordine jura gentium naturalia in Romana republica recepta, in jura pudoris, seu in jura naturalia Philosophorum, atque haec ipsa tandem in juris civilis Romani necessitatem abiere, de qua re late Libro super. (1) disse-ruimus; quibus haec nunc in praesentia addimus.

Priscis gentibus omnia bella religione summe perfusa erant; et ideo religione, quia justitiâ perfusa erant; et de justitia Deos ipsos judices appellabant. Quare cum bella indicebant, *ab injuriis civitatibus evocabant Deos*; rati, ubi regnarent injuriae, ibi Deos agere indignum esse: et ita *bella gerebant pia*; quia injuriis lacerati gerebant, tanquam pro jure, ac pro *Diis* belligerare idem esset: hinc gerebant quoque *pura*, uti sacra casti tractabant; nam uti sacrificaturi lavabant prius, ita bellaturi omnia experiebantur prius quam ad vim et arma venirent; eadem significatione, qua *hasta pura ipsis dicebatur, quae ferro armata non esset*. Ob quae omnia tantum *priscis* erat *pium purumque bellum*, quantum bellum quod ob injuriam acceptam infertur, et post solennem indictionem administratur.

Quem morem constantissime obtinere antiquae Optimatum respúblicae, quae nunquam bella nisi injuriis adactae sumpserunt. Hinc Romani inter innumeras respúblicas Latii primum, deinde Italiae crevere; quia nullam laeserant ultro: et difficile tamen quingentum annorum spacio crevere; quia Optimatum respúblicae ut innocentissimae ab aliis agebant, ita fortissimae suam tuebantur libertatem. Hinc in Hispania duae solae civitates caussis, locis, temporibusque divisae, tantas Hannibali aerumnas vel obsessa Saguntum obtulit; tantum Romanis vel obsessa Numantia terrorem intulit: nec omnes conjunctae terrarum Orbis imperium sibi armis fundarunt; unde de fortissimis populis et bellicosissimis civitatibus illud apud Florum dictum, *Hispaniani ingentes suas vires victam sensisse*. Hinc postremo unus Arminius Cattorum Princeps tot clades Romanis dedit, nec unquam Germania cogitavit, foederata Romanum Imperium excindere: quae omnia dant conjicere, *Graecae*

Pia et pura bella
quid.

Hasta pura quid?

Justitiae Romanae
causae.

Respublicae Opti-
matum fortes, quia
justae.

Graecae gentis
matura humanitas.

gentis praecox ingenium, et proinde praematuram humanitatem futuram; quae foedera bellorum ab Trojano usque bello intellexit.

Idque omne *Divinâ Providentiâ moderante*, ut quaeque bella cum finitimis gererentur, et in proximum semper procederent; ut ex inorum communione gentes facilius *fas bellorum* agnoscerent. Et ita naturâ ipsâ illa regni ars nata est, perpetuo armorum progressu Imperia in finitimos, non in dissitos et longinquos proferre; ut commode cum Imperiis gentes in morum et linguarum societatem coaluissent.

Hinc antiquissimae gentes seorsim jure civili communi edoctae sunt stipulationibus pacta firmare; et *fas*, seu certam gentium linguam *stipulationibus contineri*; unde foedera et deditiones per eam formulam stipulatione conceptae, qua Rex interrogabat: *Estisne vos legati, oratoresque missi a populo Collatino, ut vos populum Collatinum dederitis?* — *Sumus.* — *Estne populus Collatinus sua potestate?* — *Est.* — *Deditisne vos, populum Collatinum, urbem, agros, aquam* (suppleo) *ignem, terminos, delubra, utensilia, divina humanaque omnia in meam populique Romani dittonem?* — *Dedimus.* — *At ego recipio.*

Hinc pro rudi primarum gentium captu ad generis humani salutem verba foederum, non minus ac votorum, juramentorum, ac ceterarum religionum, ut supra diximus (*), sanctissime custodienda esse putabant: et ea ex verborum apicibus recte praestari communiter sentiebant: quod Poëta antiquitatis scientissimus in *Didone* notavit; quae in Africam devecta ab indigenis *tantum soli stipulata, quantum taurino corio posset circumdare*: corium in tenuissima lora prosecuit, locumque satis amplum complexa est, ubi urbem, sive, ut alii volunt, arcem condidit, quam proinde *Byrsam*, sive alii legunt, *Buthsram* vocavit: et inter Christianos, ingeniorum ruditate cum barbaris moribus recurrente, foedera ex summo verborum jure servata in eorum temporum Historia passim legimus; quorum illud insigne, quo *Otho* Germaniae Imperator, cum e victa urbe solas mulieres cum tanto quanque onere, quantum humeris efferrent, salvas exire foedere pepegisset; matres, filiae, uxores piae filios, parentes, viros humeris extulere. Ex qua ultima usque antiquitate est, utilem esse stipulationem, si alter aliâ linguâ stipuletur, aliâ alter respondeat: neque opus esse eadem linguâ utrumque uti, et suf-

Divinae Providentiae admiranda consilia.

Foedera stipulationibus praeis concepta.

Verborum Religio apud rudia ingenia valet.

Ut Fas gentium inter nationes linguis diversas agnatum:

(*) Pag. 285.

ficere, si promissor congruenter ad stipulatoris interrogat respondeat (1).

Ita *fas* per bella et foedera a gentibus agnitus, quod principio erat certa lingua juris divisim agentibus, abiit in *fas commune* pluribus civitatibus, quae intra unum terrarum Orbem ex iisdem linguarum originibus suae quaeque seorsim condidere; ut Libro super. (2) Latinam linguam Latio communiter natam in exemplum attulimus; unde postea *gentes* linguarum communione aestimatae, ut gens *Latina*, gens *Graeca*; deinde in alios terrarum Orbes bellis prolatis, jura rebus ipsis uniformia diversis linguarum originibus inter gentes linguis diversas nata, *stipulationibus in fas seu linguam certam abire*.

Quid in Grotio
desideretur.

Hanc originem, hunc progressum, quo *fas* priscarum gentium natum et prolatum est, esse oportebat primum principium tractationis incomparabilis, quam Hugo Grotius *de jure belli et pacis* adornavit; ut innumera loca, quibus eos libros ex *Historicis*, *Oratoribus*, *Philosophis*, *Poëtis* cumulat, non in eruditionem tantum, sed et in scientiam dicerentur.

Cuius victis populi
jus optimum ademptum;

Indidem quia sacra adimebantur victis, ademptum quoque iis victoriâ erat *jus optimum* agrorum, quod ex auspiciis provenerat. Cum enim non haberent Deos, non amplius habebant auspicia, non habebant amplius agrum, non connubia, non magistratus, non sacerdotia (unde Cimbris foeminis sibi nihil praeter vitas et sacerdotia exipientibus Marius victor *nefas* esse respondit (3); non habebant gentem, non ordinem in quem *hastati conveniret*, quia iis arma erant adempta; non postremo habebant *fas* ipsum. Quare victi dediti, et in provinciam redacti, omnia ex jure naturali, quod ipsis ratio jam magis explicata dictaret, ut *primae civitatum plebes* inter se transigebant; et omnia privata in dominium, publica in imperium, *gentes victae* in nomen populi victoris abibant.

Et jus naturale
relictum.

Graeca sapientia
sub Romana potentia
Orbem excoluit in
Christianae Religio-
nis usus.

Hinc Praetores in Provincias mittebantur, qui ex aequitate naturali, quae civilis vitae cultu magis magisque explicatur, jus inter eos dicerent: et interea, Graeca humanitate per Orbem terrarum invalescente, sub auctoritate Romani Imperii vigere coepit jus naturale Philosophorum; ita sua aeterna consilia ad Orbis reparationem *Divino Numine moderante*, ut Romani Orbem terrarum vicisse vi-

(1) § 1. Inst. de verb. oblig. (2) Cap. CLXIX. (3) Flor. lib. III, cap. III.

deantur, quo barbaras ferasque gentes victas aeternae justitiae cultum edocerent; et tandem jus naturale e Provinciis in jus civile Romanorum assurgeret; ut cum Romana potentia Christianam religionem amplecteretur, a Graeca sapientia humanissima jura jam erudita ultro imperaret, ut legibus morum Christianis leges gentium commodissime cederent, ut late Libro super. (1) disseruimus (a).

Iccirco hodie cum *bella* gerantur, aut inter *Christianos*, aut cum *Turcis*, qui sub *Regno Monarchico* agunt, ubi ordo naturalis dominatur; *ius naturale Philosophorum* in *bellis plurimum regnat*: ex eo foedera interpretantur; modi acquirendi domini, obligationis censentur; successionum jura aestimantur.

Cur hodie in bellis regnat jus naturale Philosophorum?

Quam juris naturalis gentium, et Philosophorum diversitatem? (*) de qua nos Libro priori (2) satis multa diximus, si praestantissimus Hugo Grotius advertisset, neque in eorum rerum doctrina Romanos Jurisconsultos tam crebro notasset; ipse autem ex veris ejus argumenti principiis processisset.

Jurisprudentia Romana adversus Grotium adserta.

C A P. XXX.

Hujus Historiae complexio.

Universi Temporis Obscuri, seu Fabulosi, quod nos *quinque* divisimus *Epochis*, fecere *Poëtae Heroës* partes omnino duas, *Seculum aureum*, et *Seculum ferreum*: et *aureo seculo* floruisse *Heroas* Agricolas: nec *aurum* primis gentibus aliud, quam *messes* fuere; ut *aureo Sibyllae ramo*, *aureo capillo Medusae*, *aureo imbre Danaës*, *aureis catenulis Herculis Gallici*, *auro ipsius Ditis* jam supra demonstravimus; atque adeo *aetas aurea* a *satis aetas Saturni* dicta (b): *ferreo* autem *seculo* floruisse *Heroës bellorum*: quorum utrorumque expressissimus character est *Cadmus*, a

Quae Mundi aetates. Aurea:

Aurum priscis messes fuere.

Ferreus.

Cadmi mythologia.

(1) Cap. CCXXVIII.

(2) Cap. CXXXVI.

(a) Quae addo pulcherrimum Taciti locum in *Vita Agricolae*, qui ut ciceraret Britannos ingeniis ferocissimos, curavit, Principum filios liberalibus artibus erudiri: quae apud imperitos humanitas vocabatur, cum pars servitutis esset: quod *Divina Providentia* sic convertibat; ut per eas servitutis artes humanitas in efferas gentes proferretur.

Divinae Providentiae argumentum.

(b) De Aurea aetate vide plura supra in Notis, pag. 314.

(*) Diversitatem deest in textu; sed sic videtur supplendum.

quo *serpentis dentes* per sulcos sati, nempe *Heroës agricolae, messorum frugum*, qui primi *urbes* ab aratorum *urbis* dictas fundarunt; quorum character est *Aeneas Virgilianus* VI prior. libris; in *armatorum cohortes e terra emersi sunt*, qui *mutuis ictibus* confodiuntur; nempe *Heroës bellorum*: quorum character est *Aeneas Virgilianus*, VI libris poster.

Quatuor Mundi
aetates, falsa divisio:
Aurea,
Argentea,
Ænea,
Ferreæ.

Sed recentiores Poëtæ Mundi *aetates* fecere *quatuor*, ignari rerum omnium, quas diximus, ut hanc rem quoque in *Poëmatum voluptatem* concinnarent: non aliter ac *Physici* tribus *elementis* addidere *quartum*, et *supra aërem* collocarunt *ignem*, ut pro *levitatis gravitatisque ingenio*, *elementorum* fingerent *elegantiorē naturam*.

Quatuor aetates:
Pastores,
Aratores,
Venatores,
Bellantes; quo discrimine vera?

Neque minus partim falsa, partim vera illa aetatum divisio, qua prima *Pastorum*, secunda *Aratorum*, tertia *Venatorum*, quarta *Bellantium*. Nam inter vere pios *Pecuariā* quidem *rusticā* prior fuit: sed utrique venatores fuerunt, qui seu greges, seu agros a feris tuerentur; quare eos diximus *secundos* ab *Ada* Integro *Heroës*: inter gentes autem rustica fuit prior *Pecuariā*; et utrique *Hercules*, extinctores ferarum, a quibus prius sata, mox pascua custodirent: itaque eos *tercios* ab *Ada* Integro *Heroës* numeravimus (*).

Tres Mundi aetates, vera Ægyptiorum divisio:
Deorum,
Heroüm,
Hominum.

Tota vera illa Ægyptiorum distributio, a quibus *tres Mundi aetates* factae, *Deorum, Heroüm, Hominum* (a); ut prima aetas *Regna Divina*, secunda *Heroica* sive *Optimatum*, tertia *Humana* nempe *Monarchica*, aut tandem *libera*; in quibus connubia Patrum sunt plebibus *provulgata*; ut in rebus publicis liberis ad honores summos, in *Monarchia* ad fastigia *Monarchis* proxima nullum discrimen faciat genus: et ita *aetate Deorum* sub *Theocratia* omnia seorsim gentes ex *jure divino*; *aetate Heroüm*, et *privatum*, et in bellis, et foederibus ex *jure optimo*; *aetate hominum* et *privatum* et *publice* omnia gentes *jure* ab *humanitate* dictato agitarent (b).

(*) Lib. II, pag. 312.

(a) Et pro triplici hac aetate, quam *Ægyptii* statuerant, *Deorum, Heroüm, Hominum*, triplicem quoque linguam *Divinam, Heroicam, Vulgarem* in terris fuisse tradidere, ut sup. in *Notia de Lingua divina*, pag. 332.

Sceptri Agamemnonis mythologia.

(b) Sed *Temporis Obscuri Universi* veluti *Breviaria*, unum *Latini* felicissime conservavit ipsa vox *Paterfamilias*, qua continentur *Patria Potestas* et *Clientelae*: quae plurativo numero *Patres*, cui ex adverso respondet *plebs*, quum significat *Respublicas* fuisse *Optimae*

tium: alia extant apud Homerum duo: alterum elegantissimum, *Agamemnonis sceptrum*; id fabricarat *Vulcanus*, plebeiorum character; quia plebei regna crearunt heroibas: *Vulcanus dederat Jovi*, qui est Regum character; quia prima gentium regna fuere divina: *Jupiter Mercurio tradiderat*, qui Legatorum, sive Legislatorum character est; nam prima lege agraria clientelae ortae, quibus prima merx operis in terris statuta, *victus diurnus*, a qua merce, ut alibi, *Mercurius appellatus: Mercurius porro Pelopi restituit*; quia lege agraria secunda Regna Optimatum, sive humana fundata sunt: iude perpetua Regum successione, *Pelopes Thyesti, Thyestes Atreo, Atreus Agamemnoni tradidere*. Alterum exactissimum est, *Achillis Clypeus*, in quo descripta, principio *Caelum, Mare, Sol, Luna, Sydera*; nempe Mundi creatio: deinde *duae Urbes*, in quarum priorē sunt primum *choreae, cantus, hymenaei, nuptiae*, epocha oeconomicae Potestatis: deinde *concio, leges, judicia, mulctae*, epocha Potestatis civilis. *Posterior Urbs armis obsessa, et utrinque abactae praedae oves, bovesque*, epocha bellorum. Hinc distinctius civitatum expressae origines; primum *terrae quae arantur, et aratores, messorisque*; prima artium Agricultura: deinde *primi Reges, qui messoribus prandia apponi sceptro jubent*; epocha clientelarum: tum *vineae consitae*; posthaec *armenta, pastores, tuguria*; hactenus vita rustica et pecuaria agriculturâ posterior: demum *choreae*, nempe seculum voluptatis.

*Clypeus Achillis
mythologia.*

AD HISTORIAM TEMPORIS OBSCURI AMPLIFICANDAM

Canones Mythologici.

Ut igitur noster *Jurisconsultus* perficiatur, nempe qui *Jus universum omnium gentium, omniumque aetatum probe noverit, et sic constet scientiâ, quam profitetur*; ex nostra Poëseos relecta origine, et per eam Historiâ Temporis Obscuri descriptâ, hi *Canones Mythologici* perscribi commode possunt; quibus *Jus falso Divinum gentium, et Jus Heroicum* habeat utrumque plane perspectum, unde *Jus Romanum* effluxisse his Libris demonstravimus, ut proinde veras *Juris Romani* origines et causas assecutus esse dicatur.

Regulae Juris gentium interpretandi, seu divini, seu heroici;

I. Quando Poëtae *primi gentium legislatores*, ut in his Libris abunde satis probatum, principio statuendum est, omnes *fabulas duum horum alterum Jus vel Divinum vel Heroicum continere*; et quidem *Divinum*, ut diximus, *Heroico prius*; unde Poëtae *Theologi Heroicis priores fuere*; et pro hoc temporum ordine has duas poeticas floruisse linguas; quod ubique terrarum *lingua gentium, ac lingua legum unum idemque fuit*; ac proinde linguae heroicae natae cessit Divina, quam vobis Orphica, Hesiodusque testantur; ut natae linguae vulgari cessit heroica, quam abunde nobis Homerus tradidit, in quo stetit.

Cujus particula, Jus Romanum.

II. Quando primum *Jus in terris ortum, est Jus Divinum, seu Divinatio, primum omnium videndum est, an fabula aliquid, quod ad Divinationem spectet, contineat. Sic Gigantes fulmine victi, deinde fulmina fabricant Jovi*; auspiciis victi, auspiciis serviunt. Sic *Ganymedes ab Aquila ad Jovem in Caelum raptus, sunt Heroës, qui observatione auspiciorum evehuntur in Caelum ad Jovem: et Ga-*

Cur priores Poëtae Theologi, Heroici posteriores?

Cur in Homero stetit Poësis heroica?

Ganymedis mythologia.

nymedes pulcher, prae turpibus erronibus impiis: et *Jovis ministra factus*, quia qui mentem assequuntur Deorum, eos par est quoque Diis ministrare, seu sacra facere.

III. Quando prima lingua, qua gentes locutae sunt, divina fuit, ut in his Notis dictum, ubi de *Lingua gentium divina*; nata inde, quod primi gentium omnia Deos esse, omnia Deos patrare putant; primo videndum est, an fabulae primam admittant acceptionem de Diis, qui primi primis gentium nati sunt, ut *Jupiter caelum*, *Diana aqua perennis*, *Dis* seu *Pluto inferior terra*, *Neptunus mare*.

IV. Deinde, an eam accipiant, qua res humanae naturales Temporis Obscuri divinis sunt notatae vocabulis, ad haec exempla, *Vulcanus*, *Ceres*, *Saturnus*, pro iis qui invenerunt ignem, frumentum, sata.

V. Tum, an patiantur eam, qua res humanae civiles Temporis Obscuri divinis vocibus sunt conceptae; ut *Jupiter Rex Deorum et hominum*, character Regum heroicorum: *Minerva* character Heroium armatorum in concilio, *Pallas* eorundem in concione, *Bellona* eorundem in bello: *Juno Jugalis*, character foeminarum Heroibus auspicato nubentium: *Mercurius Deorum legatus ad homines*, character Heroium ferentium leges ab Heroibus ad motas plebes: et hac acceptione sumenda bella a Diis orta, leges inventum Deorum, fas Deorum sepultura, Terra Deorum mater: eoque referenda sunt verba, quae *Homerus* narrat, *Deos diversa ab hominibus* protulisse, ut sit *lingua Deorum*, lingua primorum hominum.

VI. Denique, an fabulae eam significationem ferant, qua jam res humanae a divinis dividi ocoeptae sunt, ubi jam Diis cum hominibus versari in terris desierunt, seu quum prima gentium sola religione resoluti homines, ac perspicaciores facti Deos in Caelum evexere: quales sunt Diis *Homerici*. Qua acceptione *Alae*, quae fuerant *stemma* Heroium, quod ipsi haberent *auspicia*; quibus, ut supra diximus, *Dignitas Heroica* continebatur universa, Diis ad evolandum in Caelum, ut *Astraea*, *Saturnus alati*; vel inde etiam ad devolandum in terras appictae sunt, ut *alati Mercurius*, *Amor*; vel ad pervolandum terras, ut *alatus Draco*, Terra ab Heroibus domita, *Pegasus*, *Musae*, *Fama*, *Victoria*: ex qua prima origo citra ullum volandi usum *caduceo* et *Medusae capiti* mansere alae.

VII. Post fabulas falso divinas, fabulae heroicae principio omnes apposite ad dignitatem Heroium in ipsorum Jure Heroico fundatam enarrandam interpretari oportet: ut *Apollo Poëtarum Deus*, cujus inter primas et praecipuas laudes, illam numerat in *Arte* *Horatius*,
Apollinis et Daphnes mythologia.

Concubitu prohibere vago, dare jura maritis;

insequitur *vagam per silvas Daphnem*, hoc est, exagitat incertum erronum concubitus: et *Daphne Deorum munere*, hoc est auspicio; *casta in laurum* convertitur, hoc est terrae, ut planta haeret, nec ultra errat, et certis nuptiis virescit in posteris.

VIII. Quando Jus Heroicum inter alias gentes ex iisdem originibus natum narravimus, in aliis terrarum Orbibus eandem jura heroici historiam aliis quidem fabulis, sed significatione eadem descriptam esse necesse est. Unde quot ferme antiquae nationes, tot *Hercules*; qui certe aliter *Aegyptiis*, aliter *Phoenicibus*, aliter *Sy-*

Cur plures Hercules,

this, aliter Lybibus, aliter Gallis appellabantur; sed eos omnes Graeci ubi norunt, et cum similibus Herculis sui proprietatibus norunt, omnes in *sui Herculis cognomentum* ascrivere: quod esto unum de exemplis *Etymologici universalis*. Atque ad hoc instar sunt *plures Joves, plures Mercurii, plures Orphei*, alique satis multi in fabulis, qui plures una appellatione donati sunt.

IX. Quando linguam poëticam, uti postea vulgaris, principio inopem fuisse necesse est, ob hanc inopiam eadem characteri poëtico plura consequentia attributa: ut *Lyra*, quae principio *imperium publicum* significavit, ut late in his Libris et Notis probavimus; quia publico imperio dictantur leges, quae *νομὸς* Graecis, *cantus* Latinis, *carmina* dictae sunt; hinc *Lex Lyra Regnorum* mansit Poëtis dicta: qua *lyra Apollo* canit carmina legislator; et *Orpheus* seras cicurat; *Amphion* saxa ducit: et quia leges erant exempla, ut id quoque probavimus, hac ipsa *lyra Agamemnonis Poëta* continet in pudicae uxoris officio *Clytemnestram*: et quia exempla sunt facta fortia Heroûm domi, hac eadem *lyra Achilles* canit Heroûm fortia facta belli: posthac luxur aetate adulta, eo instrumento musico invento, *Paris lyra* canit amores, et ad lyram choreae ductae. Postremo, ludis in Deorum honorem institutis, *Chori laudes Deorum* ad lyram concinere. Unde Poësis *Lyrica* canit *Deos, Heroës, virtutes, amores, vina*. Sic jam inde quo Regna omnia divina, prisci *virgas*, ut Justinus tradit lib. XLII, pro *Diis immortalibus* coluere: ex qua ultima antiquitate *vis magica virgae* attributa; qua apud Homerum nedum *Circes* homines in *sues*, sed et ipsa *Minerva Ulysses* in senem convertit: deinde *virga lituus, sceptrum, hasta*, consequentia attributa, *auspicia, regnum, bella* significavit: nam qui Deorum essent filii, haberent auspicia; qui auspicia, regnum; qui regnum, bella administrarent. Atque ex hoc *Canone* est, quod characteres Heroici ut plurimum multos homines, atque adeo multarum aetatum significant, ut *Orpheus* primus humanitatis fundator, et *Hercules* primus terrarum dominor; uterque ad expeditionem usque Ponticam in terris aetate adhuc militari agunt; ex quo genere est *Nestor trium aetatum heros*, quas ego interpretor *Deorum, Heroûm, hominum*; ut qui ab Homero dicitur *diversilinguium hominum* vixisse *vitas*. Qui *Caton* ingenti nobis usui fuit ad Res e Temporis Obscuri tenebris eruendas.

X. Ob hanc ipsam linguae poëticae in ipsius primordiis inopiam, eidem characteri saepe diversa, et quandoque etiam adversa attributa: ut *Vulcanus*, quatenus invenit ignem, est character heroûm; quatenus artes fabriles exercet domi, est character plebeiorum: nam *Minerva* est character artium in bello, quae *aedificat equum dureum* et *naves* apud Homerum; ut apud eundem *Ulysses* in *Calypsûs* Insula navem ipse fabricat sibi. *Venus*, quantum significat vel aquam, utpote in mari nata, est uxor *Vulcani*; characteris Heroûm, quantum significat ignem; unde solennes *nuptiae Aquae et Igni* Heroibus celebratae; at quantum significat cultum heroicum, quo Heroës honesti, seu nobiles pulchri, prae errorum mediterraneorum seditate ex sereno cultu, est *mater Amoris alati, seu pudici*, et character Heroicus; cum *alae* essent Heroûm stemma: quantum significat ultramarinas ex cultioribus gentibus appulas, ac proinde elegantiores, est character plebejarum; et facta

Joves, Mercurii, Orphei?

Lyricae Poëseos historia.

Lyra prima,

Secunda,

Tertia,

Quarta,

Quinta.

Virga Deus.

Unde virgae vis magica?

Litus, sceptrum, hasta.

Heroës multorum hominum et multarum aetatum characteres.

Duplicis Amoris mythologia.

Vulcani uxor, quatenus est fabrorum plebejorum character; et est mater Amoris impudici, ut Romani Patres exprobrabant plebeis, quod agitent connubia more ferarum, ut tradit Livius. Sic Mars quantum terrae domitor, est character heroium; quantum belli furor, est character plebejorum militantium apud suum cuiusque Heroem: unde forsitan Mars Veneris plebejæ concubinus: quod inter plebeios non nuptiæ, sed concubinatus essent.

Causa inobscurationis et depravationis fabularum, eadem. XI. Cum primæ et nativæ poëticorum characterum significationes longissimi temporis traditionibus per rudissimarum tum gentium manus ad Homerum usque, ut supra demonstravimus, foede corruptæ pervenissent, quod vocibus priscis præsentibus significationes gradatim subderentur; hic Canon maximi momenti esse statuendus; quod nativæ eorum characterum significatio sumenda est ab ipsarum humanarum natura, quam in his Libris et Notis metaphysicis rationibus super origine Poëseos et Historia Temporis Obscuri descripsimus; et commode et apte innumeras fabulas exposuimus, ac in primis, utrumque Homeri Poëma universam Temporis Obscuri Historiam continere enarravimus.

Unde minorum gentium religiones magis corruptæ? XII. An ob id ipsum sequentes Poëtæ alias fabulas a primis gentium religionibus prorsus alienas, immo quæ primas omnino corrumperent, commenti sunt: ut quia generationes Heroium ex Jove mente auspiciis significata, unde primi Heroës Jovis se filios appellarunt, Jovis cum Heroidibus admissa adulteria credere; hinc porro Heroium cum Deabus quoque finxere concubitus: quia custodiam connubiorum inter Heroas, putarunt Junonis zelotypiam; hinc probationem Heroicæ originis per ingentes aerumnas et labores Heroium, in infensa Junonis in Herculem odia, tanquam ex Jovis adulterio natum detorsere. Atque indidem ex quadam aptitudine Jovis et Junonis finxere rixas; quibus adjungere, ut poenam de Junone ab Jove sumptam, Junonis in aëre suspendium; quod in his Notis (p. 274) enarravimus esse symbolum nuptiarum. Atque ab his Jovis et Junonæ rixis, quorum ille Rex Deorum, hæc Uearum Regina habebatur, facile confictæ postea aliorum Deorum similitudines, odia, certamina, contentiones, turbæ, pugnaeque; et ab his Jovis adulteriis aliorum Deorum nequitiae: quæ omnes fabulae testantur minorum gentium, ut Homeri ætate, corruptiores fuisse religiones.

Jus seu mores gentium mythologiae regula. XIII. In fabulis enarrandis præcipue spectari oportet mores gentium, prout gradatim ex serino ac foedo errorum victu ad humaniorem vitam per gradus, quos in Historia Temporis Obscuri descripsimus, provenire: ex quo Canone omnia, quæ in utroque Poëmate Homerus narrat, auditorum opinionibus apta, ac proinde unâ operâ et persuadibilia, et decora in his Libris et latius Notis demonstravimus; in quibus illud præcipuum, quod Achilles perpetuo adjuncto inreprehensibilis ab Homero appellatus, jura nobis sibi nata, quæ dicit Horatius, nempe jura humaniorum gentium, quæ ei nondum Homeri ætate explicata erant.

Chronologia fabularum. XIV. Omnes fabularum auctus ex terrore, aut superstitione nati, primis Poëtis, seu gentibus antiquioribus sunt vindicandi; per ea quæ sup. hoc Libro de orig. Poës. de Orci fabulis, quas vulgo dicunt, et nos barbaris Europæ seculis natas esse probavimus, et ea hominum natura, qui rerum sunt imperiti et metu semel percussæ; quam graviter describit in Annal. Tacitus de Romanis ad

Insulas Oceani vi tempestatis disiectis: ut quis, inquit, ex longinquo venerat, miracula narrabant, vim turbinum et inauditas volucres, monstra maris, ambiguas hominum et belluarum formas; visa, sive ex metu credita. Quare omnes ferme metamorphoses et poetica monstra, ut Chimera, Centauri, Harpyiae, Sirenes antiquissimae fabulae sunt aestimandae, ut Polyphemi certe a nobis antiquissima est demonstrata.

XV. Omnia fabularum ornamenta, seu magnifica, seu delicata, omnesque nequitiae Poëtarum novitatis sunt argumenta, quum Graeci in magnificentiam, luxus et nequitias effundi coepere: quare novissimae fabularum apud Homerum censendae Alcinoi Regiae aedes hortique, et Judicium Paridis, quod in Homero Plutarchus expungit; et ad hoc instar aliae aliorum Poëtarum post Homerum innumerae.

XVI. Quando omnes ferme characteres poetici ex metaphora orti sunt, et metaphora vi similitudinis transfert imagines; sedulo serioque pro nostris Principiis meditandum in similitudines, quibus priorae fabulae ad posteriores prolatae sunt; ut ex. gr. a vi quam Dii habere in terris prius putati sunt, ad vim postea eorundem in Caelo. Sic Apollo, qui primum sagittis Pythonem occiderat; deinde quum legibus severissimis plexit fontes, ut a Plauto, dictus, fures thesaurarios sagittis, confodere; tandem apud Homerum de Caelo sagittis, seu subita morte adimit vitam hominibus: et Diana venatrix in terris, quae sagittis feras extinguit, de Caelo sagittis, seu celeri morte adimit vitam foeminis.

Apollinis et Dianae mythologia.

Ex hoc fonte, qui Apollo legibus connubialibus illustrat nomina, unde passim apud Homerum illustres Heroës et illustrissimi Reges; in caelum elatus affictus planetae, qui interdiu terras illustrat: et Diana, quae fons in lucis lucet, unde translatum mansit Poëtis Lucus et Ara Dianae; appicta syderi, quae lucet per noctis tenebras. Venus ob pulchritudinem, quam in terris significabat prius Heroidum; deinde transmarinarum mulierum, astro item erroni addicta omnium maxime ridenti ac nitido. Mercurius Apollini, seu Soli proximus, qui ferebat in terris Apollinis conceptas leges ad clientes prius, deinde ad plebes: Jupiter inter hinc Mercurium et Venerem, illinc Martem et Saturnum locatus, ut Rex Deorum, tanquam ex alio erronum genere ob insignem, qua conspiciuntur, magnitudinem, Sol, Lunaque essent. Mars ingenti spacio ab Jove remotus, ut in terris ab ordine regnante plebei. Saturnus erronum remotissimus, qui in terris maximus natu Deorum habitus; et Temporis metitor ab iis satis, unde Saturnus dictus; et a quorum messibus primi homines annos metiebantur: unde forsitan Latinis a meto dictum metior, et Romanis metae positae in Circo, qui Anni symbolum erat, ad eandem formam conicam, qua ex messibus extruuntur. Quas omnes fabulas novas esse dicendum est, utpote natas post introductam inter Graecos Astronomiam, et receptos externos Chaldaeorum Deos. Qua aetate Contemplatio Caeli ob auspicia capienda, quam hoc Libro primam Uraniam diximus, facta est Observatio caeli ad observandas syderum theorias: et mathematica, ac theoremata, sive sublimia ac divina contemplanda politica, facta sunt astronomica: et Zoroastres et Atlas caeli observatores auspicio-rum causâ, Astronomi facti sunt, ut Urania musa Astronomia.

Astronomiae Poëtarum historia.

A meto, metior: unde metae in Circo.

Astronomia inter Graecos post Homerum recepta;

Quare omnes *apotheoses*, sive insignium terrenarum rerum, aut hominum praecellentium in Caelum evectiones, sunt *Fabulae ab hoc tempore occoepitae*, quod liquido definire possis, *post aetatem Homeri*; quo vivente Caelum non ultra summi Olympi horizontem putabatur, ut qui Deorum sedes in montis Olympi vertice locatas narrat. Neque apud Homerum alia de Astronomia extant testimonia, quam *Hyades, Plejades et Currus nunquam in Oceano occisurus*: quam Astronomiae praxim Phoenices maris expertes docere Graecos nautas necesse fuit, ut nos in *Notis ad Cap. de orig. Poës.* disseruimus. Altrinsecus humanas mentes ad contemplationem Mundi systematis prius, quam Naturae universae excitatos esse necesse est: quia illud, quam haec, est sensibus spectabilius; et haec, quam illud, mentes longe capaciores advertit. Igitur audacter statuendum, *Astronomiam post Homerum et ante Physicos Graecis innotuisse.*

Et prior Physicâ.

Mythologiae eruditae chronologia.

XVII. Omnes philosophicae sententiae sunt a Philosophis subditae fabulis, ut late per hos Libros demonstravimus, et singillatim in *Notis de orig. Poës.* pro temporibus, quibus ipsius Philosophiae partes inter Graecos ortas et Metaphysica nos docuit Libro priori, et historia ipsa confirmavit, nempe primum *physicas*, deinde *morales*, tandem *metaphysicas*: pro quo ordine inter Graecos ipsi Philosophi nati sunt.

Prima Physica.

XVIII. Primum igitur voces poëticae ad res physicas significantes productae sunt, ut *Chaos* prius confusio humanorum seminum, sumptum pro confusione elementorum; *Jupiter* pro aethere, *Juno* pro spirabili aëre, *Venus* pro natura rerum, *Pan* pro rerum universitate: quas a Thalete primo Graeciae Physico incipere necesse fuit: et *contemplatio caeli* ob auspicia capienda *ad naturae contemplationem* translata.

Secunda Moralis.

XIX. Deinde fabularum significationes morales fabulis applicitae; ut *Tantalus* avaritiae, *Sisyphus* cupiditatis humanae, *Tityus*, sive in alio Graeco orbe *Prometheus*, jecur ab aquila aeternum depastus, animi sibi male conscii, exempla haberentur: qua aetate *Aesopum* floruisse verisimile est, qui suis *Apologis* Moralem Philosophiam erudit; ad cujus exemplum Plato plures et ipse commentus est; et Menenius Agrippa ex hoc genere sive Poëta, sive Philosophus, unâ ejusmodi fabulâ Romanam plebem, quae secessionem fecerat, revocavit. Quare ut *jambus* tradux fuit a versu heroico ad numeris solutam orationem, ut supra diximus; ita *Aesopi Apologi* fuere traduces a fabulis sive exemplis Poëtarum, ad sententias seu praecepta Sapientum.

Tertia Metaphysica

XX. Postremo fabulis sententiae metaphysicae intrusae sunt; ut *Jupiter* mens aetheris omnia permeantis ac permoventis; *Minerva*, idea aeterna Jovis, *Venus* aeternus ordo rerum, *Fatum* aeterna rerum necessitas, *Ganymedes* meditatio rerum aeternarum, quae homines Deo unit: quas omnes a *Pythagora* primum occoepitae supra demonstravimus in *Notis ad Cap. de Poës. orig.* Et ita *contemplationis circulus* absolutus, quae ocularis de Deo occoepit, per ambitum, quem descripsimus, in Deum mente ipsa terminavit.

Rerum divinarum peractus circulus.

Poëtica Geographias principia.

XXI. Et hic *Canon* sit ad *Geographiam Poëticam* enarrandam; Graeca urbium ac regionum nomina per Orbem terrarum sparsa, in Graecia principio nata; deinde ob locorum vel situum similitu-

dinem ad externos prolata esse, ut quamplurimis exemplis in his Libris et Notis singillatim de *primarum vocum alienatione* late disseruimus: ut prima *Samus* fuerit *Ulyssica*, quae et *Same* Straboni et communiter *Cephalenia* dicta, Jonii maris Insula Achajae adjacens; quae *Samus* cum *Ithaca* et *Dulichio* in *Ulyssis* ditioe fuerat, cum ex his tribus insulis Penelopes *Proci* fuisse ab Homero narrentur: atque inde Homerum et Pythagoram sup. in his Notis ortos esse gravissimis argumentis confecimus. Deinde Graecis *Coloniis* in Asiam Minorem deductis, ex simili situ, quo *Samus Ulyssica* erat occidua Graeciae, Insula occidua Asiae, *Samus* dicta, quae celeberrima posteris mansit: et *Jonia*, regio occiduae Asiae maritima ab *prima Jonia*, quae fuerit occidua Graeciae maritimae ora; unde *Jonium mare* dictum mansit, quod occiduam Graeciam alluit; a quo mari appellata *Jonia*, tractus magnae Graeciae circa Crotonem urbem: nisi si ita dicta sit ab *Samo Italica*, Calabriae ulterioris oppido, nunc, Barrio teste, *Crepacuore*, ubi Pythagoram habitasse ferunt, illuc secum a *Samo Ulyssica* vocabulo compotato: quod oppidum in Excellentissimi Joh. Baptistae Philomarini, Roccae Principis, ditioe nunc est.

ULTIMUS. Historiarum initia, quae res seculo poëtico affines narrant, siquae miracula aut improbabilia narrant, aliquod verum continere, quod ex his Mythologiae Principiis est enarrandum, ut in *Theseo fabulis vindicato* praestitimus; heic restat *Romulus*, qui ante Homerum floruit, nam is fuit Numae tempore, ut nos sup. in Notis heic definitivimus, *Rheae filius*; cum *Rhea* sit eadem ac *Ops*, ut nos alibi diximus, filius foeminae optimae, sive Heroidis, ex Albae Regibus natae: et *Rhea sacerdos*; nam, ut demonstravimus sup., Heroës et Heroïdes fuere sacerdotes; unde forsàn Latinis *sacerdos* mansit promiscui generis: nam Numa postea Vestales instituit: *Romulus ex Marte genitus*, hoc est ex p'bejo, qui apud Heroëm suum militabat: proinde *abjectus in profluentam*, ut monstrum, ex more Heroico, qui in leg. XII Tabb. postea abiit, ut sup. in his Notis diximus: a *flumine Tiberi non extinctus*; appicta Romulo traditio universalis Diluvii, et ab eo aliquot homines servatos esse, nempe Noachum cum sua familia: a *lupa educatus*; et traditio appicta Romulo promiscuae veneris, quam exercebant exleges; unde *Lupae*, meretrices, et *luponar* postribulum Latinis mansere dicta: *Romulus clam eductus a Faustulo*; traditio Romulo appicta vitae primarum gentium abditarum in lucis, ut *Theseus* a matre *Aethria* educatus quoque clam et eductus est: *Conditurus urbem capit Palatinum, ut de Caelo observet auspicia*; traditio de primis Palatiis, seu de Regiis turribus Poëtarum, quas sup. abunde diximus, applicita colli, a qua postea *Palatinus* est appellatus: *vallum quo urbem cingit*, est ipsa primarum urbium *Ara*. Nam *Remus* qui *vallum* per ipsius humilitatis ludibrium transiit, a *Romulo caesus*, suo sanguine urbis consecrat muros, est traditio violentorum exlegum, qui aras Fortium transgressi, a Fortibus caesi, prima Ararum vota fuere: et hinc *Remus a Romulo in condenda urbe auspiciis victus*; quod Remus auspicia non haberet, non esset ex Regum ordine: nam quod *Romulus et Remus fratres gemini ab eadem lupa educati*, et ea est poëtica traditio castior, quam ulla Graecis servata, quod tum heroës, tum homines ex eadem multi-

Prima Samus Ulyssica,

Ex qua Homerus et Pythagoras.

Samus secunda Asiatica.

Prima Jonia.

Primum Jonium mare.

Samus Italica.

Quatenus a Mythologia succurrendum Historiae.

Initia Historiae Romanae illustrata.

tudine exlegi, quanquam his illi priores, provenere. *Et orta inter Romulum, Remumque contentio, quia gemini erant, uter Urbem auspicaretur, auspiciis dirempta*; est ad Romae exordia producta traditio, primas respublicas fuisse Theocratias, in quibus primi patres inter se pares, Deorum iudiciis, nempe auspiciis controversias dirimebant. *Lucum aperit, quo Arcades et Phryges confugiunt*; traditio de primis erronibus mediterraneis ac transmarinis, in profugos ad asylum Romuli derivata, ut in his Libris diximus. Fabula autem, *Romuli socios ex Romana Terra ortos esse*, est ipsissima fabula de Gigantibus, quam in *Romulo tenebris excusso* enarravimus; ut et illam aliam latius in his Notis qua *Romulus Sacra Herculis recepit, Aramque ei Maximam statuit*. Postremo *Ludi equestres, per quorum simulationem Sabinas Romani rapiunt*, sunt heroum rapinae, quas sup. in his Libris et gravius Notis diximus, equis exercitae: ex quibus simile Trojanis Graecisque bellum naturae sociale ortum probavimus. Sic sub *Tullo*, hoc est brevi post *Homerum, tergemini hinc Horatii, atque hinc Curiatii pugnant pro Roma, pro Alba*, sunt singularia certamina quibus primae gentes injurias publice vindicabant; ut post novem annorum rapinas, seu post prima Heroum latrocinia, a singulari certamine *Paridis et Menelai* decimum Trojanum belli annum exorditur *Homerus*: qua ratione haec eadem ipsa historia et apud Latinos et apud Graecos, ut *Vossius in Rhetor. de statib. caussar.* erudite confert, utrisque verisimilis fieri potest. Sic *Ancus Marcius bellicas ceremonias instituit*, ut bella aliquo ritu indicerentur; ut *Homeri* tempore demonstravimus, nondum bellorum institutas esse indicationes.

C A P. XXXI.

Romulus tenebris excussus.

Fons errorum in
Historia Romana.
Romanum Regnum
heroicum;

Ita juris tum majorum tum minorum gentium Historia, sive Historia Temporis Obscuri Fabulosique nostrorum principiorum ductu enarrata; perfacile erit, uti *Thesmus* a fabulis, *Romulum a tenebris vindicare*: quia Romanae Historiae Scriptores, quorum omnium instar est unus *Livius*, jus majorum gentium, in quamplurimis rebus tamquam a Romanis ortum tradunt, quae geus condita est post respublicas constitutas et regna condita: quamobrem in ipso Romano Historiae limine quamplurima extant, quae hebetiores transmittunt, in quibus ingenia nimis haerent acriora. Et principio quidem forma Reipublicae Romanae regia fuit (1), et *Romam principio Reges habuere*; sed ad exemplum *regnorum*, quae nos diximus prima in terris orta *Heroica*, sive *Poëtica*, sive *Optimatum*. Etenim Roma con-

(1) Lib. priori, Cap. CXXXVIII, lit. A.

dita est, quum in Latio alia regna ejus generis jam diu fundata fuerant, et in proximo Ethruscorum florebat *Monarchia*. Etenim Mutius Scaevola, ut Romam bello, quod Porsena Rex Ethruscorum pro Tarquinio restituendo intulerat, liberaret, frustra Regem occidere tentasset, si id regnum Optimatum esset; cum Ordo alium Regem, hoc est summum belli Ducem creasset, quem ad id mitteret bellum: vicissim si Ethruscum Optimatum regnum erat, non expediebat Porsenae bellum pro restituendis in proximo Tyrannis, qui facile Imperia proferre volunt, possuntque; nec solum id faciunt aperto bello, sed nefariis dolis et Optimatum internecone, ut filio Gabiis agenti per *heroicos characteres* ipse Tarquinius consuluit.

Ethruscorum Monarchicum.

Itaque Romulus, juvenis *ingenio ferox*, ut narrat Historia, qui e regia Albanorum stirpe et *Marte genitum* se ferebat; idque adeo, ut *priscos Inclytos*, qui primi republicas fundarunt, ex quibus *Mars Poëtis factus* est, melius imitaretur: et clam genitus, editus, educatus, ut illi priorum conditores urbium Graeci, ex quibus Theseus a Poëtis est efformatus; inter innumeras finitimas Optimatum republicas ejusdem generis regnum in speciem, sed magnanimus re ipsa vicino Ethruscorum exemplo stimulatus, dominationem fundare cupiebat.

Romulus ad primorum urbes condentium exemplum factus;

Sed dominationis cupidus:

Sed cum id solus, hoc est *suo aere fortibus conductis* id praestare non posset; neque enim is mos erat adhuc receptus, indignus fortium virorum; qui secum ad grande inceptum conniterentur, iis bonam magnamque imperii partem facere debuit: et ad finitimarum rerumpublicarum instar, *sibi auspicia, ductumque sumpsit armorum*: eosque centum ad imitationem patrum *majorum gentium Patres* appellavit: iisque majorum gentium *clientelas* in eos, qui in novam urbem commigrarent, permisit: quod jus *Patres* obsirnarunt; quod quia *Aris* a Patribus majorum gentium fundatum erat, Senatus *Ara Sociorum* ad Ciceronem usque habita est; nec alibi de Sociorum injuriis unquam per septingentos quinquaginta annos cognitum est.

Tamen Regnum Optimatum fundare adactus;

Suis auspiciis et ductu armorum,

Ex Patrum auctoritate.

At re ipsa Romulus dominatum affectabat: etenim Optimatum republica commode patitur *duos Reges*, ut *Spartana*; et *Romana* ipsa, ejectis Tyrannis, *duos Consules*, quos *Reges* etiam Cicero in suis *Legibus* nominat. Sed Romulus cum fratre Remo contendit, *uter urbem auspicaretur*, quod ex majorum gentium jure didicere, ut auspiciis legerent sedes, easque facerent suas. Unde existimari datur inter tot minutos populos *deserta cepisse loca*, quae non

Romulus collegae in Regno impatiens.

Capit aspera loca; Unde gentis virtus.

ob aliud deserta erant, nisi quia maxime *aspera*, quod ad *Gentis virtutem* plurimum contulit. *Certamen* ipsum *augurio* quoque *dirini* voluit, ut ipse nisi solus, *saltem* *primus* publica *haberet auspicia*, ac proinde *Imperium*.

Aram sacrat.

Deinde collegam Regni fratrem impatiens, sumpto colore, quod *humili urbis aggeri saltu illusisset*, *hasta Remum interemit*: et uti primi *Inclyti aras*, ita is, ab illis accepto more, prima urbis moenia fratris caede consecravit.

Livii de Romuli
asylo ineptiae.

Asylum in *luco* constituit ex moribus majorum gentium, quae in *lucis* habebant asyla. Sed in ea re Livius asyla majorum gentium et asylum Romuli prave confundit, quum ait, *vetus urbes condentium consilium, qui obscuram atque humilem conciendo ad se multitudinem, natam e terra sibi prolem ementiebantur*: nam primis urbium conditoribus falsa persuasio, Romulo vero consilium fuit: sed satis puerile consilium; nam conditis jam urbibus, unde *astutia* ab *ætræ* Graecis dicta, non facile Romulus id confugis probabat, suos cives e terra sibi esse cognatos; namque et Terra *inique foecunda* habita foret, quae ei *mares* tantum, non *foeminas* peperisset, ut postea ei necesse fuerit a finitimis connubia petere: neque Romani e Terra Dea orti habiti sunt, quibus *vicinae civitates ob vilitatem generis connubia denegarunt*; neque adeo *Albani* ipsi Numitoris auctoritate, quem *Regno Romulus restituerat*, id *ius gratiae saltem loco retulere*: unde Romanis necessarius *per ludorum equestrium simulationem Sabinarum raptus*, et inde *bellum*. Sed nec Livius ipse hanc fabulam *colore* obtinere scivit, quae et decorum servaret Romulo, et historiam faceret verisimilem, ut Romulus quidem *regiae originis jam exploratae* facile uxorem invenisset; sed is ut *optimus Princeps* non sibi uni, sed omnibus civibus uxores peteret; quare neque ipsi concessa est: unde ei quoque per *Thalassionem pulcherrima Sabinarum rapta et abducta est*.

Uti narratur, haec
etenus, degener Romae origo.

Haec de Romuli *Asylo* ex majorum gentium moribus, ac proinde *falsa traditio*, fecit, ut Romani mendacio et impostura, non falsa persuasione religionis Deorum instituisse hactenus putati sint. Atque indidem *illae tenebrae* in Historia Romana, quod *Patres* dicant, *sua esse auspicia*, ac proinde sua connubia, suam patriam potestatem, sua Imperia, sua Sacerdotia et agros suos: et *plebs Romana* illos Romuli *Patres non ultra, quam ingenuos* fuisse respondeat.

Asyli Liviani per-
verse rationes.

Igitur *asylum* longe alia ratione, quam qua majorum gentium optimi, Romulus aperiit, nempe ut ibi et ipse, et

novi cives agerent tuti: et sic *republicam* naturâ *Optimatum* fundavit, cujus forma *Tutela* est. Nam Arcades et Phryges, qui ad Asylum confluxerant; a quibus Romani omnem suam nobilitatem repetebant (namque ab Arcadibus, qui ante Lunam se ortos jactabant, *Patricii* sub *calceis argenteam lunulam* gestabant; ab *Trojanis* autem, utpote ex ultimo Temporis Heroici florentissimo Regno *Romanorum primores*; in quibus Julii ab *Ænea* originem revocabant): ii, inquam, *jure asylo*rum, quod *maiores gentes* introduxerant, non *in ordinem Patrum*, sed *inter clientes*, sive *nexos*, ac proinde *in plebem* recepti fuissent. *Atta Clausus*, cum clientibus, quibuscum Roman commigravit, *Potitii* et *Pinarii*, ex *Inclytis familiis*, *Herculis Sacerdotes* plebem auxissent. Nam nihil omisit Livius, sive adeo Romana traditio, ut *Romuli Regnum ad heroicum regnorum exemplum posteritati describeret*; sed ut traditiones, et maxime non scriptae solent, satis obscure et inepte: in *Atta* mentionem *clientelarum* facit, ea proprietate, ut *clientes* Inclytum sequerentur; in *Potitiis* et *Pinariis* primas urbes ab Hercule aliquo esse fundatas; unde a Romulo ei est *Ara maxima* constituta (a); et ipsi *Potitii* ac *Pinarii* ex *Inclytis familiis* orti, quos demonstravimus Graecorum fuisse heroës.

Ratio cur hactenus falsa Romanae Historiae principia.

Ita Romulus, fundata civitate ex natura *Optimatum*, *Jus Optimum* majorum gentium *tum publicum, quo auspicia, connubia, magistratus, sacerdotia; tum privatum* agrorum Patribus permisit, quos ad illorum similitudinem *majorum gentium* appellavit; plebi *jus nexi*, seu *dominium bonitarium*, naturalia matrimonia, jura sanguinis, naturales obligationes concessit.

Romulus civitatem fundat jure optimo majorum gentium.

Praeterea *juventutem divisit per Tribus, et equis et armis instruit ad subita bella*, ut Florus inquit, Latine dixisset et eleganter, ad *tumultus*: nam *civitatem* eadem necessitate, qua *maiores gentes*, ad *bellicam virtutem* totam composuit *hoc discrimine*, quod Romulus *consilio*, quae *maiores gentes naturâ* effecere: quia *cum non esset Romanis foedus amicitiae* cum finitimis, *externi* eadem ratione *hostes*, qua jure majorum gentium habebantur: quare iis erat *de sui Imperii salute, non de magnitudine cogitandum*.

Regnum Romanum optimatum ex aliis caussis, quam heroica, fundatum.

(a) Circa quam *Pomoerium* a Romulo positum Tacitus *Annal.* XII, cap. XIV, numero juxta nostra Principia describit his verbis: *Igitur a Foro boario, ubi aureum Tauri simulacrum aspicimus, quia id genus animalium aratro subditur, sulcus designandi oppidi captus (nempe totus ager aratus) ut magnam Herculis Aram amplecteretur: nempe qui totus aratus ager, Ara Herculis erat.*

Arae maximas historia.

Præcipua justitiam, virtutis et magnitudinis Romanæ causa.

Atque hæc una ex potissimis causis justitiæ, virtutis et magnitudinis Romanæ fuit; quod cum in aliis Optimatum rebuspublicis antiqui gentium mores elanguerent, apud Romanos interim invalescerent; ad illud numero instar, quo religiosæ Familiæ novæ ad antiquarum exemplum compositiæ, ad prima majorum instituta revocantur; quæ novæ virtute insurgunt, dum antiquæ interdum corruptis moribus pessum eunt.

Et Juli Proculi somnium probat Romanum Regnum fuisse Optimatum.

Sed quia Romulus, vir magnanimus, regnare in armis volebat, qua ratione gratus plebi, suspectus patribus erat; Patres per oborti nimbi occasionem, ipsum ad exercitum concionantem discerpere, metu ne dum bello et armis diu insisteret, tandem, oppresso ordine, ex regno Optimatum in regnum monarchicum rempublicam corrumperet: quam causam arguit *Somnium Julii Proculi*: nam quid ad plebem et militem de Romuli morte solandum referebat, *Romam olim caput Orbis terrarum* fore, nisi plebs, quæ utilitatem bellorum, non justitiam curat, sub Romulo Latii Imperium animo jam invasisset; cum proferre Imperia reipublicæ monarchicæ, vel popularis, non Optimatum votum sit? (1) nam si Romulum plebs desiderasset, quod sub eo ab externis injuriis tuta esset; consilium fuisset comminisci pro natura reipublicæ Optimatum nunciare, nullis opibus humanis Romana arma cessura. Alibi (2) probavimus Horatiano judicio, Romanum Regnum non fuisse Monarchicum (a).

C A P. XXXII.

Tres Fontes, seu tria Capita Universi Juris Romani, quibus Romulus super majorum gentium moribus civitatem Romanam fundavit: CONNUBIUM, PATRIA POTESTAS, NEXUS.

Romulus his tribus majorum gentium juribus civitatem Romanam fundavit, *Connubii, Patriæ Potestatis et Nexi*: quæis tribus juribus in statu exlegi steteret *Theocratia, Familiæ, Clientelæ*; et ex quibus postea in commune conjunctis *Regna Heroica* primitus orta sunt.

Auspicia primum fundamentum Reipublicæ Romanæ universæ.

Romulus auspiciis urbem Romam fundavit (b), ut *Muri*

(1) Lib. priori, Cap. CXLVI. (2) Ibid. Cap. CXLI.

(a) Et aliis satis multis Romanæ Historiæ locis ex Livio positum in his duob. Libris passim ad id expensis.

(b) Quibus in his Libris et Notis demonstravimus, omnem Heroum dignitatem contineri; et ex iisdem omne Jus Romanum antiquum fuisse heroicum.

Appius dicebat: quare is quoque *jus connubii plebi incommunicatum* constituit: quod plebs auspicia non haberet, ut ejus inter Patres et plebem certaminis *Historia* satis liquido monstrat. Et quidem ipsi doctissimi Commeatores Attici Juris Romani, id *jus connubii Patrum plebi incommunicatum* ultro fatentur, se in Latium de Graecia non adportare: quamobrem Gothofredus id caput XI Tabulae inscribit.

Jus connubii Romanae nativum.

Patriam potestatem, quam *propriam Civium Romanorum* dicit Justinianus, a majorum gentium jure natam supra demonstravimus. Unde quod Ulpianus (1) scribit, *jus patriae potestatis moribus receptum*, audacter, *gentium*, et quidem *majorum*, suppleo. Igitur quod Papinianus apud *Pariatorum legis Moisaicae* cum Romanis (2) diserte tradit, *patri legem Regiam* dedisse in filiam vitae necisque potestatem, pro meo jure eam a Romulo de majoribus gentibus acceptam ajo: sicuti ex jure gentium recepisse Athenienses quoque testatur Menander, et post eum Terentius sua *Phormione*: cujus argumentum hac potissimum causa constat; quod pater, si uxor filiam pareret, eam occidi jusserat, et mater prae pietate eam clam alendam dederit, et postea agnita sit. Romulus hoc *jus* a majoribus gentibus recepisse etiam in filios verisimile est, quando, etiam regis legibus abrogatis, in Tab. IV relatum est, ut in *liberos*, hoc est filios justis nuptiis procreatos, patri *jus vitae et necis*, ejusque vendendi *jus* esset: quod *jus* nedum ex Attica, sed ex omni Graecia allatum negat Aristoteles, qui in *Ethicis* similem hujus Persarum legem uti *tyrannicam* reprehendit: et tyrannicam graviolem Dionysius Halicarnassensis (3) notat, quod trina venditione *liberos* liberet a patriae potestate, cum ut servi dominicam liberentur, una manumissio sit satis.

Et nativa Romana patriae potestas.

Hinc vides *patriam potestatem* esse germen *connubii*, quod soli Patres habebant, uti *connubia* sunt *Auspiciorum* propago. Inde *domus*, *familiae*, *gentes*, ex domibus *jura suutatis*, ex familiis *jura adgnationis*, ex gentibus *jura gentilicia* provenire. Et ex hoc *patriae potestatis jure* Romanorum proprio, *testamentorum jura*, uti inter majores gentes primum nata, ita conservata inter Romanos; et *ab intestato successiones suis adgnatis, gentilibusque* delatae: indidemque aut patribus familiarum in testamentis permisae, aut iis ab intestato defunctis, pro successionis jure legibus delatae *tutela*.

Jura Romana progenies connubii.

Jura Romana soles patriae potestatis.

(1) L. patre 8. D. de his qui sunt sui vel alien. jur. (2) Tit. 4. (3) Lib. II.

*Jus nexi Romani
notivum.*

Tertius proprius Juris Romani fons fuerat Jus nexi, mancipiique, in quo tradendo, uti dominus nuncupavit, ita jus esset: quo jure stant clientelae: quas Eruditi omnes ex Graecia non venisse fatentur; quanquam in eo errent, quod putent Romulum eas instituisse; nam demonstravimus eas Romulum a majorum jure gentium accepisse.

Sed et uti connubium, ex quo patria potestas nata una est Auspiciorum soboles; ita jus nexi mancipiique est Auspiciorum progenies altera, ut supra demonstravimus.

*Jura Romana juris
nexi familia.*

Ex jure nexi mancipiique provenire res mancipii et nec mancipii, et mancipatio, forma omnium ferme actuum legitimorum, quos transigere solis Romanis jus erat, et jus Quiritium privatum, sive jus optimum majorum gentium vi adempta, et pro vera vi certis, quae diximus, violentiae imitamentis inductum, quod domini genus soli partabant Romani: eo autem quod uti lingua nuncupasset ita jus esset, continebatur stipulatio; quam supra demonstravimus majorum gentium ruditate ortam; in quam omnia pacta et obligationes juris gentium minorum, sive juris naturalis posterioris transfundebant, ut jure optimo haberent sibi obligatos debitores: unde Acceptilatio in actibus legitimis numerata.

*Actus legitimi mo-
rihus Romanis intro-
ducti.*

Quid sint?

Namque Actus legitimi, de quibus neque lex Decemviris, neque lex ulla Regia, neque Consularis, neque Tribunitia concepta est, sunt formulae agitando Romani Juris a gentibus minoribus inventae ad Jus nexi mancipiique in Leg. XII Tabb. defluxum accommodatae; quos a Papiniano

*Actuum legitimo-
rum exacta enume-
ratio.*

strictim numeratos, sic omnes explicaveris. Eae autem sunt Manumissio, Adoptio, Tutoris datio, Testamenti factio, Cretio, Optio, Mancipatio, Nexus traditio, Acceptilatio, in jure Cessio (1). Iis enim acquiritur vel potestas in se; idque fiebat vel manumissione; eaque vel una et vera, si servus; vel trina et imaginaria, si filiusfamilias esset: vel acquiritur potestas in alios; eaque vel in uxores et filios; idque fiebat justis nuptiis; vulgo per conventionem in manum, inter Sacerdotes autem coemptionem et farre; quae utraque erat species mancipationis: vel acquiritur potestas in filios tantum; idque fiebat adoptione; vel in servos, quod fiebat utrumque mancipatione, nempe hominum liberorum simulata; servorum vera: vel acquiritur potestas in pupillos; idque fiebat tutoris datione: vel acquiritur dominium rerum per universitatem, et agebatur testamenti factione per aes

Manumissio.

Emancipatio.

*Nuptiae per con-
ventionem,
Nuptiae per coem-
ptionem.*

Adoptio.

*Mancipatio homi-
num in specie dicta.*

Tutoris datio.

*Testamenti factio
per aes et libram.*

(1) Boet. 3. Commentar. Topic. Gajus, lib. I. Instit.

et *libram*, quae *mancipatio* quaedam erat: unde *familiae venditor* et *familiae emptor* dicti; cui successit postea *testamentum praetorium*, uti ante legem XII Tabb. erat *testamentum calatis comitiis*: et haec *acquisitio* perficiebatur *Cretione* (a); cui postea successit *Deliberatio*, demum *Aditio*: vel acquiritur *dominium rerum singularium ex ultima voluntate*; idque vel fiebat *rei legatae optione* (b); praeter enim eam caussam cetera legata *cretione* heredis legatariive acquirebantur: vel acquiritur *dominium rerum singularium ex juris gentium contractibus, vel pactis ipsis*; et tum id *mancipatione* et *nexus traditione* transigebatur, et uti lingua in eo actu *nuncupasset*, ita jus esset: alioqui *usucapione* opus erat *anni vel biennii*, prout res *mobilis* erat, vel *solis*: et *usucapio* tunc erat *dominii adjectio*, qua dominio bonitario acquisito ex naturali traditione adiciebatur dominium ex jure *Quiritium* *usucapione*: vel acquiritur *obligatio ex contractibus, aut pactis, et in stipulationem* erat transfundenda; quae postea *acceptilatione* tolleretur: vel postremo acquiritur dominum *adjudicatione*; idque fiebat *cessione in jure*. Quapropter tales fuere, non alii, quia vel ad *acquirendum*, vel ad *solvendum*, vel *alienandum*, sive *potestatem*, sive *dominium*, sive *obligationem* jure optimo pertinebant: ideo non *plures*, nec *pauciores*; quia iis omne *acquisitionis, solutionis et alienationis* negotium jure optimo absolutebatur.

Cretio.

Optio.

Mancipatio rerum in specie dicta, et lingua nuncupatio.
Usucapio.

Stipulatio actus legitimi praeparatio.

Acceptilatio.

In jure cessio.

Vides igitur, *Auspiciorum* jus influere tanquam per *duos rivos*, altero in *Jus Quiritium publicum*, quo continentur *Conrubia, Magistratus, Sacerdotia*; quare *justi mariti, magistratus, sacerdotes* dicebantur *Viri*, sive *ex Auspiciis nati Heroës Romanorum*: altero influere in *Jus Quiritium privatum*, quo stat omnis *potestas*, omnis *obligatio*, omne *dominium*, omnis *solutio* optimo jure (*): et *utrumque Jus Quiritium*, et *privatum*, et *publicum* jure divino et religione *fundatum et conspersum*.

Omne Jus Romanum publicum, privatumque auspiciorum religione pronaum.

(a) De heroica *Cretionis* origine vide *Notas* super.

Cretio heroica.

(b) Et ipsa *Optio* heroicae originis est: *optare* enim earum rerum est, quae sunt in summi Numinis potestate: quare dicendum sub Theocratia natam, qua aetate gentes omnia patrare Deos credere.

Optio heroica.

(*) Operae pretium erit meminisse summam divisionem *Juris Quiritium*, ac generatim *Juris Optimi* tam publici, quam privati (Lib. I, Cap. CXXXV, Lib. II, pag. 350, 373, ac alibi passim) pendere ab illa triade, cui *Vicus hominis facultates* (Lib. I, Cap. X), poenae divinae homini a Deo irrogatae (Lib. II, pag. 189) virtutesque primas (Lib. I, Cap. CIV. Lib. II, pag. 294), atque, in ordine normali, jus omne publicum ac privatum (Lib. I, Cap. CIX, CXXI) subjicit.

Vici Op. lat. T. II.

25

C A P. XXXIII.

*Tres fontes seu tria capita universi Romani Juris,
Romanae magnitudinis caussae.*

Cum igitur respublicae iis artibus crescant, ut super quibus institutis fundatae sunt, perseverent; et respublica in immensum aucta, ut Romana, hoc triplici jure fundata sit, *Connubio, Patria Potestate et Nexu*, quoquo eorum religione perfuso; necessario quoque factum, *ex hujus triplicis juris custodia omnem Imperii Romani magnitudinem natum esse (*)*.

Ut religione Res Romana crevit?

Auspiciis enim Urbs a Romulo fundata fuerat; et auspiciis omne jus publicum privatumque, sacrum et profanum continebatur. Igitur Patres, ut haec omnia haberent in manu, suâ causâ sancte custodierunt religiones. Unde illae Curtii domi, Deciorum foris devotiones; illa Attilii Reguli fortissima promissi fides; illa Horatii Pulvilli ne filii quidem mortis obnunciatione intermissa, sed prohibito luctu, fortissime Templi dedicatio peracta: religione Consulatus, Dictaturae ultro abdicatae.

Custodia connubii virtutum certamina inter plebem et Patres peperit.

Custodia connubii, unde diu solis Patribus ad Imperium et Sacerdotia aditus patuit, magnanimitatem plebis, et Patrum generositatem in praeclarissimum virtutis certamen commisit, ut utrique fortissima pro patria facinora ederent; ut plebei connubiis, Imperiis, Sacerdotiis Patrum dignos praestarent, Patres autem belli ferociâ plebibus anteirent: unde dignissimos ex suo ordine candidatos proponebant, ut plebeis pudor esset illis non suffragari.

Plebejarum tentationum ordo admirandus.

In quibus plebis cum Patribus certaminibus illud observatu dignissimum, quo ordine plebis desideria nata sint; ut prius jus aequum, ne Patrum injuriis oppressi essent, tanquam servi degeneres: deinde connubia; ut ex fortibus fortes crearentur: tum Imperia, ut per honores clarescerent: postremo Sacerdotia, ut optimi ad Deos accederent.

Ut magnitudo Romana ex religione?

Tam alte antiquas radices egerat persuasio, Sacerdotia in Patrum personis haerere, ut primum plebs petierit connubia, quibus generosi ad militarem virtutem nati; tum

(*) Vide Lib. priorem, Cap. CXXIII, CXXVI, CXXVIII, CXXIII, CLXI, CLXIII, CLXXI, CLXXXIII, CLXXV, CLXXXIV, CLXXXVI: Lib. II, pag. 305 et passim.

Imperia, quibus justitiâ et prudentiâ spectati sunt; et sic, ducente ipsa natura, demum digni habiti, qui *sacerdotia* referrent communicata: atque id est, quod ut vulgo dicebatur, ita non vulgo intellectum, magnitudinem Romani Imperii Romanorum religioni omnem esse imputatam.

Custodia patriae potestatis illius Tyrannicae, quam dicebat Aristoteles, et a majoribus gentibus Romani acceptant, eos *patriae pietatem* edocuit, ut ne patres filiorum studio nimio capti, forte obessent reipublicae; atque ita se solos, suamque gloriam amarent; quae, cum complicata esset reipublicae, ipsam patriam filiorum charitate complecterentur: et eadem operâ *filii* ita consuefacti, uti apud *Persas* fiebant *Regum obsequio* promptiores, ita in reipublica ex libertate mixta *pietiores* prodirent in patriam. Atque eo patriae potestatis jure quam fortissime in liberos exercito extitit illa *mira Patrum constantia in publico jure Quiritium custodiendo adversus Tyrannos et libertatem*.

Romani domi tyranni, in patriam pii.

Jus vitae et necis in filios Regnum patribus custodivit.

Hinc Horatii pater non tam filii pietate, quam ut ne introduceretur ad populum provocatio, dicebat suum esse jus, Horatium familiaris criminis reum domestico judicio condemnandi: hinc illa duo *praeclara Bruti parricidia*, quibus pro patria pietate suam domum ad orbitatem redegit: hinc in *Manlia familia*, et *Pater filium* quanquam victorem, ob spretum imperium, capitis damnat; et *Avus Patrem* domestico judicio (*), ut ex fama refert Livius, reum perduellionis capite plectit. Hinc *Virginus* honestissimo filiae parricidio Romam a decem Tyrannis liberavit.

Et haec ipsa *patriae potestatis custodia adgnationum et gentilitatum jura peracuit*, et illa *sanguinis retudit*; ut *septimo gradu adgnatus*, immo *ex alia familia gentilis filium emancipatum* a patris successione excluderet: ut *emancipatio ignominiae* quandam *notam* inureret: et *poenae loco* esset; et *adoptatus* omnino *pro nato ex justis nuptiis* haberetur: quare *inofficiosi querela* sero et *plebiscito* introdu-

Ut gloriam nominis leges Romanis insinuarunt?

(*) Se in errorem hic incidisse Vicus ipse jam noverat hisce verbis: "Topica rerum Romanarum, quam mihi confeceram, idem loci genus, ubi collocata erat, *Paterni Imperii severitas*, eadem nominum amplitudo, idem affectati regni crimen, et insignis *Manlii severitas*, quae in mente dominabatur, cuncta haec me coniecere in falsum, ut patrem *Manlii* pro *Cassii* sumerem, quem fama fert, apud Livium, domestico judicio filium verberasse, necasse, peculium Cereri consecrasse." Itaque de ejus sententia et auctoritate contextus sic corrigendus est: "hinc *Manlius Torquatus filium* quam victorem, ob spretum imperium, capitis damnat; hinc *Cassium pater* domestico judicio, ut ex fama refert Livius, reum perduellionis capite plectit."

cta; et institutionis posthumorum sero a Gallo Aquilio formula excogitata: quia *jus nominis solum in precio erat*; quo Romani *ad temporis aeternitatem sua consilia dirigebant*: et ita privatim consuefacti a diligentia nominum privatorum, *Romanum nomen aeternis gloriae monumentis illustrabant*. Hinc illa *domestica frugalitas*, qua Curii, Fabriciique insignes fuere. contra *publica magnificentia*.

Cur Romani domi parci, publice magnifici?

Jus nexi custoditum docuit justitiam Romanam in victis.

Custodiâ juris nexi Libro priori diximus. omnem *Romanam Justitiam cum gentibus victis conservatam*; indeque *natas Romanas regnandi artes*, quibus Poëta *Romanos Gracis citra obsequium longe ante ponit*. Hæc tantum addimus, inter artes, quibus *Patres plebem aere alieno demersam habebant*, ne unquam censu in senatorium ordinem pervenirent, in quo imperia capessere, et hanc fuisse, ut *ne Agrariâ perlata unquam dilaretur: quæ plebis Romanæ oppressio domi, mansuetudinem et magnanimitatem Romanis in victas provincias faciebat*.

Oppressio plebis a Patribus domi caussa et mansuetudinis Romanæ in victis foris.

Et ipsis actibus legitimis cives prudentiam condiscabant, qui disertis sibi verbis cavere docebantur; et *diu deliberare, semel decernere*; quando ii actus neque diem admittebant, neque conditionem; neque poterant iterari. Unde inter Romanos nullæ *ex pactis actiones* olim proditæ, *ne jus adesset temeritati*; et tam *sera formula de dolo* a Gallo Aquilio inventa; tanquam esset *Romano cive indignum*, postulare se *deceptum, errasse, vel lapsum esse*. Et *industria intentata*, cum quisque curaret res suas (a): unde *sero mandati actio* inter Romanos introducta; et diu celebre illud: *per extraneam personam acquiri nemini*. *Usucapio* autem *inertiam deterrebat*: unde turpe ac degeneris animi res *virtute partas per inertiam amittere*. Juribus prædiorum indito vocabulo *servitutis*, quæ *patientiam constituitur*; Romani *servile pati* putarent. Quare *lex Aquilia* sero et quidem *plebiscito lata*, quod *indignum* putarent Romanos *postulare jus de accepto damno, quod virtute vindicare oportebat*: et *sera actio vi bonorum raptorum, et poenâ quam furti manifesti levior*, atque hæc ipsa a *Prætor* introducta: uti et *sera actio quod metus caussa* item *Prætor*ia, ut turpe putarent civem Romanum metu adactum et vi cecidisse.

Ætas Romanæ virtutis.

Hæc triplex custodia intente habita est a Patribus usque ad aetatem, *qua nulla virtutum feracior narretur a Livio*. hoc est usque ab *bellum Punicum secundum*; qua ætate,

(a) Qui mos heroicus a *Gigantibus* usque originem ducit, ut cum Platone et Homero in his Notis sup. observavimus.

ut refert Sallustius (1), quae ex ea custodia *inter plebem et Patres extitere certamina composita* sunt: unde mox *devicta et excisa Carthagine, Orbis terrarum Imperium est Romanis constabilitum*: nam *victoriae Romanae, corrupta dein Republica, consecutae*, quibus reliquas terrarum Orbis gentes devicere, eae tanquam *Carthaginensis victoriae praemia* fuere. Atque id est, quod Plutarchus alique scribunt, Romanos jure gentium Orbis terrarum Dominos factos.

Igitur, uti Libro super. diximus (2), ex custodia juris privati apud Patres, et desiderio libertatis apud plebem Jurisprudentiam in terris natam apud Romanos; ita ex custodia juris publici a Patribus, et desiderio ejus aequandi apud plebem nata omnis magnitudo Romanorum.

Et haec est, ut ita dicam, *Clavis Historiae Romanae universae*, sine qua hactenus et Historicis et Politicis et Jurisconsultis omnibus oclusa fuit. Quod *patria potestas tyrannice in liberos* fortissimis exemplis *exercita* firmabat *tyrannidem in clientes*, qua vel de eorum tergo, quemadmodum Sallustius loc. cit. tradit, *regio more sumerent poenas*: cui quasi *nativae dominationi clientes nexu domini consuefacti*, in tot juris certaminibus, *contra Patres arma sumere nunquam ausi*; unde sunt rerumpublicarum excidia; sed tantum *secessiones* aut faciebant, aut minuabantur, hoc est deserere agrum, quo tenebantur nexi, unde *magnanimitas plebis Romanae* provenit: quibus secessionibus per *virtutis certamina* expressere a Patribus *Tribunos plebis, leges sacratas, jus aequum, connubia, magistratus, sacerdotia*, ex ipsa Patrum auctoritate: sed postquam *lege Poetelia* plebs nexu domini soluta est, et obsequio Patribus liberata, a Gracchis extitere *potentiae certamina*, et plebs per vim extorquere a Senatu *Agrariam* voluit; unde *civilibus bellis respublica occidit*.

A Romanis in Carthagine Orbis devictus.

Historia, Politica et Jurisprudentia Romana uno spiritu continentur.

Clavis universae Romanae Historiae.

CAP. XXXIV.

Adversus Plutarchi librum de Fortuna Romanorum.

In Romanae magnitudinis causas inquirunt Nicolaus Machiavellus, qui in *Lectionibus Livianis* eas ad quaedam sparsa instituta Romanorum refert, tam paganica, quam militaria; sed genus ipsum reipublicae non complectitur, ex quo ea instituta provenire. Polybius, aequus rerum ae-

Machiavellus genus Romanae Reipublicae non assecutus.

Polybius effecta virtutis Romanae tantum observat.

(1) Lib. III Histor. apud D. August. in cap. XVI de Civ. Dei.

(2) Cap. CLXXV.

stimator, tribuit virtuti Romanorum, sed magis virtutis facinora narrat, quam causas. Plutarchus autem iniquior fortunae imputat, quae stultis perraro constat, et praeceptis abijt; quod erat felicitatitribuendum, quae est constans ac diuturna, nec unquam a sapientia divisa est.

Plutarchus Romanae virtuti iniquus.

Initium erroris Plutarcho fecit, quod putavit Reges populi iudicio creatos, et Reges fuisse monarchicos; quod utrumque falsum; hoc posterius per satis multa, quae et hoc et Lib. priori disseruimus: prius falsum ostendit Livius, qui mortuo Romulo narrat, Patres plebi permisisse Regum electionem, cuius mox Patres fierent auctores; hoc est ut plebs crearet Reges, quos tamen Patres probarent. Itaque, ut vis abesset, quam ipse Livius dicit, necessario id actum, ut *Patres populo plures nominarent, quorum uni Regnum suffragarentur, Patres suffragationem probabant*: et Reges sic creati nihil aliud erant, nisi ordinis domi Principes, foris Duces. Igitur non fortunâ populi Romani, sed Patrum sapientiâ creatus *Numa pietate clarus*, qui ferocem populum, qualem sub *Romulo* oportuit, religione mitigaret: Patrum sapientiâ creatus *Tullus, disciplinae militaris solers*, qui militum robur arte dirigeret: et sic deinceps. Nam illa tanto Philosopho indigna, ut *anseris Montium excitarent*: nam quod militaris disciplinae flagitium, cum Galli sex perpetuos menses Capitolium acriter obsiderent, obdormire vigilias? Anseres in omen a Duce accepti, quo militibus augeret augurio animos. *Coriolani inventa forte mater*, quae illius deliniret in patriam ingratam iras: quasi non quaevis pro patria obsecratio iis temporibus, quibus tantopere patria chara erat, optimum civem injuriâ ejectum ad ipsius pietatem convertisset. *Camillus forte intervenit*, dum Galli iniqua lance aurum expendunt, et contra tendunt Romani. Igitur exulis armis, qui jus belli non habebat, ac proinde latrocinio servatam Romam potandum? an ex Patrum auctoritate in illis ultimis reipublicae temporibus restitutum venisse; cum Imperium nec ex praesumpta summae potestatis voluntate, ut recte Grotius firmat, mandatum censeatur? *Annibal*, caeso ad Cannas Romano exercitu, *victoriâ uti nescivit*: tota *Asia* ab *Antiocho* terra marique armata per Regis stultitiam *Annibale Duce usa non est*: *Persei avaritia, qua Galatas conducere noluit*, Macedonum Monarchiam Romanae felicitati subiecit. Sed et ipse Plutarchus alibi (1) fatetur, hanc ipsam esse sapientiam, hostium stultitiam recte uti.

(1) In Vita Pauli Aemilii.

CAP. XXXV.

Quid ex Jure Attico in XII Tabb. importatum?

Cum igitur omnis Romana magnitudo ex Romana virtute orta; et omnis Romana virtus ex custodia triplicis Juris, super quo respublica primum fundata; et tria illa jura ex jure majorum minorumve gentium a Romanis recepta moribus, quibus tanquam in naturam abeuntia, ceu nativa Romana facta sunt: videamus, *quid ex jure Attico in Legem XII Tabb. foris importatum?*

Heic percurrere primo licet *per singulas Tabb.* quod Jus Atticum eruditissimi ejus Pariatores, *Samuel Petitus, Claudius Salmasius, Jacobus Gothofredus*, aliiq; cum Romano componunt.

Tab. I. *Ut si de re transactum fuerit inter in jus vocatum et vocantem, dum venit in jus, id ratum habeat Praetor: et lege Solonis haberi rata a judicante pacta, Demosthenes adversus Panthenetum docet. Et a Solone Romanos discere opus erat, quod naturalis ratio cuique dictat, cui nihil tam conveniens est, ut ipsae Romanae leges loquuntur, quam pacta servari?* Pacta servari.

Ut *Sol occasus supremus jurisdictionis et judiciorum terminus esset* Romanis, et Jure Attico arbitros ad occidentem usque solem sedere Petitus observat. Ecquis ignorat, Romanos, uti et Graecos, perpetuum diem negotiis dare, Judicia solis occasu intermitteri.

Tab. II. *Ut fur nocturnus quoquo modo, interdiarius, si se telo defendisset, Romanis occidendi jus esset: idemque Jus Atticis a Solone positum Demosthenes adversus Timocratem docet. Igitur quando idem Jus positum Hebraeis est, ut Legum Mosaicarum Pariator cum Romanis confert; dicimus Solonem accepisse ab Hebraeis, quo tempore, nedum Hebraeos, sed ne Assyrios quidem quinam essent, Graeci ignorabant, ut supra demonstravimus.* Suae rei etiam cum cæde injusti tutela.

Tab. VIII. *Ut Romanis Sodalitiis leges quas vellent, sibi ferre liceret, modo publicis legibus contrariae ne essent: et a Solone idem cautum habetur apud Salmasium et Petium. Ecquae respublica tam rudis ac barbara usquam est, quae non id cavet, ut Collegia reipublicae serviant, non pugnent, neve adeo dominantur?* Ne privatorum patet Reipublicae noceant.

Leges ex genere
conscipi.

Tab. IX. Cautum, *Ne Privilegia, seu leges singulares irrogarentur Romanis*: et hoc Jus translatum ex Attica, et quidem ex Solonis lege scribit Gothofredus. Quasi vero non jam docti essent Romani, leges singulares esse exitiosas reipublicae: nec jam cum suo periculo experti essent, statim, Tribunis plebis creatis, *Marcium Coriolanum privilegio correptum*: nisi matris *Veturiae*, uxorisque (*) *Volumniae* pietas fuisset, privilegium sibi injuriâ irrogatum, Romae excidio ultus esset.

Poenae Leg. XII
Tabb. crudelitissimae.

An ab humanissima gente dicemus adportatas, legem de obaerati corporis sectione, cujus immanitatem Favorinus apud Gellium exhorrescit? de falsis saxo dejiendis? de judice qui ob pecuniam male judicavit, morti dando? quas leges idem Favorinus praenimiae duriciae notat quoque? an quae, qui frugem noctu secuerit, paverit, ad suspendium adigit? quam Plinius reprehendit, quod gravius hunc miserum puniat, quam homicidam? an quae, qui dolo agrum, vel aedes incenderit, igne necat; quo poenae genere nullum crudelius dici aut fingi potest? quae omnes leges non humanitatem Solonis, sed Draconis crudelitatem referunt, qui sanguine leges Atheniensibus scripsisse dictus est.

Lex XII Tabb. a-
grestis.

An Atticam elegantiam sapit illud, ut morbo invalidus in judicium vocatus jumento in comitium, vel in forum ad Praetorem veniat?

Sylvestris.

An Graeca artium ingenia refert formula, sive actio tigni juncti, ita ac si tunc primum homines sibi pergulas et tuguria construerent?

Rudis.

An denique Attici acuminis est poena talionis; et Athenis, ubi quotannis leges corrigebantur, ad haec usque tempora haec poena omnium maxime rudis, et anceps, *Rhadamanthi heroici judicis* inventum perduravit?

De Romanorum
funerum luxu vetito.

Sed enim duo sunt loci, quibus diserte Solonis leges in Romanas conversae leguntur. Alter de jure sacro apud Ciceronem, II de Legibus: Postquam, inquit, sumptuosa fieri funera, et lamentabilia coepissent, Solonis lege sublata sunt quam legem eisdem prope verbis nostri Decemviri in decimam (legit Gothofredus) Tabulam conjecerunt. Nam de tribus riciniis et pleraque alia Solonis sunt. Sed hic locus nihil aliud conficit, quam Romanos non eundem, sed similem funerum morem, qualis Atheniensium erat, intro-

(*) In textu, sororisque.

duxisse; quod et Cicero ipse innuit: quare non mirum, si *iisdem* non prorsus, sed *PROPE verbis*, quibus Solon, eum funerandi morem Decemviri vetuere: alioqui quae Sapientia fuisset, funerum luxum docere vetando?

Alter locus erat de *Jure praediorum* caput, quod in ipsis Decemviralibus Tabb. perscriptum Gajus refert in haec verba: *At certe de finium ratione lex incerta ad EXEMPLUM legis Atticae Solonis*. Sed heic ipse Jacobus Gothofredus imperitiam eorum arguit, qui, quam Solonis legem Gajus recitat, totidem verbis in Decemvirales transtulere: et nos Cap. sup. docuimus, jus praediorum a jure gentium accepisse Romanos.

At enim Plinius narrat, *Statuam Hermodori positam in Comitio*. Sed nos non negamus *Hermodorum*, negamus *Interpretem*. Sed Strabo narrat, eum quasdam leges Romanas *SCRIPSISSE*. Et nos id ipsum accipimus; non enim, ait, Graecas leges esse *interpretatum*, sed *scripsisse* Romanas: et sic cum Strabone belle congruit Pomponius, qui hactenus omnes Juris Interpretes vel eruditissimos fugit, ubi ait: *Hermodorum hunc Ephesium fuisse Decemviris legum ferendarum AUCTOREM, non autem Interpretem*: et hac ratione constat epistola Heracliti ad ipsum scripta in ea verba: *Visio mihi, omnia Orbis terrae diademata venire salutatum LEGES TUAS, et Persarum more ore cluso eas adorare; illas autem perstare in statu majestatis pleno*: qua commendatione si Heraclitus ornasset Interpretem, tantus Philosophus plane ineptire videretur. Cumque his congruit, quod Diodori Siculi afferunt de Leg. XII Tabb. judicium: *quod sint adeo verecundae, et a Graecae linguae ratione tantopere differant*: quidni differrent, cum essent mores a prima usque humanitate sensim in Latio nati, et Latii alumnii, ut in nostra *Historia* narravimus? Hoc judicium Graeci Scriptoris de Graeca lingua satis docet, Hermodorum non fuisse legum interpretem, sed auctorem Romanis, quae leges essent in XII Tabb. referendae; et hac ratione constat laus quam Strabo de Viro profert, cum dicit, *Ephesios dignos, qui in puerum usque strangulentur, qui HERACLITUM ET HERMODORUM MEMORABILES VIROS ejecissent*. Postremo si Hermodorus Interpres, quae sapientia Legatorum fuisset, redire cum legibus domum, adhuc ignaros juris, quod complecterentur, ut si Hermodorum talem virum in Italia et quidem Romae exultantem non offendissent, frustra cum legibus rediissent? an id quoque Plutarchus fortunae Romanorum adscripserit?

De Jure praediorum Romanorum.

Hermodorus, non interpres Legis XII Tabb. sed auctor.

Lingua Legis XII Tabb. prorsus nativa Latii.

Hujus Historiae ineptia.

Rationes quae Historiam oppugnant.

Ejusdem Historiae inconstantia.

Legatio legum enussa, in speciem obita.

Ejus Historiae levitas.

Et inter Auctores ipsos adversitas.

In his XII Tabb. fragmentis quae extant, nihil de *Attico jure relatum*: contra *connubii, patriae potestatis* et *nexus propria Romanorum jura*; eademque *universi Romani juris fontes*, et *Romanae magnitudinis causae*: forma reipublicae Romane *Optimatibus mixta*; et qua parte mixta *acris custodia domestici juris*: quam per hos duos universos libros perpetua *Dissertatione deduximus*: sub *Tarquini tyrannide Jus Papyrianum* vulgo editum; et sub *Appio factioso Flavius* cum summo Patrum dolore *Fastos evulgat*: *Hermodorus* non interpret, sed legum Romanis auctor: unde externae leges venerint *foeda inconstantia*: *Livius Athenis* et *ceteris Graeciae urbibus*; *Halicarnassensis, Spartâ* omissâ, e *Graecis Italiae urbibus* quoque; *Tribonianus* autem *Juris* non scripti originem *ad Spartanos* revocat; *Tacitus*, ut certum teneat, *accitis quae usquam egregia*: his omnibus illud cumulo addatur, naturae humanae proprium, quod ut est *infirmiorum postulare*, ita *potentum est detrectare jus aequum*.

An dicemus hanc legationem in speciem a Patribus obitam, ut plebis desideria frustrarentur; et hoc Patrum mendacium ducentis quinquaginta annorum vetusta traditione firmatum, Titum Livium et Dionysium Halicarnassensem, ambos Augusti temporibus (nam nullus antiquior sive Graecus sive adeo Latinus narrat) posteritati transmisisse? At Halicarnassensis externus scriptor et Graecae gentis: Livius ab secundo bello Punico Historiam Romanam certam se scribere profitetur, ut in *Programmate Historico* supra diximus. Hinc super hac re inter ipsosmet illa maxime adversa, quorum alterum falsum esse necesse sit: Livius scribit, quod *Tribunorum EQUANDÆ LIBERTATIS DESIDERIUM PATRES NON ASPERNABANTUR*; et ita missa legatio: *Dionysius* vero, legatione reversa, narrat et *moras* et *praetextus C. Menenii et P. Sextii Consulum super lege perferenda*: *indicta maturius solito comitia consularia*, ut se tandem *importunis Tribunis precibus liberarent*; *designatum alterum consulem Ap. Claudium, e familia*, ut cum Livio dicam, *fatali Tribunis et plebi*; *designatis Consulibus, Menenium et Sextium Tribunis aures amplius non prae buisse*; *Tribunos quo se verterent, non habere*; et *custodes libertatis Romanae ad Appium ex imperiosissima Domo*, ut cum Livio item loquar, *confugere adactos, eique spem offerre potentiae*, quae in *Tyrannidem* anno postero erupit, ut *legem perferri sineret*: et ubi tandem *Sextius alter Consul de legibus ad Patres retulit*, post jamdiu reversos *Legatos*,

et *leges adportatas, hinc inde verba facta tam ab illis qui suadebant, ut civitas LEGIBUS regeretur, quam ab iis qui PATRIOS MORES servandos esse censebant.*

Quid si dicamus quoque, Ciceronem et Livio et Dionysio priorem, nec ex vulgi traditionibus disserentem hæc non putasse vera? Locus est vulgatissimus Eruditis *de Oratore*, ubi sub *Crassi persona* inquit: *Freman omnes licet, dicam quod sentio; Bibliothecas mehercule omnium Philosophorum unus mihi videtur XII Tabb. Libellus, si quis LEGUM FONTES ET CAPITA viderit (1) et AUCTORITATIS pondere, et UTILITATIS ubertate (2) superare. Percipietis etiam illam ex cognitione juris lætitiā et voluptatem, quod quantum præseuerint nostri maiores prudentiā ceteris gentibus, cum facillime intelligetis, si cum illorum LYCURGO, DRACONE, SOLONE nostras leges conferre volueritis. Incredibile est enim, quam sit OMNE JUS CIVILE PRÆTER HOC NOSTRUM inconditum ac pene ridiculum: de quo multa soleo in sermonibus quotidianis dicere, cum hominum nostrorum prudentiam ceteris hominibus, et maxime GRÆCIS antepono.*

Luculentissimus Ciceronis locus ubi ex erroris vetustate hæcenus cœcutilum

CAP. XXXVI.

Quid actum Lege XII Tabularum?

Quid igitur actum Lege XII Tabb.? actum id, quod Tribuni plebis apud Livium desiderabant, nempe *ÆQUATA LIBERTAS*; et quod dicit Dionysius, *POSITUM JUS ÆQUUM OMNIBUS*. Libertati obstabat *Jus in latenti, Jus incertum, manus Regia*, quæ plebs, ut Pomponius tradit, *ultra pati non posset*. Nam leges Regias, et maxime quarum *præcipuus sanctor Tullus, quæis*, ut Tacitus ait, *etiam Reges obtemperarent*; quo libertatis beneficio plebs favore fretus Censum instituit, et Ordinem oppressit; unde mox Patres ad ipsius caedem *Superbum* exstimularunt; Brutus, per ejectorum Regum occasionem, *omnes abrogavit*; et *suppresso censu, rem ad Heroiei Regni naturam redegit*; et *jus incertum* restituit, ut Lib. priori diximus (3). *Actum* igitur est, ut *jus perpetuo certum Tabulis fixum* esset. *Æquo juri impedimento* erant illa duū corporum in una heroica ci-

Lege XII Tabb. jus Quiritium privatum patribus et plebi æquatū, et in Tabb. scriptum.

(1) Ut vidimus hoc Libro, Part. poster. Cap. XXXII.

(2) Ut demonstravimus ibidem, Cap. XXXIII.

(3) Lib. priori, Cap. CLXXI, § fin.

Quid *Hermodorus*
praestitit?

vitae divisio, ut Patres omnia ex jure optimo, plebs omnia ex jure naturali ageret: quae divisio jam inde usque a familiis per clientelas in Regna heroica transiit. Cum enim filiifamilias in domo patria nihil injussu Patrum jure optimo agerent, et omnium minime nuptias; multo minus clientes sine Inclytorum imperio: unde postquam secessionibus factis, ut diximus, in plebes coaluere, cum ea proprietate nativa coaluere, ut sine Patrum auctoritate nihil optimo jure, sed omnia jure naturali transigerent. Igitur Hermodorus, ut sapientiâ praestantissimus, potuit, immo debuit, ut momentose Pomponius tradit, *legum scribendarum AUCTOR esse Patribus*, qui usu, non scientiâ noscebant rempublicam, *quid Juris Optimi plebi communicarent, quid sibi custodirent; ex qua temperatura omnis Romana magnitudo provenit*: unde meretur fidem Heracliti Visio, et statua ipsi in Comitio merito posita. Igitur Patres Hermodori auctoritate *ÆQUARUNT* plebi *jus patriae potestatis*, et ut ejus appendices, *aequarunt factionem testamenti, dationem tutoris, jus adgnationis et gentilitatis, ac proinde ab intestato successionum*; hinc porro *legitimae jus tutelae*: relaxarunt *jus nexi*, ut *ex nexis domini jure naturali*, quo sibi colerent agros, manerent tantum *nexi aeris alieni*, quod demum *lege Poetelia* solutum est: et ita plebi *ÆQUARUNT* *jus mancipii, et linguae nuncupationis*: et hinc *jus omnium actuum legitimorum transigendorum*; et jura *usucapionum* communicata. Hinc *judicia privata* patribus et plebi *aequa*; et utrisque *scriptae*, ut erant, ex aequo *poenae*. Sed ut constaret Respublica libera ex Optimatum mixtura, Patres *excepere Connubia* Tab. XI, quibus *Auspicia*, ac proinde *Magistratus, Imperia, Sacerdotia* sibi custodierunt: atque adeo plebi *ÆQUATUM* omne *jus Quiritium privatum, jure Quiritium publico apud Patres manente*: et quantum libertati datum, ut *de capite civis Romani, nisi in maximo comitiatu, jus dicere ne esset*; tantum ademptum, ne *privilegia irrogarentur*.

Jus Optimum agrorum aliud publicum, aliud privatum.

Universus Ager Romanus populo Romano Feudum a Patribus.

Itaque, ubi Patres plebi jus optimum agrorum privatum concessere, non autem publicum, populus universus, qui a Bruto factus erat naturâ liber (1), erat dominus Imperii, omnisque civilis juris in agro publico Patrum; uti nunc quoque sunt Regna summa in agro publico aliorum summorum Principum, a quibus in feudum sunt data: et ita qui agri Romani privatim apud plebeios ex jure optimo

(1) Lib. priori, Cap. CLVII, § Ubi Optimates.

Patrum singuli, minuta quaedam feuda erant (1), apud universum populum Romanum unum Feudum factum est. Ob id plebs libera jure summae Potestatis liberae statim coepit condere Plebiscita (2), sed nunquam plebiscito Agrariam perferre potuit, semper obsistente Senatu, ne ager Romanus privatim divideretur; semperque Coloniae ex Patrum auctoritate deductae a Duumviris. Ex hac Patrum auctoritate tum tutelae gestae populo summi Imperii domino, tum dominii (3) in agro, in quo populus summum Imperium habebat, omnes Respublicae antiquorum dicebantur, *Ordo et Populus, Senatus Populusque, et Senatus auctoritas populi Imperium*.

Sic quoque Patres concessere plebi *connubii jus privatum*, mancipatione eidem communicata, qua porro plebei nuptias per *conventionem in manum* celebrarent; non concessere connubii jus publicum, quia *non concessere connubii solennitatem praecipuam*, quae erant *auspicia majora seu publica*, quae supra diximus (4); ex quibus *nuptiae Patrum* erant omnis *juris humani* (quod interpretor *gentium*, ut Jurisconsultus (5) *jus gentium* definit, quo *humanae gentes utuntur*) omnisque *divini juris communicatio*: et ideo nuptiae Patrum tales erant, quia propriae Patrum erant gentes (6): unde ab hac juris aequi communicatione *Romae plebs, Romana gens* esse coepit; cum antea *gens Romana soli essent Patricii* (7): propria Patrum sacra erant, et sacerdotia; quare Patres confarreatione nuptias, ut supra diximus (8), celebrabant: postremo, quod caput erat, quia propria Patrum erat *divinatio*, seu *divinae linguae scientia*, quae circa *jus divinum* proprie gentibus dictum versabatur (9); quia Patrum, ut saepius diximus (10), propria erant *Auspicia*. Hinc quia transmissum fuerat, et a Patribus, et a Decemviris, et a plebeis Legem XII Tabb. juramento sacrari, ob rationes, quas Libro priori (11) at-

Jus connubii aliud publicum, privatum aliud.

Nuptiae Patrum propriae.

Quando Romae plebs gens Romana dici coepit?

(1) Lib. priori, Cap. CXXIX. (2) Ibid. Cap. CLXIII. (3) De qua utraque Tutela sunt Lib. priori, Cap. CLXI et CXXXVIII, § Optimatum. (4) Hoc Lib. Part. II, Cap. XX de Patr. Potest. § 1, et Cap. XXI, § Atque de hoc Jure. (5) Sub Tit. Digest. de Just. et Jure. (6) Hoc Lib. Part. II, Cap. XX de Success. ab intest. (7) Lib. priori, Cap. CLXII, et hoc Lib. Part. II, Cap. XXII, § Ex eo enim. (8) Hoc Lib. Part. II, Cap. XX de Matrimonii, sed rectius de Nuptiis. (9) Hoc Lib. Part. II in Consect. de Poes. orig. Consect. XXVII. (10) Lib. priori, Cap. CIV, et Lib. poster. Part. II, Cap. XXI. (11) Lib. priori, Cap. CLVIII, § Lex vero.

tur: et Patricii in antiqui juris usurpationem, in Flaminium, Pontificumque nuptiis *confarreationem* retinere, tanta *cæremoniae difficultate*, ut cum Tacito loquar, quod eam sane unam ex caussis, ex quibus Tiberii ætate jam *Farracia* desuevissent, idem Historicus numeret.

Historia Romana
illustratur.

Sed enim diximus, respublicas Optimatum patrii moris esse pertinacissimas; et Romani Patres Jus Quiritium acerrime custodisse adversus Tyrannos et libertatem; artemque affectantium, in Regnis Optimatum, tyrannidem, esse, ut proponat jus æquum, et palam; quo beneficio sibi multitudinis factionem contra paucorum ordinem firmet: ut Ser. Tullius legibus, quæ ipsi Reges obtemperarent, et censu; Appius Decemvir vindiciis secundum libertatem editis; Papyrius sub Superbo, Flavius sub Appio Factioso, ille actionibus, hic fastis evulgatis confirmant. Et Livius, Tacitusque initium Romanæ libertatis narrant a Bruto factam, quod pro uno perpetuo Rege, duos Consules annuos instituisset. Quodnam igitur Senatus flagitium id fuit, universo Jure Quiritium privato plebi cessisse, et leges evulgare, ac, ut id utrumque fieret, Decemviros cum summo Imperio plebi quotannis creandos permittere? Magnam igitur vim Patribus factam esse necesse est, quæ non alia fuerit, nisi quia lex non perferretur, oblata Appio a plebe Tyrannis, quod et Dionysius innuit, et ipsa res secuta testatur. Hinc intelligere est, quantum, ut ingenue Livius profitetur, ante secundum bellum Punicum Historia Romana fatiscat, cum in tam insigni reipublicæ mutatione tantum hiatum reliquerit.

Cap. Leg. XII Tabb.
De forte sanate
nexo soluto.

Atque heic explicandum venit caput illud, ut *forti sanati nexo soluto idem sirempse* (simile re ipsa) *jus esset*; qua lege *Theseus*, ut apud Plutarchum, ab heroico usque tempore, *Atheniensibus libertatem fundaverat*. Super eo capite Grammaticorum eruditas ineptias, quæ apud Jacobum Gothofredum prostant, referre pudet. Recte, sed forte, Gothofredus id caput inscribit *de Juris Æqualitate*; sed quod interpretatur de Jure civium cum sociis æquando, conjectura capta ex iis Grammaticorum ineptiis satis absurda. Neque enim apud Livium, neque apud Dionysium id actum, ut *civitas sociis donaretur*: neque sane Patres in id convenirent, qui vix civibus jus æquum ponere volebant; nisi quisque eorum aut Sp. Cassius fuisset, qui, ut cum Livio loquar, *primus vulgator Romani Juris in socios*, affectati regni crimine damnatus necatus est; aut Livius Drusus, qui longo post temporum intervallo, jam-

Gothofredi interpretatio absurda.

diu republica in potentiam corruptâ, civitatem Sociis Latinis dederat; quo mortuo, cum præstare Patres nollent, Sociale bellum exarsit. *Agebatur de jure Patrum æquando plebi*: is enim ejus certaminis cardo erat. Igitur ab Grammaticis sumamus, *Fortes Sanates esse eos qui desciverant, ad obsequium revocatos*, non tamen socios, sed *plebejos*, quales numero *secundâ Agrariâ* (1), qua clientes *culturæ nexu soluti*, dominio bonitario permissio, *ad Patrum obsequium sunt revocati*; et Decemviros ea locutione usos esse, in simili juris certamine, quo sunt plebei *nexu soluti domini bonitarii*, privato jure Quiritium communicato. Quare *sententia legis* est, ut in iis omnibus, quæ XII Tabb. relata erant, plebi et Patribus idem jus esset. Igitur legis caput, quod *totius certaminis summa* esset, *Attica lege* definiendum erat, et formula ab Atheniensibus expectanda! Sed quod heic notandum, id est, trecentis post U. C. annis, communicatum Romæ jus Quiritium privatum a Patribus plebi; quod ab heroicis usque temporibus Theseus plebi Athenarum permiserat: tam acriter, Romani, ut supra diximus, mores majorum gentium custodiere!

Interpretatio pro
nostris Principiis.

CAP. ULTIMUM.

De Jure maxime proprio Romanorum.

Cum hæc ita sint, quodnam igitur est Jus maxime proprium Romanorum? Pomponius (2) docet, *Prudentum interpretationem, et disputationem Fori ad jus nexi mancipiique accommodatas*, quas Pomponius putat ad Legem XII Tabb. appositas, quia ii patrii mores in eam legem relati erant. Id Jus *communi nomine* appellatum narrat *Jus civile*, et recte *Interpretes* cum Hermanno Vultejo (3) accipiunt *Jus civile in specie dictum*, quod, ut aliae species ob linguæ egestatem solent, generis nomen sumpsit: quia Jus civile in genere erat jus gentium minorum, sive jus gentium majorum, vi adempta, et certis violentiæ imitationis a quaque civitate seorsim inductum (4), quod in alio argumento Grotius *Jus gentium* improprie dictum ait,

(1) Lib. priori, Cap. CXXVII; et Lib. II, Part. II, Cap. XXII.

(2) Leg. 2. § His legibus latis vers. Hæc disputatio, D. de Or. Jur.

(3) In § Responsa Prudentum, Inst. de Jur. nat. gent. et civ.

(4) Lib. priori, Cap. CXXIV.

Jus Romanum proprium inventione, est, ex quo Jurisprudentia in terris inter unos Romanos extitit.

et nos *jus civile commune* appellavimus (1). Atque id Jus civile sunt illi PATRII MORES, quos apud Halicarnassensem Patres censebant esse servandos, nec LEGIBUS esse regendam civitatem; nempe Jus gentium servandum esse, quod Patres ex solita Optimatum reipublicae custodia sine scripto custodiebant. Lata est Lex XII Tabb.; et ii mores gentium a Romanis recepti in legem plebi, et Patribus aeternum aequam abiere. Igitur Jus civile Romanorum maxime proprium, hoc est, *Jus Romanum non custodia, sed inventione, est Jus compositum à Prudentibus*, ut ait Pomponius, quod item pro forma Optimatum reipublicae *sine scripto venit, et propria parte aliqua non appellatur, ut ceterae partes Juris suis nominibus designantur, sed communi nomine appellatur Jus civile*: quia principio totam Juris proprie Romani latitudinem occupabat: unde inter Romanos unus Jurisprudentia in terris orta (2).

OPERIS CONCLUSIO

Atque haec sunt, amplissime FRANCISCE VENTURA, quae lucubravimus de *Romana Constantia Sapientis*, nempe de tua virtute, qua fortissimus et sapientissimus praestas. Et quando tu me ad haec scribenda excitaras, foveras, confirmaras, ea tibi dico, immo verius addico; nam tot nominibus tua.

(1) Lib. priori, Cap. CXVIII.

(2) Ibid. Cap. CLXXXIV.

CLARISSIMORUM VIRORUM CENSURÆ

CENSURÆ EX ORDINE

AD LIBRUM I DE UNIVERSO JURE.

Rev. D. Julius Nicolaus Tornus U. J. D. et S. Th. P. Curiaeq. Archiep.
Examinator revideat et referat. — Neap. 6 feb. 1720. — Onophrius Episc.
Castellanetae Vic. Gen.

Librum, cui titulus: *De Universi Juris uno Principio et Fine* uno a Johanne Baptista Vico Neapolitano latinis conscriptum literis, Em. V. jussu cum perlegerem, novoque veluti Sapientiae lumine me illustrari perciperem, quanta fuerim animi voluptate perfusus, satis eloqui non valeo. Meam vero eloquentiae inopiam si umquam dolui, nunc certe quam maxime; cum tantum opus satis pro merito commendare non possim. Sed enim ecquis librum omnigena eruditione refertum, totoque Sapientiae splendore radiantem, omni superiorem laude, quantalibet sit praeditus eloquentia satis umquam commendarit? Auctor sibi constans, suique semper similis in caeteris a se editis libris alios, in hoc et se superior, seipsum superavit. Profecto tanta est elegantia et puritate latinae linguae conscriptus, ut in eo eloquentiae et Romani sermonis studiosi quantam maxime optent elegantiam, et priscam aurei seculi latinitatem addiscant. Metaphysicae dogmata, et principia penitiora et altiora tanta claritate explicuit, tanta soliditate firmavit doctissimus Auctor, ut cuiquam ad Sapientiae sacra facilis jam pateat aditus. Ineffabilem Divinitatem iis descripsit terminis, ut quantum fas est, eam explicuisse videatur. Christiani Catholicique hominis, ut par est munere functus, totam quam firmissimis ex Philosophia desumptis rationibus demonstravit doctrinam, ad Fidei Christianae amussim exegit. Omnem sapientiam, omne jus, omnesque sanctas Leges, ut Fide sanctum est, ab Uno Deo tamquam Unico totius Veri Principio originem trahere, et ad unum Deum tamquam unicum Finem ducere disertissime demonstrat. Historiam Temporis Obscuri fabulis Poëtarum obvolutam, ex antiquitatis latebris solidissimis conjecturis, si tamen conjecturae, et non potius demonstrationes adpellandae sint, erutam tanta claritate explanat, ut hactenus ea in re vel eruditissimos viros veritatem haut satis plene adsecutos fuisse clarissime liqueat. Juris et Legum veram originem, non ut Historicus tantum et Jurisconsultus enarrat, sed ut profundissimus Philosophus ex suis principiis diserte deductam, rationumque momen-

tis firmatam, ob oculos ferme proponit. Paucis rem absolvam: eo in libro Oratoris elegantiam, Philosophi sinceram sapientiam, Jurisconsulti Jurisprudentiam, legumque vim efficaciam, et oeconomiam; Eruditi solida Philologiae principia; Theologi Metaphysicas, easdemque clarissimas rationes, quibus Religio- nis Dogmata explicant, et ab Ethnicorum aliorumque Fidei ho- stium dicis vindicent; Christiani denique omnes literati, animi pietatem, morum innocentiam, et summam erga Deum Opt. Max. quam debent reverentiam facillimo negotio deprehendent. Tantum ergo opus Catholicae Fidei, et Morum Regulis tam consonum, tanta sapientia, tantaque eruditione concinnatum, omnibusque absolutum numeris, dignissimum censeo ut quam citissime typis mandetur: dummodo Em. V. adcedat auctori- tas. Datum Neap. pridie Kalendas martias anno MDCCXX.

Julius Nicolaus Tornus (a).

Rev. U. J. D. D. Nicolaus Galitia relationem faciat in scriptis. — *Massacara Reg. Ulloa Reg. Alvarez Reg. Giovene Reg. Fallati Reg.* — Provisum per S. E. — Neap. 19 julii 1720. — *Athanasius.*

Jussu E. T. summa animi voluptate legi librum Johannis Baptistae Vici *De Universi Juris uno Principio et Fine uno*, nihilque in eo offendi, quod Regiis Juribus adversetur. Immo de Legum ac Rerumpublicarum Originibus tanta ingenii subti- litate et verborum elegantia disserit praeclarissimus Auctor, ut res quamplurimas scitu dignissimas, quae densissimis in tene- bris involutae jacebant, et de quibus plane desperata erat co- gnitio, in lucem produxerit. Quapropter ad publicam utilita- tem multum conducere arbitror typis vulgari, si ita videbitur Eminentiae Tuae. Neapoli, XIV Kal. augusti A. MDCCXX.

Nicolaus Galitia (b).

AD LIB. II DE UNIVERSO JURE.

R. D. Julius Nicolaus Tornus U. J. D. et S. Th. P. Curiaeque Archiep. Exa- minator revideat et referat. — Neap. 18 feb. 1721. — *Onuphrius Episc. Castellanae Vic. Gen.*

Eruditissimi Operis *De Universi Juris uno Principio et Fine uno* a Johanne Baptista Vico V. C. latine conscripti Librum alterum, qui est *De Constantia Jurisprudentis*, Em. V. nutu quam adtentissime perlegi. Eum si Priori similem dixerim, sa- tis commendarim: scilicet et stili elegantia, et rerum gravita- te, solidaque eruditione undequaque absolutum adfirmaverim. Profecto suam, quam in Priore Auctor dederat fidem, hoc Po-

(a) Ecclesiae Neap. Theologus eximius, Curiaeque Archiep. Examiner.

(b) In Regia Universitate Neap. primarius Juris Pontificii Antecessor.

steriore liberavit: nimirum complura, quae in Priore indicaverat tantum, hoc Posteriore, ut pollicitus fuerat, fusiori oratione plane demonstrat. Multa quidem dicenda occurrerent, quo meam de tanto Opere sententiam aperirem: sed enim, ne ultra mallem loqui audeam, quamquam invitus reticeo. Illud vero haut est silentio praetereundum: Auctorem vere pium, vere Catholicum, ultra vel supra morem caeterorum de Metaphysicis aut Philologicis scribentium, omnes sui ingenii nervos intendisse, ut uni Catholicae Religioni, quae suprema laus est, adlaboraret. Librum ergo ad Christianae Fidei, Christianaevae Ethicae amussim tantopere exactum, dignissimum censeo qui publici juris fiat: dummodo Em. V. auctoritas non desit. Datum Neap. XIII Calendas septembres anno Christianae epochae MDCXXI.

Julius Nicolaus Tornus.

R. U. J. D. D. Nicolaus Galitia relationem faciat in scriptis. — *Mazzacara Reg. Ulloa Reg. Alvarez Reg. Giovane Reg. Falletti Reg.* — Provisum per S. E. — Neap. 18 augusti 1721. — *Athanasius.*

Librum alterum Jo. Baptistae Vici, cui titulus *De Constantia Jurisprudentis*, mandato Excellentiae Vestrae lubens legi, nec quidquam nota dignum in eo inveni, quod Regia aut Caesarea jura imminuat; quamobrem typis demandandum censeo, eo magis quod opus Sapientiae studiosis, qui supra vulgus sapere cupiunt, multum emolumenti afferre poterit, quum ad verborum etymologiam penitissimas philosophiae rationes miro ingenii acumine, philologiae ac juris scientissimus Auctor, adnectere sciverit, ex iisque veritates eruerit, quas nemo unquam attingere ausus fuit. Neap. X Kal. sept. A. a reparata salute MDCXXI.

Nicolaus Galitia.

AD NOTAS IN DUOS LIBROS DE UNIVERSO JURE.

R. D. Julius Nicolaus Tornus U. J. D. revideat et referat. — Neap. 5 junii 1722. — *Onuphrius Episcop. Castellanae Vic. Gen.*

Notae in duos Libros, alterum *De Universi Juris uno Principio et Fine uno*, alterum *De Constantia Jurisprudentis*, auctore Johanne Baptista Vico, nuper editos, ab eodem adornatae, quas Em. V. jubente, quanta valui, animi adtentione perlegi; clarissimi Auctoris ingenium, eruditionem, accuratam rerum philologicarum meditationem, et metaphysicae intimos successus sapiunt: in iisdem Libris tradita explanant, illustrent et invicte comprobant; Catholicae Fidei zelum, nedum integritatem, ac rectam morum disciplinam praeseferunt. Omnia ergo convenire videntur, ut Em. V. auctoritate communitae quam ocissime typis mandentur. Datum Neapoli VIII Eidus julias Aerae Christianae anno c1010ccxxii.

Julius Nicolaus Tornus.

U. J. D. D. Nicolaus Galitia videat, et in scriptis referat. — *Massacra Reg. Ulloa Reg. Giovene Reg. Pisacane Reg.* — Provisum per S. E. — Neap. 6 juliü 1722. — *Athanasius.*

Tuum mandatum, ut jus est, exequuturus, Joh. Baptistae Vici *Notas in duos Libros, alterum de uno Universi Juris Principio, alterum de Constantia Jurisprudētis*, libentissime perlegi, et in eis nihil offendi, quod Regia jura laedat. Verum perspicacissimi Auctoris in his Notis admiratus sum solertiam, qui firmis rationibus et luculentissimis veterum scriptorum testimoniis cuncta in suis commentariis contenta, quae dubia aut obscura quibusdam videbantur, constabiliavit et explanavit, uberesque fontes aperuit, a quibus unusquisque aquam sapientiae salutare haurire poterit: quamobrem, cum hoc opus valde utile futurum sit legentibus, existimo ut quantocius typis vulgetur, si alia non fuerit mens Eminentiae Vestrae. Neap. Eidib. augusti MDCCXXII.

Nicolaus Galitia.

CENSURÆ EXTRA ORDINEM

D. Didacus Vincentius a Vidania, Regius Cappellanus Major, Praefectus Universitatis Neapolitanae, a Consiliis Catholicae Majestatis,

D. Jo. Bap. a Vico Neapolitano, Professore Regio meritissimo.

Ingeniosam a Te (Cl. V. et Kar.) recitatam Orationem (a) perlegi, in qua Eloquentiae Sophum, Professorem vere Regium (b) ita miratus sum, ut ex Dissertationis elegantia, candore, Orationisque nervo, tuam esse, absque nominis inscriptione, dubio procul agnoscerem. Nova producis, doces, illustras: cuncta placere dicerem, nisi levissimum scrupulum Tibi proponendum ingenua litterarum societas compelleret. Docilem in Te sapientiam expertus sum; ne quoque celeberrimae nostrae Academiae Praefecturae munus, erga Te etiam summus

(a) Dissertationem de Nostri Temporis Studiorum Ratione cum Antiquorum collata, publice habitam in Regia Universitate Neap. ac typis editam Anno MDCCIX, in qua aliquot de horum Librorum argumento sunt inchoata; inchoata, inquam, quia nondum harum rerum Principium, quod a multis jam ante annis vestigabam, inveneram.

(b) Alludit ad eam Dissertationis partem, qua proponebamus, Artem Juris Imperatorii interpretandi ex aequitate civili ad nostri temporis Monarchias accommodata: quam indicavi Lib. Priore, Cap. LXXXIII, et de ea Arte specimen quoddam etiam dedimus: quam utilissimam probabat in primis Cl. Vir Henricus Brenckmannus, doctissimus Jurisconsultus Hollandensis, in sermonibus, quos super ea re Florentiae, dum ibi Mediceum Pandectarum Codicem recitabat, novis Lectionem Florentinam Notis adornaturus, habuit cum Cl. V. Antonio Rinaldo Neapolitano, viro ornatissimo ac disertissimo causarum patrone.

amor, dissentire in aliqua ex tot elegantissimis a Te propositis thesibus, et veritatis ardor fateri cogit. Breviter me expediam. Tecum alloquor: Sapientibus indicasse sat est.

Pag. 26, 27, 32. Primaveos Jurisperitos, Patritios tantummodo fuisse asseris: ex quo a Te posito principio, tanquam Romanae Reipublicae arcano, plura et quidem acutissima deducis. At hoc non ita certum. Designatis chronologice temporibus evincam. Primi ab Urbe condita Legislatores, Reges illi septem fuere, qui pro libito imperitarunt, ad annum usque U. C. 245 (A. N. Chr. 509) quo Tarquinius Superbus ejectus est.

Eo anno et sequentibus Praetores (Consules postea nuncupati) Senatusque, Populo quasi spreto, leges condidere, Rogantium plerumque nomina praeseferentes, Juniam, Valeriam, Horatiam, Duiliam, Æliam, Corneliam, Iciliam etc. Plebs, ut a Patriciorum potentia liberaretur, Tribunos Plebis primos creavit L. Sicinium, L. Junium, Consulibus Sp. Cassio II. Posthumo Cominio II. U. C. 261 (A. N. Chr. 493), et Ædiles Plebis, eodem tempore, aut paulo post. Ex quo coepere clarius distinctiones inter *Patricias* Familias, quae a Quaestura ad Consulatum initio transibant; et *Plebejas*, quae Tribunatum et Ædilitatem Plebis exercebant. Tertiam speciem postmodum Familiae *Mixtae* constituerunt; illae nempe, quae cognominibus agnoscebantur, Patritiae ne, an Plebejae essent. Exempli gratia: *Atiliū* Longi Patritii; *Atiliū* Bulbi, Calatini, Reguli, Seriani, omnes Plebei. Familia *Lucretia*, in Tricipitinis Patritia; in Trionibus Plebeja. Ex quibus concludendum est, haberi primis temporibus pro regula, ut Familias (et ex eis Jurisconsultos) Patricias Plebejasve distinguamus, ex Tribunatu, aut Ædilitate Plebis gestis censere. Etenim neque Senatores Plebejos ad ea munera admiserunt, notante Valerio Maximo et Gellio; tanta fuit Plebejorum cum Patritiis aemulatio. Novae autem, quae postea Magistratibus clarae factae sunt, omnes Plebejae; Curulibus vero honoratae, illustriores habitae.

Caeterum U. C. 303 (A. N. Chr. 451) Decemviri electi (quorum caput Ap. Claudius Sabinus, ex Patritiis minorum gentium; reliqui fere omnes Plebei) ad leges condendas, ut eas in duodecim Tabulis (vere aeneis, non eboreis, roboreisve) inciderent, triennio quasi elapso, tyrannidis specie morantes, abdicare coacti sunt. Exinde illis legibus, aliisque, quasi annuatim, auctis, Sacra, Publica, Privata, recepere incrementa. Hermodoro Ephesio, Atheniensium legum Interprete, et Papyrio illo Juris Papyriani collectore, omissis, ad rem accedamus; examinando, an primi Jurisconsulti Patritii, an Plebei fuerint. Antiquiores serie Magistratuum gestorum proponam.

App. Claudius Caecus (II. dictus, habito respectu ad Decemvirum Legumlatorem) Consul fuit, cum L. Volumnio Flamma U. C. 447 (A. N. Chr. 307). Is, ut dictum est, Patritius fuit.

Quae de Tertio Ap. Claudio notavit Cl. V. Jac. Gothofredus, plusquam incerta esse, alibi indicabam.

Cn. Flavius, Tribunus Plebis, Coss. Q. Marcio Tremulo, P. Cornelio Arvina, U. C. 448 (A. N. Chr. 306) Fastos Plebi promulgavit, cum magna Senatus, Nobiliumque indignatione. Ex Macro Livius, Cicero, Pomponius J. C. Ædilis Plebis sequenti anno factus. Hinc, arcano Patritiorum detecto, tot processere Jurisconsulti, fere omnes Plebei; tantum abest, ut Patritiorum peculiare esset munus, ut ex dicendis liquido apparebit.

P. Sempronius Longus, Sophus postea dictus, Tribunatum Plebis bis, Ædilitatemque exercuit. Consulatum obtinuit, Collega P. Sulpicio Saverione, U. C. 450 (A. N. Chr. 304). Triumphavit de Æqueis. Magister Equitum factus est. Is conjugem *Reputi nota affecit, nihil aliud quam, se ignorante, ludos ausa spectare.* Capitolinus, Livius, Val. Max.

Ti. Coruncanius, Tribunus Plebis ter, Ædilis Plebis, Consul, U. C. 474 (A. N. Chr. 280) cum P. Valerio Laevino, et triumphavit. Primus ex Plebeis Pontificatum Maximum adeptus est, et Dictator factus. Livius, Capitolinus, Zonaras, Gruterus.

Q. Mucius Scaevula, Augur, his temporibus, vindicando Pomponium J. C., adnumeratur a Cujacio, Jurisprudentiae vere princepe. Textum innumeri ex nostris emendant; et ex horum serie Scaevulam expungunt. Ejus Praeturam assignat eruditus Vir ad annum U. C. 539 (A. N. Chr. 215), quo Sardiniam Provinciam sortitus est. Ædilitatem Plebis ab eo gestam, ex Plebeis fuisse pronunciat L. Cincius Alimentus, celeberrimus Historicus et Jurisconsultus; Tribunatum et Ædilitatem Plebis cum antea gessisset, Praetor Siciliam obtinuit U. C. 544 (A. N. Chr. 210) Coss. M. Valerio Laevino IL M. Claudio Marcello IV. Plura de eo Livius et Vossius.

P. Licinius Crassus Dives, alterum tuae Dissertationis etiam effatum (a) pungit. De eo Livius (L. XXX in prin.): *Facundissimus habebatur, seu caussa oranda, seu in Senatu et ad Populum suadendi ac dissuadendi locus esset: Juris Pontificii peritissimus. Super haec bellicae quoque laudes Consulatus competentem fecerunt.* Et licet, post alios, Guil. Grotius verba illa ad P. Sempronium Sophum detorqueat; alibi de P. Licinio in-

(a) Ubi disserebamus, ex Reipublicae Romanae instituto Jurisprudentiam et Oratoriam divisas esse: et siqui Jurisconsulti in causis orandis versarentur, ut tamen constarent, juris civilis rigorem in iis causis adversus naturalem acquiratam tuebantur. Et Illustrissimo Praefecto respondebam, Crassum Divitem incidiase in ea tempora, quibus, jam praevalida Plebis parte, in regnandi artibus apud Populum jam illa erat, de qua Auctor *Corruptae Eloquentiae* scribit: *Nemo Romae potens, quin eloquens.* Sed nihil vetabat quin ipsum joris rigorem facunde defenderent; ut Servius Sulpicius contra Moraenam praestitum credibile est: quem eloquentissimum vel una illa incomparabilis ad Ciceronem Consolatio testatur, quae omnium, quotquot usquam scriptae sunt, est absolutissimum exemplar.

telligenda evincemus. Pontifex Maximus creatus est U. C. 542 (A. N. Chr. 212). Q. Fulvius III. Ap. Claudio Pulchro Coss. Post Ædilitatem, Censuram et Praeturam, Consul factus, Collega P. Cornelio Scipione, U. C. 549 (A. N. Chr. 205) ex Livio, aliisque discimus. Inter Licinios, fuisse cognomine Crassos Plebejos, ex nummis ipsis colligimus, claros tamen, Curulibusque insignes Magistratibus.

P. Sempronius Tuditanus, ex illustri, Plebeja licet, Familia, post Ædilitatem, Praeturam et Censuram fasces obtinuit Consulares absens, Collega M. Cornelio Cethego, U. C. 550 (A. N. Chr. 204). Plura de eo Livius.

P. Ælius Paetus, sicuti et Frater, de quo proxime, Plebejae fuit Familiae, Pater Quintus, Avus Publius, Proavus Cajus, Tribunatum Plebis gessere. Ultimus Consulatu genus nobilitavit secundo: Avus ejus Publius primus e Familia Consul fuerat, U. C. 418 (A. N. Chr. 336). Ad rem de P. Ælio Jurisconsulto. Augur, Tribunus et Ædilis Plebis, Praetor; Dictator Comitiorum habendorum causa; Consul denique, Collega Cn. Cornelio Lentulo U. C. 553 (A. N. Chr. 197) ex Livio discimus, qui et mortui annum assignat.

Sex. Ælium Paetum, *Catum* dictum ab Ennio, hoc est *Acutum*, Ædilatam Curulem gessisse, U. C. 554 (A. N. Chr. 200) Coss P. Sulpicio II. et C. Aurelio, Livius notavit, et Consulem factum cum T. Quinctio Flaminio, U. C. 556 (A. N. Chr. 198). Censuram quatuor post annis administravit.

M. Porcius Cato Censorius, aut Censorinus, post Ædilitatem Plebis et Praeturam, Consul factus est U. C. 559 (A. N. Chr. 195) cum L. Valerio Flacco. Alibi Patriae memorias concinnavi; ubi Catonis gesta in Hispania Citeriori persequor. Censor et Augur fuit. Late Plutarchus, Livius, Pomponius, etc.

Filius M. Portius Cato fuit Tribunus Plebis. Cum Praeturam ageret U. C. 602 (A. N. Chr. 152) mortuus est, et ipse primi nominis Jurisconsultus. Caeteros non persequor: sufficiunt hi, quia multi, quia primi; et aliqui a Pomponio J. C. omissi (a).

(a) Huic honorificentissimae Epistolae Illustrissimi Praefecti, multis et magnis nominibus de Republica Literaria optime meriti, de nostra Regia Universitate cum maxime, de me autem humanitate et beneficentia praeter ceteros, tunc in praesentiarum respondi iis, quae postea scripsi Lib. priori, Cap. CLXXI, a pr. usq. ad § *Hinc aperiuntur*. Sed Viri omnis divinae et humanae Eruditionis, Rerum Romanarum, Romanique Juris ad miraculum usque doctissimi, haec una oppositio mihi ad Principia Juris Romani vestiganda jam mea sponte currenti stimulos pungentissimos addidit; et dum de Arcana Jurisprudencia Rom. altius latiusque cogitarem, causam illam tandem inveni, quam Aristoteles in *Politica* disertissime quidem docet, esse propriam Reipublicae Optimatum notam, *Custodiam legum*; sed omnes, qui de re civili scripsere, eam custodiam putarunt esse, qua vulgo leges in omni Republica servandas curant. Sed enim, re ab origine repetita, inveni *Regna Heroica* fuisse *Regna Optimatum*; et *Romanum Regnum* fuisse *Heroicum*; et sic *Custodiam Legum*; quam notam *Aristoteles* consignat Optimatum Reipublicae, comperi esse ipsissimum *Jus in la-*

Vale, Reipublicae Litterariae, nostraeque Universitatis incremento. Barcinone, VI Kal. maii MDCCIX.

Molto Rev. Padre, Sig. e Padron mio Osservandissimo (a).

Il disegno del Libro del signor Vico mi ha fatto molto piacere, perchè propone molte cose belle e curiose. Ma è difficile di ragionare sopra un disegno, quando le prove non sono messe appresso; e molto più intorno una materia che l'Autore deve aver meditato meglio che qualsisia altro. Di modo che piuttosto per contentarla, che per altro, le voglio dire quanto mi è venuto in mente leggendolo.

Primieramente sto curioso di vedere, come l'Autore, trattando della ragione umana corrotta, la possa connettere con la moral Cristiana, a far quella principio di questa (b).

Se Iddio sia il fine della virtù, che vuol dire, se sia il sommo bene, è stato contrastato in Germania dal sig. Cristiano Thomasio, il quale dice che la tranquillità dell'animo sia il sommo bene; ma questa tranquillità non si trova che con Dio e in Dio: e desidero che l'Autore il dimostri (c).

Ulrico Hubero nelle sue Prelezioni delle Istituzioni ha mostrato che la divisione della giustizia in aritmetica e geometrica non è adeguata, come anche la commutativa e la distributiva (d).

Non tutti i Romani hanno fatto attenzione alla Litteratura Eroica, che dice l'Autore, ma solamente gli Stoici, che si divertirono con questi giuochi di parole (e).

Quello che dice l'Autore dell'uso della Lingua Eroica, è una bella osservazione, che si trova fondata in molti passi dell'istoria; perchè anche fra i Tedeschi, i Sacerdoti soli intende-

tenti, jus incertum, manum Regiam Pomponii. Quare Lib. priori, Cap. CLXVII, dicebam: Argumentum de Jurisprudencia Arcana Romanorum non solum Romanis Rebus, Romanaeque Jurisprudenciae, sed universae Historiae, universaeque Eruditioni afferre luculentissimam lucem. Itaque hujus Lucubrationis bona et magna pars Illustrissimo nostro Regiae Universitatis Praefecto est accepto referenda; cujus oppositionum gravissima auctoritas ad haec omnia in hunc Libris dissertanda magno mihi fuere incitamento.

(a) Ad Rev. Thomam Alphanum e Sacra Praedicatorum Familia, virum eruditissimum, qui nunc adornat Collectionem Conciliorum, quae ab primis usque Ecclesiae temporibus in Regno Neapol. sunt habita; opus Ecclesiasticae Doctrinae lucem quamplurimam allaturum.

(b) Demonstratur Lib. I a Cap. X usque ad Cap. XLIII, et Lib. II, Part. I, Cap. IV, et Cap. IX, X, XI, XII, XIII, XIV et XVI.

(c) Demonstratur tota ferme I Parte Lib. II.

(d) Vindicatur Lib. I, Cap. L de duplici Societate, seu potius Communionem rerum, cum decem seq. et Cap. LX de duplici Societate Personarum, inter rectos hominum, usque ad Cap. LXXXVIII.

(e) Huic objectioni satisfiit Lib. I, Cap. CLXXVIII de Characteribus Heroicis, Cap. CLXIX de Lingua Heroica, Cap. CLXX de Etymis Heroicis, et Lib. II, Part. II ferme universa.

vano *Litterarum secreta*, come dice Tacito, e i Legisti dei Romani antichi hanno avuto certi caratteri e certe formole per loro, che gli altri non intendevano (a).

In questa e in molte altre cose mi piace lo spirito e l'erudizione dell'Autore; ma io spero che il Libro stesso spiegherà la sua mente in molte cose, che la brevità di questo disegno reude scure.

Mi raccomando al suo solito favore, e le bacio affettuosamente le mani, ec.

Roma, 31 agosto 1720.

Luigi di Ghemminghen (b).

Illustriss. Signore, Signore e Padrone Colendissimo (c).

Mi è giunta la cortesissima di V. S. Ill. insieme col prezioso regalo del dottissimo Libro del signor de Vico; il quale ho divorato con avidità grandissima, essendo per tutto ripieno di considerazioni sode e nobili, e tessuto con maraviglioso ordine e chiarezza. Ci dà speranza in esso della seconda Parte, la quale non ho dubbio che da chi ha avuto il saggio di questa, non sia aspettata con impazienza.

Priego V. S. Ill. a rappresentare all'Autore degnissimo la mia obbligata devozione, e portare i miei umili ringraziamenti accompagnati da un vivo desiderio che ho di servirlo: e sup-

(a) Rem acu, ut ajunt, tetigit Cl. V. quum et argumentum de *Lingua Heroica* probavit maxime; et ab ea *arcana* Romanorum Jurisconsultorum *Formulas* trahere originem censuit: nam *Lingua Heroica* mihi Caput fuit, unde *arcana* Romanam *Jurisprudentiam* accersivi. Et gratissimus est Taciti locus de *Litterarum secretis* inter *Germanos*; ut cum hac antiquissima quoque natione praeter *Chaldaeos*, *Aegyptios*, *Hebraeos*, *Graecos*, *Druidas*, ultimos usque *Scythas* ac *Aethiopes*, et dissociatos *Sinenses*, qui etiam nunc hanc *Heroicam Litteraturam* custodiunt, atque adeo cum primis gentibus omnibus in hunc *Heroicum morem* convenisse *Romanos* constet. Et ab hac *Lingua Heroica* potissimum ubique terrarum primum *Clientelas*, deinde *Regna Heroica*, sive antiquissima *Regna Optimatum*, quorum propria nota est, apud *Ordinem Custodia legum*, provenisse confecimus. Ut de hac *Lingua*, de his *Regnis*, qua ratione *Lyram Apollinis*, *Mercurii*, *Orphei*, *Amphionis*, *Lyri* exposuimus, accipienda illa sit Poëtarum locutio, qua *Lex*, *Lyra Regnorum* vocata est: et ex hoc Regnorum genere *Romanum* fuisse probavimus: quod in libertatem mutatum, hanc Optimatium mixturam retinuit, ut si non amplius ordo leges, actionum *formulas* saltem *Jurisconsulti* principio omnes *Patricii* haberent *arcanas*.

(b) Hic nobili genere Baro Westphalus heic Neapoli multam Sacrae Doctrinae et Linguarum eruditionis famam reliquit: cujus hasce literas paucis ante diebus dum priores (*) Epistolas typis darem, per eam occasionem Cl. Alphani mihi legendas exhibuit. Quapropter eum rogavi, ut meo nomine salutaret, et gratias maximas ageret, quod Synopsim sua Censura cohonestarit.

(c) Ad Illustrissimum Marchionem Rinuccinum, genere, humanitate et bonarum litterarum ac literarum virozum studio sane commendandum.

(*) *Vicus* epistolam Ludovici Ghemminghenii suo in textu extremo loco exhibuit. Nos ceteris anteposuimus, nam ad Operis synopsim, quam jam antea Auctor italico sermone vulgaret, non ad Universale Jus pertinet.

plicandola instantissimamente a compartirmi l'onore de' suoi riveriti comandi, mi rassegno devotamente, ec.

Firenze, 3 dicembre 1720.

Antonio Maria Salvini (a).

Signore e mio Padrone Colendissimo (b).

Nei giorni caduti passò all'altra vita un Cavaliere Spagnuolo, il quale dopo parecchie funzioni d'Inviato e d'Imbasciatore, ha fatto più volte la sua dimora in questa città, aspettando gli ordini della Corte per qualche altro ministero. Mercè le grandi sue virtù e meriti, tanto in riguardo del pubblico, quanto del privato, egli è stato compianto universalmente; ed alcuni suoi amici, Ottimati Genovesi, gli hanno fatto porre sulla tomba l'epitafio che qui acchiudo, e che per l'appunto mi fornisce l'occasione d'importunarla con questa lettera. La questione sta in sapere, se *Ordo Populusque Genuensis* significhi latinamente ed elegantemente la *Nobiltà e il Popolo Genovese*. Alcuni hanno preteso che *Ordo* trovandosi solitario e da altro epiteto distintivo sprovveduto, non importi più l'ordine dei Nobili, che di un altro genere di persone. L'Autore all'incontro pretende che parlandosi di una Repubblica di Ottimati, *Ordo* in compagnia di *Populusque* non possa arrecare a una mente accorta altra idea, che quella di Nobiltà. Ma quello che più d'ogn'altra cosa il conferma nel suo sentimento, si è l'autorità dell'eccellentissimo Espositore del Jus Universale, Gio. Battista del Vico, il quale nel suo stimabilissimo trattato *de Universi Juris uno Principio et Fine uno*, ben venti volte si serve della voce *Ordo* in quella significanza, principalmente alla carta 100. *Rom. Civitas erat Ordo et Plebs; Ordo qui imperaret, Plebs quae pareret.*

Per vero dire, questa sola autorità corroborata dalla ragione è bastata all'Autore e a quei Cavalieri che hanno fatto scolpire l'epitafio. Supplico ora umilmente V. S. di avvertirmi se io avessi preso abbaglio, per disingannarmi con la cortese sua risposta: e baciandole riverentemente la mano, mi dedico, ec.

Genova, 11 maggio 1721.

Goffredo Filippi (c).

(a) Cujus oppositionibus, quas ad eruditissimum virum Franciscum Vallettam scripserat, ut illac ad me permearent respondi, Lib. II, Part. II, Cap. XXI, § *Ab hac eadem*, et § *Quapropter*.

(b) Ad Illustrissimum Paullum Matthiam Dorian, virum sublimis Philosophi fama per universam ferme Europam satis ampliter pervagata.

(c) Cui, uti et amplissimis Genuatibus Patriiciis, qui me eo suo praeclarissimo judicio exornarunt, per ipsum Cl. V. Paullum Dorian gratias egi magnas, et heic habeo maximas.

Gentilissimo Amico e Signor mio.

Ricevetti a dì passati la seconda parte della dotta Opera da V. S. composta de *Universi Juris uno Principio et Fine uno*: e perchè, essendo io più volte venuto in sua casa, non ho avuto la ventura di trovarvela, e sono stato privo dell'onore di sua presenza nella mia, ho riputato mio debito renderle con questo foglio le maggiori grazie che debbo per sì pregiato dono e per l'amorevolezza dimostratami. Com'ebbi il libro, mi posi attentamente a leggerlo con mio grande piacere ed utilità. Per certo egli è un di que' rari volumi che quanto più si volgono, sempre nuove lor bellezze danno ad ammirare. Voi, signor Giovan Battista, gloriari vi potete non solo di avere inutile renduto ciò che per l'investigazione del Diritto naturale e delle genti scrissero Beclero, Guglielmo Grozio, Seldeno, Puffendorfio ed altri, ma di avere fornita quella grande Opera che ombreggiò e sforzossi di fare il dotto Ugon Grozio nel suo trattato *de Jure Belli et Pacis*. Loda ben degna di voi, che gareggiate con lui nella profonda lezione de' Filosofi, Giuristi, Storici, Poeti ed Oratori, ma lo superate nella Metafisica. Senzachè egli non poche cose tolse da Baldassare Ajala, che scrisse *de Jure, Officiis Bellicis et Disciplina Militari*: e l'immagine con altre assai cose tolse da' tre libri *de Jure Belli* scritti da Alberigo Gentile Anconitano: ma a voi è stato sol di ajuto la vostra gran mente. La quale ha in sè abituato un sì saldo e luminoso raziocinare, che quanto investigar vi brigate intorno alle più antiche età, lo rinvenite con tanta felicità, che par proprio che voi foste in ciascuna di esse fiorito. Gran ventura di noi, e di coloro che verranno, da che per lo vostro libro ci possiamo dar vanto di avere chiaramente veduto tanti e sì intrigati fatti di tempi lontanissimi, senza essere sottoposti allo scempio degli anni. Mi permetta la modestia di V. S. che io alquanto più mi distenda. Avete tolta ed egregiamente fornita una impresa non ancor tentata da Teologo e Metafisico veruno; imperciocchè dimostrano costoro l'esistenza di Dio dall'esistenza delle sustanzie; ma voi con lume non men evidente il dimostrate dall'indifferenti modificazioni, cioè dall'idee e fatti di coloro che fondarono l'antiche ragunanze, repubbliche, imperj e leggi; e per quantunque regnasse fra lor sovente il disordine e lo scompiglio, pur voi sempre vi ravvisate un raggio di ordine bastante a manifestare l'infinito ordine, che si è Dio. A ragion dunque egli è da affermare che a voi dee molto la Giurisprudenza, perocchè l'assimigliate alle più nobili facultà, che sono la Teologia e la Metafisica, dandole il medesimo Principio ed ultimo Fine. Vi dee la Poesia il conoscimento della sua vera origine, la Mitologia il rischiaramento, la Filologia la consonanza ed unità, ond'ella ne acquista tanta certezza, che può annoverarsi

fra le scienze. Vi dee (siami lecito così dire) la Religione, da che stabilite con irrefragabile chiarezza le sue fondamentali verità, e strozzate l'insano Ateismo. E finalmente vi dee l'Italia, perocchè manifestate col solenne testimonio della vostra immortal Opera il lodevolissimo costume, che ne' Letterati di essa e specialmente della nostra Napoli fiorisce; ciò è di fare l'umana dottrina serva della Cattolica credenza, e dirizzare la mente armata di umile e pio acume a trovare e rischiarare (quando però e inquanto all'umano intendimento è ciò permesso) le verità che quella n'insegna: nel che il vero sapere consiste. Taccio la bellezza del vostro stile che ravviva il tempo di Augusto, e taccio altre considerazioni, parte delle quali le riservo alla viva voce; perocchè a voler dir tutto più tosto mancherebbe il tempo, che le cose. Raccogliete intanto l'ampie laudi che a gara tutt'i Dotti vi daranno, mentre io bramoso di vedervi, e dell'onore de' vostri comandi, vi bacio la mano, ec.

Casa, a dì 15 agosto 1721.

Agnello Spagnuolo (a).

Joannes Chiajesius (b) Nicolao Jeremiae suo S. D.

Ex quo tantopere commendasti, Nicolaë non mihi modo, sed et Musis charissine, opus egregium Viri usquequaque literati, Johannis Baptistae Vici, ingens me cupido incessit in tuae esse admirationis parte, ipsa, quam propediem pollicebaris, optimi libri lectione, Auctore jam sub manu editionem habente. Augerat desiderium inscriptio; idem propemodum, aut certe affine, quod mea Ἀρχαιοφρονολία, praeseferebat argumentum; nec gravabar, quod huic anteverteret, et locum, ne primus novae Commentationis, et jampridem a me occupatae Auctor essem, praeiperet: quin mihi vehementer gratulabar, quod ille conspiraverit mecum, tantumque virum antesignanum, ducemque haberem. Has habui caussas, cur saepius te interpellaverim, ut quam ocysime librum mitteres, cujus lectione possem aetivis hisce diebus in hoc suburbano, ab amicis, librisque fere omnibus procul, moram trahere longiorem. Jam enim solitudinis inertisque oculi adeo pertaesum erat, ut, spretis medicorum praeceptis, de remigrando in urbem, crebro cogitarem. Sed ecce tibi, quae me taedio omni levarunt, et in secessu continuaverunt, jucundissimae literae tuae, cususque liber, adhuc typographicâ operâ calens, quam confestim avide legi et devoravi. Et, mirum, quantum admirationis voluptatisque percepe-

(a) Vir summis praeditus literis, Italicae Poëseos laude antiquis cultioribus comparandus, et Metaphysica scientia in primis clarus.

(b) In Regiae Universitatis Neap. Numeris Antecessor juris, doctrina et eruditione consummatissimus.

Am! Perfecisse Auctorem animadverti, quod Cicero libris de *Legibus* desiderabat. Non ille ex duodecim Tabulis, ut Sex. Ælius, aliisque superiores, neque a Praetoris edicto, ut plerique suo aevo, sed altius, et, ut ipse ex persona Pomponii Attici, a capite Jus Civile accersivit, disciplinamque ejus ex intima hausit Philosophia; quod profecto munus est optimi Jurisconsulti, et qui aliter jus illud tradit, in tenui Jurisconsulti officio versari, ait. Verum, hoc neglecto munere, ad altiora majoraque aspirans Auctor, illud longe praestantius inire voluit, promittitque ipsa libri inscriptione, *De uno Universi Juris Principio et Fine uno*. Quam longe lateque pateat haec suscepta provincia, in Universali occupata Jurisprudentia, vel ipso libri titulo animadvertis, quo idem pollicetur, quod sic eo loci Cicero: *Sed nobis ita complectenda in hac disputatione tota causa est Universi Juris, ac legum, ut hoc Civile, quod dicimus, in parvum quemdam et angustum locum concludatur*. Intra hos Romani Juris cancellos, angustiasque ille se continere noluit; non quod jus istud aliis aliarum civitatum juri-bus collatum minime amplum magnumque sit; sed quod collatum cum Jure Universo, maximi et amplissimi Juris quota sit portio; quemadmodum Respublica Romana Universali mundanaeque comparata Reipublicae (a). Audi Senecam: *Duas Respublicas animo complectamur; alteram magnam, et vere publicam, qua Dii atque homines continentur; in qua non ad hunc angulum respicimus, aut ad illum, sed terminos Civitatis nostrae cum Sole metimur: alteram, cui adscripsit nos conditio nascendi*. Magno animo Auctor magnam hanc complectens Rempublicam, magnitudinem ejus Legis ac Juris contemplatur, admiraturque. Nihil enim contemplanti admirabilius, testimonio Manilii:

Nec quicquam in tanta magis est mirabile mole,
Quam ratio, et certis quod legibus omnia parent.

Hinc ad ejusdem Reipublicae, magnique Juris Condito rem gradum faciens, et in pulcherrimas aeternasque ejus mentis ideas (b), pro humano captu, animum intendens, rutilantem illam Justitiae Jurisque agnoscit, itidemque uberrimum Universi fontem Juris, cui caeli, terrae, maria, elementa, et quae his continentur, obtemperant, undeque minora jura deducuntur; adeoque ad ipsum fontem digitum intendit cum Ciceroniano Scipione qui jus dicebat de Justitiae fonte manasse; et cum Ulpiano, qui per speciem etymologiae et more Stoico affirmat,

(a) Cujus communionem in Prima Universae Tractationis Parte, Lib. I, pag. 17, demonstratur esse communionem veri, qua homo cum omnibus intelligentiis communicat. Unde eod. Lib. demonstratur, Cap. XLIV, *Jus esse in Natura*, et Cap. seq. *Hominem esse naturam socialem*.

(b) Quod jura sint ex genere rerum aeternarum supra Corpus, quales Plato statuit *Ideas*. Lib. I, Cap. CLXXXV, § *Neque omnes*; et Lib. II, Part. II, Cap. XX.

juris nomen a Justitia descendisse, hoc est, ab ejus idea, quam Platonici ipsam Justitiam vocant; estque vera et altissima juris omnis Origo, tradita libro primo Pandectarum titulo primo, cujus prior pars inscripta est de Justitia. Et quidem optima methodo, qua decebat, ut summum Caput juris in ipso librorum capite esset collocatum; eademque viâ et ratione primus titulus primi libri Codicis inscriptus est de Summa Trinitate, etc.; quia Christiana Religio aliam veram Justitiam, aliudve summum Caput juris non agnoscit, nisi summam Trinitatem (a); in cujus lucis libro leges scriptae sunt recte vivendi, et inde a Legislatoribus haustae, adstipulante Augustino, 14, de Trinit. 15, cujus verba digna relatu sunt: Ubinam sunt istae regulae scriptae? ubi, quid sit justum et injustum agnoscit? ubi cernit habendum esse, quod ipse non habet? Ubi ergo scriptae sunt, nisi in libro lucis illius, quae Veritas dicitur, unde omnis lex justa describitur? etc. Quae vero justitia finis est juris, non illa est, sed illius imitatio effigiesque, crebris justis, illique similibus factis, habituque voluntatis expressa, et quidem mutabilis; sive hominis voluntatem spectaveris, quae in dies et horas mutatur; sive ejus habitum, qui vix quidem et aegre deletur, non autem est indelebelis, constans, perpetuus, vicio humanae imbecillitatis: atqui illa aeterna est, immobilis, immutabilis, praestantia et constantia Divinae Mentis. Quamobrem haec definita est illic ab Ulpiano, Constans et perpetua voluntas, et proposita a Triboniano et Compilatoribus, ut esset exemplar, ad quod quisque, tanquam ad Cynosuram, respicere debeat, habeatque optimum, quod sequatur, tametsi non assequatur; prima enim sequentem, honestum est in secundis tertiisque consistere, et magna sunt ea, quae sunt optimis proxima. Itaque respicit ad hanc cum primis Legislator condendo leges, dein eas exequendo Magistratus, interpretando respondendove Jurisconsultus, cives obtemperando: quorum varia licet sit imitatio, unam tamen eandemque refert Justitiam Archetypam: sed quam formant obtemperantes cives imaginem, ea sola finis est juris; quam vero exprimit Legislator suis peculiaribus legibus, vel secundum illas Magistratus jus dicens, vel respondens, interpretansque Jurisconsultus, haud finis juris est, sed ad hunc finem adipiscendum obtinendumque, instrumentum (b). Nulla ergo harum imaginum ipsissima Justitia est, quam finivit Ulpianus, et ab omnibus spectandam proposuit Romanus Legislator initio suae Nomothesia; cujus votum fuit, ut quisque contenderet ad eam, et inde imaginem ejus duceret, quo pulchrior, ac similior esset exemplari, haud ignorans, paucis, quos ae-

(a) Quod aeterna stirps Universi Juris sit Dei Opt. Max. Natura, Posse, Nosse, Velle Infinitum, Lib. I a Cap. II.

(b) Quod omnes alii, praeter Deum, fines juris, sint media, quibus hominem a se impulsam ad se circumagat Deus, ut per Universam Tractationem probatur.

quus amavit Jupiter, id datum; iccirco multitudini, cui negatum, suis legibus descriptam Justitiæ imaginem, cognitu facilem, omnibus obviam exhibuit, ne difficultatis obtentu, ab illius cultu retraherentur, mediis contentus officiis, quæ laudabiles reddunt obtemperantes cives. An etiam laudandi sunt Jurisconsulti, qui solam justitiā in legibus descriptam venantur, germanam vero atque ideam ejus ignorant? Certe hoc dat Cicero primo *de Legibus* nemini, Jurisconsultos exagitans, qui magna professi in parvis versantur; et alibi Ser. Sulpicium commendans, qui *non magis Juris Consultus, quam Justitiæ* fuit, et quæ proficiscebantur a legibus semper ad æquitatem referebat. Et hæc, quam legibus opponit, æquitas, non alia est, nisi quæ nullis scriptis legibus continetur; non alia, nisi summa ratio insita in natura, atque confecta et confirmata in mente sapientis, jusque naturale dicitur a Paulo ad Sabinum, quod semper æquum et bonum est, nempe universe, illi soli notum Jurisconsulto, qui universam adeptus est Jurisprudentiam ex scientia divinarum et humanarum rerum, quarum sua æterna lege, jureque universo moderator est Deus. Ad hanc Legem, Universumque Jus mentis suae aciem, tanquam ad Caput et Originem omnis Juris, convertit Auctor, plane intelligens, quantum hæc origo illi præstet origini, quæ traditur sequenti titulo secundo *Pandectarum*, qui quoniam discrete inscribitur *de Origine Juris*, arbitrati sunt Interpretes, in eo omnem omnino originem tradi; *præcedentemque primum titulum* juris duntaxat finem indicare, et ob eam rem in ejus enarratione præstantiorem originem silentio transmisere. At Auctor maxime huic incumbit, aliamque, de qua titulo secundo, qui primi est appendix, secundæ notæ habet, et gradum duntaxat esse in ascensu ad germanam originem, persentit. Coepit enim ab Urbe condita, auctorem habuit Populum Romanum, profecta que est a quibusdam adjectionibus, et detractionibus factis juri communi, auctore Ulpiano, in l. 6. D. *de Justitia et Jure*. Atque adeo juris Romani οὐσία καὶ ἡγεμονικόν, proxime a jure communi universoque derivatum, altiore habet originem, æternamque, accuratori indagine sane dignam. Memini hac de re verborum Ciceronis ex secundo *de Legibus*: *Et hæc et alia jussa ac vetita populorum vim non habere ad recte facta vocandi, et a peccatis avocandi: quæ vis non modo senior est quam ætas populorum et civitatum, sed æqualis illius, caelum atque terras tuentis et regentis, Dei. Neque enim esse mens Divina sine ratione potest: nec ratio Divina non hanc vim in rectis pravisque sancendis habet; nec, quia nusquam erat scriptum, ut contra omnes hostium copias in ponte unus assisteret, a tergoque pontem interscindi juberet, iccirco minus Coclitem illum rem gessisse tantam fortitudinis lege atque imperio putabimus: nec si, regnante L. Tarquinio, nulla erat Romæ lex de stupris,*

iccirco non contra illam legem sempiternam Sext. Tarquinius vim Lucretiae, Tricipitini filiae, attulit: erat enim ratio profecta a rerum natura, et ad recte faciendum impellens, et a delicto avocans: quae non tum denique incipit lex esse, cum scripta est, sed cum orta est; orta est autem simul cum mente Divina. Quamobrem lex vera atque princeps apta ad jubendum, et ad vetandum, ratio est recta Summi Jovis. Commemini etiam ex Philippica XI concinnae definitionis hujusmodi: *Est lex nihil aliud, nisi recta et a Numine Deorum tracta ratio, jubens honesta, et prohibens contraria*. Non apparatus atque ornatus gratiâ dixit Cicero, nihil aliud, sed ut discluderet quicquid non est tractum a Numine, sed aliunde ascitum et accersitum: nec quia adjunctum est legi, iccirco cum illa confusum est; nam, ut ita dicam, adplumbatum est, non ferruminatum: quare ejusdem legislatoris arbitrio replumbari et abrogari potest, et magis favore, ut idem II de Legibus ait, quam re legis nomen tenet. Non ita vera lex, quae non a legislatoris arbitrio et auctoritate, sed ab aeterna Numinis mente profecta est; quae figi refigique nullo tempore, nulloque potest modo, vivitque vitâ Numinis sempiternâ; obliteratedisque tabulis, quibus continebatur, mutataque voluntate ejus, qui eam scripsit, deletaque Republica, cui scripta fuit, ipsa nihilominus permanet, aeternumque manebit in suo Principio, de quo scriptum est, *Εν αὐτῷ ζῶν ἦν*. Et hoc est, quod edisserit Auctor, et a vestigiis indagat; quandoquidem omnem mente dilucida Orbem collustrat, versatque omnia tempora vel obscurissima; et pleraque reticentiae tenebris obducta, novo lumine ab oblivione vindicat; nam in quibus omnis deficit Historia, in iis praesto est ei Philosophia (a); cujus alis ad sublimia et aeterna ascendit, Principiumque Juris invenit Universi; cujus semina, ceu sparsa quaedam vestigia in priscis Poëtarum sermonibus, in antiquissimarum Rerumpublicarum primordiis, in vetustissimarum Gentium moribus, et duodecim Tabularum fragminibus, quamplurimum Juris Primarum Gentium continentia, prae-lucente metaphysica face deprehendit; ut nihil dicere possis, quod in ea indagine non vestigatum reliquerit. Vide quantum a ceteris Originis Juris Civilis vestigatoribus distet! Illi in unis cunabulis et Urbem, et Jus Quiritum, velut geminam prolem simul vagivisse arbitrati sunt: hic nullam aliam juris Romani infantiam praeter imposititiam agnoscit; originemque ejus aeternitate metitur, aequalemque esse intelligit origini *Anus Faticidae Stoicorum*. Eapropter in suo optimo opere fundamenta non modo Romae transcendit, sed et aliarum, quae usquam et unquam fuerunt, civitatum vel ultimarum: et ne quidem in illarum consistit vetustissimis initiis; sed ultra progreditur ad

(a) Quod Historiam Juris Universi Philosophiae Principiis fundarint. Lib. II, Part. II.

segreges, primasque recens nati Mundi familias: inquitque in iis minima, obscuraque juris civilis semina, a natura quidem subserviente jacta, a principe vero natura humano generi praeclaro munere, auctore etiam Marciano, donata, hoc est, a Deo; qui verbis Senecae, *totus ratio est*, hujusque nobis donatam particulam nostri partem meliorem esse voluit: quique solus est Unum, solus Principium ὑπεροχικῶς, de quo Plato Pythagorissans in *Parmenide*; sed verius ipsemet suo pronuntiavit oraculo: Εὐὸς δὲ ἐστὶ χρῆσθαι. Et Johannis ore; Εἰμὶ τὸ Α καὶ τὸ Ω, ἀρχὴ καὶ τέλος (a): et ab omni uno, omnique principio suā eminentiā distat: de qua Dionysius Areopagita de *Divinis Nominibus* cap. 13, § 2: Εἷς δὲ, ὅτι πάντα ἐνικῶς ἐστὶ κατὰ μίαν ἐνότητα ὑπεροχὴν. Quamobrem veteres Theologi, quoties quid de Deo affirmabant, praepositione utebantur ὑπὲρ, et αὐτὸ, quam loquendi formulam explicat Pachymera in Paraphrasi ejusdem libri de *Divinis Nominibus* capite I (b). An non propterea dicam, eandem ferme laudem Auctorem inter Juris Interpretes promereri, quam prae aliis Evangeliorum Scriptoribus meritis est *Johannes*, qui Sacrosanctum, novumque Foedus, non a Davide, ut *Matthaeus*, non a Zacharia, ut *Lucas*, non a Praecursore, ut *Marcus*; sed ab hoc, quod dicebam, Principio exorsus est: Εἷς ἀρχὴ ὁ λόγος etc.: et ob id *Aquilae* a *Sacris Interpretibus* comparatur. Fas mihi sit analogiā quadam eandem comparisonem ad Auctorem optimi hujus operis traducere: cum videam alios Interpretes, qui Juris originem commentariis alioqui doctissimis ornavunt, non altius urbis Romae initii mentis aciem intendisse; ipsum vero usque ad altissimum caput Juris pervenisse, unde omnes legum civium nervi, et, ut ita dicam, sensus originem capiunt; eoque inspecto, leges veras de facie agnovisse, ac discrevisse ab assimilatis: caput, inquam, veri juris, in quo germanae Jurisprudentiae oculi micant, vidisse, sine quibus haec caeca est, et palpat in tenebris: nec alia ratione *divina avis* appellata est *Aquila*, nisi quia locis nidulatur celsioribus, volatque sublimius, et longe eminus cernit: similia in Auctore admirabere, si mentis acumen, sublimitatemque suspexeris, illamque ad aeterna et caelestia subvolantem. Quid, quod non suae mentis modo celsitudinem, acumenque ostendit, sed discentium etiam inertes, hebescentesque mentes, quasi ophtalmacis quibusdam pharmacis adeo acuit, ut remotissimam caligineque antiquitatis et aeternitatis offusam juris stirpem, claro cernere possint intuitu? A quo etiam medicamine Aquilam commendat *Ælianus*: Εἰ οὖν μέλιτι τις Ἀττικῶ τὴν χολὴν αὐτοῦ διαλαβὼν ὑπαλείφοιτο, ἀμβλυνόμενος

(a) Quod a Deo ad Deum *Divinum juris Universi Circulum* descripserit, Lib. I, Cap. CLVI; et Cap. ult. Lib. II, Part. II, Cap. XVI, et Cap. XX, et Cap. XXIX.

(b) Quod omnis Auctoritatis humanae Principium sit *Aseitas divina*, Lib. I, Cap. XCIII.

ἄφεται, καὶ ὀξύτατος γούν ἰδαίνετο τοὺς ὀφθαλμούς. Et quamvis nihil in Auctore fellei, nihil amarulenti invenias, inest tamen singularis ingenii acrimonia, quae aliorum ingeniis quasdam adfert utilitates illis persimiles, quas nostro corpori χολή: quippe frigida excalescit, ignava excitat, crudas incoctasque doctrinas digerit, expurgatque ab omni faece erroris et falsae persuasionis; unde valeant sanam inde haustam eruditionem in succum sanguinemque convertere (a). Accedit lepos, mellitusque stilus, quo quicquid in ejus erudito opere traditur, Attico melle conspersum dixeris. Pluribus fortasse, quam par erat, oneravi epistolam; sed quid sentirem de Libro, ut dicerem, efflagitasti: dixi ex animo, nec potui brevius. Caetera coram. Gratias tibi de mirifico munere maximas ago: salutem multam Auctori dicito. Vale.

In Antiniano Id. augusti MDCCXXI.

Signor mio, Signore e Padrone Colendissimo.

Oggi appunto sono sei giorni da che mi venne fra mani il libro di V. S., mio riveritissimo sig. Giambattista; e quantunque in tempo sì corto, anzichè letto, me l'abbia io piuttosto per grandissima avidità divorato; nientedimeno non fo dubbio di affermare, esser la vostra un'opera che appena crederanno i dotti, esser opera di un uomo solo. Se Voi alla foggia del Verulamio, imitata da molti del secol nostro, aveste disegnato soltanto il sublime vastissime argomento, pur sarebbe stata la vostra un'impresa degnissima di ammirazione e di lode: or che dovranno dire i Savj in veggendolo, oltre la speranza e 'l desiderio, a tanta perfezion condotto, a quanta è a voi riuscito di felicissimamente condurlo? Certamente, se l'invidia lor non torce il giudizio, dovranno tutti concordemente lodare e benedire il Signore Dio, per aver fornita la vostra mente di tanta luce che basta ad illustrare la nostra età, non che la patria nostra, e rendere a voi quell'onore che deesi a valentuomo benemeritissimo della Repubblica de' Letterati. Priego V. S., mio pregiatissimo Signore, a voler gradire questo mio schietto sentimento con quella generosità onde vi siete degnato di farmi il gran dono, e con esso la grazia di potermi giustamente dichiarare per tutta mia vita, ec.

Arienzo, 19 settembre 1720.

F. Bernardo M. Giacchi da Napoli, cappuccino (b).

(a) Ob Philologiam in genus Scientiae redactam. Lib. II, Part. II.

(b) Vir scientia, sapientiaque summus, ac proinde in Sacra Eloquentia doctissimi cujusque, qui eum audierit, judicio, incomparabilis.

Sig. mio, Sig. e Padrone sempre Colend. ()*

Per mezzo del signor D. Alfonso Carfora mio gentilissimo Padrone, ed estimatore assai parziale del valor vostro, mio riveritissimo signor Giambattista, mi fu reso giorni addietro il secondo libro della grande Opera vostra. Io l'ho letto con quel gran piacere che sentirebbonvi certamente tutti gli addottrinati, se usar volessero in leggendolo o di un tantino di ragionevol passione, o veramente di una indifferenza, fui per dire, affatto Scettica; imperocchè una delle due, se io non abbaglio, fa mestieri a ben ricevere e restar persuaso di certe verità, come sono non poche di quelle che Voi venite maravigliosamente dimostrando, opposte anche troppo alla comune invecchiata credenza, e a quella malnata ritrosaggine, che noi uomini abbiamo a disimparare con profitto e con lode ciò che dopo lunga stagione e fatica ci venne Iddio sa come imparato. Aggiungete, che essendo le tante belle cose, che Voi mettete in luce, sì fattamente infra di loro attaccate, che mal può dividersi il vero dell'una senza por gli occhi a quello dell'altre, uom che non abbia e ampiezza di mente per comprenderle tutte insieme, e la fortezza necessaria a tener giù l'audacia tiranna di nostre torte prevenzioni, difficilissimamente potrà formarne diritto ed uguale il giudizio; e conciossiachè ad assai pochi toccò dal Cielo sì bella grazia e ventura, ei non è quinci per niente da maravigliare, se pochi sieno gli approvatori della maravigliosa Opera vostra. Ma ben Voi, Signor mio, che siete savio non meno che scienziato, dovete soddisfarvi dell'approvazione di tai pochi, e in mancanza eziandio di costoro, soddisfarvi soltanto di voi medesimo; chè ben la Dio mercè avete in Voi solo di che pienamente esser pago e contento, cioè dire di quel gran fondo di sapienza verace, ond'è ricca la mente vostra col divino Genio di farne, qual pur ne fate, altrui graziosissima copia. Del rimanente io vi rendo, Signor mio, grazie infinite dell'onore segnalatissimo che vi è piaciuto di farmi del palesare al Pubblico l'unico pregio onde io vado giustamente altero di essere qual sarò sempre, ec.

Arienzo, 3 ottobre 1721.

Fr. Bernardo M. Giacchi da Napoli, cappuccino.

(*) Epistolam hanc Giacchius scribebat postquam Vicus Jus Universale atque superiores literas typis mandaverat. Gratum itaque ei se profitebatur quod estimationis suae testimonium illud in vulgus emisisset praecedenti epistola. Videtur tamen in VI collect. nostrae volumine epistolam quam ei scripsit Vicus VI Kal. nov. A. MDCCXXI.

Illust. Sig. Sig. Pad. Colendiss.

Il dottissimo libro che V. S. Illustr. mi ha fatto capitar nelle mani per mezzo di mio Nipote, mi è stato assai caro, perchè oltre l'onore ch'Ella mi ha voluto dispensare con pregiatissimo dono, si è compiaciuta altresì darmi l'occasione di approfittarmi in poco tempo di tante belle e nuove idee di somma sapienza. Per quanto ho potuto osservare in due giorni da che l'ho ricevuto, vi veggo per dentro un metodo Geometrico, col quale tratta di materie cotanto varie e difficili, le quali sono regolate da una vera e soda Metafisica, e spiegate in istile, a cui la brevità e l'laconismo, che usa, non toglie la chiarezza e la perspicuità d'intendere ciò che vuole esprimere, a segno che mi sono rallegtrato fra meco stesso dell'altissima riputazione in cui Ella è salita per tale Opera non men faticosa che dotta, ed in cui fa sormontare eziandio la nostra città sempre mai feconda di sublimi e divini ingegni, i quali in ogni tempo l'hanno resa celebre e gloriosa sopra le altre di Europa. Non mancherò di leggerla ordinatamente e con maggior attenzione per trarne quel profitto e giovamento che mi sarà concesso dal mio tardo ingegno, con comunicarla ad altri miei Amici, i quali su detta materia hanno buon gusto, e pensano assai bene. Per ora rendo a V. S. Illustr. le maggiori grazie che posso di sì raro e pregiato dono ch'Ella si è degnata di farmi, conservandogliene le mie grandissime obbligazioni, le quali non posso abbastanza spiegare. Intanto desideroso di qualche suo comando, le rinnovo l'eterno obbligazioni che le professo, e mi confermo per sempre, ec.

Roma, 13 settembre 1721.

Biagio Garofalo.

Illust. Sig. Sig. Pad. Colendiss.

Il nome del sig. Vico, il di cui merito nella Repubblica delle più erudite lettere è già in pieno possesso di una riputazione ch'è somma, non ha bisogno di esser lodato principalmente da chi non ha capacità per degnamente lodarlo. Io perciò consigliatamente mi astengo dall'esprimermi con sentimenti di lode intorno la sua dottissima Opera, perchè questa distingue col più glorioso credito il suo chiarissimo nome da tutti gli altri, che sono lontani dall'esserli uguali nel tanto sapere. Li restringo dunque solamente a renderle umilissime grazie per l'onore con cui ha voluto favorire questa nostra Biblioteca Casanatense alla Minerva, arricchendola col suo eruditissimo libro, che senza dubbio sarà un de' più degni ornamenti di questo Sacratio di lettere. Tengo per certo che i letterati di

miglior gusto uniranno coll' Opera l'avidamente approfittarsene. Quanto a me ne formo un così risoluto giudizio, perchè a così giudicarne mi obbliga il conoscerla, e giustamente ammirarla così ben ricca di profonda dottrina e della più scelta erudizione, pregi che s'incontrano in pochi, quantunque de' più celebri e de' più rinomati. Per tanto col solamente attestarle la più ossequiosa cognizione de' miei obbligati doveri, aggiungo il rassegnarmi, ec.

Roma, 27 settembre 1721.

*Fr. Tommaso M. Minorelli de' Predicatori
Bibliotecario delle Casanattense.*

FINIS TOMI II.

INDEX

<i>P</i> ROOEMIUM EDITORIS	<i>pag.</i> v
DE UNIVERSI JURIS UNO PRINCIPIO ET FINE UNO LIBER UNUS . . .	i
DE CONSTANTIA JURISPRUDENTIS LIBER ALTER	157
<i>PARS PRIOR.</i> De Constantia Philosophiae	161
<i>PARS POSTERIOR.</i> De Constantia Philologiae	179
Clarissimorum Virorum Censurae	395

ERRATA, quorum nonnulla in ipsa Auctoris editione inventiuntur, sic corrige:

Pag. 13 not. (*) lin. pen. absurdum	absurdum
" 22 lin. 9 corporae	corpore
" ib. not. (*) lin. 1 prodiderit	proderet
" 34 lin. 16 Legibus	in Legibus
" 36 " 10 apponantur	apponatur
" 43 " 8 <i>immutabilittas</i>	<i>immutabilitatis</i>
" 45 ad marg. lin. 9 propriora	propiora
" 48 lin. 28 civitates constituas	civitates constitutas
" 49 " 23 ubi	ibi
" 56 " 35 et	ex
" 57 " pen. <i>aequatirici</i>	<i>aequatrici</i>
" 58 " 29	adde ad marg. VII.
" ib. ad marg. ubi VII.	VIII.
" 64 lin. 17 Republicae	Republica
" 65 " 25 Romanas	Romanos
" 69 " 23 <i>raptio</i>	<i>raptio</i>
" 77 ad marg. lin. 25 Respublicae	Respublica
" 78 <i>ibid.</i> " 9 invictos	in victos
" 80 not. (**) " ult. sequiori	sequenti
" 82 lin. 18 quam <i>caerimonias</i>	quam <i>caeremonias</i>
" 86 " 33 et Patriciis	e Patriciis
" 89 " 12 respublicae	respublicas
" 95 " 5 Romani	Romano
" ib. " 8 Tribuni	Tribunos
" ib. " 10 Tribuni	Tribunos
" 96 " 29 Tribuni	Tribunis
" 99 " 27 <i>teneret</i>	<i>tenerent</i>
" 100 " 6 presenti	praesenti
" ib. " 15 Pilone	Philone
" 105 " 6 Poësos	Poëseos
" 106 " 6 it in illa	ita in illa
" 116 ad marg. lin. 20 juris, aequi nata inter Romana.	juris aequi nata inter Romanos.
" 128 lin. 40 Juris (4).	Juris.
" ib. not. lin. pen. (2) Ibidem. (3) Cap. CXXXIII, CLXV, CLXVI. (4) Cap. CLXI.	(2) Cap. CLXI. (3) Cap. CXXXI, CLXI, CLXV, CLXVI.
" 130 lin. 31 Jurisprudencia Atheniensis	Jurisprudencia Romana
" 132 " 18 gente	gentes
" ib. " 24 turpissimae	turpissime
" 144 " 5-6 <i>Senatusconsultus</i>	<i>Senatusconsulta</i>
" 146 " 28 quæsto	quaestio
" 147 ad marg. VII <i>Sectis</i>	VII <i>De Sectis</i>
" 176 lin. 26 sympathias	sympathias
" 178 " 6 quod sit	quod sit
" 197 " 19 <i>ut</i> aliam	aut aliam
" ib. ad marg. lin. 33 <i>domini</i>	<i>domini</i>
" 205 <i>ibid.</i> " 7 effulsi	effusi
" 212 <i>ibid.</i> " 9 omnes	omnem
" 219 <i>ibid.</i> " 1 <i>Linguae aliae.</i>	<i>Linguae aliae sapientes;</i>
" ib. l. 22-23 <i>Lacænae</i>	<i>Lacænae</i>
" 224 " 30-31 gentas	gentes
" 226 " 19 aquae	aeque
" 227 " 40 <i>Mercuriam</i>	<i>Mercurium</i>
" ib. " 41 <i>Phoenicia mari</i>	<i>Phoenicio mari</i>
" 228 " 45 aura	aurea
" 235 " 40 it aut	ita ut
" 238 " 7 <i>cocinnatum</i>	<i>concinatum</i>
" ib. " 31 vera	verae
" 239 " 22 <i>ποιοι</i>	<i>ποιот</i>
" 361 " 15 diversitatem?	diversitatem

INDEX

<i>P</i> ROOEMIUM EDITORIS	<i>pag.</i> v
DE UNIVERSI JURIS UNO PRINCIPIO ET FINI UNO LIBER UNUS . . .	i
DE CONSTANTIA JURISPRUDENTIS LIBER ALTER	157
<i>PARS PRIOR.</i> De Constantia Philosophiae	161
<i>PARS POSTERIOR.</i> De Constantia Philologiae	179
Clarissimorum Virorum Censurae	395

Pag. 13 not. (*) lin. pen. absurdum	absurdum
" 22 lin. 9 corporae	corpore
" ib. not. (*) lin. 1 prodiderit	proderet
" 34 lin. 16 Legibus	in Legibus
" 36 " 10 apponantur	apponatur
" 43 " 8 immutabilitas	immutabilitatis
" 45 ad marg. lin. 9 propria	propiora
" 48 lin. 28 civitates constituas	civitates constitutas
" 49 " 23 ubi	ibi
" 56 " 35 et	ex
" 57 " pen. aequatirici	aequatrici
" 58 " 29	adde ad marg. VII.
" ib. ad marg. ubi VII.	VIII.
" 64 lin. 17 Republicae	Republica
" 65 " 25 Romanas	Romanos
" 69 " 23 rapto	raptio
" 77 ad marg. lin. 25 Respublicae	Respublica
" 78 ibid. " 9 invictos	in victos
" 80 not. (**) " ult. sequiori	sequenti
" 82 lin. 18 quam caerimoniae	quam caeremoniae
" 86 " 33 et Patriciis	e Patriciis
" 89 " 12 respublicae	respublicas
" 95 " 5 Romani	Romano
" ib. " 8 Tribuni	Tribunos
" ib. " 10 Tribuni	Tribunos
" 96 " 29 Tribuni	Tribunis
" 99 " 27 teneret	tenerent
" 100 " 6 presentii	praesenti
" ib. " 15 Pilone	Philone
" 105 " 6 Possos	Posseos
" 106 " 6 it in illa	ita in illa
" 116 ad marg. lin. 20 juris, aequi nata inter Romana.	juris aequi nata inter Romanos.
" 128 lin. 40 Juris (4).	Juris.
" ib. not. lin. pen. (a) Ibidem. (3) Cap. CXXXIII, CLXV, CLXVI. (4) Cap. CLXI.	(2) Cap. CLXI. (3) Cap. CXXXI, CLXI, CLXV, CLXVI.
" 130 lin. 31 Jurisprudentia Atheniensis	Jurisprudentia Romana
" 132 " 18 gente	gentes
" ib. " 24 turpissimae	turpissime
" 144 " 5-6 Senatusconsultus	Senatusconsulta
" 146 " 28 quaesto	quaestio
" 147 ad marg. VII Sectis	VII De Sectis
" 176 lin. 26 sympathias	sympathias
" 178 " 6 quod si	quod sit
" 197 " 19 aliam	aut aliam
" ib. ad marg. n. 33 dominii	domini
" 205 ibid. " 7 effulsi	effusi
" 212 ibid. " 9 omnes	omnem
" 219 ibid. " 1 Linguae aliae.	Linguae aliae sapientes;
" ib. l. 22-23 Laeenaes	Laeenaes
" 224 " 30-31 gentas	gentes
" 226 " 19 aequae	aeque
" 227 " 40 Mercuriam	Mercurium
" ib. " 41 Phoenicia mari	Phoenicio mari
" 228 " 45 aura	aurea
" 235 " 40 it aut	ita ut
" 238 " 7 cocinnatum	concinatum
" ib. " 31 vera	verae
" 239 " 22 τῶν	ὑπο
" 361 " 15 diversitatem?	diversitatem



